


叢書集成續編

一七九

新文豐出版公司印行

叢書集成續編 第一七九冊目錄

文學類



詩別集——清

藍尾軒詩稿四卷·····	清	王毓麟撰	雲南	一
詩畫巢遺稿一卷·····	清	吳本履撰	靜園	五三
三槐書屋詩鈔四卷·····	清	金朝覲撰	遼海	六一
茶香閣遺草一卷附錄一卷·····	清	黃婉璫撰	三長物齋	一〇三
小清閣閣詩鈔一卷·····	清	倪玠撰	雲南	一三五
鄧虹橋遺詩一卷·····	清	鄧學先撰	雲南	一四三
穆清堂詩鈔三卷續集五卷·····	清	朱庭珍撰	雲南	一五三
紅茗山房詩存十卷詩餘一卷·····	清	嚴焯撰	雲南	三〇九
雙清閣詩一卷詩餘一卷·····	清	趙方蔭華撰	喜咏軒	三八九
聽春草堂詩鈔二卷附錄一卷·····	清	趙烈文輯	沔陽	四〇一
點蒼山人詩鈔八卷·····	清	周揆源撰	雲南	四二三
何竹有詩集二卷·····	清	沙琛撰	古棠書屋	五七一
夢月軒詩鈔一卷·····	清	何金堂撰	遼海	五九一
朱丹木詩集一卷·····	清	張玉綸撰	雲南	五九九
梅村贖稿二卷·····	清	朱慶撰	金陵叢書	六〇九
靜觀書屋詩集七卷·····	清	汪士鐸撰	貴池先哲	六六五
蟻餘偶筆一卷附筆一卷·····	清	章鶴齡撰	金陵叢書	七二三

雲南叢書集部之四十二

藍尾軒詩稿

共四卷

雲南圖書

館藏板

甲寅年刊

廣文瓊王渴園大令長卿孝廉尹退谷尙廉楊右
淇文源皆號斲輪手然訖未能出匏生右厥後十
年而余與家蓮槎孝廉濱古村上舍潛暨池簷庭
贊善生春負笈五華爭以詩文相切劘亦訖未能
出卽園右也卽園詩驚采絕艷奇氣橫溢於唐人
中自當與玉溪生杜樊川抗行匏生則月鍛季練
融冶功深古今體五七言高者不減王韋次亦在
大歷十子間吾滇比自先劉寄荈師主講五華提
倡宗風誘掖後進士之以詩來學者左準繩右規

藍尾軒

傳

三

矩其所成就校易若匏生退谷諸君當詩道絕響
之時崛起其間可不謂難歟匏生旣以庚辰歸遂
絕意仕進養老母授徒資艇脯以自給道光三年
癸未余三下第且悼亡歸見匏生益顛顛不自聊
嘗欲從人假數十緡仿鴟夷子皮種魚經希以致
富規條法式皆歷歷爲余言之卒無能以錢相借
者事訖不就彼其時雖詩壇酒坵往還者又踰二
寒暑而骯髒不平之氣已無復少時英絕泊余丙
戌三赴北時匏生奉太夫人諱鍵門讀禮余是秋

送家古村南還猶有寄懷匏生詩而匏生卒矣其
明年卽園亦下世卽園有子三大然卒之日母夫
人猶在堂匏生則母喪且未除竟無子豈不悲哉
余得交匏生旣卽園爲久然神間相聚先後兼及
八百日卽園則自丁丑戎真之凌交酒過從無虛
月卽園有所製余定之余有所製卽園定之存獻
替無雜阿也卽園中已卯副榜與余爲同年又與
翰庭及楊舟山同馬國翰皆出無錫秦琴山夫子
游起琴山師於戊寅鄉試充同考官得余卷於他

藍尾軒

傳

四

房重賞之促本房某公薦不應旣榜發被黜師遣
任來告余進謁師絮絮述之適余與卽園古邨舟
山翰庭有五子詩鈔之刻已卯唯古村不與試四
人者皆捷琴山師遂作五芝圖也卽園家校匏生
小裕其詩集若干卷已雕板行匏生詩曰藍尾軒
集茲恐其皆已佚散他日綱孫如不死當俟歸時
訪刻之

戴綱孫曰匏生卽園二君皆才士無異辭者然卽
園大不工書匏生則楷法殊精進以彼其能使得

排金門侍玉几給札上方珥筆承明雖未知其於
淵雲枚馬何如要固為度越尋常萬萬乃竟淪落
以死何歟雖然使二君皆不死幸且得第而所任
非其所習荆玉抵鵲干將補履徒役役焉俯仰隨
人則余以為死猶彼善夫才而不遇不遇而死古
今來何可勝道獨二君也耶

予前歲得李即園詩板藏之經正書樓今又得
王匏生藍尾軒詩板仍藏之經正書樓昔見戴
雲帆年丈味雪齋文鈔有匏生即園合傳一篇

藍尾軒

跋

五

因檢出刊之以冠諸卷首傳讀王李兩先生詩
者先閱是傳得其梗概焉按傳稱匏生窮死又
稱欲為之梓其詩而是板舊存戴古村先生家
與晚翠軒詩板尺寸相符且糝雜一篋中同時
為余所得則匏生詩殆古村先生為之付梓歟
抑雲帆年丈屬古村先生為之付梓歟未可知
也雲帆古村二公並與匏生為莫逆交匏生死
而為之梓其詩令人增友誼之重今二板並藏
一樓所謂兩美必合者爰題數語以志之光緒

辛丑五月昆明陳榮昌跋

藍尾軒

跋

六

藍尾軒詩稿卷一

雲南叢書集部之四十一

昆明王毓麟

五言古詩

感懷五十韻

日余質薄粘弱齡邁振拗五窮未暇送萬恨誰能
療蓬蒿翳閭巷門外迹如掃暗壁蝸涎篆空函鳥
雀噪綿力不任耕手足疲疲炮棄此事儒術詩書
固夙好稟質苦顛愚開卷輒曹眊窮年老佔畢譚
劣儕輩謂二十叨廩祿得米不盈笊阿母見頽白

藍尾軒詩稿

卷一

黽勉親井竈少婦無膏沐釵荆而衣縞終日把剝
鱗種蔬供采芼饕餮取足給敢復計精糙一稚蠢
無識啼飢復索鈔科頭暴烈日赤足走泥淖賤子
長太息撫躬徒自悼騎馬出門去寄食北山陬北
山何盤盤洞壑深窳篠灌木紛篔猷連峰莽奔陷
日夕景多陰狂飈聚鳴叫憂懷浩難寫登陟崇遠
眺南向望故鄉白雲隔遠嶠想像高堂人獨居憂
恨懊祚薄少兒息繞膝誰歡樂感此悲填膺破涕
不成笑竟夕掩關臥孤缸耿微耀獻嗜不可解

轉當誰告人生苦不齊豐殺異遲趨方圓任洪鑪

進止由短權惟茲窮達理亦視質所肖愚則困卑

栖智則策高蹈緬懷古昔人同趨不同調靜如潛

淵蚪動如食牛豹異彩珠媚川雄聲劍出鞘隆中

始龍臥蘇門終鸞嘯相如本颯爽曾連亦高妙黃

金季布諾冠玉陳平貌當其曲蟠時豈日殊風操

一朝際雲雷四海仰光耀康瓠棄道傍珊瑚登廊

廟嗟我竟何成悠悠虛壯少薄材不自拔心忤足

空躁顛頰無媚骨空勞合柄鑿譬彼腐草螢孤光

藍尾軒詩稿

卷一

二

難自照又如寒秋蟻私聲鳴泥窳鸞鳩未足鄙偃
鼠殊可做所志誠區區斃賢聊戀嫖大化本無常
人生幾幾辜名患不立窮通誰定料為歌極反
側因之自暗弔

戊辰秋闈謝石瞿舉于鄉喜賦即贈其行

憶昔總角歲各抱鸞騰志逸羣屬遠想放眼凌高

寄及爾共筆硯敦情切砥礪抽毫鬪奇險展卷析

疑義說詩與論文羊裘頗同嗜我家陋山麓君家

北城內山村十里餘日夕望君至上堂拜父母對

牀如昆季快作竟夜談雞鳴一燈對自謂盛意氣
青紫可立致崩波委顏景寒暑屢更替當年迫飢
寒瓶罄衣履敝役役斗升營瑣瑣齷齪累况復老
場屋三戰見顛躓歲暮一相見形容惜憔悴今秋
事文戰拔幟成一隊再衰三更竭敢誇奪趙幟歸
家困泥滓掩關終日睡夜深人語雜打門送急遞
入耳聞君名喜甚不成寐皇天具老眼肯使斯人
滯君比饋餉收我作鉛刀棄我身豈不切因君忘
失積讀書破窮達科目詎所計一薦雖未多庶慰

藍尾軒詩稿

卷一

三

老親意仲冬雪霜繁遊子將遠逝故人一樽酒款
語再三四勸子進一觴莫惜今日醉請堅白首盟
勸爾青雲器努力長安遊 皇州盛佳氣

寓居攻玉書屋謝石瞿見過共擷野菜作羹

對酒作

儒生謀生拙常恐飢寒促雖懷屠門嚼未割憂情
肉昨展東坡帖頗學飯蘆菹一飽固可營永慚負
吾腹謝郎喜望衡過我不須速淹留棄形骸粗糲
供脫粟寓居來荒園瓶罍乏旨蓄秋雨野菜繁滿

把擷新綠糝羹擬絲尊配鹽比幽菽雖缺調和理
亦聊充食錄薄酒既已陳高談轉相續因念我生
理造物本非感勞勞逐妄營裕壑難滿欲苟以知
止心隨地取自足何曾日萬錢下箸備水陸豈知
晚儉貴千秋美顏歌貧窮庾郎韭飢畫范公粥咬
根事可爲斯言勞三復

村夜懷陳鐵舫用韋韻

空村悵閒臥遠憶讀書客遙知戀清賞孤吟倚巖
石煙鐘發妙想蘿月伴深夕經旬無客來青苔惟

藍尾軒詩稿

卷一

四

鳥迹

圓通寺訪陳鐵舫不值小憩納霞屏仍用韋

韻

我來招提遊不見採芝客孤亭過微雨蒼苔滿幽
石巖高晚煙暝鳥下山徑夕獨坐聞清鐘歸雲去
無迹

奉和桂未谷夫子飲酒之作

清者名爲聖濁者名爲賢太初本無物斯名何有
焉我欲泯清濁返之混沌天萬象俱已滅一林猶

當前請從醉鄉人兀體同自然

輓轡詞

輓轡轉素綆轉多輓轡傷郎直如絲繩不知儂怨

郎解一儂心輓轡轉宛委牽長絲郎心井中水冷暖

儂自知二解莫解輓轡繩畱繫輓轡心寒泉不可竭

兩意終自深解三汲少井泉冷汲多井泉溫輓轡不

自轉溫冷誰為言解四

客中得友人書呼酒讀之不覺大醉率爾成

詠

藍星軒詩稿

卷一

五

遠與朋舊隔千里徒相思一朝得報書勝獲十朋

龜捧緘意珍重狂喜不自持呼童命罇酒再拜讀

其詞其詞何纏綿恍如面光儀一紙盡一杯一杯

復一卮書盡酒亦竭頽然臥空帷

村夜步月懷謝石瞿

明月出高嶺孤村鳴夜春散步踏清影草積煙露

濃移枝動棲鳥依牆吟病蛩微風起谷口遙聞煙

寺鐘暮茲良宵意永懷羊求蹤

六月朔十夜款莊里作

小園雨初止斷雲漏涼月流光照衣服清爽透毛

髮掩卷坐虛廊嬾漫腳不韞村火遠明滅風泉聽

恍惚草露止復滴幽蟲響還歇洗鎗自煎茶聊以

滌詩渴

歸化道中失路經村落甚幽

驢馬越長阪山行漸逼窄空谷不逢人飛雨衣露

灑桃花蔽岡巒紅霞漲無際前溪愈幽深突兀撐

怪石地勢忽開豁遙波映天白樵漁三五家把茅

自成宅當戶曬魚網就樹置豚柵炊煙急晚景柳

藍星軒詩稿

卷一

六

條弄春碧徘徊不忍去逍遙愜所適心疑避秦人

深居與世隔僕夫迷故道兒童問來客導我過前

嶺石徑絕行迹削壁倒巨浸驚濤日泐澗深林噪

鳥雀斜陽正西匿行行疲登頓出谷已成夕我馬

既苦飢我僕畏行役幸有微月光悠悠理輕策

周姬殉節詩

姬張氏幼以貧鬻於周氏長甚端謹周公

重選納之簾室是時公老矣姬事之廿餘

年惟善周公卒姬沐浴莊服吞二金環死

際入夜更清迥竹外僧房閉長歌振林谷高天正
秋霽雲淨星光多月黑磴道細龕燈懸孤影巖樹
辨微翳相對澹無言然膏成小憩涼葉墮秋夜流
螢入衣袂坐聽城上鐘靜境生遙裔

長干行

郎從何許來白馬如龍驥錦勒開七寶華纓爛生
光妾停黃犢車郎駐紫遊韁邂逅通一語車馬胡
倉皇昔居長千里甲第遙相望郎年正三五妾齡
十四強兩小絕嫌猜陌上嬉春陽截竹當驛裏同

藍尾軒詩稿

卷一

九

舟下橫塘橫塘有好鳥毛羽五文章驚起東西飛
迴旋復雙翔感此結同心願上合歡堂贈我同功
綿報以雙羅囊羅囊貯迷迭襲人懷袖香袖冷香
未歇歡緣遠乖張可憐蓮並蒂化作花斷腸去年
破羞面嫁得東家王東家感門戶連雲開堂陸冠
蓋蔭數里笙歌沸兩廂一奴持鏡屨二奴擎履箱
行步不自勞肯使拂枕牀富貴豈不赫故心終難
償因君感疇昔疇昔焉可忘情深理難越淚下霑
衣裳

夜宿山寺晨歸屬目

我家山前居更就山中宿愛茲好風月清賞良夜
足晨興躡歸屐林巒麗初旭澗芳襲蒨蔚飛嵐染
衣服林深人不逢潺潺但幽瀑出谷道未遠炊煙
起茅屋

山寺夜歸柬楊謝二子

看山不知晚相送日已沒主人興未盡清嘯激林
樾空山四無人耳目曠幽絕石橫湍瀨響路轉松
風歇幽行忘近遠遂詣鄰僧刹僧離汲山泉煮茗
供我啜既欣石上談復此溪前別歸來掩蓬華寒
燈坐明滅惆悵夜鐘時共此山中月

藍尾軒詩稿

卷一

十

酬謝石瞿津門見懷諸作

別鶴感驚弦愁聽哀雁鳴孤客行掩耳怕聞斷腸
聲憂端一相觸刻去還復生與君俱落魄萬里逐
公車龍門不可上退為失水魚一身既踰躓百事
多鉏鋤同作長安客不共長安居引領望津門得
君尺素書聞君駕輕舟兩槳層冰蕩身入玉壺裏
心光皆晃朗水木助明瑟雲煙增泱泱嘉遊忽念

我咫尺不同賞復聞昨宵夢與余攜手歸彷彿到
故園剝啄開荆扉上堂不遑語跪奉慈母衣一
翻驚覺寒燈照孤帷感此發悲歌詩成寄京國開
緘四五紙心酸語悽惻我讀未終詞淚滴不可
塞人生幾少壯貴得行曾臆栖栖今何為有動苦
通仄念君心所悲自知我心苦形影兩乖違不得
言肺腑徒作斐麟虻乃吳車依輔何時百畝田
耦耕溟水濱關河永削跡無作行路人

借居螺峰書舍謝石瞿枉詩見贈用韻奉答

藍尾軒詩稿

卷一

十一

僑居來城市愛此修竹林叢篁翳白日苔徑長陰
陰意外獲幽棲愜我泉石心故人謝夫子總角聯
清襟時著一兩屐竹間來相尋呼兒具樽酒杯盡
還自斟情親忘爾我興發無古今涼秋苦泥濘獨
坐愁陰霖君詩破沈疾贈我孤懷吟高懷自騰
吾意方陸沈人在貴知己曠代牙弦音

秋日閒居柬謝石瞿仍用見贈元韻

昔我寓茲園新篁未成林十年冷復來杉梧垂濃
陰歲月徒老大回首驚寸心憶昔重九日獨坐結

憂襟若攜一壺酒來茲就我斟遺新林下拾野蕪
難逢壽茲事感陳迹俯仰成昔今佳節今又過山
城暗秋霖好約黃花節更唱黃花吟百年少良會
萬事悲銷沈眼前且為樂身後誰知音

諸葛洞灘

亂山莽攢簇扁舟無出處一嶂劈蒼壁萬流此爭
注飛湍苦激薄怪石故抵捩兩捍勢不下誰敢櫻
其怒舟師勇且捷見險竟輕赴放舟白羽疾一發
不可住持篙如審的毫釐豈容誤言遲覺更速將

藍尾軒詩稿

卷一

十一

避必姑遇轉振俄頃間去之如脫兔前行愈逼窄
幽險不知數蒼藤百尺垂老樹孤根露倒影見驚
猿飛空酒瀑布標奇與固愜蹈險驚已屢出峽喜
平流輕楫柳鷗鷺

下第後寄鄉中親舊

暖坂置郵丸雞馬引勁羽欲留不可得當機非自
主丈夫生當戰有家豈遠處間關踏風塵苦志迫
身神從來西江水不測湘潮激鱗撫鬚私自惜孤負
長安春長安珍貴族意氣恣遨遊冠蓋蔭浮雲車

馬若川流胡爲佳麗地斯人獨沈憂朝登黃金臺
迢遞望鄉里萬里安能歸淚隨柔乾水

七言古詩

蔣烈女五首

烈女廣南府人字同里歐陽興通未嫁而
通卒女欲奔喪守志父母固不可女曰然
則使吾一見小姑可也父母佯應之小姑
者興通女弟也女怪其久待不至一日則
盡檢其所爲錦繡繡帶之屬而裂之遂飲

藍尾軒詩稿

卷一

三

酖卒距興通之死蓋十日也同里趙君惺

齋徵及拙作因賦此以褒之

蔣氏女許身何太愚雖有絲蘿綠未拜翁與姑雖
有箕帚盟未成婦與夫胡爲乎蘭摧玉碎捐其軀
出者奴之入者主世情衰薄何足數君看苦節出
閨闈誰道生男勝生女泰山重矣鴻毛輕一朝許
身遠如許嗚呼蔣氏女

妾身許作歐陽婦誰其主者妾父母一身既屬歐
陽子嫁纓繫後心先死耳內惟聞歐陽名那識紛

紛張與季生雖不識歐陽面泉路茫茫終相見重
泉不曉天昏黑妾身輾轉在郎側

望小姑小姑不至胡爲乎願妾一心抱區區小姑
與郎聯骨肉妾見小姑如見夫吁嗟小姑何不來
萬轉千迴直不得至今抱恨無人識

開篋檢舊繡淚下如綆糜上有共命鳥雙栖連理
枝豈期中道兩崩析一朝雄去遺孤雌持刀含淚
裂殘片碎錦零香委歷亂可憐決絕在今宵不向
牀頭理金線

藍尾軒詩稿

卷一

四

一杯酖妾今與爾相爲命閉影空帷人不覺引杯
自酌壺旋罄酒入迴腸腸寸裂滿腔化作啼鵲血
金爛石枯印隴平此血入土千年熱

題畫綠萼梅爲楊燕齋

么鳳夜啼春光浪鶴膝枝撐如立鐵竹影蕭蕭苔
漠漠流水空山意幽絕第一仙人萼綠華雲軒夜
降半權家碧玉條脫紺珠珥翠簪斜縮雙鬢丫珠
宮半夜思仙籍碧落天長去無迹羅浮道士酒醒
時月落參橫情脈脈

元夕獨坐感賦

冰輪碾破碧空出正值春城燈火溢踏歌士女鬧
如雲墮翠遺香歡笑密弦管聲繁玉漏稀銀花火
樹爭春輝樓頭合宴坐來久月下聽歌歸去遲遊
情似海春無價競說年光爭此夜愁人獨坐感今
昔抱影哀吟依茅舍前年騎馬滿滄濱山花亂點
征衣塵去年削削博南道思君淚灑悲晴昊今年
歸臥山中宅月冷花殘情脈脈三旬坐度可憐宵
在家情性轉如客我生偏覺憂思多春風歲歲愁

藍尾軒詩稿

卷一

去

中過惆悵今宵一輪月明年對爾知如何

送趙萬船歸點蒼瀟船名蓮永平人先子門

人也

點蒼蒼蒼十九峰拔天神秀天所鍾祝融不蝕太
古雪銀光冷壓青芙蓉君家住近蒼山麓
徑杉皮屋日出煙消林鳥鳴開戶山光紛滿日我
昔西來遊君里歲歷三渡瀾滄水看山已飽愛山
心就中更喜識吾子風塵獨立鶴娟娟意氣適上
無回旋天涯兩度得握手細奴城邊春可憐誰知

入事成蹉跌三年頓與青山別遺恨深填漾滌江

壯遊失卻蒼山雪西風巖桂花如霞一別一歲一

相見頭顱老大轉癡頑乞食年年抱鏡視今君將

歸不可留剩欲匹馬從君遊白雲飛去望難極翹

首點蒼雙淚流

聽煮茶歌

寒夜酒渴自起煎茶聽沸鼎聲初終鉅細
撇蔬百變難齊光天輒莫能狀也作歌以

述其略

藍尾軒詩稿

卷一

去

玉鉤昏黃星斗斜小窗竹几聽煮茶輾轆素縷汲

寒井蟹湯滿注堆雪花烏金細琢煨榻榻鷄毛轉

雪風初發悄悄兀兀靜無聞俄如歌女吟復歇中

有長號如寒蠶孤鳴似怨秋宵涼候復蠧聚競喧

擾密脚春割聲爭房火光燄燄紅舌吐古鼎欲翻

聲莽鹵雲巖洞洞近飛泉銀竹森森來白雨瀑泉

雜雨鳴嗽槽松風萬壑吹刁鐃子規裂竹援嘯樹

蒼龍怒捲湘江濤戰車萬軸走拳礮陣雲漠漠連

天高兩軍相憾怒筋決霜矛鐵馬羣奔逃天籟

吸氣獨王叫謔笑陵迭爲唱相煎乃有不平鳴頓
令頃刻殊萬狀倚聽移時吟吻渴綠塵且向瓊甌
潑不待舌頭滋味回新蟾脈脈高城沒

春睡曲

燕釵墮股拋盤雲紅酣綠困迷春醺瑣窗啼鳥弄
清曉踏折花枝呼不聞春慵一點濃於水斜背枕
屏嬌不起箇裏風情有誰知蝶魂偷入吳宮裏殘
脂圓注朱龍格修眉宛宛湘煙薄一任偷窺作畫
圖黃金壓扁釵頭雀眼波半露身微轉侍兒扶起

藍尾軒詩稿

卷一

七

花猶軟斷夢零星定所思一窗紅日梳頭懶

爲家大人謝顧蘋生山長惠酒

冷官好飲老成癖覓酒真如索靈液移封那得酒
泉郡痛飲欲隸糟邱籍此鄉惡酒不可沽薄於世
僧酸於儒杖頭百錢空復爾風光憶殺黃公壚願
家虎頭醉鄉主乞我雙罍如雪乳開罇一醉杏花
前東風落盡燕支雨

典衣行

拙儒醫貧勝醫國百孔千瘡補不得十日春寒磨

竈空稚子淒涼少顏色日暮歸來還自憐蝸壁四
顧徒森然殘書數卷不堪煮空囊羞澀無餘錢夜
吟莫厭春衣薄盡篋窮搜歸典閣得錢暫博眼前
歡一束質帖常局鑰西風冷入嚴霜辰閉門楫柁
煨溼薪敝袍揖客露兩肘殘衫藍縷污黃塵昨來
更作舌耕計手指口畫枯右臂故物一一猶堪贖
終歲經營月不足衣回金盡囊又空甕底依然無
斗粟朝來轉轆鳴飢腸人間那有餐石方高歌大
笑出門去仰看天際飛鴻翔

藍尾軒詩稿

卷一

末

落花芳草天涯圖爲楊初園賦

中庭桃李花吹散落西家西家遊子歸未得含情
獨立悲天涯天涯處處多芳草春風無那催人老
送盡班騅去不還客程卻憶江南道江南風物總
堪悲六代繁華非舊時瓊枝冷落蕃釐觀苔蘚荒
涼江合祠三月草長清明節行人又向江頭別惆
悵東園一樹花幾得罇前醉香雪落花如雪不聞
聲惹袖霑衣似有情豈知客恨無消歇一夜還隨
春草生春草生春日暮花搖搖下芳樹遠遊到處

只消魂年年杜宇催歸去

從謝石瞿處借觀朱丹木詩草攜歸竟為人

取去恐石瞿見責並無以復丹木也因成

長句報謝若兼廣朱君之意

人間珍物出非偶得之往往難為守譬如欄河大

寶珠見者能無按劍石若君健筆高凌雲不與餘

子較升斗昨者一卷乞諸鄰頃刻傳觀驚左右清

韻敲鏗玉在懸麗句絡繹珠貫紐誦之萬遍不忍

釋臣在下風甘頰首豈知殊味有同嗜轉眼已落

藍屋軒詩稿

卷一

五

他人手乘間取鄆多陰謀此事定知為誰某漫賦

早啓朕篋心補牢悔出亡年後寶玉竟遭陽虎竊

嗟爾典守敢辭咎亡弓固知為楚得宛壁何能免

趙負君不見僧繇畫龍破壁飛張華寶劍出匣吼

本來神物非近翫什襲猶為不廋走朝來走簡報

謝君以此詩寄吾友卑詞為請君無嗔得失須

為塞上隻眼看傳寫徧人間一朝膾炙并人口

題萬香海芒鞵尋春圖

東風詠蕩吹香陌浪草繁花爭弄色長安市上馬

如龍中有一人神靜默袿衣芒屨兩條然有似孤

松鬚千尺少年俠遊豪貴地意氣干霄作虹霓浪

瀾紅紫足平生不惜千金買一刻歸來十載住家

山東風冷落揚雄宅僅僕荒涼羨琴愁閨年屢笑

滿腹春熙熙苑楛雖集人猶惜我欲從君踏芳草

定費平生幾兩屐拂面紅塵前度來桃花應識元

都客尋春何處春偏多流光不待將奈何願君常

作東風並花前大笑同高歌

藍屋軒詩稿

卷一

五

春日過卽園見劉二丈寄菴錢回丈芷汀去

冬看梅之作因賦長句呈二老人竝寄李

古亭唐二南

太懸首重劉與錢詞壇流播多名篇遺宗文采誰

繼作吾鄉二老稱最賢劉侯天機尤警捷大波軒

起生瀆漩老幹槎羽倚絕壑輕鴻矯健摩穹天錢

侯識高鑑裁密稱多量少工磨研滂葩盡掃愛古

淡清幽既竭精堅生面各關意象別獨造要同

歸自然天教二老振風雅袖簪早遂而紫綠登壇

旗鼓健無敵適章往往驚少年唐三輕脫饒膽氣
麤韃敢與相周旋自嗟後起才力薄看花屢避文
酒筵殘冬霜高萬木落南枝萼遊陽春先卽園梅
花那可數株株歷亂撐寒煙竹杖鹿裘二老子打
門剝啄來花邊疎枝低映兩白髮暗香冷撲雙吟
肩徘徊嘯詠逸興發對花索句飛蠻牋新詩脫手
字字好移罇更醉梅花前我來名園又一時青梅
尙小綠陰圓壁間忽覩二老作使我誦嘆開雙額
想見掀髯意自得淋漓興湊霜毫顛細字么磨凍

藍尾軒詩稿

卷一

三

蠅小老筆點綴春芳妍豈獨興概謝流俗亦覺杖
履皆神仙高年樂事兩難得逍遙二老真天全吁
嗟李郎好護惜佳話留待來茲傳

春日訪李占亭留飲卽園醉歸奉柬

客居懷景物登樓望春色春興忽飄揚逍遙何所
適平生李郎足高度尋君獨向城西路相揖一笑
兩忘言殷勤畱向花間住花陰寂寂禽鳥喧齋頭
有酒盈清罇躑躅似火照眼熱青梅如豆垂枝繁
看花只惜春難畱一日歡笑一日愁三萬六千那

可必少年意氣覺悠悠與君細細傾春釀客懷暫
喜得疏暢有花有酒復對君手把一杯何可放我
本不羈人君懷更磊落狂歌放論兩何款形散神
清心自樂羨君閉戶多閒時名園水石涵幽姿醉
眠一任啼鳥喚吟成只許明月知君勸我飲我不
辭我亦勸君飲一卮眼前行樂須自惜身外浮名
徒爾爲我生百事行相違今朝一醉惜芳菲飲罷
惆悵還獨歸夜深醉向樓頭宿夢裏重來款竹扉

晚入圓通寺後禪院坐瞻嘯巖下

藍尾軒詩稿

卷一

三

老藤如龍一百尺平地擎空上青壁濃陰倒覆石
上亭滿地苔花綴煙碧鈴鐸不語晴無風城頭落
日林梢紅山僧齋罷起禪誦木魚響答空山中棲
鳥啞啞爭選樹冥色蒼然不可住山後松門夜不
關幽人自來還自去

秋日東家渴園時移居螺峰

故人久作江海行海上孤雲日夜生故人今作鄉
山歸征塵未浣客中衣人事十年嗟異路鴻自西
飛燕南去破窗風雨一燈寒回首蒼茫讀書處君

今卜宅城東住舊雨停雲幸相遇共向螺峰借一枝
兩家相望門前樹過飲何愁妻子嘆傳詩不如
蒼頭誤眼前況是中秋節深巷泥乾風雨歇浮煙
靜場青天高桂子吹香滿溲次清樽料理未須遲
共坐螺峰看明月

過碧曉精舍將訪西山太華華亭諸勝阻雨

弗克回舟望西山作

我生癖有山水好青鞋處處窮登眺十年夢想結
西山醉裏出門向西笑且喜扁舟續勝遊雲山夙

藍尾軒詩稿

卷一

七

約酬江鷗天公豈解遊人意凝風滯雨埋清秋空
向碧曉咸信宿打鼓回帆一何速寶山身到仍空
回猿鳥多情笑入俗山光搖漾雲水開輕棹回望
生徘徊雲中睡佛遠招手似惜遊人歸去來遙思
離情結江樹江草江花動酒湖爲謝山僧掃石苔
留我他年題詩處

倪竹泉給諫宅較射分韻得果字

先生幾載直青瑣佩玉雍容氣礪柯羽獵賦就明
光前千目傳觀萬口哆從狩高騫赤豹車乘傳快

駕青雀舸竹泉去歲遊濟南舊在遠九龍池青楊門巷識

何妥歸來賓從日紛紛說劍談詩滿高坐暇日悠

遊樂事多賭勝分籌張射深弓滿忽驚月影彎羽

幼不愁風力發發機命中爭一得抱卵附枝愁無

那激髀屨聽鐵鷄鳴破的先驚懸鵠墮奪錦才欣

得意回曳白枝晒操觚左看君戲劇亦風流肯學

談天矜炙轍我聞選士重澤宮此事習之自習著

蓬矢桑弧志四方要令殺敵能致果余生自笑身

手拙學劍學書無一可讀書苦作號寒蟲把卷終

藍尾軒詩稿

卷一

七

管伴燈火虛名徒愛豹皮甯壯志空存馬革裏敢
望由基貫七札已愧坡翁射兩筈因君更起見獵
心頗使豪情增吸峨醉歸狂舞夜燈前蔗竿權作
鐵骨柔

歲晚三無詩和程叅余作三首

無錢

上清童子不相顧負鬼挪揄塞前路朝來檢點趙
壹囊青蚨飛向誰家去男兒磊落驅七尺百萬何
足當一縷纏腰耐懶是何時眼前有貧救不得學

士空誇萬選青世情已覺雙眸白亦知阿堵豈足
貴難免逢人低氣色勸君無錢莫咨嗟清風明月
猶堪賒眼前幸不歎羞澀空庭笑對金錢花

無米

空倉啾啾鳴飢雀三日飯中塵漠漠瓶空疊罄羣
鼠走一筐更向誰家索平生讀書復何用硯作石
田那堪種五斗空憐陶令腰一囊翻羨侏儒俸人
生溫飽何足計口腹偏爲壯軀累粗糲難充腐
餐餐飧漸短男兒氣辟穀好乞仙人方屑玉爲糜
石爲糧永教下士忘飢渴不向人間謀稻粱

藍尾軒詩稿

卷一

五

無酒

平生壘塊澆難平海水願化醞醪傾豈知一醉竟
難得醉鄉虛領封侯名頭上葛巾慵不著甕邊閒
卻鷓鴣杓一斛蒲萄何處求四座賓客慘不樂秋
宵明月春宵花對之欲飲誰能賒焦肺渴塵苦蓬
勃枯腸芒角空槎枒君不聞畢卓左右願常持季
鷹一杯思及時人生無酒有何樂空張醒眼愁妻
兒

立春後三日飲劉二丈寄菴山長齋中始賦

梅花分韻得出字

一冬嚴寒風冽深閉門日日空抱膝牆東梅老嬾
於人蓄豔含香不肯溢吟懷花事久遲回菜甲攢
辛又人日腰鼓亂打春如雷芒神笑送土牛出便
覺木梢暖氣回漸看凍草金鉤茁梅花雖嬾肯後
時一衣寒枝破芬苾位置羣花頭上開花情更比
吟懷疾寄菴老子老多情愛花愛詩兩無匹邀客
共作梅花詩要與東風爭暖律春甕初開茶初沸

藍尾軒詩稿

卷一

五

人影花香亂書室莫辭杯乾旋旋添醉來好試吟
春筆

李占亭招同劉二丈寄菴謝石瞿趙子穀家

渴園張雲卿卽園賞梅以流水今日明月

前身爲韻兼仿禁體

名園前度曾歡遊壁間壞墨詩仍畱

甲戌曾會此
分韻爲詩

春風到眼一回首年光驚似頽波流李郎高趣真
莫比日日清吟梅花裏愛客金樽不肯空相邀但
覺情如水憶昨梅花時曾作梅花吟今日非昔日

看花酒重斟東風昨日花又發花兮何意分昔今
揭來入春纔五日六街燈火遊人密佳期良會兩
難逢置酒高歌百憂失酒客對花雙眼明花逢酒
客猶多情亂萼繁香吐攢簇苔枝鐵幹相撐橫芳
心那待凍雀噪寒枝竝謝遊蜂爭主客相歡興飛
越清罇徐引清談發紅燭燒殘意未厭不覺青天
有明月明月如霧花如煙玉山欲倒春風前輕寒
惻惻夜悄悄深宵不放花枝眠我身願作梅花身
精神不老花千春六千三萬皆佳晨狂歌痛飲花

藍尾軒詩稿

卷一

三

不嗔似聞梅花相笑語賴有風流賢主人

昆明王毓麟苑生

五言律詩

寒夜獨坐

枕簟迎寒早深宵不寐情殘燈秋夜思斜月草蟲
聲舊業孤琴在新愁寸火生小窗吟興苦嗻嗻曙
雞鳴

種菜

長鑿白木柄種菜小園阿露甲疎能長秋瓜老更

藍尾軒詩稿

卷二

一

多力耕吾道在小摘故人過草具還堪給艱難望
匪他

夜宿龍泉觀

坐見羣峰暗琳宮夜未扃虎行山月黑龍臥水風
腥星斗諸天近鐘魚下界聽幽潭誰敢照風雨著
精靈

菜海子春望

佳節近寒食風光正水邊汀鷗翻落景溪柳亂春
煙寺占湖心窄山圍郡郭圓桃花如勸客買酒惜

韶年

秋郊夜歸

遙野山全淡平田水亂流露明沙草溼風定稻花
抽釣艇寒多火江湍冷帶秋誰人愛溪月獨上大
橋頭

悲秋

秋興亦何苦哀吟萬感生塞鴻疑有淚落木苦多
聲浩蕩關山眼蕭條天地情南來問三楚羽檄尚
徵兵

藍尾軒詩稿

卷二

二

永豐寺夜坐

香界清鐘歇危欄獨夜凭溪風鳴敗葉寒月挂高
藤悟句如參偈忘機好伴僧霜宵誰補衲遙見竹
房燈

懷郭凝軒姊丈

寒食傳鄉信歸期九月初眼穿衡嶺雁未得薊門
書旅服京塵滿秋風木葉疎天涯欣共聚應話故
山居

夜宿山寺

膜授松下寺苔徑人深林月冷樓烏夢燈明古佛
心亂泉喧梵唄疎磬谷孤吟欲和南猿偈信根臺
未深

自松影寺過華亭寺

杖策穿松竹幽行不惜遙鐸鈴鳴靜籟橫閣出層
霄花氣薰僧衲泉聲入竹寮晚鐘漁火亂門外正
迴潮

將之永昌諸友送至柿橋口占留別

行李上扁舟蕭條極此遊故人今日酒前路幾程

藍星軒詩稿

卷二

三

秋落葉催征騎青山抱驛樓明朝孤店夢已隔水

西頭

出老鴉關

路抱孤峰起雲穿一線通山形獅口惡地勢犬牙
雄亂石崩秋雨迴谿吼大風征行殊未已心折見
驚蓬

經蘭谷橋讀楊升菴先生采蘭引有懷

往者不可見流風猶至今爲讀采蘭引永悲遷客
心山川變古昔泉石憶登臨日暮前途遠迷津且

獨尋

淨蓮寺小憩

馬足隨雲上征塵入積嵐滿山寒葉響一掬石泉
甘野色開孤郭峰陰抱古龕聊將塵土足跌坐向
瞿曇

雨過迴燈關

撥霧行難進泥深路百盤破關圍亂嶺滑坂下飛
巖水蓄山橋斷風欺馬骨寒也知今夜宿那得夢
魂安

藍星軒詩稿

卷二

四

秋日楚雄道中

圻堠寒雲外人家野水邊聽蟬愁落日策馬渡流
泉客路千峰繞鄉心兩地懸故園好時節杯酒菊
花天

雨中山行

愁絕滇西路一秋風雨深磴危疲馬怯山黑瘴雲
沈野店杉皮屋寒煙栗葉林不知何處宿悽斷暮
猿吟

博南晚眺

亂山愁薄暮寥落幾人家火盡荒城草烏啼舊縣
衙晴霞明似燒霜葉遠疑花且醉博南酒提壺莫
厭賒

月夜

滿目悲蕭瑟空階倚獨吟青天今夜月客子故鄉
心角咽荒城閉蟲鳴廢圃深長愁歸路遠入夢費
幽尋

永平秋晚

吟眺傷心數天涯意若何故人千里別鄉夢一秋

藍尾軒詩稿

卷二

五

多路塞榛蕪長城荒牧豎歌異鄉無所識朝暮絕
經過

野步

久霽嫩寒消尋詩過野橋水煙當柳重花氣上衣
驕命屐青莎軟封題錦字遙客心與春色鎖日總
無聊

縣署後園

官署原相近荒園細路通柳陰涼有露花氣靜無
風促夜鼓三轉含雲月半弓袷衣春帳臥別恨一

宵中

永平縣

市遠人煙少山深落日紅牛羊高嶺見禾黍一城
空瓦落荒園雨花殘破廟風蕭條已滿日薄暮更
鳴蟲

寄郭凝軒姊丈書

一別不相見三年作遠遊人歸滇國夢書到薊門
秋時滯功名薄鄉遙兒女愁思君勞北望何處有
高樓

藍尾軒詩稿

卷二

六

別永平

有家分兩地去住一身難欲慰慈親念翻違老父
歡久遊荒故業薄計戀微官馬上雙行淚淒其不
忍彈

喜至家

夜夜還鄉夢今朝始是真一家無八口兩地奉雙
親室暗蛛絲網書埋鼠跡塵自知桑梓樂不敢怨
長貧

寓居攻玉書舍

數畝荒園內蕭閒稱卜居新移數叢菊借得兩瓶
書石冷蛩吟細苔深客過疎草元香豈敢莫認子
雲廬

九日喜謝石瞿攜酒見過寓居

客裏誰相問勞君送酒來一樽同令節百歲幾衡
杯世態黃花笑年光白雁催壯心當落日欲上最
高臺

秋闈報罷閒居感懷

文字知無用琴書且自隨秋燈閉命酒夜雨獨題

藍星軒詩稿

卷二

七

詩夢戀歡場熟名慙壯歲卑不堪三載計又過菊
花時

贈謝石瞿

我已慙疎拙君猶嘆滯沈交遊十載舊貧病一秋
深作計悲長劔移家典廢琴窮愁休見賦人世重
黃金

寓齋偶成

名心消已盡灑落氣初增對菊重陽雨聽蛩半夜
燈還山慙見鶴出戶喜逢僧終買臨溪宅閒收十

飲

自貽

鼎志經三北長年送五窮苦吟毛穎秀好客酒賦
空落拓從人笑疎狂怕禮攻何如閉射鴈春水竹
枝弓

五華書院秋居

未暇憂貧賤高歌亦自狂米鹽生計拙書劔壯心
長藤荔埋秋屋莎雞近古牆空齋無長物坐臥一
匡牀

藍星軒詩稿

卷二

八

倦夜

倦夜中宵起嚴寒逼酒濃月光射星漢霜氣壓城
鐘帳動來飢鼠窗虛曳病蛩閉居厭文史望古愧
三冬

秋日歸民別業寄懷石瞿

下馬訪幽跡到來多隱情樓虛數峰碧山靜一蟬
鳴溪雨秋田熟村春石瀨清何年共棲息倚杖課
春耕

楊丹亭屢詩見寄因答

我性苦迂直多君常見容家貧憐作客別久憶相逢醉遍聞新曲譚深續夜蛩西山秋買權應得放吟曾

謝揚舟亭惠墨

遠惠兩險麋開臧喜動眉難尋報稱物只寫寄君詩飲水吾原慣磨人古所悲從今吟更苦染翰足吟資

懷謝石瞿

負郭君家宅相尋跡已重蕭條誰作計嬾漫不爲

藍尾軒詩稿

卷二

九

容別業貧來廢新吟病後慵秋風且高枕莫自嘆龍鐘

春遊二首

楊柳楚腰輕桃花怨臉明美人成獨往好鳥總含情遊徑迷芳草春塘聽早鶯千金心賞薄脈脈悵平生

春思多駘蕩春郊踏豔陽鳥能催酒榼風解弄衣香粉蝶花情豔青驄客意忙何從向東帝畱著少年場

春雨擬義山

急雨喧幽思春愁注遠江遙憐文杏館正掩衛孃窗斷夢憐珠箔輕寒怨晚釵玉腰香蛺蝶今日莫成雙

春閨詞四首

本自邯鄲女纖腰鬪舞長地帶蠲忿草人住得憐堂鳥學簾間語花窺鏡裏妝春來歡笑足盡日只依郎

睡穩春禽喚妝遲侍女催架懸鸚母睡簾捲鼠姑

藍尾軒詩稿

卷二

十

開玉鏡迷鸞影金釵撥麝煤年年雙蛺蝶芳興未曾灰

粉膩初勻指歌生未試喉初邊春檻曲月下繡簾

鉤戀惜朝來夢思量勝處遊黛蛾曾不感只解爲

花愁

繡閣葳蕤鎖香車宛轉輪年華如不老情性總宜春妝豔隨時好歡多逐日新定知添吉語蟾子上紅巾

春宵遣興

簾影動斜月花陰生暮寒愁邊孤燭短吟後一鐘
殘芳序閒偏惜羈懷醉暫歡春來問何似驗取帶
圍寬

登大觀樓

一掌中流地危欄四望開波搖樓閣動山展畫圖
來去鳥隨雲沒孤帆帶日回頻遊見興廢感慨獨
銜杯

與客登永豐禪院小憩

自喜村居近山中得與客看雲起幽石掃葉坐平

藍尾軒詩稿

卷二

十一

臺花影半廊日禽蹤滿院苔清談不知罷薄暮梵
鐘催

山中晚歸

落日滿空山幽林人未還歸雲去杳杳流水聽潺
潺鳥下孤峰暝煙深一磬閒不知村路遠乘月叩
柴關

村居雜興七首

宅近青山下歸來理故畦歡隨僮隱母笑對耦耕
妻窗冷添新竹壁昏失舊題資身求要術須參祝

翁難

早讀龐公傳遺安愧此身桑麻人事拙雞犬野情
親蓬戶終無累青山不笑貧何須具冠帶恰稱小

烏巾

蟲聲三徑草蝸殼一間廬益益充家具薪鹽備野
餽詩成從友定筆退與兒書莫笑山妻拙瓜田伴
荷鋤

上方尋竹看鄰舍乞花栽入世爾何拙居山養不
才漁簖春更理蠶簡夜還開城市休投足吾生信

藍尾軒詩稿

卷二

十二

草萊

座有催詩鉢囊無賣賦金客來嫌屋小秋近愛山
深取醉添新釀忘機蓄素琴酣眠一生足紅日滿

高林

穠蔭雲榻臥溫燄日近檐澗松澹雪長畦菜著霜
甜酒趁梨花歷年從野草占誰言巢許潔聊可溷

閨閣

誰蹈煙霞迹焉農樂盛時道惟求我場貧與住山
宜避筍斜開徑澆蔬小鑿池晚來衡宇寂篝火課

癡兒

春思

魂薄隨歌斷詩狂逐醉題屏深春宛轉帳冷夢淒
迷花豔常疑語禽嬌不解啼誰能將燕子同作畫
堂栖

遊近華浦

十里城西路風花滿眼吹綺羅嬌麗日簫鼓鬧業
祠客醉歌船重僧貧水閣敲青山無恙在來往惜
年時

藍尾軒詩稿

卷二

三

擬義山促漏

促漏初催夜華燈迴照憂婦娥空自好湘女正含
愁鳳宿秦簫冷雲迴楚夢收銀灣纒咫尺欲渡悵
悠悠

客至

報客芻尼喜歡聲屋角聞貧居宜此地遠訪愧諸
君村釀沽新秫溪蔬翦嫩芹盤餐能共飽何以答
殷勤

書至聞丹亭已歸詩追送之一首

客久歸仍好交深別自悲那知寄書日正及到家
時苔沒半尋碣煙荒阿禱祠還從調餽暇訪古一
題詩

何處君家宅青山我舊看滿城點蒼雪終日照人
寒木落聞高枕秣肥饌晚餐洱河春水漲好把釣
魚竿

客居中秋對月感賦

十載中宵月全家幾度看可憐遊子淚無計向人
彈夢與銀河遠愁隨扇影團秋風強難別誰奉北

藍尾軒詩稿

卷二

四

堂歡

圓通寺晚憩

孤亭倚蒼壁蓋瓦古藤陰峭石生秋色空山長道
心松杉寒有雨鐘磬晚多音欲讀磨巖碣苔深字
半沈

地僻

地僻容高枕經旬少客過懶知逢世拙貧覺受恩
多暮雀來深竹陰蟲覆淺莎從知求點志終是愛
煙蘿

移館後寄永豐寺主

住山能幾日幸不負佳辰與鶴閑終日同花醉過
春來多山犬熟交淡野僧真亦欲中峰頂常年老
此身

有感再疊前韻

自笑多狂興花辰併酒辰能閑皆厚福難買是青
春入世知才短逢人畏我真泥龜欲曳尾放浪任
吾身

過湧泉寺

藍尾軒詩稿

卷二

七

石路經秋雨松門遍碧苔無人泉自落得食鳥常
來地僻多靈草林香辨早梅終緣愛山色欲去復
徘徊

夜至山寺

前溪見明月正照溪上峰一路踏松影半山聞夜
鐘林風搖佛火花氣撲吟筇回首下方路暮煙深
幾重

題錢芷汀四丈初芷圖二首

去住真無累翛然萬里身山川豁骨臆書劍老風

塵梅福官難達淵明歸更貧一編誰楚橋遺愛漢

江濱

獨種懷芳草孤雲共此心楚山高不極湘水宵然
深冥物耽微尚披圖見素襟滄浪有漁父鼓柁和
長吟

秋思

物態多搖落秋懷客思重野風吹蟋蟀清露冷芙
蓉舊業山中廢新吟病後慵夕陽蕭寺近日日坐
聞鐘

藍尾軒詩稿

卷二

六

客中秋興

不知經世策生計託高吟作客添新恨看雪憶故
林燈昏逢酒渴簞冷覺秋深惆悵溪西寺松原獨
自尋

春日偶作

豪吟與醉哦一半惜春過樹近鶯啼久夜深花氣
多閉窗朝臥酒燒燭夜聞歌不負韶華意還思奈
樂何

菜海子夜歸

清絕一天景歸遲得細看城鐘敲月落潭水浸星
寒葦亂風初起荷衰露漸乾水亭僧語歇沙鳥上
關干

寒夜

寒宵更清迥小立思依依滿地梅花影一庭斜月
暉星光明近郭霜氣冷侵扉繞樹憐烏鵲無枝何
處飛

雨夜宿僧寺

孤客共孤燈深宵睡不能卻聽今夜雨愁對白頭

藍尾軒詩稿

卷二

七

僧雲溼松門黑泉鳴山谷鷹驚猿啼未歇時撼一
枝藤

菴中讀書和楊丹亭楊曉林

枕上朝眠懶聲聲聽木魚雨窗蕉映紙風檻鳥窺
書佛共深宵坐僧分半榻居清齋三百日且翦小
園蔬

夜話

夜話侵宵永秋鐘佛寺催棊聲燈下落茶味枕邊
回院靜蟲初歇窗明月漸來經時塵不掃卷帙幾

曾開

客誦石瞿見懷之什漫成賦答

名念年來遣幽居我漸能身負心近道吟苦句如
僧地溼嫌秋雨花明愛夜燈只憐談興減歡笑乏
良朋

寄贈陳二丈春和兼以壽之二首

數載登堂願心隨南翥鴻締交憐小阮偕隱羨龐
公禮法歸時望衣冠見古風粉榆訪清德輿論一
鄉同

藍尾軒詩稿

卷二

六

杖履日悠然神全厚得天林園方適志花鳥自忘
年元鬢從高尙青雲屬後賢何時與諸子同拜綵
衣前

春日寄懷石瞿時就館湯池

歲歲常傷別今年更遠離歡無相見地貧少在家
時獨坐應懷我吟成卻共誰他鄉一罇酒又負賞
花期

湯泉寺訪楊右淇不值因成小憩

不見林栖客高齋竟日鳥長廊掩苔色幽鳥下空

庭池漲連朝雨山留一院青寺僧殊未出獨坐
殘經

春日官舍樓居

暖意今春早春衣減敝裘漸知爲客
肯作對花
愁得句還題壁看山不下樓城中夜聞笛風月興
悠悠

春日小飲澤香書屋贈同學孫楊二子二首

同硯猶今日恩息二十年壯懷空自爾回首各茫
然世路艱難共青春感慨偏慈親都已老努力繼

藍尾軒詩稿

卷二

五

先傳

且盡罇中酒休孤此日春黃金難適意白髮漸催
人到眼溪山好多情兒女新浮名竟何用奔走愧
儒巾

奉和謝石瞿書懷元韻五首

寥落共誰識閉門車馬疏名心三十後客味一年
初潤跡衣從破干人刺嬾書此身籌去住終日意
踟躕

異地終何補流年恨轉加征衣慈母線鄉味女兒

茶見月思尋友逢春憶
天涯
欲遣思鄉意其如歸夢何交遊京洛少風月故山
多命背行無主愁深睡有魔從他書帙亂已厭事
編摩

百緒中宵集寸心誰與陳九州空有路萬里更依
人歲歉愁鄉井家貧負老
閒身
蓬戶知難守他鄉又憶歸此身翻自笑何地可相

藍尾軒詩稿

卷二

三

依鶴病少閒態雲孤無定飛庭前看老樹羨爾得
春暉

春暉

秋夜對月寄謝石瞿

萬里同浮迹天涯又索居相思多少夢只寄一雙
魚體冷秋衣薄身輕客棗虛昨宵憶親淚應是對
蟾蜍

酬謝石瞿題寓齋之作

閉戶多幽意荒園草木深生非廊廟器詩得古人
心掃迹慙充隱資身托鈍吟眼前期自適誰暇問

升沈

五言排律附

詠淚

點點復淒淒中銜無限悲併將千古淚都作兩行
垂腸斷泉俱涌心傷血竝隨感深知己日怨極背
人時事或關忠孝人多怨別離貯來應變海隨處
尙畱碑舊迹惟衣覺新痕只鏡知寄波傳遠夢和
墨寫相思夜透降羌甲朝霑寡女絲有情爭不哭
長恨亦成癡似雨來天上如珠灑路歧窮途方痛
藍尾軒詩稿 卷二 圭
定誰又向隅爲

七言律詩

昆明王毓



二月三日春遊甚盛東謝寶林

十丈遊塵漲碧霄，筍輿爭路玉驄驕。
庚郎袍袖遊春草，盧女雲鬟壓翠翹。
滿樹嫩晴初著柳，一溪新水欲平橋。
風光到眼須成醉，蠻榼清罇肯待邀。

山居春日

板扉長閉少人過，村巷朝聞鳥雀譁。
小雨釀寒添

白袷新晴催暖上，桃花泥融燕子新增壘。
蜜熟黃蜂未放衙，老瓦盆中無限酒。惟將一醉答年華。

九日楚雄道中寄懷昆明諸友

一程斜日思悠悠，佳節無端逐轉蓬。
樹帶晚輝孤驛外，人鞭匹馬亂山中。
黃花無賴欺愁眼，烏帽多情障曉風。
寄訊登高故園者，莫囊詩好定誰雄。

大理懷古

牢鎖龍關霸業雄，紛紛割據一朝空。
峰連積雪寒今古，湖打荒城失段蒙。
鐵劍已銷慈善骨，遺碑猶

弔樊王宮唐冢，戰土留荒冢太息新豐折臂翁。

無題五首

一曲淒涼唱可哀，罇前明月冷蒼苔。
君未邀靈石三生笑，枉費璇璣八斗才。
淚盡竹斑原是血，心燒香字總成灰。
此情更與何人說，獨向東風泣幾回。
愁城欲破不端倪，桃葉歌中怨解攜。
天上何曾無破鏡，人間不信有通犀。
新詩和淚燈前續，好夢如雲覺後迷。
寂寞猩屏秋漏永，寶香燒盡怒猿猊。
乍喜香車似水來，綺窗一夜戰輕雷。
燈迷好夢呼

難醒雲翦離魂去，不回共住此生難。
見面相逢隔世也，憐才春蠶化後絲長在。
那得芳心似死灰。見後先愁別後難，雲屏斜背一燈殘。
海填精衛情難死，月照方諸淚不乾。
憶久轉教新夢滅，猜深翻擬舊盟寒。
病中莫在流蘇字，不耐尋思宛轉看。
折卻歡緣恨轉新，河陽愁鬢又經春。
望穿可信魂俱斷，別久原知夢不真。
夙世也應名蜀魄，今生只合種湘筠。
絕憐金縷銷香夜，在負崔徽待月身。

正月十三日晚行宿三陽里

亂山行盡見平蕪路細林深日已曠犬吠溪流月
在水燈紅村店酒當墟征衾半暖來寒夢羸馬長
嘶倦夜芻紅杏花前獨惆悵故鄉今夕正歡娛

喜入永昌

征途瘦卻舊吟身疊水重山怨苦辛夢裏怕聞三
井路馬頭驚見九隆春花光豔豔紅燒屋柳色依
依綠送人未入郡城先一笑六街燈火晚來新

永昌懷古

風煙莽蕩暮雲平南走哀牢瘴水橫戰骨銷殘諸
葛壘霸圖荒冷細奴城碧雞祠廟空神祀元鳳弓
刀怨遠征世代蕭條陵谷異登臨不盡古今情

題舊館宋氏主人壁

烏奴歷盡馬啼塵又向天涯作主賓三載重逢如
戚舊一燈相對話酸辛花間啼鳥聲偏熟壁上詩
痕墨尚新到處自嗟成散聚茫茫鴻爪憶前因

登永昌城憶昆明諸友

獨來金齒悵登臨落日高城起夕陰樹色青連平
野暗花光紅鎖寺樓深風煙盡惹傷春日朋舊聞

牽望遠心誰與同攜一樽酒易羅池水照清吟

夜思擬義山

瑣窗岑寂掩芳叢燕噤簾垂語不通苔井牽絲閒
玉虎蘭釭挑燼落金蟲鏡邊瑞雪愁清夜夢裏巫
雲待好風更到城烏驚曙起天桃泣露粉垣東

官舍閒居

閒花開盡燕巢初寂寞衙齋閉戶居對酒細刪吟
後草憶人重檢寄來書綺情漸埽遊春嬾野性難
馴見客疎夢想山中好風物貓頭筍長正堪鋤

北山書感

平生不愜旅遊心迴谷荒谿歎滯淫霜冷寒鴟啼
古廟風生飢豹吼空林人來遠道書難達山近孤
村日易沈寄食此身歸未得空憐越客動哀吟

東村卽目

丹黃楓柏飽霜痕煙火蕭條自一村天外亂雲催
暝色林間栖鳥鬧黃昏趁墟人散鴉爭食荷畚僧
歸犬吠門獨立橋頭聊寓目客心孤絕共誰論

送王渴園移家之楚雄

山川賦詔漢唐餘，古偏宜詞客居。馬上詩成風
樹晚，雁邊秋。老菊花初蔕，柳圍圍。徑惟栽竹，惠子移
家只載書。別後杜門勤著述，元文應出子雲廬。

與鍾治亭茶海子小飲

一陂春水浸玻璃，瓊筍如錐亂萑泥。深巷風微來
社燕，迴汀草短睡焚雞。溪童把釣魚竿小，野叟當
墟酒屋低。醉後因君狂盡興，思將粉壁掃新題。

登西山三清閣

牢懸飛閣瞰迴汀，一壁西南削翠屏。雲去下方成

鹿尾軒詩稿

卷三

五

白雨石撐天半倒，空青嵐光曉。霽迷朝日水色秋
澄浴，眾星莫向高巖吹。鐵笛恐驚波底老龍聽。

吳道人石室

鑿險真疑鬼谷開，空中彈指現樓臺。斗龕飛向雲
頭結，線路橫穿石腹來。遠浦煙消帆似葉，驚濤風
捲雪成堆。此身穉米浮無著，莫訝瀕池小似杯。

春日東程訪余

小桃紅亂柳婆娑，風信忽忽幾度過。少年華難
再得，芳時惆悵更如何。花間斜月窺窗久，城上春

陰接水多翻欲與君拚，一醉襟頭新酒嫩。於鷺

贈楊丹亭即送其歸二首

樂事歡場更後遭，相逢莫惜醉醅陶。吟深斜月侵
孤枕，客久遊塵污敝袍。貧裏論交情自別，燈前說
劍氣猶豪。愛君慷慨還相慰，休把閒愁續畔牢。
燈火西林共幾春，肺肝披豁見天真。與緣得酒狂
如我眼，爲看山冷過人壯。歲無成甘落魄，窮愁有
氣總精神。故園十畝桑麻地，好爲歸耕奉老親。

鹿尾軒詩稿

卷三

六

雌蝶雄蜂喜欲狂，彩雲樓閣豔羣芳。酒痕纔蘸燕
支暈，羶炷晴薰髮。青妝吟就詞頭羞，爛漫舞成垂
手笑。郎當名花勝事都堪畫，一榻茶煙道士房。

北城安阜舊行宮，太息繁華一夢中。古冢夜深狐

拜月荒林日落鳥呼風，草埋廢堵草眠碧。血染春
花寂寞紅，絕代豔魂應飲恨。玉魚銷蝕墓田空。

妙高寺

層巒疊障碧從龍，寶界香臺出遠空。寺古松杉

歲月僧閒鈴鐸話天風蒼藤雪覆猿洞幽澗花
迷虎豹叢我亦平生貪佛日欲將無漏叩生公

贈錢十景山二首

風情標映古梁州二十陸機愛遠遊羣從謝家推
羯末新詩大厯重錢劉瘴花如錦邀吟筆蒼雪飛
寒上綺裘聞道使君敦伐木不教詞賦憶登樓
知君住近蘇臺下文物山川六代誇綺歲才名便
蕭灑清時門第最高華聽鐘夜泊楓橋月蠟屐春
尋鄧尉花他日倘爲吳市客賃春須訪伯通家

藍屋軒詩稿

卷三

七

秋闈被放後送趙秋舲昆季歸思茅

交遊謬許接金昆愛殺姜家布被溫文戰頻年同
落魄離筵今日又消魂檳榔渡口銷秋瘴貝葉林
中足夜猿歸侍鯉庭知更樂還山余亦杜蓬門

攻玉書舍寓居頗饒勝槩

草深梅古石谿訝半頃荒園十畝瓜過客低徊憐
好竹居人瀟灑對秋花殘燈燄短閒譚鬼宿火爐
溫聽煮茶日日不愁供具缺長鬚僕在酒堪賒

九日村落閒行

佳節還容稱意行村寒雞犬晝無聲丹楓葉亂斜
陽動白鳥行低秋水明衰草一童收晚犢清霜幾
戶翦新杭登高戲馬渾無興遮莫黃花笑客情

過晉寧喜逢李堯尊景陽昆季夜話

童遊回首猶堪憶魚鳥蕭條見面稀別後親知驚
半在舊時蹤跡已全非青山有興難高枕元鬢無
成未釋衣煙月滿城都似夢一窗燈火話依依

菜海子晚望

岸巾獨立小橋頭柳外斜陽半晌留晴浦稻香吹

藍屋軒詩稿

卷三

八

滿路晚山嵐氣逼城樓眠沙白鳥閒欺客照水殘

蓮冷耐秋風雨不來重九近曹家新釀正盈觴

款莊里

禾黍盈疇萬戶屯幾家煙火亂黃昏水聲不斷常
隨馬山勢微開偶見村野槿疎籬通笑語綠陰深
巷散雞豚他年結屋栖陽羨記取孤峰正對門

水里張氏居

茅茨星散數間廬斤竹嫵媚繞徑疏山斷恰容流
水過地坳剛可一村居臥溪苔釣牽牛渡對岸瓜

田喚婦鋤長日不驚清夢穩松陰深護滿牀書

題東村野老壁

蔬畦豚柵面前軒霜栗風樓共一園牆後青山低
壓屋村前流水正當門白頭久已忘州郡黃犢今
看長子孫公稅早輸農事畢甕頭臘酒正盈罇

謝石瞿移館楊氏園頗饒花木之勝因題奉

贈

名園花事正春分勝槩今年卻羨君竹下題詩刊
翠墨花前敲枕夢紅雲生風茶喚園丁煮對月香

藍尾軒詩稿

卷三

九

教弟子焚況有主人能好客連牀躡酒愛論文

寺居和趙蘭完

閒身真合住禪關野性麤疏似石頑不擬今年負
春色果然雙眼飽青山香鬘有月宵長坐幽徑尋
花晚未還勝槩漸多塵槩少龐公何事入城闈

寺居偶興寄石瞿

杉堂靜掃絕埃塵禪院移居已浹旬村釀買來添
酒醉好花看後惜濃春新詩不厭吟成癖是事都
嫌絆著身只有謝郎同此意東風相見苦無因

寄懷楊丹亭同年

幾年游迹遍滇圻三載音書見面稀詩句喧傳朋
輩口酒痕狂逐舞人衣魚羹入饌春調餼竹筍侵
階畫掩扉敲枕點蒼山色好清吟送盡幾斜暉

喜丹亭過訪留宿菴中話舊作

清吟選許借蒲團斗覺離愁一夕寬舊日青山憐
共住今宵明月好同看別來篇詠高無敵貧裏交
遊聚卻難前事老僧能說似破菴風雨一燈寒

今春許與謝石瞿別三月矣未獲一見昨枉

藍尾軒詩稿

卷三

十

來章憮然賦答

尋春未得竝吟鞍對月相思獨倚欄春色漸深三
月近名花已是二分殘本來如意事常少莫怪同
心見亦難幸有新詩能代語與教吟就便傳看

憶菜海子水亭寄雨菴上人

清明寒食恩恩過不到溪亭又幾時吟就荷花還
欲笑來多鷗鳥不相疑橋邊細雨敲魚艇柳外微
風颺酒旗寄謝蓮池老禪伯西軒山色最相思

憶近華清

西城煙水浸城根岸柳蕭疏接浦門曉霧乍收千
嶂出白波無際一樓吞葑田亂割基枰碎葦岸遙
迷釣火昏塵事經年罷登眺扁舟閒繫賣魚村

憶太華諸勝

嵐光水色故依然回憶前遊十五年樓閣盡開濃
翠裏人家多住落霞邊山連修竹行逢寺帆帶斜
陽坐見船好卜升菴祠伴宅一筇常結往來緣

出都

單車驚馬意荒涼春盡都門樹色蒼萬里鄉心隨
落日一條官道傍垂楊身留異地偏無著路到歸
時覺更長回望金臺還獨笑風塵贏得去來忙

藍尾軒詩稿

卷三

十一

過湧泉寺從楊右淇小飲

今年強辦一身閒來往相期水石間幽澗有時同
試茗長廊終日飽看山巖花對客渾成笑鱗酒逢
君且破顏清興綿綿不知罷鐘聲薄暮卻催還

宿湧泉寺與謝石瞿楊右淇夜話

林下歸僧早閉關疏燈人語翠微間月將松影鋪
空地風遞鐘聲出斷山貧臥尚憐知己在勞生能

得幾時別明朝又逐栖禽動回首良宵一會慳

下第南歸別在京諸同年

莫笑連宵動旅愁行裝只賸去年裘才名敢望同
婁護款段翻宜逐少游萬里歸心懸馬首百年生
計在漁舟故人穩著青雲足共住層城十二樓

梅雨連旬杜門不出頗愜素心用成長句柬

楊右淇竝寄謝石瞿

塵累一旬因雨斷閉門翻與素心諧甕留餘酒還
成醉廚有山蔬好作齋竹筍掀泥侵小徑苔花逐

藍尾軒詩稿

卷三

十一

日上閒階新晴又動尋君興卻費山妻製蘇鞋

寄贈喻霽堂

西南隱吏幾人知墨妙風流冠一時出郭有山行
信馬放衙無事坐題詩祿能養母何嫌薄官在宜
民不厭卑聞道平生足高誼碧雲千里寄相思

春日題印曦小園

天桃紅爛柳扶疏背郭誅茅小結廬煙月別開三
畝地芳菲全占一家居竹間留客妻調饌花裏尋
師兒抱書欲闢菟裘共君隱買山無力愧何如

郡樓居寄李占亭二首

閒坊塵少稱幽居況有名園可結廬竹下親調慈
母饌花時常翦故人蔬家饒別業供生計身有長
才足著書一半春過不相見高樓懷望日躊躇
月過小堂吟足思烏啼朝枕睡侵辰已無塵事惱
幽夢定有新詩惜好春弄筆學書憐稚女對花淪
茗倩姬人年來寄食朱門客羨殺郎君自在身

山居言情寄友人

失計還歸畎畝居素塵侵滿案頭書吟毫退後詩

蘆尾軒詩稿

卷三

七

篇少客宴貧來酒盞疏磯上野禽看把釣煙中田
叟共攜鋤生涯莫道多蕭索已種秋園百本蔬

壽劉太夫人

寄菴先生母

早見丹綸下九天白頭萊子賦歸田三朝坐見昇
平日百歲看過耄童年共說閨中稱老福何曾天
上有神仙更欣劉向傳經暇身領門生祝耆筵

李占亭招同劉二丈寄菴謝石瞿嚴秋查即

園賞梅分題二首

隴頭回首又冬初世外相思我共渠幾處寒雲知

好在一年花事近何如空山悵望因成夢老鶴

勤為寄書茅屋三間香雪裏底教吟醉慰離居

半在松邊半水邊縞衣清冷定誰憐香魂彷彿疑

為雨月白淒迷欲化煙驚斷只愁吹玉笛飛來應

是伴胎仙不知一覺羅浮後更得沈酣幾度眠

都門九日感賦

客裏逢秋意自哀況當佳節重徘徊金樽誰鬪

連飲黃菊從教爛漫開蹤跡頻年鷗易泛音書故

國雁難來愁中欲破登高眼何處為尋郭隗臺

蘆尾軒詩稿

卷三

七

都門秋日卽事

九衢塵土熾冥冥紙閣筠簾戶畫扇萬里客愁新

鬢短一秋鄉夢舊山青雨中葉攪空垣樹燈下風

搖白塔鈴書就平安情轉切幾時驛使達家庭

九日感舊寄懷謝石瞿竝東家渴園

前年爛醉黃花酒曾向螺峰最上頭滿眼風塵同

作客無邊雲物又經秋歡場回首方知惜佳節懷

人倍惹愁共此相思不相見天涯何處倚高樓

客中感興

欲托青雲未有因，短衣半染六街塵。秋空雁響思千里，客館燈寒夜一身。訪舊易逢同病客，憶歸偏別故鄉人。長安情味知多少，不敢分明報老親。

客中獨坐，歷憶往事，悽然成詠。

童遊歷歷記當年，廿載心驚歲月遷。身世蒼茫誰自料，頭顱老大已堪憐。養親敢戀家中樂，餬口全無郭外田。況是一雛驚謝後，門庭今日更蕭然。

都下戲作寄故鄉親友

與君約略說京華，景物無多氣候差。晴日不消千

藍尾軒詩稿

卷三

七

戶雪狂風忽捲，一天沙。春衣纔解，先愁熱秋序。都過未見花雲水，登臨詩酒興。從來那到五侯家。

都門感興

曉陌緇塵十丈深，長衢車馬勢駸駸。功名未了英雄夢，風月無關富貴心。浮世春消雙白鬢，朱門日費萬黃金。腐儒自笑身何補，人海端居學苦吟。

與葛香海贊府夜話，卽送其之官江西四首

早歲才名動上卿，讀書端不愧家聲。笑談妙得風雲氣，騷雅能兼綺麗情。萬里封侯空壯志，千金載

悔前盟，相逢話盡酸辛事。殘火荒雞夜幾更，

傾城誰使怨無媒。驥足終羈百里才，作客窮途原

易感。求官末路亦堪哀。林泉入夢生涯薄，花鳥關

情短髮催。此日最憐同病者，爲君歌罷唾壺摧。

征軺今喜出長安，身世牢愁且暫寬。古有才人嫁

厮養，何妨名士困卑官。宦情似水閒仍好，客路無

金別亦難。領取貧交相望意，春風惟有勸加餐。

枳棘還看集鳳凰，南州贊治得仇香。人瞻寶氣知

龍劍，客趁神風過馬當。江上舊遊棠蔭綠，腰間新

藍尾軒詩稿

卷三

六

綬菊花黃遙知吏散，哦詩處槐竹閒廳白晝長。

送陳厚之隨侍京華

季方名譽早翩翩，陳寔諸郎總象賢。爲客山川當

勝地，趨庭桃李正芳年。月明官閣尋詩坐，花滿湖

亭被酒眠。他日向禽遊志在，憶君還上剡溪船。

聞楊初園下第仍南遊

花滿長安無限春，天涯十載滯斯人。渥洼久擬收

逸足，東海何因泣困鱗。才不逢時雙鬢短，身常爲

客一家貧。相思信斷金臺遠，那得同君話苦辛。

山館秋夜

山扉靜掩晚涼新坐近花叢露溼巾
半夜空庭獨有月一家修竹四無鄰
林間犬吠驚遙火屋角蛛絲網舊塵
不厭浮沈甘放迹栖栖贏得暫閒身

九日招同謝石瞿家渴園祐亭螺峰書舍後

園登高作

青山佳處作壺觴縱飲高歌樂未央
風雨不來秋正好黃花無恙酒仍狂
休將元鬢悲生事難得清罇共故鄉
時渴園將赴補入都不盡登高今日意亂鴉聲裏

藍尾軒詩稿

卷三

七

又斜陽

普賢寺後塔院登眺

寺僧希有起塔以埋殘經

苔磴陰陰上翠微香臺塵淨埽應稀
殘經歷劫埋孤塔古佛無言對落暉
石檻高凭千樹出暮角輕曳一帆歸
湖波不動晴霞起漁舍人家漸掩扉
和倪竹泉給諫遊近華浦大觀樓疊壁間石

撫軍 文景 韻四首

閒憑雙槳到湖干水國秋光正好看
浦樹黃垂斜日外漁煙青出遠林端
山迎舵尾哦詩好人坐船

頭載酒寬莫為登臨歎搖落敗蘆衰葦一橫攢

亭亭樓閣碧宵于無限青山倚檻看壞壁題詩入

幾在高樓懷古事多端風帆遠帶斜陽沒秋水頻

添野漲寬吟眺晚來應更好又魚幽火數星攢

幽懷無事可相干醉詠都憑野鷺看偶買漁舟遊

得得不須歌舫載端端詩同黃鶴留崔顥山似屏

風寫范寬更喜今年秋熟好封田如野稻芒攢

稜稜風節凜難干惟有青山帶笑看草奏霜寒白

簡外題詩秋上彩臺端長江到處吟懷壯故里歸

藍尾軒詩稿

卷三

六

來酒戶寬舊夢揚州應更好春風郭外綠楊攢

碧曉精舍拜楊莊介公畫像二首

四圍薜荔掩雙扉破瓦殘垣認舊基廢院已無栖

主地空廊猶贖置田碑祠田置於康熙間碑為范制軍承勳撰西山

正近毛公宅明侍御毛公玉亦居碧曉騷雅當囑屈子祠終古

昆陽池水在清波長為照鬚眉

批鱗遺直憶當年牙笏緋袍貌儼然韓愈文章留

海外賈生涕淚盡生前三刀夢繞峨眉月九死魂

消瘴嶺煙誰使窮荒推著述平生心力費丹鉛

閒居書感

嘗遍天涯作客愁此身默計總悠悠雲霞無路尋
三島聲價何人動五侯貧態祇增僮僕慢豪情空
憶管絃遊縱教強遂平生志歸去青山笑白頭

螺峰書舍歲暮書懷

柴門日日閉蒿蓬山館人稀院宇空百事蕭條悲
歲暮一甕冷落笑冬烘荒齋鼠攪尋詩夢古樹鴉
啼掃葉風坐到燈殘爐燼後寒衾如水臥如弓

客中早起

藍尾軒詩稿

卷三

七

檐端月落帶霜棱急攬征衣冷似冰四面曉雞啼
不斷一宵鄉夢去無憑年光冉冉侵殘臘星飯恩
恩對曙燈行盡公安三十里野煙消盡日初升

和唐錦溪病中雜感元韻四首

齒髮蕭衰老病侵寒蟲何計息呻吟人逢窮路真
堪哭鬢戴愁山也不禁埋地祇憂雄劍缺澆曾莫
惜酒杯深子桑閉戶兼旬日秋雨誰人裹飯尋
少年誰信此年窮鐵羽偏遭退鷁風名利要津難
策足文章末路未收功登龍競說為魚好類狗難

嘗畫虎工怪道行吟澤畔客幾思呵壁問蒼穹

書空咄咄效深源骯髒從來合倚門傀儡行藏非

自主蓼蟲辛苦向誰論漫隨子幼歌行樂敢設韓

侯解報恩大地埋憂竟何所卜居先訪莫愁村

無計為資七尺身辦香何處禱錢神名場厭鬪蝸

牛角苦海長吹野馬塵頭惱龍鍾還自笑肺腸宛

轉太難伸願君掩口無多語我亦頻年潦倒人

波光激灑照晴軒楊柳高低覆寺門遊客來多溪

藍尾軒詩稿

卷三

十

路熟野鳥眠久岸莎溫一年春色又寒食三月風

光欲斷魂難得今朝共佳節澆詩須買酒盈罇

山中春日招謝石瞿

提壺終日野禽催眼見春光爛漫回池水綠平雙
燕喜山村紅簇萬花開待消身事何日了須信年
華不再來試共田家作寒食豆羹芹飯白醪杯

龍女祠

雲衣露冕碧煙鬢侍從威儀拱玉顏何事桂旗離
水府至今霓節駐人間靈光共說驚童豎仙駕誰

憑識珮環奏罷神砂巫女醉門前落日滿空山

醉中感懷

不將世味薄今人豈有儒冠解誤身白雪不饒頭
上髮青雲孤負眼前春醉抽匣劍心猶壯閒檢詩
囊業未負莫笑尋常多酒債百年身後有誰親

傲裘

毛脫蒙茸半不全論功今日忍相捐每緣佳客當
春典曾與姬人覆夜眠征路兩衝燕地雪吟窗常
擁曉霜天旁人莫笑拋難得尙少齊嬰二十年

藍尾軒詩稿

卷三

三

秋齋雜感柬李景初六首

勞勞十載竟何爲濶落生涯只自知寶劍淒涼游
俠地黃金孤負少年時空慙鴻鵠飛千里冷笑鷓
鷯戀一枝未識此生窮與達高堂白髮已雙垂
萍浮梗泛自年年心碎明膏一寸煎嗟我慣彈馮
暖鏡看人先著祖生鞭新愁決滌眞如水舊事牢
騷欲問天長夜漫漫敲倦枕夢回燈燼不成眠
坐盡高城落日昏客愁宛轉向誰論身如病鶴秋
無力心比孤螢夜不溫一諾誰能輕季布千絲我

欲繡平原成書疑效嵇中散歸臥青山老杜門

三寸毛錐苦未投仰宣詞賦只登樓生涯料理成
雞肋骨相思量愧虎頭勞我盪鹽難作達關心景
物易悲秋陰符一卷枕中在莫笑彫殘季子裘

苦愛風流李十郎相過猶得話連牀交情自覺如
君少豪氣眞能益我狂壯歲身名仍此日菊花天
氣又重陽秋來共勸加餐好匣裏芙蓉正吐芒

青年無計尙依人羈鳥池魚惜此身筆硯何能甘
作活詩書終不解醫貧長歌短哭牢騷酒破帽殘

藍尾軒詩稿

卷三

三

衫寂寞春同病尙留吾與爾一杯相對話酸辛

藍尾軒詩稿卷四

雲南叢書集部之四十二

昆明王毓麟苑生

五言絕句

夜冷

蛩鳴秋思長月墜涼煙暝風露滑寒枝幽禽栖不定

定

山寺秋暝

秋林帶暝色秋山急夜鐘閒吟待明月徧倚兩三

松

藍尾軒詩稿

卷四

吉意

芙蓉作郎襦杜若作儂裳東風左右吹兩情皆芬

芳

月下聞寺鐘

半載同僧住歸來悵月明晚風倚枕聽認得寺鐘

聲

春日睡起

無事貪春睡晴日照紗不知夜來雨滿地見桃

花

題周姬殉節詩後再成四絕句

灼灼桃李花伴君桑榆晚不怨春風遲但悲白日短

但覺主恩重焉知妾命輕悲風折松柏上有兔絲

榮

煜燐兩金環不復約纖指獨抱一寸心輾轉為君

死

願作雙黃雀朝朝巢君墓報恩銜雙環飛上白楊

樹

藍尾軒詩稿

卷四

十

七言絕句

菜海子春日雜詩七首

杏花吹過漸清明咫尺春光別恨生春水綠波春

草碧江淹詞賦最關情

白蘋香暖燕初飛麥腳風高魚子肥誰向海心亭

畔立波光柳色映春衣

籬落香吹豆子花一株楊柳映門斜遊人苦愛春

酷好燕子橋東賣酒家

玉龍祠畔草新齊汀暖煙深浦樹低六尺小船呼

不應水禽沙鳥向人啼

斜陽影裏見樓臺四面人家映水開隄上行人更
西望好山青過女牆來

荒園猶是舊時名臺址蒼涼碧瓦傾惟有綠牆春
草色和煙和雨一時生

汀鳥汀花如畫圖一坳煙水浸菰蒲誰從賀監歸
田例願向君王乞鏡湖

楊柳枝詞五首

縈雨縈煙一萬條漫天如雪亂花飄蕪城綠滿傷

藍屋軒詩稿

卷四

三

心樹莫把春情惱鮑昭

垂枝似妬舞腰纖遠映宮牆近拂檐長記灞陵傷
別處飛花撲夢酒懨懨

漏洩春光態旖旎雨條煙柳繫相思無端誤入靈
和殿誰見風流爾許時

幾年緘思向東風煙月多情夢永豐今日潮邊暫
相見蘭舟無計又恩恩

照水縈煙劇有情東風吹過別愁生樓頭昨夜聞
羌管淚盡清商第一聲

仿曹堯臣小蓬仙詩七首

芙蓉城裏憶遊雲篆親題十二樓青鳥路遙消
息遠月階星館總含愁

罷宴瑤池騎白驢瑞風初起動霞裾青童跪乞長
生訣親授靈飛左右符

隸籍東皇記幾年瓊筵濫食伴羣仙今朝新乞歸
關秩海上呼龍種玉田

壺中甲子數悠悠寂寞蓬山幾百秋爭似人間好
風月雷塘簫鼓徧揚州

藍屋軒詩稿

卷四

四

紫府深深罩瑞煙碧桃紅帶露華鮮上清小女閉
相憶記嫁蘭香已一年

曾駕靈輦詣玉京座中初識許飛瓊雲瑤欲寄相
思字碧海無邊鶴不行

弱水西流拱碧城人間未許問長生劉郎好道仙
才短十二金盤月自明

春日有懷

魚鳥消沈信不傳愁魂飛逐瘴河煙此身到處都
堪憶花下相思一惘然

三月二十三日近華浦泛舟三首

柳花如雪杏花殷共放扁舟下釣灣
肥管哀絲渾聒耳閒依舵尾看青山

紅襟小燕翦波輕碧毯芳莎夾岸生
歌吹滿船人盡醉就中誰貯惜春情

煙柳濛濛落照時客心騁望起相思
汀洲水暖蘋花發欲采幽芳寄阿誰

春遊歸後偶題寄同遊者

不負東風爛漫情管弦沈醉月三更
酒徒散盡歡

藍屋軒詩稿

卷四

五

娛地又遣相思夢入城

見新月

破暝含煙照小樓晚歸人見乍回頭
從今看到團

圓夕一線光生一線愁

紅葉

秋容好處勝春工萬樹如霞照眼紅
卻費霜娥一

生力只將寒色染丹楓

詠史八首

故土今看萬乘過眼中都是舊山河
太翁漫道臣

無賴今日功勳比仲多

朱鳥窗中降百靈露盤高捧上青冥
君王苦覓蟠桃種不識金門有歲星

得士誰為席上珍猶教珠履愧春申
紛紛食客終何益一笑徒能殺美人

排難功成不肯居東歸溟海逐樵漁
可憐燕將無窮淚只灑聊城一箭書

霸業空勞百戰身帳中歌苦劔光新
八千子弟都零落氣盡烏騅與美人

藍屋軒詩稿

卷四

六

解推終不負人恩鍾室獄成萬古冤
漂母祠前須再拜平生獨許愛王孫

昭陽澁澁獨飛來掌上身能作禍胎
啄盡王孫君

不管宮中方築避風臺

莫輕意氣重黃金文字何如人意深
吟到白頭頭

亦白當年應悔解琴心

嫦娥

靈藥偷來計幾春九霄風露冷嶙峋
嫦娥應憶人

間好一曲霓裳與世人

花朝卽事

黃蜂粉蝶影參差一樹紅桃亞碧池何處盈盈小
兒女偷來芳徑祀花姨

春宵

燒殘紅燭漏迢迢何處清歌奏玉簫明月滿庭花
影寂可憐孤負此良宵

食筍

駢頭稚子解香羅失喜今朝玉版過飯後南鄰看
修竹一生消受此君多

藍尾軒詩稿

卷四

七

清明遊城北

一樹棠梨似雪開東風閒掃紙錢灰香錫社酒燒
寒食誰向圓圓墓上來

響水關

雄關牢合控咽喉怪木陰陰野鳥愁行客關前欲
白首亂山無際水爭流

春曉卽事

悵臥春朝思不禁打愁風雨又春深好花開盡遊
情歇獨立池塘看綠陰

山行見早梅

隔林煙火有人家路入深林幾曲斜惟有春風先
客過山程開遍早梅花

客中早春

記得別家菊未黃又看桃李鬧年芳歸心日夜無
休歇不信東風比客忙

十七夜

一樹梨花隔院明月華濃淡夜寒輕客心何事添
惆悵良夜偏含不睡情

藍尾軒詩稿

卷四

八

聞夜泣

孤宿客夢苦難成鄰壁驚聞夜泣聲燈火漸殘人
語細就中恩怨不分明

遊易羅池珍珠泉

水檻清涼跂脚眠遊魚吹絮浪花圓客愁要洗真
無賴滿飲珍珠一斛泉

客興

燒燈時節客初來窗外紅桃冷未開今日綠陰都
滿地春風歸意兩相催

別永昌

他鄉忘却身為客住久情多戀別離今日臨行幾
回首歸家翻似去家時

夜歸憶同遊

酒滿春甌飲未終嚴城鐘鼓太怱怱相思遙夜情
多少立向空階夜月中

晚晴

葉落霜乾秋氣清啾啾屋角亂禽鳴蒼苔滿徑少
人迹竹外斜陽作晚晴

藍尾軒詩稿

卷四

九

寄楊丹亭二首

客裏琴書寄一甌詩名端不媿盈川春來燕子橋
邊路更與何人破酒錢

競道紅兒一串珠滿城絲管足歡娛花時更到聽
歌處憶否高陽舊酒徒

寄謝石崖

數卷書拋滿案塵謝郎疎散亦天真不知吟思添
多少園柳鳴禽草自春

觀劇偶成

檀的銀衫紅豆詞落花風裏獨支頤悶愁不共
塵歌飛上河陽舊鬢絲

戲答程昉余

樂府爭歌李十郎新詞麗句徧諸坊絕憐郊島多
寒相吟倚秋山木葉黃

九日獨飲憶友

山村日落少人來坐對黃花獨舉杯卻憶故人籬
下菊一罇今日不同開

題畫

藍尾軒詩稿

卷四

十

溼雲埋樹雨層層隔岸人家見夜燈一櫂孤舟何
處泊亂山孤塔認西興

感事

一別桃花兩度春雲英已嫁掌中身誰知當日白
衣客尚作朱門乞米人

題楊丹亭梨花春夜小照四首

側寒似水潑衣輕抱得瑤琴夢不成滿地梨花一
輪月良宵風物可憐生

爐香裏裏漏迢迢誰判千金買此宵只有梨花深

院月年年長爲照魂消

東風一夜吹香雪化作愁雲夢裏來惆悵洛陽洗
妝酒玉鱗端的爲誰開

玉樹彫零宛轉過愁腸於子更如何花前我亦傷
春容檢點消魂此夜多

瓶中得紅藥一枝戲作四絕句

膽樣花舞淪素瓷分將華省最高枝鏡中解語燈

前笑消受濃華十二時

紅雲高捧照宿紗孕重燕支一朵斜怪道詞頭添

藍屋軒詩稿

卷四

七

爛漫珊瑚架側有名花

卓午濃薰一陣香重重簾幕護深房齋中長物誰

堪記玉管蓉箋翡翠牀

蘭栗梢頭破葉初春風正是十三餘書生漫笑酸

寒甚新買名姬伴讀書

感懷

錦繞香圍不覺寒春花秋月等閒看一從嫁得王

昌後始識人間作婦難

題屏上美人二首

百態難名玉作胎小桃含露想新開盈盈畫裏分

明笑只欠燈前宛轉來

還疑鏡裏見回身豈有陽臺解作神欲乞千家絲

灰酒直從今夕喚真真

春宵卽事

惜春長是怕春殘開盡名花又幾般尙有一窠紅

躑躅夜深燒燭更來看

齋中

經旬不作尋春計閉戶焚香坐煮茶晴日半窗瓶

藍屋軒詩稿

卷四

七

水活一枝春意在桃花

春暮

麥風時節櫻桃熟穀雨園林筍蕨甜孤負花前一

樽酒年年三月思淹淹

題楊丹亭雙荷葉齋隨筆後三首

十載遊情總是癡蠻牋小字剗相思人間回首都

成感不獨元郎十憶詩

水天閒話舊緣因惆悵鶯花又幾春莫怪年年移

帶眼也知洗馬最傷神

不解謀生愛浪遊
歌場酒地夢悠悠
知君善作相思史
惹起愁人萬種愁

題友人崔護遊春圖二首

立馬斜陽客到時
粉牆朱戶記前期
桃花不語東風裏
料只空庭燕子知

七字詩題千古愁
至今歌罷恨悠悠
武陵洞口天台路
多少桃花憶舊遊

題竝肩美人圖

碧檻紅窗夜悄然
深閨姊妹鎮相憐
孤栖不管嬌

藍尾軒詩稿

卷四

三

娥妬私語桐陰卻
竝肩

苦吟

三更吟苦不知眠
四壁無聲山悄然
惟有深宵下弦月
和燈相伴小窗前

山寺暮歸再柬楊右洪二首

山水蒼蒼一徑分
翠微深處午雞聞
幾回踏破青苔迹
半爲看山半訪君

香寮茶舍日追陪
侵曉登山日暮回
好爲殷勤謝流水
朝朝相送出山來

山中送客一首柬楊右洪

山人送客渾忘遠
不覺談詩過石橋
更坐橋頭不忍別
溪風林葉晚蕭蕭

春日偶作

蜂爭蜜蕊蝶爭香
燕語呢喃鶯語長
柳絮亂飛花亂落
一般心力爲春忙

詠蝶四首

相逢長記是芳時
會逐飛花惱鬢絲
自笑綺情消不盡
彩箋重和謝家詩

藍尾軒詩稿

卷四

四

簇影團團上舞裙
朝來何處伴行雲
只憐一夢莊生後
真幻而今總不分

金粉仙衣曳五銖
佳名新贈玉腰奴
滕王粉本今零落
誰補花開第二圖

露重風微力不禁
海棠庭院去深深
飛來無語斜陽裏
識得落花一片心

城中暮歸

滿城煙火噪歸鴉
背郭山程十里賒
落日一分昏不住
多情明月送還家

送鄭雲浦復官黔中四首

秋風遠道夜郎城杯酒猶同此日情惟有團圓故鄉月清光到處逐君行

秋光蕭灑宦情閒人坐藍輿好看山落日竹王祠畔路詩成合在萬峰間

遺愛清風處處留十年宦迹徧邊州山程不道逢迎少父老猶知郭細侯

長才那許臥煙霞爲宦清時不憶家來歲春風到巖邑洛陽開徧滿城花

藍尾軒詩稿

卷四

五

石固道中見鴛鴦

萬里征輪不住時三春錦字正相思可憐沙上雙鴛鳥不省人間有別離

題趙春亭欠伸美人

睡起紅窗午困新柳邊花影悄無人不知何事思量著卻背東風一欠伸

相見坡

程迢遞二千多莽莽重山一客過相見坡頭望人間無奈別離何

題畫

淺白深紅相映開水仙祠畔客初回西風掃盡狂蜂蝶只許蜻蜓款款來

題風雨騰龍圖

潑墨雲垂雨四圍神龍突起抱珠飛風雷自屬興至事閒殺江干一布衣

春日楊印曦小園寄懷右淇

春來長是見君難身世何由得暫寬今日名園更相憶題詩壁上待君看

藍尾軒詩稿

卷四

六

萬香海有美人一幀余借觀數月欲篡取之

而固不可因題三絕句以歸之

秦庭璧返已無期合浦珠還竟有時我是黃裳遊俠客席前爭忍奪瓊枝

憐君往事太怱怱得寶歌成懊惱公孤負梅花好消息煥郎空愛畫屏風

不歸碧玉辭終拙生劫紅綃已不能只有一情癡

未了畫中離思滿秋燈

夏日偶成

未了畫中離思滿秋燈

無事能消白日長
午窗睡起又思鄉
科頭老樹濃陰下
坐聽蟬聲到夕陽

渴園移館東城戲柬二首

城西相聚偶如萍
又散天邊兩客星
白塔郎當鈴夜語
秋來依舊一人聽

茶鑪藥裹一車攜
作客長安少定栖
飛燕伯勞應自笑
年年蹤迹各東西

秋夜聞蛩

空階蛩語夜涼深
有客孤窗正苦吟
同是無聊何處說
一燈相對話秋心

藍尾軒詩稿

卷四

七

秋日病起偶作

經旬抱病掩山扉
新竹稍檐碧四圍
誰與黃花共秋色
寒蠶瘦蝶兩依依

自題種菊圖

酒盞茶甌俱罷卻
遊懷吟癖總刪除
中年嗜好無多子
祇有黃花伴讀書

秋夕

烏巾不整髮鬢蒼
癩漫中年漸近僧
夜夜多情伴

無睡空階蛩語小窗燈

久不晤李古亭戲柬

冷對黃花臥一園
幽懷幾日未同論
知緣飽看溪山後
不肯尋常便出門

古亭於月前買舟遊太華

劉三才寄菴枉駕見過螺峰書舍並偕謝石

翟武尚賓家渴園小集喜而成詠五首

荒院深深閉綠苔
竹門今見暫時開
山花含笑林禽喜
驚觀山公拄杖來

藍尾軒詩稿

卷四

六

浪上多少詩人展齒痕

柳公七十健如仙
直上蒼巖最上邊
卻笑後生腰腳軟
春來閉戶到秋天

莫笑門前雀可羅
香山老子杖藜過
幽花滿徑竹千箇
賺得春風一日多

濁酒盈罇細細傾
騷翁才士論縱橫
名山雅集真難得
待向雲根記姓名

答劉寄菴先生二首

欲償文債媿無才
何處卻尋避債臺
日暮兒童更

驚說敲門有句索逋來

三寸誰云筆似椽小巫氣盡大巫前也知拊掌應
狂笑笑殺灘頭上水船

月夜石瞿見過

剝啄聲中夜漏催竹扉猶為故人開滿天月色寒
如許不為幽情不肯來

戲東戴雲帆二首

等閒不肯過書堂孤負秋花滿徑香一管江郎五
色筆朝朝應為畫眉忙

藍尾軒詩稿

卷四

七

蕭郎夫婦總神仙日領丹砂鍊玉顏倘憶吹笙王
子晉好騎雙鳳到人間

題畫三首為宗甸遠太守作

回頭江海氣縱橫掉尾揚鬚跋刺行今日龍門借
風浪好將霖雨潤蒼生

誰人妙解濛梁意寫出紅鱗二寸鮮便欲乞歸盆

池裏藻香波淨午晴天

紅魚

江南風物總堪思曾向溪邊理釣絲一樹桃花開

又落鱖魚剛上市頭時

鱖魚

茅口渡望拉邦坡

茅口江頭喚渡舟前程說著使人愁雲端隱見青
峰出始信征途在上頭

春日閉居鄉思甚劇率成小詩自遣四首

每到花時憶故園花間畱客共清罇而今遠作天
涯客過盡春風只杜門

坐見京華兩度春吟衫亂污馬蹄塵不應苦被浮
名賺卻誤田園自在身

一窠踰躅紅於火滿樹梨花白似雲最好風光二

藍尾軒詩稿

卷四

七

三月落花成陣蝶成羣

山翁一甕春前酒僧寺三杯午後茶隨意看花隨
意醉人間無福勝煙霞

雪夜作家信詒鄰雞已唱偶得小詩三首

含毫凝思對孤檠難寫客中萬里情書就平安二
四紙長安風雪又雜聲

無端作客寄京華看放寒梅幾度花又是一年將
盡處家人思客客思家

平安書報路遙遙臘雪寒燈記此宵算得鄉園書

到日慈親生日正花朝

題扇

曳月飄煙一艇孤青裝終日伴菰蒲朝來試問沙頭雁曾到鄉園去也無

庚辰春日都門寓齋試筆五首

太平雲物正光華更入新年樂意賒今歲東皇也歡喜祥雲先散一天花

金花巧鬪剪刀開爆竹千門響似雷怪底春風消息大連宵煖逼夢中來

藍尾軒詩稿

卷四

三

歷頭甲子喜庚更景物當春氣象生憑仗東君爲起熱蒼龍頭角長初成

硯蟾水活初消凍小閣紅爐暖趁人蓉粉彩箋書縷管宜春帖子正宜春

旅食睜爍莫憶家好沽鸞酒醉京華從今識得東風力臥看春光到杏花

宿傅東堂同年齋中作三首

牙籌銀燭夜呼盧一擲千金賭興麤不道元龍大牀上今宵野睡有狂奴

茗鼎聲清起素瀾黃柑色好澹金丸仙郎一幅青綾被先許蒙頭臥子安

暖意平分被底春今宵有夢定超塵黑甜鄉裏風光好傾略何曾肯讓人

題畫

昨夜銀蟾下玉清飽餐沆瀣一身輕靈龜乞與長生訣獨上金盤自在行

題程昉余秋林覓句圖

清興年來我亦孤詩囊酒盞總荒蕪山居不解居


藍尾軒詩稿

卷四

三

山樂卻展秋林覓句圖

詩畫巢遺稿



詩畫集遺稿

海鹽吳本履少芸

同任上舍

謝祥

家孝廉

香

遊紫雲洞

言尋紫雲洞攜侶上翠微峯迴畫常陰路曲人亦稀乃
從幽澗轉豁然開石扉入洞不知著石液濺羅衣洞底
別有天一綫漏斜暉中有龐眉人心與世俗違相與談
山水日落不知歸

遊靈隱寺飯德公房

繫艇涉林籠策杖窮幽探雲影曳高樹泉聲春寒潭路
傳聞清磬竹色修廊涵瘦僧蘊山態樸性冥世譚飯我
香積廚蔬筍逾肥甘留我且宴息或翻貝葉參妙悟花
解笑低吟鳥亦語庭開長碧鮮窗虛逼遙嵐松風沸石
鼎爐篆縈佛龕日落下山去鍾鳴南山南

海鹽古磚歌

君不見武原伯牙琴臺前白塔素駐欵蓋歷落遙相連
又不見馬嘯城外東晉屯兵處陰晴不定霏雲烟天寒
潮退沙土見有時拾得東晉磚拂拭珍重瞻窗觀姓氏
往往傳殷潘或篆或隸或反正不肥不瘦不委蟠不知
殷明潘儒何爵里雖有晉史無考矣又知淪落波濤幾
千載犀紋裂去苔花碎千秋萬歲微漢跡延年益壽同

詩畫集遺稿

上靜園叢書

風格沈埋頰頰天壤間好借彤庭載筆客

登素駐山觀潮

素駐之源發天目南龍約束諸峯巒左白塔右黃盤驅
山挾海奔狂瀾開出浩蕩萬里之奇觀聞說秦皇曾駐
蹕雲罕竟旌旗石室巖石成橋橋不成祇今惟有十二
礎柱猶屹立我亦好奇載酒攜吟朋松欵亂插石髮何
鬢髻索路不得穿荆棘一徑忽得紆曲羊腸登舉頭白
雲相與遇華躋不敢回身顧祇覺峯巒萬丈懸失足恐
逐雀徑墮忽焉平曠險頓窮如登蓬島仙徑通與客正
欲謀促膝遙聽潮汐聲洪洪始汨沒旋沖灑晶瑩烟爍

詩畫集遺稿

上靜園叢書

不可測銀濤激射搖雙瞳鯨奔鼉吼蛟龍旋湓濟蕩涵
吞遙天君不見自高而下幾百丈一掀一伏噴雲烟又
不見自東而西幾千萬萬里一吞一吐茫無邊觀者情
穉目眩心神還歸來垂簾端坐意氣壯耳邊猶覺習習
颯風滿

寄任山春陰圃

秋風滿林捲落葉孤雁寒飛咽淒絕羣芳霜露暗相催
翻華馳騁渺難接緬想君家賢弟兄與予情誼堅金石
當夏遊登湖上樓松陰六月蔭几席明月同浮秋水紅
青山共搜白雲屐輪心寫意傲烟霞歌聲不問晨與夕

我今寂寞樓衡門苔徑荒涼罕人跡傳眼流光不待人
自笑容顏非復昔回憶去年武林城牽衣握別春風陌
扁舟一葉駕斜陽歸帆遙帶春江碧至今過此每徘徊
門外衰楊徒脈脈尋常旦夕不忍離况并音問經年隔
閒居無以慰相思當宵惟望溪頭月

次伊太守京口韻

天低落霞外月出大江東把酒酌良夜揚帆趁好風秋
聲黃葉裏山影暮烟中楚尾吳頭路長懷舟楫功

偕任雙潭曲院觀荷

深綠浸樓臺荷花破水開碧擎疎雨後紅晚夕陽來亂
詩畫巢遺稿

二 靜園叢書

葉藏沙鳥流香落酒盃不愁催暮色爲爾立徘徊

張梅閣上舍留宿心太平齋出示維揚詩卷書後
空庭蟬噪夕陽殘下榻高齋話舊歡蟋蟀聲多秋社近
梧桐風冷葛衣單簾分露氣琴知潤燈剔寒花夜未闌
示我新詩千徧讀廣陵烟景盡毫端

五月朔日陪朱梓廬楊文樸丁小鶴諸先生雨後

夜坐分韻得年字

桐花開徧石欄前雨過濃含一徑烟洗盞已邀春滿座
捲簾何待月窺筵蛙聲遠答城頭角螢火低翻屋外天
剛種新苗添尺水江南是處頌豐年

詠簞笠

風葉成叢綠滿林絲抽黃竹襯蕭森春田那畏連朝雨
暑隴生憐一片陰當面山低看不礙壓簷花落戴無心
漁人愛背斜陽立圓影婆娑釣碧潭

詠蝸廬

蟻穴蜂房總不如蝸牛也復愛吾廬綠蒲露重甘匏繫
素壁風清慣瑟居橘叟已嫌多伴侶壺公應愧未安舒
紙窗任爾腥涎汚莫汚床頭幾卷書

漁滬

山銜落日浸遙汀漁滬滌滌回幾折經三日雨晴添碧漲
詩畫巢遺稿

四 靜園叢書

五更風起聚浮萍疎花不隔東西水夜火爭飛上下螢
小坐篷窗待明日烟中人語出柴扃

六月十七日任山春昆季招同錢塘李處士

以寶

石明經竹溪泛月湖心亭傍晚忽陰晦欲雨方

爲惋惜俄而風息雲斂明月開朗較勝前夕但
恨所期不至與山春出步湖濱正徘徊忽柳陰
深處歌嘯而來山春曰此必李君也遂艤舟湖
亭爲終夜之遊

怪道斜陽特地收捲簾悵望倚南樓環山雲黑圍成障
衝浪風顛猛不休滿擬蓬窗同醉月豈知烟雨失盟鷗

夜潮忽湧冰輪上天放清光作暢遊

自省中歸家舟漫賦

風帆一片下臨平螢火星星傍渡生怕敞窗篷防露氣
臥聽木葉寫秋聲岸涵月色蘆花白舟放燈光野店明
每過一橋逢一廟枯桑黃落晚鐘清

梁山舟先生重赴鹿鳴讌賦呈

玉署歸來五十年秋風又賦鹿鳴篇身成古佛超千佛
修到癯仙領列仙林壑早營高隱地中丞請先生重赴鹿鳴先生固辭中丞奏章中有林壑高致之語笙歌再詠大羅天

寵榮誰共光鄉國願祝期頤式後賢

詩畫巢遺稿

五 靜園叢書

鐘鼎山林品益尊賓筵五度復開樽吾浙前賢重赴鹿鳴者五人耆

英久作西湖長寵錫重叨

北闕恩頭上簪花徵宿果夢中池草憶同根弟冲泉先生同中

是科曾隨杖履親風度為誦清芬又踵門先大夫與先生同登鄉榜

戊午春隨先君子音謁輒蒙獎勵并賜書扇

綠陰

園林新綠兩分經一抹晴雲傍午亭香雜荷風來遠渚
涼偷簾隙撲空亭煮茶烟細低餘白憩鶴林深忽斷青
坐久渾疑衣欲溼惜惜清晝隱柴局
濃陰踏碎路紆回一帶蟬聲引客來院靜低迷清晝永

畫詩致用

虛窗半敞碧雲開長吟坐愛湘紋筆小飲斟宜竹葉醅
倚偏迴廊涼滿樹葛衣染得綠於苔

沿林蒼徑任盤桓如許幽情盡亦難鎖院暗烟當牖靜
襲人溼翠重橋看綠迷野圃千竿竹紅亞風亭一角欄
挂笠閒眠忘酷暑夢回涼趁夕陽殘

圍藍削翠繞窗楹風入層陰午夢清低繫柳隄非釀雨
高遮樓角欲撐晴移床閒臥人初起就蔭涼酣鳥乍鳴
瘦竿吟肩停羽扇玲瓏碧透竹衫輕

楊柳灣謁朱梓廬先生賦呈

蕭齋投轄記追隨十載重親慰渴思戊午冬先生過舍履得追隨信宿今

詩畫巢遺稿

六 靜園叢書

已十雅度宜春志酷暑虛衷懷舊續新詩先生向有哭年矣紅蓮翠竹留人處疎雨斜陽話別時高誼定教存沒感遺篇傳世藉鴻辭先君子遺詩蒙先生鑒定并許賜序

秋柳次漁洋山人韻

關山啼徹杜鵑魂無那秋風到玉門露冷三更空有淚
烟寒十里淡無痕白蓮憔悴人尋社黃葉蕭條鵲噪村
認得龍池春旂旆祇今回首忍重論
玉笛誰家破曉霜迷離幾樹倚斜塘難維駿馬悲行客
愁對牽牛駕服箱眉眼尚存遺綺業腰肢瘦盡悟空王
小蠻好句渾多事休憶東風舊日坊

曩日靈和金縷衣低徊悵望是耶非酒樓客醉香何處
茅店雞聲影更稀沐水斜陽人獨立梁園細雨燕交飛
啼鳥三匝棲難穩無計留春住事違

江千驛路總堪憐無復長條拂暮烟落木西風悲渺渺
平蕪遠岸恨綿綿春回蜀國知依舊翠擁章臺已隔年
多謝桓公能愛惜不教零落灞橋邊

過恩錫軒

經旬不到此瓜蔓滿松棚一蟬吟綠意靜答讀書聲

題畫

松色映我書泉聲和我讀永晝寂無人此樂不嫌獨

詩畫莫遺稿

七 靜園叢書

幽居

落花不埽客來稀盡日槐陰綠四圍還炷爐香盤膝坐
閒門犬吠白雲歸

南湖采菱歌

紅菱秋至滿南湖舴艋臨風逐野鳧望去波心鋪結綠
采來船尾簇珊瑚
生涯常寄蓼花灣畫槳輕移往復還鏡似菱花花似鏡
阿儂隨處照雲鬢

半山道中

帆飽江風驛路長梅花萬樹競飛香蓬窗看煞青山色

指點歸樵擔夕陽

烟雨樓送伊公子蓮龕北上

春雨靄靄樹依依交映春波綠四圍可識非烟亦非雨
釀將柳汁染君衣

題畫

綠陰何處是儂家嘗向溪頭放釣車棹入湖雲飛白鷺
梵鐘聲裏夕陽斜

月夜懷任山春

水色侵簾碧欲浮漁歌響處起沙鷗多情只有當窗月
慰我無聊獨上樓

詩畫莫遺稿

八 靜園叢書

夏日

披葛登樓納早涼微風遙帶藕花香朝暾欲出霞光動
紅上西廊白粉牆

由靈隱至叟光

竹光如海碧雲停遠寺鐘聲幾度聽行盡招提黃葉路
隔江山色到門青
欲上峯巔眺夕曛香臺花雨晚鐘聞人如瘦鶴當秋健
貪看嵐光踏白雲

題塵定軒雅集圖

枳閣蕉葉弄清陰秋靄濛濛館宇深修竹牆逗松壓屋

分明畫出歲寒心
座間多少出羣才
彩筆驚看挾雨來
却笑杜陵詩思拙
含毫翻怕片雲催

立秋

昨宵疎雨逐風來
寒逼孤蛩咽砌隈
小院先看零一葉
碧桐荒井打蒼苔
晚涼何處動砧聲
旅館家鄉共此驚
况復西風起寥廓
霜天鴻雁若爲情

書任山春西湖秋泛詩後

松插羣峯翠欲流
山光水色共沈浮
羨君天與生花筆
詩畫兼遺稿

九靜園叢書

寫盡西湖七月秋

寄內


別來迅速又春旋
此日微疴想盡痊
雙鯉迢迢頻問訊
繞樓六月護寒煙
知君生性喜清涼
梅雨今番入夏長
兒女當秋應仔細
不須叮囑着衣裳

詩畫巢遺稿終



詩書

鈔屋槐

署	張	蘇	遠
	伯未	書	海

1. The first part of the document discusses the importance of maintaining accurate records of all transactions and activities. It emphasizes that this is essential for ensuring transparency and accountability in the organization's operations.

2. The second part of the document outlines the various methods and tools used to collect and analyze data. It highlights the need for consistent data collection procedures and the use of advanced analytical techniques to derive meaningful insights from the data.

3. The third part of the document focuses on the role of technology in data management and analysis. It discusses how modern software solutions can streamline data collection, storage, and processing, thereby improving efficiency and accuracy.

4. The fourth part of the document addresses the challenges associated with data management, such as data quality, security, and privacy. It provides strategies to mitigate these risks and ensure that the data remains reliable and secure throughout its lifecycle.

5. The fifth part of the document concludes by summarizing the key findings and recommendations. It stresses the importance of a data-driven approach in decision-making and the need for continuous monitoring and improvement of the data management process.

序

文必徵實詩貴憑虛然運實於虛文之道能通乎詩則其詣絕而其境超矣余未能詩而酷好音韻如陶靖節不解音律興至撫琴不自嫌其無絃也廿年前連城太翁館余於府上時午亭公年未及望以就外傳遂疎款洽迨今年己卯其封翁復處余以西席而午亭公適家居待銓因得聞議論風采焉暇以詩册示余讀之喜其清新刻露絕無餽訂陳因之氣過思數年前耳公之文名者久矣孰知公之風雅宜人如是乎公作秀才時乙丑在留館迎鑾賦與朝辭奉使諸臣往復最久酬和亦多如朴慈菴南濟卿李學山金清山者莫不恨相見之晚至若宏文館學士洪樛菴尚書司郎高竹軒臨別贈言有觀君之才及君之貌絕非久留林泉下者勉之勉之之語然則人言豈欺我哉年來東人之朝於京師者凡遇錫人尙思問公之起居而公亦以遠不及見言之常怏怏焉夫氣類之感不限方隅而知遇

三槐書屋詩鈔序

二

之恩多緣文字人生患無知己耳而公之爲東人所器重如此此豈鄉曲之譽所可同日而語耶余謂公之事業文章他日當更有進此特其嚆矢云爾

嘉慶二十四年歲次己卯榴月下泮共事劉鼎銘書

鑾坡字西侯錦州鎮黃旗漢軍人例備士也肄業瀋陽書院天資穎異雄視文壇與余訂交四年矣丙寅春余補官官學助教學舍與院相望也於是時相往來更復唱和因出所作詩相資閱其瑣章琢句自具性靈而詩人溫厚和平之意盎然流露於楮墨間異日者飛黃騰達鼓吹休明爲吾鄉振興風雅而啓迺來茲殆其人乎殆其人乎歸其詩並誌數語於首簡

嘉慶十一年歲次丙寅九月二十有三日瀋陽樛公恩謀源氏題於夢鶴軒之南窗下

三槐書屋詩鈔序

二

敘

人之富貴貧賤莫不有命存焉至於學識之淺深似非氣數之所得而拘也而余則以爲人之愚智與人之窮通皆有命存焉而非可以預必也何則人有意於爲學而苦於無自及得一二良師友而處之非其地遇之非其時雖欲從之未由也又有一人焉未嘗知學之爲貴也而有一二良師友爲之誘掖之獎勵之其人亦漸與之化而不自知至於生非其地事非其爲而適然相遇以至於多聞多見而實非從前意料之所及者是豈偶爾者哉嘉慶己未余赴瀋陽應童子試與棋澥先生相遇於治中署前見其春風和氣心識爲有道人也乃蒙垂訊遂同請謁時以同試故並晤其二公子焉及余已游庠瀕年肄業於書院而棋澥又補官於右翼助教花晨月夕時親就正猶憶爾時日從事於帖括於聲律初非真知篤好乃以公之獎勵與公之誘掖若迫我而爲之又有尙鐵峰沈香餘二君子相爲先後余

三槐軒尾詩鈔序

三

遼海遺集

雖簡陋荒蕪難比諸萬一然而不畏難不自是是亦無棄予者焉今棋澥年近古稀將已衰老余亦久不獲覩顏色即鐵峰香餘亦相處離索求其日事切劘如曩日之集思廣益豈可得耶又況人事日多記性日拙中夜自思良可浩歎比之人亦孰不欲富貴然而一命之榮數金之蓄欲求多焉而卒未能是固無如命何也因刪錄舊草追憶往時覺此景如昨已難回首自非忘情能無盛衰之感與今昔之慨乎

道光二年歲次壬午六月中澣午亭金朝觀書於京邸

三槐書屋詩鈔卷一

錦州金朝觀午亭撰

登文昌閣

雨後登高閣春城樹色鮮流雲滋曉潤恰好試新箋

送徐栗齋之任義州

拜命陪京令望著九重恩詔帝深嘉鼎鍾舊勅三岑績雨露新霑一

縣花化履何年竟有跡垂簾盡日鶴排衙東風遠送旌旗路爲錫龍

章荷寵嘉

登翠巖山

雲山飄渺共低迷萬木青葱入望齊直欲舉頭天外看紅塵隔斷數

峰西

望梳妝樓

棲霞仙子駐龍旂爲近天關築玉樓曉鏡開奩初日動晚妝拂袖暮

三槐書屋詩鈔卷一

遼海叢書

雲流目凝凌水波同媚髻擁虹螺翠共浮巖畔苔錢紛五色遺鈿疑
是未曾收

宿山房

雞報空林正五更曉風瀟灑六塵清山房曾否黃梁熟夢醒晨鐘第

一聲

望筆架山

在海中有大
小二山並峙

三丫倚漢峙雙雙望若驚人意欲降合遣滄溟成墨瀋巨靈擎筆大

如杠

錦州道上

夙志壯山河皇輿萬象羅露華融旭日海氣羃虹螺樹鎖村煙密花

迎鳥語和農桑通鳥嶼樵牧唱巖阿悵別三秋遠愁吟一字多殷勤

前路去消息竟如何

盧峰口懷古

茂草豐林萬壑陰將軍射虎尙雄心封侯不遂羞刀筆飲羽何如飲
恨深

沙河驛

微雨輕風接慘過驛亭煙樹繞沙河連朝漸覺鄉音異來路雲山天

際多

別山戲題

故園別業別離久別去東風別恨長別路感懷牽別緒別人道出別

山陽

輓于烈婦即依原韵

烈婦于氏復州曲明德之妻生於折垣
女也既嫁夫病不起氏躬侍湯藥三月不

衰夫亡之後氏亦自縊

哀鴛何事最關心

氏少時詠孤鴛詩云失伴鴛鴦鳥哀鳴叫不休盡
投東海死撒卻一天愁之句其父已知其不祥也

今憶前言悟後因月轉蕙幃空對影鸞飛菱鏡自憐身百年世事魂

猶帶三月春光夢未真無限傷情詩一首閨中亦有讀書人

三槐書屋詩鈔卷一

遼海叢書

中秋日閣中憶友

憶昔立風簷舉簾逢好友譙樓月二更令我空回首

謁尹文端公墓

在蘇州城東
紫荆山下

相業昭青簡佳城氣鬱蒼山靈生肅意碑紀煥奎光一代文章鉅三

朝世德彰紫荊朝旭日髣髴在吾鄉

懷人

咫尺天涯望裏春含情脈脈獨傷神東風一去無消息巫峽閒雲不

戀人

望海

海氣凌晨炫遠眸洪波無際只平浮天涯渺渺難推步地勢茫茫有

盡頭雲雨蔚蒸宏潤澤江河歸宿混源流伊誰不爲臨崖返便信蓬

萊定可求

錦州城南

舊堡新邨入望遐太平風景是田家
征途絡繹通轍輔農事經營到
海涯初夏小苗猶待雨前朝折戟尚沈沙
堪憐牧豎渾無事短髮垂
垂帶野花

留都

鼎建襄平大業隆留都猶有舊時宮
三千化宇風雲會十二重樓煙
雨中天柱峰巒拱北土門江水盡朝東
太平應繪幽風什佇待
與效祝高時乙丑 將東巡

與孫寶三言海上之勝

有客居南海寥寥放眼空聽潮多夜氣長
嘯起天風大澤羣流納滄
波萬古同請看奔放者終障百川東

次尚鐵峰紙鸞元韻

九萬鵬程笑楚鳩扶搖直欲白雲遊
天池消息東風便燕雀相從恨
末由

三槐書屋詩鈔卷一

三 遼海遺書

天樂臨城聽有聲洪鐘鯨吼藉風鳴
調音合向師涓問休比隣家趙
女華

答尚鐵峰見訪不遇

余本尋春客君爲入幕賓當門題午字
誰是會心人

瀛洲仙館文藹

三月春闈近晚和吟餘恰有客來過
沈酣書味甘醇醴颯爽詞鋒出
太阿畏友之前浮氣少英年而後世情多
那堪回首長安道幾向秋
風喚奈何

偶成

虛堂春晝寂棋子響丁然如有機
心在相爭孰後先

擬古意

軒廠臨風爽簾疎受月明伊人期未至
惆悵不勝情

見富厚庵寄內之作戲題

南畝猶動饁東郊尚晚春如何畫未老
不見採桑人

虞美人花

倚闌鬢髮墜煙鬢無奈銷魂去不還
千古無窮垓下恨朝朝露露泣
紅顏

與書華峰渾河垂釣

渾河滾滾來從東大木浮出萬山中
水深巨魚不親岸興波鼓浪吹
腥風華峰視此忽技癢計作長繩約
百丈屈鐵爲鉤餌以甘拋向中
流試窮想昨者箴得貫魚占今逢獨
絲釣熬廢須臾銜索勢將去欲
取姑與聊伏潛忽聞潑刺轉駭絕鱗
甲激揚互明滅飢鷹苦羈黃金
絲鷲馬怒嘯白玉埒蛟龍失水猶
蜿蜒何況凡鱗出重淵力敵已爲
人所制目動吻張搖尾憐君不見西
畔投竿落日邊得魚盈寸喜忘
筌我得其一抵百千

和洪橋庵渡渾河望見瀋陽元韻

樓庵爲朝鮮國宏文館學士以使命來盛京

三槐書屋詩鈔卷一

四 遼海遺書

迢迢深樹隱城隅秋色人家儼畫圖
一路檀車徵舊典幾將名勝入
清肝

寄鐵峰書題後一首

寒雞啼五夜曉色淡秋河一自君歸後
階前落葉多

贈朝鮮使臣高二首

名景或向野可郎從樞庵爲記室

惆悵三春別今春晤竹軒於殷動此日逢作賓借旅雁利見卜飛龍
官紀存遺制藩籬守舊封是華端不愧誰解此情鍾同來迎有樞庵李學山

金清山朴華庵

佳氣普寰中人文蔚海東休和羣沐澤
小大盡從公玉帛通王會衣

送李學山一首

名魯榮朝詳進士在部學習

秋色橫松動客情一窗晴日數歸程
相知千里何寥落從事天涯弟

與兄

是役也與其弟江僧來未用鐵治亭句

贈金清山一首

海邦結縵幸來賓
應識新羅舊有人
新羅之裔 按日知錄新羅東 在三韓之國後併入高麗
故國不堪回首處
嶺南遺緒亦藩臣

送朴慈庵二首

名在朝鮮 太陰院太監

神仙何必盡虛無
海外奇方亦不誣
慈庵精神器宇過出常格 遂有 慈庵精神器宇過出常格 遂有
薪傳兼爾雅多緣
仁術重吾儒
宏開壽宇肱
三折靜養慈庵杏
五株自是為醫猶作相
誰從市上覓懸壺

偏因知遇易
噴遠鞭影斜
陽馬上揮西土
好音成別緒
東醫寶鑑嗣前徵
如君肝胆風塵少
異地關山雨雪霏
最是離愁醫不得
擬將遠志寄當歸

長寧寺迎變恭紀

八月廿一日

糺纓五雲紅
曠曠映大東
明昭天日表
肅穆聖神衷
河嶽趨宸蹕
旗仰下風歡
聲同四野應
徹九重宮

三槐書屋詩餘卷一

五 遼海叢書

恭迎皇上駕幸學宮

廿三日

樓星曉闌正
臨雅紫禁鳴
變出九重作
睹文明皆虎豹
升香典禮屬
變龍泮芹繁
水雲霞動壇
杏朝天雨露
濃欣際岐陽
鐘鼓化小臣
何幸備趨從

大清門謝恩

廿六日

星月燦輝宮
漏鳴千官濟
濟已朝盈遺
規豐沛思源
本清奏簫韶
和聖明翔鳳樓
前雙闕迴飛
龍閣外五雲
平翔鳳樓飛龍閣在盛京天內
嵩呼應入深
宮聽不數流
鶯遠禁城時迎鑾河獻賦者共二十六人

送洪樗菴回朝鮮

輕雲薄霧淨
長空邸舍驚
心八月中客
夢醒歸黃葉
路秋聲吹入
綠江風鴨綠江為朝鮮往來必由之路
行旌指點三
湘雁旅館清
寒四壁蟲明
月不殊鄉國
異幾回翹首
大瀛東

送吉鳳翔回都二首

客意蓬蓬程未短
曉月明教余時努力
無復問君平
遼海遺無垠
萍踪寄一身
問君來此地
得友幾多人

擬遊仙體

洞府深沈寂
不聞閒花草
自紛紛
疑情最是仙
家犬不附青雲
吠白雲

留示同人

梅花著色未求工
耐得孤寒實不阿
誰把春光先洩漏
可將消息問東風

秋夜旅懷

青燈猶燦五更闌
倚枕孤眠夢未安
明月自來窗欲曉
秋聲何處樹號寒
歸心已似飛蓬轉
旅況還如落葉單
起視黃花憐獨瘦
霜華昨夜滿欄干

十二月紙調祖墓

三槐書屋詩餘卷一

六 遼海叢書

東山佳氣鶻重
重遠接村廬
樹色濃裕後
有資皆世澤
當前何處想
音容春溫秋肅
驚霜露鳥語
花香情鼎鑪
設松聲風定
後遺音似祝大夫封

詠鏡

當面是前因
回頭是後身
總宜明鏡照
了得本來真

宿白旗堡

料峭東風路殘
陽柳外斜晚
煙低野戍歸
鳥起平沙客
夢仍茅店春冰
尚雪花勞勞
車馬地何事
集喧譁

渡遼河

莫莫輕寒道阻
長臨流馬意
怯波涼冰痕
浮漲魚鱗細
沙磧驚風羊角
狂川路有情
憐過隙春秋
無恙祝高堂
年來時緬趨
庭訓履薄臨深
矢勿忘

無題

高樓深院鎖垂楊曲檻回欄繞洞房小住佳人時竹立偷閒婢子學
迷藏幾回輕燕窺珠箔漫逐飛花過粉牆遺卻金釵渾未覺相攜笑
語過西廊

書院內小齋花草去年所手植也今又重開感而賦之

今年花是去年栽兩度花期兩度開寒去暑來時物改年年底事看
花來

香國遲留方作客芳園寥落最傷春我來恰入東風律花信猶知識
故人

掩映東牆接綠陰重門不啓碧苔深偷閒只合窺園去恐負黃花一
片心

人不憐花花自憐夙根不斷又鮮妍花神再度生香意認取前身結
後緣

題畫

三槐書屋詩鈔卷一

七 遼海叢書

復嶺連雲暗孤帆入霧低數家煙火處遙在小橋西

次棹澗夢鶴軒夜坐元韻

花天晴爽露華融斜照殘霞落晚紅鄉夢欲歸虛夜月故人相約共
清風砧寒向曉千家動桐老驚秋一葉空獨有詩翁觀物妙塵襟不
入太虛中

讀西域聞見錄

信有騷人制作雄新疆西盡九州同皮冠鞞屨人倫外雪海冰山大
地中險絕難勞槎客訪靈奇未許謝公窮總因王氣歸東土一任車
書萬里通

文湖閣

在盛京西內
嘉慶堂後

星斗煥天章熙朝制作光文昭靈寶瑞書啓西山藏玉檢涵蓬觀金
題擁墨莊沿洞宗聖海頌曰恭奉御題條理總皇綱四庫定攷義詳
於度垂謀典以常諸書持以類是尊天一閣開東御製碑文圖朝

文淵閣之義能益智千囊工軼碑墓篆勞嗤石作倉薪傳尋墜
緒逸事極窮荒勒鼎功同禹銘盤志比湯留都思溯始方策示無忘
御製碑文在留都為
文淵以誌溯始之義

中秋二首

星河淡淡露盈盈三五秋光月更明到處圓靈金鏡則此身寫照
壺清蟾蜍仙府長生藥瓜果人間不夜城應是滄溟通桂窟香風兩
袖試騎鯨

徒倚中庭怯晚寒為憐今夜月團圓蟾光不辨蘆花白鏡影還流桂

子丹詩酒徘徊消客思風雷倏忽過雲端夜半忽大嫦娥如許重回

首明遠樓前儘可看來秋為

寄家書有詠

平安惟有一函書惆悵天涯問視疎驛使不來經兩月可知近日復
何如

三槐書屋詩鈔卷一

八 遼海叢書

次于東浦聞雁元韻

霜信何來動碧林西風吹雁下寒岑遠離關塞星初落秋到瀟湘水
正深應共露盤驚鶴夢遙憐筆柱寫鄉心遺音欲斷衡陽浦已是更
闌玉漏沈

秋興迴文

樹翠拖霞淡抹空遠天極望入林楓寒山晚去孤雲白落葉秋零半
樹紅殘簡斷編修永夜異鄉離夢有清風酸心客景輝塵俗鞍馬別
途歸喉鴻

宿李松峰齋中

別館秋光晚澄溪繞寺門屋連漁火岸人在水雲村宿鳥棲鐘紐寒
蟲咽草根誰憐鄉國異俯仰幾黃昏

題佟松泉小照

松岸懸瀑布泉眼近雲壇思得攜琴往同君一再彈

讀山泉聯吟集題後

明靜山鐵嶺人與修松泉自廣西回靜吟

山嶺泉音應感通遙宦旅寄詩筒事經艱險翻多韻

原詩所載遠而足思不忍入窮愁愈見工形影二人文字裏關山千里夢魂中從來

博識資名勝得意文章類史公

法帖

是誰新集魯公書尺牘珍藏我所無偽本競傳多寶塔此真面目職

匡廬

古意

皎皎河漢明遲遲更漏永與郎訴相思恩情成畫餅郎自有新人妾

自憐孤影隔簾見郎來衿襦強自整西閨笑語聲歡樂何馳騁視昔

猶紅顏未解郎薄倖展我羅衣裳修我紅素綆夜深語侍兒無爲妾

悲哽

三槐軒詩鈔卷一

九 遺海遺書

謝書畫七言絕句

喜見華箋翰墨新標題書畫總如神幽蘭怪石饒清興還與詩人自

寫真

懷朝鮮奉使諸公

一別東郊送客鏤鞭絲帽影共飄飄劇憐海國相知少也料萍踪後

會遙荒館無人巢舊燕寒江有路捲歸潮幾回檢點留題句擬向西

風再續貂

答夢鶴軒主人並呈懷朝鮮使臣詩

秋樹寒雲望海東乃心先得我心同多慚太上忘筭者真欲臨箋問

老翁

秋郊獨步

不道蕭森氣秋來只一般幾多芳草色剩有舊苔斑歸鳥下寒樹斷

雲開遠山終年無寸進未敢憶刀環

讀白大將軍墓二首

蔓草荒煙墓道橫將軍百戰氣猶生白楊響入秋風裏還是雷霆叱

咤聲

石馬臨風尚欲嘶松陰猶似陣雲低忠魂凜凜黃泉下遙認靈旗指

日西

呈樸澥先生二首

世出相知到處新惟君從不染羶塵定能老去文章壯不獨生平而

日真與我交情論四載於人和氣屬三春豈愁鬢髮絲絲白猶是歡

娛得願親

風流不歇尚先民總爲文章現化身摩詰是詩皆畫品

真卿無筆不端人先生世書畫精定許咸多士食俸何須修萬緡

今幸補右翼助教先生世書畫精定許咸多士食俸何須修萬緡

從此傳家兼報國徽音嗣以石麒麟先生長子敏

三槐軒詩鈔卷一

十 遺海遺書

留別卹西津

一職荊州令望著每從甲子數年華自甲子始與休教白髮雄心少

肯負青雲壯志除西津兄弟相識五夜時動燈下草三春定摘榜中花前程無限登

瀛路何事謀官上早衙時四神體都考取教

宿永安橋憶郡中諸友十月廿

行盡城西廿里程虹橋西去路縱橫悲歡昨夜酌詩酒思聽寒波瑟

瑟聲

三春一夢總朦朧畫壁詩成思未窮咫尺天涯何處是不堪回首暮

雲東

除夕

不見乾坤老難堪節序更誰憐辭舊歲重似別離情

答卹西津書題後即依見贈元韻

東風惠我好詩篇兩地相思心欲然不爲陽春消別恨更期景福與

文全避賢坐接龍門會年南盛京禮部考指日旋看

鳳詔宜落落竟成平素志批糠應笑反居前

聞雁二首

猶怯餘寒在春陰淡欲晴東風吹入律雲外兩三聲

不作悲秋意關山一路春似將消息報看取再來賓

重寫詩草偶成七絕一首

果爲傳詩誤大蘇讀書便合識之無預知往日難回首留作他年記事珠

玉佛

見說西方有聖人權將玉質奉金身幽龕合現莊嚴相寔字常隨去

住因最上菩提歸寶覺無餘滅度豁迷津拈花略示如來意頓悟文

心淨六塵

春曉

春夢醒遲凍欲消何來深巷賣餠簫重簾合趁新晴捲不禁陽和上

三槐書屋詩鈔卷一

十一 遼海叢書

柳條

春色迷離向晚看添衣聊爲耐餘寒松枝燒入茶鐺火一任輕煙出

畫欄

讀西湖志纂二首

想像餘杭風景同披尋猶在畫圖中可憐富貴延南宋猶憶神仙說

葛翁梵宇雲深飛鷲嶺層樓水面關龍宮憑他寫入丹青筆輸與詩

人體物工宋卷復將前人詩章及國朝名家並曾纂入

林有孤山蘇有隄勾留白傅是湖西六橋花雨仍遺跡十里笙歌半

客蹊天子時巡籌富庶才人情思寄標題何年得入星槎路不隔浮

雲望眼迷

春日感懷

坐閱先庚又後庚風光不覺在清明看來錦繡饒三月恐爲詩書誤

一生花鳥依依兒女態雲山渺渺弟兄情世人未解因時樂只向天

涯作送迎

春日懷煤澗先生用年前見贈元韻二首

共君約略月維三無限情懷只內含芳草思歸春未老曉窗貪睡夢

初酣偶因空冀曾過北本爲敲詩憶指南吟罷小桃紅欲綻卻憐花

信尙包函

仰正無嫌瀆再三自丙寅前三年詩草悉依煤澗先生改本緣知大美在中含股動隔院

酌詩久相共挑燈聽雨酣春樹繁懷同渭北折梅逢驛便江南前月

見煤澗先生所繪蘭草感懷

芳草入丹青幽然無伴侶臨箋細玩之似共同心語

山居雜詠

香篆留煙不捲簾嚶嚶山鳥喚晴檐登然客屨雲深處知是何人訪

宋纒

杖藜孤往隔重嵐暖日晴雲土意酣叱犢衝煙人語處不知山北與

山南

律轉東皇煥物華爲花富貴屬誰家山中宰相無多事管得池塘兩

部蛙

消得風光未了春多情花鳥最相親無端添入深閨恨甘作人間薄

命人

向晚山雲去欲留何人吹笛寫清愁試聽哀怨如相語豈是騎牛牧

豎流

從容花事去安排不斷生香與物皆惟有孤山林處士卻於妻子見

高懷

不盡葱青樹色深幽居恰比小禪林青山若許檢錢買肯讓祇園布

地金

春草生如晤舊知春風來似慰相思杏花開處桃花發正是勞人小
住時

清明二首

不隔花村路甜紅上小桃魚爭溪漲暖雁度海風高士節甘龍墊臣
心淡雉膏綿山煙漠漠何處覓蛇號
是誰甘介節長揖薄侯封白髮招借隱青山香舊踪禁烟隆報土寒
食不因冬縱有綿田奉難將母氏賽

廣寧道上憂旱二首

十日征途往復還翻因苦旱念民艱獨留夕照明郊甸儘有晴嵐帶
遠山芳樹籠陰皆暑氣老農揮汗尙愁顏誰知霖雨成何日空望浮
雲去住閒

祈禱封山作雨雲風霾鎮日苦炎氛曾遊澤國無餘潤去年廣邑合
水患特甚

三槐書屋詩鈔卷一

十三

遊海

向桑林憶舊聞杯酒不消心似醉燃眉何計志如焚功名望已深饑
渴豈似民情待澤殷

應鄉試西上

幾日行程傍海涯雲山回望是吾家庭槐近午繁清夢路柳斜陽帶
晚霞難得臨時文入彀可能到處兩隨車翻因早甚思鄉土無復隔

情玩物華錦州一郡自春秋兩
所屬地方殊未靖也

三槐書屋詩鈔卷二

錦州金朝觀午亭撰

法王禪林早起二首

梵徑深沉少客蹤
曉窗睡起攪衣慵
醒聞清磬香初下
認是閑黎飯後鐘

不是禪棲水月隣
齋糧歲月反安貧
老僧休說齋糧少
我佛原爲乞食人

丁卯秋試過薊州蔣力齋先生於京邸

相士休將冀北空
共君三五月明中
簾前工譜霓裳曲
雲外香飄桂子風

丁卯年
則花盛發 合報先春到薊東

過十三山口占

北鎮臨青幽山盡
南山口峭蒨如列屏
嵐光入虛牖古洞鎖
金牛神

三槐書屋詩鈔卷二

遼海叢書

物夜出走不爲五丁驅
糞金日一斗豈似田間來
洪縻繫人手

出都後憶舊二首

千里棲遲客是家
夢魂飛去海天涯
窗含曉色涵虛白
知是霜華與月華

萍踪泡影與浮沉
情海茫茫入更深
任是西天稱極樂
人間愁苦也驚心

輓邨西津二絕

多情不能久相囑
獨遣詩誰識
長相思終成古別離
君心何絕決
我意復冥冥
秋雁天涯去
關山黑復青

水仙花

定知仙品不尋常
近得江南異種香
泉石自甘心共白
縹緲借潤甲初黃
冰肌玉骨差同味
金盞銀臺欲比芳
豈似牡丹資沃土
誇稱富貴侈稱王

同沈秀嵐月下聯句

片月掛銀河
沈流光一擲
過夢魂鄉國
異金胸臆宿星羅
昂首天空碧
沈挑燈夜嘯歌
遊仙尋舊夢
金雲路莫蹉跎

和王義門得子元韻

憶向門高設矢弧
熊協夢不曾殊
韶華再度宜男草
寶氣重還合浦珠
相業三槐得未有
慧心七月識之無
佇看繞膝隨兄後
又著斑衣襲錦襦

和沈秀嵐春暮廼文元韻

濛濛夜露點輕紗
減卻愁顏強對花
紅紫遍園春繞夢
碧青涵樹暮歸鴉
風光坐裏詩同伴
酒意多時客在家
童豎收回歡笑語
樵樵淡抹一痕斜

和沈秀嵐詠嚴子陵釣臺元韻

南陽貴士起縱橫
江上羊裘尚待清
憶昔真人臺下拜
臨流咄咄嘆

三槐書屋詩鈔卷二

遼海叢書

先生

和詠孤竹舊里元韻

何事當年扶義起
於心求所安而已
採薇歌罷渺難尋
山上清風山下水

清明紀事兼憶亡友邨西津

清明雨夜王義門齋中扶乩卜事有女鬼張公子者下壇詩云家家掃墓紙香焚肉滿盤盂酒滿樽節序頻移誰弔我白楊風雨泣孤魂後署名爲燕人婉鳳從父令蓋平歿於任所次夕同人復焚符招之又得一詩云諸君招我到泉臺風雨瀟瀟送我來酒冷燈昏魂作客吟詩恐惹使君哀其時繆樸

解尚鐵峰沈秀嵐均依韻和成七首囑予步和予做八哀例亦依韻和成

鉛華零落冷妝臺
明月他鄉任去來
曾憶春閨驚夢覺
杜鵑啼處最

堪哀

憶從花縣與琴臺回首燕雲不復來人物已非城郭是夕陽流水可

勝哀

家山遠隔望鄉臺曾見家家掃墓來酒冷燈昏香縷細一番消受一

番哀

不生不滅是靈臺不了將來與未來總為夙根情重處怕言哀處卻

言哀

憐兒不作望思臺拋卻兒家孰再來琴鶴未將兒共去青山相對自

生哀

宿草萋萋繞墓臺一年一度送青來黃泉從未春光到苦雨淒風孰

告哀

風送香魂到夜臺更闌燭盡月明來那堪孤雁驚啼不禁悲聲為

寫哀

散花天女繞蓮臺會見幢幡度世來願到諸天歡喜地不知人世有

離哀

和畢續成二首

香繞詩箕一縷魂依稀幽怨淚添痕夜深露重歸何處衰柳殘煙鎖

墓門

莫論仙才與鬼才情辭惻惻有餘哀卻憐詩友歸何處安得尋聲一

再來

送尙鐵峰歸里二首

春光冉冉落芳菲龍首山深鎖翠微廿四條風尋塔約幾翻梅雨送

君歸

垂楊小院鶯兒夢晴晝疎簾燕子飛怎奈臨歧回首處傷心無

語獨依依

世事茫茫少定程詎今離合限平生雲馳電掣爭消息海闊天空見

性情不願詩才資酒力應將人品重文名殷勤此意誰能語昨夜恍

燈籠雨聲

將赴長安別棋澤二首

不是嫌春轉愛秋王孫芳草最牽愁自憐負債長安道回首煙光十

二樓

夢中鄉國意中詩花滿闌干酒滿卮此景此時誰會得不堪說與外

人知

夏雲

風擁輪困絮擁團晴空愴怆杳無端世間萬變須臾事只作浮雲到

眼看

烏拉草三首

草名烏拉古無傳近與村農用最便露重芒鞋侵曉去霜凝葛屨覺

春還山中踟躕名稱異王不留行義可捐幾處芋眠平野綠擬隨謝

展到峰巔

白嶽靈葩屬貢參尋常弱草亦堪吟生當夏雨宜河畔搗向秋風入

夜砧翻笑傾葵空自衛更如挾纊可人心緣隨野老同行止未必登

然喜足音

地名烏拉又名鞋茲草稱之義轉諸物產蕃滋仍土俗春風披拂滿

江淮安排不去塵中駐冷暖還將足下借試問三千珠履客可能解

履到當階

擬答烏拉草問即依元韻

觀風懶作探花使辱在芻蕘訪異材冀北羣空多骨相江南春信只

梅開品題不薄茅櫛剛採取能將并圃該見否何勞重訊問而今杖

策自田來

與金獻珽書題後

相憶不相親天涯作比鄰關山紫旅夢風雨切懷人幸有囊中句羞

與金獻珽書題後

相憶不相親天涯作比鄰關山紫旅夢風雨切懷人幸有囊中句羞

相憶不相親天涯作比鄰關山紫旅夢風雨切懷人幸有囊中句羞

三槐野屋詩鈔卷二

三 遼海叢書

三槐野屋詩鈔卷二

四 遼海叢書

無席上珍何堪知己贈恐我誤青巾

就寓京邸感懷二首寄謀解書題後

殘月銜樓數點星縈縈鄉夢睡初醒夜風吹入音聲樹誤作家山舊

雨聽

黃金臺下又重過十萬人家巨第多可惜終南無捷徑長安雖近奈

如何

寄鄭爽齋書題後名增承 德人

小院重門寂寂春落花拂地靜無塵可憐雙燕如期至不見年時舊

主人丁卯秋予同 爽齋寓此

立秋

晚樹秋蟬最有情聽琴移坐綠陰輕漫將昨日薰風曲譜入商絃作

變聲

十六日出關後答沈秋嵐見寄二首秀嵐改 秋嵐

三槐書屋詩鈔卷二

五 遠海叢書

黃葉西風舊旅情好將詩語踐前盟三條燭焰低檐曉瀉作秋嵐一

色清西風黃葉度 秋嵐集中句

明月懷人愜素心況當明月共知音秋嵐見懷詩推窗弄 明月明月繫吾思誰家省識

秋思憶昨夜霓裳一曲吟

京邸閑居偶成

征燕去如客歸鴻來作賓莫嫌秋已暮留待小陽春

戊辰九月九日舉順天鄉試

名場幾度看升沈久困龍蛇起奮心今日西風好消息榜頭高處亦

登臨

初十日詣午門謝萬壽單恩恭紀二首

曉望觚稜翠欲流九重深處五雲留太平天子登仁壽習禮諸生近

魯鄒嵩嶽降賢呼萬歲神山築屋滿千籌崑崙清禁班聯肅借引鴻

臚過鳳樓

天上蓬壺不計程秋風得意許騎鯨西王母獻靈椿瑞南極星臨壽

宇平禮樂百年涵大化文章一代屬公評賢書轉愧公車選行傍宮

槐聽有聲

晤熊岳軍尉法麟二首滿洲 人姓

喜是書生立戰功何須地望素崇隆毛錐欲掃千軍壁猿臂能開六

石弓三楚知心思贈劍一身是胆識丸熊珊鞭得意東歸去好著金

貂禦朔風

入望南天淨楚氛馳驅霜雪舊從軍每從王事思將父恰有臣身足

報君數語論交應白首十年壯志附青雲曾經戎馬干戈地不盡酸

心弔古文王軍討尤 好讀書

過新甸瞻禮周總鎮遺像新甸在沙河縣西屬直隸永平府周 總鎮明季人諱遇吉守寧武時流寇 猖獗遠近驚怖公守禦甚嚴賊突至公與巷戰馬遇賊遂敗 續其夫人登屋射賊舉家縱火自焚死城中士卒無一降者 屠之皆

屠之皆

三槐書屋詩鈔卷二

六 遠海叢書

所部誰降者孤城碎欲塵將軍無戰馬孝子不全身兒女英雄氣邊

疆社稷臣即今遺像在揮淚細諮詢

出關偶成並簡時兩峰

京華三月正春深天氣清和乍可心我到南宮歸未晚庭槐旬日綠

成陰

獨坐

靜境偶忘機東風入坐衣袂殘松子落日送白雲飛

古意

妾身未慣閒妾心常相思軋軋機杼聲滴滴心中淚製錦不成章織

作迴文字

題贈洪玉峰

欲學長生怯病身玉峰山外總陽春相尋偶到雲深處認是懸壺一 老人

和答沈秋嵐擬古四首

北溟有巨魚深居不知處長須復修鱗蛟龍詎敢拒吞養養四遊跋浪翻蓬嶼會當雷電章擣風任遐舉一出一處問相去能幾許君子愛其身小人愛其財富貴偶然事時乎不再來窮愁傳著述發憤鬱雄才毛雉安可棄功名薄雲臺昔之先達者松柏固已摧山川有靈氣鍾毓應不虛藏器待其時堪輿與書劉讀甘下第賢賦恥相如若非天下才誰復嘉子譽丈夫會有期胡乃拘者墟

學天獨於

二陵佳氣多北望難終極秋草被平巖蟲語何唧唧勝地不久居佳

恭和御製憫忠詩三十韻

恭和御製憫忠詩三十韻
俗凡邑中不平事必折之
成兵進士公以知縣分治
王權以路公公弗許王以金
三槐書屋詩鈔卷二

東獄降生發其祥李公卓犖尋常讀萬卷書不愛死英風煥氣節
靈長公之少年有大志關雞走狗斥荒唐疾惡如仇去如疾市井無
顧呼為狂嘉慶戊辰歲進士曲江春宴顧軒昂帝曰昌才非百里汝
其試之往江鄉是年秋漲溢淮泗魚鼈斯民走且懼詔開內帑賜
幣侵漁牟利相頌頌獨公力持矯其弊元凶稔惡王山陽殺民更殺
慈父母下同厥僕禍心藏豈有仇人羊叔子巨耐跋扈皆豺狼可憐
孟酒須與命金石毒發摧心腸北望宸極魂飛去月明顏色遠屋梁
傲袍丹血鬼神護家人夢寐感悽愴叔父愛姪如愛子抱衣吞泣心
悼惶酷暑千里汗相屬披髮投地呼天閻斯須九重達聰聽赫然震

北溟有巨魚深居不知處長須復修鱗蛟龍詎敢拒吞養養四遊跋浪翻蓬嶼會當雷電章擣風任遐舉一出一處問相去能幾許君子愛其身小人愛其財富貴偶然事時乎不再來窮愁傳著述發憤鬱雄才毛雉安可棄功名薄雲臺昔之先達者松柏固已摧山川有靈氣鍾毓應不虛藏器待其時堪輿與書劉讀甘下第賢賦恥相如若非天下才誰復嘉子譽丈夫會有期胡乃拘者墟

後羣離失路悵楚囚終日相對泣引頸待罪輒道旁剖視心肝血漉
滿如洗然於被日月光國家驗功重死事豐碑屹立鶴天章郡君
食作三千石心如冰玉操如霜乃囑守令為立後千秋俎豆承馨香
吁嗟乎書生無氣人所鄙每為斯人意差強人生百年忽已矣誰復
言之概且憐

重陽夜蘇詠菊影得金字
消遣疎鐘晚良宵抵寸金黃花須澹泊綠葉總蕭森
然如壁陰引鶴須盡興休負夜遊心

好是風流處士家籬邊晚課亦生涯叢青錯落搖書幌濃綠紛披點
絳紗幾度燈挑思起草乍驚眼老欲無花重陽莫漫愁風雨明月中

天半雙斜
冰菊影代李綬川作
綠陰掩映畫圖新菊圃昏黃解倦人莫惜飛花餘晚節又從明月認
前身幽人迹跡原難近澹友高情恰好親說與丹青渾未解誰傳粉
本作殊珍

爲壽公子新婚戲作
醉耳笙歌不厭頻紅鏡輝映百花茵龍涎香合鴛鴦夢雲母屏開錦
繡春未識郎情多警世應憐妾意慣嬌嗔雞聲似妬甘同夢斜月疎
星已向晨

出都寄懷諸同志
涼風西下賦征塵秋老平蕪入望真山氣空濤天欲曉草根微綠夢
回春從前虛度猶今我別後相思又幾人只爲知心深愛惜難言富
貴不如貧

三槐書屋詩鈔卷二

八 遺海叢書

75

閩陽驛晚眺

閩陽古道向幽燕北鎮峩嶷碧天五日行過山一角九秋旅望月
三圓園亭寂寞堆殘葉雲樹蒼茫隔暮煙老馬歸途如故識何須分
付著先鞭

題贈醉亭主人六首

萬壑千巖路轉迴尋幽誰向此中來山林客氣倍仙侶孤矢家風統
將才聖世桑麻行處有公門桃李舊時栽未容塵跡通蹊徑曾否雲
關爲我開

主人攬勝啓園亭領取春光戶不扃杖履高風堪自許家山舊雨且
重聽雲窗日暖涵波碧茶竈煙微帶柳青共道清明看更好輸他前
此未曾經

三槐書屋詩鈔卷二

九 遼海叢書

亦愛吾廬

一派清泉入短牆曲緣花逕引流觴村醪熟釀華鱸美山雨初過棗
栗香白髮逢秋須健飯黃花雖晚不憂霜扶筇且立溪橋畔露冷葭
蒼水一方

野草寒枯計禦冬垂簾未捲出門慵椒蘭繞座融金鴨鱗甲飛空起
玉龍解識天心梅數點閒消世慮酒千鍾請君曝背南窗下莫道陽
和不可逢

千金一諾兩懷思二十年前話別時亭榭今猶依舊主鬚眉端不愧
男兒空山流水傳情緒滿目飛花盡酒卮近識閒愁無處著只推我
醉未曾知

在盛京恭逢萬壽聖節遙憶都中前輩諸公躬與盛典恭紀

無疆聖節值良辰先已恩覃草莽臣葵藿有心惟向日松雲生意自
長春南山祝壽歸周雅東國稱航近古幽萬里君門西望處卻憐蝸

角屬何因

元旦立春

昨日除殘臘今朝報早春體元歸聖主迎歲在寅賓北陸回陽馭東
風擁化輪椒花初獻瑞何惜酒千巡

題蘇東坡遊赤壁圖

當年橫槊亦風流蔽日旌旗一炬休樽酒空山明月夜何人高賦大
江秋

題蘇武牧羊圖

十九年來一旅臣南朝誰念牧羊人凝霜裂指猶持節難與胡兒道
苦辛

示學中諸同志

山繞孤村樹繞廬依稀風景似鷺湖關頭猛省登先岸彈指流光逝
隙駒覺路還須庸玉汝官階何必執金吾古來惜命文章甚不信知

三槐書屋詩鈔卷二

十 遼海叢書

心一世無

春日懷瀋陽諸友人擬古一首

西山當戶扇颯然來清風陰陽互新故茂蘭發幽叢采之欲盈把將
以寄郵筒故人一爲別遠在閩山東思君不可見懷君何有窮白雲
自卷舒目送雙飛鴻延佇獨無語我心復忡忡

清明一首

清明春未暮借樂及同羣綠變榆槐火青歸竹木雲小兒循造化野
馬入氤氛誰念縣山上千秋義士墳

初夏偶成

見說農家好書聲共續聲君恩寬負擔天意適陰晴花麗春光豔詩
和燥氣平長安多少路猶憶重行行

壯士行

雄風表海稱洋洋古冶神勇如鷹揚憶昔從君下三晉橫矛倒戟何

軒昂君之愛馬玉花驄蕭蕭長嘶如追風
與黃河連深淵木末神靈呵中有怪物為妖
壯烈勇士忿怒下妖吹英風快氣貫長虹
虹管驚七首飛霜雪暗噤叱咤蛟龍紅濤
一樓翻汗血吾聞忠信涉懸流投壁新
駁就為將將軍英勇氣蓋世舉命胡為二
桃休

春日關雁七言絕

又向平沙結陣過紅南消息近如何
人間慣聽公兒語只為秋聲寄感多

登翠巖山七言絕

孤峰直上白雲隈
洞底青松陰碧苔
我是夙緣應到此
當年曾否謝公來

題畫獅子

我讀西山經見兩難
擬云有百獸王奇質
乃似詭山鳴谷應
生長

三槐書屋詩鈔卷二

十一 遼海遺書

風搏象易如搏鼠
仗伏者不噉強者拒
稱仁何獨稱麟趾
只恐破壁吼一聲
斯須奮發去千里

題雙鶴春梅圖七言絕

春光憐物去猶遲
滿樹瓊華未落時
他日檐前傳好信
此身原在最高枝

末用食子才
滿花時句

春日登北山望塞外諸峰

西北雲山控紫臺
望中野馬息塵埃
莫嫌邱垤無風景
應是崑崙二

脈來

辛未捷南宮

棘院簾陰聽唱名
飛傳箋紙滿都城
忽聞我亦泥金報
竟似嘉賓倒屣迎

四月二十三日保和殿策試

英雄雄盡網羅收
聊藉文章作應求
五色卿雲誰載筆
九重清禁孰

前花因向日無凡
水到東流亦識山
林佳趣永春風
鳥似風池頭

歸里吟

宛爾負擔愛山林
同是君王造就深
挾奉未歸他日事
讀書詎負少年心
慈恩塔影雲間
長樂鐘聲夢裏尋
依舊芸窗公案在
春風秋月動清吟

近里後寄留都諸同志

微雨蒼蒼柳絮新
梨花流水曲江春
君王許作歸田計
文字難為造福神
東國懷思空近日
北堂稱壽慰慈親
大羅天上分明在
一覺遊仙夢未真

畫魚吟

畫魚力破萬千卷
幻身脈望人未知
仙窟已逢三度劫
綿綿化為長命絲
芸香佩服莫相避
其如臭味無差池
盤屈偃伏似龍
豈夜深太

乙來下窺驅使丁甲穿壁去

窺池涓滴甘露施
主人愛我果千觴
贈我珍珠字數行
相劍不逢雷煥子
彈琴誰遇蔡中郎
中年哀樂類搔首
往日鶯花只斷腸
聊為雞聲一興舞
晨星三五在東方

望雨詩一首口占

風急雲退散風柔
雲復微老天須作
合也自有睽違

和雜婦詩即依元韻

小州人道數年之亂乞
食行吟情未傳其姓氏

日為誰忙

疎慵無計遣韶光
飲酒遊山學孟陽
得意逢場皆露電
生來惜命豈文章
筆刀製錦能藏拙
風剪裁春牛屬狂
惹起深閨窮女恨
嫁衣終日為誰忙

望雨詩一首口占

風急雲退散風柔
雲復微老天須作
合也自有睽違

和雜婦詩即依元韻

小州人道數年之亂乞
食行吟情未傳其姓氏

日為誰忙

疎慵無計遣韶光
飲酒遊山學孟陽
得意逢場皆露電
生來惜命豈文章
筆刀製錦能藏拙
風剪裁春牛屬狂
惹起深閨窮女恨
嫁衣終日為誰忙

拭淚痕

冬夜懷棗一解一首

思情款款復綿綿又向西風寫寸箋此際此情深夜月為寒為暖小
陽天都無可憶從前事儘有相逢未了緣知感生平能有幾於今不
見已三年

悼馬生亡父一首

年少功未就沉當失所天遺言無一語觀行重三年烏鳥啼殘粒喬
林起暮煙堪憐馬氏子應有白眉賢

詠史

孔孟若元氣渾然天地間風雷不改色草木皆新鮮大舍入無間鑽
仰高且堅自古生未有稱諡胡稱宣子與本非字何況指名焉

贈別馬錫侯乘轡一首

與我初相識於今二十年詩書綿世澤衣鉢媿真傳此際挑燈夜當
時立雪天

懷石綺園二首

我愛石綺園讀書無專門文章與法律一一窺本原男兒志康濟安
用精柏言大才用之小勞此案牘繁我聞古良吏所治無覆盆又聞
古遺直其民自不冤狂狷少留獄雞犬無驚魂臣門紛如市鎮日來
者喧臣心淨如水撓之終不渾古人如可作安能世俗論詩書有餘
澤政舉人乃存君情高且潔冰雪欲無痕君志遠且大勢欲江海吞
暫滯鴻泥爪終當凌風翥

我憾石綺園輕財如糞土千金雖易來一錢亦足數我有白練衫上
書蘭亭譜剪燈恣夜談翻被膏油腐綺園給我方云曾考之古滲以
金屑霏快如披雲靚漆為蠟殼銷針向磁石取物理有同然何必出

撰杜余心是其言攻錯借園府初如大冶金躍躍還起舞又如鑄莫
邪一鼓復再鼓可憐孔方兄無罪膏吾斧詎知墮術中夫人乃自侮
吾今索債來還須言阿堵

題老子傳經圖一首

君歷周朝定幾秋生來白髮已盈頭五千道德丹經祕百二函關紫
氣留也共尼山同載筆今番海屋又添籌青牛花外歸何處昨見天
河飲上流

題淵明種菊圖一首

先生有高超招隱為黃花北牖羲皇古東籬歲月賒桃源真福地彭
澤豈吾家何事陶宏景空排宰相衙

題葛仙飯蜂圖一首

莊生化蝴蝶幻身不自知葛翁作蜂子吐哺驚且疑想公之口甘如
蜜出爾反爾紛煩滋世人喫飯吞梁過安能精柏出神奇嗚乎謫仙

咳嗽九天外縱有珠玉不療飢

題子陵垂釣圖一首

富春高尚放王侯龍鯉西風一散裘偏是貴交徵不起客星孤照大
江頭

題太白醉月圖一首

樂哉學士對月稱觴此身此影共此清光臣有仙骨謫居醉鄉清平
雅奏春宴沈香氣吞力士限識汾陽

巖嶠西度流照夜郎

題伯牙訪友圖一首

吾師在海上風濤萬頃深吾友在山中樵徑作微吟高山有清澗流
水無競心孤往與未已呼僮囊素琴寧辭一再鼓會須有知音

乙亥九月九日紀事詩四首

回首流光十五年千金一刻總徒然當時無故誰知樂彌月多蓄更

可憐今日乍醒前日夢他生難必此生轉瞬不幸遺隔九萬層
羣叫暮天

荆樹西風力不支那堪弱弟此長辭憐兄念甥將身代思母情深
髮悲零落衣裳成往迹拋殘筆墨付伊誰傷心問字殷勤日忽忽生
平有幾時

秋風落葉感屋霜辜負韶光春夢長硯北隨兄供筆墨對東呼嫂問
羹湯劫當桓景都歸命禮據檀弓可勿傷他日登高臨眺處天涯布
奠一傾觴

花萼驚風儘此番已看秋色老椿萱空將無死嗟予季多為尊師請
我昆長逝魂兮安所適生來命也復何言從前書畫擊雙管化作虬
松拱墓門

感遇
清福神仙望已休家山鬱鬱此勾留文章豈為求知已兄弟無緣共
宦遊往日名途堪屈指中年人事費持籌不愁靜裡難消遣每遇尋
春到陌頭

答張少亭二首
南國山川舊有靈精華上訴老人星近來垂照芸窗下不數燃藜太
乙青

老去湖山興未闌金陵王氣付江干何當載酒龍盤里同倚欄杆看
牡丹

為煤解題扇畫以殉葬
詩有同聲和人皆雅量宜共茲三不朽結作兩相思華表仍歸鶴蘭
亭欲附棹春蠶雖已老猶自有餘絲

丙子初春喜晤煤解先生因懷尚鐵峰沈秀嵐適先生以詩鈔
見示率成長歌用為題詞

少與公相識長從公相游蒙公青眼待不與下士儔我乃不措陋公

乃為包羞別公六恭歲白髮已盈頭昔公宦遊日東南人士稠觀水
既觀海復不絕迤邐登山既登登復復不小阜邱林盤踞無與霜毫時
秘抽鶴子秋風健爾蘇春氣柔黃金散不盡終可補其遺積書千萬
卷瑯嬛寶笈留晚年自訂稿呼我為編修八萬五千字一一皆清道
將為紀年譜將為各事詠天資既純粹高識乃不作向當共知已來
自山海經與周南北望錦水頻東流獨有松江客潮湖難遠求人事
類如此我心徒悠悠與公期不朽魂夢各千秋

游普陀山寺一首
普陀山外濕雲流馬上經行取徑幽梵宇飛空攢寶樹靈湫不洩守
潛虬度生誰出三千界回首重來廿四秋半日偷閒聊共適老僧耐
應未曾休

游小洞山寺口占
野菊寒籬下幽蘭傍澤隈牡丹生富貴還許待春來

何雲從蕭殿臣二感韻招飲一首
非步忽疑夢驚心轉自猜入山尋故徑隔樹識蓮臺危石如累卵依
然大第排綠何初到者不異舊曾來

難得嘉名似太真風流不減洛川神紅妝引燭三更豔白雪飛聲四

三槐書屋詩鈔卷二 十六 遊海叢書

座春薄命未知團扇恨芳年正值破瓜辰因他面傳何郎粉又恐蕭郎是路人何郎謂雲從蕭郎謂殿臣

落花二首

儘教清晝自舒長爭奈春光費較量暖日遲遲多已去東風故故亦堪傷小橋柳絮全鋪徑別院桐陰半拂牆況是夜來風雨過何堪掃地盡文章

蓬蓬生計滿天涯覺得春深是落花香色漸於濃處減光陰不覺去時奢何堪倦蝶醒殘夢儘有閒蜂上舊衙生滅自來還造化休將情妬怨封家

元旦一首

造化無停息乘除改歲年東風先入律星紀又周天爆竹宣陽氣椒花啓壽筵北堂春正永槐蔭滿庭前

棋澗先生贈垂絲柳一枝種之成陰矣承先生郵函相訊作此

三槐書屋詩鈔卷二

十七

遼海叢書

以答

自得先生柳栽培向小園分條寧計尺扶幹恰當門腰減春風力眉銷故國魂長絲空縷縷別限與誰論

丁丑舉一子爲亡弟盈出繼

庭前荊樹影榮落兩際遠既得親枝共寧虞奕葉微癡情天不厭異舉衆相非賴有賢妻子綿綿永紹衣

柳眠一首

新絲縷縷情風柔情態二眠倦欲休千百流鶯呼不起怕醒春夢又添愁

鶯梭一首

三月花如繡製錦須金梭柳絲織未了又添雨絲多

簾波二首

竹簾生微涼北窗臥不起呼僮下筠簾猶帶湘江水

簾箔何空明差勝側理紙只愁燕誤飛剪取西江水

鏡花二首

美人曉簪花蛾眉懶不畫有色不聞香終是虛花界名花遇傾國自古兩相歡今在明鏡裏權作美人看

燭影一首

蘭膏吐青燄知是夜眠遲獨有搖紅處千秋不釋疑

書畫二首

食古須能化飲香年復年畫書不畫國何媿守殘編詩書本不腐何自有蟲生力能破萬卷厥罪比秦坑

筆架山四首

在錦邑南大海中

卓筆峰高不可求臨池空自意悠悠此中本有珊瑚架鐵網何須屢溯游時院試以此題試諸生

三峰突起宛中央應是徐陵搦筆場試問古來誰巨手韓潮蘇海閱

三槐書屋詩鈔卷二

十八

遼海叢書

滄桑

大筆如杠只此支誰將巨手一重持風帆海上朝朝過疑是楊花入硯池

誰是元虛作賦才文章定可到蓬萊應知此後難提筆故放文瀾捲浪來

依棋澗先生題扇元韻奉和

每媿庸庸被獎旌相逢心許若平生風吹野草鳴賓鹿春滿喬林度小鶯講藝自能消客氣忘形更復重交情驢歌寫作繩頭字猶幸年來老眼明

懷棋澗二首

往事依依幻亦真分明箋字墨華新離筵曾照西樓月別賦空懷南浦春萬卷難譜天下事百年老去眼中人辭君再晤知何日滄海浮萍寄此身

柳絲鞭影度春城又聽西風落葉聲老鶴棲陰傳遠約綠雲繁榻發
幽情想因知已勞相思也恐耽吟癡養生何似含飴弄孫樂餘年
得一身輕

懷李公師惠

李師惠字公師在東京其友李梅顯試明天卒於
巳卒三日矣因制告諸友生
贈金為殮車坡為之扶輿歸葬

李公敦夙好生死見交情誰識扶棺痛深於負笈誠燕雲悲客路
水咽歸程不為呼將伯奚從旅櫬行

三槐書屋詩鈔卷三

錦州金朝觀午亭撰

奉和洪玉亭送別元韻四首

津柳依依最可憐
葛衣寬褪又添綿
與君判袂西風裏
從此參商定幾年

頻挑燭淚夜闌時
咫尺天涯未忍離
我自不辭心曲亂
伊人空復念溫其

驪駒就道競相誇
迎送青山到處家
忽憶邇來耽習靜
也因離索厭繁華

海雨江風滿客襟
片帆難擱故鄉心
預知此後相思苦
總以長年度寸陰

有感

自笑雕蟲誤半生
虛名何益竟何成
韶年碌碌空回首
後事茫茫少

三槐書屋詩鈔卷三

遼海叢書

定衡命不難知
姑進取人能悔過
是聰明邇因悟得
南華意純以天機自在行

題孫墨林小照一首

南國多佳士
風流孰若君
持籌無市氣
展卷挹清芬
錦水浮歸棹
吳江冷暮雲
精神千古在
元鶴與同羣

送伊莘起主事任滿赴都一首

三輔分猷馬首東
京華回望五雲中
黍苗潤借隨車雨
錢穀清餘兩袖風
愧我疎慵聞誨少
知君廉靜與人忠
何緣芳草思歸早
依舊春光迥不同

煤澗所贈柳春日復萌書此寄懷

垂絲髮髮拂風輕
猶憶殷勤唱渭城
當戶可容棲小隱
眠春無計遣流鶯
黃金有色初分種
青眼看人感舊盟
樹尙如斯何況我
三年拱把詎無情

和答同年何愚溪都中見懷元韻二首

長安西望暮天高
暫憩閒身跋涉勞
此日懷君臨素簡
當時憐我贈緇袍
五年延閣遲鴻羽
十載恩榮毓鳳毛
令郎恩榮生戊辰今十一年矣
誰識山窗風雨夜
幾回驚起聽松濤

幾番夏暑與冬寒
筆墨分明一晤難
五月為花邊地景
九秋風雨海門觀
省中蘭蕙新沾露
愚溪新改內府管領
柳外溪橋共倚欄
春滿上林萬年樹
何時分借一枝安

塞上吟二首

九龍山控小凌川
朔氣凝寒欲暮天
設險重關勤遠戍
戒嚴三衛想當年
華風漸被通蕃漢
文教流傳孰後先
總為太平安土樂
人家多半是屯田

我今來此又隆冬
極目斜陽簇亂峰
松嶺設關分界限
凌川入塞識朝宗
邊防將吏兼司稅
土著兵民久務農
一帶疎林成列處
當年細柳想軍容

三槐書屋詩鈔卷三

遼海叢書

柳想軍容

課農七首

田連阡陌畝南東
鋤雨耕雲處處同
只為相馴歡笑語
翕然繪出太平風
時當春季識農忙
笠影婆娑趁夕陽
偏是老人知歲稔
占晴占雨半荒唐

昨夜霑濡雨一犁
春融穰穰又塗泥
朝來試向東郊望
人跡依稀暈曉隄
曾從郊外去迎春
又看東皋播種人
雖際太平農事樂
誰知顆粒總艱辛

好是和風旭日時
分明畫出大田詩
願將粉本陳丹陛
當日幽風想見之
三春休說日遲遲
有鳥催耕恐失時
欲報西成且東作
農歌半是賽

見之

三春休說日遲遲
有鳥催耕恐失時
欲報西成且東作
農歌半是賽

神詩

每從耕藝識民情
依戀家山課雨晴
他日長安西望處
可能回首憶躬耕

李將軍射虎石

老將威名震北平
卻教頑石落魂驚
笑他試劍原兒戲
未必吟成猛虎行

力如虎尤猛
心比石還堅
以此威弧矢
何愁不應弦

吳越王鐵弩射湖

三千弓弩越人彎
竟使蛟龍退舍還
聊藉威靈降水國
猶看湖勢漫湖山
石橋渡海能鞭血
銅柱封疆可限蠻
當日既知安境界
何緣此後復為患

讀弔古戰場文四首

萬騎連營催暮笳
思歸軍士死為家
沙場萬里埋枯骨
哭奠徒勞天

三槐書屋詩鈔卷三

三

遼海叢書

一涯

雪滿征途遠
帝關金戈鐵馬若雲屯
成功也有生歸日
寢寐猶驚未定魂

黃沙白草望中迷
新鬼含愁舊鬼悽
一樣北邙山下死
堪憐塞北與遼西

我欲開編弔古人
何堪卒讀耐酸辛
書生未識從征苦
猶說文章薄武臣

李愬雪夜入蔡州四首

雪夜銜枚走敵師
軍聲驚鷺兩驚疑
探囊取得吳元濟
計奪崑崙一覺時

六出都緣兆歲豐
能邀天倖是元戎
休誇謀定由裴度
此夜應推陳六功

擒虎誰探虎穴中
分明敢入不居功
將軍負弩稱前導
掃雪開門拜

相公

參翰輪扉屬乘衡
何須內主訴分明
他年遠走藍關雪
多為碑詞有不平

蘇武牧羊

嚼雪能回塞外春
功名難望寫麒麟
誰知羝乳成歸讖
便信傳書有雁臣

擁旄窮海有孤臣
甘與羶羶作牧人
握手河梁成永訣
荒寒塞草不知春

峴山碑

當年緩帶復輕裘
太傅登臨樂此邱
敵國推心驅二豎
名山勒字獨千秋
石頭旋凱誰遺策
武庫談兵尙稟謀
我為古人時墮淚
蘭亭何必擅風流

閱江樓

高樓控引大江流
獅子山頭蹟尙留
天意自分南北壑
偏安時作帝王州
朱欄憑盡三吳盛
碧水飄來六代愁
豈為埋金無王氣
何緣誠意不如婁

黃金臺

漫說君王好俊才
想來名士也貪財
黃金霍霍終須盡
慷慨悲歌孰再來

送別佟松泉

丹桂猶留種黃金
不可求望君南浦
盡心事兩悠悠

清明

清明時節雨紛紛
路上行人欲斷魂
借問酒家何處有
牧童遙指杏花村
借問酒家何處有
牧童遙指杏花村
借問酒家何處有
牧童遙指杏花村

愛此清明耐曉涼
偏逢置閏較春長
上林誰是探花手
桃李爭看出

蘇軾

風風雨雨近清明草色皇都盡錦程誰識矮檣春最好隔牆曾聽賣
餽聲

曾記瓊林預宴年朱櫻灼灼燦華筵當時上已重經過差覺今春又
占先

又逢藥榜放春官消息東風尙帶寒偏是熱中人不覺看花早已到
長安

口占絕句一首
庭院樹光重漸知生意濃當風未團綠搖落亦無從

東山紀事五言排律二十韻並呈董東堡

東山肅瞻仰密邇式前人風樹兒孫聽園林世代因身居華屋樂心
切首邱仁霜露常殊景岡樹近比隣成功原自良開物必於寅隅對
參星次宮分木德春平臨當綠野高拱接蒼旻重疊張幃幙趨迎作
主賓川迴疑帶曲峰巒儼雲屯勢隱宮牆闕形聯指臂親何須驅虎

三槐書屋詩鈔卷三

五 遼海叢書

豹聊復闢荆榛石符環城郭虹螺供海濱柏枝搖鳳尾松幹簇龍麟
神路溪橋引靈泉古井新煙嵐凝瑞靄蔬菓薦嘉珍應謹樵蘇禁將
令雉免馴闌花堆小徑短草藉晴茵遺令希元凱佳城待沈彬青鳥
傳已失黃壤辨誰真董德章猶在何殊郭景純

寒月二首

江樓晚眺獨蕭然玉宇霜高皓魄圓雖是團圓能滿望嫦娥孤冷有
誰憐

雲淨星疎露氣濡皎然明月一輪孤窗前疑是霜華重影射梅花半
有無

寒林二首

迢迢寒樹隔前川幾處昏鴉噪暮天落葉尙同榆莢綠蕭疎不似買
春錢

一例秋光到遠林寒鳥猶自舊巢尋那堪故徑埋黃葉樵子歸來試

獨吟

寒雲二首

天際寒雲望不真不成峰影不魚鱗故山豈是無心出尙有登臺載
筆人

寥寥天際片雲橫冷淡全無作雨情不爲寒山好依戀人心多是愛
冬晴

寒雁二首

遠來關塞影含霜恐爲風高偶亂行近得迎陽融雪爪瀟湘彭蠡水
茫茫

寥闊江天雁影橫平沙舊印尙分明明年年寄得霜來信豈獨衝寒訴
旅情

寒鐘二首

睡覺西窗月影殘挑燈誰念客衾單疎鐘動我三生聽絕似豐山應

三槐書屋詩鈔卷三

六 遼海叢書

早寒

荒寒山寺隔重林有客尋幽渡碧潯忽聽上方鐘動處數聲杳杳擱
塵心

寒砧二首

冷淡秋闈急婦功打窗黃葉下西風離情無限誰堪語試聽砧聲斷
續中

每爲驚秋動客心連村徹夜響寒砧授衣休說今年早曾聽征鴻送
遠音

寒夜二首

中庭霜重夜沈沈借得餘光補寸陰耐此清寒同素志擁書且復擁
重衾

孤燈如豆漏頻催欲向雞窗展卷纔爲更籌勞問夜清寒宛若勵
吾媒

寒窗二首

寒窗縮瑟未逢春積雪都成白屋貧且喜素光能映字不妨冷淡熱中人

曾愛三窗日影遲三冬又復下書帷呵將凍筆臨晴雪可念程門夜立時

寒蟲二首

處處蛩聲四野秋酸吟爲我助清幽只緣唧唧難成夢起視明河瀉欲流

秋聲過處夜沈沈恍聽歐陽嘆惜音豈有不平爭欲語荒寒無賴起酸吟

和答孫蘭畹五言律四首

昔讀天台賦知君實象賢金聲堪繼響珠彩定驚筵吐鳳休還筆敲門不棄磚爲針須自有何事情人傳

三槐書屋詩鈔卷三

七 蓬海叢書

良驥嘶千里孫陽一顧知同聲關氣類此志許驅馳燕市黃金雀秋風丹桂披歸來問消息待子看花期

吾師在何處景仰屬靈泉品格兼金玉文章間雅騷秋宵常剪燭春兩共持螯誰信沮渠遜茫茫大海濤

生徒已寥落心事可勝欺知已復誰許小才猶見難閒雲思舊雨秋氣感幽蘭翹首家山外應多怨暑寒

游普陀山喜晤寺僧明然別後卻寄

蘭畹向我稱明然濡筆磨墨述詩篇推敲字句費辛苦此中有人山之顛入山已無臺開氣出世那復煙火味有時拈韻疏性靈清高淡遠自矜貴今見明然儼寒酸慈悲歡喜兼莊嚴手持唐詩三百首權當貝葉翻經看古來名僧如名士不學戒律不衫履文法但可拘俗人何必蜂子鑽窗紙詩筆生成罨曇花詩才淘盡恆河沙說法能得無上乘偏袒吟肩拖袈裟昌黎開佛友大顛歐陽鉅儒交秘演訪僧

兼欲訪名山俱可隨緣作消遣我當三度朝普陀友生陪侍來游歌清靜自得古惟趣開軒高挹秋風多臨風且詠將進酒有約不來良辰負佛國極樂重行行石火光莫回首可念前人曾誌游題詩不情姓名留天末鴻雁尚流影肯讓崔題黃鶴樓

題畫

有山無水樹光燥有水無山澤氣多安得依山尤近水陰陽勻配相冲和花掩映樹遮羅有時罷讀且釋卷有時垂釣不披蓑荒苔落葉無人跡一聲款乃輕舟過遠山澹沲入煙霧遠水迷離生煙波吁嗟乎邯鄲夢好易反覆長安道阻多蹉跎世間佳境亦儘有此心不動奈我何

買畫值一紙買山需萬錢將山寫入畫遂令抵萬千吾郡韓公妙山水同學弟子罕比肩大米小米擅雙絕頃刻撥墨生雲煙今得殘絹勝拱壁神妙宛爾秋毫顛山無皴兮生茂樹水無波兮來遠船茅屋

三槐書屋詩鈔卷三

八 蓬海叢書

數楹隱深處恰有人焉臨窗前我笑達摩面壁立恨不置身畫中天吁嗟乎張繡龍曹霸馬小技皆有入神者陽春白雪郢中歌其曲彌高其和寡

庚辰恭讀仁宗大行皇帝七月二十五日遺詔謹紀

仁宗皇帝詩云已增歲帝德方茂竟少唐堯在位年當時以爲絕嗣然朕猶以爲未足盡德之大焉今大行皇帝臨御二十五年猶平寇亂統緒兆民將來實朕告成必有美不勝書者朕愚昧之見何敢妄測高深然以管窺天所見雖小究不備也

高廟倦勤日先皇御極年寅清開寶歷申命紹心傳駿烈銷兵革鴻文範簡編箴言懸史鏡科律應薰絃疏導河源活澄明海氣鮮豐鎬勤再幸獄瀆表孤虔番舶逾修貢民瘼屢沛獨尊親同血氣化育溥淵泉詎意成功退乃聞遺詔宣旌旗空想像弓鼎莫攀緣雲擁蒼梧駕風高榆木川鳥號當蹕路龍馭已賓天哭奠盈三輔威靈震九邊至尊本無外餘澤猶廣延昔歲明光裏微臣對越前橋山安可仰涕

淚亦消然

三槐吟 門前老槐百餘年物也其先有四今存其三因以是名吾堂焉

昔聞王氏子當戶植三槐草木含靈氣兒孫列上台吾家先大父手澤毓嘉材此後花黃候長安孰往回

詠雪

分明飛絮小陽春又似天花落世塵來歲祈年應貴玉深宵望氣已成銀粉妝無處不稱豔白屋誰家可送貧亦有嚴寒全未覺淺斟低唱屬何人

書懷詩一首

天地自空闊風雲無盡期春華冒寒發野馬相息吹人事終成故生機日出奇將來難略處妙在不能知

題程小泉先生畫冊

辛酉壬戌小泉程夫子居東都留守將軍府余時肄業書院以及門時親筆墨暨先生下世後求其遺紙如片鱗雙爪不可多得景堂二兄以舊紙編題余得見先生手澤因誌數言於歲時嘉慶三槐書屋詩鈔卷三

庚辰清和月之八日

昔我立程門雪吹三尺積揮塵細論文臨池學作字亦或試塗鴉筆墨聊遊戲吁嗟二十年風流成往事片紙寄精神恍惚聞警效展卷託長言用以鳴相思

題畫二首

種花復種蔬色香乃兼擅以之寫丹青生氣更葱蒨此筆能雙行如上宣和殿此味可自知莫上蒼生而小技雖雕蟲繪事悟後絢試開綠野堂懶作河陽縣

丹鼎在人身本來無別具神仙不可求沉被黃金誤此老一何貪坐看丹九度壺中日月長但見懸雙瓠我欲借此鼎用之調鹽梅寧知既未濟火候須疑猜君火耶相火耶文火耶武火耶三昧不傳之火耶

和鎮國公宗室晉哉齋姜女祠詩一首

洪濤萬頃隔燕齊尚見神山舊女祠青冢與誰分怨恨普陀何地不慈悲至尊臨幸猶憑弔千載傳聞每異辭應是望夫身化石莫將環佩感來遲

原詩附錄

茫茫瀚海接天齊奉使朝來謁女祠勁節已成千古義嬌姿猶帶萬年悲振衣亭畔存遺跡聖粉牆邊識舊辭紅日漸高人喚去登臨不盡意遲遲

和瑞芝厓奉使朝鮮撫寧道中偶成元韻

山光海氣漾雲容恰好春耕卜歲豐天爲行人作方便晚晴遙見夕陽紅

詠選圖六首

人情到底尙圓通識得行藏在箇中太極未分含造化混元運物有天工

三槐書屋詩鈔卷三

十一 遼海叢書

燦如星宿各分躔遲速高低盡左旋除是太陽行度遠那能一日一

周天

謂歷年各人與也

當年團拜到金臺首選於今有郭隗可惜大羅天上客謫來也許入輪迴

謂同年兆元李百二公也

難得仙成九轉丹循環恰比走晶盤無端化出重規樣當作聯珠合璧看

謂雙單月兩同也

遁甲禽壬老將精軍行圓陣取環生攻城必缺難泥古轉類開門召外兵

謂諸將各人與也

千人頂上共圓光勝地初開選佛場此是涅槃能度衆機關全在轉輪王

贈冀翁

名峻字克明山西介休人

不到家山二十春康強又度古稀旬怕因鄉飲推三老認作當年終縣人

和沈香餘原韻名承

春風楊柳滿章臺定識君詩見別裁芳草有情偏有恨野鷗無事亦
無猜誰憐伏驥堪長策難薄雕蟲是小才記否當年來月下秋堵聯
句共徘徊

都中懷棊解一首

少年榮宦老康寧也是人間福壽星俗事何妨作消遣傷心多半費
調停長安西望人偏遠春色東來草又青欲把懷思相慰藉恐勞情
緒不堪聽

聞立亭言棊解寄書問都中諸友音耗感而賦此

京邸馳書問友朋老人離索想難勝德星稱瑞寧常聚尺蠖求仲竟
後興新雨挑燈虛五夜故山回首隔千層遙遙幸有知音在尙擬攜
琴受廣陵

輓同年何愚溪一首名奎智隸黃

三槐軒詩鈔卷三

十一

遼海遺書

到門投刺忽驚心往事風流不可尋蒼樹乍遷春已暮鸞絃重續韻
偏沈新知惻款神相契舊僕殷勤酒更斟猶有遺孤成似續傳家何
必滿囊金

紅葉四首

感懷聊作慰懷詩況復秋光動客思種樹那能逢火齊看山從未到
焉支赤城霞起仙居遠紫塞雲深雁影遲記得年年芳草綠王孫何
日是歸期

一夜西風萬壑聲刁條寒樹煥新榮紅樓三面迷花徑紫陌千章近
帝城絢爛不嫌秋意老喧妍猶帶夕陽明休誇似錦爭春色那識孤
松蓋已擎

牆陰老綠漸婆娑瑟瑟西風動遠柯紅杏醉醒芳草地絳霞飛斷洞
庭波珊瑚成樹終能朽錦字題箋竟不磨莫道昨宵霜意重杜鵑啼
血五更多

蕭蕭寒樹水潏潏搖落深秋葉尙新到海定知來赤縣隨風應不作
紅塵林端襯出千山翠夕照看成二月春曾憶送人南浦綠一番週
首一傷神

題惠遠禪師小照

師法名慧遠住持成務寺方丈出小照示余
見其慈惠狀若神僧色相以意求之無不克
行勞有侍者面如冠玉顯聖固師中所謂玉風天元二
人者蓋其素所鍾愛者也曷余題其顯因賦詩六首

禪罷慵開選佛場披襟露坐起微涼不須咒海成菡萏自有蓮花似
六郎

清修何事上團蒲小坐花間手念珠侍者不知香色戒從旁度奉淡
巴姑

恰是當年惠遠師虎溪微笑客歸時花前尙有樽中酒應是知交又
訂期

莞爾何因自解顏幸朝南海落伽山非從紫竹林中過那得攜來玉
笋斑

莫將泥絮比禪家泥絮含春又長芽香樹儘能招玉鳳爲他還作牡
丹花

無礙莊嚴法界開諸天歡喜見如來分明瓶柳垂甘露又度人間小
善才

慰人下第一首辛巳秋試蘇州府照大典王觀湖
二公文皆余所許可者均未見信

儘將文字判升沈消息於今莫可尋設說妍媸無定品怎從難易見
傳心黃花晚節能爭秀白雪高歌孰賞音渺渺前程何處覓千巖萬
壑各晴陰

十二月看牡丹以火煥
開者也

牡丹偏欲傲梅枝富貴爭先恰出奇何似春深三四月天時人事兩
相宜

可惜名花睡未醒被人強起逗春情重幃密室深深護不恨東風是
此生

無奈術寒放牡丹勉成富貴亦非難此番出世休疑早只爲旁人帶
笑看

國色當前秀可餐爭妍應不怕春寒捲簾休借胭脂冷燕趙佳人本
耐寒

縱室才吹六管灰蕙然生意牡丹開春風欲啓東皇駕先遣天香導
引來

花事能回隔歲春冬烘倍覺長精神終須富貴趨炎熱知否旁多冷
眼人

思親一首

絕裾情已忍捧檄意何欣回首家山遠英英有白雲

除夕一首

客景逢除夕無聊轉厭喧遙知北堂上焚燭看花繁

都中喜晤同年時兩峰

三槐書屋詩鈔卷三

十三

遼海叢書

朝廷設科目奔走天下材萬里金門近三春蕊榜開文章爭氣運飢
渴慰朋來已識徵車到奎垣耀上台

白丁香

香雪團團壓碧枝東風吹不落階墀去年梅信休言早寒素逢春也
未遲

簇簇新鮮結蕊圓香凝素質向春暄有時斜陰青榆影一斛珍珠萬
貫錢

紫丁香

誰家牆畔數枝斜疑是新晴落絳霞今日早朝趨紫陌花光何處不
繁華

春色鮮於二月中分明炫紫勝嫣紅翻疑誤潑胭脂水化出花身迥
不同

游豐台

在都城右
安門外

南西門外競繁華春社游人半走車多少墓田依井白休從花縣問
桑麻秧歌終覺少年好香會轉因晴日除更喜村家小兒女新衣楚
楚隔籬笆

紙寫二首

全借吹嘘力東風太有情入雲明夕照出谷避新鶯奮迹疑無礙淺
虛勢欲鳴何須傳雁帛片紙度重城

點綴三春景兒童願不違游絲飄漠漠片紙去依依映日鷺翔舉迎
風鷓退飛高樓凝望處極目到斜暉

都中喜晤寶山姪攜眷自蜀歸省並應順天鄉試二首

萬里嘗辛苦高堂尙倚門白雲何處遠青眼幾人存迺迹昌宗祏觀
光近帝閣嗟予猶碌碌十載事雞豚

謀生計不就決策思長征雙劍倚天表五丁嚴客程絲蘿原有定卵
翼竟何成莫說他鄉好家山亦錦城

三槐書屋詩鈔卷三

十四

遼海叢書

出城篇

出城見禾黍精神漸已旺附都百萬家食指庶堪望東南事轉輸儲
需衆企仰齒繁地不闢矧可游手曠念此力田農婦子勤謹餉矣膚
當炎燭沒軒被新漲顆粒易金錢寧有富貴想富貴須生成豈能人
力削一食中人產一衣百寶裝踏青油幕車問夜銷金帳瓜果薦冰
漿焚香合鬱鬱那知終歲勤僅堪出入量風雨不從人災侵轉多恙
歎收少蓋藏所幸免寇攘乃者官符下老幼生惆悵西隣有逃亡問
爾胡不防東隣有殺牛問爾胡未訪株累經旬月不能達一狀堂上
養威嚴但願速加杖黃口尙待哺殘喘泣相向安得念民艱盡如太
守況

嘲麻常散館歷班外用

俗稱老
虎班

蕙地風生響玉珂難將豹變語同科諸君定作循良吏到處先傳虎
渡河

入世吟成猛虎行我今履尾亦心驚願無苛政傷民隱白額南山患
自平

為冀老囑題 用老當益壯四字起首

老去消除躁氣多幾將炎熱靜中過清風頗有故人意愛我時來安
樂窩

當年度木到深山亦識名材遇合艱今幸一枝棲處穩不勞千里費
嶠攀

益壽何須參與芥年來已自鬢星星養生非欲辭甘苦世味酸鹹我
已經

壯懷遲暮復何求人世滄桑七十秋聞道諸孫盡林立擬將祝壽點
牙籌

五塔寺

五嶽真形具崔巍踞法臺石門時啓閉磴道暗紆迴風鐸層層繫金

三槐書屋詩鈔卷三

十五 遊海叢書

身面而開遙知官路外瞻仰萬人來

萬壽寺

蘭若附京邑戒壇生靜機六塵誰度脫三寶衆歸依海外旃檀供階
前洞壑微曾聞諸佛祖遺像此傳衣 階前洞壑相傳為吳道子所修築

昆明湖

望洋成巨浸疏導各分流潤澤滋香稻澄清出御溝微風生水樹倒
影控山樓聖世無征戰沿堤有釣舟

西頂

四月朝西頂紛如百戲陳喧闐疑鼎沸車馬若雲屯隔院聞鐘磬連
楹拜鬼神年年春社好盛世每經旬

同翼翁游小有餘坊和題壁原韻

采取西湖勝居然小有天沿堤窺扇影隔樹漾茶煙辭闕知何日離
家憶去年縱游休蕩意在坐有賓賢 莫老傑也 飲大賢

附原詩

小坐耽幽趣鄉心接遠天村光濃樹色籬影隔溪煙鴻爪曾羈客
為花說綺年澆愁惟有酒差幸主人賢

輓石綺園二首

廿年聲氣亦前因少小相從長益親豈料君今為異物再攻吾短屬
何人馳驅千里言猶在拋卻雙雛志未申那可故齋重過訪蕭蕭竹
影獨傷神

休誇大志薄求田聊為謀生事偶然雲路有心皆幻想風波無意亦
經年雙魚已渺三春約一病長成萬古眠此後誰論恩與怨離離冢

草屨秋煙

述往 辛巳夏疫盛行流傳數省七月間京師尤甚雜時訛言四起
莫非數也位去春余在途次見飛鳥自空而墜如有物攫之
者豈非禽鳥得氣機之先者耶今歲星已一易矣日長無事
陰雨彌旬即景憶舊歷成篇所至今言之使人
心悸者也 雖事實向有未盡然其中實無誑言焉

三槐書屋詩鈔卷三

十六 遊海叢書

人道長安作客難米珠薪桂生計艱我來今已再寒暑養殖聊復供
盤餐憶自去年夏四月僦居矮屋耐炎喝久旱忽逢大雨行那堪怪

事嘆咄咄溫風不止雨不休積成沴氣紛四流始自閩粵漸江北繼
遍齊魯盈中州況乃京師五方處袂雲汗雨稱繁庶訛言市虎賢智

驚遂令當食愁舉箸須臾哭聲涕西鄰又見東家悲死人吊唁相顧
少顏色一日再見尤相親沈陰積濕益泥濘空塔夜滴何堪聽老屋

崩頽作遠聲銅山西傾洛鐘應是時燕臺置黃金諸生雲集賁來臨
初作攀龍附鳳想旋成乞骨歸田心憂疑幻起孟蛇影心惻寒泉占

幕井養生學得不徹薑邵平空種瓜千頃絡繹喪車填巷衢尚有餘
齒傍城隅飭令門尉藉明數經旬累月終模糊延醫傳方不問狀延

僧先期後不讓徹夜置棹難給求轉恨擇術未為匠震地轟聞萬爆
聲金吾驚起夜登城寧干禁令驅癘鬼誰為戎首難知名颯然八月

秋風迅出門始覺精神振吾儕今是過來人家書常報平安信

喜晴

花階生爽氣向夕得晴天
滿月如新沐歸雲若凱旋
名微消物議身健少愁牽
徒倚紗窗下推敲撫舊篇

贈別

同年周松崖將赴粵西荔浦任
招諸同年集陶然亭小飲書此
同領春風十載前
幾人今此醉陶然
歷官各有升沈感
問歲均非少
小年城闕秋生思
遠道樓臺夕照入
華筵荔江一勺清
如許又得蓮溪萬斛泉

十二月初二日以籤掣四川引見乾清宮

金殿朝開徹曙光
當年曾此對先皇
兩朝詣闕仍書腐
十載彈冠尚御香
捧檄擬經籌筆驛
觀風許過沅花堂
遙知望斗京華遠
且聽流鶯繞建章

出都

壬午十二月十七日

三槐書屋詩鈔卷三 十七 遼海叢書

需次來都下淹留兩度秋
半生初發軔萬事費持籌
長路辭殘歲高堂重遠遊
腐儒何裨用投筆亦封侯

遊子吟題別山壁

二親在堂遠仕川蜀思欲乞改近省以遂烏
之私又格於成例奈何昔人捧檄色
喜絕袂竟去吾其何所去取乎因有
懷不能成韻故聊為短歌以明心曲

別山之陽村樹茫茫心之憂矣
怒然神傷別山之陰村樹沈沈
永懷不見實勞我心山之靈兮
若有知遊子思歸兮安可期蜀
道難兮前路遐倚門問兮天之
涯

謁楊椒山先生祠

在直隸完縣北河
昔年展卷瞻遺像今日停車謁舊祠
有命不因廷杖死無人敢向逆
鱗披左遷再起心逾壯遺囑千言
我亦悲宿望諸公空袖手歛歎碑
記又何為

邯鄲道上

有生皆有死造化實爲之
富貴無恆勢窮愁有盡期
長生何所濟游

戲亦非宜且飽黃梁飯
虛生未足奇

過湯陰謁岳忠武祠

建牙曾欲蕩羶腥
想見孤忠汗簡青
附會竟成三字獄
偏安甘作小朝廷
龍沙略敵傳奇蹟
虎帳談兵廢武經
宋代江山何處是
崇祠故里妥英靈

河南道上

北條陵麓發雲中
與我家山支派同一路
隨車作迎送臨河凝望已
迴東

過東漢孝子郭巨故里

殺妻可求將要君
乃烹子其中熱功名流弊至
如此異哉漢郭巨
養母埋嬰兒餅金荷天賜
顯著姓名奇飯牛藏腹帛
撒粒招羣鳥傲詭標奇節
遂致成矯謬嗟彼中庸行
救水足歡娛

函谷關

城外有甘羅墓

城小憑山固雄師困仰攻
與衰看啓閉疆界限西東
關尹古佳氣甘卿表闕宮
湍流飛瀑處勢與建瓴同

華陰廟觀秦槐漢柏歌

華陰道上麥齊肩
華陰廟中樹參天
陰森但覺四月冷
幽冥氣象生萬千樓臺
高出樹杪上登樓適當
三峰巔道士導予穿樹
出秦槐漢柏當塔前更有
兩周舊時樹橫陳又出
秦漢先何況唐宋後植
物低伏僅可稱曾玄吁
嗟乎秦皇漢武求神仙
何如此槐此柏能延年

馬嵬

未必行軍氣不揚
姜妃走馬定岐梁
情深別有興亡感
千載明皇與太王

五丈原

籌策南方定中原
尚可爲出師再陳表
涕泣已長辭
費雞入棧

一徑通川蜀連山限楚秦翻疑去無路且喜來有人燈火明林表馱
聆響淵瀆伏波能聚米恐此是陳因

雞頭關

上有關梁
帝君廟

幾日辭車馬山行已慣經雲關殊氣候神廟仰威靈路轉週天度江
流匹練形褒斜迴望處萬嶺鎖空青

沔縣謁武侯祠見銅石二琴

城南定軍山
有武侯墓

清越彈絲異聲流石與金英靈無朽質勞瘁尙鳴琴第宅留天府山
邱望沔陰從來師相重謹慎是傳心

邛州道上望黎雅諸山

已離雲棧十餘程又見高山天外橫蒼碧凝陰疑岳秩青冥含氣幸
時清壯年如我猶堪學遠宦伊誰不爲名亦識升沈難預定成都何
處訪君平

三槐書屋詩鈔卷四

錦州金朝觀午亭撰

榮經署中

專城百里開盤叢叱馭名賢此教忠郭外溪聲喧暮雨堂前山色引
薰風南人不忍欺諸葛文帝何能富鄧通四十年來甘澹泊而今故
我復飄蓬

相嶺

坤維盤錯百千層相嶺巖巖試陟登四月峨眉看積雪三更瓦屋見
神燈平鋪雲氣塵雲遠屈折山蹊古蹟仍況是武侯經過處即今祠
宇想依憑山半有武侯祠

署中雜興

雲棧繁紆歷懣柯精神到此已銷磨芭蕉苦雨心常卷鸚鵡樊籠語
不多無事藉眠消晝永攤書善忘感時過何年再共家山樂戲看牛

三槐書屋詩鈔卷四

遼海叢書

羊下夕坡

詠太湖寺石

曾聞西湖天竺寺昔年傳有飛來峰削拔特起無倚附玲瓏瑰異稱
鬼工此石不與衆石伍負奇蘊秀深山中萬牛牽挽不能到安排那
可人力通媧皇補天有遺物歸然坐鎮山門東佛法無邊莫思議擘
分靈鷲開盤巖巖幽邃具生氣陰陽向背盤虛空重疊紆迴勢合
沓小山尤爲大山宮其下端平委入土措置有情疑天公襄陽米老
具石癖阿兄定宜稱謂崇我今竟欲呼爲丈縣令難與太守同

梓潼宮

神靈炳天下廟祀故鄉多遺像存生氣明星應制科化身經世宙流

澤匯江河綠竹通幽處還同七曲坡

安瀾寺

江邊孤寺在保障固金城巨石魚鱗集長堤雉堞平雖資民力助何

惜官囊傾無限臨流意三秋樂有成

白雲觀

參禪參佛祖宗乘越諸天晨起朝蓮座齋餘穫稻田白雲飛嶺外叢
桂近窗前到此逢僧話慚予遜昔賢

嚴道篇

自我來嚴道悠悠已易年土風能漸悉治理未精研此境當衝邑無
時不畏天疲繁雖暫濟凋敝尙如前署有栽花地囊空飲馬錢春糧
無隔宿貨貝少流泉官苦終思去民窮實可憐山溪餘瘠土風雨薄
良田終歲餐孛麥謀生任臂肩文風供筆墨商力困銅鉛易市童嫗
集攜貲子母權紳衿參典吏戶口匿糧煙翻恨流民夥能令舊俗湮
多財爭入贅新寡互垂涎爲後將親背招夫以賄遷不知分族類奚
自辨蠟妍所習原偷薄其情乃各慳錙銖甘刃蹈哂毗竟驅捐弱肉
資強食鋤根復蔓延多方勤誥誠何計策安全德教殊滋愧刑求詎

三槐書屋詩鈔卷四

遼海叢書

足賢迂儒無實用循吏不多傳但望消尤怨先期免過愆升沈焉有
定出處豈徒然雲氣溶溶聚江聲滾滾連家山千萬里飛夢過幽燕

雙柏行

榮經縣署
大堂前

邊城廢興關治亂山河代易形勢殊喬木亭亭表故國前人手澤留
規模堂前老柏雙蔚起參天黛色霜露濡左進右退若相遜盤礴天
矯分榮枯龍翔鳳翥作奇態陰森尙疑神護扶古物歷劫聚精爽四
邑休咎占適符民命至重天聽近樹杪厭聞朝啼鳥君不見西臺御
史持明法三槐九棘無濫竽又不見殷人尙鬼留社木先罰後賞民
自孚吁嗟乎武侯治蜀功不朽於今祠樹猶旁敷

古樵郭明府卸雅篆又權蘆山別未及月作再來人喜而賦

寄蘆山

蘆山楊明府兩耳重聽遠奉
調署勉爲以郭古樵攝蘆篆

何必疑營作阿翁君今更達四門聰重看西土勞郇伯卻向東隣借
寇公前度去思尋舊雨故人來惠比清風昨朝封柬勤郵使竟與催

官符錄同

小熙春館廠離筵泥爪新痕尙宛然鴻雁依羣衝雪至卿雲辭岫被
風還重經花縣猶今我無事琴堂亦散仙聞道君家有金穴可能資
助鄧通錢

和古樵郭明府見寄原韻

依戀慈雲去住身宦遊何處不勞人栽花且採靈關藥載酒重尋丙
穴鱗三輔河東曾假郡半旬京兆又移隣笑君卻似南飛雁有意遲
來作後賓

羨君說法現全身也是臚傳第一人鵬路高竈難比翼龍門近接欲
攀鱗臨江鞭影辭千里還浦珠光照四隣恰似行文無定格有時移
主可爲賓古樵係三甲第一名進士

白遣

甲申初見二毛

攬鏡鬢髮異高堂亦可知顯揚難慰老成就易驚遲佳境期兒輩韶

三槐書屋詩鈔卷四

三

遠海叢書

光憶少時坤爻初畫意造化究何私

答汪桂山明府和古樵寄作仍依韻續成六首

自笑因官重累身甘將能事讓他人敢誇猿臂穿蹲甲怕探驪珠觸
逆鱗觴政不堪依酒國絃歌真欲託詩隣年時雅雨堂前燕且看於
今孰主賓李約亭招飲同汪桂山郭古樵三疊前韻

維摩常示病中身博得公餘作倦人珍重刀圭驅二豎殷勤尺素遺
雙鱗關心嚴道難成宦翹首名山欲卜隣最好靈關新聚會羨他賢
主更嘉賓桂山新病起即以和古樵報香之作見示四疊前韻

仙班領袖是前身應向蘆中喚若人薄靄烘霞成蜀錦寒雲籠月疊
魚鱗汪倫情緒深千尺郭伋賢名藉四隣爲解相思拈和句擬將郵
使沈龍賓答桂山和郭伋賢古樵五疊前韻

天涯萬里宦遊身坐守山城一鈍人花嶼春深無倦鳥江灘流急有
驚鱗含愁老女爲商婦疑竊貧兒怯富隣回首瓊林風物好於今幾

見座中賓中即事有快而

旅宦休稱自在身艱難蜀道想前人初晴日色驚癡犬新漲江流起
涸鱗百里量才依小縣千金無價買芳隣迢迢北望仙關渺可許吹
簫和洞賓讀桂山古樵寄

雲影萍踪共此身憐才太守重詩人名山採取無凡卉大壑飛騰有
巨鱗春色遙看來北關餘光分照借東隣知君近日烹新茗且擱殘
盃待遠賓月前同桂山諸公在嶽樵陳太守署中四宜山房分題賦詩并擬來年正月同赴省垣八疊前韻

除夕九疊前韻

讀書期作致君身政績循良羨古人豈料出山成小草那知燒尾尙
凡鱗依光日下空回首托跡天涯洽比隣無限鄉心逢易歲懶開官
閣去延賓

四經樓懷古

在雅郡府署東南隅山半有石刻蘇氏昆仲讀經處

依山起樓作高勢倚樓看山成遠觀四圍竹樹尤茂密置身直出綠

三槐書屋詩鈔卷四

四

遠海叢書

雲端漢嘉邊郡生繁衆興衰多被長江送老鶴依巢不忍飛書帷已
去賢昆仲文章傑出高層樓豪氣奔流千古留魄力雄偉義正大王
氏新學生隱憂青苗行法天下亂食肉無鹽遭遠竄赤壁賦成山月
高老去金蓮撤御案誰是明達如老泉家學淵源能辨奸囚首詩書
已難近何待天津聞杜鵑

過名山謁汪明府留飲別後卻寄

金雞關外放新晴萬井田畦水正盈編戶殷繁環客路平岡低伏入
山城重開樽酒經三載先導行旌過一程桂山於次日爲愛君詩似亦將赴省垣

春色撩人無奈最多情

敬謁房師曉亭夫子並叩見太師母太夫人及二世兄三世兄

退而誌喜
春深燕寢畫凝香竟許彭宣拜後堂南極婺星臨井絡可知愛日正
舒長

翩翩公子擅風華三鳳齊名傲薛家舊植蘭臺已成陰新秋猶放榜

頭花大世兄已成進士現補內閣中書

彈章朝奏五雲端臺閣風生慄不寒今日御屏書郡守須知觀察藉言官

衣鉢和凝孰嗣徽扶風絳帳兩陰違邇來自問無貪取只算師門具體微

答金虞臣用黃秋崖小集薛濤井原韻

泝流帆影近變東果否三江景略同客路訂交緣數定小春聽雨望年豐山迎人面饒生趣柳綰鄉思倩好風遮莫邊城嘆岑寂野中白雪有元工

少府黃秋崖以薛濤井公譙舊作見示因依韻和答

水光山色擁孤城冷淡同君一味清背郭儘餘調馬地倚樓欣聽讀書聲偷閒行部占晴雨解慣衝途作送迎春夢攪人眠未足驚心官

三槐軒屋詩鈔卷四

五 遼海叢書

鼓又天明

喜雨

一兩人心定郊原暢曉陽溪添春水綠風漾菜花黃絃管開清譙雲山隔故鄉相安幸無事民氣本淳良

聞古樵之任高州誌別一首

一去隣瀆省山川壯宦游邊城依嶺峻琴閣共雲浮地比仙關渺人經雅雨秋昔年劉十六曾此作高侯

雨後

雨後灘聲響連山霽復陰看雲作遐想參佛生靜心人滿山谿近堂深鼓角沈承平安可恃水旱每相侵

苦雨

雲氣孕千山濛濛擁闔閭積陰秋意早無事宦情閒江勢趨三峽官途控百蠻雨寒民易怨稼穡本維艱

漢嘉道上

青衣江繞蔡蒙東疏導當年見禹功世治籌邊能善後山深藏疾易興戎好官豈爲求無事薄命真堪解因窮西望崇岡千萬巒蠻疆番部每殊風

送尙聲歸里丙戌二月十三日

瓦山高不極積雪生春寒榮水逝無盡縈波迴壯潤兒行將萬里長路何漫漫臨別意相喻仰天生浩歎因思我父母愛我亦多端髫年授我讀壯年成我官成全事已備升斗謀亦殫既恨鄉關遠奚辭蜀道難吁嗟宦遊子惘惘終未安送兒且歸去庶博堂上歡兒行且毋念吾當努力餐

途中口占詩一首

火星化熒惑厥象失光明太白無書見四方適蕩平經天同列宿美惡殊性情豈不探真宰仰瞻終杳冥

三槐軒屋詩鈔卷四

六 遼海叢書

與羅公猷

憶舊生新感茫茫結夙緣英兒寧有種窮路莫須錢愧乏神君譽慚稱父母憐因思無告者何處少顛連

飛龍關一首

天路捫參非飛龍擅壯名幾番經夜雨此日趁朝晴寒暑鳴禽異崎嶇古道行白雲看不盡流影自輕盈

示邑庶

游民致身苦無術坐享太平思從戎忽聞邊警萬里外披衣起舞摩刀弓山邑地僻少英俊幾多呼應生長風何況十二郡中衆昔年鄉勇未成翁吁嗟乎飛芻輓粟絕域遠九重籌策勞深宮如何動色談軍功

去官以先君事故同族守制

祖饒勞冠蓋三年竟此辭江鷗浮浪遠桐葉落風遲幾許生平願無

多去後思幸當秋有稔康阜慰心期

知遇未圖報撫心滋愧多功名方補救人事復蹉跎寤寐中情結風

雷瞥眼過江楓吹葉下流水自生波

作吏何須久恩深怨亦深是非皆往跡依戀總癡心仰視浮雲白迴

看衆壑陰君親奚有濟太息起悲吟

生我悲長訣彌留萬里天有兒作孤孽無面告哀憐愛日徒嗟晚奔

星尙久延升沈何足計忽忽已經年

奉和鮮于廣文贈別元韻

別路聽琴泣鳳翠荒齋首宿苦因依文章月且推名宿禾黍秋風稔

近畿喜雨橋邊紫綠柳飛龍關外悵青衣東流似解離人意時作迴

波映翠微青衣江出雅州府

看雲
出岫還歸岫無心亦有心倘令空外盡安望復爲霖

三槐書屋詩鈔卷四 七 遼海叢書

天末片雲落層陰遠勢濃夕陽如有意照見芙蓉峰

杜工部草堂

草堂風景足清幽遠徑寒溪靜不流小隊元戎曾見訪中唐詩卷自

長留桂花井畔金甃冷楓樹林端玉露稠遺像如生微示笑豈知當

日總窮愁桂花井在堂東

諸葛武侯祠成都南門外

南方未定此軍屯想見英靈今尙存銅鼓摩挲微作響劍門險遠有

歸魂君臣一德兼師相吳魏三分已坐論密邇橋山同享祀蕭蕭竹

影幾黃昏祠西即昭烈帝陵

古柏參天已劫焚喬林依舊引清薰陣圖常捍巴江水羽扇曾揮相

嶺雲祠近園陵猶顧命身終王事竟全軍自憐食少無生理五丈原

頭悵夕曛少陵所詠古柏已爲明季賊所焚

別余醇軒名補

醇軒具高節澹泊明素風作吏無纖俗交人良獨忠清操遠時譽和

藹鳴寅衷兩刺建南郡恬然將困窮板輿親奉養迢隔錦城中錦城

多甲第君乃半畝宮湫隘不容駟北堂春融融子弟多良善昆季無

異同顯揚正難量家運當盛隆卿黨聚嘉氣茂蘭成廣叢芳馨共相

惜結想情與通天末商飈至翩然飛長鴻遠音起哀唳羣類各西東

閩海警氛惡玉關方詰戎稻梁不謀飽楓葉子規紅長途嘆雨雪嚴

返蟄寒蟲詎知滇池外遺鶴鳴寥空醇軒雲南太和人癸未進士

憶舊八首

吾慕吳音木學問擅名宿族望世江南詩餘勤案牘戟帳清書長蓮

幕秋風肅相見復何時遺函檢行篋

吾慕魏階平爲人忠且誠論文備今古琢句含精英焦尾琴堪聽磨

雲月更明前途良未艾何以老諸生
吾慕郭鏡我藝文均當可丰標絕俗塵庶事無叢勝國手出楸枰婆

三槐書屋詩鈔卷四 八 遼海叢書

心勤藥裏詩壇偶一來列幟甘虛左

吾慕陳梅岑春華努力深文章消宦氣詩句雜仙心駿譽騰博海蜚

聲鶴在陰四經留舊蹟遺綫尙堪尋

吾慕汪桂山英風非等閒開樽酒無量脫稿詩不刪珊瑚登遺寶蒲

鞭警庶頑會須膺上薦翹首列仙班

吾慕李約亭老吏著芳型論事有先見立言持正經金銀清夜氣仁

壽出祥刑幾憶親甘苦居然兩鬢星

吾慕郭古樵才思若湧潮所居皆福地一去杳雲霄魚東新詩寄蘆

關舊雨遙詩牌遺法在幾度共相招

吾慕章緞香英華獨擅場硯田無歉薄腹筒見縹緗既探中韓祕尤

爭李杜長得朋良足樂相憶復相望
留別李約亭明府

宦遊惟君久幾經滄與桑治亂若流水升沈難等量亦或鬱煩惱亦

或歎衷腸亦或安假息亦或食未進黔黎殷愛戴量移來南方青衣
一帶水借潤周四旁權木衆以利君來成浮梁豈不損明察寬大實
所長豈不念終窮仁厚實中藏家既因官累乃復空官囊郭氏舊金
穴無如寢邱良我作嚴道吏頻登雅雨堂石旄但交臂古樵遠相望
惟君處稍久彈指歷三霜肝膽氣相許芝蘭香共芳爲我理疑獄爲
我監盤倉湖行錫我賦促我治歸裝我行勿復念望君日康強亦祿
益純固哲嗣隆且昌方今重西事徵調及鄰疆籌餉縣官急輸運出
河湟尤恐浮動衆乘虛作鴟張所賴上蒼佑今歲獲豐稷目前既難
恃居安詎可常我去君且住舊游奚自忘薄宦等閒事固窮應慣嘗
獨念君親重圖報終茫茫嗚呼知我兮愛我心結兮心傷悽愴兮前
路迢遞兮故鄉江流兮日遠木落兮天涼永懷兮不寐悵別兮何方

青羊宮
在城都郭外西南隅爲道君開教之地今羽士多棲真於此宮內有老子騎牛過關像似應作青牛宮以其中有銅羊一枚人呼爲青羊宮其羊爲一角類取觸邪神羊之義腹下鑄藏梅湖珍玩五字書不甚古而銅質珍然或對宮三槐書屋詩鈔卷四

一故物未可知也明季獻賦成郡開科目取士每人賜金一錠誘至此盡殺之今宮內有二大塚竹樹蔭翳上各有關若氣象陰慘傳其下皆封尸云

藏梅珍玩屬何王古質斑斕色澤光怪道金羊當鬼宿積尸餘氣聞文昌
積尸亦

支機石
在成都西門內
想是媯皇煉未成相隨織女下昆明自從此石來天上博得西川作錦城

天涯石
在成都城內東北隅
天涯高且遠頑石擅其名何處天涯是人間無盡程

劍閣用唐刻原韻
萬山送行客客行山意回連朝朔風發積陰忽已開長路間寒暑悠悠思往來山靈詎無意幾見濟時才

七盤關
上有碑刻小心移步四字在廣元縣界

南棧崎嶇路不平小心移步記分明今朝已過西川境從此寬懷放膽行

伏波將軍廟
在陝西扶風
威魄能將關外安輕裝蕙苴載歸鞍即今遺廟存封守竟作雲臺畫裏看

紫柏山留侯祠
在留
舊封祠漢相留壩想英風借箸師黃石藏弓伴赤松洞天降少室雲棧接秦中千載瞻遺像居然處女同

和沔陽題壁懷古原韻
三分難厭蚩尤旗賴有偏安鼎未移鬱鬱軍山終齋恨滔滔漢水永方思春秋大義文公筆伊呂名賢杜老詩何便桓溫有矜色可能安帖似當時

附原詩
三槐書屋詩鈔卷四
倒捲營門典午旗大星如斗在天移一抔土仰神龍臥萬古雲留片羽思世有奇才堪下拜人非名士莫題詩最憐捫虱高談者借箸堅頭異昔時

歸里
風雪八千里哀哉望里門河干此訣別父子各聲吞詎意成長逝天高終莫捫呼搶叩窅窅咫尺間晨昏遊子有歸日靈幃空自存起居弗能侍應識心意煩含殮非能視奚堪誠敬論彌留既旬月絕筆猶望孫未病時自作情寒獨憐望孫輩等及春於川省所賴謀身後多望孫早回以慰想望比孫等來已長逝兩月餘矣

資季與昆哀哀此中結將冀親夢魂忽若平生事仰瞻無一言乃知齋長恨勞瘁空負恩

悲麟
任出痘新愈於元旦日索詩因而賦此

履端嘉氣至綵筆寫新春淑鳥喧陽候高楣啓後人遠將綿嗣緒上可慰慈親呼僕添爐火題詩賜慧麟

哀思

三月初九辭親已五年現於癸未三月九日辭父赴蜀音容安可
再勞諒想從前銜索魚終朽當風樹不眠故園易零落春草幾芊綿

見杏花

又見山村發杏花春光應已遍天涯怯寒猶自重幃下知道炊煙有
幾家

詠史

秦兵起傾國江左凱旋師勝敗尋常事如何兩不支
貧窮托冥報富貴遺千金一飯成恩遇平生感已深

戊子十月二十六日引見乾清宮

七載重來觀闕庭金門辨色又疎星百忙歲月蓬壺舊九折山谿獨
道經政望微官邀特簡何期薄績達聰聽自維年壯猶堪試橐筆還
摹劍閣銘

三槐書屋詩鈔卷四

十一

遼海叢書

與德立亭吏部

少年游藝共芳春取次連鑣只二人小吏兩番階下立口含天憲羨
君身

路上雜詠十首

父子經長別當時涕淚揮今朝門外送垂老一慈幃
長途行未已秋潦復沈陰勺水能興浪可知江海深
征衣不為薄向曉生故涼莫恨西風急吹雲見太陽
海氣荒荒起風雲指顧則不知天地大推測自為奇
蜀道如天上家山夢裏逢平岡互起伏風景似臨邛
新月如鉤出環巒掛遠岑旁臨星一點似寫未成心
行年幾五十全局畧將成一為家聲計謀生安可輕
茹苦易於已憐窮難所親長歎復何益況有笑談人
推心作交結無自解人願安得一思我正當平旦時

路逢諸弟子相揖過車前同此長安道回思一惘然

黃葉二首

陰陰叢綠襯疎黃點綴林光妙擅場晚節花香終覺豔平蕪草短莫
悲涼新愁最易催人老薄病猶堪靚曉妝信識金風能度物任他著
色向秋陽

翻疑橘柚踰淮生秋入平林畫不成淡抹微煙含氣早初經涼雨挹
塵輕蕭蕭似有解柯意點點偏餘喚渡情塵戰西風猶未已滿披金
甲護山城

紅葉四首

夕陽山樹隱隆隆更有霜容著葉紅仙府紫霞常映日靈禽丹綬漫
迎風不須載酒心如醉卻意飛花與感同舊宴曲江曾賜餅香塵綺
陌正春融
西來節候近澄清路樹臨風最有情紺碧幾重深塢隱朱殷一帶夕

三槐書屋詩鈔卷四

十二

遼海叢書

陽晴聲中血性秋能語夢起酡顏醉欲醒我尙看花心未足紅梅只
合待春明

花容二月舊時春霜葉殷紅樹樹新到眼秋光明繡陌近畿風景識
楓宸賜緋乍可呼盧采服紫真能化國人幾點燕山青未了火雲流
影尙輪囷

洗卻塵容玉露寒晴光烘染上林端江楓向夕宜殘照牆杏爭春竟
誤看未老朱顏憐晚暮從來紫氣近長安荆關圖畫分明在寫出秋
心一種丹

過燕山訪侯孝廉

清明才過尙餘涼十日征塵道阻長山近橋陵皆拜伏田環都邑盡
康莊春晴草木含新潤小別知交感異鄉見說資家能育子君今可
得好兒郎

再過邯鄲

好夢占祥噩夢驚心動魄是甜鄉何如化作飛蝴蝶自在逍遙睡一場

四十年中頃刻殊神仙作下睡工夫我家日日黃梁熟食後酣眠一夢無

鄂中懷古

疑塚紛紛誤子孫西陵芳草自黃昏那知漳水滄桑易竟被村童闢墓門

銅雀臺荒霸業灰歸然冢土鄴城隈如今片瓦猶珍賞誰得陳思八斗才

謁鄂王祠再疊前韻

北路征衫帶血腥燐燐寒草夜含青東窗有計誅名將南渡何人問虜廷遺墨流傳爭愛惜停車修謁又重經太平天下尋常事誰向神前一乞靈

三槐書屋詩鈔卷四

十三 遠海叢書

渡黃河

黃河第九曲都門當正陽環拱二千里平衍適中央衆流既奔匯全勢趨齊梁金錢歲糜費疏導兼隄防往年憶北上雨雪生寒涼層冰蔽河下悄然心悲傷今我復南渡洪波靜不揚含濁見本性清流詎可常觀濶莫由挽易逝驚就將有懷緬變化分據各殊疆一水限南北時事何搶攘干戈日未已和親難久長孤臣念君國遊子思故鄉安知有後世憂樂獨中藏臨風試慨想倚帆見北邙北邙多故物流水復茫茫沙洲有出沒洛禽鳴且翔極天望無際初日上扶桑

過四知坊

祠墓規渾樸千秋竟不磨感恩殷暮夜矢志皎星河白璧原無玷黃金執厭多關西延教澤涇水挹清波

靈飯寺

隋唐宮殿已灰塵梵宇巍峨更幾新圖畫丹青皆古豔留題名姓尙

先民僧規渾樸具禪意佛相莊嚴成貴人我爲鐘聲清入聽此來瞻禮或前因

佛手柑

莫道金身幻黃柑具體真拈花應欲語合掌恰迎人千手本無碍拘攀終竟仰承仙露潤盈掬自長春

題吳省菴小照

引得清光滿紵羅虬枝繁蔭出高柯斗然風過濤聲響不似驚心宦海波

丹清別具錦心腸位置君家妙擅場須識身安磐石穩中懷坦易本平康

懷忠堂口占

繞郭青山萬壘來狂瀾東下勢難回夕陽天末雲峰起恰有微風送晚雷

三槐書屋詩鈔卷四

十四 遠海叢書

片雲攜雨過山頭似我辭家作宦遊縱有西風吹不散輕陰隨處又勾留

留別忠州書院諸生

白鹿杏難即碧瓜無宿根神靈幻做詭竹樹易黃昏永懷緬髮哲有後風流千載存江山不改色遺澤留後昆瑯媿開福地桃李植公門當世景先進啓心資聖言敦崇舊仁里士習民所尊秉委既醇樸含氣復溫溫爲我歌驪曲爲我侑清樽歡樂得知感富貴何足論憶當試京兆幾度驚神魂奔走藉升斗夙心常自捫吁嗟爾多士爲學須本原忠厚成庸福功名難畔援青春易凋謝回首但寒暄臨歧重寄語誦詩羞素殮

答朱雲岑書題後

風簷校藝日初長燕寢凝香未底忙且爲郊行運命駕有懷良友寫心藏

過中江城北偶得林叢二語已一易寒暑矣今續成之

又向邯鄲夢裡來迢迢驛路舊官槐林叢好鳥關心語籬落秋花得意開懷古山川當盛世結交聲氣識英才好音不入中郎聽祇恐焦桐是棄材

賓興宴賦詩二首

槐花爭趁桂花黃簌簌青芬拂客裳有子讀書真樂事看君挾策上名場秋風展驪嘶長路春雨聽鶯到建章今日堂前將進酒江南司馬一稱觴

從事丹鉛孰後先棘闈幾度際蟾圓萬年嘉會開恩榜八月崇陽預慶筵華國文章爭氣運逢時利器尙鑽研我今佇聽簷前鵲知有佳音特地傳

東閣官梅十詠補遺

一度春風一度開安排東閣號官梅山中高士知多少臥雪眠雲望

三槐書屋詩鈔卷四

十五

遠海叢書

不來

竹樹陰陰羃四郊新晴剛見遠山坳東皇消息官衙早幾點新紅出碧梢

嶺上新枝好護持春風隔歲漏花期恨他開在黃花後只爲爭先轉覺遲

清絕梅花不厭貧因何呼作在官身當時競盛開東閣負卻深山富貴春

繁華滿樹著春容老幹又丫欲化龍莫道落花情意索攤書猶藉綠陰濃

楊花飄泊李花香事隔隋唐已杳茫留得梅花東閣在清芬猶近浣花堂

花封繡錯此分符閣外春深喚鷓鴣只恐梅花來問我庭前可有落花無

花間小集綠初圓風致嫣然春未闌座客莫談天寶事美人零落易心酸

沈沈官鼓放朝衙催報新枝第幾花可是公堂高萬里不曾春色到鄰家

風流韻事說揚州如此梅花幾世修想見少陵題詠處草堂東閣各千秋

三槐書屋詩鈔卷四

十六

遠海叢書

三槐書屋詩鈔卷四

三槐書屋詩鈔跋

先高祖午亭公手寫三槐書屋詩鈔四卷早歲爲親串蕭某所假雖先君子不知也嗣以諸父過其家獲觀是書歸以語芳芳驚喜急請索回幸未汚損歲辛未游瀋陽藏之行篋適繆太史東麟公自山左來太史者詩鈔中繆公謀濟之曾孫也於芳有通家之誼因請爲序以付手民詩卷甫投而有九月十八日之變芳倉猝西奔太史亦去瀋陽非但刳剔無日即此卷之有無亦不可知矣踰年歸詢知太史所在具函存問得悉此卷無恙惟太史則以年老力衰寄回原詩辭不爲序瀋陽有刊行遼海叢書之議芳以爲言承允刊入屬芳校其字芳以先高祖不朽之盛事自此乃不朽也因忘其庸愚欣然從事校勘既畢並識其始末如此俾知撰述者固匪易保存者亦不可忽云癸酉冬義州金景芳謹記

錦縣志 人物

金氏清初從征有功爲內務府鑲黃旗人一世名有成例贈文林郎五傳至成華乾隆庚午科舉人歷任湖南安化芷江等縣知縣升任乾州廳同知六傳朝觀嘉慶辛未科進士官至四川崇慶州知州科正科臨俱庠生科豫乾隆癸卯科舉人官至四川雜谷廳理番同知七傳玉麟道光戊戌科進士歷任陝西澄城渭南等縣知縣同治年遭回匪之變殉難從祀陝西昭忠祠八傳錫蕃同治乙丑科進士歷任福建晉江縣知縣子寶書文庠生

義縣志 人物

金氏隸內務府漢軍鑲黃旗居義州西南丫八石現居城南項家台朝觀 嘉慶戊辰恩科舉人王旭齡同年辛未進士趙廷熙同年官至四川崇慶州知州

科豫 乾隆癸卯舉人官至四川雜谷廳理番同知

二金氏集附錄

遼海叢書

按朝鮮柳得恭灤陽錄瀋陽書院詩注云戊戌秋余在瀋陽書院與奉天府治中孫西京鎬教授裴振監生沈映宸映楓兄弟金科豫王瑗王志駢輩遊臨別贈詩者凡十七人屬余和之今又到瀋陽徑造書院舊遊無一人在聞孫西京裴教授已作古人金沈諸人或作知縣去矣此乾隆五十五年所記也又柳氏燕臺再遊錄云瀋陽書院舊所遊也旋車歷造見諸生森集有金尙綱者字美含舊交金科豫笠庵從子年二十美貌恭執後生之禮問其伯父安信答知射洪縣係川省距此八千里此嘉慶六年所記也笠庵先生爲瀋陽書院高材生以舉人外任四川射洪知縣然錦義二志紀其官至四川雜谷廳理番同知指其最後所歷之官而言也又常理齋愛吟草題跋有笠庵先生詩二首署曰凌川後學金科豫笠庵貴州仁懷知縣此又先生仕履之可考者午亭先生與笠庵爲從兄弟柳氏稱名尙綱字美含者爲笠庵之從子而不見載

於錦縣志志稱七傳玉麟道光戊戌進士歷知陝西澄城渭南等縣其爲尙綱之易名歟曾向金氏子孫詢之亦不能定也午亭先生之玄孫名景芳字筱邨以績學世其家頃以兩先生之作示余始得據以付刊金氏原籍錦縣後移居義州今仍題曰錦州金氏者從其朔也遼陽金毓猷識

二金氏集附錄

遼海叢書

三槐書屋詩鈔勘誤表

卷	頁	行	字	誤	正
序	二	三	二〇	資	質
序	三	一	一	瀕	頻
一	四	一〇	二	驚	驚
一	〇	四	時字下	西津	衍文
二	一	二五	九	味	味
二	一六	一九	二六	衣	依
二	一七	一六	一一	限	恨
三	八	一二	一八	撥	撥
三	九	一五	一二	塵	塵
四	三	二	五	廠	敞
四	一四	九	二	清	青

勘誤表

遼海叢書

7A

道光二十七年重刊

茶書閣遺州

題詞附錄附後

穀詒堂藏板



序

繡出金鍼巧奪天孫鴛錦集留香茗芳追鮑妹鴻裁從
知絳樹青蓮才歸金屋紅橋翠幕藻發香奩侍中推元
義之家博士重蘭英之作畫眉有筆事還韻於西京傳
粉多才人更珍於南國而况湘蘭沅芷地屬騷人屈豔
班香辭摘幼婦挹七十二峯之翠秀列行間溯三十六
折之波瀾翻腕底悟前身之明月詩心半雜仙心飄舊
曲之微雲詞采全饒神采雖寶瑟聲迺於江上而玉臺
集重於閨中矣女史黃葆儀夫人文疆世系譜推天下
無雙詩祖家聲派衍江西第一左為嬌女班是大家來

茶香閣遺草

從翠玉之山性涵古雪居稱眾香之國相現優曇簪花
刊紫石之碑詠絮婉烏衣之巷摩挲玉軫曲早辨於絃
中披拂金荃風自高夫林下詔二南於絳帳學勝佳兒
藥四德於紗幘儀遵賢母迫文蕭甫駕錦瑟長調以江
夏之名媛麗廬陵之才子歌成却扇競傳引鳳之詞賦
罷催妝新和關雎之什鴻案得唱隨之樂不讓劉三鸞
聞添吟詠之情相偕歐九則當綺寮罷繡香閣煎茶燭
剪西窗紫夜瀉月書羅東壁繡纈翻風花開姊妹之林
白戰選選品茗粉勝郎官之署翠吟每試闕題翡翠牀
攜筆無花而不豔琉璃匣啓硯成雨兮皆香綠情有刻

露之思作頌多清風之韻蘸描鸞之粉格寫烏欄分繡
像之絲籤題黃絹看雲得句懷親題漏芭蕉織錦迴文
寄外吟成卷耳性情獨擊自合風人比興彌工允堪賦
物富麗則百篇蝴蝶清新則一闕鴛鴦掃空北苑胭脂
不教著色壓倒南朝金粉羞與爭顏牛應貞雅集遺芳
同茲藻繪楊容華新妝留韻遙此清標城號夫人句堅
五字軍名娘子筆掃千人時或顧曲花閒眠琴月下暗
香駐電春生三弄梅花逸調崑崙韻脆七條碧玉紅袖
鼓落霞之曲應惟神女知音朱絲傳流水之聲自有禹
章同調手揮目送松風操盡獲其精意得言忘水仙引

茶香閣遺草

獨臻其妙音遺太古自寫情幽氣合陽春綠知德淑豈
止代哦白蠟足傳巾幗新裁瘦比黃花可奪詞壇勝韻
也哉乃司馬偏宜紛紛名埒相如駕虬亦召青蛾厄同
長吉杜蘭香倏歸天上玉簡空存廣陵散永絕人間金
徽不曉造物忌才何酷劇憐調念無花塵寰缺事偏多
浪說長生有草夫豈如來金粟都成水月空音仙女天
花定證蓮華習果但是閨房之秀萼綠華偏與為深陋
他羅綺之華縷青簪何曾入夢人生福命豈寵榮凡豔
之資天賦聰明乃凋喪幽閒之具遂使謝傅心傷道蘊
才調新編秦嘉吳悼徐娘斷腸賸稿檢點珊瑚製軸彩

癩蠶假我羅玳瑁裝函光分罽月樂清心交阮竹十年
齊鳳舉之班耳熟蘇蘭一卷比龍文之譽爰千里索題
弁語喜一燈得讀遺篇露盞舊薇開吟亦韻香薰沈水
頌誦皆芬壁以合而方珍珠因明而生慧風垂淑女彤
儀足以流芳僕本恨人錦字何堪卒讀彩筆慙無五色
燕詞冀附七襄顧大雅之詩言知難藏拙撫小山之逸
致聊復效顰云爾海寧周樂清文泉撰

先兄花耘以能詩名湖湘開其長女葆儀幼而慧嘗樂
聞其父與座客談詩然先兄足迹半天下家居時甚少
未嘗教以讀書識字十歲時見案頭一帙問何書先兄

茶香閣遺草

三

曰名媛集也葆儀曰名媛天生那抑人爲之果人也兒
獨無愧邪請學詩先兄訓之曰女子之德不在能詩且
能詩而享厚福者少戒勿學葆儀終不以是說爲然遂
逢人問字漸通聲韻辛巳春先兄偶見其草頗有絕佳
者因爲指正得失未及半年先兄偕余北上而葆儀之
詩詞已成帙矣明年適歐陽氏又明年而先兄歿葆儀
遂無意於詩故而學琴其思親傷逝之心嘗拂拂出十
指間故詩不多作亦無由質其是否往往自焚其草
今遺篋所存強半皆在室時作也其霜雨舟伉儷甚篤
悼亡之餘不忍遺棄欲付梓以傳屬余爲汰其半而序

之夫先兄能詩而不永年葆儀繼之其年更促然則先
兄所謂能詩而少厚福者蓋不獨爲葆儀示戒而葆儀
則竟中其言矣使葆儀之詩能如其父即奪以厚福吾
知其無悔也乃學猶未成年已不永余嘗題亡室陳梅
仙遺集曰昔人云造物忌才必才也而後忌則無才者
可不忌矣即有才而未成彼造物者亦豈肯屑屑焉忌
之近日人才不逮古人而造物之眼孔亦差小矣故不
及待其才之成而遽忌之是說也蓋有所激而云然然
以數年之中一門之內屢見此少亡之婦遺草之存則
前言亦未必非至論也爲女子者固不必能詩凡有才

茶香閣遺草

四

而欲享厚福者皆當引吾兄之言以爲戒豈獨女子爲
然哉又豈獨葆儀爲然哉道光十年歲在庚寅嘉平上
澣李父本鳳虎擬氏書於三長物齋

茶香閣遺草題詞

湘潭張家架蓉裳

哭葆儀五首卽題其集

風西南來音響何其悲朝聞折瓊玉經旬意猶疑去
年寄書至消息稍得知方虞老夫病惻惻無見期豈意
葆衰幹卻忽摧女枝引首問蒼冥涕下如縷縻

昔在羊之年如月日上已而公倏歿逝而叔羈京邸我
時閱倉卒絞衾代經紀凡民尙扶服風誼况兄弟賢哉
而祖母子我以猶子謂齊而公年親我命父爾衰經扶
出拜掩面悲不止自茲逾骨肉無異屬毛裏胡爲八年

茶香閣遺草題詞

中三世歌蒿里傷心退之志何欲久不死

我有膝前女五齡與母訣秀慧略如汝操絃解音節長
因聚團壺把袂情親熱晨妝同脂沐夜語熏迷迭年時
各分散遠嫁傷離別橫陽二千里相送江天雪存者方
離憂死者永歇絕庭前姊妹花觸我腸寸折

開簾理牋素驚心見遺詩翩然擅標格不類粉與脂其
他長短句珠玉紛交披所恨促年命徒欲託棗梨不見
田舍女光采生門楣名汝實蓄汝安用文字爲何如議
酒食寂寂無非儀

吳興有沈適彈琴專古調我從三年學頗許極幽眇汝

時設紗幔亦遂傳諸操閒雲流瀟湘離鴻悲絕徼松泉
幽澗落漁樵互清嘯爾後賞音寂一官形影弔如何千
里遠復此奪同好招魂詞朱絲寒月夜來照吁嗟廣陵
散今古空悲悼

沅陵李沈訓彝卿

題集詩并序

茶香閣詩詞二卷寧鄉女士黃葆儀著葆儀既歿其
季父虎癡孝廉憫其學詩未竟梓而存之葆儀爲花
耘學博長女幼慧口授詩詞輒能記誦年十二學爲
古近體間倚聲皆有精思肖其父及笄後適瀏陽歐

茶香閣遺草題詞

陽拔貢爲繼室生女子子三而卒年二十有七余與

花耘爲文字至交同有鄧攸之戚兩家女皆明慧故
又同有孝女癖余長女佩玉字蘭仙亦能詩往隨余
寓長沙與葆儀心相善陰相競欲一角藝而輒止蓋
女子各護其名慮相形或絀也余以愛女故年既長
始得會同上舍梁生爲婿亦繼其室嫁亦八年舉男
子一三歲而馮蘭仙爲哭子詩十章遂擢疾不起得
年亦二十有七嗚呼女子有才果爲造物所忌邪抑
輕塵弱質不能長駐邪不然葆儀蘭仙何慘遇之同
也顧葆儀有季父梓其遺集雖死不死蘭仙之歿也

余客吳門逾年而其壻亦卒殘脂賸積無人愛惜且以爲不祥之物拉雜摧燒之此則蘭仙所不能如葆儀者蘭仙已矣余因是集之刻不禁慨然而牽連書之也既識其緣起仍繫以詩

黃君貽我書滿紙紛淚痕太息兒子爲異物傾倒篋笥
摻遺文噫嗟兮聰明易招造物忌女子何須多識字身
後縱傳微薄名何如飽閱人間世我昔頤園聽鼓琴悲
感曹娥恸父心讀詩未竟淚沾臆七條寒玉流哀音我
與若翁有同病慰情惟以女爲命清吟解續玉臺篇但
期福與才相稱我女能詩亦早卒屈指流年皆廿七蘭

茶香閣遺草 題詞

三

因絮果何匆匆才命閨中兩長吉我女卒時我客遊賸
墨零縑嗟散佚喜汝有叔真不疑能於歿後刊遺詩傷
心我愧爲人父忍見人閒幼婦詞

上元陳元富子言

香雪會傳影裏梅蘇儀叔母陳梅仙一門閨閣舊多才

遺編又見茶香草惆悵燈前未忍開

開卷增余宿草悲故人有女勝男兒如何未補中郎集

黃絹空留絕妙詞

南豐譚錫洪梅臣

孝爲閨行首文藝亦餘波摘句空凡豔揮絃養太和由

來傳世永不在享年多遺挂塵生壁素嘉奈若何
叔也無雙士今之第五倫挑燈會問字掩卷獨傷神班
史香能續中郎緒未淪銘幽椽筆在長此壽貞珉

善化湯蟠仲潛

疎簾淡月

風蘆颺白恨六六滄灣故人長隔尊甫花耘先生昔有

竹韻江流竟爾響沈秋笛生前綺語憐伊最又一編紅

閨筆格雕瓊句在瘦金字小慧心猶識 想繡閣孤吟

自惜更遠地思親離愁如織幾幅苔牋染得湘痕都碧

繁華見處爭彈指剩淒清花外歌拍夜燈相對懷人鉛

茶香閣遺草 題詞

四

淚恁教重滴

善化湯雙叔尺

青玉案

父書能讀中郎女有舊製花閒句信是才多天也妬鮑

家香茗謝家風絮彩筆還輸與 十花零落詞仙去十

韻漫將綺語漁筒教重譜詞尊甫花耘先生昔有

韻漫將綺語漁筒教重譜

善化湯彝又村

辛卯正月五日衡山道中阻雪集靖節句題

開歲條五日當往志無終翳翳經日雪任道或能通南

嶽無餘雲陵岑聳逸峯天際去此幾何必升華嶺
無匹倚實出罕所同鼎鼎百年內區區諸老翁昔在黃
子廉選宅生蒿蓬歷覽千載書曲肱豈傷冲弱女雖非
男聊得長相從言詠送賦詩賦詩頗能工取琴爲我彈
含薰待清風商音更流涕自值孤生松黯爾俱時滅縱
浪大化中但餘平生物既沒傳無窮

善化勞崇光辛階

菩提勝果幾生修蕙質蘭心第一流贏得香閣主壇坫
優曇小現已千秋

詞揚拔幟憶曾陪

余與兩舟爲
選拔同年

錦宇常聞繡閣才今日

茶香閣遺草題詞

五

玉臺蘭刺馥廣陵殘調不勝哀

中郎才望近今無有女能文緒不孤巾幗尙逢天意妬

何須思舊弔黃墟

紅樓百首總懸翻道韞詩情劇可憐豈意謝公垂老在

却教風絮檢遺編

長白長啓星垣

時年十四

遺編讀罷月黃昏落葉蕭蕭夜打門剩有茶煙香一縷

洞陽何處弔吟魂洞陽洞陽山爲道書第廿四福地歐陽氏世居也香雪夫人陳梅仙嘗爲

孺人作洞陽仙館四
篆字額其彈琴之室

俗樂難教耳暫明蘭閨獨抱古人情一琴又向秋原瘞

葬以古琴爲殉葬山陽
翁爲繪一琴圖遺像誰復揮絃作雅聲

上元王錫疇夢星

瓊華深處蕊宮仙小謫紅閨廿七年畢竟清才勝庸福

三湘傳誦玉臺篇

中郎有女冠清流一縷琴心萬疊愁夜月魂歸環珮冷

侍吟三十六灣秋

湘陰李星沅石吾

慧心純質總輕塵繡佛當年證淨因早識曇花無住相

一龕水月悟前身

又隨香雪點春波斷墨零星冷翠螺便到蛾眉天亦妬

孝不聞遺草題詞

六

文人何苦說才多

洞陽山色助淒涼黯黯妝樓奉倩傷一自冰絃和玉葬

象煙如夢裊琴牀

簪花人亦解廣酬內子笙倫有
簪花閣詩草但願聯吟到白頭却對

遺編共愁絕此生清福要雙修

道州何紹基子貞

詩心不在字琴理不在絃斯人抱靈根自其未生前脫

然遺巾袞乘化亦翩翩蘭以香自摧春風何曾顛悲哉

季父詞讀淚字字鮮張翁及鄧老苦語互包纏我持不

可讀出門看秋天欲題風中葉問彼雲上仙

長沙陳本欽堯農

位離象文明女子亦爭烈清才一門盛茶香續香雪憶
從謝傳遊道蘊早傳說而壻叨齊年蜀賸更豔絕耳聞
情無多遺蹟始披閱生具佛子性慧吐廣長舌能事兼
絲桐古音和古節如何優曇華一現俟飄瞥造物何忌
才不才不推折雖則年摧折錦囊剝心血庸福百年享
才名千載揚風絮理殘編持此補天缺

臨桂龍啓瑞翰臣

筆底生花舌底蓮鸞閨慧業本生天絳帷欲聽宣文講
恨我遲來已十年

茶香閣遺草

題詞

七

當年瘦沈抱琴過

謂素一

撫冰絃妙解多此際瀟湘水

雲裏定添逸韻伴湘娥

古詞空悲卅六灣

尊甫花耘學博著育三十六灣草廬詩稿

父書能續如曹

班留將一卷幽蘭在陶令多男亦等閒

雄豪不似女兒詞歷卷應推望嶽詩一縷靈心知不朽

來生定化萬年枝

淑浦譚瑞芸帆

卓卓名家女翩翩絕妙詞鸞臺吟咏日鴻案唱酬時何
意曇花隱竟深瑤草悲芳魂知不死此集豈娥眉

湘潭郭潤玉笙愉

湘陰李石吾之配

相見緣參商人琴長往矣中夜讀遺編紅淚溼吟几忽

忽夢君來情與故交似索我新製句披我舊書史取琴
爲我彈一操水仙子蕭蕭落葉鳴拍拍驚鳥起惜我非
知音指妙入詩理詩心與琴韻一一判悲喜悲喜拉雜
間執手歎生死君言後會難愁心滿湘水我欲少留君
共話真如旨君魂不我留琴聲猶在耳夢破梅花寒月
光墜應紙

善化羅金淑麗笙

湘陰鄒子香之配

半是人功半是天錦囊有句致翩翩清才底事真妨命
一讀君詩一黯然

茶香閣遺草

題詞

八

聞君梵語悟前身偶謫人間廿七春畢竟蓮花來接引
仙家原不久紅塵

茶香閣遺草題詞終

茶香閣遺草卷一

望嶽

寧鄉黃婉璫葆儀著

蒼茫滿一望萬笏排衡陽雲湧白無際煙凝青有光春
流環九面秀色墮三湘絕頂夢飛上身騎赤鳳皇

桃花樹下作

泥喃燕子語花間紅雨紛飛盡掩關不羨漁人春引路

蕩源一棹武陵還

春晴

畫閣千畔晚晴天出沼荷錢箇箇圓燕語鶯歌聲不斷

茶香閣遺草卷一

天桃穠李豔無邊落梅玉笛調三弄流水瑤琴奏七絃

笑我菱花長罷繡題詩幾度掃苔蕪

燕雨

潤物如酥響未停一簾夜雨隔牕聽明朝添得春多少

洗出遙山朶朶青

試新茶

綠滿階前細草生鷓鴣百轉柳簷晴旂槍欲品新風味

活火紅泉鑿脚鐺

明吉藩宮故址

風雨城隅路欲迷吉王宮畔草萋萋當年歌舞歸黃土

賸有羣烏繞樹啼

春暮

尋春踏過半庭煙萬紫千紅色色妍燕啄香泥花尚豔
蝶黏飛絮粉逾鮮兒童鬪草芳階底姊妹藏鉤畫檻邊
過眼韶光如逝水漫收風景入蘭牋

月

片月明如水空庭苻藻交倚闌人不寐清露滴花梢

閒階

釵蟲剔盡短檠殘覓句閒階夜氣寒坐久不知明月上

送將花影過雕闌

茶香閣遺草卷一

對月

澹澹芳池映月明月光水影兩澄清秋容一鏡磨新碧

澹澹金波夜有聲

夜坐

戶外傳金柝添香繡幙開瑤琴彈落鴈雲破玉盤來

雨牕

拋鍼倦繡鐸聲殘雨灑紗牕逼坐寒一點秋燈光似豆

照吟新句寫烏闌

雪

凍澀遙空影同雲漠漠遮九天張玉戲四野萬瑤葩冰

綴簷前筋寒催嶺上花有香飛柳絮吟賞謝娘家

鏡

繡閣綠陰遮長牕拓碧紗髻雲臨鏡挽紅颺一簷花

花魂

一縷香飄繡閣東輕盈倩女笑春風長留幻影芳菲外

莫記真容爛漫中幾度依依停翠陌多時冉冉趁游驄

銷殘最是東皇別欲斷難招賸數叢

唐慧儀 婉珠 同作

恰逐媽紅蛇紫開暗中旖旎倩人猜離從金谷應擗

笑游向瑤臺自去回不借清風和影動偏宜皓月共

茶香閣遺草

卷一

三

神來佳晨良夜增幽賞羯鼓真如夢裏催

鳥夢

樹色陰陰暮鳥啼恬然夢境息塵機不隨望帝鷓聲咽

乍逐莊生蝶影微飲啄儼從幽壑集回翔恍向夜雲飛

酣游想目槐安國一覺南柯是也非

慧儀同作

好共梨雲幻影看一枝棲處倦初安本無幽思離巢

外似有癡魂繞樹端掠徑已忘花竹暗驚弓猶覺羽

毛寒欲知覺後聲聲喚得句西堂與未闌

納涼

皓月新磨鏡光涵畫檻東晚涼生水閣香逗藕花風

聽笛

露竹搖珠綠風蓮墜粉紅流螢光引路聽笛步樓東

聽琴

待月焚銀葉樓簾捲幾層松風飛雅韻絃脆七條冰

蜀葵

燦爛張雲錦傾心向日開捲簾人對詠飛豔上妝臺

蘭

幾叢開次第臭味話同心采采紉秋佩幽馨入素琴

竹

茶香閣遺草 卷一 四

荷鍤劬春雨移栽草閣西幾竿生爽籟涼颺綠雲低

燕將雛

燕將雛繞出殿燕飛飛雛喔喔殷勤銜食何處來哺向

巢中供飽噉往還千百無停時芣爪已做心未疲兒漸

肥時母漸瘦呢喃猶恐兒腹飢吁嗟乎羽毛已長爾難

住雙雙徑向花陰去花影迷離故壘空從此天涯無覓

處

松

高頂危巢落鶴毛蟠枝盤屈翠週遭冷然坐鼓瑤琴曲

謾謾風吹午院濤

夜坐

簷鐵聲中送晚涼
談深姊妹坐昏黃
閒牕待月珠簾捲
風遞庭花斷續香

種花

移花庭畔種紅蕖
幾枝芬無限東風
夢參差化綵雲

雨

花園紅開甲蔬畦
綠長苗小牕一夜
雨清響在芭蕉

五月菊

榴花開處見金英
簇簇東籬綻幾莖
素節尚迺人自淡
白衣未至酒先醒
冷香不為炎風暖
幽豔能令暑氣清

茶香閣遺草

卷一

五

多是芳華恐遲暮
故傳霜信到長蘆

潤儀 婉琳 同作

百舌聲殘菊滿枝
開當高臥北牕時
荷風細引香三徑
槐日陰連影一籬
豈待經秋誇晚節
何妨觸熱顯幽姿
柴桑處士如相見
酒熟菖蒲定不辭

燈花

照壁描紅影
花開簇簇新
蝶魂應入夢
香嗅短檠春

鸚鵡

畫閣春深樹影濃
風搖簷玉韻丁冬
落花滿地無人掃

鸚鵡 鸞前寫婢情

月下聞歌

庭竹延秋色
樓高貯月多
銀箏彈拉雜
宛轉遞新歌

竝蒂蘭

黃瓷叢綺石
花放蒂相連
照影瀟湘水
英皇恰比肩

涼夜偶吟

初月挂簾鉤
清吟倦倚樓
七絃調鴈柱
涼入一襟秋

題畫

遙山一髮影
青蒼渺靄煙
嵐澹夕陽茅
屋人家臨水住

疎林葉染半溪霜

蟬琴

茶香閣遺稿 卷一

六

涼蟬高咽露
清奏樹間琴
落葉傳哀曲
枯桐曳遠音
么絃和月冷
短調破煙深
不羨仙蟲社
絲絲宛轉吟

江亭望雨

望極蒼茫倚畫欄
山雲裏絮影冥冥
翻江浪湧千層白
鎖樹煙環兩岸青
估客揚舡歸遠浦
漁人散網聚迴汀
風流太守應留讌
銀榜高題喜雨亭

秋海棠

嫣然開遍老牆根
籠篋紅搖滴淚痕
秋冷難勝嬌欲睡

臨風疑是美人魂

雜冠

宛爾羣雞立嫣然透頂丹雄心飛草徑怒影鬪花鬪露
滿珠冠聳煙籠絳幘攢無聲能報曉亦耐五更寒

茉莉

詩得波斯種花薰半箔涼襲衣蒸晚露點茗助清香錯
落珠攢蓓蕙蕤玉簇妝銀絲參串串影顛月昏黃

紅蕉

數本階前植娉婷豔不分倚風搖綠扇裊露舞紅裙色
共朝霞泣聲非夜雨聞渾疑綃裏淚影化辭靈芸

素馨

玉鉤斜冷月黃昏碎辨搖香泥露痕南漢繁華春一夢
茶香閑道草

幽馨幽得美人魂

蟋蟀

照壁燈殘夜不眠幽吟斷續破秋煙豆棚花老苔牆澀
寫入徽桐咽冷絃

昭君怨

琵琶哀怨曲難終忍向胡沙憶漢宮穹帳年來憔悴甚
春風不及畫圖中

班姬怨

長信宮中日月長秋風團扇棄無妨見幾不愧女君子
免受他年謠詠傷

梅妃怨

莫恨長門夜漏遙玉顏豈讓阿環嬌馬嵬幸不埋香骨
勝賜珍珠慰寂寥

姊妹花

有女如雲小園前繁葩相次帶相連香浮畫閣真同氣
豔倚雕闌恰比肩泥露英皇班共染翻風秦虢馬同旋
飄零一任封姨妬嫁與東君了夙緣

蝴蝶花

生前性本戀花枝化入芳叢品自奇乍露檀心鬢欲動
徐開粉瓣翅仍垂簪來合倩滕王畫賞處須吟謝逸詩

茶香閑道草

九

栩栩梢頭疑欲活誤將絨扇撲嬌姿

蟬

細雨聲偏急斜陽響更頻自鳴還自己非是悅時人

斑點湘妃淚影添籜衣新褪玉纖纖森然挺立孫枝秀

涼露挂珠絲上尖

苦熱

燒天火織張坐飯類蒸煮安得雨滂沱洗盡人間暑

玉簪花

森森玉栢小牕陰麝粉冰甯沁素心壓簪一枝橫淡月

天然香裊碧瑤簪

薝蔔花

幽林時透午風香六出攢枝鶴羽翔絕似優曇花湧鉢

拈來微笑禮空王

松下圍棋

松下呼童掃石枰蚪髯謾謾午風清手談一局消長夏

山靜惟聞落子聲

夏夜聯句

斗室可促膝儀宵分興不窮飲醇非酒椀儀吟癖有詩

筒白鳥撩紈扇儀青蛾隱畫櫳儀紗疎鏤月儀檐鐵碎

茶香閣遺草 卷一

九

吟風繞屋傳更柝儀當階響候蟲竹深煙霧歷儀樹暗

影溟濛簟展黃璃滑儀琴彈綠綺工茸茶濃滄碧儀仙

李簇沈紅艾把香微馥儀蘭膏焰遠烘插瓶花自輝儀葆

蘸筆墨初融斗覺涼蕭爽儀全消暑蘊隆家庭有真樂

潤韻事許誰同儀

竹林聯句

閒坐稱幽意儀新成銷夏牀幾竿裁秀竹儀入尺列虛

堂密節排來翠儀浮筠拭後蒼繩聯應少潤儀藤製總

輸涼未若檀樂好儀偏隨輾轉良平安真可報儀儉樸

用能常弄笛花邊設儀彈琴月下張龍孫眠恐化儀鳳

尾夢疑翔簟展桃笙淨儀簾依蕙帶香最宜鋪水閣儀葆

雅似聽風篁自具東南美儀誰分上下行相將北牕裏

潤閨夢到羲皇儀

步月

良夜月初出溶溶上太清光烘雲破障影散地生明薄

露滋花氣微風碎竹聲吟餘還徙倚疑在玉山行

雨中望瀑布

林雲漠漠雨霏霏萬仞懸流下翠微濺玉跳珠天際落

一條晴挂白龍飛

賞荷

茶香閣遺草 卷一

十

橫塘滄滄綠雲遮倚笑含愁十里花搗練香邊憐越女

盪舟煙際唱吳娃迎風翠羽搖涼月墜露紅衣浴晚霞

無限秋心人對詠碧筒吸盡酒難賒

白蓮

花滿銀塘浥露清天然淨植弄輕盈半奩曉夢驚鴛睡

一櫂秋心訂鴛盟香入微波添滉漾影搖淡月不分明

洛妃風態依稀見羅襪無塵蹴浪行

白芍藥

脫去紅綃著素紈幽姿雅可殿春殘風清花市香逾潔

月滿虹橋影自寒入座雖無金作帶當階疑是玉為盤

欲將貞白誇滄海留待尋芳士女觀

竹徑

引得薰風作意吹青鸞尾動影參差談深玉塵留賓坐
一徑雲涼者不知

池上觀魚

風牽荇藻綠差差寸寸紅鱗躍小池興到頓增濠濮想
抵容魚我兩相知

瀟湘夜雨

蒼茫九轉水沄沄墨湧江天萬疊雲叢綠蕭瑟斑竹暗
雨聲多處弔湘君

茶香閣遺草

卷一

二

洞庭秋月

湖平月滿泛輕舟八百煙波浩渺流倒影螺峯青十二
浮金沈璧一輪秋

平沙落馬

雲沙漠漠白無邊鴈影參差下遠煙一曲瑤琴臨水奏
秋聲響落七條絃

山市晴嵐

野氣遮山渺雨生飛嵐青撲午時晴藏林闌闌參差見
空翠涼樹影橫

煙寺晚鐘

百八疎鐘空際傳聲聲清響出秋煙蒼茫梵宇知何處
撞破枯僧入定禪

漁村夕照

紅魚斜挂岸頭山漁子漁孫住幾灣濕網家家臨水曬
穿魚換酒唱歌還

遠浦歸帆

天際帆歸一葉舟蕭蕭木落洞庭秋還鄉載得征人夢
無復江風怨石尤

江天暮雪

萬里江雲漠漠同混茫一白水連空寒歎客枕衾如鐵

茶香閣遺草

卷一

三

舟重無聲雪壓篷

洋海棠

扇葉青搖老屋東珠胎串串吐瓊瓏分明石尉園中見
萬地珊瑚七尺紅

送春曲

蝦鬚簾外春如許細雨霏霏織南浦一片飛花逐曉風
枝頭剩有流鶯語羅幃驚起移殘釭熏香小坐開紗牕

韶光欲去留不得閑情且倒紅玉缸

鴈聲

楚塞雲橫鴈陣翔一聲叫破曉天霜驚殘旅夢關山遠

萬里傳秋到故鄉

落葉聲

秋情寂寞可憐宵
霜到桐軒碧影凋
小閣殘燈留短焰
幾回欹枕聽蕭蕭

讀書

湘籤縹帙阜羅厨
綠護垂楊室北隅
盡日幽闌簾不捲
七篇女誡讀班姑

臨帖

洗硯雲蒸墨一池
濤殘滑淨界烏絲
銀鈎細做簪花格
筆陣重樞衛茂漪

茶香閣遺草

卷一

十一

放鶴

清唳聲聲澈碧天
秋山日暮縱胎僊
影隨一片孤雲去
掠徧晴皋下遠煙

調琴

茅廬深住白雲閒
松徑盤紆石磴斑
流水泠泠秋月冷
一聲幽籟響空山

焚香

槐陰綠映小窗前
煖燕金爐噴紫煙
繡閣留香簾靜妥
雲沈寶篆裊龍涎

煮茗

頭新試火前芽午
院松風聽煮茶
矮鼎芒湯翻綠雪
羊腸詰曲轉山車

蒔花

嫣然紅爛幾叢芳
籬畔花含晚露涼
短鋤自鋤明月下
秋風暗襲一襟香

觀稼

擢穎莖莖穗吐黃
野風時逗午膾香
如雲穉種流膏潤
築圃平開碌碡場

新柳

碧雲萬縷拂春郊
嫩葉駢抽踈地條
一瞬乍迴青帝眼
茶香閣遺草卷一

卷一

十四

三眠猶怯楚宮腰
如膏雨過濃疑沐
似翦風來細易搖
寄語鸚鵡莫飛上
未堪攀折已魂銷

湘妃竹

湘水迴環抱九疑
竿竿玉立影參差
青舒鸞尾輕煙鎖
秀挺龍孫晚露滋
錦籜留斑增悵望
蒼雲搖淚寫相思

黃陵千古餘幽怨
慘綠蕭騷帝子祠

屈子蘭

騷情流怨滿湘湖
分植黃瓷綺石傍
九畹清滋宵露冷
幾叢光汎晚煙涼
美人望斷秋何處
香草魂銷水一方

采采江皋宜作佩
半襟幽思襲芬芳

懷素蕉

陰靜幽林綠障天蒲團茗椀坐談禪千文草學書家聖
萬本蕉裁扇子仙葉葉生涼搖屋角蕭蕭雨雨滴廳前
紙材好備臨池種不數雲藍十樣箋

茂叔蓮

說著濂溪仰昔賢波間淨植影翩翩光風霽月凝秋水
翠羽紅衣浴晚煙香遠益清參鼻觀塵飛難染印心田
天然不愧稱君子千古名同道統傳

牡丹花下放歌

蘭閨燕語青春深飛花片片辭芳林一陣香風入簾幕

茶香閣遺草

卷一

五

瞥看萬朵開庭陰濃豔纔教粉臉暈輕紅漸覺脂痕侵
雨餘初日正相照招邀姊妹同追尋爛如石尉開步障
重重錦繡逸相向又如王母居青琳樓臺百尺雲霄上
嫵媚歌側難具詳醮露籠煙各殊狀一杯酒一曲歌花
前不樂當奈何太真麗質成塵土清平有調空摩挲吁
嗟世事真快蕩富貴繁華皆爾爾眼前快意且狂歌銜
杯共醉香風裏

簾鉤

簾額朱繩繫雙懸畫閣東光搖金苑轉響徹玉璫瓏曲
挂纖纖月斜垂乙乙風忽驚歸燕蹴泥霄落花紅

簷鐸

蕭瑟鳴秋籟簷牙鐸韻長珊珊隨玉漏冉冉度雕廊警
徹霜千戶驚回夢半牀還如嘶鐵騎邊月冷沙場

蕉衫

和露纖纖劈蕉分萬縷長青留雙袖潤翠織半襟涼祇
合垂蘿帶何須製芟裳晚風生竟體小步儘徜徉

竹笠

斲竹分輕縷編成一笠圓籠頭圍翠靄側頂聽溪泉垂
釣青歌雨尋山綠縛煙風流圖畫在千古拜坡仙

晚步迴文

茶香閣遺草

卷一

六

薰風拂扇一天涼曲徑花隨步履香雲接樹青浮遠岫
日沈波碧漾迴塘欣欣自適多幽賞脈脈何思寄遠望
醺飲小牕開闔意熏籠倚處蕪蘭芳

樓鞋

細擘千絲馬尾樓織成雙履踏秋風苔階有跡尋新綠
花徑無聲踐落紅製葛微嫌詩客儉編芒略與野人同

閑居未暇朝天子差勝麻鞋杜老窮

朴齋外祖得孫有詩次韻

松齡鶴髮侄在倫慶洽舍館喜抱孫藜閣傳芬應紹祖
慈宮注籍肇名恩乳名思生因是恩科也庭階預植三公樹湯

餅香遲九日尊從此一經繇世澤不將詩譽博河豚詩男
人自對河豚者以
詩河豚詩得名

贈徐端生大姑并送北行

畫史書仙拜女師蘭心蕙質吐新詩淋漓竹石生統扇

今日重逢管仲姬婦生善畫

梅花風裏送香鶉樹湘雲路幾千唐韻寫成三百部

彩鸞從此是神仙

祀杞

怡隨梅雨熟林端萬顆炎精一樹攬色比蠟丸惟貯核

香金橘不含酸勻圓手弄王孫彈錯落盤堆羽士丹

茶香閣遺草 卷一

十七

借得琵琶名自異上林佳果喜分餐

聞鴈

流響長空鴈數行傳將秋信到衡陽蕭蕭落木邊城冷

漠漠西風楚塞涼警澈清霜橫極浦驚殘旅夢客他鄉

蘆灘蓼嶼羣棲泊留戀湖天足稻梁

菊二首

壁盤筵前酒一觥花光濃澹影縱橫幾叢露浸疎籬短

三徑香留晚節清簾卷西風人比瘦琴停夜月客餐英

木樨開盡芙蓉老豈得秋芳祗獨榮

小圃發開澹澹黃一枝幽韻破秋荒蕭疎籬外煙痕冷

屈曲闌邊夜氣涼席地酣澆高士酒簪英豔闌美人妝
霜中磨鍊精神出獨向西風傲晚香

菊影

菊影參差上短牆誤驚蝴蝶夢中忙輕分三徑秋容瘦

幻寫千層月色涼畫稿迷離新潑墨煙痕濃淡暗聞香

未堪采折盈纖手掠鬢燈前自付量

登定王臺

憑高吟眺定王臺黃葉紛紛墮酒杯湘上煙凝秋色晚

歸帆遙帶夕陽來

秋望

茶香閣遺草 卷一 六

蕭蕭飛木葉秋色上荒臺遠水千帆盡長空一鳥回江

樓寒翠合林驛夕陽開百感蒼茫集消除託酒杯

夕眺

江干寒浪湧天盡片帆遮野徑飛紅葉疎林噪晚鴉波

明秋色遠煙澹夕陽斜眺極蒼茫裏吟餘逸思賒

江樓野望

危闌人倦倚望斷楚雲秋鴈落青天外帆懸赤岸頭煙

光朗極浦暝色上層樓何處砧聲急無端起暮愁

送家大人偕虎癩叔父計偕北上

送親兼送叔繞膝語依依歡饌臨歧酒愁牽欲別衣杏

花開上苑萱草壽重幃珍重南來鴈家書盼早歸

曉起

曉箭催殘漏疎煙澹碧牕曙星沈遠浦寒焰暗晨釭書
渺紅鱗六簾開紫燕雙闌邊斟卯酒倚醉倒銀缸

春日同慧儀刺繡偶吟

繡課邀閨伴光陰小閣中春融珠箔靜日暖綺牕紅
辨盤金縷織纖擘綵絨鍼尖生五色花鳥笑東風

月夜聞笛

幽牕人寂拓輕紗徙倚芳階曲檻斜玉笛誰家三弄月
一聲清脆落梅花

茶香閣遺草

卷一

五

柳

昨夜東風作意吹長條踈地綠垂垂流鶯巧囀新陰候
紫燕輕穿細雨時萬縷煙絲紫客恨一聲羌笛引離思
請看裊裊河橋畔折贈行人無盡期

疎煙

疎煙細雨鎖池塘流水潺湲遠畫牆聞說昨宵春信到
東風吹綠上垂楊

海棠

丰姿嬌怯類神仙錦障橫陳畫檻邊似白還紅新著雨
將開半斂暗凝煙臙脂淡染枝枝豔猩血勻塗朵朵妍

浴罷楊妃春睡足倚風無力笑嫣然

牽牛花

花放沿籬曉露收葳蕤涼颭紫雲浮
小字香分渚上牛

祀竈夜次 家人大人韻

斜捲參旗插屋高宵深歡坐不知勞
錢因厭歲穿文縷酒為辭年蕘濁醪
飼鼠戲拋牀下果迎神親供竈前饒
團團繞膝酬新唱笑倚熏籠寫韻豪

初歸歐陽氏 大人以詩見賜和韻寄呈

含淚別吾父神傷不語中晨昏修婦職
早晚盼郵筒檄

茶香閣遺草

卷一

五

捧檠山遠

大人將之

城步學署 簋承子舍空矜聳申夙戒
敢愧舊家風

賜作

弱女初離膝深絮語中嬌啼牽別袂
淚滴吟筒 蕤蕤欣能託門楣望不空
易哉林下範莫忘大家風

思祖母

重幃曾記廿年歡小別慈顏淚未乾
最羨膝前諸弟妹 一燈環侍話團圓

思親

猿山司冷鐸夢不到鄱梁城落葉秋無限
西風鴈數行

層雲遮遠岫一水隔清湘嚴訓留篋管緘封未敢忘

題唐瓶山姑丈瞻衡圖二首

華陰嶽色接衡陽陟屺情深客夢長松樹萬年蓮十丈
攜將靈植奉高堂

宋玉茅從宅畔誅白雲深處樂愉愉從今莫與山靈別
更寫蘭陔養志圖

雪

凍結同雲厚蕭蕭落地輕塵烟明到曉夜枕聽無聲短
炤銀缸澹寒稜翠被生灑空飛不斷人在玉山行

梅二首

茶香開道草 卷一

三

老梅幾樹伴孤村玉殿首枝縹粉痕清影臨溪寒照水

幽情倚竹靜無言

東風消息到前村姑射招回雪窖魂殘月參橫鳴翠羽
羅浮夢醒曉煙昏

春夜聽雨

小院溟濛雨澁痕壁畫蝸紅開花綻蕾綠滿草抽芽香
蒸銅鑪暖寒生錦幔遮翦燈聽不倦添火自燒茶

採桑

林甚紅垂曉露含桑田生意綠酣酣柔枝采取青盈掬
春日融和學課蠶

採茶

新歌宛轉唱村娃綠展旂槍放茗芽煙雨盈筐生意滿
春香一掬摘頭茶

稻花

絕似沾泥絮欲飛花繁應識稻苗肥野田風過日當午
儲婦歸來香滿衣

納涼

暗鬼流輝鏡啓函微風涼透紫羅衫
綠乳香烹火一枚

豆花同外分韻作得涼字

茶香開道草 卷一

三

藤垂屋角咽寒蟬棚底陰深客話長秋色滿籬花爛漫
蛾眉月映二分涼

雨舟得村字

乙乙藤梢挂月痕蜚音催遍短牆根無端觸我相思
夢秋到江南紅豆村

聞鴈

鴈字排雲出離人夜倚闌可能傳尺素為我報平安
答慧儀寄懷詩次韻

瞥眼湘雲一片橫離愁長觸百端生何當午夜驚歸夢
起看珠總月影明

何處春先到分賦一首

何處春先到春先到鳳城雲開雙闕曉塵輒九衢平上
苑鶯猶澀華林柳漸榮杏花消息近香送馬蹄輕

牡丹

錦爛雲霞檻外陳繁華高冠洛陽春一枝窈窕姚黃瘦
幾朵嫣然魏紫新酒暈微酣朝雨濕香痕細染晚煙勻
名妃捻處畱金粉千古風流屬美人

夜坐

小坐何人共蕭然欲暮時亭空花氣滿院靜月陰移偶
以心無礙因之樂不疲琴餘還擗管清興有誰知

茶香閣遺草

卷一

五

與潤儀琴話

與汝成間坐清談見素心春深花吐豔日午竹移陰鳥
語忘天地琴聲悟古今此中有妙理何處覓知音

紫牡丹

種得雲英吐異芳嬌姿何事羨姚黃翻風乍舞昭容袖
貯露初懸謝客囊亭北翩翮迷燕掠枝頭縹緲訝鸞翔
靈根直比嵩山草笑彼唐宮一捻妝

潤儀同作

采來瓊島蕊爭開爛漫疑從九陌栽纔見奇姿誇北
壽忽驚瑞氣自東來雕闌可否通鼈禁錦障依稀接

鳳臺富貴不須嫌閒色嬉春且泛彩霞杯

睡起

一枕游仙夢覺來仍故吾悠然生妙悟萬有盡歸無

聞王香杜先生有見賜之作時將歸瀏陽寄此索

之

先生時
令黔陽

閨中唐勒仰師資摘豔居然附楚辭我亦曾熏香一瓣
鴻篇諾惠敢嫌遲唐勒謂慧儀先生有
詩贈之呼為女弟子

拜別重慈未忍歸從今稚髻守荆扉夜郎西處多月

應有新詩到大圍

大圍瀏
鎮山也

詠鏡二首

茶香閣遺草

卷一

五

懸腰一鏡小如錢出土經今五百年寸鐵莫嫌苔繡澀

照魔兩篆呂岳鐱

先生磨鏡小游仙賺得囊中買藥錢施罷金丹無箇事

倩人扶傍酒家眠

梅

尚無一花坼矮枝纔過人鐵笛出短袖吹開天地春

紅梅

天然鬪繁富枝枝紅瑪瑙不受凍風吹春信吾廬早

綠萼梅

萼華降羊權舊說殊荒誕東風吹作花笑作仙姝看

蠟梅

處世戒多言斯花亦磬口香影動尊罍簌簌黃如酒

絳桃

仙子絳羅襦家住天台頂一夢落凡塵春風喚不醒

題沈素生山人研琴圖

集陶

有客有客淡焉虛止抱樸含真田園不履搔首延佇遙
遙三湘何以寫心清琴橫牀有風自南載彈載詠日夕
氣清我愛其靜黃唐莫逮中心悵而沮溺結耦庶其企
而

香社先生出芙蓉樓踏雪圖索題樓在黔陽縣王

茶香閣遺草

卷一

五

少伯送辛漸處因集少伯句成詩十韻

仙館留清才

留別張少府

騰光難為倚

留別岑參

衡湘薶沿越

中豈是娛宦遊

出山

副職守茲縣

留別岑參

文墨當何求

行摘取芙蓉花

出山

林外登高樓

東

高樓多古今

乃瀟湘秋

送胡大

涼風洗修木

與秋

清溪聞遠流

吟雲山

觀江淮名勝圖

響苔隨興酬

出山

便以風雲暮

盡黃蘆洲

九江

天地寒稜稜

大梁

羈鴻去悠悠

營數斗祿

行歌

豈不驕王侯

留別岑參

洞庭權歌

角子湖邊灣復灣扁山對過是君山湘妃曉起開妝鏡

綠挽煙螺十二鬟

湘江權歌

駱駝背外鼓鼙鼙開船曳起一帆風狡獪湘流阻行客
順流翻作倒流泓駱駝背在長沙下五里有水倒流名逆流泓

送外之都門

男兒志四方安居身不貴長安實人海文采占炳蔚鐵
網聚珊瑚雲羅張翡翠願君為國華豈但拔鄉萃奪得
錦標歸庶使親心慰臨歧酒一杯勿灑兒女淚

虎癡叔父續娶潘氏陳梅仙詩以誌慶

向暖花開第一枝幾生修到伴瓊姿憐香解學林和靖

茶香閣遺草

卷一

五

始信吾家叔不癡

聞外以朝考報罷將由金陵旋里

偶拈花片卜征驂消息真從鏡裏探愁殺細塵京洛客

又聽春雨到江南

與周氏小姑夜坐

蘭牕燈影暗花翦一枝青寄外詩難就歸家夢易醒偶
將前代史讀與小姑聽時姑新寡以相舟自坐久忘宵

短雞聲出遠坳

杏花

明媚韶光最可人杏花紅鬧幾枝新輕勻麝粉開嬌靨

落葉燕支點絳昏曉雨一林沾酒飾東風十里逐香塵
繁華爛漫張雲錦占盡江南二月春

題 虎癡叔父雲陽樓看山詩畫冊

一桁湘山色隨人上市樓有誰詩壓卷莫負酒盈甌畫
補黃花節琴傳白鴈秋何時陪阿叔詠雪續前遊

鄧湘皋先生以斑管彩箋琴絃佛手見贈即用先

生東湖酬唱開卷詩元韻志謝

少小聞鄉評知公實邦哲倒屣驚王侯所至名必達儔
然鸞鳳姿豈肯老圭筆屈爲青衿師藉以成著述昨訪
臣叔廬值我歸寧日惜非男兒軀敢立程門雪瓣香拜

茶香閣遺草 卷一

三

南豐棗栗慙修潔宿草憶故交生死幾時節文姬讀父
書欲比未敢竊遺草付誰傳念此心忽忽尋以雅賦投
文采爛滿室湘東班竹管書賢操陟黜假我詠齊絜能
使秋風蒸簪花雖未工栩栩毫欲活持此弔英皇寸穎
濡淚沫副以薛濤殘百番勞贈報能軍愧木蘭當戶徒
唧唧廢織學操觚替借金篋刮囊琴久未彈古調加已
蔑泠泠絃七條塵封冷如鐵素絲纏冰蠶再鼓席敢避
佛果鑄黃金堆盤到眼瞥一指悟禪機十手嚴鉄鉞木
奴眞奴才佳產重南粵所贈皆奇珍一一萃可拔欲卻
嫌不恭藏弄焉敢失吾家天壤郎構思頗帖熨逐隊塵

文場舉旗未可必何時孫陽門肯容駑馬迹請業願與

借光霽瞻風月衰門無奇男進士嘗不柳吾門衰更奇

未卜虺夢吉幸邀臣叔憐才短譽嘗溢叔母穎川姝嗜

古勝飢渴琴亡篆僅存名與冰斯埒公爲銘其幽字字

霏玉屑片石傳茂漪幽潛光煥發先生近撰先叔父執

張文昌謂蓉裳先生文瀾匯瀛渤一稔寄公鄉祭詩窮賈佛

不謂師曠聽賞及秋輝咽導我以正聲彩投江掩筆綺

麗薄齊梁質鈍苦難別公與文昌交許身皆稷契詩學

辨滄漚隻字爭華寶寶藏聚波斯未許貧兒乞始知東

施聲態度慙姜姑聞公藥新刊蘭芷隨所學讀史香薰

茶香閣遺草 卷一

三

班擬騷豔摘屈幽居卜南村雅與陶公匹先生近刻南

赤幟樹吟壇餘子敢同列况我壁上觀未陣已亂轍請

率娘子軍爲公帳下卒長隊領吳娃共守孫武律不爾

焚筆研丹徒嘔心血

李星房二兄家壘外前室兄也以詩見贈次韻奉

答

人生各有緣造物巧位置暫聚亦前定烏能測所至少

小居深閨篝燈坐隅侍會聞父與叔敘及通家誼潭潭

謫仙府盛名遠相饋棣萼輝駢枝連鑣奮高志 天衢

斷雁行雲路緞鷗翅名父及家公兩地理經筭愧我非

男兒質魯學未粹君家不櫛弟巾幗鬢眉比生前四德
齊嫁亦六禮備何期蕙蘭姿鏡破奩封翠遺物存鬢鬢
仙結韞香匱幸留兒與女任若爲余選舅姑懷幼心夫
婿悼往淚兩者縈於懷惻然念所自事育媿未能不容
辭以義攜幼詣兄家大父視無二拜母母子之請以家
禮事感此氣誼長不別薰蕕器兄賢嫂亦淑殷勤皆一
致小住逾浹旬晨夕羅酒食舊姻我重締新婿女許字
謂長女字臨別惠瑤篇語重心先施譬之元方才令我
兄姓慶難爲季片言非相酬聊用博嘲戲

贈作

茶香閣遺草

卷一

无

骨肉本天然化工費安置人定能勝之名至實亦至
嗟余同懷生小小共歡待先後就外傳弟兄師友誼
余妹得所天順正主中饋俯仰數年耳相繼俱實志
落我全樹花翦我凌雲翅風雨暗連牀巾櫛掩塵笥
允矣廬陵子璧潤擬精粹再下玉鏡臺占遇坤之比
新康舊世家德言容功備末俗驕紈綺靜好噲珠翠
咳唾爲明珠錦繡裁金匱今肯惠然歸足慰十年遲
上堂拜阿母一顧一揮淚有妹復妹誰無妹妹奚自
繼素乃世情遞嬗尋常義恍惚前後身非一復非二
琴書一藝耳詩詞其餘事甥也幼岐疑玉之以成器

小女昔穉祿長且饒風致毛裏視無歧教誨兼飲食
論功起九京育恩逸撫字新締聯朱陳更許薦蘿施
顧我敢隔膜敬愛同昆季請著嫁衣裳權作老萊戲
張蓉裳先生以三分水二分竹一分屋額其齋即
用其自題詩韻寄呈

無何鄉裏三間屋水在東頭竹在西儘有閒情招客至
更留隙地讓雲棲筆牀茶籠煙波舫蟹舍魚莊雪月溪
不羨吾翁詩逸甚羨翁占得好詩題

蓉裳先生以近作賞牡丹詩見寄和韻奉呈

黃鸝紫燕紛紛語無計留春春且去旭日紅蒸瑪瑙盤

茶香閣遺草

卷一

手

韶光豔射珊瑚樹東家巷口衣仍烏名花如故主人徂
當時有酒不肯飲芳辰坐擲成錢愚京兆詩人老名士
惜花未許延斯須呼朋挈榼興瀟灑青鞵何惜衝泥塗
偶聞姚魏鬪黃紫一日看遍千羅綺新詩脫藥句亦香
似有蜂鬚粘嫩蕊不須富貴欺煙花人世繁華盡如此
東風吹綠湘江波思歸未得愁緒多我欲隔簾分席賞
其如花時聚散難定何

彈琴

薄暮滴殘雨蕭然風滿堂蟬聲下高樹竹影過短牆音
韻出太古衣襟生微涼一琴靜相對煩暑坐中忘

七月入夕詠牛女事

當頭銀漢碧悠悠依舊平分兩岸秋少婦不知離別恨
今宵還上曝衣樓

雨舟作

盈盈一水亘遙天纔得重逢又隔年此夜綦巾相對
坐笑渠徒結暫時緣

此五年前同葆儀在頤園分韻之作今附存遺藁
之末以見人間之綦巾對坐其緣更暫未可以唐

突雙星而暫時緣竟成語識矣可慨也

雨舟記

葆儀以名家子歸余九載相得若良友能詩及琴其

茶香閣遺藁

卷一

三

餘事也今人琴俱亡而遺草具在其季父 虎癡先

生爲刪存其半刻而傳之亦可於銘椒詠絮之餘想

見其性情之所在夫婦人固不以文字重然房中之

樂可被管絃則文字亦未必不可以見婦德也余行

年三十有六再娶而再鰥恨無散騎之才徒灑悼亡

之淚從茲以往有善誰勉有過孰規蓋於是刻之成

益增伉儷之重矣文字云乎哉雨舟識

茶香閣遺草附錄

花耘送葆儀歸歐陽氏歸途諭函

二十年父女一旦分開五中盡碎矣昨午撒手即行不
 再見汝實心傷不忍別汝也為人家作子婦與在家作
 閨女定要改弦易轍隨時隨事小心和氣孝翁姑敬夫
 子和妯娌慈待前子女不負汝祖母及我平日所語寒
 暑飲食刻刻自愛免令祖母及我望心我侍祖母到船
 水淺灘高行五六里即泊祖母念汝一夜不能成寐汝
 幸體帖此意不必牽挂家中為人作賢婦即是為汝父
 立榮名也翁姑及女婿前為我道謝灘舟搖動手顛心
 願不多及

茶香閣遺草

附錄

一

花耘將之城步教官任留諭葆儀函

汝今成家將屆一月翁姑及女婿妯娌一家風氣想已
 體帖熟悉諸事總要小心檢點務使上下大小都喜歡
 和悅汝離家未久寒煖飲食或有翁姑女婿關照不到
 之處總要刻刻自愛我有近作數詩及表妹慧儀懷汝
 之作寄汝一閱所要靈飛經此本甚佳檢出付汝須珍
 收之我行期怒率心緒甚煩不能詳述家事惟望女婿
 學業日進汝和順相之使我放心前去明春祖母接汝
 歸寧多住幾月我三月內或能請假歸家又可一見也

虎癡題沈素生耕琴圖即送其歸湖州序

自諸城王香杜先生金策至長沙而詩盛自湖州沈素
 生山人聖至長沙而琴盛詩有上元陳子言元富臨桂
 李竹谿光藻湘潭張蓉裳榮榮及先兄花耘本驥為之
 稻琴有蓉裳及兄子葆儀婉瑤為之徒余拙而懶於詩
 願學焉而工力不足以相敵於琴則不耐竟學而止二
 者皆無所得但覺良師益友吟哦撫弄之聲不絕於耳
 涵泳其性靈陶汰其俗累將願學者可以竟學不耐竟
 學者亦可徐徐焉以卒業也及花耘死葆儀歸其夫家
 子言竹谿各歸其里詩聲琴韻漸就銷沈然猶幸香杜

茶香閣遺草

附錄

二

先生及素生尚在長沙有蓉裳往來其間或不至騷壇
 僵幟廣陵絕彈今夏自五簞歸逆知盛極必衰聚久將
 散風晨雨夕過從尤頻甫及數月香杜先生浩然有歸
 志蓉裳一片寒瓊亦將擬入官裏將別未別殊難為懷
 然猶幸素生去家廿載旅况久安或不即作歸計尙得
 於琴聲中兼傾詩趣骨肉之死者歸夫家者師友之歸
 里而入官者皆得於素生十指間一發其懷人傷逝幽
 憂抑鬱無聊不平之鳴而困處長沙跬步不能出閭巷
 者尙不至踽踽獨行張悵乎無與共語也乃素生又以
 思歸之引觸其懷鄉之情一日挾耕琴圖卷及所撰琴

律推原一編款門索題且告以將歸之故余謂琴之爲
藝在古人鼓弦歌風與詩並重今之以翦紅刻翠見長
者既不知詩之旨又安知琴之趣乎挾此藝以奔走衣
食業不抵販脂技不值辭統昔人謂詩窮人吾恐窮人
者不獨詩也尙何原之推而耕之穫乎香杜先生子言
竹谿蓍裳或以官或以客皆能詩而善窮花耘則窮且
死矣素生獨不顧時俗之忌抱此枯桐如操耒耜其將
躬耕於廣莫之野乎抑將歸耕於無何有之鄉乎不爾
耕益力琴律益精吾恐其窮益甚也素生聞而笑曰子
何不達之甚也以子所識如栗仲沈君道寬鶴林松君

茶香閣遺草 附錄

三

之書雲山閣君 樸齋錢君 香伯邵君 梅臣小吾
湯君 雙之書南溟嘯屋兩朱君 彪之摹印鶴舟陳君 關
之書各工一藝皆卓卓可傳然皆窮何獨詩又何獨琴
乎因取壁閒琴爲彈碧天秋思一操泠泠然如泉鳴澗
謾謾然如風過松蕭蕭然琅琅然如木葉脫於山巔漁
籟起於水上彈未及半蓍裳在坐急起而掩之曰香杜
去而詩亡素生歸而琴絕矣縣縣渺渺徒亂人懷吾不
欲聞之矣虎癡其書此別緒質之香杜且以寓諸子言
竹谿蓍裳以爲然否余承其指授筆紋之卽以題耕琴
卷末

葆儀琴學得於素生此文雖爲素生而作錄附葆儀
集後亦以見淵源之所在也 虎癡并記

虎癡爲葆儀敘念慈冊

先嫂氏劉孺人奉白衣大士甚虔嘉慶甲子歲手繡大
士像一軀逾月而姪女婉瑤始誕在腹時母以繡佛持
齋故婉瑤自少至長不如葷味魚蔬之外無他嗜也性
頗聰穎粗識文字於琴律尤精審或亦具佛門慧性歟
其于歸歐陽氏也距母歿且數年矣念母之心無時或
釋今歲歸寧見繡像在龕乞爲改裝成冊展對鍼迹如
親見慈氏於菩提法界中余嘉其用意肫篤屬其孀氏

茶香閣遺草 附錄

四

梅仙爲象念慈二字於冊端爲敘以歸之且以甲子舊
題像贊系於敘末贊曰善哉大士水月精神於尺五絹
現丈六身紫竹在側綠楊在瓶菩提阿耨如是云云

雨舟寄葆儀函

近聞同虎癡叔父學琴甚善甚喜此余平生教事學而
未成不期今日得之聞友將來所學既精友我者直師
我矣但初學不可過多得三五操更番鍊熟馴至指與
物化不以心稽熟乎此卽可通乎彼三五操便可抵數
十操矣我蚤歲正中貪多之弊一日夜務盡數操卒之
一無所獲鄰蕙心爾質學必有成以此奉勉

蓉裳致葆儀函 四則

近日琴學當大進矣添有新操否絲牕珠箔煮茗焚香
動操餘閒吮毫題詠紅圍韻事何樂如之愚十指如椎
別來數月不惟一操未增即舊學亦毫不加進固由生
性之懶天分之低亦人事牽掣無閒暇工夫故也賤軀
近益善病偶一讀書則倦而思睡偶一握管則眩暈難
支四五月得詩不過數首而題圖之作無月無之不
見性情枉拋心力此豈可謂之著作耶葆儀詩雅練工
緻固所擅場而詩餘一種尤覺風流蘊藉豔不傷雅巧
不傷纖每至極工處即在南宋名家中亦當高置一座

茶香閣遺草

附錄

五

將來集成付刊愚當綴題簡末或得附閨集以傳名字
也內人及第四女皆懶不理琴則抹勾挑都已付之流
水葆儀得暇可作檄討之
別一載矣疎懶不時作書然詩情琴韻無時不繫余懷
也近善尊夫子拔萃清瀾當為解頤一笑愚今春賜一
幼子坐此益悵惘無聊琴或不能終操詩雖閒作亦不
能工然恐由此積瘡因學為頑皮傻笑凡有花處不論
人家僧寺必與素生諸君聯袂往看或攜琴往游酒酣
動操大有旁若無人之樂義山云未妨惆悵是清狂自
是行樂之一法因念去年此日與香杜明府在劉秀才

宅賞牡丹拙詩甚為諸公所賞今年香杜遠在千里劉
氏牡丹寥寥才數蕊樹猶如此則又不覺生感總之中
年哀樂無端葆儀有慧心者當有以進我

在都中昭兩舟詢知階蘭有微體亦佳適為慰愚勉強
借計去衝風雪歸冒溽暑病軀不勝勞勩雖俾博令宰
終以懶病改就冷曹旁人或非議之或悲惜之而我用
我法終不以此自悔惟念尊公以大材屈一瓊愚亦踵
其後豈吾葆儀分應作教官子即寄父亦如是耶茲於
六月廿日到家精神尚不甚憊奈世情勢利多被白眼
相看行市中往往以扇障面所恃二三知己如子言香

茶香閣遺草

附錄

六

杜者日集賦詩氣得稍伸耳素生健在每與之會琴道
及渠歸有期尚有好琴數操不及彈入清聽愚聞之而
黯然蓋愚囊琴走萬里路人多不識為何物始歎知音
之可貴也愚得官約在會冬既辭富居貧即不計其美
惡惟怕路太險遠則攜累為難亦無因時至省會晤吾
葆儀耳此生大槩可知矣將坐冷署中點檢平生焚餘
詩草勇改勇定以一二百篇災梨亦不虛此改官之舉
他無所事事也

前歲一別本不意今秋復會乃天半罡風忽散忽聚人
生驚迫得失香爰際遇大槩類此在省六十日數日必

一見面藤陰閒話花底鳴琴殊不悔此行之無謂惟瀕
行爲榜人促迫竟未再奏別操至今尙呼負負然安知
非有餘不盡爲異日更證因果耶抵署後感受河風喘
咳數日因念尊體亦時復有恙彈琴最好調攝毋作較
也愚近來與致索然懶於握管琴學尤少同調時常束
之高閣念吾葆儀相隔太遠若一二百里猶可抽空一
視既已不能望時惠好音仍需手書爲要

葆儀復函

今夏歸寧得接塵訓實出意想之外不獨詩思琴趣
開拓心胸卽一二笑語寒暄都令人增益智慧拜送

茶香閣遺草

附錄

七

後此中怏怏昨得賜箋知清况如舊惟霜風作惡腫
病未除應酬詩文不能不作然亦不宜多作掃室焚
香一琴相對此養生家無上藥也瑞自八月杪爲婿
家促迫而歸旋爲李雙圃觀察家以續命之女迎往
聚晤至月之廿日始返鄉居偕寂駭女環纏琴塵又
寸厚矣迴念願園夜靜涼月在庭七弦泠泠與吟聲
相雜不知何日復有此聚造物者以一冷官縛吾寄
父以一窮家縛吾癡叔而又以羣稚鄉居縛瑞使不
得稍圖歡聚以遂平生志願兩大人文望在鄉宜爲
所忌若瑞之無才受縛委屈極矣茲因家足之便附

報寸箋心緒勞如不及觀縷

香杜詩話

黃婉瑞字葆儀寧鄉花耘孝廉本騏之長女慧而好學
有父風英偉之氣時見眉宇幼工詩詞尤清麗而琴最
著嘗從湖州沈素生隔簾學琴未及一年已盡其藝女
弟婉琳字潤儀年才十歲亦切宮商諧競病矣葆儀有
中表妹曰唐婉珠字慧儀善化受堂太守業謙之女幼
失母葆儀大母劉孺人字之如葆儀閨中倡和相伯仲
孺人嘗延余內室使諸女孫出拜各以琴詩爲贊適余
友湘潭張蓉裳學博家架女同在亦淑而文又嘗學琴

茶香閣遺草

附錄

八

於葆儀撫弦摹袖泠泠颯颯信幽閨之雅韻已

彝卿題茶香閣詩

故人消息賸荒虛弱質猶能讀父書滿目江東豚犬子
才名誰似女相如
我女思爲絕妙辭如稀學語尙支離湖湘閨閣開壇道
牛耳應須讓爾持

又聽葆儀彈琴因懷其尊人花耘學博詩

故人忽忽成千古半生心血傳嬌女聰明自是小相如
妙解天倪入琴譜初彈淒切不成聲中有曹娥萬古情
清商濁徵緩復急聲聲似寫孤兒泣修篁拂雲無弱竿

霜鐘遠出秋林閉枯蟬過樹曳餘響長江不風生微瀾
有時亂流忽一束石罅紅泉漱鳴玉心能忘指指忘絃
隨意所至皆天然我聞此曲忽不憚如見故人三太息
故人萬卷蟠心胸陶鑄文章游八極營稼初畢向平願
囊書遠赴鄭虔席心精欲洩今古奇朝露誰知年命逼
中郎此女有父風濡毫學語羞雷同編排麗藻薄鈿翠
組織文綺成機紅彈琴亦欲矜獨步斜抹輕挑忘旦暮
低垂簾幙蕩爐香學成不畏文姬妬猶憶乃翁誦好詩
常將弱女驕羣兒可惜琴聲比詩好難起故人同聽之

雙圃復虎癡函

茶香閣遺草

附錄

九

令姪女叔我聞其病篤亟欲一往候因事中止家嫂得
噩耗自謂一異姓女不能容號哭竟日內子於牀頭掀
被亟起撲地令姪女之賢能令人繫懷如是不知我花
耘何以得此報也

子言復虎癡函

前聞令姪女疾劇方代爲危頃得來書并茶香閣詩詞
二冊始知其疾竟不能起嗟哉天於才媛福命例有靳
即承囑代爲點勘前經蓉裳彝卿閱定者評皆確當竊
謂令姪女清麗之筆不愧家風當其存時存詩宜嚴以
方送未已也亦既溘然逝則所存宜寬以其次者猶可

敵尋常人上選也至詞之存者雖不多似較詩爲尤優
元於此事未嘗加意而性喜吾家檢討之作謂多慷慨
豪宕每放筆效之冀得其萬一自來長沙與令兄花耘
交嘗聞其論詞執律最嚴每於一字一韻陰陽清濁必
屢加審度不可爽以毫釐今見令姪女詞愛其筆致辛
絲得詞家正宗亦閒爲慷慨頓挫之響若與吾家檢討
有相近者蓋得於庭訓爲優其亦真有異聞邪嘻冥漠
固不可知葆儀豈欲隨侍其尊人於地下一就正其作
耶茲讀詩詞既竟聊綴短章於卷端見鄙意且以識慨

湘皋復虎癡函

茶香閣遺草

附錄

十

疊奉手書得令兄女葆儀凶耗悵悵於懷銘墓事重以
亡者之託及先生鄭重誣諉之意亟欲勉強執筆以報
尊命而慰幽魂乃齒痛不可耐得第四書知欲乘栗仲
先生書石此第一佳事拙文得栗翁書可以尊重因盡
一日夜之力鼓勇爲之及文成而齒痛若失得非賢淑
之靈有以相之邪栗翁此番來省適與書誌事湊合亦
一奇也廿四夜夢與栗翁登山見絕壁有古篆栗翁爲
余講神仙服食之術以長鑱劇地得仙朮纍纍盈筐大
如椀剖食之甘美非朮味栗翁曰此雲腴也覺而芳甜
猶津津在口次日得手書得非金石文字之祥邪擬作

一詩寄栗翁望先白之當面談也

辛階致李石吾函

得來書知歐陽年嫂黃葆儀竟死聞之於邑其短命天為之其慧根亦天為之予以慧根即不當厄以短命然既予以慧根即未有不厄以短命者此宇宙不可解之理然亦不易之理天下慧根人何分男女大都一鼻孔出氣論及此使千古清才同聲一歎

湘皋再致虎癡函

葆儀詩詞俱清麗有風格有氣力使天假以年進而不已非第閨閣之雄而已惜哉然得一門叔父為之綴輯

茶香閣遺草附錄

上

付梓視世間老壽男子泯然漸滅與草木同腐者相去遠矣集中有用拙集東湖酬倡首韻見贈之作不可不追和以慰長逝者之魂歲事逼迫卒卒無暇要當俟之異日耳

蓉裳復虎癡函

得手書聞葆儀凶耗為慘然者累日此女才德迴絕巾幗固知為造物所忌甚矣人之不宜賦異也其所作詩詞應為付梓以存一種傷心公案弟辱其以父道見事當為題辭以紓悲緒讀大作行略轉思人孰不有一死此女轉得不沒矣

又致湘皋函

謂作哭葆儀詩五首亟為桐東翁所賞先生深於情者故以質之大作墓誌幽峭往復古味盎然銘尤沈痛讀之數十遍不覺老淚盈把葆儀若不早死安得有此傳文復轉悲為幸矣湘皋云幽峭往復四字甚愜鄙懷下筆之始成文之後頗有如往而復之意幽峭則未敢當也

梅臣復虎癡函

葆儀年嫂人可傳詩詞安得不傳觀其與蓉裳書不惟筆墨了無俗韻而其志節高遠為尋常閨秀所未夢到吁可惜也

茶香閣遺草附錄

上

雨舟悼亡詩四首

臘月廿二日立春作

自君為我婦百事賴經營苦樂相依倚真醇具性情何知成永訣休更問他生負負嗟奚補幽明淚共傾以我室中泣知君泉下悲吞聲惟有恨借老尚何期殯屑爾遺物頗番入夢思歲闌催短景茹憤復誰知年事匆匆逼春來人未來無心聽臘鼓獨坐撥寒灰掩面涕雙隕榮腸日九迴難堪諸幼擾中夜起徘徊點檢平生事多端日擾侵方期君後死得遂我初心痛哭原無益愴懷只自禁惟餘素琴在何處覓知音

慧儀七憶詩

有序

葆儀大姊歿後虎癡舅父以所撰行略寄示因憶昔年瑣事為行略所不書者作詩七首以志

悲緒

憶君鬪韻蕩春燈七字吟成錄刻藤辛巳春虎癡舅氏以百字為題每夕

以所拈之字為韻擇其工者錄為蕩春燈吟愧我蕩師

逢勁敵夢中猶恨力難勝余得句稍遲常夢中自

憶君賄記古琴章梵語何會隻字忘琴曲有釋談章佛

能一進成誦恨不為男誦周易定能追繼舊書香花私舅氏

易九日而畢

憶君秋水淨雙瞳乞巧鍼穿澹月中每歲七夕姊必限寸香對月穿繡鍼

茶香閣遺草附錄

三

七枚以驗目却怪天孫偏愛拙不容慧眼獨瓊瓏

憶君隔幔理冰絃指法何須藉口傳事見兩夕燈牕成

雅操座中輸卻李翩翩有學水仙操三月不能成聲者

其寓名也

憶君雙陸鬪靈思百變戎機一戰知虎癡舅氏自山右

終一局即精其技諸弟妹皆從之學舅曰此難戲具已

傳數十人矣一局即精者惟武陵陳生及葆儀二人而已

但使夫人張錦繡有誰能出此軍奇雙陸譜云敵不

推其術可以行兵制勝

憶君性喜詩名花月季開時爛似霞今日頤園春又至

不勝風雨泣瓊華舅家頤園姊在室時所植月季至今榮盛

憶君愛我勝同懷少小相隨長與偕兩地分飛成永訣

砥硤無恙玉先埋余適王氏五年數歸舅家皆與姊不相值僅去秋聚八日耳

雨舟妹周輓葆儀聯

人生難得真知己天下傷心死別離

虎癡撰雨舟元配李孺人墓誌銘

孺人姓李氏長沙故翰林院編修諱象鶴之女年二十

歸瀏陽拔貢生歐陽道濟舉男女子各一人男曰敏學

女曰珊英以嘉慶二十四年歲在己卯五月戊午卒得

年二十有六越三年拔貢復娶寧鄉黃氏為繼室道光

十年十月黃氏又卒拔貢將合葬於孺人墓次自為狀

茶香閣遺草附錄

四

請於黃氏之叔父本驥曰道濟不幸再鰥繼室之墓既

以叔父之寵乞鄉先生之能文者銘之矣前室李亦淑

女也葬時未及納銘於壙乞推猶子之愛為一言以遺

於後本驥曰婦人從人者也從人而不為所從者重雖

偕老有反目者矣孺人歸拔貢僅六年今距其卒十有

一年為之壙者尚思之不置則婦行之淑可知父母之

愛其女而推及於女之壙情也又推及於壙之後婦則

必其女實有可愛而為其壙之後婦者又善撫前室之

孺人若女故為之父母者愛其女而忘其女之異遂視異

姓女如己女而不啻其女之存也余兄子于歸後孺人

少大父變亭封翁健在嘗迎至其家以女孫視之因拜
其母王夫人及兄嫂皆得以家人禮見踰年孺人之叔
父雙回觀察奔封翁喪歸里復迎至其家敘猶子誼且
出重金爲備其匿李氏之推愛及異姓女如是則孺人
爲女之淑又可知是不可以不銘據狀孺人性柔順識
文字荆釵裙布有大家風雖系出貴胄而紡績井臼必
躬自操持相夫子伉儷甚篤事舅姑待娣姒叔妹及戚
獲輩孝敬和婉一出於至誠拔貢嘗病瘧湯藥必手奉
衣不解帶者兩閱月又嘗病麻疹幾殆爲持齋禮佛願
損己年以益壻竟賴以痊貌豐腴而善病彌留之際盥

茶香閣遺草

附錄

五

沐更衣口中喃喃作佛偈時敏學甫晬珊英才三月耳
呼乳者抱至前撫摩久之危坐而逝卽以其卒之三日
辛酉奉舅姑命卜葬於樹林鋪丙寅坳丙首壬趾之原
銘曰 隴西賢媛四德無愆子歸得所不永其年及余
兄子爲壻繼室所遺子女視如己出子入於塾女仍字
李將教育之以報阿姊蒼蒼者天不遂其志遂令子女
再失所恃春風秋霜蕭蕭白楊纍然雙塚左姬右姜年
雖不永德則可久我銘其幽貞吉无咎

茶香閣遺草附錄終

雲南叢書集部之三十七

小清閣閣詩鈔

共一卷

雲南圖書館藏板

甲寅年刊

讀其詩而知其人於何知之乎則於其性情氣象而審之乎則於其出處本末知之乎蓋空言性情氣象而審之出處本末實之則知其志而不知其事知其身而不知其世知其人之所以得名於詩而不知其詩之所以不朽於天下也且夫不朽於天下之詩則必有不已於天下之故然後能之輝山先生生乎昆明而游乎荆楚燕薊初捧檄乎關中而旋驅車乎兩湖東西之間其山川之所紀覽古今人物之所盤桓民風土俗兒童走卒之所謳吟迺答平生升沈榮悴悲愉喜愕所閱歷乎風塵之表而根觸乎心志之隱者一皆於其詩乎發之故仁讀之而其旨油油乎其平也其音藹藹乎其和也一再往復讀之而其油油之旨如金石之不可以刊而布帛菽粟之不可以闕也其藹藹之音恢之則為黃鐘大呂之清越滿乎天地之際而鬱之則為雷霆之怒起平方寸之間也其諸有不已於天下之故然後能為不朽之詩於天下者與先生既悴心力以為詩而識俞老懷俞虛不鄙余小子之構昧而賜之商榷禮意拳拳余讀先生之詩則知先生之志之事之身之世故不能已於言而為之序海秋湯鵬

序

往示以嘉慶庚午補郡學生其明年從余敏齋師於五華書院時同里倪輝山四丈輒以暇日過先師予因得聞其緒論而知丈之篤於學也越二年癸酉主書院講席者為劉寄菴師余復從之游而丈之過寄菴師尤數聞得讀其所為詩然後知丈所學之深而其見於詩者功力尤至顧其時予方低首帖括雖性之所近亦與為習而其於此中甘苦之故豈能得其一二乎丈以嘉慶己巳成進士其後十三年當道光辛巳壬午之交作令於秦既以母憂歸服闋再北上留京師者垂二年乃銓浙令出都當是時海內詩人之集輦下者若曾賓谷朱椒堂葉筠潭吳蘭雪諸先生皆號老斲輪手而吾友黃樹齋少司寇矩卿閣學徐鏡溪楊星山兩水部馬湘帆湯海秋兩農部徐廉峰編修嚴伯常明府陳登之司馬張亨甫孝廉酒沽詩壇過從罔閒而以予參錯其間如滕薛之與齊楚亦悉索做賦以從願惜丈之遠在浙東不得共賞奇析疑與諸君上下其論議也道光二十三年癸卯冬丈以擢州刺史入都既相見叩以浙中治譜異議不肯居旋出其小清閣問詩草使讀之既卒業誠有如海秋農部之所謂油油乎其平藹藹乎其和者於

是益知丈之所學無已有加而其功力之見於詩駸駸
乎澤於古而不解矣予每慨今之稱詩者豪誕之子騁
其才力動敢於破壞古人之範圍不至於斷脰絕脛不
止而一二側豔者流言行不檢又時以品月題花妃青
儷白自詡為唐人之嗣嗟乎是皆詩學之蠹也丈之再
入都賓谷蘭雪諸先生皆已下世其存者又多補外任
以出故惟海秋農部為定其詩迨明年丈以勞卒於官
而海秋亦捐館舍回首昔游晨星三五人生聚散之感
能不慨然邪丈季子海查農部亦嗜為詩乃者以小清閣詩鈔序

小清閣詩鈔序

三

光二十六年丙午斗建子之月同里後學戴綱孫

小清閣詩鈔

雲南叢書集部之三

昆明倪

宋玉廟 在長樂縣

主文善譎諫託諷歸詞章 惻悲秋心翻與懷春將左
徙昔疏放行吟動沉湘蛾眉競謠詠讒人此高張餘風
速三世蠱亂及項襄不戒吳康鹿肯思秦虎狼荳蘭棄
數澤菘蔬滿階堂先生感遇合一賦傳高唐假茲陽臺
夢寶用警邑荒女也德不爽志士如珪璋豈有巫山神
霞衣曳風裳朝暮為雲雨薦寢承帷房意開勸懲義情
別貞淫防美人與香草三問思不忘讀書貴論世入廟
小清閣詩鈔

鳳凰

過棧道

昔聞蜀道難今始覩其狀危崖幾千重峻絕勢驕亢陳
倉寶雞鳴神祠三峰上天險鎮益門雍梁恃保障秋風
悲戰場烽堠重邊防山南明月光明月名磊阿乃一放大
石蹲虎豹爪牙怒相向岫複路中絕駕梁凌空曠隴西
嶺最高靈鳳昔來眺散關哀猿吟谷口怪鳥唱兩壁夾
寒澗一線入青嶂紫柏洞窟深仙宇古誰勅俯視萬丈
秋澄潭流不宕中有蛟螭蟠山靈秘幽藏飛瀑白練拖

赴壑駕高浪驟雨躡馬鞍纖路接嵐瘴觀音碣崎嶇
峨嵋排仗層巒上連雲裏斜心目蕩藏劍森光芒漢水
東流未見郾閣銘仰天獨惆悵

仙人劍在浦市下白龍岩絕壁撐天有劍插入石洞相傳爲仙人劍云

神物豈容沈淪歎豐城寶氣識雷煥如何此劍洞中藏
約壁寒光上霄漢遺踪詎等化延津袖裏攜來蓬島人
蒼騎紫電掣三尺掛向蒼巖經幾春清霜稜稜爭吐
鬼神呵護誰敢侮空山虎豹騰星芒大澤蛟螭變風雨
恍疑虹駕百尺高游蹤汗漫來盧敖有時激烈夜中吼
屋簷萬壑翻雲濤安得取之贈豪俠莫使歸來歎長鈇

小南園詩鈔

二

鐔鐔未屑噲等伍乍可藏鋒晦深篋劬書幼讀秋水篇
嗟余有劍非龍泉龍泉化龍已終古幾能海上尋真仙

穆天子藏書室在崑崙山

委宛山二西山嶽崆峒不可攀夏天子周天子車馬
馬跡尙堪指遙遙三古風事異迹則同書契本以傳後
世胡爲置此山巖中委宛之書帝所授金簡玉編貽史
猶繡衣使者入夢言鴻苞不使俗人觀盤鼎銘鐫聖籍
垂雷文雲篆形模奇當時文教尙渾噩頌德肯如秦相
斯我稽穆滿當周際燦然著作已大備政遵文武布方
策與藉向煩心詩詩想當八駿侈盤游地志欲探湘水

沈朝登崑崙訪册府暮咏黃竹成歌謳還轅江漢過南
服遂爾深藏二西腹神呵鬼護經千年但許蛟龍夜深
讀與昔秦家燎火揚豈無故老潛珍藏竹書出聞自汲
冢乳登金石還宮商孝經周禮得最晚獻於河間梁孝
王書之類悔與時違天祿石渠古文固向使不罹熒火
焚柱下猶應存厥副吁嗟乎酉陽遺籍今茂如松籤縹
緜等虛無張華縱觀鄰媛地好古還求虞夏初

桃花源源洞

錦浪桃花三月時我來桃源花尙遲巖洞隱約隔溪望
碧流迴繞波淪漪淵明閒寫桃源記三逕歸來情偶寄

小南園詩鈔

三

北窗一枕夢羲皇松下清風颯然至含毫忽感避秦人
洞口何人許問津村間雞犬有餘樂物外桑麻無與春
是何漁者真殊遇弱水無舟此飛渡凡骨未換苦求出
再來不認昔時路要識仙源不易攀山靈終古祕雲關
紅雨紅霞俱幻想桃花流不到人間

屏陵弔孫夫人夫人疑昭烈白築賦居即在此

子規夜寒叫明月江流東下聲嗚咽白雲萬里天悠悠
望帝思親兩淒絕吳閭花柳空煙霏蜀道榛蕪莽雲結
魂歸應傍蠟磯祠鬢鬢黃金布幃設荒城春到風雨多
斑斑淚漬湘娥血

葛嶺

初陽臺上葛洪井仙客遺蹤舊引領肩輿曉出錢塘門
山色湖水好風景蓬閣何嘗道阻修海日三山見真境
荒祠寥落感興廢雲氣蒼茫變俄頃丹火猶藏翠巖曲
金龜誰溫露華冷寶石錦塢開朝暉壽星古院春能永
丹青自昔擅松雪揮毫繪出東西嶺六橋煙柳菴蘇堤
妙畫天成湖倒影我來且向北山遊半生宦跡同浮梗
抱朴遺編閒可讀豈但高風慕箕穎

荆門州

遠道荆門道茫茫到樹微成煙羊角起開勢虎牙同一

小清閣詩鈔

四

水通巫峽羣峰盡秭歸樂鄉今夜月環珮香明妃

羊太傅祠

峴首雲飛盡來瞻太傅祠荒涼餘片碣儒雅亦吾師勝
賞復誰在名流空所思至今談往事淚落郢中戶

舟抵辰州阻雨

古郡黔安氣勢雄繞城江水日流東西山雲笈藏千卷

辛女煙鬟倚半空府城西北有大酉山小酉山天

寒將作雪波紋迴折又因風蘭舟小泊情如寄卻是催

詩雨打篷

解

寂寞荒臺樹石殘笛聲猶自渡江千傳將學術非無具
補出忠經不足觀絳帳師資連伎樂朱門黨援去聲負儒
冠風流何似康成里帶草生香護講壇

渡黃河

浩浩長河九曲通驚波駭浪遠排空金堤繞處榮光紫
竹箭浮來落照紅一線澄清占聖瑞二門闢破賴神功
崑崙擬欲尋源去又泛星槎廣武東

蹙凌水激木蘭舟鑿空遙思博望侯滾滾黃雲驅兩戒

渾渾白日走中流鯨波湧地通星宿象緯分天下斗牛

疏塞宣防今古事安瀾須仗好才猷

小清閣詩鈔

五

芍藥

紅滿亭前綠滿苔踏歌人至共徘徊剛逢紫禁櫻桃熟
又見朱欄芍藥開半榻清風纔睡起一簾細雨雜香來
明年此日身猶健料理荒齋手自栽

憶謝石瞿孝廉

池塘夢覺草萋萋萬里懷人望眼迷暮雨聯吟昆海上
春風留住帝城西西尋巢老鶴羣相和出谷新鶯亂自啼
君在天南曾憶否門前五柳幾枝低

杜鵑

殷紅一抹滿西川極目山河賸暮煙古廟花陰思

錦江春色憶當年微雲漠漠迷巫峽細雨濛濛雜管絃
千載香魂帝望帝枝頭猶點血痕鮮

小印胭脂想翠華前身蜀魄認山花聽猿影伴三更月

夢蝶香尋萬里家玉壘春深爭染袂銅宮日落怕吹簫
請看綠樹聲聲叫正是開時紫豔斜

芳郊何處竹王宮倘有繁英夕照中石鏡香埋悲鳥道

羅山淚溼恨蠶叢濃添鬢髮三霄露細剪輕綃二月風

寒食不須傳蠟燭一窠躑躅映三紅

乞食那陽一樹栽新恩未謝奏花開於今小院紅星墮

終古空山赤火堆舊土懷歸隨碧草荒祠含怨逐蒼苔

沈郎錢擲將何用揀與交游買酒來

六

秋日偶感

一官率率守京華高樹涼飈爽簾加春日大堤吟綠柳

秋風老圃醉黃花閒繡繡簡頻拈筆笑見蜂巢早放衙

但得平安原是福蕭齋對客今甌茶

九日偕諸同人遊陶然亭

雲物蒼涼節序催江翁亭上幾徘徊一畦紅蕖隨風落

三徑黃花冒雨開南苑生寒浮素宇西山入影入高臺

故園遙望關河阻醉把茱萸且泛杯

咸陽懷古

中渭橋橫閣道連高臺池露勢通天路旁獻壁來山鬼
海上求方訪地仙鄠杜鶯花隨逝水阿房宮闕憶當年
空留石馬秋風卧冷護昭陵蔓草煙

洋邑客窗有感

家國敢謂漢廷儒琴鶴詩囊祇自娛莫以英雄論成敗

須知人事有榮枯仰天不愧貧非病處世無爭智若愚

容久懷歸歸未得只愁三徑半荒蕪

蘇州府

姑蘇臺畔草萋萋繫纜金閭望眼迷雲黯荒坵無虎踞

月明舊院有烏啼潮聲怒激靈胥廟柳色平鋪白傅堤

日暮寒山煙寺裏鐘聲夜半到橋西

官署不寐

臘盡春回旅雁還登樓宛在白雲灣蕭條市肆慳三呈

寂寞官衙繞萬山薄俸聊堪將鶴飼餘閒正好把詩刪

愁多自是難成寐柝響寒宵聽抱關

須江旅館有感

日來閒坐好參禪撫字催科兩釋肩細閱人情如紙薄

自梳老髮似絲牽就荒松菊存三徑管領湖山近十年

安得王喬借鳥履不從關柳挂吟鞭



雲南叢書集部之四十五

虹橋遺詩

共一卷

雲南圖書館藏板

甲寅年刊

虹橋遺詩序

嘗怪造物者之降才也既已生之則宜成之而後歸
 以幽憂加之窮餓使其不夭夫天年不止獨何可
 亦其厄劫之者乃其所以為愛邪吾豈往復乎故友
 君之遺作而不禁此心之惻惻也方鄧君之補博士弟
 子先顧南雅師得其文大加褒賞嘆為不世才其後道
 光壬午舉於鄉明年試禮部不第歸遂不復出未幾而
 以疾卒矣網孫之識鄧君在其未鄉舉之前七歲於時
 五華鐘火酒琖詩筒無踰旬日不見者鄧君年少於余
 而其才視余且倍同時講舍中人若李即國明經池籥
 虹橋遺詩序
 庭宮贊皆自以為將為使君不以科名偃蹇之
 故善言馴養以迄今日其所詣極豈可復量然而有主
 之者天也天實為之謂之何哉詳鄧君少日所作制舉
 文為第一詩次之然皆不自擬拾身沒之後散佚數有
 存者今此數十首為文山曹司馬志桂從其家訪以寄
 余而陸稼堂京兆為之錄板以行稼堂及曹司馬與君
 皆壬午同歲生也道光三十年庚戌春正昆明戴綱孫

鄧虹橋遺詩序

蒙自居吾滇極邊百年以來績學顯名之士咸推稼堂
 陸中丞中丞之詩得力於虹橋鄧先生而虹橋之詩反
 佚五塘師重光集僅得二首乃記虹橋學行於稼堂卷
 內深為太息天之待文人抑何刻也今忽于稼堂全集
 之未得附刻虹橋詩一卷雖仍非全豹而彪炳文采已
 見一斑戴雲帆侍御稱之曰激揚抗厲變雅遺音庶幾
 得之因別出為專集校其謬誤付諸梓嗚呼士不幸僅
 以詩傳更不幸詩可傳而竟弗傳因之名亦弗傳如虹
 橋者豈一二數顧虹橋不幸之幸猶有生前交契之中
 虹橋遺詩序
 丞而後因附以傳焉所謂文字緣是耶非耶昔日求
 之弗獲今乃得而傳之斯又我輩後學之深幸而為五
 塘諸先達所不及料者顯晦之理果安在乎或曰天也
 乙卯九月望日石屏袁嘉穀

鄧虹橋遺詩

雲南叢書集部之四十五

蒙自鄧學先

擬騷

繫余之託根兮佳不猶乎眾芳而葵之有心兮又能傾
以向陽維萍之與水兮汎汎然以相遇也而薰之與蕪
兮則差池之故也茲予有所不釋兮長輾轉以低徊紛
獨愛此梅花兮無春風以為媒譬諸錦繡之成兮哀金
鍼其誰度望皎皎之夜光兮欲奔月以無路惟最下則
不及情兮雖願領其自甘夢中亦可見兮惺松後其何
堪思荃之香一國兮不能得之為佩但得并光風以轉

虹橋遺詩

汎兮亦余心之所愛也嗟余胡為此長思兮而不自恤
厥躬又傷亭亭之芙蓉兮而胡為乎泥中若其出之淤
泥兮余亦得因水仙而相識倚儺者羊桃兮其始生也
固正直若遇漆園吏兮將掬西江之水豈晏大夫之賢
兮而使士屈於知己指九天以為正兮恐初願之難違
既為情而瘦兮甯食言而肥嗟乎山有長松隰有芳蘭
二人同心望君永歎提攜也何難棄置也何難君子有
心安不安

大廈吟

彼松之青青兮覺四時之皆春殆將以為楨榦兮而胡

為乎薪之大廈將營兮他木無所用之豈無良才兮而
誰其貢之惟樗之與櫟兮將遂以不材終豈散木之終
繩尺兮長見棄於良工大廈營兮將奈何松兮松兮奈
若何

欲遊太華山不果

我欲與太華山結水雲緣太華山豈必將予捐山上有
月頻相待予有詩有酒可以相周旋悔春兮莫及約秋
兮已堅今夕是何夕孤負明月天已矣乎太華山爾與
我無緣

我欲與太華山人結清淨緣太華山人豈必將余捐山

虹橋遺詩

人袁茗時相待予有囊有履可以相周旋悔春兮莫及
約秋兮已堅今夕是何夕為誰颺茶煙已矣乎太華山
人爾與我無緣

我欲與古來遊太華山詩人結翰墨緣太華山詩人豈
必將余捐壁上題名久相待余有長歌短歌可以相周
旋悔春兮莫及約秋兮已堅今夕更何夕吟詩空自憐
已矣乎古來遊太華詩人爾與我無緣

可離中夜不寐忽感芍藥
可離之名戲為是篇

可離爾何即兮爾何離爾不赴春風約爾故遲遲年年
如此人人愛爾爾豔妝為誰吾故知爾不知解情也爾

偏口可離芳草綠處月明時一日三秋離緒如絲寸腸
欲斷孤枕難支噫爾不辭情花亦萎爾亦何以遣人之
相思吾願相贈以合歡莫相贈以可離

雞鳴歌

天雞欲鳴山雞亂天下雞鳴人醒半一自堪憐開動機
且復且兮萬物散孰爲聖賢孰盜蹠惺惺獨與惺惺惜

古風

天馬何雄豪出自渥洼水四蹄空九州一鳴輕萬里羸
臥秋風中尾蝕土花紫若得從馭馮驩向燕市來如
驚電過去似駭颺駛誰作空羣人甘爲伯樂死

虹橋遺詩

我有神異劍黯然秋水色出匣四座驚蛟龍皆深匿棄
置塵沙間苔蘚不敢蝕薛燭久云亡星文那能識長歌
倚天外撫膺自嘆息

山雞有文羽對鏡時踟躕鵬鳥多惡聲入耳恒憂更萬
物各自貴孰可相與言我欲喋其喉習靜南山巔泛觀
齊物論况吟秋水篇

少小博羣書馳逐翰墨場吐氣爲虹霓顧影生輝光白
眼睨豪貴長揖驕侯王謬意咫尺間舉手排天閭蹇修
不爲理矢志歸故鄉微名何足貴所志杜與房燕雀休
相笑鴻鵠將遠翔

克復篇

元氣有所損病乃因之入天理有所缺欲乃散之立治
病清小愈小愈卽危機治欲但力拒終負於非幾去私
如去疾在善調藥劑但知藥愈疾不知培元氣元氣損
又損必非疾者利孔門論爲仁克復必兼治危哉迷復
凶師在須復厲

伐竹吟

渠家有好花月就花陰借儂家祇數竹半將月埋沒借
取井州刀伐竹通明月

止伐竹吟

虹橋遺詩

何處凝月明便將修竹伐當時種竹難月好竹已折他
日念此君休得怨明月

竹下吟

不種花與木種竹繞幽室每來坐竹下十晦竹陰照拂
竹舞秋風搖碎一階月

陶先生柳

人云柳細腰不爲春風折婀娜是其質剛健是其節先
生廣植之扶疏樹繞屋旣是稱知己何獨愛言菊

文成偶吟

抱疴臥山林四體嗟困憊唯有斑竹枝驅馳尙如小

可雕萬物大能涵天地風雲倏起滅波濤無窮際
所由來日談何容易

枚臬徒能傲相如苦構思不遲亦不速我欲兩兼之窮
極乃沉鬱興來遂淋漓墨乾無一字筆落有千詞甘苦
向誰說寸心祇自知

九日登高

昨日疾初愈登高興不足勉強挈壺行行復載秋菊封
姨太不情倒吹下山腹怪石突兀立不敢倩之扶優哉
復游哉山色亦病癯既登最高頂悵望東南隅同此配
屹心遊子何能殊欲將縱長嘯無力不能呼

虹橋遺詩

見櫻桃花感作

獨坐寒山間遙望夕陽紫四圍蒼翠中一帶紅霞起知
是櫻桃花開時繁似綺怪經嚴寒推枝條愈旖旎世人
稱爲奴何乃太相鄙婀娜有餘妍應是吳西子憔悴不
遇時浣紗向溪水

訪壁立堂遺址

鬢翁鬢翁吾重爾品格謂爾山人稱爾詩伯爾以太華
老而螺蜂山亦有爾之遺跡壁立堂是選詩所載覓遺
蹤渺難得綠樹黃昏鴉亂飛幾行疏竹篩秋月

戲主人護花歌

春風送來春信早蝶衣如雪花顏好士人護惜繫金鈿
蝶魂驚散花心惱薄情寡識主人翁春去蝶飛花亦老

重陽

九月九日重陽節今年在家昔爲客糟牀酒熟紅蟹香
籬邊花放黃金色有花有酒似春潮雨雨風風赴此朝
兒童寫詩求放學親朋折柬約登高直須登絕頂
芒鞋竹杖攜清茗落帽參軍且莫歸插花杜甫當同飲
歡會人生無定期螺蜂頂上昔年時投壺共識攀花手
舉盞分吟望遠詩在外思親歸念友百年幾回笑開口
我問寒花花不言夕陽三徑一回首

虹橋遺詩

漫歌

鵲不鳴孤客蓬舍燕不巢貧家草堂自來微物皆世情
念之使我增感傷安得黃金瓦礫賤安得紅粟千萬倉
遍予天下窮途士坐令枯槁成熙穰大願久不遂搔首
重慨慷致身卿相應須早七尺負此軀昂藏病手藥一
甌暇日書百行飢不患無粥寒不歌無裳只此稱心便
易足何爲徒結塊磊填衷腸吁嗟乎欲將衷腸一瀉洗
何人爲挽天河水

齒痛

張儀舌猶存范雎齒已折繼踵入秦關功名侈顯達我

本草茅人無才干魏闕嚼徵含宮雖自許人盡吹竽方
鼓瑟有齒不獲漱天酒徒臥荒齋燕清雪頭責如來子
羽嘆口實詎免齟鋒泣菜根咬斷亦已久昨苦動搖今
流血痛劇時擬華池崩曉起生愁玉山裂靈藥爲爾塗
神膏爲爾貼自古骨肉豈相離齒兮無便輕決絕

夸父歌自警

雞卵大天鑽不破人間何處容高臥夸父提杖大笑來
公等俱未遭挫折趙括徒讀父書耳臨敵方知自許過
僥倖成名青史多勝在謀先人幾箇禹臯稷契不世出
伊呂而還少王佐身兼將相彼何人諸葛君來參一座

虹橋遺詩

七

我與公等無輕言羣山所祖先昆侖大力須以小心通
靜中默觀天地根讀書志古想休妄偶得功名亦塵障
君不見夸父癡走逐金烏渴死道旁無人葬

月下卽事

愛花愛月來小園花枝密處明月缺近捉明月分花枝
一半花陰一半月

咏螢

小草三生夢殘燈一點形光難爭皓月影欲亂疏星竹
裏穿偏明花間過偶停微明何足恃胸有智珠靈
顧影光誰借隨身彩自呈急風吹不滅疏雨照逾明巧

入珠簾慣飄隨寶扇輕昔年車武子相對有餘情
蕪穢寧常處揚輝在一朝空堦時熠熠暗室亦昭昭白
日偏能隱黃昏不待招至今北邙塚忠骸未曾銷

京邸夢中作

鄉遠夢難尋愁雲起暮陰虛窗一夜雨孤客五更心命
蹇才空壯身負病屢侵臥牀曾幾日門外落花深

夜坐

街柝夜淒清殘星幾點明不成孤客夢相伴一鐙青狼
藉書爲枕曹騰酒當兵何時逢故友相與訴平生

病愈作

虹橋遺詩
臥病已經旬開門喜氣新落花猶戀樹芳草自留春無
力鶯啼柳多情燕睇人料知歸便得道遠莫傷神

夢歸

明月共千里睡餘人到家思能通路曲夢不阻天涯小
徑新排柳開園半種瓜一枝何處摘堂上獻黃花

讀陸放翁詩戲仿其體

睡餘紅影透窗紗牆外蜂官放早衙細雨嫩滋諸葛菜
晚風香散木蘭花三春夢好非關蝶滿腹詩清不借茶
近日頗諳禪悅味一將得失付蝦蟆

不寐偶成

八

剪剪風寒月上遲小窗疏影透參差看書酌盡鏡前清
懷舊吟殘枕畔詩池底夜深魚不睡樹間天白鳥先知
最憐清絕初秋景正是幽齋獨臥時

北上憶內

山坳曲曲路盤盤向曉霜花馬上看吹破黑貂風力緊
打殘黃葉雨聲乾聽蟬時憶刀環約倚竹遙憐翠袖寒
此日挑鐙重屈指知儂何處解征鞍

閒居偶作

縹緲萬卷一鐙青十五年來手不停閉口古人皆歷歷
隔窗明月共惺惺文章妙處因天籟風雅裁成寫性靈
此是藝林真命脈休教鈴語亂冬丁

虹橋遺詩

九

仄仄書樓小小梯數竿修竹與簷齊芳塘半畝容魚住
茅屋三椽借燕棲風襟紙糊皆作畫雨堵苔淨不生泥
微吟儘可消春晝那管桃花落滿蹊

賞菊

茵蔯香殘費夢思晚秋清興在東籬蒼苔白石懷人處
淡月清風對酒時三徑自安彭澤隱蒲頭休笑杜陵癡
年來病骨峻嶒甚不遇寒花不作詩

一杯相對託知音露冷苔荒古意深老圃惟君稱晚節
天涯如我少同心亭亭瘦影霜中立落落孤標月下吟

堪笑俗流爭採插淵明遺恨到如今

謝憐

早謝紅塵事苦吟清高何處覓知音每當小雨初晴候
如訴餐風飲露心半嶺斜陽明古寺一灣流水帶疏林
宮商處處聞相和不用幽人拄杖尋

旅館書懷

殘春無奈是銷魂燕語鶯啼日閉門遠樹漸添峯外影
新苔斜長澗邊痕花朝悔作天涯客菜把懶叨地主恩
寂寞鹿牀開卷坐蒲山風雨送黃昏

采蓮曲

虹橋遺詩

十

采蓮復采蓮盪漾江心裏舉頭見蓮花低頭惜蓮子
蓮花是妾貌蓮子是妾心莫聽采蓮曲江深無處尋

苦刺花曲

苦刺花白花碎葉春開刺婦採以當蔬亦鄉風也故詠之

朝採苦刺花暮採苦刺花朝朝復暮暮妾身苦刺樹
花既苦人口刺復傷人手不惜妾手傷苦味君知否
富人只喜甜貧人不見苦苦甜各有時但採莫悽楚

見芙蓉初出似筆管因賦一絕

綠葉深深處青枝倒插雪好將雪作紙一筆補天文

題畫

可是天台路桃花媚遠春溪橋急回首羞作漢劉晨

刺空飛不去，嶄絕萬萬古。我欲登其巔，伸手捫天乳。
積雪斷幽徑，空山無飛鳥。中有煮石人，閉門讀黃老。

題畫

每從松徑叩禪關，小憩蒼苔白石間。忽聽雷聲天際吼，
一條白練界青山。

一雙蘭漿擊空濛，十幅蒲帆五兩風。唱罷漁歌天欲晚，
蓼花楓樹夕陽紅。

聞友人戴雲帆寶蘭泉俱捷南宮感賦二章

休道雲梯萬丈高，聯翩鸞鶴上青霄。大鵬不遇扶搖便，
獨望天池刷羽毛。

虹橋遺詩

二

久別蓬山昧夙因，玉簫檀板夢中身。霓裳強按猶防悞，
下界誰為顧曲人。

鄧虹橋名學先蒙之新安所人，壯角時即能為詩文，有神童目。年十二以茂才受知於伯玉亭制軍，願南雅學使道光壬午與余同舉於鄉，同北上同南旋，日相切磋。每風雨聯牀常作數日語，辛卯以疾卒。虹橋為人初若不羈，見者以為恃才傲物，既而潛心學宋儒學，殆恂恂然規行矩步，一大反其前日之所為。其詩文亦日嚴謹，有法度，儻天假之年所成，又安可量乎？乃竟賣志以歿，惜哉！虹橋歿無子，遺稿散佚。同年曹司馬馥堂蒐羅於其家，得詩數十篇，寄京戴雲帆侍御為刪訂，為五十四篇，俾余附刻於拙稿之後，亦以志不忘虹橋，且以知虹橋之能使人不忘者固有在也。稼堂陸應毅識於順天府府尹署之知愧齋，時道光三十年春仲。

虹橋遺詩

跋

三

1947

...

...

...

...

...

...

...

...

...

雲南叢書集部之七十一

穆清堂詩鈔

共八卷

雲南圖書館藏板

甲寅年刊

序

蒙自束髮受書即解聲韻視詩如性命焉之語
 心迄未能成一家雖浪得名自知去古人尚遠
 既累於制舉又迫冠後遭亂破家從戎州人幕府復累於軍書
 吏牘莫由專精竭力以昌吾詩蓋限於天者半固於人者半而
 造詣不能進矣歲月如流老境將至向之銳意欲垂空文以自
 見者近亦無復此志敢云名山之業千秋不朽耶夫理不純氣
 不厚志不壹而神惟執詩以求詩則無成也固宜孔雀解愛其
 羽流鶯知惜其聲詩人做帚千金結習與物同耳用是手檢舊
 作刪存十之二而強先付手民就正有道聊代抄胥之勞噫使
 吾身果有樹立是區區者後人知我當不在此否則舍此何以
 知我竊恐其不足為人知矣一藝之傳談何容易士之欲以詩
 鳴者曷鑒於予姑舍是而圖其遠且大者哉丁亥仲夏端陽前
 一日石屏朱庭珍自識於五華寓齋

私灌堂詩鈔

卷上序

序

詩一藝耳董而習之白首而不見其涯涘則豈非聰明才力冠
 絕等夷之士固不能精其詣歟聰明才力冠絕等夷之士何時
 蔑有而卓然成一家言者或數十年而一見或數百年而始一
 見則何也蓋嘗試論之百工技藝卑賤之役莫不有法法之一
 失其傳遂寢廢之削錄扁之斲輪班之為高庖丁之解牛千載
 之後竟成絕藝無有紹者其事則是其法則非也然慶扁班丁
 之術不見於後世而詩教絕而復興慶扁班丁削之斲之為之
 解之之法不存而古人之詩具在也專一之士因其迹以追其
 神由其時以考其遇神而明之而古人秘密不傳之蘊奧於是
 乎在我而不在彼故時能於古人義法屢更之後別開蹊徑又
 豈特紹陳法而已石屏
 朱君筱園深於法者也所著詩話四卷綜論百家得失澗灑數
 萬言蓋自漢魏以來逮乎今茲源流正變詳盡言之矣故其所
 自為詩一以義法為宗而雄渾高老直樞大家信近今未易之
 奇才也筱園年纔四十餘而以詩名垂三十年語詩者無智
 愚皆取正筱園筱園亦孜孜不倦接引恆如不及歲乙酉
 筱園自麗江來應鄉試不售大府徵入志局留昆華為久問

私灌堂詩鈔

卷上序

二

途日以衆 彼園結社以進同人後生小子有慕慕日上者
而余亦適從 彼園學高故識 彼園獨深而因得序其集
彼園無書不讀古今文皆其所長其困於場屋非文之咎也究
令以詩拔士 彼園亦豈能持古法與今之世爭勝負哉丁亥
夏五月昆明施有奎拜撰

題詞

黃輝卿 少司馬師

劍氣珠光仗筆開英年驚見出羣才錦囊莫怪心花湧閩盡江
潮萬里來

妙手天成玉骨道仙才倚馬擅千秋騷壇寂寞音誰嗣老我今
當讓出頭

年丈戴筠帆 綸孫 侍御師

萬里佳山水都歸一卷詩風雷資筆力冰雪洗吟思我愧東坡
曼君逾晁補之古人多晚造羨汝少年時

雅清堂詩鈔

卷上題詞

四

吳和甫 存義 學使師

星軺重上讀書臺桃李公門手自栽文苑風心憐我老詞壇生
面喜君開十年天地無窮事六詔湖山有數才昭代詩家誰繼
起新城秀水替人來

趙沅青 樹吉 觀察師

蓬萊高閣凌神山重樓翠阜虛無間海天倒影碧於鏡一粟點
破風帆還奈岱尋碑立雲表天門蕩蕩扶桑曉曉空忽展塊羅
棉下視齊州青未了北遊燕趙南江淮扁舟出沒雲濤開乾坤
萬里靈秀氣錦囊一卷全收來縱橫變化不可測層龍繡虎真

仙才惜哉家破歸不得飄零亂世殊可哀頻年書劍滯金碧後
遊回首感今昔欲携佳句問蒼天吹裂梅花青玉笛

彭子嘉 瑞輔 廉訪年丈

聞道南溟集衆芳終朝採掇不盈筐劉郎拍與天台好不得胡

麻一飯香 君集生劉照齋太守袖示

生花健筆揮千鈞懷古登山妙入神豈但滇南詩第一日中如

汝竟無人

仙山飄渺絕塵寰獨立雲中不可攀却笑倒棚三十載枉將白

髮傲紅顏

種清室詩鈔 卷上題詞

五

沈意文 壽格 觀察丈

石屏山水滇中秀著作君家次第看 令兄大民觀力士挽弓驚

卧虎仙人吹笛跨飛鸞相逢把臂吾將老若並論兄弟亦難門

戶掃除須獨立紛紛優孟肖衣冠

歷落欵寄笑不支眼明今喜見君詩難爲遠道無家別未免中

年好酒悲名士總宜忘結習此邦先達有良師 謂黃矩卿侍郎

干將易折鐘鏞啞鄭重鑪錘在手時 戴筠帆侍御

王雁峰 楷 太守丈

扁舟飽看揚州月匹馬踏遍燕山雪十年萬里一卷詩收入錦

囊費心血薪傳不向外人求家學淵源即真訣正思好句覓驢

背豈料危機蹈虎穴毀家輸難禍未已猶幸保身恃明哲避地

誰聞夏禮聲報仇獨掉張良舌罷兵倘得道途遇養母無虞我

水缺不然獻賦請長楊奇才定在鵝湖列半生歲月易蹉跎

念行藏當身決胡爲琴劍滯昆池烽火家書經歲絕我讀君詩

感君過氣不能平憤難泄欄衡未遑文舉薦馬周反被崔賢表

掃地七尺竅更堅丈夫豈肯因人熱閉門擁被息交游知己三

三自怡悅近聞旗鼓樹驢壇門戶各殊同軌轍我雖衰老與尙

豪要與先主關寸鐵

種清室詩鈔 卷上題詞

六

陳蘭卿 壽 太守

硯山萬千傑秀氣天所鍾間世生才人磊落無終窮朱君本慕

雅列宿羅心胸淋漓濡大筆光燄騰飛虹蘇黃與李杜流派自

折衷豈踐形跡似實以精神通音韻積風閣久服雄才雄今覽

穆清堂小阮如阮公聆音比師曠曠與分昭薑運湖結吟社喜

君來發蒙相從乞規矩學製乃逾工譬之辨水味淄澠難爲同

我今謝軒冕期隱稽山中與君細論詩努力扶正宗

趙樵村 壽 廣文

光法百感來無端涕笑直寫心悲歡平生志事不一試各以

人心骨酸攢肩仰屋讀書史侏儒飽死胡餓死雕鑄造化鈎物
情怪底不疲胡樂此可憐同調朱公子

從軍未獲通侯印科第區區天亦悒西風長簾竟牀空苦吟日
夜洞寺蠻境故日窮詩故進笙簫滿室燈燭光當歌對酒猶能
狂卿愁欲訴我愁劇歡場暗淚同沾裳

潘公祠宇屋半間古栢嘯雨如深山閉門兀坐輯文獻瓦燈青
照丹鉛班補之訂之須畫一傳後信今斯可必闡揚潛德誅奸
諛慎爾褒譏銖黍溢夜闌鬼神伺點筆時君方與
修通志

壁壘精嚴徐按轡霸上棘門祇兒戲決機臨陣變化生一將暗
鳴萬人廢兵家詩家等此意談詩不若還談兵朱波貉越藩籬
傾陰符簡練及閒暇雄劍一奮屠長鯨

清室詩鈔

卷上通詞

七

吳紹春世欽 郎中
異湖之水何清冷秀山環列如雲屏川嶽間氣時鍾靈大鵬一
舉超南溟人傳敬則世德馨門標六闕光熒熒君才卓犖聞蒼
齡有如快刃新發礪隨宦曾揚東海舫新篇偶出魚龍聽歸棹
重返煙水汀奚囊雜貯詩零星駿譽四達無留停詞源倒瀉如
掣瓶此才惟應貢御廷天衢軼蕩馳雲駟若翔木天使傳經激
揚風雅堪儀制太惜身世遭零丁全滇鼎沸走羯腥文場困頓

鐵修翎搔首問天天冥冥詩酒忽忽老劉伶冊載驚覺如夢醒
我慚踪跡似飄萍相對終日眼常青大聲語世起震霆目君莫
作詩人形迄今海宇湧鯢鯨仁望更勒燕然銘

李厚菴坤茂 才
義山無人遺山歿更誰直造浣花室五百年來吾道南歲寒部
婁生松柏讀破萬卷行萬里錦囊隨處嘔心血平生宗法杜少
陵猶棄其皮取其骨句奇語重律細嚴采色亂亂氣蓬勃駭駕
七子超六家吾鄉金碧煥顏色石淙南園讓出頭何論知蔬與
味雪惜哉文字憎命達健羽屢綴秋風烈天老君才詎無意著

清室詩鈔

卷上通詞

八

書多在窮愁日君不見長安金紫蓬萊仙名山幾人留著述

陳又星庚明 廣文

翩翩濁世朱公子吟身日瘦名日起憂患玉成一卷詩造物何
心扼才士生小天涯隨宦游故鄉名噪駒千里嶽雲海色髻亂
收江光湖氣歸驅駛齊魯燕趙吳楚黔光惟陸離奚囊底自從
歸來異龍湖便與烽燧爭華齒盪胸奇氣時一露驚恠紛紛來
嘗毀狙雄竊據弄威福疾視冠裳力排觝欲傾其家禍以言夜
辭庭闈走荆杞面薰足繭飽艱辛冷炙殘杯向昆水九龍池畔
厭鼓鞀白石江頭經戰壘半生託命一枝筆六詔萍飄不自止

花馬雪風金齒月鶴拓東西龍首尾鳴泉呼嘯狼嗥隼雄兔
披鴻雁死馬頭聽視悽心塊實館歌呼裂目皆流民圖愛鄭依
痴平邊隘共玉朴儼丈夫有才不自見餘事作詩豈得已祇今
年已四十六琴劍歸孤五華趾勉將歡笑付流俗願惜肝膽對
知己少君一歲苦耽吟我亦追陪老桑梓湖海舊游豈忘心五
嶽隨君仗馬筮富陽

聖主初日升萬里乾坤纔一洗詞科會見紹康乾尤沈晚繼先
民軌還君詩卷速君刊海內流傳此舊矢

妹伯張天船星補孝廉

穆清室詩鈔

卷上題詞

九

廿載前識君我時年尙少挑燈讀君詩欲以窺深窳朗吟坐達
旦不覺雞人踞恨如海上山可望不可到場來君幕游蹤跡徧
六詔我亦饑走蜀會合誰得料別來十五年行適至荒徼巨津
一相逢悲喜各問勞縱飲聯舊懽微論勸新造與酣輒唱和尋
意作歌嘯我詩學無成墮陋東施效君不正教之謬謂爲高妙
相從歲一而世事風中蠹家書爛刀環欲去百憂繞遲久歸計
決始於君所告臨行一牽裾厚意明爲約前年喪荆妻天涯亡
才悼君特哀落拓今德許來教明春君旋里龍湖攜共眺歐梅
本至交蘇程況同調今君梓舊著苦心精別校較較慧鏡懸得

失獸自照此道久凌替妄人輕心掉儼然健關兒氣欲推弄
自負野獸長一敗在豪剽那識節制師分數萬微與江左管夷
吾由來晉王導作者豈不多名字羞竊盤君詩信必傳中聲發
萬竅誰力有獨至段譽均可笑平生戚友誼未敢阿所好甯須
三百年昌黎幽始耀

穆清室詩鈔

卷上題詞

十

穆清堂詩鈔卷之上

鴻泥集

蓬萊閣紀遊八首

雲南叢書集部之七

石屏朱庭珍校初稿

飛閣鎮城北海天快一覽屹立壓潮汐萬古不能長風力排
掃日午濕雲歛海氣不上蒸秋空翠可攬一色窮本莫萬象破
陰慘積水浮大千叢花簇茵苒年來兵火消番舶手繫纜橫衝
四神州溟渤失天險觀海難為名望洋信多感豈徒豁游目亦
復壯詩膽

我我海鏡亭雄跨水城上俯視飛鳥背秋肅天宇曠島嶼青破

穆清堂詩鈔

卷上

碎風濤日震盪微茫接吳越依稀界閩廣天容混水色萬里入
蒼莽一氣包厚坤倒影落吾掌奇哉今日游遠窮非非想成連
如見招刺船願孤往

城南為龍宮宮後為蘇祠祠前露林杪風帆凌參差子瞻昔典
郡五日官量移忠信格冰族有求應固宜重樓出霜曉歲寒人
驚奇靈境得意外似助瓊瑤詞我來謁公像居恆愛公詩精神
遠相感昨夢今見之文章與氣節微公將誰師海市幻影耳恨
不生同時

東出朝海菴鳥道沿峭壁蛇行度雲端魚貫穿石隙古洞踞山

半上下深莫測俯入曲竇中時用手代膝腥風逼人冷泉澗
衣濕獅象飾纓絡鐘乳浸膏液刻畫神工敏裁痕鬼斧劈難深
造光明洞盡踏山脊西陟彈子窩石笋翠欲滴翁姥立兩傍但
僕向人揖倉皇失奇景出險心轉惜

結日忽西下濱海林木號北望田橫島迴颺生怒潮嗚呼五百
人義烈逾貫高從橫為橫死百身輕一毛少康復夏祀一旅功
不祧虬髯王扶餘南面人稱豪奈何恥事漢屍鄉終蓬蒿炎精
歎火絕長陵恣牧樵東海一拳石俠氣干雲霄匹夫能殉義矢
志成久要不見長樂老七姓歷四朝彼哉莽大夫屈身徒解嘲

穆清堂詩鈔

卷下

暝色赴高閣蒼然日將夕遠煙送殘霞倒映半天赤罡風掀晚
潮勢挾飛雨疾山谷互相應怒鳴萬霹靂涼翠濃於苔亂落濕
衫笠道人苦留宿待曉看初日月中月倍光潮退羣動息水天
入空明高境歸一氣杳杳層波平淡淡琳宇碧願從跨鶴翁鶴
背吹玉笛 閣中懸純陽小像

鷄鳴倚危亭海天正冥晦冷雲凝不流長空積如畫突聞震雷
鳴海激聲澎湃轟轟地軸搖鬱鬱天宇隘俄見金霞光萬丈出
天外燦燦火上蒸九霄化紫黛日輪鮮於血躍起海內一氣
飛如龍烘透濕雲背天開初陽明雲破殘月墜山一憶幽人與

鶴同不睡

長繩苦難繫日車馳如梭滄桑幾塵劫百感集浩歎週年定和
議互市海不波蜃樓聚奇巧利藪叢飛蛾懷遠古有術貽患今
孔多涓涓莫能塞勢恐成江河哀彼中澤雁轉徙棲山阿老弱
委溝壑少壯行操戈兵後迫凶歲如人染沉疴荒政漠不舉安
得迴天和我欲陳隱憂天高手無柯言歸異龍湖漁隱披練篔

月夜

月來不到窓知在茂林背風搖樹影開滿地清光碎

觀燈行 并序

穆清堂詩鈔 卷上

三

巳酉元日登萊道諸君鎮登州守汪君鏞率屬大張燈
宴至元宵未已人以爲從來未有之盛也時夷患雖平
瘡痍未復且連年饑饉物力維艱有觸於懷爲賦觀燈

行

春城忽變疑人國火樹銀花燦頃刻明河暗汲不夜天晴空燒
成硃砂色魚龍百戲紛四圍香車寶馬游忘歸燈光射月月墮
影燭燄蒸雲雲倒飛洞開重門醉絃管狐裘不披東風煖但賞
一曲紅兒歌惜十戶中人產深井投轄留賓僚朝朝元日宵
元宵添油剪彩舞入破佳節點盡民脂膏流連歡譁意未足與

民同樂非縱欲嗚呼四郊多少逃亡小家屋安得使君心化光

明燭

貝雨亭參軍出示先世所刊七姬盾志囑題卷後 具名霖 蒼梧人

也原籍 姑蘇

殺氣書掩姑蘇宮齊雲一炬號悲風 明兵破姑蘇劉夫人率姬

史將軍長嘆大事去不決死戰非英雄呼酒入與家室訣有姬

七人志何烈吾曹殉夫夫殉君甘死不甘人臣妾七朵芙蓉花

畢命同心結朱繩未解將軍降香魂齒冷刀頭血嗚呼七姬全

貞死非枉身後芳名重天壤海桑陵谷已經五百春不與淮張

穆清堂詩鈔 卷上

四

遺跡委榛莽來儀文青邱詩流傳青史無異詞升菴雖黃何足
信君家先祖能辨之君不見羣珠碎後尙有瑣表幽紀烈何紛
紛絕無人悼潘將軍

雨後至黃縣

微雨浣春色遙天明海霞河聲欲吞石風力不揚沙碧曼山城

草紅垂驛路花夕陽高樹杪飛倦有棲鴉

泗水縣

縱橫衣帶水會合繞東蒙山盡煙波外春歸縣郭中井田留古

迹沫泗行儒風 安得借親隱躬耕沮溺同

東方曼倩故里

願見主人公居然入禁中能迴宣室命直有諫臣風局促駭駭
列浮沉仗馬同經過懷大節豈是滑稽雄

管城

管氏遺封在荒城傍曉開聖門卑小器天下賴奇才九合功難
掩三薰節可哀貧交敦古誼曠代觸愁來
制霸先重耳推賢信叔牙多魚機始漏司馬法難加公論微微
管同盟賦報瓜苞茅輕責楚將略愧兵象

陳思王墓

穆清堂詩鈔 卷上

五

白馬分途後黃初作賦辰詞章兼比興魂夢繞君親南國思公
子西方望美人風騷遺旨在漫比玉真新
冠蓋西園讌當塗代漢年父兄成閨密賓佐集羣賢才豈雙丁
及各宜七子前佳城芳草綠憑弔莫春天

新城懷王文簡公

雍容臺閣詠昇平天與高年享盛名一代斗山齊秀水六家壇
坵重新城鵲華雲抱中和氣鸞尾泉流淡遠聲縣境儼如詩境
麗談龍後進莫相輕

廣回懷古

屈指生擒數天子奇奴王者大英雄東園廣固三齊定西入咸
陽四塞空暮歲霸圖輸正統有人田含笑而翁彼蒼劃界分南
北逐鹿安容繼沛公

孔林

佳氣無時歇平原望鬱鬱世家司馬創經籍祖龍殃古制尊陵
墟斯文重帝王徘徊瞻闕里美富仰宮牆

曲阜孔廟

洙泗交流繞闕宮斯文如日麗天中西秦火縱紅羊劫東漢儒
傳白虎通二氏分爭今代熄六飛巡幸屢朝同諸生莫羨桓榮

穆清堂詩鈔 卷上

六

服經術求名愧同窮

太公廟

入夢應非熊何時避海東後車尊尚父名世並元公黃鉞與王
業丹書爛聖衷道傍扶叩馬遺恨不相同

東平道中懷古雜咏

背水功成戰骨枯強燕一紙順風呼如何北面師降虜却負高
陽舊酒徒

赤帝休誇大度名當時附耳賴長平將軍不拜真王詔相背安
能拒蒯生

淮水奇勳歷下同中興開創兩英雄封王何似封侯好輸與扶
風善始終

大應貞元屢出師雄藩跋扈憶唐時中書無計收齊鄆孤負談
兵杜牧之

求穴沙陀莫夜呼八牛讖應五不符乾干凍雀飛何處東海誰
當落雁都

岐汴文爭戰秋四方潘鎮執分憂黃金台鑄王師範獨遺劉
鄆漢兖州

百戰屢雲縹緲槍中都兵潰殉朱梁表章死節歐陽子不惜同
穆清堂詩鈔 卷上 七

朝有敬翔
中原逐鹿亂如雲破碎江山五代分莫怪健兒爭操刺幾家天
子是都軍

二忠祠 祀鐵公鉉張公季文鐵殉靖難
之役張則崇禎時殉難南者

荒祠秋色冷無煙勝國衣冠並宛然螳臂當車龍戰日馬頭懸
聞燕飛年兩朝大業歸時命一死孤忠映後先憑弔不堪思往
事西風黃葉亂鳴蟬

馬周故里

寸土半奇資多為入幕賓求賢須破格天下豈無人

莊子墓

既作長桑侶何來此墓田生逢周未運風動晉初年化蝶身如
夢猶龍耳不仙南華吾夙愛仕隱計茫然

郟縣謁孟廟

獨立肩斯道中天日再光三憲慈母訓百里聖人鄉言必稱堯
舜功羞並管商巖巖瞻氣象如對岱宗傍

將至濟南寄呈李雲谷 慶司馬李良山知易明府

風抱煙霞癖今來山水都心隨天上月飛落大明湖白雪樓誰
繼青州酒可沽少陵逢北海許共讌遊無

穆清堂詩鈔 卷上 八

雨後看明湖諸山

朝看明湖山暮看明湖山朝朝暮暮看易厭游情不異花開珊
昨宵一雨忽變態山容水色清可餐塵顏洗盡露水骨秀氣飛

落眉宇間連峰縹緲情獨立近峯窮窈窕翹雙鬟高者亭亭偃華
蓋低者翳翳垂青蓮清若新荷破水出皎若嫩柳當風偏或鐘

或乳或纓絡如笑如滴如粧眠神骨幽嫺靜者靜丰姿綽約仙
乎仙四時變化不一態頃刻迸現虛窓前城市居然富林壑一

日消受于嬋娟山靈獻媚豈無故今朝特為詩人妍神工結構
妙無跡各有至理非雕鐫我知畫筆不到此人巧終覺輸天然

終日相對意忘倦坐卧呼吸皆嵐煙人間暑氣不敢逼方寸目
闢清涼天煙霞素願已足慰惜無好句酬山川平生矢志遊五
岳會當結宅湖山邊

鐵公祠

燕子高飛北風厲鐵公誓師登埤堦開門闢落人馬驚王頭不
斷真天意燄火環擊城欲崩懸牌大書高皇帝燕兵不敢窺山
東惜哉廟等兒戲朕不負殺叔父名靖難師乃摧京城大義
滅親古有訓三年破斧傳東征當時詔許戮逆孽奇功豈讓王
文成神鬼下移盜竊國吾戴吾頭甘就烹嗚呼尚書之死何其

穆清堂詩鈔

卷上

九

烈滿腔碧化裏引血荒祠老木湖風哀天半雲旗捲不折同時
平平都盛盛都非男兒一敗蹉跎負晚節二人後嗚呼尚書真
似鐵督安盛盛都

龍洞山

兩洞對峙龍涎腥諸山環立如圍屏螺旋折下九地底一綫倒
透天光青絕壁鱗甲氣飛動神工皴就蛟龍形石垠入門左右
抱空腹怒裂千雷霆洞中宿雲冷冥昧獨窮幽險造深遂穿雲
寄命一寸燭轉捩龍腹出龍背舉首琳宮現天外山頂誰闢華
嚴界孤根瘦削虛無開萬古天風立不壞會稽禹穴名浙西龍

洞山北雄三齊造化妙境豈無偶吾生游跡茲最奇登山且縱
虎頭酒照水何須半渚崖黃葉亂落夕陽下同看洞口山雲迷

千佛山

衆山俯平陸羅列張屏風一山特雄出高壓千芙蓉靈極插地
肺瘦骨撐寒空玉立絕依傍倒影浮雲中罡風從西來亂捲雲
重重雲動山亦搖明滅無定容怪石夾鳥道一綫通琳宮丹碧
耀天半樓觀嵌玲瓏温谷春新綠芳林紛紫茸飛流下懸壁映
日成長虹濟灤繞山麓蜿蜒交游龍明湖隔城郭暮色遙相從
歸來衣袖間山氣青濛濛

穆清堂詩鈔

卷上

十

佛峪

出山復循溪百轉入深谷細路通巖腰孤雲肩山腹兩壁森錦
屏中條支僧屋一亭小於拳倒影落空綠古洞呀然開勢欲吸
雲入峯尖高插天百丈挂飛瀑素練垂碎花沉潭瀉寒玉滴翠
時沾衣攬之不盈掬清涼浣炎塵光明透石骨平湖風不涉如
鏡環九曲雲林互丹青天然畫半幅乞汝山水靈變我城市俗

游酌笑泉

濟水如神龍變化無端倪潛流裂地骨一怒發伏機青然陷三
穴勢如萬馬奔元氣力鼓盪雪花破空飛銀河練直豎冰山風

逆吹高浪叠未落平濤噴急追頃刻晴天中燦爛玻璃堆餘波
濺荷芰滿池紛珠璣尊前忽亂落點點沾人衣異響聽轉轉
輪旋坤維坐待明月上山水含清輝

珍珠泉

濟南山水天下絕連日遊屐窮幽遐湖山清氣入靈府方寸滋
長詩萌芽茲泉聞名心已醉快若毒暑浮寒瓜入門一覽嘆絕
妙天然布置無殊差闌干亭榭兩峭麗水木竹石皆清華方塘
數畝碧於鏡涼風搖漾波紋斜地氣上蒸石髓裂逆激水性噴
銀砂珍珠亂灑雨點影迸落成空花玻璃一盃澈見底日

穆清堂詩鈔

卷上

七

光照耀鮮明霞水聲觸石答天籟耳蕭琴瑟空箏瑟七十二泉
品第一肇錫佳各非浮誇微嫌造物失位置泉豈合依官衙
願乞長房縮地術遠徙城市鄰山家

曉雪

破曉天如暝湖山皓欲平觀空悟生滅積厚入光明風細飛無
力林疏碎有聲忍寒思踏雪心跡愛雙清

魯連臺

天下非無士諸侯失此人死甘蹈東海生恥帝西秦大義伸談
笑奇功出隱淪人林聞洗耳終愧古遺民

一炬阿房燼關河百二空再傳爭失鹿百尺自冥鴻戲馬悲斜
日真龍冷大風何如嚴瀨身各與魯連同

北極閣

新柳媚春色遠山迴笑安霞飛雲斷處湖漲雪銷時繞水邊
閣紅蓮花裏池忘機狎魚鳥輸與白鷗知

雲水菴夜坐

琳宇翠微間禪扉夜不關澹黃雲背月濃綠樹頭山虛處對花
醉勞生輪鶴閑常明燈欲息久坐待僧還

會波樓次前韻

倒影水雲間敲門鶴守關涼風先攪樹斜日半沉山怖鶴齋同
定輕鷗夢亦閒倚樓舒遠眺傍晚不知還

偶過歷下亭復次前韻

一笠畫圖問湖亭午半關荷香三面水花樣十眉山祇樹圍初
闕迦陵鳥自閒徘徊各勝地踏月醉歌還

華不注山懷古

西風吹塵煙冥冥雲中山翠遙相迎欲尋齊晉交戰處下車取
飲華泉清諸侯悅親自體奈何侮客出非禮笑聲未畢聞怒
聲誓指河水憤兵起八百乘踰城濮師魯衛合力趨臨淄予扶

穆清堂詩鈔

卷上

三

剪滅此朝食不待介馬先馳之餘勇誰賈齊高固流血及肘鼓
聲怒馬逸不止貪天功逐北三周華不注驂挂於木將成擒易
位賴有逢丑父君不見驪山戲召天下兵美人巧笑亡西京蕭
同叔女幾爲質未必尤物皆傾城幸哉得免城下盟

岱廟古栢

廟在泰安府城之北濶大甲於東省有古栢一相傳東
漢物蓋二千年前樹也

岱宗神靈世莫測嶽廟秀鍾漢代栢日精月華鍊生氣歲寒天
地流黛色塵霜戰雪逾千年擎雲破空亘百尺銀髓內斂定力

穆清堂詩鈔

卷上

七

堅鐵骨外露本性直柳下不恭伯夷清貞心介節無人識請看
窮陰鬱青蒼何異濁世挺堅白恥從秦松分章行遙與孔檜論
主容蓬萊揚塵知幾經昆明劫火已數歷蕩推渾似波濤奔震
動常恐山川失一朝雲雨變飛龍莫但區區化頑石

游泰山自一天門至紅門坊小憩作

夙聞岱宗名今爲岱宗游三載抱虛願快哉一朝酬冷翠杳然
合濕雲凝不流扶雲度山門乘輿如乘舟石逕露一髮透地升
朱樓大觀獨在上愛此姑少留蒼崖削積鐵古潭眠潛虬涼風
戰羣木萬壑聲颼颼地曠人籟集窻虛天象收登陟未及半已

覺靈境幽努力更造極一得未可休

尋隱真洞遂至櫻桃園

牽蘿踐石逕涼綠沾人衣穿雲入古洞踏破青煙堆蒼茫迷離
中惟聞仙風吹温谷春朝日一綫山容開松篁媚幽獨乳竇嵌
翠微地僻石先瘦土厚氣暗培試茗味源水觀空窺化機望澤
物晴愜習坎人志怡洞後櫻桃花媚曉開紛披安得隱岩壑道
岸容同歸

由壺天閣至水簾洞看瀑布

天色不能午萬綠融寒空飛泉下絕壁蜿蜒垂長虹一綫且空

穆清堂詩鈔

卷上

十四

白倒注鯨人宮不受夾崖束界破山青中風急逆助水水怒橫
生風風水氣交盪化爲雲濛濛誰云仗佛力即可安乖龍匡廬
三峽橋借問誰雌雄

雲海歌

天門雲氣飛蓬蓬浩若萬水爭朝宗兜羅棉擁數千丈何時倒
展鋪長空眼前茫茫白成海隨風身入層雲中下方城郭渺拾
芥九霄五色浮冥濛銀臺金闕現蜃市須臾萬變無一同始焉
縷縷出膚寸繼彌六合掩盡諸天容久之漸斂漸散歸崕峪依
舊山色青玲瓏雲師雲師吾語汝空山出沒亦何補今秋苦旱

農事荒齊魯山河半焦土老龍夢夢喚不醒官吏拜禱巫賽鼓
安得鎮雲之囊收雲歸放雲出爲天下雨

秦松行

拳曲老幹橫孫枝松身欲倒雲扶持受封秦代歷漢晉飽閻唐
宋元明時雨淋日炙戰冰雪龍鱗皴凍苦封皮長天無風濤自
湧奔走颯颯僵蛟螭盤根入石透石背石嵌松幹石不知松得
石理曲逾直石受松氣危仍夷松精石髓兩融化千載蘊釀胎
靈芝時人莫惜太偃蹇風塵久鬱滯虬姿大夫一號事本贅人
爲松幸松則唯高踞東嶽古復古雲雨早已無心期貞元立命

穆清堂詩鈔

卷上

五

挽造化後天不老天難違四千流歲譬如電華香夢醒同遲歸
晚節變化鄙欲速兩松先逐飛龍飛時五松僅存三矣五君詠成山王
削安得誅茅松下棲翠微

朝陽洞

蒼翠杳無路徑轉入山腹誰開石骨開古洞深復曲窺影奔猿
猱捫羅閃蝙蝠一綫日透黃半壁天倒綠蕊破花結蓮林攢弄
仙竹玲瓏瓔珞懸陰森氣象蕭蕭勇誓精進光明照幽獨行當
隨化人岩柶學辟穀涼風吸雲來日親煙霞宿

上南天門迴觀雲海晚投碧霞宮宿

猿聲落木杪磴道盤時空捫葛攀石級寒翠交溟濛兩崖積鐵
黑一綫秋陽紅咫尺不見掌暗度煙霞中耳目逼象緯衣裳凌
天風呼吸元氣合恍與帝座通天門一迴首目眩心忡忡白雲
湧若海雪流山欲從殷雷吼絕壁劈碎青芙蓉颯然雲雷交陰
陽戰神龍對此毛髮變奇氣蟠吟胸飛鳥帶暝色遠投碧霞宮
豈不快遊目亦復疲行筇鈴語似止宿月上煙朦朧

東嶽廟觀磨崖碑

大唐天子王八分開元四載東方巡磨崖一碑變舊體御筆照
耀天南門鸞翔鳳舞大如斗行間占氣凌秋雲鴻文典册頌功

穆清堂詩鈔

卷上

六

續至今岱麓天長春是時海宇久清晏君心漸已侈封禪深宮
一自捧玉環外廷不復納金鑑猶龍聲鼓出范陽殿前妙舞驚
霓裳潼關戰敗九廟陷青螺西幸關山長南內歸來最蕭瑟雨
淋遺曲悲歌當秦松漢栢望香杳金泥玉簡終茫茫君不見東
封幾何變西狩涪溪碑冷土花繡

下山作

上山魚升木下山鳥乘風白雲忽四裝身落雲氣中穿雲下危
級袖底雲濛濛兩目未及瞬已過千芙蓉絕壁冒危綠飛泉流
亂紅疏林挂夕照遠寺鳴清鐘萬景難強狀遠近爭相從但覺

快新獲渾欲忘來踪恨乏李杜筆摹寫難爲工回顧天門間一片秋雲封

發泰安車中望岱作

岱宗鎮東方秉氣恃雄厚混淪二千里石脉渡海透重陰壓坤軸无陽破乾寶釀爲封中雲冥濛大地覆祖嶧儼兒孫羅列侍左右羣雄見真人自然競俯就我別猿鶴來征塵滿衣袖僅餘未了詩終日與目違因風語山靈游踪何時又誓將竭詩才出奇與山闕

桃花峪

程清室詩鈔

卷上

七

隱隱雷聲轉翠微蒼蒼風葉亂斜暉穿崖古樹爭旁出觸石懸流忽倒飛詩骨鍊同秋半老道心收似客初歸桃花落盡仙源隔借隱名山願已違

王母池

碧玉三筒水紅霞十畝池桃花如雪處春色醉人時樹暖流鶯喜泥香語燕知俊遊美風日莫惜泛瓊卮

普照寺

松竹墮空碧侵衣生嫩涼仙雲半天綠斜日亂山黃鐘磬喚塵夢煙霞聞妙香倚闌望城郭秋色杳茫茫

徂徠山題六逸菴壁

寒意逼簾鈎茅菴晝亦幽栖遲懷六逸詩酒各千秋山翠隔花落桐陰如水流後人誰繼起孫石許從遊

水雲菴

林缺露山尖松陰綠到檐禽魚觀自在花月妙莊嚴帶雨雲侵戶隨風絮撲簾閒身味禪悅勝似水精鹽

樓桑村先主廟

童童桑葢映斜暉回首西川隔暮雲正統炎劉垂一綫偏安漢鼎限三分池中雷雨非凡物天下英雄是使君吳魏祇今無寸

程清室詩鈔

卷上

六

上千秋廟親自檢粉

張桓侯故里

投戈奮臂銘刁斗終古文人愧筆錐大耳視臣如手足美髯扶漢各鬚眉平生威與常山並國士評猶蜀志垂舊井幸存粉社在睢陽與世有同悉

荆卿墓

馬頭生角烏頭白燕太子丹歸薊北怨秦畏秦誓報秦情成不用太傅策先王家法傳金臺雪恥制勝賴昌圖奈何言險食近功不求各將求劍客蕭蕭白日天風寒壯士怒髮空衝冠戰國

勢豈春秋比陽翟賈子非齊桓晉九國窮見七首呼吸王命懸
吾手若能堪胸斷仇頭豈使秦王環柱走始信平日劍術疏不
憤屠龍祇屠狗彼時衛卒空十萬寸鐵不敢持上殿左右詔王
王負劍拔劍擊軻軻臂斷枉促燕亡激秦戰何時歸骨易水畔
君不見張良椎漸離筑祖龍倚死扶蘇生胡亥不立亡不速劉
項何由逐失鹿

黃金臺

燕運衰齊兵來市人不戰城門開法嘉禪舜吁可哀坐令宗社
淪蒿萊昭王中興思將才招賢特築黃金臺不惜千金市駿骨

穆清堂詩鈔

卷上

九

甘心北面師郭隗樂生一呼五國應舉兵東下如奔雷堅城七
十彈指破奮臂坐使臨淄危君國之仇古必報人力果盡天心
回君不見晉元帝宋高宗偷安半壁江之東嗚呼燕昭真英雄

范陽三傑士行

委鬼當國茄花紫矯詔逮繫六君子豈有貪贖楊大洪慘與左
魏同拷死清流援手嗟無人卓哉范陽三義士夏峰倡始納餽
粥誰其助之張與鹿草野爭藩買命貲廟堂更造點將錄李漢
北寺明東林干載遲遲兩冤獄當日高陽請入朝奄奴夜繞御
床哭邦國殄瘁人云亡彈指甲申明社屋君不見蘇門山色連

天祿無官未嘗餐周粟

白溝行

平楚茫茫忽中斷大河橫流急於箭遶宋當年此分疆不異鴻
溝界楚漢嗚呼五代置君若兒戲朝秦暮楚亦何易石郎擁甲
出晉陽路王悲歌騰墜地穹廡受命非英雄二十六州忍輕棄
南而且樂小朝廷北向不耻兒皇帝大劍十萬空橫磨惜哉賈
國出愛壻君負唐家既如此重威負晉亦天意吁嗟乎中國厥
後無幽燕衣冠淪落三百年豎子成名竊九五似此興廢甯非
天滄桑陵谷又千載空餘遺壘紫寒煙君不見過客弔古向清

穆清堂詩鈔

卷上

十

曉昔時戰場今官道

夾河行弔唐莊宗

紇干山頭凍雀死碣山小民作天子河東軍帥人小龍甯作開
城節度使宣武營前伐戰鼓昭義圍城陣雲苦力守若無李進
通赴援空遺周陽五奇兒墨經發晉陽乘霧曉度三垂岡夾寨
突破潞圍解一勝氣已吞大梁隔河血戰十五載朱梁宗社一
朝改中原彈指屬李唐區區燕鼎復何在功成告廟約三矢生
子當如李亞子友貞守半豚犬流嗚呼其不死何好田
復好樂外患迭興內變迭生人竟始終不悟

梁晉成敗何足論五代興廢如朝昏自得自失可無恨惜哉枉
負張監軍

湯陰謁岳忠武王祠四首

未過屯軍地先瞻故里祠十年臣盡力一旦詔班師南渡求和
日東都破敵時藏弓君相意叩馬有人知
抗表全軍渡行權勝守經三河收版籍二聖返朝廷俟建陳湯
績甘從汲黯刑純臣心跡苦功罪炳丹青
酒未黃龍飲魂難白馬招父兄遼海月子弟浙江潮列帥兵權
削諸陵王氣消宋家和議謬虜鑿非遙

穆清堂詩鈔

卷上

三

廟樹向南風西湖墓柏同彼若昭大節遺像肅元戎桑梓斜陽
裏山河百戰中雲旗巨空碧疑擁皆魏雄

鄴城行弔高神武

馬前十萬鮮卑語如此老公信神武霸圖自創晉陽城國柄遂
歸丞相府大開東閣招豪英崔杜段李皆知名復有敖曹好兄
弟握槊馳馬風雲生河水東流朕西逝從此魏家分兩帝及身
不作劉寄奴前生恐是曹吉利勅勅歌殘時未泰縱橫老淚濕
衣帶遺策猶使跋狐奔勁敵惟愁黑獺在杯酒三拳狗脚朕陛
下謀反臣澄問此人又似不相容大將軍死豈天命龍父虎兒

俱杳然河邊殺魏飛上天一乘牛車就東邸坐滅元家二百年
小憐橫陳周師至生子當如宇文氏可憐周運亦中衰風送楊
花入宮寺吁嗟乎周顛隋蹶何足論千古英雄自有真一言爲
報賀六渾晉陽割據徒爾爾惜公未見虬髯人

謝山人墓

竹枝歌罷綉筵張白髮紅顏映燭光吟社才名傾七子江關詞
賦動諸王生前作客各花伴身後知音甫草狂鄴下至今爭表
墓魏公疑塚在何方

早發鄴中

出郭車聲破曉聞寒林宿鳥漸呼羣太行積翠連天濕河上層
冰匝地分紅日欲消駝背雪黃沙旋作馬頭雲風塵殘歲疲行
役未飲村醪意已醺

大梁懷古

虎豹強秦日夜東翩翩公子信英雄五篇著述千秋業六國存
亡一戰功綠酒紅妝消晚節停車執轡想高風梁宮魏閣俱塵
土異代猶能動沛公
一時賓客盛平臺七國兵消禁網開慈后自然憐幼子驕王猶
解重奇才西京詞賦雕蟲惜東苑繁華帝鳥哀平落風塵誰下

穆清堂詩鈔

卷上

三

士游梁司馬不須求

悍鎮強藩戰馬昏百年歌罷欲消魂朱三可解慚兄弟王八步
能長子孫淮北垂楊傳異種江南仙李托同根紇干凍雀驅羣
口只有鷓鴣不負恩

雲煥風香夾馬營天心厭亂赤龍生黃袍得國從孤寡金匱傳
家失弟兄千古幾人疑燭影六更終夜變籌聲北遼西夏俱強
敵孤負當年正統名

三朝崩黨戰元黃北狩居然讓靖康當國相公甘浪子將兵中
使竟真主焚樓燈火紅羊燼良嶽園林白馬荒庭得渡江一龍

穆清堂詩鈔

卷上

三

在忍將河洛換錢塘

火燼幽蘭骨不收青城覆轍若相酬百年成敗歸河伯兩代興
亡付鬱攸虎穴偷生南渡日牛車忍死北轅秋可憐野史亭前
隻剩水殘山哭蔡州

浣衣里弔稽侍中

佳馬卿休問如龍性不馴彈琴無父子護蹕有君臣鄴下軍容
壯河陰戰血新華亭思鶴唳作督爾何因

骨肉自相仇兵戈日未休翠華飛矢集碧血御衣留死惜鷄羣
鶴生憐馬後牛有人攀墓柏終老淚長流

漆浦

漆浦新潞水京流渙渙寒花濃春贈芳香堪羨蘭說憐勝形
焯清揚託露薄微詞多比興莫當定情看

豈有軒轅訪淫詩採入風溫柔王化始刪定聖旨同志逆連章
殊情傳小序中宋賢多誤解未敢薄毛公

子產祠

小國際春秋卿才第一流齊盟爭狎主為命謝諸侯罷出夷吾
上賢真伯玉傳至今弔東里祠宇尚中州

博物真君子心惟罕虎同刑書非霸術政事等農功遺愛傳誰

穆清堂詩鈔

卷上

四

嗣從權諒苦衷救時寬猛濟吾道未終窮

博望驛

鑿空徒勞博望槎河源尋已到天涯豈知今日重洋外四部神
州共一家

求通大夏託空言道阻昆明隔吐蕃航海何須持節使火輪開
市遍中原

禁澤

鶴有乘軒寵禽荒等色荒楚臣求馬敗遼主愛鷹亡避狄遷鼓
下蒙塵返建康衛文同再造自弱笑平王

陳橋行

真人下界神光紅經宿猶在香氣中方面大耳實天命惜哉得
國非英雄當日受命拒遼漢陳橋兵變何匆匆孤兒寡婦不敢
泣將相勸進來趨風可憐不負周世宗滿朝屈指惟韓通身被
黃袍袖禪草竟借人事成天功嗚呼黜檢作天子素有大志果
然矣歐人孤寡何足齒篡宇終難免青史君不見浙江潮落白
雁來德祐失國亦如此

朱仙鎮弔岳忠武王作歌

背巍軍五百鐵浮屠十萬以少破衆氣逾悍拐子馬倒敵陣亂

穉清堂詩鈔

卷上

三

短兵躍入虛騎竄大小連捷十八戰兀兀膽落欲棄汴軍中疊
奉金字牌可憐十年之力廢一旦痛飲既阻黃龍酒大獄旋興
莫須有夜半宰相書片紙明日獄吏報公死公身不死構不臣
檜何以對四太子不念靖康北轅辱不計建炎南渡蹙兩宮何
須迎四京何須復半壁偏安願已足嗚呼高宗忘親事仇貪竇
位殺公媼金假手於秦檜公死和議無人阻安坐湖山樂歌舞
從此中原非宋土君不見岳家軍聲天下雄遺命定成恢復功
否則保身留事北伐之孝宗甘心就召真精忠至今廟貌朱仙
崇六陵松柏凋朔風

盧忠烈公祠

天心久矣厭殘明遼海傳烽偏帝京九死勤王全大節孤軍喋
血失長城羽書日報封疆壞政府誰調水火爭廟貌依然朝市
改靈風猶作戰場聲

楊忠愍公故里

仗馬無聲舉國狂分宜流毒遍冠裳一身義胆輕三木十罪彈
文引二王信史至今崇氣節故園終古奉馨香彥回甘爲中書
誤孤負鈴山舊草堂

馮道莊

穉清堂詩鈔

卷上

三

五代紛紛逐鹿場浮沉詎有濟時方南齊褚令官同顯西蜀譙
周壽更長故里平泉慚姓氏黃扉白髮耐興亡行人過墓休相
弔去莊數里
有道墓河上曾經拜彥章王彥章墓
在壽張
過高陽弔孫文正公承宗

天意當年屬聖清高陽堅守誤先生信陵門致三千客小范胸
藏十萬兵殘局不堪臣結黨孤忠豈願死留名烈皇置相多新
進卻向榆枌棄老成

郭隗里

北面從隗始求賢靈臺開果然天下士爭向薊中來雪恥真矣

主連兵賴將才刺秦遺屠狗家法負金臺

樂毅墓

一戰長驅入全齊破竹初兩城堅不下三載計何疏有客游燕
市臨風弔望諸終慚夏侯論空報惠王書

鄆邑懷古

雲氣公然尚鬱盤遙遙驛路指桑乾孤城形勢雄畿輔前代威
儀想漢官勸進人歸關右表中興天命鄆南壇高光大度同先
後崛起田間創業難

馮唐故里

穆清堂詩鈔

卷上

五

九十舉賢良蕭蕭兩鬢霜斯人猶晚達幾輩屈賢郎拊髀思廉
李批鱗悟漢皇我來千載後執戟憶迴翔

懷德懷古

長嘯上東門微時氣欲吞老拳揮暮夜捷足據中原帝座爭諸
子家唐壞九閭徙戎空有論天意割乾坤
冰凍靈昌渡鈴聲替戾崗金墉爭失鹿玉壁獲亡羊霸秦開河
朔都城枕太行退朝思長史老淚不成行
論史知成敗英雄自信堅並驅光武駕北面漢高前大雅移宮
日中山奪位年晉家留覆轍骨肉尚相煎

書事八首

夷艦輸誠後潢池歃血初徒薪如決策滋蔓豈難除起陸龍蛇
鬥嬉堂燕雀疏養癰流毒遍未可減爰書
帳下舞紅妝軍中氣不揚守珪藏斧鉞鄭亞誤封疆願免嗟何
補歟魚信可傷囊金兼積帛事敗竟還鄉
勢已燎原熾軍甘壁上觀量沙空夜唱傳箭且辰餐劫應青黃
識囊探赤白九可憐大藤峽妖霧捲漫漫
宵旰憂南顧絲綸簡重臣諸軍多債帥羣盜半飢民細柳營空
列臨淮法未申安邊乖眾望何以答皇仁

穆清堂詩鈔

卷上

六

未許東山卧彤廷待策勳天方延浩劫星竟隕前軍庚嶺淒斜
日潮陽慘暮雲平生心力盡灑泣誦遺文
紙糊黃閣老旌節繼臨戎未定幃中策難收闕外功羣狐猶競
媚兩虎自爭雄千載思廉藺誰追國士風
禍漸延梧郡鋒將偏桂林擁兵嗟向寵報捷誤孫歆灞上仍兒
戲炎方半陸沉孝侯猶受制深入恐成擒
打賊惟憑口臨危各愛軀關中須景略江左要夷吾敵誤金
縱功難玉壁圖東南變不細君賢亦徒呼

鐵槍行

王鐵槍鐵不如奇男子不知書鐵心鐵骨鐵肌膚踐行刑棘猶
坦途生爲朱梁臣死爲朱梁鬼妻孥陷晉何足齒不畏鬪鷄小
兒李亞子可惜河北碎如紙鄆州一失事去矣殿前笏畫山川
形三日破敵期出兵杯酒未罷趨唐營立斷鐵鎖摧南城惜哉
信讒功不成中都宵潰無汴京珠數識足梁貞明豹死留皮人
留名死得其所死亦生吁嗟乎槍可折不矢箭頭可斷不用膝
張目一燕避信烈勁氣堅於百鍊鐵君不見李振生降族亦滅

河西務舟夜

小市長堤一徑通蒼茫暝色上征蓬最宜繫纜依高樹莫惜收

穆清堂詩鈔 卷上

三

帆遇順風殘雪白銷春暖後遠山青湯月明中河西野景憑誰
寫多恐別圖畫夫工

至天津

一字帆檣列歸鴉亂夕陽煙痕雲外直水氣柳邊涼形勢雄三
輔人聲雜五方願籌平海策莫但恃通商

登天津城樓

股肱重鎮自元明要害曾聞宿勝兵萬里帆檣通島國三河帶
礪衛神京屠鯨誰定誰中策刑馬休誇海上盟破浪乘風所以
志擬拋書劍請長纓

分水龍王廟

波心誰界破一綫劃鴻溝雲氣澹將夕松風涼欲秋東西泉盡
合南北水分流手擷溪蘋薦神鴉送客舟

過昭陽湖

如葉輕帆挂夕曛舵樓支枕捲湘紋浪花映口明於雪山翠隨
風散入雲夾岸哀鴻無定宿中流飛鷺不成羣昆池回首家書
隔傍晚漁歌忍更聞

野眺

雨脚忽飛斷水風吹晚晴薄雲合變態歸鳥作歡聲林缺青蒼

穆清堂詩鈔 卷上

三

接山迴紫翠橫天然斜照裏畫筆恐難成

晚泊

暝色赴蓬背涼風吹客醒雲蒸山腹白水浸樹身青飛瀑流殘
月空灘浴墜星隣舟中夜笛淒絕旅窓聽

歌風臺

秦鹿逐獲楚猴死泗上亭長作天子彭韓醢盡豨布誅歸來置
酒宴鄉里魂魄不樂居關中樽前酒酣歌大風壯士剪除豈足
惜杯羹尚欲分而翁拔劍舞三尺吼依然大澤斬蛇手行宮
歡飲留十日不似鴻門進杯酒威加海內能幾時千秋萬歲徒

相期金刀當塗絕轉瞬昆明愿劫餘殘基俯仰古今足悲吟荒
臺風急夕陽下當時衣錦同畫歸不弔歌風弔楚駕

烏江弔項王作

不學書不學劍叱咤萬人敵震盪七十戰力拔山氣蓋世時不
利雖不逝漢軍四面楚聲多帳中美人喚奈何屈指平生事事
左不須更怨天亡我一誤不肯都關中再誤不肯殺沛公三誤
不肯渡江東坐令楚漢分雌雄嗚呼金陵自古帝王都半壁割
其良圖君不見孫伯符劉寄奴

漢高故里

石清詩鈔 卷上

三一

過滌難招赤帝魂秋歎鬼母哭黃孫全翻揖讓征詠局絕少君
臣父子恩十世中與同烈祖三分割據亦賢孫市衣剝業稱洪
武一樣明家正統尊

淮陰侯釣臺

炎精無片土垂釣地猶存不用三分策常懷一飯恩真龍思猛
士野雉殺王孫何似嚴陵叟江湖道自尊
斜陽淮水急鳴咽繞高臺佩劍情如怯垂竿事可哀風雲成壯
畧寒餓鍊奇才可惜功成後衣袞不再來
薄宦連敖日依劉遇亦窮追亡感蕭相不殺荷滕公推食倉皇

際分美笑話中天倫恩尚薄一體詎常同

昔讀龍門史今瞻異代祠臨風悲漢將背水憶神師感激英雄
報艱難國士知茫茫煙水濶相對嘆微時

露筋祠

浦水環如帶湖雲薄似紗數竿黃竹淚一色白蓮花翠羽風前
遺靈旗月上斜願翻貞女調椒酒侑紅牙

梅花嶺拜史閣部墓

丙廷歌舞日紛紛閩外飛章醉不聞諸葛有心興漢室文山無
力逸元軍魂招勝國墳三尺血喋揚州月二分遺恨知公把終

石清詩鈔 卷上

三一

古孝陵遙望隔江雲

月夜渡揚子江

如雪崩濤滾滾東扁舟飛渡 帆風江聲怒洩英雄恨天塹疑
窮造化功兩點全焦煙月裏八朝城郭水雲中船頭坐待殘更
盡要看鷄鳴海日紅

金山寺

半空湧金碧千丈拔青蒼樓觀開琳宇煙霞媚寶坊地鄰天尺
五山插水中央自古誇形勝曾經幾帝王
古寺傳佳話風流六百年微言參佛印遺帶感坡仙若後辰娘

客花濃午破禪中冷誰解汲不負此靈泉

城近南徐壯山鄰北固豪澹煙瓜步樹新漲廣陵濤郭璞空墳
古斬王舊壘高淒涼人代速杯酒真蓬蒿

中流憑勁骨砥柱伏靈根吳楚環襟帶金焦峙弟昆鐘鳴花雨
落風急水雲奔樹色迷煙靈蒼茫望海門

登金山寺塔

破空飛塔二千丈買身先登最上層東下水聲奔鐵壘南來山
勢擁金陵晴霄鸞鶴羣爭集白晝蛟龍氣倒蒸楚尾吳頭看不
辨鄉心欲逐暮雲騰

穆清堂詩鈔

卷上

三

妙高臺夜坐

冥濛夜色赴高臺峭壁風鳴萬壑哀山縱煙霞隨月湧水涵天
地到江開繁華易盡紅羊換形勢難憑白雁來半壁銷沉人代
速登臨空憶濟時才

曲阿訪周公瑾故居

霸氣江東久黯然道南遺宅尚豪華古今名將誰先識半是書
生半少年

金陵

虎踞龍蟠事已遙江山如夢客魂銷一家正統傳三紀半壁偏

安笑六朝舊院春濃花灩灩荒陵日暖草蕭蕭白門柳色迎風
綠欲記秦淮過板橋

金陵雜咏

板橋煙柳碧氍毹一葉風帆剪蔚藍澹綠愛山濃愛水人生只
合在江南

半壁江東百戰收三分失計襲荊州都亭甘拜黃初詔生于何
須似仲謀

良友冥冥愧伯仁幾曾公義滅私親當時處仲奸天位未必君
非勸進人

穆清堂詩鈔

卷上

三

御殿花迎狗子紅臺城信斷紙鳶風捨身枉事西方佛不遺慈
航度老公

羣鳥猶聞喚奈何後庭花落并無波長卿消受文君者似比君
王豔福多

堂掩澄心翰墨香新詞妙舞繼霓裳才人不幸生亡國何似昇
平作馬揚

半山文筆老縱橫秉國紛紛法變更學術偶偏身瓦裂清江一
部誤先生

空門衣鉢祖孫承皇覺燈傳異廢興天為明家開變局游僧終

帝帝終僧

逝水繁華事可哀，為衣古巷但荒苔。
年燕子來，

惡零金粉客，銷兒女英雄兩寂寥。
古訊南朝，

木末亭拜方正學先生墓

門啓金川事已非，先生十族死如歸。
龍避燕飛白帽居然好，大統麻衣終古映斜暉。
傍奠酒，何嘗採蕨薇。

卷止

三五

周孝侯讀書臺

府君才略本能兵，受制庸流事不成。
並選樓名徵時故里，除三害中歲高歌擁百城。
記臨風想像一編烟。

吳大帝廟

紫髯霸業成何事，生子遺留似伯符。
據失雄圖誰教鼎折，先敗可信唇亡勢早孤。
浴靈祠風驚鷓鴣呼。

雨花臺

大梁皇帝圓蒲坐，高僧說法雨花墮。
果供一唾血，食宗廟戒犧牲，充貝朝夕嚴清課。
除妖孽，任踐金甌，破河南，誤納跋奴降。竟以貪嗔受奇禍，青絲

白馬出壽陽，佛力不救臺城餓。能文能武枉稱豪，自得自失問

誰追我來弔古向夕陽，風前恍聞聲荷荷。宗門寂寞霸業荒，高

臺七，飽蓮花座。

天門山

臺七，飽蓮花座。

天門山

一山架兀撐寒空，一山橫踞江當中。
放東流，東波喧濤湧，抱其足，倒影散人雙芙蓉。陰晴明滅變，頃

卷止

三五

刻雲鬟霧鬢，煙朦朧，浪花磯石截水水石磨。戰生寒風山氣

下與水氣合，濕雲一片江濛濛。俯視中流若橫帶，宿關扼要須

豪雄。設險守國古所重，失此大壑，誰為功。昔時割據嘆已矣，千

歲一瞥如飛鴻。出險回首弔今昔，峨眉山外秋陽紅。

大孤山

大小水中，中央孤山砥柱強。江湖資鎮，鑰吳楚，入青蒼。積石雲水

接沉沙，戰骨荒。滔滔三百里，東下繞滄陽。

天下佳山水，才人與佛分。虎溪支長老，牛渚謝將軍。暖翠飛如

雨，晴煙聚作雲。推蓬一長嘯，琳宇對匡君。

舟中望匡廬作歌

彭蠡湖水青無邊，順風舟與雲爭先。雙槳破空布帆飽，芙蓉九
朵飛入船。廬山秀落蓬窻前五老，把臂來朝。高者裁我司寇
冠，垂紳正笏顏蒼然。這者窈窕如嬋娟，霞裳霧鬢行姍姍。瀑流
萬丈天紳懸，亂松夭矯龍行天。風雷酣戰三峽泉，旭日照耀成
紫淵。飛翠雨落明霞鮮，湖山一色空濛間。離合變態須臾遷，隨
風擺蕩浮輕煙。身所未到意先往，此中舊侶皆神仙。惜哉風利
不得泊，俊游咫尺嗟無緣。巨君莫笑失交臂，入山有約期他年。
東林舊社續白蓮，待我共拍洪崖肩。

穆清堂詩鈔

卷上

七

靈澤夫人祠

父兄霸南國，嬌女擅家風。歸妹盟先敗，同仇事已空。死甘葬魚
腹，生不返鸞叢。廟貌瞻靈澤，悲憐夕照中。

鷓鴣州弔禰正平

嗚呼正平狂者流，年二十四客許州。懷中刺滅不肯投，屠沽兒
輩羞同游。賓筵反辱當塗高，羯鼓三搥氣猶豪。阿瞞手捉牀頭
刀，殺者黃祖借者操。噫嘻乎老瞞平生氣如虎，睥睨羣雄輕九
五。漢廷相顧莫敢忤，禰生視之不如鼠。劉表黃祖何足數，君不
見大兒孔文舉，小兒楊德祖。

采石磯李供奉祠

嘆息騎鯨去，空餘百尺樓。春江濃似酒，夜月冷於秋。不信長庚
謫，遙從屈子遊。欲尋彭澤里，小泊為公留。

太白樓觀蕭尺木畫壁作歌

太白騎鯨去，不返酒樓百尺留。江干尺木老人畫，四壁百年墨
氣成雲煙。平生好遊復好酒，眼底閱盡名山川。不用古法我為
我，醉筆寫出胸中天。睥睨公門恥受召，欲求尺幅終無緣。庶人
徃役固吾分，樓下扶病調丹鉛。造物假手留絕筆，要使畫與樓
俱傳。出色水聲在几席，鬚置我圖中間赤城雲氣接黃海。桐江

穆清堂詩鈔

卷上

七

一綫秋澄鮮，天臺雁宕湧飛瀑。銀濤倒挂明河邊，五岳崢嶸起
方寸。眞形簇簇浮青蓮，峨眉古雪映斜日。三峽上下風帆懸，翰
林舊遊紛入目。咫尺萬象收毫端，天上相逢定同調。兩人先後
皆謫仙，詩家畫史理無異。窮極變化歸天然，我生好古惜已晚。
霜髯昨夢曾周旋，長庚炯炯秋月圓。會當載酒游開先，讀書臺
訪匡廬巔。

滕王閣

高閣臨江接香冥，西風涼喚客愁醒。交流章貢收襟帶，倒展匡
廬入畫屏。一色水天雲外碧，千帆吳楚日

中書王韓序記吾能
續可許揮毫趁妙齡

桃花夫人祠

桃花結子雨紛紛孤負陽臺舊日雲何事楚宮聞振萬未亡人
尚話先君

小杜何勞比綠珠妾身未死妾心枯一編列女分明在亡國曾
聞殉故夫

黃鶴樓

滾滾江流日夜東高樓突兀倚晴空漢陽遠樹分秋色鄂渚歸
帆破晚風三楚煙銷飛鳥外六朝天碎雪濤中英雄詞客俱塵
土玉笛還招跨鶴翁樓中供純陽像

樓清室詩鈔

卷上

三

岳陽樓

萬馬濤聲撼洞庭巴陵秋色俯冥冥橫分吳楚天眞險代有風
騷地亦靈湖水澹浮千頃碧君山遙湧一丸青浣花遊後無高
唱雪壁留題感再經

得武昌太守董竹樓振鐸先生書賦詩奉寄

語語含悲哽臨風欲斷腸流氣踰嶺嶠戰艦下湖湘檻獸誰教
逸池魚恐及殃急須籌保障莫但恃金湯

河上久屯戍宋中新合圍忽聞高克遁又見華元歸門外黃巾
拜軍前白羽揮占人今不作城者任相非

南指長沙郡相持事可哀重兵秋共老堅壁夜難開猿鶴悲君

子能驅想將才欣聞向延閣新自嶺南來

要害東南係巴陵控上游安危關半壁襟帶俯東流誰扼長江

險先爲未雨謀蕙薏公採否建白五諸侯

到此眞宜去憂危路欲迷傳烽衛獄外野戍洞庭西地遠勞軍

旅天寒入鼓聲夕陽飛倦鳥言返故林棲

登君山

洞庭七百里浩蕩煙波長君山挺雄劍倒插湖中央雲根削堅
瘦石骨森開張背陰傳粉墨面陽浮青蒼煙樹擁金碧霜葉飛

樓清室詩鈔

卷上

三

丹黃舉尊坐翠微寒蟬鳴夕陽酒酣見新月身心交清涼天水

淨一色嫩綠如瓜瓠浪花捲微雪宕搖無定光空明絕塵滓萬

象皆茫茫浩然興盡返挂席風力強深宵不成夢有夢仍遊湘

辰江舟中早起

挂席破清曉披襟生嫩寒水花不容唾山翠如可餐雨過宿雲
碧霜流楓葉丹漁磯分一席着我伴垂竿

水輪

以水代人人不勞以輪連水水轉高風激水勢水怒號水助風
力風如刀風水一氣雙輪操平田十里生波濤但有豐歲無枯

苗官稅早完門羅散吁嗟乎此間風景真樂郊欲隱不隱傷吾曹

老鷹崖

鳥道盤天半行人冒翠微亂雲篩日影老樹鼓風威破凍幾能語古詩山川而能語凌空似欲飛何須擊凡鳥城社鼠狐肥宋詩山川凍欲語

白水河瀑布崖作歌

亂山十萬磨大劍劍鋒劃破天一綫銀河忽墮空山竄潛出山陰湧山面水性本柔石本悍水石交爭性交變水聲逾怒威逾雄石勢一挫石骨斷穿雲倒挂晴霄虹時復作能隨罡風天花

穆清堂詩鈔

卷上

罕

迴斜珠錯落駉駉如雨飛日中長潭崕墜踰千尺水晶宮闕恍然失天孫不捲珍珠簾拋下雲錦亘空織危亭倒浸波心影亭外冥冥白成頃憑闌袖出并州刀剪碎清光不知冷此時天地無纖埃靜觀一洗凡庸懷嗚呼潭傍仙洞潭側有水簾洞昔人避兵於此誰得知但見飛流兩道送容東西馳亭側有二道往雲南及南籠者於此分路焉

過滇南勝境坊

六詔此門戶倚裝寬容心衣猶濕黔雨人已半滇音密樹碧無際亂山青可尋登程休更促選勝且長吟

滇南勝境坊望滇黔諸山作歌即東同遊諸子

我生足跡半天下愛以遊覽寬吟胸看山往往得妙悟至理原與詩相通東岳靈異甲宇內巍然高厚兼沉雄朝暮陰晴變化萬詩家大成尊杜公華嶽神俊等太白恆山奇古昌黎翁東坡超妙擅千載此境吾獨推高嵩匡廬清逸黃海峭王孟韋柳將毋同獨嫌黔山太荒誕蛇神牛鬼欺愚蒙求奇太過理反劣盧仝馬異羞附庸豈無佳處快偶得篇幅狹隘如江東吾滇山勢最精悍生面別闢真神工西江法杜略舉似豫章孤詣誰能窮頻年執筆少心得豁然一旦知正宗天地至文任領畧大觀叠出無稍重縱橫萬狀絕思議造化妙契神明中精力密運入正

穆清堂詩鈔

卷上

罕

法道氣靜鍊歸藏鋒衆流歷歷貫一本先天後起皆包融龍門史借山水助此理微實非談空請君十年讀破萬卷後再行萬里遍覽青芙蓉

青溪洞

風塵失羈愁林泉踐幽約土山裹石骨外秀中彌拓洞天枕山根咫尺俯城郭青冥森劍鋒蒼翠破花萼倒垂千芙蓉橫蔽萬邱壑石髓凝岩腰伏流鼓地胎氣激水逆行靈湫湧一勺虛北栖谷神化工啓秘鑰大巧不逞奇渾然謝雕鑿好遊同史遷賞異愧康樂安得從赤松雲中跨黃鶴

山腹開空青石眉挺奇秀發蒙地出泉習坎雲入岫龍雷陷陰
維罡風煽陽寶呼吸萬竅鳴元音破空奏一髮日影沉半壁鐵
花繡山靜雲停飛石剛水息闕虛光養逾明元氣歛益厚孤立
凌紫霄亘古仁者壽至高不矜嚴眾峰樂相就我踏丹梯登冥
行出山後境幽心更幽地瘦詩亦瘦洞盡炎涼殊世路熟何驟

板橋畫竹歌黃矩卿琮侍郎命作

板橋畫竹心無竹老筆一掃秋滿幅乘興放眼天地清琴堂醉
擁仙雲綠胸中奇氣久鬱蟠化作筆下千琅玕風枝欲動露葉
舞老幹直節森蒼寒古來畫竹六七輩東坡與可兩公最不須

穆清堂詩鈔

卷上

望

法度守專門自運腕力透紙背銀鈎鐵鎖隨手為變化從心得
三昧動中靜氣誰能消筆外妙旨當神會絕技難得真賞稀古
今才士同下淚先生愛竹尤愛畫東閣每為佳寶挂先生愛畫
兼愛竹窓前手栽千竿玉是竹是畫兩難分六月秋風涼滿屋
先生愛我詩如愛板橋畫命我作歌題此圖千秋流傳同佳話
嗟我豈有筆力如板橋安得濯筆湘江潮

海心亭

未雨山如妝既雨山若睡山夢鳥喚醒西風復吹醉危亭枕湖
滄遠視五華背朱閣俯微波三面撲涼翠雲抹煙樹濃霞捲水

花媚蓮嫩紅未凋柳老綠將褪浮沉戲游魚來往各成隊投食
羣仰爭清光攪欲碎放生禁網昔故相芸臺先生傳遺惠體茲澤物
心及民庶不悖我從吳楚來清遊隔夢寐微吟看湖山恍與江
天對

大觀樓

俯瞰滇池五百里湖山一色入空明朝雲暮雨妙離合霧鬢煙
鬟時送迎倒影天光浮太華隨風秋氣落昆明段蒙往事憑闌
憶怒浪疑聞戰馬聲

滇南懷古

穆清堂詩鈔

卷上

望

昆池鑿自漢京西遠錫佳名異代齊滇水倒流窮地險形雲高
湧壓天低按圖有客求金馬持節何曾到碧鷄古跡銷沉人代
速五華春暖草萋萋
炎方五月昔南征到處流傳漢相營三國河山歸典午一杯宮
苑奠長庚將軍破敵新開道天女臨戎舊築城形勝依然朝市
改東風吹老杜鵑聲
松明樓燼火騰光五詔焚身一詔強萬里碑文傳德化九隆露
布說寶王蠶叢道鑿凶門出龍尾關封戰壘荒自古開邊原禍
水香山樂府鑿中唐

大渡河揮王斧送宋家終世喜兵銷草囊太弟浮江過鐵券降
王出塞朝金碧建藩分部滄溟蒼臨鎮幾嫖姚松華築壘羅榮
服何似虞廷格有苗
脫甲梁宮讎洞房紅巾戰罷醉紅妝雁臣跡再留錫館虎將情
終戀壻鄉金谷園悲珠易碎涼風堂弔月無光愁雲一片沉瀟
海鐵立歌成欲斷腸
白石江聲慘不春元明遺壘草如茵真人虎旅收南服虜主羊
車斷北怨兩代興亡同甲子千秋忠憤比庚寅滄桑屢變遼陽
鶴華表魂歸尚有神

穆清堂詩鈔

卷上

四

勝國遺墟夕照邊白龍菴後又金蟬烏朝帝子空三匝燕啄皇
孫僅一傳宋避崖山舟易覆漢稱章武鼎難延昌平天壽諸陵
隔麥飯何由祭墓田
萬里分藩翠海涯粧樓春擁後庭花攀龍死負山頭雀躍馬生
追井底蛙故妓漫歌金縷曲荒墳難覓玉鈞斜奸雄跋扈今何
在暮色蒼涼噪冷鴉

天女城歌

城在晉甯州南東晉時甯州刺史李毅女秀所築也事
見晉書及通志今過遺垣之以詩

南風烈烈亂天紀八王五胡甲兵起兩都荆棘卧銅駝何暇甯
州救刺史刺史爲誰天水李香閨女亦奇男子蠻寇圍城刺史
死孤城立破可知矣豈意娘子軍突出羣賊靡白晝轉戰夜襲
壘力解重圍靜滇水當日築城防再寇佳話流傳千載後至今
過客欽英風刺史名毅女則秀君不見司馬家兒半巾幘白眼
老奴甘作賊偷安一隅小朝廷楚囚對泣死灰色豈如此女張
許徒忠烈祠與雙廟俱唐時賜女譙國竊陋嶺南沈夫人不數
祠名忠烈襄陽朱遺跡久矣成平楚荒祠蠻女猶歌舞金支翠羽虛無間
半空時作散花雨

穆清堂詩鈔

卷上

五

曲江驛

灘風兼峽雪久入夢魂間又涉千盤路來穿六詔山馬蹄驚石
忤鳥背負雲還屈指吾州近村醪解破顏

書憤

熾城方歸穴鴉軍久列營重圍通首虜諸將潰牙兵士盡沙中
語刀空壁後鳴連番棋局覆悵望淚縱橫
專閩徒搔首膺城枉建牙捷虛傳露布聞未解星沙度嶺勞楊
僕臨巢失呂嘉楚氛今正惡幕上已栖鴉
士壁軍頻敗中山節未來南風嗟不競東道問誰開白馬謠方

驗紅羊禍已胎天心何太酷殺運付庸才

重鎮開都護全軍唱董逃洞庭天險失鄂渚戰雲高塞甲帷中
算呼庚闕外勞嚴關誰固守効死矢靴刀

開平無將略袖手誤封疆自恃方城固先疏大岷防東南沉要
害江漢碎金湯一死難辭咎流殃及建康

賊馬飲東流潯陽戰艦收磯誰營采石城不守舒州坐失長江
險深懷半壁憂士衡膺重寄避敵豈良謀

江郎投彩筆仗劍立奇勛位亞三司使名成八字軍從戎猶墨
經轉戰漸青雲願破停年格專征節鐵分

穆清堂詩鈔

卷上

四

國步艱難日 君心宵旰時禁中軍餉急江上提書遲合敵賊

洪血宜輸卜式贊伊誰僥幹略少答 聖明知

春感

腹心禍竟釀邊隅雙關三山古帝都楊太浮湘先入楚孫恩度
嶺更趨吳斷流早作投鞭計賜劍猶寬失律誅今日應闡宗社
慮中興鴻業要人扶

纔陷潯陽逼豫章龍谷重鎮又淪亡援師指日臨江左節使何
人保建康要害不防洲白鷺繁華空換劫紅羊橫流滄海憑誰
挽萬里長城一夜霜

齊指新亭泊冠船雨花臺下血花鮮未聞敵鬣飛一作朱雀坐

使圍城壁紙鳶揮扇顧榮空想像入援隋侃尚遷延楚囚對泣
成何事忍碎金甌半壁天

峰屯蟻聚舊神州作賊安能到白頭妖談儘教莫吳楚天心終
是屬燕幽覆軍古憶華亭鶴破敵今思卽墨平手握兵符高節
度廣陵江上謾遨遊

論詩

自古論詩聚訟同尊唐祧宋互爭雄依人門戶終何益畢竟千
秋有至公

穆清堂詩鈔

卷上

四

鍊筆剛柔貴得宜詩家秘旨幾人知正聲自古由中出真氣從
來不外馳

彈指蓮花五色開虛空粉碎現樓臺一心運用同兵法變化都
從妙悟來

飛龍出沒望難窮全體森然雲氣中精藝入神非小道半由人
事半天功

才筆縱橫氣萬千絳雲舒卷妙天然精思腕節無人會競騁豪
情效謫仙

畫家逸品擅千秋絃外音從指下求各向淵明分一體柳州原

不亞蘇州

右丞高格冠當時古厚清微絕妙姿未許襄陽稱伯仲詩中有畫畫中詩

建章門戶杳難窮妙在神明變化中千古問誰知杜法昌黎以後有涪翁

温李雖同究不同玉溪饒有少陵風可憐互食爭依傍前誤楊劉後二馮

老杜門庭孰問津后山高邁簡齋新效顰一例東施拙得力還當讓二陳

穆清堂詩鈔

卷上

吳

妙筆奇才孰比肩東坡人巧合天然詩文兩造華嚴界遠配蒙莊近謫仙

半山師杜力堅凝六一宗韓合並稱底事新城妄軒輊獨將微妙許廬陵

宛陵枯槁律尤疏子美粗豪俗未除孤負歐陽盛宏獎韓門郊島恐難如

晁氏長歌負異才宛邱新俊筆花開填詞可惜秦淮海未許蘇門把臂來

駑壇旗鼓自堂堂老筆精嚴氣莫當才力不殊生造少放翁何

敢望蘇黃

幾番江湖浪得名豫章流汲病叢生九僧倡始四靈繼鼠穴愁聞蟋蟀聲

筆捲雲濤氣雨風遺山具體杜陵翁力排東野西江體似此論詩恐未公

金代吟壇少作家中州一集半浮誇北人喜拾西江唾未信遺山借齒牙

篇不能寬氣未橫修詞琢句少神明漢廷老吏殊孤負此境安能許伯生

穆清堂詩鈔

卷上

吳

金華諸子格非高天水王孫氣未豪競關新妝逞姿媚二分春色醉天桃

子虛新異雁門華楊范當時自一家漫以女郎輕曼碩幾人神韻似梅花

歌行塗飾即凡才村婦濃妝亦可哀始信漁洋昏老眼誤將奇麗許吳萊

蛇神牛鬼宗長吉穠句織詞效八叉笑殺鐵崖兼玉筍不彈琴瑟弄琵琶

忽宗李杜忽蘇韓妙筆仙才兩擅難可惜青邱遺段折未能生

面關駭壇

江西獄解即爭雄豈獨平生負武功形似何如神肖好果然大復勝空同

珮玉鳴珂體自尊愛才憂國意長存編樂府留天地誰識西

涯勝鐵門

迥功高格似襄陽身佩仙人九節筇能以成鼎足當時兩

大枉爭強

優孟衣冠白雪樓茂秦五字似嘉州弁山別擅便便腹晚造猶

能勝一籌

程清室詩鈔 卷上

李

雲間才筆首黃門砥柱橫流道更尊我欲臨江歌楚些一杯清

酒賦招魂

失節虞山已暮年絳雲樓火豈非天白頭江令心花盡坐擁靡

燕手一編

排測纏綿見至情誰將芝麓許齊名西崑詞藻香山體竊恐梅

村誤後生

盡飲才華歸氣骨筆端徑寸挽千鈞嶺南巨擘數元孝三百年

中無此人

昭代吟均負盛名正宗人競說新城滄浪詩話「空品也誤尚

書過一生

萬卷羅胸竹垞翁文章考據兩兼工王朱並駕君何取老子韓非究不同

阮亭秋谷果誰優刁筆談龍視若仇私淑鈍吟綠底事宋襄何

足霸諸侯

愚山五律四絕五古皆似道州却怪七言才力窘同時應

配米商邱

荔裳詩筆自渾成宗法高岑是正聲最愛遺編歌入蜀晚年深

造勝平生

程清室詩鈔 卷上

李

妙想橫生筆已仙詩家初白畫龍眠與公同派師蘇陸可許各

山繼昔賢

藥亭長古氣雄豪五律翁山品最高各向嶺南誇絕技天風萬

里捲銀濤

錦囊古藻落續紛雅瑟元音世莫聞若向山西操月旦亭林青

主兩徵君

華年落魄弔西堂艷曲流傳亦可傷幸有前明新樂府一編追

配李東陽

大器從來合賜成八旬林下享詩名平生不喜歸愚更真氣全

無少性情

半生心折閱微堂剖析秋毫筆有霜當代論詩誰第一河間識
道勝南昌

奇氣縱橫各擅場毘陵四子顧洪楊漫推仲則才如海
兩當

乾嘉文派重桐城詩學劉姚各有名我向蓬萊看東海一五不
愛鑑湖清

七古縱橫樂府奇豫章流派杜韓詩雅威健筆心餘匹袁趙何
堪並一時

程清堂詩鈔

卷上

五三

隨園毒瘴蒸林昏甌北船山遠雨村風雅凌遲嗟久矣誰披雲
霧待朝暉

華年倒屣遍公卿詩壇負盛名欲識香蘇真面目廬山一
集冠平生

湘皋老筆有奇姿同里歐陽並善詩尤愛花宜風韻好詞壇各
自領偏師

文苑榛蕪失老成誰扶大雅主齊盟持衡竊比遺山與敢道前
賢畏後生

哀金陵

紀癸丑江南之變也

金陵古名都南紀建中宅誰令帝王州竟成羅刹國千帆臨洞
庭萬馬飲漢北武昌黃巢陷江州李成逼是時陸尚書自將正

西出旌旗臨潯陽聞變先戰慄返旆指建康擁兵不敢擊精神
竟禁輟父老悉兩泣開府但請留我輩當鋒鉤誓死決雌雄與

賊不兩立士民言未終方伯顧嘆息吾曹受殊恩中外應顯職
封疆寄安危敢不竭臣力此郡扼東流要害推第一據險摧其

鋒賊豈能深入稍退必不支後悔復何及微軀安足論禍恐延
社稷制使無一籌但云勢不敵元規竟東奔望之復戰歿長隄

遂橫崩所向無堅壁指盜先開門棄險甘縱賊不救股肱傷致
醜心腹疾纔報豫章圍又見皖城失舳艫蔽江流竿旌滿雲直

前鋒已白門後隊猶采石揚帆指新亭不肯蔡洲泊縱聚六州
鐵此錯鑄不得安民託空文猶自謂妙策南關雨花臺倉皇屯

兵撤水陸十三門一一土囊塞秦謀隱絳市流言人心惑坐待
外圍合壁壘亂山密半空斷紙寫全城氣漸墨炮火連天紅劫

灰遍地黑雲梯呂公車四匝俄雨集穴地通城垠震雷轟霹靂
譙樓忽倒飛雉堞崩百尺守兵盡鼠伏相顧氣已奪一賊俄先

登萬燄不能發入自儀鳳門攻城甫十日吁嗟秦淮河屠戮血
流赤九衢六街間如麻亂屍積大吏各捐軀良由勢已迫誤國

程清堂詩鈔

卷上

五三

兼殃民一死詎塞責喪心彼何人忍辱草間活仗節出小臣夜
深全家繼錚錚兩生獨奮常山舌熱血洒白刃罵賊死尤烈
惡少爭探丸趨風附羣孽引賊騷閭閻十夕遍萬室玉帛誅已
盡搜求及衣物婦孺閉深館人眾恆絕粒紅袖妻人妻青燐妾
鬼妾凌虐不能堪乘間爭自溺老者筋力疲逐日供百役修城
復浚壕驅遣何太亟死則溝壑填生不免鞭撻少壯入賊營黃
巾裹其額用之充前茅退後即見殺白晝冤鬼號風日暮蕭瑟
可憐未匝月遺民僅數百城中既蹂躪城外彌慘戚焚掠遍村
墟一望絕人跡叢林古梵宮兵後但瓦礫掘塚黃土焦摸金赤

穆清堂詩鈔

卷上

五十四

眉酷浮棺燼一炬流毒過枯骨生靈與物力將恐無遺子封豕
盜冠裳春燕巢林樾關無鐵壯堅勢已金甌缺彼奢果何心造
此銀漢劫敗書至 京師時正春二月舉朝爲咨嗟 皇情深
軫恤 南顧憂瘡痍責已 詔何切 震怒今赫然命將期殄
滅桓桓向將軍白髮稱勇決轉戰新渡江連營首建節惜哉來
已遲無補天柱折何時破竹成紅旗奏大捷武漢計日收江皖
崇朝拔帝鎮與維揚一鼓相繼克高封鯨鯢屍淨掃豺虎穴大
旱蘇雲霓中天見日月否泰理有常循環運未絕人事回難期
天心已可必憶從開 國初江淮入版籍生養二百年民不見

兵革山水窮丹青城郭壯金碧文物擅風流財賦斲今昔繁華
正全盛豈料遠衰歇楚猴方沐冠齊優更秉鉞專閫似房瑄參
軍類劉秩致使曳落河長驅亂南極蹉跎誤臨機臺省遂喋血
東南半陸沉身世兩瓦裂重任苟非人金湯復何益嗚呼半壁
天破碎真可惜 國家雖多故 列聖有厚澤天方祐叔世不
宜陽九厄定變繩武功殷憂啓聖哲指日卜中興遠過唐寶曆
公卿各竭誠慎勿汚史筆允宜鑒前車莫誤蹈覆轍同心扶皇
綱再振乾嘉業濟時須忠良補天賴材傑風塵正瀕洞憂虞不
可較在再傷襟懷倘恍動心魄長歌哀江南天地皆變色

穆清堂詩鈔

卷上

五十五

菜花

窺園連日耐輕陰坐看黃花落碎金莫嘆芳菲春後老須知風
味苦中深一生性豈甘人賞半畝香難任蝶尋相對自欣生意
好千紅萬紫不關心

汲水頻澆趁曉晴離披風日媚清明碧畦密葉翠侵路繡壤叢
花黃近城幸有餘閑臨老圃愁看此色半蒼生移家安得漢溪
宅時課園丁代耦耕

感興

神京屏障此巖疆誰使流氛近 帝鄉龍武親軍中屬國虎賁

飛將左賢王如雲鐵騎臨三輔不日金戈盪五檜 列聖威靈
天眷篤未應叔世見滄桑

兵戈望斷秣陵秋荆棘銅駝歲月遺半壁地沉牛斗氣六朝天
設帝王州空傳虎旅屯京口未見龍驤下石頭爲問征南諸將
帥江山形勝幾時收

廣陵臺盜亂如雲列帥旌旗五路分使過邗江新統制和戎嶺
海舊將軍張綱叩壘頻虛望趙范收功久未聞孤習綠楊好城
郭青燐白骨映斜曛

皖江行省合淝邊月映重圍斷紙鷺間道乞師空有使孤城堅

卷上

卷上

卷上

守竟無援黃巢氣懾高千里周處心驚齊萬年坐視觀文江學
士一腔熱血痛沉淵

大星頻墜楚江空武漢城頭沁鬼雄幾度黃州橫戰艦何時赤
壁仗東風解衣關外收降將免宵軍前望今公扼險上流非易
事指揮誰定笑談中

抱膝集

紀事

井鬼妖星現昆明劫火新何辜殲異族不肯視同仁鐵勒辰鳴

鋪銀刀午脫巾封疆藏斧鉞談笑定邊塵

出賣自凋殘山川利藪乾龍蛇交殺運鵝蚌啟兵端地洩金銀

策人探赤白丸勝朝誰作備權礦始中官

左右誰分袒清河釀禍成紅巾花馬煽白甲石羊爭威楚飛傳

檄姚安籍盜兵如何中慶路篝火夜相驚

坐鎮臨行省稜稜喚奈何結盟憑歎血入室縱操戈鹿挺音難

擇羊亡路苦多柏臺能勇決假手恐無柯

李竟代桃僵連朝舉國狂稱兵三井內滅種五華傍水蟹俱還

怒池魚並受殃百年生養盡殺運正茫茫

流血染滇池蕭牆變起時叛名休遽定兵柄問誰持家類抄瓜

蔓墳爭掘米脂榆城今構亂討逆是西師

洱海血模糊蒼山萬骨枯元戎猶袖手使者獨捐軀坐視金城

陷誰將鐵騎驅成功須俊傑豎子恐難圖

聚米朝圖險量沙夜唱籌一軍化猿鶴諸將擁貔貅制勝偏無

術全驅各有謀潛師破龍尾空憶潁川侯

幾輩田間起新綸下彩雲並除團練使誰真昔見軍驛路三邊

斷崑崙一炬焚清談難報國何忍負榆枌

市虎蒼黃煽城蛇內外爭何人輕召亂此舉太無名草莽稱同

熾花門竟弄兵四郊遂多壘愁聽鼓鼙聲

懷孫菊君 清元 孝廉

詩瘦人逾瘦奇才不救貧與君俱作客昨夜夢相親騷族文章

賤干戈歲月新窮邊多瘡痍珍重苦吟身

路梗斷音書孤城烽火餘憂時心未冷臥病體何如久客宜歸

隱慈親正倚閭相思寄秋月落葉下庭除

晚眺

秋聲吹到井梧邊落葉西風覆亂蟬天欲斷紅歸夕照雲分微

白與空煙入山避亂無安宅仗劍從戎負盛年迴首高城鳴鼓

角半鈎新月影娟娟

九日登西山

何計酬佳節僧樓醉倚闌亂山新雨後遠水暮雲端詩骨如秋

老愁心迫歲寒菊花紛滿野誰傍戰場看

贈內

多才卿似女相如倚枕聯吟曉夢初一面綠窗三尺案半陳奩
具半攤書

書仿甌香字戲鴻臨池事事苦求工玉臺他日編新詠三絕流
傳女史中

病餘消瘦鏡中顏淡掃修眉月半灣長願忍饑餐墨色花陰研
墨畫秋山

借隱林泉計未疏時艱恨不鹿門如金閨舊弗人爭羨却願各
山伴著書

借任秋航榮禮游龍泉書院

穆清室詩鈔

卷中

三

湖南昏於墨山雲薄似紗西風忽吹散霜葉遠疑花白杜尋僧
話青帘問酒家昔人談藝處高樹祇棲鴉

心如潭水淨風定不生波秋色媚黃菊秋聲碎綠蘿窺園二徑
僻載酒幾人過漫抱興衰感烽烟奈晚何

游仙

曹唐空賦小游仙搔首青冥路渺然雲霄漫嫌凡骨重鼎邊鷄
犬亦升天

賞入西園詔拜官仕途從古少孤寒煙管提徑君知否只要黃
金鍊大丹

大羅天上詠霓裳共譙紅雲侍玉皇鍊就金身超碧落仙班一
樣有貨郎

堆池春暖水如湯千歲桃花倚玉觴莫信後天終不老請看王
母鬢邊霜

列宿空中幾點青銀河飛渡駕雲駟天官豈是無資格方朔偷
鬼亦歲星

月地雲階白玉樓樓成作記遺靈脩九天自在無才子長爪耶
君跨赤虬

胡遊碧海暮逢山洞口雲封養玉顏底事真仙須眷屬采鸞依

穆清室詩鈔

卷中

四

舊嫁人間

洞天福地鎖煙霞流水雲中漾落花難得仙緣問世外如何劉
阮尚思家

丹砂一擲百花生東海揚塵幾度清老矣無心爭狡獪麻姑何
苦妬方平

鸞車夜半降羊家塵世難留萼綠華條脫一雙親贈別仙山只
合伴梅花

休羨江皋解佩珠楚天雲雨本虛無洛川神女驚鴻態爭似空
山遇藐姑

小謫紅塵別上清人天夢斷不分明芙蓉城裏花無主泐海飄
零石曼卿

亂後至臨安

歸燕巢林木淒涼不忍看東風吹汜水暝色赴臨安野曠傳烽
急春深戰血乾荷戈吾幸免行路敢辭難
立馬沙場外旂飛見戍樓遠煙淡將夕疏雨冷於秋保障誰司
牧安危仗運籌時艱民力盡河上漫遨遊
萬家煙樹密市盡入東門古道殘灰積頽垣白晝昏流民猶轉
徙者舊幾生存欲續無衣賦江聲夜吐吞

穆清堂詩鈔

卷中

五

雨中

隔雨看山色山寒雲欲流碧遮林杪寺翠撲水邊樓日與地俱
遠心隨天共游干戈歸未得吾道付滄洲

瀘江

苔蘚綠陰肥塵容鑑翠微魚穿荷葉戲鷓鴣傍花飛石骨經秋
瘦江聲挾夢歸亂離無樂土泛宅計仍違

至日呈菊君

葭灰吹動亂離中北望比池路未通久客漸凋雙鬢綠寒梅先
漏隔年紅從征猿鶴悲君子匝地豺狼困寓公一樣有親需叔

水歸心幾度逐飛鴻

九日偕友登乾陽山

乾陽高聳羣山中玉屏遙對張屏風異湖一隅抱山麓明鏡倒
映青芙蓉參差木末湧金碧高下亭閣嵌玲瓏鄉山數載失交
臂山靈大笑吾曹慵重陽無雨決遊計携尊况有吟朋從亭午
不覺攀磴苦蔭被賴入千林楓日光穿透影凌亂霜葉瑟瑟如
花紅候門老僧喜導客古洞更在禪堂東洞前飛流自天落洞
中怪石疑神工秉炬深造遂到底曲折上與山巔通三島浮青
遠若笠湖天一色雲戎戎煙波明滅畫不出亂帆斜日秋冥濛

穆清堂詩鈔

卷中

六

憑高快意且縱飲亂世難得清遊同歸鳥催人下鳥道放歌驚

起龍泉龍泉書院
在山下

海潮寺

一柱聳湖心巍我百丈臨波濤歸鎮定煙樹入蕭森花氣人同
淡山容畫不深上方懸佛日好鳥有歡音

平湖浮兩島對峙若金焦山變陰晴色風翻早晚潮聲喧心自
靜望遠意俱消久欲從漁隱桐君不可招

溫泉

水熱非常性如湯十畝泉乾陽冬不老離火日相煎呼吸潛通

地鴻濛未闢天形雲靈秀氣一半洩窮邊

燕子洞

曲曲水外水疊疊峰上峰峰峰互離合水水交橫縱不雨雨氣
墨不風風濤洪時入時出雲半枯半活松石洞枕峭坐終年蒼
翠封潛流不見水雷鳴山腹中水花忽倒湧雲氣如飛龍徑轉
漸深豁外歛由內空燕語亂暝色巢列蜂房同咄哉朱明天管
領知誰雄

石齒礪劍銛石根裂雲竇石脉披麻皴石骨鐵花繡插地干戟
攢破空百竅透芝菌蒸陸離獅象伏左右嶄絕無寸膚厚土不

和清堂詩鈔

卷中

七

能受陽鼓風霆奔陰嵌日月瘦一樞萬馬爭九霄六龍鬪幾點
星倒垂一痕天斜漏孤砧危不崩深洞暗無晝目謀駭崢嶸心
曠拓奇秀觸境與天游造化妙結構一笠窮幽遐長吟為山書

寒夜

亂惜盛年速寒驚長夜初思鄉頻入夢諱病久無書世事浮雲
變交情落葉疏元龍湖海氣自問未能除

悲秋

秋水淨金沙秋山落暮霞西風今夜月冷露異鄉花自笑身如
葉翻愁夢到家蒼然天欲曉繞樹有飛鴉

野望

蒼翠變春淺山山秋氣深危崖先受月靜樹不驚禽水色濃迎
目花香淡入心歲寒歸未得羣盜莫交侵

清明

依然插柳遍山城出郭遙聞戰鼓聲三載松楸懸夢寐一盃麥
飯又清明家貧骨肉輕離別亂久交游半死生輸與龐公猶上
塚曲江窮寇幾時平

寄家書

遠瀟思親淚親心更憶兒餘生依虎穴尺素慰烏私風雨連朝

和清堂詩鈔

卷中

八

作山城一旅支昨宵夢顏色歸計怪何遲

喋血滿城闔平安報老親驚心冥雨夜回首暫時人二月初七
夜賊乘雨

襲入郡城力戰至曉始敗退歸燕巢何處東風慘不春倘酬借隱願菽水莫

嫌貧

登城

屋角鳩鳴午夢殘登城聊當故園看槐黃麥綠炎塵靜不信前

途寸步難

義犬行

西蜀賈人葉雲綺隨身一犬游萬里人行亦行止亦止主人愛

犬等愛子朝夕同卧復同起買茶遠入茶山裏中途遇盜劫行
李大怒人立人犬蹲嗜敗盜面斷盜指前後客侶聞吠聲執械
赴援古澗底二盜就擒犬重傷一物不失主驚喜買藥傅犬手
洗瘡大傷漸愈主病矣主以疾亡犬沉水主生犬生死犬死犬
殉主人義如此嗚呼二心臣妾何足齒

歲暮雜詩

劇郡重圍解全軍百戰強當時驅健馬一鼓走封狼養賊嗤王
導求援誤范羌曲江師老矣始願詎能償
黑水無遺種蒼生有覆盆關難斷峭谷血竟喋城門曲突薪誰

樓河堂詩鈔

卷中

九

從同仇炭可吞老持行省節使過恐孤恩

辛苦城南戰傳烽及板橋行臺猶鎮靜諸將各逍遙青犢氣逾

惡紅羊土亦佳重臣關大計一死負中朝

撫議久堅持防軍猝不支投鞭渡瀘水飲馬遍昆池未見秦輸

粟空圍趙乞師城圍經歲急被賊果何時

使節移金馬軍書付紙為度陀仍坐鎮明徹又臨邊轉餉資三

輔徵兵下兩川雲霓望翠峯冠日遷延

不募三科士爭為五利謀腹心今日病肘腋後來憂說說愛爭藏

鹿蹊田罪奪牛可能期草而杯酒釋前仇

自奏紅崖提前軍轉戰勞兩關空險要千里隔旌旄負負呼張
步匆匆走智高斬蛟無利劍洱海任鯨濤

竊據葉榆郡賜張豈段蒙賊應憑手打城莫誤心攻李宓征羅

鳳高駢破舜隆古今時勢異未許議和戎

掃穴談何易監軍視賊輕沈公憑耳學羅氏滅牙兵坐讓紅巾

變難調白桿爭南風今不競禦侮孰干城

手持玉如意客將復臨戎師漏多魚早人言使鶴同兩甄鳴戰

鼓一炬燧天風下策輸先着周郎用火攻

京口兵雖勁壺頭道本難不牛愁運斷銀鴿訝空盤壯士呼庚

樓清室詩鈔

卷中

十

語拔軍坐甲看同舟等胡越何以挽狂瀾

官渡相持久連朝羽檄飛李全乘夜入童貫棄軍歸鄴下無堅

壁梁州屢被圍于思今幸在萬骨暴斜暉

望斷迤西東燎原處處同玉牙二合避金齒一軍空馬腹鞭難

及羊腸路未通似聞諸父老流涕請文忠

光範書三上猶為國有人仲宣方客楚景略未歸秦雨雪淹殘

歲風塵憶老親何當辭幕府高卧故山春

臘日

窮途祇以詩為命臘日聊將酒破顏耐郭幾家猶聚市登樓有

客慣看山柳眉翠展春痕淺苔髮青鬢戰骨斑昨夢尋芳湖上
寺梅花香破水雲間

晚晴

朔風吹散晚雲低繞郭寒林鳥漸啼新月忽生斜日外斷虹猶
挂小橋西半空雲擁山千疊幾縷煙迷水一溪殘歲久晴春意
暖明窗載酒訪招提

黃龍寺夜宿

霜月微虛碧雲山展妙明疏林含畫意流水作琴聲萬籟一時
動孤懷終夜清呼童烹綠茗趺坐感無生

月夜梅花下作

露重濕花光花涼夜亦涼枝疏疑帶雪影瘦不因霜幾點碎雲
碧半林明月香綺窻春到否獨立感蒼茫

亦園古松

偃蹇如龍卧根蟠數畝苔冰霜感正色天地老奇材劫火市朝
變濤聲風雨來歲寒誰作伴孤鶴夜鳴哀

丙子畫梅竹題詩見寄依韻答之

手展妝臺畫香風透碧紗詩心清似雪筆力瘦於花映月人同
色隨春夢到家鹿車容共挽偕老誓煙霞

煊染紅梅艷淋漓翠竹新題詞楊妹子製譜管夫人烽火休懷
違晨昏好奉親計歸花正好不負故園春

寄弟

夜雨生春草分襟異水間西風戰林杪落葉滿萊山偶踐離花
約因裁竹報還歲寒霜月碧兩地照愁顏

以我時思汝遙知汝憶予夢飛九秋夜望斷數行書搔首鴻歸
後驚心鶴唳初承歡依膝下白髮近何如

準提閣

春水弄秋色春山含夏姿水添辰雨後山愛午晴時芳草綠迎

穆清堂詩鈔

卷四

七

客雜花紅滿池湛然叢樹裏髻髻古滇祠

雨水一橋跨石闌三面開噴珠浮古鏡灑雪覆寒苔花氣隨風
散泉聲挾雨來邊隅藏異境莫謂地無才

硯山老梅

此梅不知幾百歲羣芳環侍如羣孩一色寒衝太古雪數點香
拂先天苔風清月曉夢初破水秀山明花怒開濁世紛紛艷桃

六空谷誰識凌霄才

雷擊火燒老不死生氣如龍爭攫擎橫枝月午淡無影直幹霜
酣齋着花非佛非仙首陽隱一邱一壑天隨家巡簷忍凍不忍

折誓將伴汝樓煙霞

山後呈家次民兄山後村名

茅簷對榻一尊同風雨經旬屋數弓遊俠人爭狂魯肅上書誰
解重王通多情窻草延新綠無喜燈花結小紅亂世不堪商出
處久將時命付天公
三月柴門氣已秋餘春天為兩人留兒童結伴窺新客父老環
聽話舊遊誓挽乾坤收戰馬還從湖海狎盟鷗壯心銷盡成何
事各負才名合自尤

郡將

穆清堂詩鈔 卷中

十一

郡將擁強兵椎牛自主盟軍中立留後關外擅專征一笑藏鱗
甲無端判死生太阿誰倒執授柄任橫行
有人工畫諾跋扈讓將軍身寄虎狼穴食爭鷄鶩羣衝鋒來嚼
鐵破柵李摩雲敢戰真無匹庸才惜誤君
暴飲鎗銖竭泥沙用竟同轉輸千里置杼軸萬家空破釜沉舟
日徵歌醉舞中况聞與力役土木繼兵戎

嶠峨道中

亂綠不能盡殘冬濃似秋雲隨空翠落水挾斷冰流林杪懸僧
寺煙中擁戍樓禽聲如笑客行役幾時休

河西夜宿

路盡雙江曲城非百堵崇陰崖高障日深略遠鳴風馬入平沙
海鳥棲舊壘空閒雲吾愧汝不出故山中

海門橋

白鷗飛到馬蹄前行盡山根水拍天髮髯異龍湖上路遠鄉夢
斷已經年

憔悴風塵髮欲絲初心未負白雲知湖山甘伴梅花隱輸與林
逋盛宋時

立秋

穆清堂詩鈔 卷中

十四

一葉下庭柯西風奈晚何雨驅殘暑淨秋到異鄉多勛業歸黃
髮生涯辦綠蓑未須感搖落昨夢狎煙波

偶成

亂世難為客殘年易得春酣歌多債帥野哭半流民溝壑誰援
手林泉已乞身牧之空論戰無路達楓宸

雨

濃雲遮不盡雨外見殘陽芳草周晴翠寒花淡晚香城空秋易
老湖近意先涼薄暝青山色隨風到草堂

招孫菊君清元放舟至來鶴亭偕同人譙集作歌贈之

瀘江秋老天雨霜君來告我將還鄉
病妻慈母計歸日疲驢瘦馬分行
裝拂衣倦作少稜客移居就假道
南宅談兵枉上昭諫書扼險誰收
立信策干戈路梗羈吾州招君重
作龍湖遊才人勝地快雨遇携手
出郭登輕舟片帆如席凌萬頃風
吹襟袖漸清冷煙痕淡掃山冥冥
雲氣淨飲天烟烟中流高鳥聳亭
閣啼鳥導客穿林薄白蘋搖颺花
亂飛紅樹蕭疏葉微脫吾儕但賞
此間樂豈識瀘海鯨濤惡知君觸
景動歸心凌霄幾欲借黃鶴
蒼然暝色日初夕天水空明月華
碧仙人一去招不來憑闌
復吹玉笛

亭中供呂仙
跨鶴吹笛像

眼前有酒不盡歡
後相思究何益君不

瀘江詩鈔

卷中

七

見去歲遊踪已陳跡

宿河底汎山寺

鈴語蒼涼掩寺門人聲隱約接山村
虛堂蚊亂燈初綠古道豺鳴月半昏
桑下豈容三宿戀花陰難得四時溫
華年浪跡成何事枕上還家憶夢魂

至元江州

半空人與鳥飛爭路轉山腰俯見城
夾日瘴雲濃變墨無風江水沸如羹
地鄰異域蠻音雜天迫殘冬酷暑平

州境接緬甸南
學爲滇極邊天

氣極熱至
冬瘴始減

葭雨一州關要害
善籌邊未可議裁兵

瀘江枯松歌

蒼官墮地無人識龍身久屈龍性直
風塵鬱勃數百年精靈上訴真宰
泣疾雨夜降江水翻洪濤晝浸迅
雷擊潛龍變化飛上天神物一去
本性失鱗甲脫落殘蛻在城南至
今留舊跡生氣內竭精液乾真形
外槁皮骨裂日月暈殘苔蘚痕風
霜剝盡元黃血尚餘古意照眉宇
盛夏凜然親冰雪生前奇材人莫
知身後虛名世爭惜譬如八駿已
化去千金市骨復何益嗚呼世間
適合類如此千古才人色灰死

交廟紅茶花歌

瀘江詩鈔

卷中

六

名花氣秉炎天精水滋土植乘五行
家爲離火麗於日南方特出呈文
明亭亭玉立泮水側春來多少看
花客入門先有香風迎半空純作
胭脂色牡丹芍藥難比艷火德真
人秉天眷香國羣芳甘下風元黃
初罷赤龍戰繁英射日流蘇結絳
雲萬朵捧瑤雪猩紅十丈開淋漓
疑染滇池土女血

時省闈
正急

對花回首思

定光西山幾樹同芬芳

有垣茶花以定光寺及
西山太華寺中爲最

昆明劫火正無

際恐與唐梅俱淪亡
舊遊彈指悲陳跡綠章願乞天公
惜早使南詔烽塵空看花重醉花
天中

送汪霽坪潤明經之昆明

之子向何處欲歸無路歸干戈真滿地骨肉尚重國熱共杜鵑
語夢隨新燕飛有家斷消息北望淚頻揮

幾回行不得決計竟宵征犯險臨長道思親見至情艱難三尺
共談笑一身輕此意天應眷昆池浪已平

行次西鄉去歲禦寇處也感賦

西風吹木葉飛墮戰場間廢壘古花碧荒原血暈斑秋聲晴亦
雨雲氣晚如山誰信書生策猶能奏凱還

早發臨安

黃柳娟初日白雲蒸亂山西村爭出汲南雁正飛還拯亂才原

穆清堂詩鈔

卷中

七

拙依人意轉開往來纔百里已覺有離顏

苦雨

積雨連宵不肯晴短檠孤坐耐殘更濕雲貼地飛無力病葉塵
風戰有聲波浪鯨鯢方偃塞道人蛙鼃正縱橫憑誰解識天公
意要向昆池洗甲兵

夜坐

焚香夜窻坐心跡欣雙清勾夢憑燈影驚秋入雁聲蕭然庭葉
下淒絕壁蟲鳴滿地下戈裏誅茅計不成

野望

烟樹遠蕭疏秋花錦不如蟬鳴新雨後雁到晚涼初汲水空
茗看山當異書欲求洪谷子着意寫吾廬

枕上作

夜久息羣動微聞風葉聲涼秋氣老多病道心生雲外流霜
白花陰受月明灘衣不能寐淒絕此時情

花朝湖事

油油春水碧於苔十畝秧田破曉栽嫩綠草心剛半拆輕紅花
蕊未全開湖雲澹墨天如暝村樹鳴風雨欲來一抹暹山遮不
斷忍寒先上最高臺

穆清堂詩鈔

卷中

六

春宵

倚闌人愛晚涼天簾捲東風望渺然雲外遠山明似雪月中疏
樹澹於煙奇才自古無庸福名士從來屬少年寂寞春宵遲伏
枕聽瓦花影事湖前

春日遊海湖寺

如澗山翠撲簾旌天縱春光滿化城堤柳綠垂爭作態岸花紅
亂不知名香濃水寺僧先導雨過湖田鳥喚耕拚典輕衫謀
醉買魚沽酒趁新晴

後至臨安

遠山如笑晚雲低村落蕭條信馬蹄幾點炊煙流水外數聲牧
笛夕陽西依然兵氣縈城郭漸覺人情厭鼓擊回首前年爭戰
處春來芳草尚萋萋

秋夜泛舟至來鶴亭

危亭湧出湖中央兩島浮青暹頤昂白蘋洲外晚霞媚紅藕花
中風露香萬頃金波月蕩漾一聲玉笛天蒼涼空明不夜流心
跡扁舟容與凌秋光

是夜宿於舟中

維舟水花邊人伴水禽宿秋雲處不飛詩夢結涼綠

穆清堂詩鈔

卷四

九

秋感

玉露金風日漸涼蒼茫客感赴秋光十年世事殘棋局萬里興
圖百戰場周室中興須召虎漢家平準重宏羊持危定亂知誰
恃搔首天涯涕數行

蕪城瓜步血糝糊浪打金焦萬骨枯轉戰未殲紅襖賊攻堅頻
潰黑雲都孟明有罪仍專政用濟無功枉被誅北府白來兵力
健莫教滋蔓恐難圖

燕子磯邊戰艦臨金川門外陣雲深六年滯上眞兒戲半壁神
州久陸沉向寵龍鐘甘負腹鄧羌驍勇豈同心連營退保丹陽

日九死黃泉恨不禁

崛起田間上將臺義旗紅指皖江開鷹揚百戰鋒猶銳馬草三
河事可哀破陣尙遺金甲在先聲爭說鐵山來靴刀久矢捐軀
志可惜沙場失楚材

三駕潯陽仰重臣九江閩已破黃巾力清水道眞良策誓靜潢
池幸有人今日武昌付陶侃何時建業殄盧循吳頭楚尾舟師
接風便終期出上津

跋浪鯨鯢動海天五羊城郭亂烽烟葉公免胄臨戎日賈相求
和詔國年金帛但聞通鬼市火輪誰敢禦夷船辱身無補封疆

穆清堂詩鈔

卷中

二十

陷假手誰張撻伐權

又見旌旗在眼中昆明劫火接天紅南朝老將羞明徹西洱全
軍覆仲通離面鏡頭非勇士爛羊屠狗亦元戎招降自古非長
策不信花門拜令公

剝水殘山擁戍樓縱橫戎馬迫高秋萬家烟火成焦土幾處竿
旌動客愁人力未能迴氣數天心終自靜蚩尤亂離無地容高
隱幕府猶思展一籌

戊午除夕

昆水圍城急瀘江戰骨凋一年成去日百感迸今宵斷梗身如

寄枯桐尾欲焦香閣休憶我歸計待花朝

楊花

如雪楊花撲馬前半飛籬落半秋千三春好夢拋流水一縷柔
情寄遠煙無可奈何惟雨後長難消受是風前飄零莫恨生涯
薄終結蘭因證妙蓮

旅夜書懷

莽莽兵戈偏歲開西風搖落客衣單遊梁人病相如渴去魏誰
憐范叔寒鶴立鷄羣徒自苦鵲巢鳩佔敢求安依人畢竟非長
策休向朱門鍊再彈

穆清堂詩鈔

卷中

三

滴殘運漏夜迢迢叢桂鄉山入夢凋風葉戰酣秋氣冷燈花挑
碎客魂消邊隅劫運蛇吞象亂世功名狗續貂百頃異湖山數
疊浮生深悔負漁樵

自郡歸石屏道中偶占

斜陽老樹得秋多瘦馬長途奈晚何東嶺雲生天欲雨西風葉
落水微波閣中蟬鬢慵青鏡湖上鷗盟負綠簑一抹煙痕數聲
笛輸他牛背牧童歌

海潮寺觀錢南園侍御澧書金剛經墨本題後

我生與公同桑梓惜哉後公百年矣世人寶公書畫詩大節誰

復究終始即論書畫時如公詩亦師法昌黎翁前年見公畫梅

卷澹澹縞素開香風今秋復觀手書本百年墨氣迴藏鋒運腕

妙得西來意慧力直與金剛同行氣如虹筆如劍瘦蛟屈鐵磨

蟻空無法之法勝有法隨手變化皆天工自古精藝進於道冥

心豈獨造微妙佛法況難文字求請看拈花偈一笑御史冰心

即佛心直是神通匪合貌粗工何處求真詮但執法相誇逼肖

彌來劫火炎崑崗大悲不救滇流狂何日諸天念苦海慈航普

渡同西方捲卷徘徊日卓午瓣香且復朝仁王

題李仰亭 昆湖春泛圖

穆清堂詩鈔

卷中

三

沙禽格格鳩婦啼煙絲亂片風淒淒遠山搖碧水拖綠一髮倒
映天光低蒲帆如席挂春曉平湖百頃澈玻璃新秧蘸水苗未
齊柳枝曳絮楊生稊草心抽芽野花綻小桃點點紅前溪中流
拍拍浮鳥鷺鴛鴦日上荷雙栖乳燕三五飛銜泥酒家隔岸颺
青旗參差林杪故招提亂峰欲合雲為離山水澹蕩含靜氣花
鳥活潑饒生機遠收近取無一遁能使平易成神奇我知仰亭
不辨此無乃癡黃頭米兼迂倪昇平風景留畫筆傷哉劫火今
淒迷安得浮家寫漁隱扁舟垂釣西山西

書事

北極天傾柱西洋水逆流火輪飛渤海島國犯神州塞已虜龍
寶璽仍白馬求背城誰借一諸將日遨遊

卧榻容酣睡同文啓四夷九州通海市萬鬼集 京師肘腋誰
能制安危詎可期入關思

世祖百戰定皇基

申池焚竹木甲帳繞官閣渭水盟初定河陽狩未歸地沉金虎

氣天縱紙鸞飛一炬園林燼西山黯落暉

往代興州鎮 先朝控暑宮六龍巡塞外八駿出畿東已草與

元詔旋和魏絳戎雄藩錫舅國一戰望成功

穆清堂詩鈔

卷中

下殿羣華遠從軍黃竹歌昭陵嘶石馬海定卧銅駝天護汾陽

駕人揮逐日戈迴鑿期在邇重整舊山河

臺城賴王導定議罷遷都薊北 宸居壯關西物力蘇從今修

內政即可固皇圖中外羣公在同心社稷扶

宣廟伸天討王師伐鬼方三年遲奏捷七省繼通商納弊民脂

竭銷兵敵勢張大廷誰主戰遺恨雪

先皇

賊勢江淮急夷氛橫海連吐蕃掠京兆廟算異澶淵金帛輸城

下戈船退日邊寸心猶未冷應見中興年

將軍行

龍蛇搏鬪兵塵昏昆池飲馬來花門赴援諸將多邊巡從天忽
降飛將軍將軍二十冠前列馬如桃花刀如雪杯酒未寒擒敵
請生斷賊頭醉賊血咄哉殺賊好身手坐取金印大於斗縱橫
跋扈不可當頭指百僚色可否郡縣幾處驚得烽擁兵觀望昆
明中汝陷自陷守吾守汝罪自罪功吾功中丞制府拱聽命選
握兵符領大鎮敢定氣凌崔大夫崇訓計戕王中令昔歲主戰
今主和開城撫賊賊投戈官帑滿載意未滿金銀坐擁如山多
一朝帶印離軍府欲取益州作郾塢入蜀軍譁狼狽歸曩日似

穆清堂詩鈔

卷中

虎今似鼠將軍將軍健無比將將有人當効死大柄一落豈可

追貽誤封疆養驕子嗚呼前車已覆矣後來節鉞宜鑒此

滇池哀

昆明城下烽烟起小吏奔走告節使節使鎮靜即不理坐視流
血染滇水禦賊無計計止此夜半夫婦對繼死六門書閉掩旗
鼓百萬人家變焦土重圍經歲糧路阻忽聞議勦忽議撫援軍
進止孰敢主共老翁翁甘首鼠版圖破碎金甌缺鑄錯難聚六
州鐵佐軍詔起張虞陀專制量移吳明徹嗚呼城下之盟古所
羞何況一統非諸侯堂堂將帥出無策誅心罪豈寬春秋可憐

一誤復再誤和議未成尙書去繼其任者伊何人開城延賊如
延賓倒持大阿授回紇直恐三迤俱沉淪吁嗟乎養鴉矜鳳天
所悲承恩盜賊皆旌麾洗甲欲挽銀河水中山節轅啼萬鬼

省兵行

大旗搖搖三丈餘前列火炮後戈及吹角擊鼓聲震遠十步五
步相傳呼主將昨奉行臺符命之出戰清在村鮮衣怒馬雄且
都平明統隊臨通衢出城數里足趨趨見賊驚竄如奔狐轉轉
流民充誠俘火其廬舍驅其孳歸見制府陳捷書制府驚喜恩
禮殊冠嵌雀翎頂卦珠飾首更換紅珊瑚遺民箱口鼓嘯啾天

穆清堂詩鈔

卷中

三五

寒流離無完膚遇兵如籠賊如梳以兵較賊如不如

悲威楚

威楚城頭夜吹角威楚城外妖氛惡周匝二十四連營六地夜
及城北郭火雷怒發疾於電城樓倒飛落天半都聞戰死兵忽
變恐城縣令絕城竄白旗四舉若雲燦監司微行天始且指紳
比室爭殉難閉門縱火火不斷一日積屍二十萬軍門皆誇好
身手是誰縱賊掣其肘要害立撤大峴防戰場未返先軫首拜
書飛報梁王城大吏相顧噤無聲家帑歸矣如予何明日羣海
仍賞荷

悼葉榆

蒼洱之間寇窟宅葉榆久變鐵勒國諸部廢至池水西六詔山
川死灰色僧號久開杜曾立代破褚襄新敗績閣中復喪張車
騎雁門並頌楊無敵順雲總戎目光赤轉戰殘疆竭臣力生爲
上將能勤王死作厲鬼當殺賊姚安刺史今睢陽死守獨以孤
軍當城存吾存亡吾亡殄賊過半身亦戍朝廷設官大小數百
輩惟此一文一武仗節舉堂堂君不見行省撫賊賊建節城北
徐公甘瓦裂化碧誰掩長弘血

曲江嘆

穆清堂詩鈔

卷中

三五

曲江之城大如斗曲江之賊尤禍首行臺羽書催出師誓欲犁
庭滅羣醜總戎攻前曲郡後行營監以都太守監軍使着短老
公謝萬持節親臨戎趾高色厲願指揮先戮牙兵張軍威銀槍
効節本精悍號令如山賊能違匈奴未滅爪牙莫百戰壯士顏
如灰將佐解體軍心變逍遙河上不能戰忽聞都盜傾巢援三
十六營頃刻散天黑日晦鼓聲死三帥馬逸不能止主客萬人
歸無幾血花染遍曲江紫從茲賊勢猛於虎明年全力陷威楚
君不見曲江監軍喪師者西歸依舊乘五馬

賞軍功

捷報昨入 承明宮請 旨分別旌軍功或爲府道或丞倅或
爲將弁或總戎或云死戰不顧身或云力守嘗艱辛或子或婿
或弟昆或戚或友或幕賓或胥或吏或司關一一俱受 天家
恩或秦或楚或姑蘇或黔或蜀或蒼梧列名雖並登薦牘夢魂
不識昆明湖可憐士卒日苦戰封事幾曾姓名見生填溝壑死
沙蟲回首疆場淚如霞嗚呼章奏論功盈千百究復何城滅何
賊君不見大將告身值一醉狗尾續貂何足貴

勸捐局

西邸局設捐例開減值力勸捐生來富商大賈及奴隸亦有少

穆清堂詩鈔

卷中

七

年統袴諸子弟各各入贊尋援例清濁違復問家世衣金帶紫
身有官眼底何曾識一字昨日司署領告身今朝捧檄官親民
轉瞬一旦雲泥分君思不感感憲恩每出路人競相羨二百年
來未曾見蒼生苦饑牧令肥此輩何幸值離亂噫吁嚱多少經
生誤儒冠窻下老死誰人憐

感懷

橫海誰推太白船重洋異種遍幽燕勤王日下須溫嶠討賊中
原望鄭畋雙轡未聞歸舊關六飛旋已宴鈞天桑乾萬里愁回
首何似唐家幸陝年

飲馬盧溝血未乾紅夷開邸遍長安和戎豈但唐回紇納降違
同宋契丹祇有汪黃傳秉國更無韓岳繼登壇積薪救火終何
益朝議從來主戰難

嘆息東南殺氣昏錢塘失守繼吳門蘇臺麋鹿游荒苑越水衣
冠哭覆盆車騎閣中新濺血大常地下幾招魂從今半壁悲淪
喪誰扼徐揚報 至尊

冲人踐祚鑄京同旋轉乾坤日再中元祐垂簾勞聖后成周負
展仗元公九天雷電問新政三楚戈船趁順風指顧平吳原廟
筭雲臺重紀中興功

穆清堂詩鈔

卷中

七

久握強兵鎮上流世將威望況同仇渡河志銳宗留守擊楫心
堅祖豫州中夜遠悲將星落全功端望楚軍收皖舒已繼潯陽
復乘勝還期下石頭

潢池積戾道天誅濟簡元臣握虎符西蜀幸留嚴僕射江東今
見管夷吾漫愁梁益連烽火終小淮吳入版圖曩代元和誇聖
德前賢詩筆未嘗誣

太冲才筆本書生束髮從戎得盛名往日三湘參幕府於今兩
浙樹長城出師莫負隆中策助戰休煩海外兵氣運原憑人力
挽登車素志在澄清

昆池大華望中遙鴻雁悲鳴虎豹驕鶻部叛軍戍李絳龜茲深
入誤班超生靈塗炭愁無歲節使兼圻滯有苗亂極可憐天不
悔彩雲妖焰尚干霄

弔劉義士鳳鳴

鼓角聲酸月光紫賊疾如風勢如水懸軍夜入柵門營健兒
縮怯於鳥鼠一呼衆爭起短兵相接月城裏刀光潑雪血雨
洗紅旗鏡進白旗靡乘勝連破九賊壘逆酋生擒義士死嗚呼
義士死非死死衛桑梓死可矣側聞義士農家子嗚呼農家之
子義勇有如此

穆清堂詩鈔 卷中

无

哭陳攻玉先理 參軍 弁序

參軍漢陽人權篆吾州時與予兄弟交善後署按板井鹽大使
寧受代後逃南道吳德清檄赴普洱助守郡城同治改元新撫
軍潰西逆以全力合圍城中糧盡殺奔關門迎賊守士文武非
降即遁惟君獨以身殉妾徐氏抱一女投井亦死之噫君微吏
且無守十責獨能執城亡與亡之義閭門捐軀可謂忠矣予哀
君之死恐其無傳賦詩以弔並告後之採風者
守險兵先潰重圍歲又殘連城少堅壁誓死此微官忍見降旗
樹空將熱血殫九閩天萬里遙剖寸心丹

南詔傳烽遍偏隅獨晏然幸留乾淨土猶似太平年鐵勒頻深
入金城斷外援開門嗟揖盜蒙面幾生全

拒賊言尤激從容殉閭門

城陷賊會尹建中招君降君痛責之
遂仰藥死妾徐氏同時自女投井

遺民斂枯骨羣盜拜忠魂

君亡後井民收葬之
尹逆率賊祭奠如禮

楓望已昏他年如秉筆立傳付孤孫

君遺一
孫在籍

憶刺吾州日官齋話夜深不堪生死別遽入短長吟楚北遲丹

旄滇西亂綠林臨風奠杯酒淒絕故人心

旅夜

蕉窓夜靜雨泠泠透壁風吹旅夢醒爭濫誰分東郭技文移自

穆清堂詩鈔 卷中

无

愧北山靈十年戎馬無詩史萬里江湖有客星何口買舟狎煙

水浮家果合作樵青

憶內

烽火圍城雁度難尺書扶病訊平安樓頭一抹秋山色畫出蛾

眉鏡裏看

春隨旅燕覓生涯秋與飛鴻夢到家恍見香闈人玩月病客清

減似梅花

指林寺

頽雲餘餘紫欬月吐微黃老樹帶寒色孤花浮晚香鈴聲落高

閣山翠撲疏廊薄暝傳烽急鄉心動渺茫

晚步

雲端吐微月客散嫩涼生高樹過疏雨西風吹晚晴綠苔濕花影黃葉覆蟲聲彼美隔河漢瑤華寄不成

借綠軒

深院沉沉秋氣涼枕書夢到逍遙鄉雨蕉陰浸濕苔綠霜柳色分殘葉黃山翠隔花關眉黛泉聲裂石諧官商隨綠亂世且充隱漫以爵愁尤彼蒼

將歸石屏留別幕中諸子

穆清堂詩鈔

卷中

三

半肩曉色歸裝輕亂驛送我交歡嗚中秋已過未重九却憶昔歲城下盟花門議和同弭兵間道夜襲瀘江城拔漢赤幟入漢壁蒼黃驚起短兵擊宵雨眾寡勢不敵血戰達旦戰逾方諸將雌伏長官泣一城安危決呼吸邇時自分溝壑填豈料生還有今日人生亂世當有為安得壯志寒如灰吾謀不用處何益况乃親老晨昏違昨夢愈頽怪歸晚恨不挾翼凌風飛閨中妻弱久卧病寄書幾度緘當歸山林借隱縱無地終勝命寄危城危莫言決戰時不利棘門灞上付兒戲莫言幕府無斧柯多少蒼生望經濟作歌敢告二三子故鄉貨籍自今始

悼亡詩為先室丁孺人作

琴絃忽中斷含淚臨空闈小別成永訣一誤悔莫追知卿夙善病消瘦如寒梅豈料醫之術室是人則非猶憶歲丁巳桃夭賦于歸母教嫻內則敬戒能勿違事我堂上親體親心入微世亂我屢客賴卿奉庭闈救水代子職寸草酬春暉嘉耦數何促綠盡將尤誰五載一彈指舉杯奠遺徽

高堂痛家婦相對常失聲弟妹兩弱稚覓嫂傷兄情家人六七輩含淚同一傾早亡諒無恨里黨垂賢名豈獨重婦德天所尤聰明詩書並秀媚况復嫻丹青素性甘淡泊期我非等纓下帷

穆清堂詩鈔

卷中

三

伴著書入林矢耦耕偕隱志莫遂撒手先我行千秋名山業時艱恐難成夙因倘未盡與卿結來生
落葉鳴哀蟬風雨交永夕寒燈燄無光觸目感陳跡繡衾委空箱羅衣挂素壁恍聞病榻中細絲度微息針線拋殘叢脂粉任狼籍傷心玉鏡臺幾憑香肩立返魂世無人難尋稠桑驛生女甫踰月忍聽呱呱泣轉側不成寐萬竅助恣寂燈燼鷄三號髮掃面猶覩
將曉忽入夢涕淚前相持訝我顏色瘦止我勿見思先言欲寸氣善處離亂時繼云守素履堅白無磷緇終云擇交游比匪多

危樓寒暖慎眠食出處慎起居絮語猶未了日高花影移頻年
感生別一旦傷死離內助失益友卿去誰予規

龍蛇遶劫運吾滇閩鄉魯邇日盛意氣年甫踰十五結客慕游
俠白團練鄉土傾貲期濟時惟卿力諫阻市井銳頭兒挾刃氣
如虎決機兩陣間見賊怯於鼠不若山澤農樸實勇可買一旅
倘訓成或堪禦外侮卿言果奇中先見吾愧汝毀家事不就閉
戶甘伏處理香卜青山松楸傍先祖偕老嗟未能同穴亦何補
昔為連理花今成獨活草人生無百年誰能永壽考彭殤數難
齊命盡有遲早但求兩情堅金石期共保生死矢不渝何必定

穆清堂詩鈔

卷中

三

偕老豈須同衾稠始足稱燕好忘情愧太上未能遺懷抱雙樓
復雙飛羨彼共命鳥多生具靈根仙緣倘未了何時豎文登偕
汝返三島以妾塞吾悲已矣復何道

中秋

秋色明於晝秋閨冷不春愁看今夜月曾照去年人扶病逢佳
節承歡慰老親恐傷堂上意不敢淚沾巾

登樓皇家次民兄

秋色蕭疏似玉屏登樓王粲感飄零煙蒸林杪微微白雨洗山
尖點點青吟社自慙唐千子世家人羨子風光大好非吾

七畫餅難堪况浪萍

安甯訪石涼故址

斗大連然縣文襄有草堂詩名先七子相業繼三楊君側誅元
惡江南話故鄉公卜居京口空留游釣處明社久滄桑

正月十五日行省記變

降將連輝馬彊臣角李牛未吞股肱郡先醜腹心憂軍已興元
亂兵難魏博收中樞申九伐莫議棄涼州
盜首持旌節南侵藉寇兵遠徵回紇陳來撲漢家營疆場 元
黃戰門庭水火爭今言倡叛率喋血滿臺城

穆清堂詩鈔

卷中

三

義詰白波帥單車叩壘同五華傾熱血萬里矢孤忠豈謂王庭
濛濛戍田令公精靈當殺賊為厲有餘雄
行省金刀缺雄濟鐵壯堅偏師守東壁獨力挽南天保障憑羊
侃旋軍召馬援何人開一面卷戰未滅旃
南北互相詆雌雄猶未分壁龍固邊圍地虎勇新軍倘矢艱貞
節當成捷伐助慎無宗跋扈梁冀汝曾聞

偕李穎卿照文訪蛻園故址

雜花生樹春冥冥蘿蕪匝路苔錢青蛻翁距今百餘載後生遙
望傷吟情翁年三十盛文采新詩鑿險天為驚布衣游俠志高

尙斧柯莫假孤平生萬里老作諸侯客寓園手闢鄰昆明考核

圖史作地志滇雲一傳當年成蛻翁著有滇雲歷年傳身後流傳幾易主

况經劫火傷凋零醉魄往矣喚不起著書遺地猶翁名風雅歷

世不能廢頽垣斷瓦皆芳馨吳宮梁苑久消歇空令山水含餘

腥雍門涕後狐兔宅一掃敢與才人爭滄桑陵谷變彈指此圓

詎足關重輕蛻翁自號豈無意曠觀身世真浮萍把酒奠翁翁

齒冷水邊啼烏疑翁靈

早春旅懷

東風吹不散鄉愁二月昆池已似秋間對鶯花傷過客窮探山

穆清堂詩鈔

卷中

三五

水憶吾州天寒酒薄難成醉世亂親衰久倦遊惆悵異湖何處

是望雲雙淚落登樓

家山破碎夢難歸孤負親知賦式微久矣音書疏弟妹何時菽

水奉庭闈神駒伏櫪猶思奮病鶴乘軒已不肥輸與銜泥雙乳

燕營巢得傍故林飛

次韻和熊仲山家彥觀察

豸冠新命拜飛章萬里滇雲百戰場樂府怕聞烏反哺夢魂空

逐雁還鄉枕戈泣血心逾赤仗節從戎鬢已蒼羨喜調功旌魏

尙休將近戀羨王陽

瀘江幕府記劉縉深夜談兵曉未休勝算人知操典郡奪情天

不許歸舟昆華對酒逢今雨漢上題襟話舊遊觀察漢陽人予昔年迴滇曾擬

漢口議撫自來非善策望公中立挽橫流

贈孫吉人清江

曾把首兒臂謂亡友因知難弟名華山秋獨醉瀘水月同行昔

客臨安彈指放今昔傷心隔死生西風聞怨笛相對感淒清

山雨欲催暝客懷何處秋苦吟少陵瘦消渴長卿愁知已終青

眼窮途易白頭昆池煙水濶浩蕩羨沙鷗

題李銘珊紡華刺史三生圖

穆清堂詩鈔

卷中

三五

手握慧鏡胸智珠現身頓覺三生殊去來今本一彈指定力戰

勝心如如至人無人亦無我天遊何處非蓬壺世間萬象等幻

影白衣蒼狗胡為乎少年冠服美且都朱家任俠真吾徒桐陰

席地風蕭疏左右侍酒雙鬢姝忽然乞食歌烏鳥平明入市簫

聲孤一朝劍佩雄千夫弓刀小隊爭前驅本來面目一笑認安

知故我非今吾道心久矣淨得失法眼豈暇分榮枯游戲非真

亦非妄朝衣仙骨今豈無悟澈讀天竺書謂予不信觀君圖

不下 憇院竹溪即次其述哀元韻

故國下戈外浮生道路傍光陰一彈指骨肉九迴腸鏡破鸞分

影風高雁斷行萍踪歸未得無路問蒼蒼

鄉信因風到開城淚濕箋一家同化鶴兩地聽啼鴉桑梓流離

日松楸剪伐年佳城何處卜烽火遍南濱

賤子今同病終天有泣痕一身千里外八口幾人存舊業歸軍

府新阡隔夢魂世家零落盡作客任乾坤

慘澹印山道淒其雜露歌元龍豪氣盡洗馬病愁多白雪聲難

和青衫淚欲波窮途君自愛知己日經過

書憤

以賊難攻賊虐亡恐齒寒熟看回鶻舞何似沐猴冠軍政歸降

穆清堂詩鈔

卷中

三

將儲石竭縣官頻年空坐甲不肯出直

草面言猶在攻心事豈同蒼黃討方鳳建白誤侯蒙粉黛三軍

裏笙歌萬馬中可憐兵氣盡何日決雌雄

彈丸攻不下西道况連城置酒朝朝讌分軍夜夜驚旌旗少生

色笳鼓競悲聲卅六檀公策元戎夙已精

浪發明駝使虛傳露布文連營在堅壁不戰潰全軍猿臂生為

虜蟲沙死莫分誰知單騎出間道返滄雲

省園卽事

一自西征潰花門胆氣粗金湯誰固守鐵甲已長驅妖鳥呼諱

出驚烏尾畢通將軍師賈相携妓飲昆湖

威楚重圍合孤城隔冠氣險難探虎穴援人斷鴉軍坐陷李都

尉縱歸皇甫文拔身能報漢不愧昔摩雲

蹄罪戮袁真揚干法未伸可憐藍面鬼錯認素心人棄職先奔

屢翻城附賊頑同羣多反覆獨立氣嶙峋

喋血臺城下因風縱紙鷲烏蒙馳露布龍節帶星援東道通行

旅西郊遏控弦征南須努力奏凱及新年

題劉熙齋仲懷太守滄濱歸釣圖

西風日日思蘓鱸一麾未老朱顏枯滄河入夢飛不到歸隱先

穆清堂詩鈔

卷中

三

滄漁家圖山平水遠村模糊微波淡蕩浮鷗鳧小舟一葉凌菰

蒲葦煙笠雨衣芙蓉釣竿斜拂青珊瑚婦能搥槩兒能沽酒酣

欲倒汀花扶朝夢未醒沙禽呼收絲偶得銀鱗魚適意鉅與嚴

陵殊惜哉萬里滯淚水干戈甫定愁鬢孤時清合有隱君子釣

熬東海非吾徒事期異日計早決還君畫卷歸龍湖

春望

天涯春色滿東臯林鳥沙鷗笑客勞出岫雲低難作雨鳴風松

老易成濤揚雄少日耽詞賦潘岳中年感鬢毛玉汝窮愁供著

述天心原不忌吾曹

寄家兄次民觀察並呈仲兄毅軒刺史

故山同出宦同州奉使聯牀亦壯遊別我滇雲行蜀道思君一日若三秋夜聞征雁酬康樂曉對飛鷺感少游昨夢錦江春草綠東風吹上薛濤樓

懷楊竹溪高德孝廉

燕臺春樹憶離思記否昆華共酒卮傳世文雄多難後賢書各冠中興時鷓鴣日下聯新侶猿鶴山中問舊期京洛風塵雖易浣素衣終亦化為緇

秋闈報罷賦詩遺憤

穆清堂詩鈔

卷中

七

青衫孤負桂花香回首龍門路渺茫笑我三年空刻楮輸人一箭便穿揚功名未離游仙夢身世難期選佛場過眼漫嗔迷五色從來惜命是文章

淡掃蛾眉畫不濃欲翻花樣意先慵拂衣倦作逢場戲對鏡聊

為悅已容予病不欲應試朱和之太守力勸入場伯樂有心求國馬葉公無奈畏

真龍雲邊望斷飛鴻報一落孫山隔萬重

廿年戎馬感餘生又向西風訴不平久格文原關福命若書人

豈係科名芙蓉江畔誰心賞桃李公門易日成售世未能歸亦

好龍湖煙雨課春耕

玉尺難逢六一翁白衣猶未脫江東珠光自分沉滄海劍氣誰知滿碧空任使風塵喚牛馬休將得失競鷄蟲明妃甘被紅顏誤不悔無金賂畫工

送舍弟竹虛芬蘭卿庭翰旋里

嗟我困風塵青雲望汝身豈知同下第何以慰先人光範三書罷相如四壁貧借歸猶未得夢斷故山春

見水秋將老瀟瀟聽雨眠聯牀纔匝月分袂已頻年舊業餘書卷生涯仗硯田心隨南去雁送汝異湖邊

黃葉落斜暉行裝倚翠微依人吾不免失意汝先歸煙水鳥歸

穆清堂詩鈔

卷中

罕

隱雲香燕雀飛食貧非士病知不羨輕肥

贈岩樓上人

偶訪維摩室禪扉畫不局天花半階碧山翠一樓青仙鶴招跌

坐神龍聽講經曹溪宗法在拄杖叩西泠上人會游浙

早入白蓮社新開祇樹林無生清淨旨不染妙明心向道嗟吾

晚談禪契汝深微風聞遠磬同悟定中音

結習銷難盡驪壇助主持九僧宏秀集二絕贊休詩金碧花拈

後人天果證時蒲團容割半從汝泛昆池

陳蘭卿馬太守招游龍泉觀

亭檻俯靈泉山光薄似煙微風吹曉日舊約入新年

客屬約遊不果松

翠落成雨梅花香到天憑闌感今昔不見李龍眠

戊辰冬借李穎卿遊此

日午花逾怒山茶伴海棠朱衣知正色火德見興王絕代流餘

韻凌風鬥艷妝石崇爾何俗金屋恨無香

黑水入班志傳聞龍所都山眉銜月影石骨襯雲膚夜靜游魚

樂風驚宿鳥呼來朝如不雨拾級上浮圖

秀才甘殉國盡室此哀邱

薛爾望前明諸生永明王出亡時爾望舉家自沉於潭

未見黃

龍徙先從白馬遊勝朝無尺土斷碣自千秋欲喚忠魂起寒潭

慘不流

釋清室詩鈔

卷中

望

地遠不聞更僧樓夜氣清半階度花影萬壑捲松聲臥聽濤如

湧渾疑雨未晴起看天際月一色正空明

遺跡三仙遠奇峰五老深磬聲出林杪詩夢入花陰地絕風塵

色杯傳主客心俊遊愛清曉池上有歸禽

龍柱

靈湫百尺龍所宮古觀危柱蟠潛龍是龍是柱杳莫測神光離

合千年中一朝雷雨破素壁蟠龍掉尾遊虛空天留此柱鎮琳

宇至今鱗甲搖松風龍氣入木木不死偃蹇僵立若龍子滿身

痕帶蛻蜃腥元黃血繡鮮花紫道人揖客開宮門白晝黯淡燈

光昏手捫之而宛欲動相對却視驚心塊把酒奠汝復語汝神
物豈久淹塵土幾時變化飛上天銀河傾作洗兵雨

唐梅行

黑水唐梅天下雄千載蟠地疑蟠龍龍身化梅梅不受孤根裂
石枝橫空昆明劫火燒半死疏花怒着冰霜中襟山帶水地氣
暖沐日浴月天心從花光入夜掩積雪花香破曉迎清風藐姑
無色亦無相後天不老先天容仙姿綽約絕煙火盛唐詩格將
母同天寶敗後淪化外名花豈意歸段蒙宋柏相對若相避虬
揖客合輸太宗山林靜歷幾興廢呵護詎必煩蒼穹彩雲散盡

釋清室詩鈔

卷中

望

萬卉槁歲寒首出神無功牡丹僭王媚時好豔服讓汝驕春紅
幽蘭差許偶空谷九錫何待加殊封蜀院梅龍可並駕吾詩能
否如放翁

抱膝後集

石屏朱庭珍後園著

旅懷

向平五岳遠相如四壁淨求道匪好遊著書豈關命乾坤戎馬
 中歲月飛鳥競久狎豺狼羣恐失麋鹿性學術乖素心戰塵積
 青鬚騏驎困九折蓬蒿夢三徑斧柯假庸才殺運本天定杜陵
 望唐興林逋隱宋盛但祝天下清吾貧亦非病
 涉世如涉水亂流一葦航本心明於月外誘蒙其光戰勝仗定
 力方寸天清涼味道身日朕何慮侵風霜

宣尼疾無稱不朽古所美立功與立言才士志在此古人成功
 業多從艱危始歷試憑更端隨處見奇偉後人幸成功遷地弗
 良矣古人文章傳粹然富名理法嚴氣逾隘詞淡味彌旨後代
 詩文家騁才鬪華綺外強中必乾意味薄於水今人生不生古
 人死不死運用同一心毫髮等千里

和戎始魏絳五利皆飾詞漢唐繼和親國體日以卑宋人媚遼
 金歲帛窮民脂中華大一統萬國真有時奈何丑和議不畏後
 世譏外藩隸宇下棄之為敵資王治本無外道在守四夷漢武
 好遠略度漠揚旌宣威固盛事財饋民亦疲閉關謝西域尤

武吁可師

李唐中葉間吐蕃破回紇欵塞請內遷散處入中國歷朝生日
 滋族類遍南北野性終難馴面草心未草走險如挺鹿事急變
 莫擇滇池先弄兵萬里日流血關隴繼倡亂戰骨莽日月封疆
 談悞柔舞干擬苗格不勦詎能撫無威豈知德伊誰持軍麾安
 邊出上策捷伐到鬼方偉哉三年克

失機難為力得人易成功豈乏勦亂策聽言疇相從飾非與拒
 諫覆轍今古同溫侯屢稱誤詎知高順忠本初敗官渡始悔違
 田豐牧之論戰守計欲收山東柳渾慮劫盟天子為變容幕府

貴得士此責歸元戎制勝千里外運籌帷幄中書生擅韜略將
 兵卽英雄燕雀笑鴻鵠請看虞雍公

同甫圖中興賈生策治安奇才抱大略先後兩少年孤忠忤絳
 灌得君皆范韓惜哉棄不用徒以文章傳

春秋鮑叔牙脫囚薦管子戰國蔣相如迴車肯屈已古交淡以
 成今交濃如醴要盟指天日談笑禍機起武安傾魏其陳餘逐
 張耳贈言箴素心擇交貴慎始

采蘋却貽珠姪好感藏扇長信如長門退居避飛燕寒梅移樓
 東楊花入宮院美人色未衰君恩中途斷文君吟白頭相如負

貧賤谷風重同心生死終不變

短檠燭不青葉落秋聲酸嚴城動鼓角百城交無端毀家難未
躬一身遑求安將軍擁旌節戰士多饑寒邊吏各自保豈暇憂
元元同舟不同力何能濟狂瀾久客固非計歸隱嗟尤難舉案
失德曜庶下孤伯鸞念我同衾人悽惻傷肺肝

懷王漁珊綺珍吏部

休嗟酷暑滯炎方萬里懷人意早涼薄宦金門官當隱高歌燕
市酒為鄉文章銳志追司馬富貴甘心讓牧羊昨夜夢君君識
否蘆清斜月碧於霜

穆清堂詩鈔

卷中下

三

哭任秋航榮惟明經

忽應修文召元宵冷不春詞壇失良友造物忌才人君以元次
無疾而終
久下方干第誰憐原憲貧生窮遲一拜腸斷素車塵

洗馬愁猶劇元龍氣未除一身餘傲骨四壁擁殘書憂世情何
切依人計已疏灌園空有約帶月共携鋤

蘭受當門忌焚琴煮鶴同禍延文字裏變起指神中瘼大達人
吠亡羊苦路窮平生執清議惟口竟與戎

人與詩同瘦前超主客圖萊衣借母隱暗後之星孤鴻爪留瀟
水鷗波夢異湖牙琴今已碎吾道若為扶

寄劉熙齋仲懷太守

轉遊如夢雨如煙語別糊糊意惘然朱勃交情同骨肉劉劉夫
婦本神仙君夫人亦工
詩詞解音律橫琴竹下延明月載酒花時泛畫船宦
海浮沉名士老滄河歸釣是何年君有滄濱
歸釣圖

嗚呼萬難事可哀豫章神劍久塵埃及身業共千秋定生面詩
經百鍊開不受人憐憑傲骨能招天忌是奇才龍湖無計戒高
隱孤負青山入夢來

感遇仿山谷演雅體許序

序曰昔謝洪曲江並賦感遇五古謂感於心因於遇猶壯

穆清堂詩鈔

卷中下

四

子之寓言也又山谷集有演雅七古長篇逐句各詠一物
蓋事有不便明言者故託物見意為此創體非詠物也予
客游既久身世所遭時多感憤偶作數律遂以感遇各篇
並仿演雅之例每句各演一物連綴成文語無倫次亦詩
人比興並用之意以之入律則古人所無其體實自予始
然特師前賢而稍變其例亦非創也

宦夢鷓鴣子不完積兔裁鶴兩難安雄狐假虎威先衰彩鳳隨
鴉力已殫牧豕牧羊能富貴屠牛屠狗笑酸寒羽毛嗜似山鷄
舞孔雀張屏傲素鸞

赤白誰排蟻陣兵，蝸牛角上正交爭。
飲霞未必蟬終餓，吹日何來犬亂鳴。
有蕙蜂猶羣肆毒，無腸蟹已慣橫行。
蟲飛蚊響天將曙，枉附蒼蠅逆作聲。

泥中龜尾曳巴蛇，吞象貪如攫食鴉。
蠹月妖墓工匠影，螫人鬼域暗含沙。
鹽車豈合羈天馬，濁水原甘讓井蛙。
九轉蛭蟻同臭味，仙山蝶只餌梅花。

蜃市蛟宮接五都，別開祆教舞天吳。
獸蹄鳥跡交中國，南雉西焚列盡圖。
豈有龍飛愁失水，從無象罔索投珠。
鷓鴣立祀同文啓，載魚車憑豕負塗。

穆清堂詩鈔

卷中下

五

哭及門劉生南吟 并序

南吟名從雅，河南永城人。劉熙齋太守長子也。幼負俊才。

從予受業數年，好學工詩，甫十八以病夭。惜哉。

從學予，思汝依人，汝憶予關心，頻入夢。忍淚急開書，坐對青燈。暗難忘絳帳初傷，哉廉吏子，天道竟何如。

早歲哭孫楚 謂亡友孫菊君司馬，深虞吾道孤。英才期汝繼，大雅有人扶。

書劍逾蒼洱，琴尊斷翠湖。應劉今並逝，流涕眼將枯。

才子天真忌吟，豪鬼亦靈嗟。予頭漸白望，汝眼常青論古風生。

座談詩月滿庭，侯芭偏早喪。誰續太元經。

曩日橫經處，俄悲宿草新。三年成遠別，一序信傳人。
生遺詩一卷，予序而傳之。先業逾期弟，重閭尚有親。九原難瞑目，知汝定沾巾。

詠史 附刻

防海似防秋，飛鷲瘴水流。火輪亂交趾，銅柱斷壺頭。
漢道中行說，唐收怛悉謀。鬼方須撻伐，莫但說懷柔。

黑齒猶通市，紅毛忽敗盟。泊船橫海節，坐甲伏波營。
玉帛通隣使，金牌召罷兵。蟲沙與猿鶴，効命枉從征。

飛炮落天半，震雷鳴地中。三軍猶苦戰，五利復和戎。
宗慤平林邑，高駢討舜隆。誰能抒遠略，萬里快乘風。

穆清堂詩鈔

卷中下

木

潘美重持節，徐商遠出師。邊難綏桂管，戍屢及瓜時。
繫頸期南

越懸頭，未卸支。惜哉老無敵，血戰竟與屍。

臺扼鯤身險，舟先鹿耳沉。豈無羅虎士，力却犬羊侵。
鬼竟為藍

面人，猶諒赤心闔。南關半壁遙，望海雲深。

炮裂鷄籠脊，船焚馬尾濱。澎湖淪異類，金厦仗元臣。
少賤常思

用時艱，競乞身。餘生猶惜死，報國爾何人。

昆池集上

偕南村張甥棠蔭游蓮華禪院小飲海心亭得詩四首

石徑接湖亭入門塵夢醒延山氣白檻沸水花青歷劫天應

護栖禪地亦靈仲宣離亂後憔悴此重經

身世閒雲懶襟懷止水清一盂憐淨碧萬象悟虛明魚戲浮沉

影禽喧斷續聲忘機吾羨汝趺坐愧平生

一白渺無際妙蓮花滿塘善心甘澹泊世法入清涼空後見真

色定中聞慧香六根今淨不採汝供仁王

穆清堂詩鈔 卷下

倚檻弄煙水蕭然心已秋湖山仍往日詩酒幾名流舊約慚猿

鶴新盟踐鷺鷗十年雙翼隔天許賦同遊

自昆池泛舟入西山舟中遇雨晴後投太華寺宿即景述懷賦

呈張雨田春澗姊丈鏡浦春澗六兄

吾滇半山邑行省獨水鄉昆池五百里綠枕南郭傍中有平生

親情如湖水長招我太華遊羈旅清愁腸佳客五六人子弟携

壺觴扁舟買一葉泛泛波中央水天浩無際一色青茫茫揮袖

挹山綠舉杯邀湖光彼岸猶未遠心目先清涼搖曳白蘋花時

送香風香悵然憶舊游因懷如浮湘

再放昆湖舟仍以八月至豈惟山水綠真賦得秋氣漫懷今昔

悲且作凌虛戲浮鷗引竹厨芳莢宵輕柁雲起村樹冥風來水

花媚圓鏡指玉屏仙嶠落空翠景物良不殊放懷自遷異時危

志彌堅身賤道轉貴獨慚佳主人相邀尚昆季何以答叩須臾

蘭永為佩

急雨從北來萬木號秋風山搖水怒立震蕩連長空雷電忽亂

飛一氣浮諸峯峰互明滅離台陰雲中須臾湧赤日天色開

冥濛蒼翠破煙靄洗出千芙蓉雲鬢與風鬢一散玲瓏平湖

淨如拭倒映橫彩虹葦簟蔽石徑萬松約霜鐘陰晴變化速天

穆清堂詩鈔 卷下

定人無功且看青山青無悲窮途窮

煙霞三茅山水竹二何宅羨君諸昆仲復擅好泉石郭門鑑微

波島路蕩空碧里居忘世離清遊每借集嗟予命途乖骨肉久

睽隔老親正憔悴莫由夢顏色豈復思追遊無奈歸不得傷心

異龍湖花木亦摧折君家獨何幸人與地俱逸遂令風塵侶亦

忝山林客與來且成賞事往復何憶請看鸞飛處冥冥浪花白

雨後宿太華寺

疾雨驅雲來吸山入雲內罡風挾雲歸吐寺出山背未雨山如

暝既雨山欲醉晴殿層雲奔暝浮泉山清絕壁懸蜿蜒林杪瀑

流塵飄地輒翻斜
天花媚蕙綠滄薇空一髮
日光碎歸會帶殘霞
鈴語落涼翠徑轉上佛堂
繩床解襪被仙心
悟空明清氣浣夢寐
秀麗推華亭深厚大華
最一爐香火緣感不能廢
涼月秋燈乾夜靜警鶴睡

大悲閣看月

四更上危閣
天宇不可窮
湖山黑一氣
雲霧交寒空
殘星忽亂落
微白生天東
一綫露日角
蕩漾扶桑宮
半體俄出水
躍躍無定容
五色蒸晴霞
千里鳴長風
須臾火輪湧
倒射光能飛
上疾於電碾
破天正中
萬山變紫翠
九霄懸新紅
城郭與煙樹
俯

穆清堂詩鈔 卷下

三

視猶冥濛憶登蓬萊閣
奇觀今朝同會着
雙不借去踏千芙蓉
雨中集髮鏡軒同人分韻得鏡字

飛亭岬立千丈勁
湖光上與山光映
開軒收盡東南天
萬象空濛一覽竟
泉流滙合爭來朝
諸峰拱伏甘請命
冥冥百頃玻璃平
澹澹十笏芙蓉淨
龍女絕代凌微波
神光離合晚妝靚
雲鬟欲倒松煙扶
苦髮乍梳石髓送
西風作雨久未晴
天色氤氳入深暝
坐看層陰蔽長空
何異積塵掩明鏡
同人惆悵我微吟
肯爲風雨敗清興
人間美境豈能常
捧心西子原非病
浮雲擾攘天逾闊
濁浪奔騰山自定
至人閱世珠在淵
幻相起滅仗心勝

任汝太虛本渾淪
萬動終當歸一靜
觀空漸幸塵機忘
履險願覺道力競
正須世外上古容
復我胸中太初性
請看節使壁間文
范節使承勳始造此亭壁間有記取義可與吾言證
中秋海月堂玩月作歌

昆池日落天無風
斷霞靜鬱秋重重
湖山千里望不極
但覺一氣交滄溟
須臾明月臨中峰
霜輪皎皎懸晴空
濕雲暗歛九霄淨
水天一鏡澄
青銅蓮花朶朶扶玲瓏
浮嵐積翠疑相通
峰峰倒影化燁水
玉盤洗出金芙蓉
冰綃萬丈垂長虹
大千普入光明中
山飛水立不見影
人天塵垢皆晶融
浮屠豈獨有仙意老

穆清堂詩鈔 卷下

四

松怪石何清
雄呼吸秋氣
森簾櫳湛然
冰雪填吟胸
玻璃寶界現方寸
五蘊不受纖雲蒙
清風明月美無價
况值多事時
難逢洞庭賞節記
華歲俊遊回首如飛鴻
奇觀何意得
今夕詩情畫筆難爲功
良宵有酒不盡醉
嫦娥應怪詩人慵
君不見古來勝地今陳踪
莫待紅日升天東

太華寺

鳥道一髮橫
山岑碎石夾路苔
花侵流泉汨汨引
入寺到明亭
午猶蕭森千松萬竹
互磨蔽無風亦作蛟龍吟
日光萬古照不透
滄成雲氣天爲陰
遊人相顧髮眉綠
飛翠雨落沾衣襟
晴湖

一角抱山足樓閣倒映波沉沉花鳥水石有仙趣鐘磬鈴鐸無
元音遠收近取景絕妙天然眾影成幽深太華雄厚此清俊狎
盟晉楚無古今春蘭秋菊各有態美人奇士皆可飲嗜遊久矣
厭城市味道漸覺甘山林願將諸天妙明相一證平生清淨心
羅漢岩

古佛從西來飛落昆池方何年化為石孤立一峰瘦眉宇凌高
寒神骨露奇秀破空氣體尊插地根板厚倒垂雙劍鋒割斷萬
雲寶石激水倒飛水衝石不受噴薄萬牛鳴掀舞雨龍門崩濤
鼓旋風晴雪變寒晝水威挫逾雄石性鍊益壽剛柔兩相持動

穆清堂詩鈔

卷下

五

靜失其舊誰止水石爭一洗宗門陋

由海潮卷上老君堂遂至三清閣

拔地五千仞笑湧青芙蓉萬古絕依傍倒插驚濤中孤立不自

異眾山皆附庸至人見眉宇諸賢爭景從丹碧忽照眼上有仁

王宮樓閣寄木抄磴道橫晴空濤聲動鱗甲雲外奔蒼龍撥雲

上峭壁倒懸無根松瘦筋絡石鉗老幹招天風冷翠鬱不散凝

為雲冥濛造化逞心匠至此無全功山半已如此絕頂誰能窮

連山如奔雲因風互縹亘平湖綠山切妙以曲折勝秋寒斂山

容葉落石氣靜飛閣凌空青百里一掌窺劍影沉湖心湛然碧

於鏡花散復圓山眉洗滌烟雲時盪摩風日交掩映一色
鸞虛明萬象入包孕搖漾斜陽中天水光不定漁帆帶遠霞疏
林度清磬笑醉青豆房更上綠蘿磴

雲華洞

峯徑出木末古洞陷山腹神劍削積鐵劃破萬古綠孤高接天
垠厚重歷堆軸一壁中怒開兩崖不能束洞扉半啓閉雲氣互
出入終年不見日天光透一粟忽驚雪花飛乃挂千丈瀑捫壁
不敢叩恐有蛟龍伏中虛現光明外拙返真樸譬彼抱道人深
藏玉在積願製薜蘿衣日伴水雲宿

穆清堂詩鈔

卷下

六

天洞雲先迎出洞雲復送出入隨行雲不知雲氣重洞中天有

痕洞外石無縫石根蛇尾蟠石骨猿臂登長風颯然來雲滂石

欲動斜陽萬松明紫翠眾山拱山勢如奔濤氣與雲爭湧昆池

平不波一碧似潑汞探奇天為警濤險佛亦籠孤行仗道力深

造恃神勇放眼生清涼齋心息怖恐笑問雲中君可許客同夢

吳道士新開石室

崩崖墮太空飛鎮蛟龍穴誰闢一畝宮高路萬仞鐵石欄凌虛

無曉蟻路逾折洞扉呀然開吐雪補山缺瑤芝萌始芳銀乳凍

欲結一色窮湖天半掌行日月松風捲浪花遙空舞晴雪游觀

非下奇人巧異天設雕鑿泚破慘澹山骨裂誰看靜者相自
然挺高潔誰能保宗璞勿使元氣洩

倒懸石塞天橫鋪水吞地霜落石骨清風定水花露波紋壁道
明苔髮凍不膩銀濤浸山根嵌空石齒利磨蕩鋒銳堅搜剔脉
胎細空翠如有聲變化逐雲氣蒼然煙靄開林杪萬峯寄快展
迂倪圖勝讀愚溪記創造傳羽流鑿險功不易有志事竟成人
定天可繼惜哉邱壑疏黷穢門華麗湖山本性遠幽人但一愁
傍晚涼侵衣疏星逗眉際

山後看瀑布

程清堂詩鈔

卷下

七

石罅垂天神絕壁裂一綫破空奔彩虹神劍割不斷澹澹山雲
寒慘慘煙林變衆籟併一聲砰礮競雷林風厲水益雄水急石
逾悍日夜冰雹交終古玉龍戰山勢俱蕩搖天光互凌亂失勢
千丈強銀河落天半倒噴萬斛珠雪花灑如霰山骨洗空明寒
潭亘匹練平生嗜奇觀至此心目眩逝者良如斯臨流爲三嘆
雨後山行紀遊雜詩

一笠破清曉雨餘山氣涼秋雲同客瘦啼鳥笑人忙眼靜光明
界心參自在香津梁疲已久何處覓慈航

古洞莓苔綠天光入杳冥一峰排遠翠高竹削寒青潭靄魚吹

浪松涼鶴墜翎何年勞兒斧石笋闢瓊玲

老樹扶崩石飛雲補缺峯霜黃襯山色絮白畏天容窈窕風髮
淨蟬聯霧鬢濃美人誰寫照絨出玉芙蓉

岩花冬不落山月午猶明時有遠風至微聞樵唱聲羣峯殊向
背衆壑互陰晴古寺多年廢無人可問各

泉洒諸天雪湖鎔萬頃冰煙消山露骨風急水生稜斜日傷搖
落疏鈴語處巖枕流忘歲月蕭散愧孤僧

古渡祠天后雲旗畫颯然當窻帆影細拂壁水花圓香火焚今
日戈船泊往年凌波誰解珮翠羽尚翩翾

程清堂詩鈔

卷下

八

一徑生苔蘚茅庵閉日斜青留霜後葉紅到水邊花舊壁蟲繁
網疏林鳥作家闌前人跡少未及有歸鴉
古井傳仙迹詠茅此薜蘿一盂清見底百尺淨無波城市機心
滌山林道氣多人天分轉念證果憶維摩
前有感

京華消息備誰傳一帙軍書路八千衙石填平精衛海垂簾補
就女媧天後宮堯舜臨朝日輔政師王避位年列聖相承多厚
澤中興功業豈徒然

楚材幾重擅騰驥破竹軍聲不可當半壁職方新版藉十年司

隸舊冠裳旌旗裴度臨淮蔡鼓角曹彬下建康南宋吳家東漢
耿弟兄相繼重旂常

七十堅城氣漸低大星一夜落三齊禁中宿衛唐何力闕外功
名漢日碑畫像畫教強敵拜姓名夜止小兒啼九重酒淚思良
將不忍臨軒聽鼓聲

從戎結髮號能兵請室盤盂送此生鐵聚六州成大錯霜飛萬
里失長城不埋馬草終非福易爛羊頭亦可驚自古無將須重
罰漢廷三尺太分明

飲馬昆池血未乾居然上將又登壇匈奴不滅終胎禍鐵勒雖

穆清堂詩鈔

卷下

九

降豈久安列鎮漸同唐節度何年重見漢衣冠老臣憂國當深
計莫但從容袖手看

野園行

野園日落啼鴛鴦百年華屋成荒邱美人一去不可見殘香剩
積餘妝樓好雄自古多好色當筵一顧忘不得兩朝興亡係此
身始信尤物能傾國甲申三月燕都破米脂驛卒闖帝座貴戚
豪門多被收樓頭幸免綠珠墮拔劍怒斬招降使龍廷乞師髮
上指丈夫不能保室家七尺雖生不如死閨閣情重家國輕甘
爲紅顏誤青史關門一戰雲從龍萬里封王自茲始分藩定鎮

梁王城金蟬風雨悲永明

三柱執永明王於鍾山寺

汗馬功成賜

鐵券湯沐世守同西平高臺歌舞忘吳沼却讓蛾眉見機早藥

爐經卷乞開身官妝何似羽衣好漢廷冕錯工畫策白頭老公

甘作賊窮號自娘能幾許分香賣履同一轍并蛙豈能作龜茲

未免須眉愧巾幗嗚呼老漢平生事事誤聚鐵六州錯難鑄趙

氏塊肉填崖山董公積金滿鄔鳩枉教廷尉望山頭不肯開城

作節度琵琶巷地枝書樓蘼蕪草埋真娘墓一代豪華逐逝波

百年餓魄歸何處君不見吳宮舊徑遊麋鹿金牀玉几狐兔宿

京觀久築鯨鯢屍塗山已朽防風骨藉棘銅駝吊斜陽劫火揚

穆清堂詩鈔

卷下

十

灰土無餘階前往往拾斷斂可惜香魂呼不出嘆息長歌祭酒
篇故塚參差鬼夜哭

後有感

憔悴麻衣滿淚痕流離身世貧親恩他鄉歲月過遊子故園松

楸隔夢魂渡海有心隨皂帽種瓜無路覓青門紛紛鬻海爭蝸

角皎日何時照覆盆

誰教桑梓剪戎沙段室飛鴉事可嗟去國那原猶有母望門張

儉已無家脂膏析骨忘唇齒羽翼離心仗爪牙嘆息樂郊何處

是失林窮鳥倚天涯

窮逸虎踞擁強兵偏將居然負重名虛望田興輪魏郡枉期主
式定彭城國門未息龍蛇戰軍府難調鶴蚌爭半壁東南憂不
細漫誇猛士得花卿

天外冥鴻去不來飢鷹腐鼠漫相猜埋錐甘作囊中物磨楯難
充幕下材壁後人聲驚倒版筵前耳語嘆飛災芳蘭免受當門
忌滿地荆榛亦可哀

家山悵望隔慈暉弟妹關心出處違三徑花枝縈蛺蝶半窓風
日落蚺蟻石田歲儉無租入先塚秋荒有夢飛屈指已無堪隱
地故人不用寄當歸

穆清堂詩鈔

卷下

十一

送李頌卿鳳文之曲郡迎其兄襯即題其湘江曉行圖後

平生熱淚不輕洒今朝送汝何潛潛亦知此行異遠別感念存
歿心為酸嗟汝早年失怙恃一兄又復歸黃泉撫孤事嫂兩無
愧兄骨未返眠不安曲陽幾日程視之不啻咫尺間兵戈擾攘
忘路難疲驢曉踏霜林乾老僕負重衣裳單孤城一角開雲端
平楚瀟瀟湘江寒萬峰飛翠迎征鞍眼枯淚不落水風凋客顏
城南古道一揮手披圖使我涕泗漣我亦有兄歿京國落日腸
斷鶴鴿原家兄翼亭庚戌歿於京師旅葬西山下三尺荒墳覓不得夢魂睽隔今
十年我欲招魂望北燕關河萬里心茫然同為人弟獨愧汝婦

綿此恨應終天屈指四月期事定當早還殘臘將盡春膠熟待
汝同醉梅花前

羅平孫孝子詩并序

孝子名繩祖羅平州孫孝廉秋霞子也歲丙辰東路變作
孝廉散家資圖義勇以守州城遠近賊犯界者皆敗去城
賴以全十年以來大小百餘戰繩祖之力居多賊恨入骨
會和議成罷兵秋霞乃奉其父絮子避於謙山賊謀知因
選死士乘夜圍其家繩祖門焉秋霞得負父以免而繩祖
竟以無援力鬥死矣時甲子除夕也次日秋霞父以哭孫

穆清堂詩鈔

卷下

十一

病歿秋霞痛父及子之頑也圖報復仇甫踰月卒獲賊首
以祭州人既德秋霞又孝繩祖為文徵詩以永其傳爰賦
長古一章並記其事於集俾後之修志者有所考焉

羅平妖鳥何紛紛十年苦戰烽塵昏喋血力保孤城存市不罷
市門不閉誰其守者曰孫君孫君手練白團軍上馬殺賊下草
文有子義勇尤迢羣見賦一怒忘其身陷陣敵爭避嚼鐵登山
人競呼摩雲老羅當道賊胆裂斗大一州堅於鐵何人主撫罷
防秋東路藩籬一朝撤君曰偏處難久居吾甯奉親與城別入
山避賊賊遠謀除夕合圍密如葉孝子拒門賊鋒接三出入

重圍決脫祖脫父力已竭遍體刻畫又飛雪翁聞孫死一痛絕
孫君呼天腸九折誓擒虎子平虎穴哭奠祭筵列親斷仇頭流
仇血時維乙丑春二月嗚呼子為孝子父義士死為祖父死非
死安得人子盡如此生子當如孫孝子

古藤書屋八詠為張雨田春澍姊丈賦

定武蘭亭肥本

右軍十指恐非指醉中搗管如垂虹堂堂筆陣自天落揮酒萬
象開鴻濛陰陽晦明鬼神泣風雨震蕩雲雷從痕迹滅盡運神
力渾然元氣生藏鋒疏密大小隨吾意滿帙結構無一同變化

穉清堂詩鈔

卷下

三

直窮筆墨外姿態妙出神明中生龍活虎不可捉手握造化天
無功平生真蹟亦有數蘭亭一叙尤稱雄殘膏剩馥遠唐宋人
得一體成國工昭陵殉本出五代靖康兵火歸金戎子固覆水
力珍惜白石作考逾推崇松雪香光兩跋後國初藏者孫退翁
紛紛餘子苦聚訟惜無巨眼為折衷流傳幾度到君手神劍自
合歸張公昆明劫火幸無恙暗中呵護勞蒼穹晴窗日暖取示
我五字未損光熊能我生好古嘆觀止如遊五岳登岱宗惜哉
瘦本未得見坐令夢寐驚心胸靈靈善道古有訓此帖况乃千
璜琮六丁窺壁夜窺吼勿使攫取歸虛空

顏魯公祭姪文稿墨蹟

魯公大節何堂堂文苑亦復垂津梁書法乃公餘事耳即以書
論誰謂顏筆端徑寸萬鈞重力透背背森寒苦萬言劃沙一氣
出日月倒懸天低昂飛雲下垂海怒立駿馬踏陣龍騰驤屈伸
變化妙網鬪弟蓄褚薛兒歐陽至人精藝達於道神骨內斂鋒
稜藏平生至性見骨肉傷哉猶子先公亡祭文章罷痛至骨至
今展卷生凄涼流傳首入金石錄借觀嘆絕顏元章重寶過眼
收無力終身遺恨嗟香光題跋半失原墨在不與歷代同滄桑
嗚呼公名重青史傳世豈仗書一掃千秋寶護逾天球生氣如

穉清堂詩鈔

卷下

四

虹終不死不死祿以死希烈皇天以公立臣節請看草草數行
書酒盡忠臣一腔血書家何苦爭效蠶皮毛未得力先竭干將
莫邪自有真天下紛紛多頑鐵

劉松年香山九老圖

自從董巨劍南派北宗一脉幾失傳宣和院體已降格南渡首
數劉松年人物臺榭雨工絕微妙已到秋毫巔此本君從何處
得九老一一如生前二虛對奕鄭公卧劉公斜倚花闌邊一老
據石獨危坐撫須長嘯疑香山其餘四老各神肖龐眉皓首同
蕭然其時仙李已巾葉天步艱難國无裂北司世握神策軍南

衙新染甘露血晚節不污牛李塵保身且喜同明哲一時山水
供遊遊終古風徽沁冰雪畫師落筆意良重似因殘唐悲弱宋
者英佳會久無人東京繁華成昔夢聊將粉墨摹昇平老成凋
謝堪一痛此圖歷世將千年滄桑過眼同雲烟蕭齋展玩好風
日一室晤對皆唐賢風塵瀕洞今如昔衣冠文物久寥寥中郎
已矣餘虎賁撫時掩卷雙淚滴

趙松雪騎驢踏雪圖

虛堂六月忽飛雪朔風洗盡人間熱青山一瞬變白頭冷翠無
聲石壁裂積素連天天逾曠雲影風聲寫清壯峭寒入骨詩夢

穆清堂詩鈔

卷下

五

醒誰歟騎驢板橋上半肩行李人蕭蕭乾坤一色鋪瓊瑤疏林
葉盡鳥飛絕枯枝倒挂珠千條非煙非霧交冥濛天花亂洒層
雲中蒼茫一氣迷千峰峰稜遠沒苔痕融流水生骨昏青銅破
山忽訝蒼精龍道傍怒立千丈松一松橫卧十畝宮鐵骨凍折
銀皮封衙衙餘勢猶爭雄一松拔起凌寒空獨立不畏風雷攻
天半天矯如長虹作者為誰松雪翁松雪自寫冰雪容遠山不
絨雲不渝筆所未到皆天工惜哉不作袁安卧致今餐雪羞蘇
公我別京華已十載每欲賞雪嗟無從安得此圖化真境飽看
銀海千芙蓉

仇十洲漢宮春曉圖

曉曉曉日啼嬌鶯東風蕩漾吹簾旌朱門半啓蓮漏盡三十六
宮春夢醒玉人來往穿花行一人遙立尤亭亭一人睡起妝初
成星眸含睇波盈盈二人對作掌中舞霓裳霞佩珊珊輕君王
簾內看不足趙家姊妹皆傾城貴人靜坐官扇擎老師吮筆心
經營明妃顏色寫不出畫中有畫殊分明誰歟文苑看道經蛾
眉不復仇尹邢梨花搖白柳枝綠落紅滿地春冥冥斜立却倚
各有態澹妝艷服皆多情一筆寫就千伶俦微妙直與秋毫爭
誰為作者曰仇英遠從勝國迫西京漢家中葉方承平武皇求

穆清堂詩鈔

卷下

五

仙變家法溫柔鄉可娛吾生赤鳳歌畢王氣盡坐使禍水消炎
精春華轉瞬換秋色梧葉亂落哀蟬鳴古來工執藝事諫千秋
寶鏡在丹青斯人斯畫不世出神物歲久當通靈展卷徘徊坐
懷古陋哉楊氏唐官屏

米元章瓦甌硯

蒼龍出匣江濤濺書畫船中幾名硯紫潭倒浸星斗飛惜哉硯
山不復見三十六峯安在哉蟾蜍淚滴松風哀要離骨朽氣不
朽元精孕石成剛胎瑤光星降化雲水象形鑿就生瓊瑰未央
銅瓦此其亞青金紅絲皆凡材犀紋陸離暈眉嫵古香拂拭縈

麝棋滄桑幾歷尙完璧不與良獄同劫灰嗚呼南宮一生石爲
命縱有顯名豈足病以娛吾情適吾性其人與硯片可敬君不
見秦磚漢瓦留空名端州近日多新坑紫雲割盡推花青山氣
久絕骨不生俗工鏤刻非天成譬若石田不可耕眼前佳品已
難得何況古龍真連城勸君得寶好珍惜無使案頭神物變化
歸青冥

趙松雪蕉葉硯

松雪平生有硯癖寶此不啻連城壁昆刀手琢端溪雪蕉葉斑
斑墨潘濕美人去矣留故物六百餘年見冰骨摩挲片石松烟

穆清堂詩鈔

卷下

七

香中有吟魂呼欲出堅滑如玉腴如脂天以妙品供臨池流傳

三絕書畫詩想像濡墨揮毫時冬青樹老杜鵑哭怕聽杜宇布

花曲六陵金盃出人間一葉仙雲依舊綠回首宗國天水碧素

頭鸚鵡淚頻滴傷心身世兩瓦全何況區區一方石君不見蓬

山賣卜硯文山玉帶生千秋藝苑垂芳型圖繪亦復流丹青

年若老鷗波亭斯人斯硯誰敢輕惜哉不肯老鷗波硯兮硯兮

奈人何

蔡京元祐黨人碑

垂簾寢舜辭深宮年年社飯悲春風天津橋上杜鵑請宋家福

水胎荆公洛蜀分黨賊同室羣小乘間來相攻元祐諸賢一網
盡坐令紹述成熙豐章惇秉政蔡京繼同文獄起天濛濛勒石
垂戒示天下儼似虛廷誅四凶温公首列路公亞屢朝正士嗟
爲空攸攸佛佛等兒戲開邊妄意邀天功靖康變起老奸敗惜
哉宋鼎淪江東人頭音嗚究何益至今清議慚石工奸臣遺傳
織青史黨人姓字光能熊顏筋柳骨率更體筆力透紙如奔虹
可憐妙手以人喪不然各與蘇黃同前代東林蹈覆轍三朝要
典傳熹宗人之云亡邦國瘁千秋寶鑑懸天中小人勿用聖有
訓免使黨禍流無窮

穆清堂詩鈔

卷下

六

城南感舊

無復長亭接短亭蓬蒿滿地畫冥冥識成石馬天應悔劫燼銅
駝土亦腥細柳新蒲仍自綠殘山剩水爲誰青少陵避地還憂
國豈獨窮途淚易零

晚過東郊有感

蟲聲鈴語聽參差野色蒼涼欲暮時廢寺僧挑丁字瓦荒墳鬼
唱鮑家詩九原只合尋中散五字憑誰替左司一掬西州知己
淚東風吹上白楊枝

過洪化偽邸故址

風雲氣失粉脂香兒女英雄事渺茫盡羅裙飛蝶飄殘銅
瓦化鴛鴦兩朝興廢隨流水百戰湖山易夕陽寂寞海棠花落
後杜鵑啼上舊宮牆

李穎卿招借同人遊龍泉觀作

歲晚興爲梅花渡同人三五欣相從出郭廿里平楚盡天半飛
起青芙蓉水邊一閣瞰山背木杪層塔凌寒空參差宮觀抱岩
腹合沓圍以千林松松雲氣浩成海赤日失影天濛濛寒潭
十畝碧見底止水自合眠潛龍峰頭五老笑招手踏葉一徑趨
琳宮階前宋柏最奇古虬枝鐵幹撐天中俯視衆木盡兒輩眞

和清堂詩鈔

卷下

九

人晚出清墓雄情哉老梅未全放幽花數點掃微紅高寒偃蹇
鬱生氣暗香已足縈遊蜂看花頗覺半開好况有山水清吟胸
人間佳境忌盡取餘賞留待春遊重

薛爾望先生墓 并序

先生名大觀勝國諸生永明王棄眞入緬先生嘆曰國君不
能死社稷乃入蠻夷求活耶吾不忍見明社之屋也乃率妻
子投黑龍潭死明日屍浮水上鄉人收而葬之潭側題曰薛

爾望先生墓

秀才全家殉天子古今奇節乃有此碧潭鄰鄰水花香可惜忠

魂呼不起是時天心厭殘明特祐神靈歸皇清 王師南下永
厯寬馬前迎拜皆公卿布衣甘從烈皇遊不生一日生千秋勝
國山河久瓦碎抔土幸賴先生留捫苔剔蘚讀殘碣水月松風
助嗚咽梅花萬點紅如脂疑是孤臣一腔血人生所難惟有死
何況從亡到妻子草野丹心照汗青百年殺魄戀桑梓嗚呼明
代東林號材藪臨難幾人能不苟蹉跎一旦負所天身世何堪
再回首北海侍郎王孟津合泐尙書錢蒙叟平生風節兼文章
可憐未死名先朽君不見洪武會謫老臣素清水塘邊奉祠住
當時何不逐貳臣萬里來守先生墓

和清堂詩鈔

卷下

三

龍泉觀夜宿二首

斜陽忽西流山水入蒼暝杳杳雲氣深寂寂露華冷老樹迷天
光疏篁補地影潭水澄不波倒含遠山頂踏葉猿亂啼穿枝鳥
交警看梅悟榮虛聞鐘發深省齋心雲自涼涉世酒初醒回首
異龍湖風塵負漁艇

天破層雲開更深月乍吐林葉忽亂飛涼風攪高樹月華炯如
霜山翠鬱作雨地濕烟不流天清星可數樓閣凌虛明花竹增
媚媼山禽喚水禽三兩隔溪語夜色幽秀中奇峭時一露境靜
夢亦清神情心徐悟好景拈目前新吟浣烟霧坐久涼侵衣渾

忘身何處

龍泉觀早起散步觀前飯罷上五老山遍歷各勝遂下起雲閣
小憩得詩四首

夜氣冷侵骨支枕不能寐開門霜襲衣晴嵐曉迥翠木末鳥乍
醒花陰鶴猶睡颯然涼風來千崖白雲碎隱隱朝陽升娉娘遠
烟媚萬松戩長空飛綠濕衣袂古潭瀉石根倒影透山背君動
猶未興峰靜如醉生滅嗟何常一笑心始會
青精餽客飢飯罷及午候雲氣漫空來被起一天微陰晴天不
分赤白雲互門須臾長風號一霎日光透雲歸山不收散為烟

穆清堂詩鈔

卷下

三

痕瘦山雲兩無心人意私左右林鳥亦喜晴歡鳴向清晝

出寺窮幽探曲折赴樵道縹緲五老山殘冬已如笑風豔挺高
寒石骨怪奇峭巖松蔽天縷縷雲出竅山斷雲復連塔高鳥
遲到陰岩蒼烟屯萬古無日照厚重不矜奇天然造深妙世無
康樂翁誰為扶真與

水開枕山脚石閣心蕭蕭寒潭如故人一見心為超老龍受神
制歷劫氣不驕杳杳無底穴一碧含紫霄松風忽震動止水生
波濤天水互摩盪山勢皆動搖風定水亦息眾竊歸寂寥六時
雨花落萬樹風泉交倚檻不忍去斜陽挂林梢

補唐梅歌

唐梅久化此梅補虎賁中謂苦遭侮蟠屈老幹龍衙衙玉蕊臨
風破三五生氣經冬倍鬱蒼枯枝着花轉媚嫩凌空如見縞衣
人眼日欲作霞裳舞橫斜背態各殊高下淺深隨所取色相
沈盡鉛華妝根塵幸托乾淨土沐浴甘露蔭慈雲洒落天花結
法乳冰骨高寒神韻清靜中香氣時一吐林逋去後久無人刻
畫紛紛作異語孤立自可奴羣方處用兒孫冒初祖後來居上
世豈無漫道今人不如古

宋柏行

穆清堂詩鈔

卷下

三

隔牆五老呼不應階前老柏神所憑參天削立鐵萬仞破空掃
落雲千層蟠根入地透岩背石骨怒裂青嶂峻巒鳳飛舞日月
碎蛟龍酣戰風雷升空山抱節閱時代歷劫不受冰霜凌金精
內斂銀髓溢蒼然黛色森鋒稜濃陰滿院凍不透山氣倒入天
澄澄唐梅變化去已久祇有此柏堪代興玉斧一劃淪異域圖
史遠溯多無徵冬青凋盡六陵老對此不覺鬚眉冰俯噉靈潭
不敢唾咫尺恐引潛虬騰摩抄古樹歎銅狄興一過眼如風燈
題李酌莫明府洗硯圖

書生耕硯如耕田萬里一硯相周旋讀書點破五千卷磨墨揮

酒三十年笑把石君呼老友硯山洗仿襄陽顛偶然寫意寄尺
素溪光山色同天然玲瓏身倚石九芴梧桐陰靜風簌簌奚童
倒着水田衣苔花涼浸蕉葉綠烽火十年滯南荒幾時歸卧故
山曲故山昨夢青峻嶒先賢勸事追茶陵懷麓堂圯吟社散有
西崖遺硯君今持此當代興丈夫墨守豈一藝滓如醉割紫雲膩玉
帶生以文山傳千載丹青重手搥只可供勒北山文不須用作
南園記瀟湘春暖波連空洞庭水與銀河通他日君鼓歸帆風
慎勿洗硯雲濤中墨花如雨驚蛟龍

送李前黃崇峻歸湖南

飛清堂詩鈔

卷下

三

十年歸計今始成西風爲子皆歡聲兵戈幸辭虎狼宅江湖遠
尋鷗鷺盟先人典郡故廉吏全家亂後羈邊庭丹旆在途慈顏
老五華日夜思柴荆知君涉險仗忠信半肩况乃晨裝輕三峽
秋高布帆穩至人到處風濤平但嗟弟妹尙天末望雲未免傷
中情衡陽山色連天綠下有君家舊茅屋新阡卜就庭幃安菽
水承歡意亦足洗硯香流內史池君有洗硯圖躬耕地比子真谷漁
兄樵弟相倘伴肯以蓑衣換章服邊隅殺氣慘不舒中原民困
何時蘇楚材蔚起雷雨奮中興大業須人扶恐君捉鼻正難免
物色旦夕來徵書驄駒在門酒在壺送君令我生啼噓故山家

破歸不得反哺終夜啼慈烏瀧崗未表松柏枯同爲人子如不
如嗚呼有子如我不如無

水仙花

湘君踏月開宮鏡凌波一笑晚妝靚水晶闌下珊珊來戲化名
花寄清興玉貌翩翩態欲仙冰骨亭亭氣先靜收除色相歸虛
明屏棄鉛華見逸韵果然絕代自有真不事人力仗天勝譬如
天女散空花塵不染六根淨何須雨露滋萌芽獨賴水心養
性命晚蘭差喜聯友朋芙蓉正可充妾媵小齋幽潔喜相宜金
屋繁華嫌不稱年來耳目厭凡卉見汝可親復可敬風塵幸遇

飛清堂詩鈔

卷下

三

烟霞姿雲水頓返江湖性形容誰能妙語言山谷詩後難爲咏
惜花行

昆明劫火迷天光罡風吹散紅鴛鴦錦字三年斷雙鯉玉顏日
洗香淚香凶訊俄傳殺機起鳩鳥歡鳴魍魎喜湘鈴無力護名
花蕉心剝盡秋不死漫漫長夜天無畫挂壁一燈綠如豆破窓
白及飛寒霜空堦血浸羅襪透戟門擁入修蛾枯九死天罰香
魂蘇綠珠墜樓銀瓶并展轉一日千秋殊老好氣盡銅雀地開
閣自放傾城妹以色愛花世恆有以才愛人今則無柳絮詩筆
蘭臺史惜哉薄命難成書君不見病榻支離綠雲亂綺窓話舊

淚如霰霽膏滴下散花人堯率宮中差一念上帝沉醉百神酣

白日夢夢無雷電九幽縱有孽鏡臺何似生前上方劍

白石江行明顯公傳友德西平侯沐英破元兵處距曲郡四十里

一龍渡江血花紫三十萬兵同戰死延秋夜啓青驃奔皇覺寺

僧作天子九州朝貢爭來王濛元正朔猶南荒一隅坐延十五

載旌旗萬里天戈揚白石江翻陣雲苦大霧匿日日不午巨砲

雷轟箭雪飛六詔山河碎一鼓昆湖水落啼波臣終古天留乾

淨土君不見馬入宮門明社屋天涯流落趙氏肉華山樹染太

師青兕河草埋王孫綠柳香作瘴金蟬鳴帝子魂歸杜鵑哭吁

穆清堂詩鈔

卷下

五

嗟乎庚申甲申一彈指勝朝王業此終始

安甯州

孤城人物兩蕭條幾縷炊煙木半凋官舍背山隣古寺女牆面

水跨長橋二千里外征途始十八年來戰骨銷嘆息文襄游釣

處甘將助業誤漁樵

湯泉

平泉十畝水如湯倒影青山入鏡光暗挽陽和蒸地肺潯然陰

火焚天漿冰霜不到冬迥暖草木常新夏亦涼莫羨華清各鈔

顯深藏瘴境要還方

曉行鸚鵡關

潏然雲氣巨空白勢合千里雲一色石峽中陷破碎天晨星三

五手可摘罡風力盡摧不開遠意全收近反隔衝寒入山山徑

迷遙毒如綫曉露滴倒懸龍骨踏龍背暗履虎尾穿虎脊鴉鷂

呼似小兒啼鶴鶴聲疑老人咳澗邊橫木支危榆林杪飛泉破

絕壁冷光射人馬不前水石酣鬪萬霹靂雲外微辨鷄足峯點

蒼積雪遠窺客對面雲柱雲柱山各勢尤奇巔封趾沒中忽坼山田

高下樓懸梯平楚點澹水潑墨畫哉造化真難量叠摺奇險妙

無跡十年兵火銷戰塵六詔江山壯閱歷日高雲盡歌亦成不

穆清堂詩鈔

卷下

三

令山雲請吾筆

岑太中丞攻克大理杜逆伏誅全滇悉平爰賦長歌以紀始末

時癸酉十月也

維昔宣廟歲己酉侯官尚書戡西陲咸豐中葉滇復亂榆城盜

起尤猖披回紇斬孽據城社三進到處驚鼓聲雷響髮髻冠

服屢覆大帥戕監司流毒豈但遍滇徼離直欲窺川西議勦

譏撫逾十載飲馬忽向昆明池今皇中興赫斯怒師武臣力

天錫之壽茲小醜尚逆命宵旰南顧頻嗟咨特簡方伯授節

鉞帝曰滇撫惟汝宜西林中丞人中傑鴻謀峻烈神扶持親

率援軍破堅壁百戰力解直蘭圍激江首復曲江繼東南重建
天王旗 帝曰西賊久未滅欽哉汝往視朕師中丞拜 命不
家宿牙兵數道同西馳雁門健將督前部北平舊守分軍麾中
丞愛士等骨肉餓則推食寒解衣將佐同心復同膽三軍挾纜
歡能羅七縱七擒妙籌策八戰八克神指揮疾風快掃敗葉盡
上下開拔無踰時連營三面密於網以賊攻賊堅城摧炮煙滾
地半壁碎殘肢斷股隨風飛短兵巷戰血洗刃坐掃其穴殲渠
魁奪門餘鷲鳥獸窟中丞命將分窮追汝獲汝功宜汝罪諸將
受命孰敢違猛虎就縛兕入匣窮邊悍賊無子遺功成拜表告

穆清堂詩鈔

卷下

七

天子提書午夜陳丹墀 帝曰惟予嘉乃績青官少保宜汝爲
賞延及世古有訓黃裳翠羽交光輝軍前將吏暨文武晉秩各
以功爲差音被兵郡縣並賜復恩綸普沛廻瘡痍農商歸業士
庠序五風十雨歌昌期請田其田宅其宅屯軍善後綏邊夷點
若山高沮水潤何人紀績銘雄詞願揚 國威奠南服銷兵萬
世恢 皇基

龍尾關 俗名下關

葉榆天設險門戶此雄關襟帶半湖水屏圍萬疊山風沙通絕
域形勢控諸蠻廢壘斜陽裡猶餘戰血斑

積雪界天碧蛇蟠懸玉龍平湖十九曲倒影散芙蓉隔水落涼
翠凌雪辨主峯儼然苑姑射遺世欲相從

長橋橫一綫俯鑑洱河光亂石咽流水遠帆飛夕陽人家多
岸風蕪半經霜鬢髮江南路漁歌趁晚涼

唐家喪師地明代度神兵飛將從天下奇功背水成與圖拓南
詔旗鼓憶西平漫道九泥塞安邊策可輕

憶昔龍蛇歲花門竊據牢十年遲斧鉞一旦入旌旄善戰推楊
業窮邊於智高臨關一長眺想像重臣勞

萬人塚

穆清堂詩鈔

卷下

美

江水悲鳴鼓聲死二十萬師喪於此天寶戰骨堆成邱古血蝕
盡土花紫骷髏亂舞腥風旋青燐萬點飛空烟白日陰森照不
散千秋戰地無光天是時玉環正嬌寵姊妹承恩兄弄權不奏
敗書奏捷報鬼哭難到君門前邊釁一開殺機動六詔遂歸闕
羅鳳若教將帥得老成詎使蠻夷阻朝貢前誤皮陀後伸通覆
轍相循堪一痛君不見折臂老叟傳新豐幸免身葬滇雲中題
詩慘絕香山翁恨無姚宋廻天聰龍關遺塚荆榛叢朽骨怨與
江流東殷鑒請看楊國忠後人幸勿貪邊功
望點蒼山作

點蒼十九峯峰競雄長夕陽峯獨尊衆峯莫敢抗橫歷七百
里高聳九千丈起伏如層濤蓄勢作豪放元氣湧欲洩峽束忽
迴向峯巔沒積雪嵌空瀉清曠冷光凍停雲終古天日莽衙衙
飛玉龍倒懸碧霄上俯鏡西洱湖煙波互搖盪靈秀結山骨化
工逞意匠石理儼丹青天然具萬象作備始何時剖取供屏障
搜羅崖壑空山靈氣凋喪出寶轉自戕抱璞免無妄物性貴見
用人珍寶天賦獨惜民力窮臨風暗惆悵積素包湖山會登絕
頂望

觀音閣

穆清堂詩鈔

卷下

三九

幽秀奪夕陽徑轉亂石通天盡更無天山水自開關刺空峯稜
青吞岸湖口碧煙外時合離雲中互疏密飛閣嵌危磯靈異傳
自昔人巧疑鬼工厯劫仗佛力面收洱湖光背納點蒼蒼凍瀑
千丈懸古雪萬年積鏡裏十九峯奇勝一掌挹天風颯然來寒
翠動欲滴鈴語空籟帝座隔呼吸氣秋心自春聲喧境逾寂
願借釋氏慈永劫勞民息

感通寺 又名蕩山寺

秋色溟長空徑轉點蒼麓入山不見山古寺隱林木危梁跨澗
峯老松裂岩腹斷峽張如門中鎖溪九曲青天低可捫萬古閤

寒綠白日流濕雲陰風貫幽谷我來坐石樓四顧駭心目積雪
直到天玉龍睡已熟洱湖小於杯倒影見鷄足俄驚天柱垂晶
楹十圍東豈知絕頂上暹凍千丈瀑嚴寒清人心萬象爲之肅
所惜兵火餘在蹟不可復無怪升菴翁樂此欲忘蜀

前明楊升菴先生寓寺構寫韻樓著書借亂後無復片瓦存者

訪寫韻樓故址追悼楊文憲公卽題遺像後

青蓮東坡呼不起西蜀江山色欲死升菴生後四百年奇才一
代各父子子冠詞林父元輔正德失德豈令主帝星忽明江漢
間安陸濟龍飛九五惟公贊父成定策先機一失救不得詔以

穆清堂詩鈔

卷下

三

興王廟先皇別選宗人後興國煌煌遺命傳大行議禮何勞犯
顏色程朱正論天不從紛紛去國羣賢空謚帝逆祀考興獻忍
伯孝廟兄武宗誰云繼統不繼祀和者桂萼倡者璵公時撼闕
同衆哭廷杖不死飛血肉荷戈萬里投窮荒香閨錦字斷巴蜀
蠻煙瘴雨夢生還金鷄盼絕金錢卜寫韵晚構著書樓新詩秀
奪點蒼綠想見簪花縱酒時醉筆一揮紙百束才人自古例坎
軻天子汝名各汝福君不見太白夜郎流大蘇僮耳逐殘年網
解幸北歸公成金齒竟不復身世畧同遇更窮弔古悲吟洱海
曲我來歲暮天雨霜十年兵火高樓荒手折茶花供遺像神彩

生動鬚眉蒼有山必遊遊必盡無酒不醉醉不狂生平嗜好頗
相似應許吾曹同頡頏天風颯颯雲洋洋招公魂送公還鄉吾
滇路接蠶叢長願公來往乘鸞翔告公一語公莫傷明社久矣
淪滄桑

無爲寺

山腹開崕呀青天墜地底倒湧九疊屏合抱九曲水茂林翳雲
青怪石刺空紫元氣扶傾崖萬古危不死左轉出幽谷花宮近
可指石樓歷百級朱闌俯千里洱湖浮諸峯積翠撲吾几雪山
隔金江見表不見裏冷光映晴霄皓皓碧於洗葉榆幾城郭煙

穆清堂詩鈔

卷下

三

外羅聚米消我芥帝廟秦彼造化理靈境窮幽微秀氣出雄偉
李杜及韓蘇惜哉不到此奇觀誰與傳山水久蒙恥題詩問天
公山氣猶滿紙

鳳眼洞

懸崖忽中裂古洞開呀然陰森逼毛髮氣如鴻濛先峭窄不容
步一綫青螺旋石扉半啓閉出入隨雲烟老松寄危石石垂松
倒懸神龍奮鱗甲酣戰飛流泉脂凍太古雪濤翻無底淵涼翠
冒石乳點滴苔痕圓萬象列虛壁玲瓏窮雕鐫奇巧絕思議化
工闕不宜深入倏見日洞盡復一天洱湖近挹掌中峰迢齊眉

瀑流怒漸息蓄意歸平川山水含變化奇正隨境遷惜哉鳳久
去靈跡空流傳

神木橋歌

橋在蒼山香石崖畔香石崖又名雪厓蒼山之中峯也相傳
爲釋迦苦行地至今時現佛光草木恆作旃檀氣洵靈跡卓
著者爰爲作歌

山骨怒裂一橋束岬絕俯跨無底谷嵌空神力架兩崖作使乖
龍化橫木洱海倒浮一掌青蒼山冷結半空綠積霞散入九溪
雲古雪融作千丈瀑罡風捲地撼欲搖曉星如石落可掬祇許

穆清堂詩鈔

卷下

三

飛仙時往來豈容健步縱樵牧壯觀卑視赤城梁武夷虹板何
足方梵天靈氣活不死五色湧現金銀光岬石玲瓏草木舞氤
氲不斷旃檀香火攻雷擊鍊成鐵骨立萬劫僵逾強松柏杞梓
榎楠樟人間凡材空無良後天不老定神物得非星漢白榆東
海之扶桑君不見橋下飛瀑流空青川原隱現雲冥冥石峽阨
水水人立白日倒陷銀河傾奔崖注澗怒益烈塵風戰雨驅雷
霆吞吐萬象助遠勢收羅衆響歸奇聲滇西一色入混沌雲動
直挾千山行山頂積雪連雲表洞照石骨皆光明仰觀如鏡俯
如墨一橋向背殊陰晴欲晴卽晴雨卽雨造化洩盡天無主山

水奇變淪南荒前賢未到吾輩補忽開勿蘭畫境窮時正時變
兵法觀仙橋在望不敢登橋兮橋兮吾負汝

遊崇聖寺 一名三塔寺 登阿育王塔頂放歌

我聞阿育王建四萬八千塔一一如筆向天插葉榆佛國王故
都至今五千換僧履滄桑陵谷幾劫灰十餘一二七七八山經
地志兩渺茫歷代聚訟苦難察欲將興亡問風鈴替屏聲酸不
能答淋漓金碧塗民膏晚仗佛力懺妄殺紛紛浮屠起中原已
先覆且崇彼法我求買勇梯而登上有舍利光澄澄洱海一碧
四百里浮空水氣明霞蒸青天倒影落湖底琉璃碎湧雲千層

穆清堂詩鈔 卷下

三三

點蒼山尖利於劍萬古積雪藏峰稜石骨高寒凍不腐六月壁
立飛泉冰鷄足前伏後欲與金沙江流穿金騰黑水獅峰呼不
鷹雪山大小遙相凌鳳嶺龍峽各自矜向陽作態蒼翠增雲外
一角天忽崩萬松倒戰罷風能崖壑濤城積氣升日光亂閃如
霜燈迤西形勝一掌憑絡繹萬象交峻嶒長歌獨立塔百丈天
縱奇景助豪放江山霸氣怒未降千里盤結勢猶壯身凌雲表
身更輕失焉踏雲勝踏浪疏星幾點青林端銀河一綫紫霄上
蒼然暝色從西來俯視鳥背天宇曠化工力與詩人爭各闢生
面國奇剗清絕催客下塔歸塔身半受綠雲蘊

風峪詠法雲菴

蕭蕭欲風天慘慘將落日山山行截然迎面湧絕壁壁坼左右
張中橫鳥道直造天千級青匝地匹練白雷風破層雲片片碎
如登萬竅迸一聲飛流裂山脊出雲復入雲百折怒激激氣撼
天地搖勢動崖壑開岬然落空潭倒澗雨花滴終古不透天一
色浸寒碧潭上古梵宮三面枕松石松松態各殊石石狀非一
堅冰高崢嶸積雪遠蕩瀟冷光忽交映古鏡河纖悉平生好幽
探到此毛髮立小甜翠微開鐘鳴月已夕

登點蒼山頂觀積雪冰柱諸勝並訪白龍池黑龍池兩泉作歌

穆清堂詩鈔 卷下

三三

紀之

點蒼山高一萬四千丈絕頂龍池潭如星海源上池水白下池
墨交石環抱成長垣奔流萬馬不受束兩壁中斷開一門渴虹
倒垂海怒立元氣鼓盪銀河翻青天紙裂低可捫積雪萬丈迷
乾坤凍瀑柱列撐天根盤古皓皓堅冰屯白日欲死光不溫石
巖萬縷陰雲噴玉龍掉尾風雷奔天水一氣相吐吞滔滔汨汨
還渾渾餘寒散入烟霞分冥濛千里茫無痕秋山萬點羅星文
葉榆城郭孤於村洱海一掬浮銀盆扶桑紫翠懸高瞰遠窮三
藏近六詔萬象迸縮披麻被我閱點蒼古靈鷲諸佛舊跡今猶

存天下名山此鼻祖弟蓄鷄足兄崑崙五嶽相對失氣象何異
諸侯朝至尊今朝到頂喜造極天壯游目清詩魂池中水滿游
潛鱗龍子出入兼龍孫變化隱現如有神咫尺往往生風雲蓮
花雪內開如輪四時不謝香氤氳生氣內伏凍益盛陰寒極處
迴陽春豈風颯颯吹斜曛掃清六合無纖塵靈境偏人氣象肅
造化洩盡天不嘆安得餐霞卧雪棲嶙峋手把芙蓉朝紫閣諸
天來往鸞鶴羣把臂請伴雲中君

蕩山寺即感通寺白茶花盛開花下有作序

寺有白茶花一株高十數丈廣踰合抱係蒙氏故物自唐迄

穆清堂詩鈔

卷下

三五

今千餘歲矣亂後幸存適值盛開之際花大於盤上下數百

朵燦爛如雪一色映天目爲之眩洵奇觀也爰賦一詩替花

寫照

嚴冬花怒開破寒轉春令山茶何亭亭天然自華靚冰雪鍊精
神烟霞養情性孤根枕霜崖陰氣不能病迎風垂妙香向日流
遠韵玉立霓裳懸珠圓碧紗襯斜倩仙雲扶高澆甘露淨向背
無定姿疏密互相映有如藐姑射澹妝照明鏡葉榆蒙氏都名
卉千載剩幸脫劫火焚雅與山水稱豁我風塵襟添我詩酒興
昆水唐梅花比汝嫌瘦勁

麗江雜詩

東風送春色萬里到天涯綠轉荒原草紅酣絕域花山雲翻翠
壁江漲湧金沙金沙江名翠壁山各夢破鄉關遠良辰莫憶家

高下歷階級如梯懸數層曉窓挹山翠夜市見村燈雨過時兼
雪溪流半帶冰郡齋古蘭若郡署即玉皇閣退院似閉僧

地入三危盡郡界連西藏即禹貢三危天窮六詔低日荒麗江北春冷雪山

西殊俗分番漢頻年罷鼓鼙斜陽村樹遠端合亂鴉棲

一綫通西域窮邊控制難梵天遵正朔生佛拜衣冠郡多喇嘛寺歸西藏

轄紅白鹽池竭金銀寶氣殘郡轄鹽井二金銀厥四今皆減色矣鬼方猶假道何

穆清堂詩鈔

卷下

三六

以塞泥丸近年西洋人頻由川取道中維入滇守令詳請改道不允

濃陰天欲雨春氣冷於秋凍瀑圓如柱頑雲擁不流三江繞中

甸湖滄金沙路江皆自中甸經郡治而東萬馬渡蘭州元草囊渡江處在廢蘭州界中望遠懷前

代濤聲日夜浮

夜雪

皓然萬山頂都與雪山同靜夜照如月微風飛滿空聲希有無
際色辨杳冥中陋巷人踪滅誰家火獨紅

雪晴

一色雪山外朝陽明數峰遙青露林壑冷翠失雲松溪水凍盈

尺梅花香幾重何當携鐵笛直上玉芙蓉

望雪山作

飛來山插天萬仞雪未了古雪壓崢嶸今雪門窈窕一白奪日
光皓然壓雲表向背無寸膚人物跡如掃天垠削空明地骨陷
枯高嚴寒齊夏冬遠照放昏曉羣陰蘊真陽元氣凍不老翠割
鷄足低綠襯洱湖小衆山爭來朝金江一綫繞造化逞高潔混
沌閻靈巧終歲與目謀心尺限探討何時生羽翰絕頂俯飛鳥
憶龍泉觀唐梅

仙風吹夢渡滇海夜訪唐梅乘鶴行天荒地老月相伴雪厚霜

穆清堂詩鈔

卷下

三七

濃花獨清根蟠怪石孕奇秀影落寒潭交妙明香界徘徊不忍
別啁啾翠羽催參橫

空谷棲霞養道氣先天鍊迴春交積今絕古寄南詔背水面
山開北枝色香聲味悟空相唐宋元明無妙詩世外姍姍貌姑
射彩雲遙望長相思

再憶龍泉觀唐梅

白雲紙帳夢重到黑水唐梅春一涯後天不老歷千劫劫地破
荒開散花倒映靈湫淨色相憑依峭壁含煙霞神物從來擅變

化乘風莫作龍衙衙

起二句一作白雲紙帳夢
無跡黑水唐梅春有涯

挽回天地仗清氣點綴湖山生媚姿凌風映月百千點戰雪塵
霜三五枝回首彩雲坐懷古關心彼美遙賦詩暗香疏影未免
俗花中合讚人天師

圭山寺老梅

巨津地瘦梅亦瘦老幹經霜花怒開擎雲欲作玉龍門啄雪時
招仙鶴來三兩亞枝映流水十餘碎點粘古苔松風亭下遇坡
老題詩自哂非天才

窮邊萬卉慘無色忽見名花如有神半水半山隱君子不夷不
惠山聖人空林遠帶太古雪殘歲先迴天下春寫照何須仲圭

穆清堂詩鈔

卷下

三八

畫自然世外能全真

文峰寺

碎雲飛不起濃綠異天光石徑千盤曲松風萬壑涼流泉灑晴
雪歸鳥帶殘陽古寺隱山腹遙聞清磬長

危橋度林杪絕壁轉雲根雲盡始知塔林窮遙辨門四圍深井

底一繩遺天痕僧舍蜂房列高低似小村

寺皆喇嘛住持靜室
百數十間環寺而居

儼一
村也

嵌空太古雪萬仞積崢嶸色灑梵宮白氣凌炎夏清峰稜藏向

背石骨透虛明奇景關天巧王蒙畫不成

山重詩爭峭春隨客去遲竹聲風定後花韻雨晴時綠破侵階
笋紅垂拂路枝一杯方丈酒觸我欲歸思

文峰寺看白牡丹

各花開合向滇池意外蘭津慰客思不御鉛華却國色自然富

貴出天姿三句荆公蠟梅詩四句東坡定惠海棠詩姚黃魏紫爭榮外月曉風清吐

艷時未許紅塵泥香界素衣安得化為緇

東風盡力媚花光羅列羣芳捧素王玉立空門同雪色夢回月

殿笑霓裳莊嚴地悟虛明界綺麗天飄自在香縱有徐熙寫生

手洗脂顏白描長

穆清堂詩鈔卷下

三九

七夕

秋色晚冥冥秋空展畫屏客中逢七夕生別羨雙星河漢雲端

白關山雪外青誰家閨閣裏乞巧拜中庭

中秋

昨歲中秋節風簷坐夜闌今宵巨津月強賞異湖看天淨疏星

隱山明積雪寒清光鑿毛髮欲照素心難

十六夜月

一別中秋月相逢待隔年豈知今夜好更比昨宵圓萬籟沉沉

寂長空炯炯懸誰登雪山頂掛鏡彩雲邊

龍祠老桂

古桂鬱蒼蒼靈祠水一方九秋留正色六詔老孤芳劫外天應

惜花陰月亦香不須怨遲暮曾見海生桑

再詠龍祠老桂

孤立開滄桑壽華人欲藏月空憐絕艷風欲妬奇香倒映潭光

碧濃薰日色黃嚴寒貞性在花晚亦何妨

晚眺

郡齋即禪宇終歲傍山林花悟妙明色人生清淨心空勝媚霜

葉流水淡秋陰向晚涼風度飛鳴羨翠禽

穆清堂詩鈔卷下

四

鶴慶石鼓山

山距州城四十里遍山皆石人行即作鼓聲亦字內一奇也

石破天驚處空山聽鼓聲太音今欲絕元氣假心鳴地性原常

靜人心積不平能言傳晉國誰與到邊城

雪山歌

麗江雪山天下雄發脈遠溯崑崙東一支飛渡星宿海穿過西

藏蜿蜒猶白龍梁州黑水截不斷跨江架起十二青芙蓉一峰

高出千萬峰呼吸直與諸天通上帝限斷人天界萬古常以大

花封時無春夏無秋冬真結結還深古雪不化今雪猶湛

然一色嵌晴空重陰四塞元氣死嚴寒入山山骨融表裏晶瑩

透鐵壁向背千里光明中無雷而雷聲隆隆無雲而雲飛蓬蓬
欲崩石繫無根松絕壑倒捲洪濤洪點蒼鷄足造相從金沙淪
潞交朝宗絕頂可望不可上鳥飛無路猿猴窮銀河冰海瓊瑤
宮玉樓寶樹珠簾檻煙霞月露霜雲風玻璃綺練花霞虹人物
萬象難形容一涉譬喻非天功東坡太白去人遠紛紛手筆羞
雷同安得身衣六銖竟輕舉踏雪歷遍山重重俯視五嶽真附
庸

龍首關即上曉行

行人先鳥起曙色漸蕭然殘月欲沉水疏星猶在天雲滿懸蒼

穆清堂詩鈔

卷下

望

雪林杪洱湖船徑轉霜華白遙村上曉煙

松明樓故址

松明樓下火光紫一詔計殲五詔死遺骸狼籍不可辨獨認一

臂賴鐵劍諫君止君君不聽脫劍束臂淚交迸夫生妾生亡妾

亡一身誓不事二姓強隣重才兼重色欲妻人妻國人國孤城

可碎身可捐至今過客弔烈魄君不見桃花夫人稱未亡不思

息侯思楚王晉宮羊氏媚後夫司馬家兒嗟弗如

傅生曠亭招遊龍潭

巨津春冷東風嚴杜門不出如眠蠶郭北靈湫最深秀一笠幾

度經幽探傅生好客解携酒能招我輩窮林巖孰遊快似味

學百尋不厭况再三老木上翼赤日脚短垣側放青山尖玉河

九曲引入市文石四面環成潭苔綠沙白荇藻密湛然明鏡新

開奩穿堤水花湧晴雪惜少岬柳搖氍毹珍珠十斛縱傾瀉風

聲雨勢交沉酣空翠忽落濕雲散倒影岩深天蔚藍平生涉世

百無好獨愛山水成奇貪看山靜驗道氣肅對水動觸生機含

會心佳處豈在遠咫尺越已濠梁兼昆明池上昔烹茗龍泉日

暖清遊請今朝一酌倍芳冽涼沁齒頰香迴甘頻年奔走流塵

俗客頗坐鑑能無慚何當招隱伴猿鶴雪山爲我誅茅菴

穆清堂詩鈔

卷下

望

榆城旅夜大風

萬籟助風威驚沙攪夕暉雲崩天欲拆海立水能飛夜已逼窺

暝秋聲辭樹歸誰憐寒范叔褐服傲輕肥

合江舖

十九峰頭雪寒光射馬前亂山中斷處連樹湧村煙鳥下雲邊

夕牛耕屋上田市人扶醉返新見太平年

溪澗橋

截斷羣峰雲復連飛橋跨澗澗邊陰崖壁不銷雪幽谷經

年稀見天怪石維橫虎豹立枯松偃蹇蛟龍眠嗟予好奇苦無

暇出險倉皇心悵然

杉楊沈早發

茅店鷄聲亂征夫戒曉裝平林遙辨色斜月漸無光溪凍水生

骨橋危人履霜須臾衆山紫雲外湧朝陽

板橋驛距永昌府治二十里

莽莽塵沙客路遙天涯無處不塊消斜陽衰柳西風裡髮鬢昆

池舊板橋

寫韻樓空憶點蒼明詩臺地剩斜陽懷賢昨過天威逕不弔文

人弔武鄉

穆清堂詩鈔

卷下

四三

從和軍門榮軒耀會征烏索夜宿普驛驛作

萬幕無聲片月孤驛樓風閃繡螭弧長空星斗橫兵氣絕塞河

山擁陣圖千里明駝新設使一軍落雁更成都儒生浪負孫吳

略帷幄龍標勝美無

潞江渡鐵索橋

千尋鐵索破空橫俯跨江流到底清襟帶西南窮地險屏藩華

夏仗天成九霄雲捲蛟龍氣萬古濤飛霹靂聲行過危橋漫回

首棋椰花下瘴烟生

宿和木沈山寺

鼓角咽斜照旌旗飛遠空地隣三池外天盡萬山中毒水冥茫
綠蠻花慘澹紅軍行斷烟火遙指廢琳宮

椒欖壩

絕壑松濤午怒號馬蹄踏碎亂雲高塞空萬嶺天無縫如火三

春地不毛重鎮近依都護府戎裝初跨赫連刀自慚涉世同鷄

叻敢謂茶軍富豹韜

鐵壁關

連山湧飛雲萬仞削積鐵壁立排崇墉中低勢微缺雄關扼咽

喉一綫路欲絕穿石行復通螺旋歷九折萬木蒼蔽天日光黯

穆清堂詩鈔

卷下

四四

如月空翠覆亂流秋聲寄殘葉天險爭重門百載幾浴血守禦

得將才鳥飛不能越邊防華夷分勝算主客決憑高小滇西山

川遠羅列潞江細於帶金沙半明滅九曲奔盤龍環抱雪山雪

雲中點蒼尖出沒青一瞥造化秘靈秀元氣久鬱結名世應運

生天心待賢哲高歌從軍行冷盡壯懷熱

軍中遺懷

廣武何須嘆步兵英雄豎子兩虛名呼鷹縱獵從軍樂快馬輕

刀出塞行萬里雲山憑閱歷中年意氣尚縱橫請纓磨盾真吾

事久矣潛悲脾肉生

烏索官軍大捷賦詩記事

賊壘憑河一炬收投鞭宵渡萬貔貅餘威淝水驚風鶴奇捷田
單縱火牛戰地星飛鮮血肉蠻天雨落碎骷髏孤城蕞爾長圍
合蟻穴生能幾日偷

喜聽全軍唱凱還寶刀新染血花斑來朝破趙方傳食昨日張

燈已奪關蛇豕毒銷三池外鶴鶴雄震百蠻間聚殲指顧清南

服銘湧鴉飛不到山

鴉飛不到山
在騰越界外

旋師夜宿雪山下作

白日無光馬不前連山積雪入雲邊軍行自古無人地鬼哭中

穆清堂詩鈔

卷下

聖五

華以外天六月陰風冰作海五更刁斗夜如年劇憐戰士衣猶

薄豈有恩同挾纊然

題朱和之郡伯所藏王元章畫梅長幅

宋元畫梅兩高士吳仲圭與王元章仲圭遺筆世罕見元章真

跡公能藏生綃六六挂素壁古梅一樹橫幽光此畫至今六百

載生氣鬱勃神逾強縱橫老幹削積鐵龍身蟠屈怒蓋烈斜枝

搖宕如臨風疏花掩映疑受月根沒怪石石沒苔活色生香兩

高絕墨痕欲盡奇境開道染無邊太古雪想當作畫揮毫先胸

中萬梅皆自然元氣運臂臂運指神妙獨得秋毫顛歛筋入肉

骨入韻精力透紙鋒銳圓意匠直欲忘筆墨隨手揮洒仙乎仙

應無盡無有盡有體物師心心師天我聞元章本志士避亂晚

作隱君子平生壯志鬱不伸奇意淋漓畫梅數紙惟其畫梅不盡

梅遂以畫梅冠畫史執書求畫笑後人即使得神亦淺矣何況

區區僅形似元章可作應冷齒我公寶此別有由先人手澤宜

鑒收書有文
定公跋靈畫善遁古曾有珍藏莫使桓元偷

楊林驛

長途傍水經三折小市鄰山未百家半渡馬頭落飛鴉隔林牛

背立歸鴉綠蕉風動亂鳴葉紅藕雨晴齊著花鬢鬢異龍湖畔

穆清堂詩鈔

卷下

聖六

路故鄉回首渺天涯

曲靖陪李玉農賦贈

西風吹醒雁聲哀各有鄉山夢裏來喬木半因兵火盡菊花偏

向戰場開詩銘今古成雲氣天子窮愁錄異才歧路勸君真何

首鶴鶴原已沒蒼苔世弟林已歸道
山不勝存亡之感

送王雁峰精太守歸里

鸞鳳銜羽鷹隼翔駘駘飾首驛驛病畏途九折任孤行直道三

鼎羞在徑焚香每夜告上蒼典郡與人頌善政春夢黃梁風喚

醒秋山白雲天持贈枕流誓洗簪纓污激石期與漁樵並浮湘

遠尋鷓鴣盟望衡始愜麋鹿性孟光舉案話別離叔黨趨庭待
温清林下續著虞卿書花前閑和游仙詠幾人官情似水澹于
秋文苑及身定生平阻客鐵門限公獨我親我公諍互策學術
異時趨交印文章借古鏡縉塵不許浣素衣青年久矣凋綠鬢
貴綺採芝逢漢隆巢由飲瓢際堯聖蓬蒿宅燈仲蔚張亂離耕
愧谷口鄭有田可歸溪可漁臨歧送公爲公慶

楊娥曲 事見通志及漢詩略今省
城小西門即妓賣酒處

楊娥笄年擅材武桃花人面爭媚媼娥父娥夫事黔府從亡緬
海死殉主伶傳一身返鄉土夫仇國仇况有父入宮無計甘色

穆清堂詩鈔 卷下

七

蠱當墟自作酒家女背人香淚落如雨鄉人治飲正色阻心事
難言以眉語王郎就飲羣少年倚醉調笑呼婢媼豫斷六鏡嵌
窓前手擲惡少犬寶間瓢澆沸水肌無完羣起攻娥張空拳土
臂橫掃奔而顛明朝報復至盈百四面圍娥屹堅壁履端錮鐵
臂約金碎首莫敢當一擊聳身躍出重圍中飛度天街仍玉立
再圍再躍鷹隼疾健兇雲散愧無敵吳淪重武尤重色立釐金
繪聘傾國高築銅雀待小君終老温柔擁合德七香車迎納有
日天不祐娥死一夕當年倘諸舅戀偶合歡杯傾絕命酒金屋
醉斷老葦首撤澹拒命亦烏有爲問析骸傳九邊何如竟死美

人手

早春湖上

湖水碧於酒湖亭明鏡中寒花嶽暖日弱柳媚高風白馬收金
碧紅羊換段蒙巡簷聽鈴語如弔廣吳宮

旌旗紅映水魚鳥避笳聲銀練千軍滿弓刀夾畔迎邊隅休轉
戰節使遠徵兵未夕譙門掩探丸夜驚

題陳蘭卿 太守陳圓畫像 俱有二一馳放
一比邱服也

宮衣舞罷換袈裟色相流傳古佛家銷盡艷情參慧業化身原
是妙蓮花

穆清堂詩鈔 卷下

六

馬入宮門戰血腥花移金谷感飄零衝冠一怒山河改不負紅
妝負簡青

皇來兒去一身留合浦珠還笑墜樓知否有人宵刺虎血花紅
濺玉搔頭

桃花馬上望如雲石砧旌旗五色分一樣丹青傳絕代凌煙爭
似女將軍 謂秦將軍
良玉

商山遺塚莽榛蕪翠海粧樓間有無輸與南朝蘇小小埋香猶
得佔西湖

彈指豪華逐逝波憐香弔古意如何千秋誰匹蘭卿畫祇有梅

村一曲歌

九日登螺峰頂望昆池放歌 社題

中秋記放滇池船大觀樓月當霄圓螺峰遙嵌玻璃盤西北維
蝶憑林端重陽直上螺峰巖怪石壁立狼牙堅橫磨大劍排霜
鋌叫絕三面凌平原菜海一勺清冷淵五華對峙容隨肩萬家
煙火環尊前隔城湖水平浮天漁舟出沒空明間西山九朶芙
蓉懸晴嵐濕嶂青娟娟山光中斷湖光連雲氣掩映輕含煙須
與雲歸風蕭然水自爲水山還山碧鷄鳴鶴交聯翩寶象金馬
相迥走蟠龍九折奔蜿蜒銀稜玉帶橫斜穿壑池習戰西京傳

嘉名雖同人代遷段蒙開國蝸角邊紛紛鬪爭後先元明終

始皆吾滇英雄豎子今誰憐斜陽葉落秋聲起湖山寂寞逾千

年北郭十子遺殘篇升菴華詞蘭茗妍石淙楊與南園錢偉人
豈必兼騷壇吾儕對酒思前賢欲託文字酬山川登高無詩如
寒蟬山靈應笑才非仙高歌未敢追青蓮焉名或似蘇少卿

題錢南園侍御杜少陵垂鞭鞞 社題

我聞錢侍御立朝當乾隆直聲清節天下崇詩畫兼爲文苑宗
詩入子美室畫比龍眠工何時追寫嬰鏢之是翁垂鞭鞞控行
巴東杜陵翁汝詩變化猶神龍鑿破混沌開蠶叢三才萬象羅

吟胸偶然吐氣光皎如長虹奪盡造化靈異天無功真宰罰汝

居無半畝官許身稷契志不遂霜蹄一蹶嘶長風西川流寓憂

兵戎諸侯幕府誰能容男呻女吟四壁空猶復每飯不忘君國

忘途窮詩人苦抱靈均忠南園平生師杜公善畫律細公詩同

公救房琯改官進入蜀至今風義高華嵩南園劾時相貶秩來

乘御史驄治亂世異節不異精神相感心相通爲公寫遺照款

段嗟龍鍾立仗馬鳴斥不返紫陌按轡青絲籠坡陀林木煙冥

濛須眉尚友千年中貌似神似等皮相是人是馬深論皆無庸

我生少日陷戎馬廿載彈指驚飛鴻書劍飄泊成秋蓬名場得

秘清堂詩鈔 卷下

五

失爭鷄蟲自愧解詩未解畫瓣香欲繼唐賢踪桑梓前輩當敬

恭獨立望古吾誰從

拓邊樓晚眺 社題

俯歷西城高偏空遠勢倒凌雙塔東四山雲凍葬寒日萬木霜

枯掀朔風金碧合離鳥飛外元明興廢盡沙中英雄豎子盡塵

土何暇憑闌思沐公 樓爲明黔國公沐天波所建

十二月十九日吟社同人公讌集翠軒爲蘇文忠公壽卽

題遺像

憶隨先子官東牟 道光己酉春光大夫 扶桑破曉雲油油東坡

祠貌對海市眉宇翠奪蓬萊秋西望峨眉五千里元氣不老天
難收子雲相如未足洩靈秀景祐丙子謫公飛墮白玉樓豈獨
文章俯有宋忠節治績時無儔一門父子鼎足立八家中角孫
曹劉筆端神龍迴萬牛李唐李白周莊周弟蓄黃鬼師事歐世
人欲殺知何尤終身命與身為仇後貶嶺表先黃州雪堂赤壁
頻吟謳勝蹟幸賴公名留春夢喚醒登羅浮江風海月天南陬
彼蒼假公壽山水繪聲繪色千秋酬二情二蔡真虬蟬禁藏公
集仍嚴搜至寶傳世力難掩人珍遺墨逾琳球天人玩世同浮
漚詎必如狐經首邱公靈水瀉無不到乘風來往駭文虬玉斧

穆清堂詩鈔

卷下

五十一

一割淪異域彩雲安得凌雲遊生所未歷神少休金江况接岷
江流新都後起楊用修窮年寫韻蒼山幽楊門六君負文彩鷄
比恐作蘇門羞歲云暮矣風颼颼集翠軒枕昆池頭心香一瓣
酒一甌後生私淑情綢繆祝公純敬拜公像公應色喜開吟眸
天界公才齋公遇名士自古多離憂君不見屈原放鄒陽囚著
書虞卿甘窮愁

題趙樾村 廣文劍湖漁隱圖

劍湖入畫猶方塘詎及洱海青汪洋故園一泓勝萬頃兒時游
釣情難忘白雲親舍望不到冷官小窻昆池傍垂綸他日誓歸

隱尺幅先寫鵬波鄉湖上舊業經兵荒面湖手擬誅茅堂白蘋
擺曳飛過牆水花散入山雲香網晒紅樹帆斜陽如葉舟泛波
中央釣豈必得得豈賣空明界關心清涼鼓棹遙答曲款乃漙
纓近取歌澹浪卧遊不羨輞川壑避世何異雲林莊江湖千古
幾釣客志和魯望同行藏涓濱老漁不解事晚拋篋笠稱鷹揚
人倫至樂自天曾艾荷風裏輕羨鼻莫惜麟鳳甘遁野生非其
時難為祥我別異湖二十載披圖竟欲浮輕航何日君歸我亦
返一竿分席餐湖光

龍泉觀梅花同天船厚菴作

穆清堂詩鈔

卷下

五十二

龍泉龍靈潛鍾梅梅形倔強乖龍乖半生半死老逾勁俯視羣
卉猶羣孩根蟠怪石枝裂苔神寒骨重先天栽薄暝香逆朔風
遠破曉花犯嚴霜開湖山枯槁秀色掩天地斡旋清氣來性靜
坐歷萬物變心貞磨殘千劫灰花光洞照古雪暖日月倒影無
纖埃深谷首出見高格濁世玉立知仙才名花祇合名士偶詩
家蘇陸遙追陪林逋高啟未免俗豈有刀尺工剪裁廿年載酒
幾游賞無詩恐被花神猜長歌為梅闢生面寂處彩雲花莫哀
龍泉觀看梅花 社題

潭水黑於墨梅花紅欲然幾株着亭榭一色映林泉山月凍成

雪春風香接天故園斷芳詵夢繞異湖邊
林下青惟水林端白是花水風吹不散花氣半成霞仙鶴許同
夢閉雲何處家元章舊借隱垂老尙天涯

昆池集下

石屏朱庭珍後園著

周鄭質

臣不臣子不子萬古奸雄寤生始假許田祀周公陰謀權略曹
 滿同弟餽口母蒙難穴地及泉隧相見先交臂後交戰射王中
 肩王卒亂王亦能軍奔而殿噫吁東遷依鄭敗於鄭何怪九鼎
 有人問無弟無母尤無君誅心詎免春秋文齊晉圖霸知尊周
 蕞爾鄭國吾汝羞

驪姬啼

立驪姬卜筮左臣曰不可君曰可妾為夫人事在我夜半啼二
 五偶集苑集枯付盃酒有人中立無可否太子縊二子奔荀息
 雖死孤君恩奚齊卓子皆冤塊天未絕晉必有主一龍上天五
 蛇輔幸哉公子能幹豈但晉亂成女色夏殷兩代同覆轍驪
 山一笑周鼎遷不待再顧傾人國君不見禍水滅火亡劉家南
 風烈烈吹白沙鸚鵡摘盡黃臺瓜野鹿銜出宮中花

長平坑

戰長平秦趙爭廉頗堅壁如長城反間行青蠅營趙括代將坑
 趙兵四十萬象束手死胆落白起小豎子應侯阻罷誓不起杜

郵伏劍嗟晚矣新安坑卒隔彈指天道循環類如此莫怨烏盡
 藏良弓名將殺降無令終曹翰子孫半乞食武惠果棄猶三公

毛遂薦

平原奉使誅連衡門下十九人從行交臂幾失毛先生錐處囊
 中君不見脫穎而出臣自薦升階目睨楚王面合從為趙實為
 楚請王豈盟作盟主次及吾君次及臣公等碌碌何足數咄哉
 三寸舌賢於十萬師平生好客豪舉耳賢才豈受公子知隱賈
 漿狎博徒信陵微服君能無天下士不止此布衣尚有魯連子

侯嬴謀

秦兵日夜出函谷視破邯鄲如破竹趙倘先亡魏亦虜弱肉安
 能免餓虎百計說王王不聰赴死期與平原同驅車過別夷門
 翁公子行矣臣難從數里復返奇謀工兵符夜竊宮掖通朱亥
 借至前軍中奮錐碎首流血紅知人愛客真英雄破秦人力非
 天功吁嗟乎侯生抱關兩鬢白執轡道左迎上客不以貧受公
 子財俠士豈慕黃金臺感君知己為君死臨風自刎送公子管
 夷吾生可恥豫讓報主猶愧此

荆軻刺

白虹貫日劍光紫四座白衣送秦使酒酣高唱易水歌登車西

去髮上指地圖獻秦王喜七首露秦王起繞柱追擊徒爾爾一
發不中事去矣祖龍不死荆卿死壯士劍術乃如此九泉難見
樊將軍一死枉負燕太子君不見漸離筑張良椎天命已定不
可回不如山鬼能知一歲事華陰道上速汝至

鉅鹿戰

定陶敗武信死秦兵百萬勢虎兇鉅鹿孤城入網裏陳餘不敢
救張耳劍頸交胡坐視此楚軍救趙中道止誰爲冠軍宋卿子
軍中置酒歡高會士食半菽迫殘歲亞將按劍向公語與趙并
力秦可舉將軍笑公計何左坐而運籌不如我拔劍手斬將軍

穆清堂詩鈔

卷

三

頭渡河破釜沉舟列國援軍數十壁從壁上觀莫敢擊楚軍
銳進一當百呼聲動天天變色九戰九勝風雨疾王離生擒蘇
角燈諸將謁轅行以滕新安坑卒血流碧阿房宮火飛霹靂西
楚霸業此戰力惜哉項羽空英雄失計不肯都關中人心天命
歸沛公鴻門縱敵鴻溝同河北倘不捷鉅鹿西師安得入函谷
君不見周家世宗征不庭趙氏受禪天下平

背水陣

行水結陣先奇兵大將旗鼓凌平明懸軍深入出井陘呼吸成
敗爭死生精騎二千手幟一間道疾馳入趙壁拔趙幟立潰赤

幟壁上一色火如日趙軍空壁正逐漢水上漢軍輸死戰驚見
漢幟趙軍亂二十萬衆破一旦王歆擒陳餘死全燕望風下片
紙奈何漢王稱漢使辰馳入軍固未起奪軍易將若彈指君不
見細柳閉營拒天子亞夫軍令豈似此

滹沱渡

卜者王郎河北起二十四郡望風靡蕭王請見邯鄲使出門南
行欲何止河流驟凍滹沱水渡未數步冰解矣風雨濕衣冷透
體豆粥療饑破屋裏險阻備嘗重耳蛙聲絕紫色死赤伏符
作天子望都相去僅百里白衣老父道傍指非人非神尤非鬼

穆清堂詩鈔

卷

四

天命豫定宜有此部南壇火德繼崛起田間歷百戰高光昭烈
同一例更始盆子尚無成何況妖言觀神器君不見銅馬帝

白水灘社題

卯金刀缺鼎折足蜂目豺聲據黃屋真人白水乘赤龍手提一
劍五鋒復劉氏與李氏輔入洛陽登九五重見漢威儀劉秀真
汝主更各應譏笑國師庸知非僕却非汝始信帝王自有真器
然大度同高祖君不見莽造符瑞欺天下泣抱孺子宵非詐天
水吃人望非分叔皮爲作王命論誰欺代漢當塗高井底蛙豈
汝曹

鳳凰來 社題

東海鯉化為龍草付王咸陽中鳳皇雙飛入紫宮內嬖一雌外
一雄堅頭雖堅不出項風聲鶴唳驚八公鳳皇不集阿房祠毀
室變作鴟鴞凶魚羊食人流血紅攻城一炬千門空噫嘻家兄
皇帝請速送錦袍覆身忘同夢西秦豈無人惜哉景略言不用

中山都

幾人稱王幾稱帝五胡亂華等兒戲泥水一敗涸池蒲冠軍氣
已吞鄴都丘八夢破潛身來先業幸復燕昭臺生平骨肉多缺
陷改名應識胡為哉長安氏王頭有角南取巴蜀北河朔混一

穆清堂詩鈔 卷一

五

欲成晉武功可惜遺言負景略五將山鳥啼春風白首定鼎中
山宮老矣餘智探囊中間道破魏平城東參合封骨茅津同晚
節不為晉獻公吁嗟乎不聽婦言立長子豚犬流豈寤生比周
室鄭武終勝此

鸚鵡夢 社題

李花落女主昌金輪高轉鏡殿光短髮重長武媚娘大周皇祚
移皇唐夢中鸚鵡折雙翼莽新文母祔太室姪廟祀姑古豈無
老狐暮氣殺機息二子召還翼復張梁公一語適相值君不見
東之復立盧陵王則天尊號如上皇樂府重歌章條桑平勃安

劉滅諸呂記不女製皆汝有子不願事女主

青城哀 社題

青城毡帳如雲集女真滿萬不可敵孤軍深入汴圍急廟堂主
和不主戰六丁兵敗郭京窺天子出降跪下殿青衣行酒從臣
哭懷愍亡國同一辱泥馬渡江半壁蹙北面事仇甘臣僕吁嗟
乎轉瞬金源亦有渡青城即元駐兵處百年兩朝閱殘夢幽蘭
一炬酷於宋

錢南園侍御仿趙文敏八駿圖 社題

伯時畫馬心無馬馬如騰空筆未下松雪畫馬心有馬八駿馬

穆清堂詩鈔 卷一

六

出一筆寫南園意近有無問畫馬品豈以雪亞赤驪盜驪勢昂
藏山子踰輪態瀟灑白義長驅渠黃隨前者雄傑後閒暇驪
磨疇高樹傍駮耳飲泉亂石罅八疇行立神各殊有聲有色忘
入畫松雪生當殘宋時日擊鐵騎蹂中夏債轅禍竟延六龍天
水湖山同碎瓦南園身際全盛年一顧羣空洞庭野欲拔名駒
貢天開無奈國成秉姬姬戀棧伏櫪舞登牀立仗一鳴甘斥罷
治亂世異丹青同先後懷才淚盈把邇年番舶沸海水火輪雄
飛萬馬靡安得八駿練騎兵陸戰日行三萬里華人使馬如使
船能縛鬼生殲鬼死請臨此圖獻天子

菜海看荷花 社題

破曉禽語嬌新晴湖煙歛盡湖波平荷花滿湖白於雪香風拂
道遙相迎高枝出水翠葉捲玉盤露滴珠盈盈天公微雨助膏
沐湘妃對鏡濃妝成驚鴻顧影勢欲側嫵媚微步凌波輕疏密
高下各異態神光離合難為名幽人空谷耐伏處志士濁世全
艱貞污泥不染見素節豈獨以貌誇傾城嗟予愛花非愛色花
中君子尤多情秋氣靜愜鳥魚性野服時尋鷗鷺盟四圍見花
不見水花叢透漏天痕青靈根細切縷思密仙心妙悟同瓏玲
炎威退舍避香界盪胸冰雪融聰明賦詩贈花花解語花欲無

程清堂詩鈔

卷

七

色詩無聲

碧曉謁升菴先生祠 社題

才人恨事無過此香閣錦宇斷雙鯉大禮未定大獄起惜哉新
都楊太史宋召英宗入宮邸立儲正名有年矣世宗承統自外
藩兄終弟及未為子欲尊所生豈得已奈何動引漢園禮君臣
交惡傷國體午門再杖幸不死遂令荷戈老金齒平生著述百
卷餘六朝詞賦關華綺楊門六子沿餘波蘇門未許輕竊比南
詔山川多舊迹祠貌重新彩雲裏碧曉山色返照紫鬚眉古秀
映滇水手撿溪芹食蘭芷吟塊何必戀棠梓君不見白鹿夜歸

賦僂耳屈原自沉汨羅底地下相逢倘從違異代思公為公喜

昆明懷古 社題

表裏湖山一氣雄滄桑幾度彩雲中鑿池枉習昆明戰假道難
求大夏通金馬西來凌寶象盤龍東折走長虹漢唐遺烈今安
在割據何勞弔段崇
西域賢王假節臨荒墳斷碣鮮花侵汾陽已草朝恩面諸葛終
收孟獲心兩世雄風隨日遠六河流水與雲深古來各將原無
種車騎曾傳漢代金

程清堂詩鈔

卷

八

招漢趙佗願逐汨羅遊地下許教中慶逐天戈梁宮久矣淪秋
草異代猶憐鐵立歌

汗馬功成帶礪上公世守古梁州兩京廟社棠蔭日一旅君
臣棄國秋雲斷朱波龍去遠月沉滇海鶴歸愁兕河不及梅花
嶺尚有衣冠夜出游
乞援星夜達遼陽縞素二軍赴戰場化鶴全家從故國攀龍異
姓列真王兩朝叛逆如侯景一鎮稱尊笑董昌莫向野園尋舊
蹟收臺人老佛燈傍

菜海雜詩 社題

一色荷花百畝塘海心亭子水中央茶煙縷縷紅蘭外消受薰風自在涼

游魚大小競浮沉爭食惟聞潑刺音輸與信天翁最好平生飲啄不關心

幾行楊柳受風斜紅日街頭聽賣花記得少年携酒伴清明時節醉曹家

衣香鬢影膩如雲人面桃花遠不分更有淡妝誰氏女薄羅衫映藕絲裙

爭羨慈雲座下香花陰比翼羨鴛鴦天涯倘遇東風便吹送檀

穆清堂詩鈔 卷九 九 郎返故鄉

龍湖水沒釣魚磯望斷鄉山夢亦稀留得香閣臨別淚多年不忍洗征衣

山色湖光似昔時映虹樓上泛金卮荷花桂子年年好七度槐黃髮已絲

結宅名山夙願違青琴愁聽鼓湘妃鹿車終隱借誰挽甘老風塵不憶歸

贈楊竹溪 高德 廣文

文陣揚無敵奇才命與鷲官隨殘夢擲老伴少年遊浮世添棋

局清歌醉酒樓洗毫惟古雪奪盡點蒼秋

味道甘於蔗空明月在心功期臨老密跡笑入山深掃石題紅葉眠琴斷綠陰 君斷絃數年未續娶也 才人多慧業梅鶴共雲林

贈臨川陳子宜 高 卽送之嵩明

涪翁道園後忠雅及香蘇南詔音誰嗣西江派未孤嗟余才已盡望汝力能扶一笑心相印拈花悟得無

一統車書日休爭寄籍年驂駟阻初路鴻鵠奮高天昭諫貧棲越長江遠入滇列朝文苑在科第幾人傳

近邑新爲客殘年暫得歸雲山親舍繞雨雪驛亭飛負米情猶穆清堂詩鈔 卷九 九 切誅茅願久違昆池芳草綠知不負春踪

門叩五華深湖樓酒共斟荷花香欲雨松翠午猶陰社結陳雷

契圖成主客吟心隨天際月送汝到楊林

長歌答李厚菴 坤 茂才

頻年書劍游昆池湖山風月收歸詩天然變化宜吾師吾滇大雅傷凌遲李生嶽立青雲姿其人與筆皆不羈上窮正始追希

微南園味雪知爲誰我年漸老精神疲病馬詎復臨風馳君今年少氣更銳一日千里當倍之昨者長歌手持贈傲帶過許干

金貨橫空慘淡關意匠鑿險排異成雄詞赤髯生拔火龍血碧

三倒挂珊瑚枝蓮湖結社幾角藝七國塵戰爭雄雌田巴心折
魯連子名山業豈容吾私南紀元氣鬱不洩天縱吾黨開靈奇
蓬萊春暖花離離承明著作君尤宜文章華國餘事耳丈夫助
業當及時中興老成近凋喪曠使四海無瘡痍待子功成賦招
隱一笠共採商山芝

贈臨川雷菊農鳳鼎 主政卽送之陸涼州

雷生年少非凡才東風吹暖心花開西江南詔隔萬里山川秀
氣全收來縱橫詩筆出意外天馬空行九州隘有時一樓蟠心
精剪水并刀關清快平生持論蘇韓宗詩法儼與兵法通五花

稷清堂詩鈔

卷

十一

八門變不窮雄奇化入精微中去秋湖樓結詩課偶得吾子持
自賀敢云衣鉢有傳人鍊石手補南天破今春過我告將別六
涼河畔花如雪亦知此行祇經年兩地同心寄明月五華昨夜
風怒雲旋族憂醉人翻不醒醒來夢失龍湖青見池流視山圍屏
嗟予老矣今無成不幸僅以詩家名君才笑過千人英勉爲新
雨蘇蒼生酒酣敲碎玻璃聲爲君隸賦升天行

寄懷許心出印芳 廣文

生同時地長同志宗西江派成南音君詩學山谷少與予前修
以詩受知先師其後身侍
新詩境闊曷道險冷宦情奇滇雲深胸羅萬象運諸掌指片

百家歸一心石涼不作荔扉去興餘曠辨焦桐琴

年荒世亂亂天下心亂學荒荒一身文章君已邁丁卯戎事我

愧編壬辰君與予同入省志局兼修戎事一
門君墓道光一與予集歲同丁卯代相思翠海落黃葉

昨夢吳湖親白蘋者書漁隱雨無分煙波泛宅輸先民

稷清堂詩鈔

卷

十二

序

筱園孝廉既刻其穆清堂詩復出其近作三集見示讀之思愈清妙筆愈奇峭才氣愈跌宕縱橫而初無慘澹經營之蹟蓋錙鍊之極歸於自然其詩之與年俱進者誠不能窮其所至也筱園自壯角以詩名當代名公鉅手一見為之心折而遇彌窮詩乃彌工生平自負視天下功名富貴皆泊如獨一縷心精上下千古斤斤欲以詩傳不朽其識超其見遠而其用心亦良苦矣然筱園沉酣古籍閱歷世變明達治體卓卓有吏才每與談時務大略輒洞中窾要嘗不僞以詩人終老他日公車再上出揚

穆清堂詩鈔續集卷一序

風抗雅之才和其聲以鳴

國家之盛則清詩美政焜耀當時如韋白之循良韓蘇之治績余又將拭目俟之矣

光緒甲午花朝日貴陽陳燦序于滇垣之知足知不足齋

序

自古有傳人而後有傳詩蓋詩之為道同源於性而發於情者也有性情而後有志節及發為韻語則學問見焉易所謂言有物也故論其世知其人皆於詩決之若近代詩家言與行違倘何性情之有又安從而論之知之持此義可讀吾筱園詩矣筱園以詩名當世垂四十年與余交亦三十年其集已刊於丁亥論者以為新城秀水之儔余夙所服膺也戊子秋同舉於鄉已丑春同寓京華庚寅復同應禮部試被放將別出近作示予則風格益高意境益厚醞釀益深氣味益澹使才而不見才用博

穆清堂詩鈔續集卷一序

二 川百七

而不見博始醕而後肆如無縫天衣矣筱園少從尊甫任所此歸滇而亂作中更憂患從軍游幕跡幾遍六詔楊武愨公常再舉其名請獎固辭後在志局陳崑山太守言於岑襄勤公允附案優薦之亦婉辭不受自滇中軍興士之始終不願與保案者吾筱園一人而已志節如此宜其詩之工也余故推本於性情以為之序世知筱園之詩可傳而不知筱園之人尤可傳請舉以告天下之讀筱園詩者光緒庚寅劍川歐陽霖序於京師寓館

題詞

南海請叔裕親祭宗渡

彼圓雄於詩士林知名早奇氣傲縱橫清思奇縹緲法每兼蘇體時窺鮑造意疑天成遺詞絕人巧才命偏相妨天心若難曉山林願已遠戎馬坐成老我遊鳳池來見君一傾倒秋風憶尊尊夢魂故山繞倚裝讀君詩使我豁懷抱滇池與羊城異地期禾好無慕相如榮輕削封禪草

武陵蔡靈慶太守元變

手持寸鐵戰千古心運洪爐鑄百家奚憂收盡大千界老筆怒

和清室詩鈔續集卷一序

三二〇八上

灑諸天花盛世廟堂要雅頌斯人泉石猶煙霞期君之苑蹊不

代底用詞壇矜八父

同持我亦厭餘字獨見君詩雙眼明近抗心餘跨仲則遠擅秀

水凌新城五花八門任變化萬里九折隨橫孤立莫嗟嘆

冥成連海上能移情

序

聲韻之學夙病未能非不能也自京髮受書塾師謂詩有妨舉業常禁勿習及長心焉好之又以不得專力為憾然頗聞其略矣前年夏從事志局暇日與彼園同年論文談詩鍼芥有合讀所刻穆清室集蓋竭四十載之精力於詩故能窺浣花之藩籬涉玉局之堂廡而自成一家言殆不止如論者所云凌新城而抗仲則也今夏復以續刻見眎則又精深謹嚴妙造自然少陵謂老去漸於詩律細庶幾近之竊以彼園少歷齊魯幽燕長更滇亂楊武愨公延蔡戎幕榆城之役贊襄帷幄與有謀焉出入

和清室詩鈔續集卷一序

四二〇八下

戎馬多年而事平從不邀獎超然遠引惟以嘯歌自娛汲汲然若恐滇中詩教淪為絕學其提唱風雅接引後進不遺餘力是何品之潔心之厚歟余序彼園詩並及其生平欲讀者不僅以詩人目之也癸巳五月昆明周汝巨撰

穆清堂詩編於丙戌之冬梓於丁亥之夏迄今又數年矣南北
萬里挾策空歸經世未能結茅無計遇何如也勞人草草其能
已於言乎近詩較舊作宗旨稍異既不欲使才氣肆縱橫亦不
欲持法度矜細密凡身之所經目之所覩或景或情有觸卽成
期足達意卽止不復如少壯之苦思盡力務鍛鍊以求合古矣
未敢自信姑刪其不愜心者錄而存之編丁亥戊子所作爲寓
巢集編計偕北上及己丑都門庚寅旋滇之作爲公車上下集
而辛卯以來爲蓮湖集殿之聊刊以續前編惟是年日以老學
日以荒恐雕蟲小技亦不能專門名家分文苑之一席也嗟矣

穆清堂詩鈔續集

卷一序

五

甲午仲春上浣石屏朱慶珍自敘

秘清堂詩鈔續集卷一

雲中書畫卷之四

寫畫

觀越文敬金書法華經殘本



南渡書畫推吳興鷗波竹譜留丹青中峰禮佛追薦管道昇調
金手寫妙法蓮華經六萬九千五百字一氣結構皆天成盡效
筋骨入姿態獨標神韻藏鋒後筆欲忘紙紙忘墨飛仙絕跡空
中行當年嘉耦倘借隱遺蹟垂世如日星奈何妙品以節累乎
秋藝苑稀公評論公書之松柏勁桃李顏色嬌傾城昌黎尚議
右軍俗皆援石鼓卑黃庭豈知相裏真神刀柔中剛彌含

秘清堂詩鈔續集卷一

三〇七

元精留侯貌亦似好女魏徵嫵媚購政輕香光晚歲始心服力
追晉法遠譽名流傳幾度人吳郎分藩萬里歸真明布施山寺
鎮仁宇至今五卷光熒熒嗟我悼亡二十載靜觀墨寶傷中情
生天成佛若果須慧業註經當假蓮華之水亭

題童二樹畫梅為陳蘭卿太守賦

二樹畫畫恐非筆筆如游龍離紙立一樹畫梅恐非梅畫花松
捲天花飛前坐懸梅梅化身冬心晚奉先天春與梅呼吸通精
神乘興偶為花寫真縱橫老幹見高格骨中靜氣盈動洞悉
花性傳花情盡收梅魂入梅魄疏枝紈染香黃澆露點破白

雲白古法煇變楊補之香是生香色活色天然風韻淡逾妙不
藉鉛粉助姿澤芳名似惜離騷遺畫史缺陷補正則吳越兵後
流傳稀尺幅幸被蘭卿得當年未作滇南游唐梅漏寫龍潭黑
何時結宅昆明湖繞宅種梅千萬株臥游夢到孤山孤竟攜二
樹尋林逋

西洋劍歌

秦西船破凌中州鑄劍利復于將伴屈伸隨意為剛柔金火百
鍊陰陽轉太乙下視不敢收入手變化得神虬千霄殺氣冲斗
牛白日垂死星倒流鋒芒奪月霜橫秋脫鞘夜半腥風道流傳

秘清堂詩鈔續集卷一

三〇八

中華何歲月拂拭人人訝奇絕殺人百萬光猶新斷盡鬼頭飲
鬼血若使此劍歸英雄力挽氣數補天缺自從刑馬城下盟廟
堂不復需用兵橫磨大劍逾十萬利器福等鐔刀輕我有慧劍
勝洋劍忠義結成出剛斷斷盡鯨鯢筆稟觀三尺永靜四海亂

題海心亭畫浪石屏

畫山難取勢畫水難肖形何況點蒼山石三尺屏乃是千年積
雪之所生奇哉妙畫能通靈古今六法無其精兩山忽斷天空
明蓬勃雲氣飛縱橫中有萬丈懸流傾勢披風雨奔雷霆下與
洱海波濤爭雲浪倒捲花雲真自然一氣交空青水欲驅石石

不受終日鏖戰怒作蛟龍鳴人力不到皆天成結構至妙難強
名竟為水石傳性情不惟繪色兼繪聲何時流傳歸儀徵寶重
不啻千瑤瓊題詩嵌壁湖心亭定州蘇石名同稱虎賁中郎貌
相似神物遠隔難合并至人心定波不興會看寰海入畫風濤
平

詠塞宴四事

詐馬

未蘭秋翠華遊塞上名王四十九會同朝觀如諸侯御筵設圍
場開蒙古部落馳龍媒子弟秣首妙結束礙聲震地鳴春雷萬

穆清堂詩鈔續集卷一

三川月人作

蹏齊騁山谷應一氣疾踰風雨來二十里外一彈指杯酒未乾
千騎迴三十六人最先至筵前受賜年猶孩金元詐馬本舊俗
史誤用馬訛傳皆穆王八駿後游歷漢求宛馬何為哉開元馬
列四十萬詎有龍種超凡才豈如昭代重講武懷柔遠人邁往
古詐馬賜宴入樂府後世數典莫忘祖

相撲

蒙古重布克滿洲重布庫健兒分行立如鷲脫帽短衣色微怒
角抵戲古亦有兩人角力交以手相搏相持爭勝負或撞其脅
俯其身或執其臂捽其首搏虎搏兔進退分兩兩相敵一時久

負者仆地勝者豎其腦天子當筵賜羊酒此戲非戲習技擊明
恥教戰備疆場願汝關智不關力大丈夫當學萬人敵

什榜

筵前鞠躬奏什榜天顏一笑擊節賞琵琶鼓笛笙簫箏喉轉酥
囉眾器響蒙古曲奏吐嚕既非師曠歌北風幾似鍾儀土風操
荆楚龜茲曲昔傳中華白狼樂木來漢家李唐曾備南韶樂十
番宋代歌如花金元兩朝盛法曲後裔世世為臣僕塞上舊樂
今猶存歲歲捧杯獻至尊大海之水不可量一人有道恩無疆
採入樂部隸太常不須更奏君馬黃

穆清堂詩鈔續集卷一

四川月人作

教駢

馬生三歲猶不羈達驛奮迅不受騎鞍勒籠轡全未施牽來平
原當風嘶藩部王子多佳兒繡鞵錦袖短後衣手執一竿套馬
首騰身而上馬不知馬怒受套爭奔馳四蹏蹏踏風塵飛人身
不動勒馬迴馬性漸馴馬力微馬從人意隨馳驅駕馭有法疇
能違英雄將將當如斯君不見御惡人如御惡馬高歡材豈爾
朱下

謁升庵先生祠三十韻

養士前朝最傳臚狀元西川賢相子南宋畫師孫物望優臺

閱時名重弟昆武宗知學博文正授詩源選體崇蕭統詞章薄
許渾立朝風節勁談藝性情敦汾水歌初奏瑤池席未溫六飛
罷巡幸一柱折崑崙夸父揮戈晚度滌逐日奔鳥號弓已墜龍
去鼎空蹲大禮旋爭議孤忠屢進言彤廷先定策興邸入降軒
繼嗣非遺詔迎鑾自外藩力持為後議難願本生恩帝豈同英
廟臣惟據漢園明堂成逆祀大典竟稱尊樂面誰貪位披肝願
叩闕陳章排御閣痛哭撼君門下獄如蘇軾投荒吳屈原免道
中散法終負石丞寃垂死晴開網殘生永覆盆從軍思李廣逐
客老虞翻望斷雞竿赦身經鳥道昏香闈裁錦鯉胃夢隔交
程清堂詩鈔續集卷一

擬李西涯樂府十首

昌國君

金臺成台士至郭隗始樂毅繼復仇人力非天意五國兵合無
東帝一戰再戰驅風雷全齊山河顛如灰堅城七十同瓦碎縱
有鐵壁何難摧區區兩邑真彈丸三年善守輸田單墨翟能卻
公輸攻昌國君將母同

新豐行

上皇不樂咸陽中遷五百戶成新豐嫺親心與枌榆同危哉乃
肯幸不烹免向重瞳分杯羹杯羹未分快頡頏骨肉小怨偏分
明問翁劍業孰與仲泗上亭長竟如夢日後行酒無劉章諸呂
移祚如諸王

九折坂

九折坂凌崎嶇王陽按部行迴車王尊叱馭鞭而驅為忠臣為
孝子忘身愛身判如此忠孝分途自此始豈知孝子即忠臣以
身許國非忘親君不見常山睢陽皆人子一日不生千秋不死

程清堂詩鈔續集卷一

六川之三

尚方劍

五侯封貴難張禹帝傳甘賣國壯哉直請尚方劍佞臣頭為
天下斷御製將雲行下殿昔拼五鹿金拊權權死何慚龍比面
天威不遠而咫尺常留缺楹旌臣臣本倚甘老溫柔辨神水滿
火天無光安得高皇三尺劍前誅野雉後飛燕

嚴陵山

咄咄子陵不肯起安知故人作天子足加帝腹偶同卧孰知客
星犯帝座高節不為天子下報書豈復有侯霸狂奴詎堪諫大
夫何如嚴陵稱釣徒志和魯望非吾儔巢由沮溺可尚友東海

鷹揚笑白首多事滑濱釣魚叟

聞雞行

千歲骷髏生齒牙北雞一鳴亡晉家洛陽銅駝沒荆棘五胡戰
馬交中華夜聞荒雞共起舞努力勤王報典午長嘯解圍非惡
聲擊楫渡江勇可買先鞭畢竟輸豫州氣吞世龍走若虎君不
見田文聞雞度函關雞鳴狗盜何足數

氏帶箭

長安氏王頭有角飲馬江淮負景略投鞭豈足斷東流泗水一
敗驚風鶴流矢被體流血紅鳳凰飛食阿房相龍驤建業咸陽

穆清堂詩鈔續集卷一

七

中五將怨魄嗚春風君不見孫家獬兒中箭死東吳霸業紫髯
始不及錦囊付三矢亞子竟為唐天子

五斗粟

折腰不為五斗粟迎鄉里兒帶羞東解組遽賦歸去來東籬坐
對數叢菊北窗高卧疑羲皇粟里即是桃源鄉南朝禪受始典
午有死不就徵為郎君不見佯墜朝笏歸中條司空表聖同清
標

令公來

令公來重營開回紇夾道聲如雷免胄緩行何壯哉深入虜帳

執虜手旋定虜盟醉虜酒吐番拔帳夜奔走豈惟忠誠格天子
外夷信公為公死君不見梨樹盟劫渾侍中嗚呼令公真英雄

崑崙戰

軍中元夜張燈讌度崑崙關夜始半進兵城北天甫旦羣蠻倉
猝來拒戰一鼓破賊逾十萬再接再厲賊尤悍番騎橫衝賊中
斷奇兵抄後賊遂亂三戰三捷賊宵竄盡復嶺南舊州縣當時
智高走大理道伏一旅難逃死惜哉青智不及此未得擒渠獻
天子

秋礎

穆清堂詩鈔續集卷一

八

人靜夜沉沉何來急杵音秋風催下葉霜月冷清礎絕域思家
淚香閣憶遠心越裳和市定不用寄衣臨

秋鐘

城市近山林疏鐘入暮沉隨風知寺遠到枕覺秋深月色冷如
水霜聲清在心楓橋曾旅泊夜半有餘音

秋蟬

飲露性孤潔一生惟善吟風高寄天籟霜重警秋心疏樹黃樓
葉平蕪綠墜陰玉溪傷久客夢斷故園深

秋蝶

秋蝶如秋士伶俜借一枝雙飛憐草際三月憶花時金粉寒
豔繁華晚不知夢中能化汝心與漆園期

秋花

靜女字應晚幽花開御遲驚秋逢國色濁世負仙姿劫後天猶
惜霜中客未知歲寒誰寫照高格性情詩

秋草

舊夢池塘水新愁驛路風半枯秋老後不死劫灰中異種客
蔓浮生亦斷蓬明年春更綠作意任窮通

圓通寺

程清堂詩鈔續集卷一

九

亂絲不見天白晝山鬼語元代寺獨存梁宮久未黍佛法今亦

衰天竺隸英土佛經天竺即今印度久為英人有矣

咒龍臺

祭龍有劉累人為龍所歸咒龍仗佛力龍亦隨指揮一朝得雲
雨破鉢天半飛

明月石

吾心抱明月湛然常內鏡山巔一片石冷光與月映坐待秋月
升妙明證初性

湖音洞

古洞枕山麓出入雲氣深天風鼓石竅萬籟成潮音境喧意彌
靜久矣不動心

采芝徑

賞綺首充隱晚拋商山芝披蘿采三秀招隱安用詩入林間巢
許豈薄中天時

納霞屏

山半五色霞麗與雲母闢誰移匡廬屏俯奪滇池秀不如壞色
衣猶傳宗門舊

仙蝶園

程清堂詩鈔續集卷一

十

默齋開園山水羅凡案煙雲涼入窻翠割螺峰半園荒蝶不
仙斜日松鼠窺

千松崖

松陰覆危崖天日不能午長風捲成濤雲霧落如雨松盡山亦
枯俯仰即今古

雙塔寺

古寺嵌螺峰出奇五華外千霄雨浮圓俯受亂山拜城市幾劫
灰豈立終不壞

招鶴堂

虛窗面山腹旦夕憑煙霞明月度林杪仙鶴時踏花招鶴共歲
寒眠雲成一家

蓮花池

吳藩此銷夏坐擁傾城姿跨山結樓閣引水開園池水濱問蓮
跡蓮花知昔時

阮公堤

石橋跨明鏡長堤穿翠湖柳陰漾荷菱蘭世浮菰蒲風流與文
采如公今亦無

送觀察譚叔裕先生

宗凌解組歸粵東

穆清堂詩鈔續集卷一

十一

遠凌賈鄭宗程朱文章餘事兼歐蘇華年簪筆游蓬壺奇才屢
聞天子呼學視西蜀文衡吳手支鐵網羅珊瑚公門桃李
栽千株春風化雨羣沾濡繡衣持節昆明湖力興水利豐儲胥
民生休養滇流舒托揚風雅逢公餘掖植杞梓開榛蕪吹噓嗟
黎麥迴枯平生忤俗嗟迂疏蒙公交契忘羈孤東坡心折黃鸞
直承叔雅愛梅聖俞感公知己敦古誼愧我才不前賢如秋風
忽起思蒨鱸歸隱五羊勤著書邇來法蘭復通市交趾棄與維
州殊東山未許便高卧艱難時事須真儒望公出展濟時手再
爲文苑收吾徒

通志局歲暮書懷

誰知拮寸管力重等千鈞義例垂金石幽冥質鬼神武功傳將
略文苑述才人老矣江花謝挑燈耐苦辛

門閉五華深殘年惜寸陰才難兼學識去可證來今脫稿酬青
眼論交愜素心一杯傾臘酒堅坐夜沉沉

萬柏嘯風聲渾如急雨鳴老懷寄林壑病骨驗陰晴地擁霜華
碧天流月影清撲窓無落葉空翠滴殘夏

良玉出崑崙他山石自負儼非沉水底車誤改金根已失履彭
祖難留積少孫明年應決去湖上掩衡門

穆清堂詩鈔續集卷一

十二

校定舊詩付梓感賦

詩卷束如筍窻明山月高遠遊茂陵病多愁楚臣駭敢望傳千
古其如見二毛李休嘲杜瘦孟不鬪韓豪

壯歲經戎馬浮生逐斷鴻參軍孫楚似高蹈魯連同亂定身何
託寒消酒不空一編聊自遺吾道豈云窮

金蟬寺懷古

滇池日墜等虞淵領下龍珠隕一絃豈有昭陵嘶石馬空餘古
寺弔金蟬雄心枉效公孫僭唾手親擒帝子旋嘆息故宮今草
莽墟樓何處問圓圓

丁亥除夕

臘鼓天街迫春衣士女矜裝詞樓病客除夕伴鄰僧志局同詩

度歲惟余獨居除夕具柏嘯風疑雨爐溫酒不冰談禪兼守歲勞公祠僧對飲達旦

鳥雀報農興

早春

春風偏解事送暖入詩家綠轉新年草紅分客歲花湖光漫似

酒雲氣艷於霞靜愛山窓曙披衣步五華

偶成

少年離亂壯承平鐘鼎山林雨不成世味拋殘書味永名心淡

穆清室詩鈔續集卷一

三

盡道心生花塵積雨香迥艷月徹浮雲色自清久矣觀空參妙

諦虛舟容與任風行

秦良玉

錦袍白桿秦家兵桃花馬上安傾城中帽英雄不世出左家意

玉慚同名堂堂智勇邁諸將耿耿忠節昭平生潛師間出播州

下力疾擊破奢崇明勤王應詔援神京駐軍地艷西川營京師有回

川管印良玉崇禎平寇召對詩寵行美人麟關圖丹青崇禎帝賜良玉

詩云試看他年麟閣夔巫喋血日酣戰軍中女兒並精悍生擒

賊首擲半空霜刃一揮賊兩段前鋒驚潰後陣亂再捷珍賊逾

十萬手奪大纛汝才氣奈何天心厭明德督師勦賊甘縱賊以

蜀為壑靈不支阨十三隘空畫策巡撫巡按嗟誤國綿州刺史

昔視營將軍置酒猶談兵偶觸袍袖引刀斷軍令霜肅心冰清

鼎湖龍去天柱折石柱司如百鍊鐵殘明正朔奉十年一寸山

河一腔血君不見我帽雪岷江月

沈雲英

沈將軍何奇好左傳通毛詩芳齡十六如花姿忠孝節以身

兼之父曰至緒官守備夫賈萬策官都司將軍隨父道州任獻

賊犯城城欲摧麻灘雨雪風凜其賊飽逾眾兵少饑父出勦賊

穆清室詩鈔續集卷一

四

中流矢據鞍而僵血淋漓將軍擐甲宵登陴出劫賊營賊不知

手刃賊首奪父屍百萬賊中躬負歸獻賊胆落不敢追再戰再

捷城解圍九重聞報帝曰谷投汝遊擊汝官妻夫殉難妻請

辭扶柩返葬之江湄授經養母開絳帷滄桑一變終茅茨至今

人過麻灘祠英風颯爽瞻城眉君不見石柱白桿提雄師秦良

玉亦名同時

寄懷順甯太守陳崑山先生

自下陳蕃掃春風日往還愛才如性命開局領湖山公修通志

華山掃戎事期千古文章見一斑花時頻載酒共醉翠微閣公祠

余詩古文詞招入
志局纂修

莊助厭承明天南叱馭行誰知三曲郡仍是一書生公歷守澱江楚雄今

補順骨與山爭峻心隨水共清無窮愛國淚時為越裳傾中法

越南遂棄公深嘆之

廿載兵戈後蒼生喘未蘇勸農先布惠化俗繼崇儒王宋風斯

在謂王夢樓太守楊陳德不孤謂楊文定公望公持玉節名宦

古為徒

顏色隔山川瞻雲意惘然依公猶昨日別我忽經年昔徑飛松

翠花陰散若煙不如天上月兩地向人圓

稷清室詩鈔續集卷一

五

嘆息

嘆息吾將老風塵失壯年深慚聞道晚敢望著書傳野馬飛窗

日醴鷄處獲天涼秋高樹杪飲露有鳴蟬

晴

鶯語報晴天柳陰風颯然薄雲斂湖雨初日散林煙客久非吾

意心傷欲暮年登樓舒倦眼昨夢故山泉

湖上晚眺

三面人家水一灣酒帘遙挂夕陽間柳陰濃繚湖邊寺花影斜

遮郭外山倦鳥久忘黃鶴舉游魚終愧白鷗閒春風淡宕波如

鏡照我塵容鬢草班

題蘭卿拈花一笑圖

畫史休誇擅寫真久從天竺悟前因才人慧業多生定金粟如

來是化身君自言前身天竺寺僧

木樨香裏靜憑闌變相何妨現宰官一笑妙明心印後滿身花

雨不知寒

扁舟他日泛煙霞來往江湖處處家我亦維摩忘結習何勞天

女散空花

靈山妙諦不關文得意忘言我與君願乞丹青添一席曹溪寸

稷清室詩鈔續集卷一

六

水要平分

夏日由洪化橋至蓮華禪院

柳色濃城北花香淡水西偶尋花裏寺閒過柳邊隄山翠隔城

重茶煙拂水低妝樓何處是遺蹟草萋萋

湖上遇雨

湖盡接山色青山斜抱湖微風動楊柳薄雨灑菰蒲亭樹涼如

暝煙霞淡欲無一聲花外磬寂寞客心孤

戊子中秋閣中玩月

屈指今宵月風簷七度圓照人生白髮把酒憶青年雲氣濃含

雨秋聲碎滿天三更後風雨交作嫦娥掩明鏡簪桂為誰妍

揭曉聞報提口占

天街人語亂深更意外賢書報姓名久矣江東忘得失千秋事重一科輕

浪得才名號八义副里三中亦堪嗟知交賀我還憐我已踏槐黃七度花

偕徐仲苓孝廉兆崧李到堂上舍上理遊西山石室用東

坡海州石室詩韻

達天飛閣不知處一綫驚破懸嵯路濃陰破空松亂鳴山色翠

穆清堂詩鈔續集卷一

七

如新過雨關前瀟海平無波煙外漁村遠可數絕壁丈室臨谿

訝隨雲一筇叩琳宇石門並無支遁廬金陵詎有誌公墓作室

道士今何之留與游人醉香齋名山自古以人傳我來為客山

是主妙契直欲移性情窮幽豈僅涉庭戶便拾橡栗從狙公會

插優曇現龍女水雲水月聯友朋山鳥山花獻歡舞情哉虛願

苦難酬耦耕安得沮溺伍紅日半竿天際沉碧月一珠海中吐

坐看奇景戀煙霞迴憶詞壇樹旗鼓關河百二續過秦雲夢八

九狂吞楚壯遊若夢醒難尋老優無聊誰語故鄉亦有好湖

山乾陽石室深幾許乾陽山在州勝地也栖遲廿載還衡門况復萬里

塵土時余將公車北上志和浮家載樵青右軍誓墓因逃祖歸隱天許

著書傳坐擁百城棊汲古汲古毛子晉閩名西山雖好莫勿留北山盟

將踐遲暮

偕向錦堂協戎逢春王雲浦大令廷棟復遊西山石室仍

用前韻

太華山頂雲深處捫壁人追鳥飛路雲華洞盡石室開寒翠亂

滴晴霄雨拔空倒映瀨池流樹杪風帆不知數斷續陰嵯聞乳

泉高低危厰闕真宇羅漢峰半訪殘碑孝牛井邊弔遺墓松聲

遙和煙外濤茗香濃過杯中醅青山久別兩鬢華深林重游山

穆清堂詩鈔續集卷一

七

有主結宅假使牽蘿牆種花正合傍蓬戶帶月舞劍邀猿公坐

石談經對鹿女名山嘯傲夙願償山靈為我應起舞才人苦乏

山水緣此生分斷漁樵伍游踪開雲時往來世事惡浪互吞吐

碧雞坊下棲流民白馬關外擊戰鼓繪圖疇能上監門執戈竟

欲雜僞楚天風海濤激壯懷鈴語蒼涼答人語古來滄海尚桑

田百年疾於一炊許塵寰擾攘等南柯諸天俯視空下土五岳

縱游追向平十年面壁讓初祖名士何必解參禪一游一詠自

千古此時心放大光明西山蒼然日將暮

送秋

草木搖黃落湖山斂翠微天涯吾欲老秋色汝猶歸征馬邊關
集哀鴻大澤飛浮雲含變態作意掩晴暉

北上有日蘭卿太守餞予於集翠軒賦此留別

西風黃透水邊苔鷗鳥多情導客來萬里會傷經歲別一尊遠
爲故人開湖山有約終同踐天地何心忍息才日後相思憑燕
寄杏花春雨話金臺

穆清堂詩鈔續集卷二

雲南叢書集部之七十二

公車集上

石屏朱庭珍後園著

司人餞別大觀樓賦詩為謝

時予公車北上

縱使簪花漸白頭漫言春暖賦皇州湖光醉客青於酒山色依
人綵上樓早歲功名虛汗馬一竿煙水負閒鷗題橋犬子真多
事鄉里終當愧少游

板橋驛

袖挹螺峰翠隨身伴遠行湖蓮知送別驛柳解相迎烏共板橋
宿鷄遲茅店聲故鄉從此去萬里記初程

穆清堂詩鈔續集卷二

楊林

林杪水風急蘋花飛滿船白雲吹不散一半化炊煙山晚斜沉
日湖平遠迫天昆池新霽後曾眺五華巔

易隆驛

小驛亂山中居民鹿豕同浮雲能被日老樹易招風道險疲征
馬年饑有澤鴻艱難無寸補何暇計途窮

清溪洞

穹然裂山根絕壁不戴土外削中逾空深造忘險阻冷碧雲垂
膚峭紫鐘結乳一痕漏天光日月錯子午苔髮捲未舒石骨瘦

入古霜葉飛不枯水花靜猶舞神奇似無奇鑿痕絕斤斧天心
鍊孤寒晚達歷艱苦嗟奇妙獨探進道勇可買卅年得重遊山
靈吾傳汝

石虬亭歌

一龍飛渡滇海岬之而時帶彩雲現一龍怒拔黔江流蜿蜒行
兩赴天半是風吹墮荒山巔元氣久洩靈光散縱橫龍性困不
馴千載泥蟠尚精悍天心設險控滇黔特扼咽喉路一綫時清
豈賴丸泥封起陸並息龍蛇戰何人建亭壓龍背龍身如動亭
先墜元黃血泥土花腥一半痕雜苔髮翠凌風衝衝龍欲飛慎

穆清堂詩鈔續集卷二

無負亭人雲內君不見好龍自古多葉公似龍詎與真龍同不
能為而為雷風化石且卧深山中

黔山歌

巨靈擊出蓮花臺五丁斧鑿金牛開祖龍鞭石等鞭馬驅石盡
入黔山來石勢日強山日弱障天拔地聳嵯峨狼吞虎踞虬龍
蟠戈戟攢鋒劍橫鈔血赭鐵黑山奪青山靈上訴天不靈蠻荒
蔽石石飛旋固結朋黨蒙天廷安得天風吹石能奮飛萬里遠
向中州歸黃河兩岬湧連峽彈壓水怒平風威邊角太行峙北
戒較勝爭雄九州外虛願徒矢愚公愚長歌與石鬪奇怪

老鷹石

威鳳翔彩雲何年飛墮此化為頑石頑僵立亂山裏文采匿羽
毛鋒鋸礪爪背窮緣人莫知取名義何鄙鳳兮誤呼鷹山靈久
蒙恥我從鷹趾登穿脊折到尾陽崖青偏天陰窅黑無底左伏
右奮興後落前怒起德衰何必傷力猛正可使狐鼠穴城社鯨
蜃雜都市仗汝搏擊工飽彼血肉紫六合梟鸞分晴空靜如綺

白沙驛

羊腸一綫繞雲根白葦黃茅晝亦昏遠近蠻山交欲雨高低石
屋不成村嘶風馬認崖邊驛啄雪鴉歸樹裏門莫謂壯遊輕萬

穆清堂詩鈔續集卷二

三

里青溪道已銷魂

茅口河

萬重山險盡徑轉渡平川舟自波心撒篙從石眼穿聲高疑撼
地勢遠欲吞天冷霧凝成瘴休疑晚市煙

上拉幫坡至打鐵關

鳥飛不能上倒影倩雲扶石破青蒼峽天懸水墨圖孤峰削高
峭長劍劃虛無奇險黔南最當關仗一夫

俯臨千萬仞絕頂峙雄關飛瀑落如雪朔風吹滿山人家憑木
杪戰壘寄雲間破敵思充國當年秦凱還

趙剛節公德光
曾破苗於此關

犀牛灘觀瀑布

界破翠微巔飛流下九天朔風吹作雪初日照成煙石裂壁中
斷雲垂根倒懸匡廬吾久別昨夢玉淵泉

安順

一碧見平楚蒼然斜照開林端殘雪擁雲背亂山來伏莽資兵
力殺苗仗吏才譙樓吹畫角邊郡亦雄哉

龍場謁王文成公祠

廷杖得殘生投荒萬里行龍場猶講學馬上最能兵智勇真儒
擅功名晚節成九華山寺靜晏坐聽江聲

穆清堂詩鈔續集卷二

四

昔讀姚江集今瞻古驛祠文章傳浩氣助德本良知軒轅名何

陋碑猶係去思

公何陋軒及去思
碑今並燬於兵矣腐儒辨朱陸同異漫輕訾

貴陽

亂山赴城郭萬馬競歸槽雨濕天眞漏刀耕地不毛焦頭艱吏
事頽尾竭民膏行省多冠蓋休辭撫字勞

牟珠洞

山腰徑轉入山腹陰洞呼龍窟當道開汨汨泉聲渴虹飲徇雲
氣垂龍來石竅玲瓏漏日月天根窈窕懸樓臺不因秉燭照幽
邃豈信深藏多異才

酉陽驛夜宿

人倦路逾險雲頑天易昏荒林孤拜月破屋虎窺門葉脫疑風
雨山深誤夢魂鷄鳴戒行李賴有傲裘溫

雪後曉行

積雪沒峰頂斷冰剗澗底遠近交皓然出入白雲裏瀑流凍無
聲樹重僵不起何處梅花開冷香襲數里

夜雪

撼壁驚朔風布衾擁如鐵斗室虛生明一燈黯欲滅忽聞裂帛
聲知是壓竹折將曉聲漸稀窗紙白於月會嘗犯酷寒踏碎亂

和清堂詩鈔續集卷二

五

山雪

響琴峽

九迴水縱橫萬疊山合沓一峰高出羣俯與眾峰狎積流匯入
潭亂石束成峽石激水鳴水甘受石壓疾徐如撫琴宮商靜
無雜元音正冲夷天籟遠相答忽為變微聲風雨飛一霎山水
交合離煙雲妙吐納異響與耳謀化機貴心淡雪外春氣迴梅
花破初臘

飛雲岩

峭岩高入雲雲肥公苦瘦雲欲挾石飛石重雲不受孤立懸流

中萬古挺奇秀外圍一屏張中穿七竅透風鼓陰穴鳴天墜深

井漏疏疏挂瓔珞冷滴乳竇皎日升岩前驟雨落若後亭榭

嵌高低花竹環左右景象皆天然造物妙結構本由化工成轉

若人力就形勢一覽詳變態百端湊開雲如出山補天敷莫圍

惜哉居窮荒異境人罕觀且結山水緣庶托文字壽

文德閣

我踏奇雲來黔山密於葉大山宮小山高寒與天接兩壁開關

門四圍擁城堞中央閣山腰入關等入峽磴窮梯百層險越版

九折蹈空趾外垂立危頂斜壓日光碎欲無性命寄一髮道力

和清堂詩鈔續集卷二

六

憑堅持險途戒勿怯平生慎跬步出坎終妥貼奇語躁進人失

足防徑捷

至鎮遠喜晤和榮軒軍門

黔道寒消臘酒卮春生鈴閣漏聲遲廿年出鎮三持節百戰成

功兩視師軍門思騰越漢中鎮遠三鎮一統師征大理一統師征迪化掃榻官齋延舊雨揮

毫暇日賦新詩半酣追話征南事猶記軍中草檄時

鎮遠登舟

兩岷山城峙中央灘水流度橋過入市繫纜近依樓楚粵通官

道滇黔扼下游殘冬風雪裏清淺僅容舟

青龍洞

鐘乳結玲瓏孤根拔地空高凌羣木未深入萬山中泉湧丹梯
雪雷喧翠壁風倚闌望城郭煙火晚濛濛

清溪夜泊

輕舟遙指楚雲西夾岫黔山勢漸低晴雪未銷明月冷梅花相
伴宿清溪

玉屏縣

黔山冬積水猶青衰柳枯蘆繞玉屏昨夢昆池銷夏處蓮花香
捲海心亭

穆清堂詩鈔續集卷二

七

晃州旅泊弔王龍標

地僻無城郭天寒白晝昏依山成小市傍水似荒村宅訪唐賢
址吟招楚客愧何須感寥落行役信乾坤
不識龍標尉何因此宦遊才堪汨羅弔事異夜郎流薛荔隣山
鬼芙蓉結水樓可能終廟食頑鐵鑄閭邱

沅州

曉霧散中流冬山翠似秋灘聲遙挾雨雲氣緩隨舟跨岫橋通
市臨江水抱樓漁歌問款乃不類楚人咻

冬夜舟中

沅江歲暮雨瀟瀟一夜孤蓬聽寂寥夢醒不知身是客還疑窓
外有芭蕉

滿天星歌

蠻江日夜喧奔霆頑石厯亂排天星禹功不到無巨靈水石酣
鬪劉項爭水勝石敗水潰峽咽喉河路通一繩石潛水底斂鱗
甲石插水面森鋒稜水枯石出水漲縮神龍隱現雲縱橫危隄
夾岫攢空青中流天忽東南傾隨山水轉無定形浪花噴薄煙
冥冥孤舟石隙穿棧行氣奔萬馬嘶風聲舟師心定手相應水
力石力憑篙撐須臾舵轉鷁首下性命落葉舟浮萍分毫偶失
詎可救觸石立碎如裂繒始知涉險貴整暇操舟妙用同心兵
安能鞭石入海江流平人心如水波不生

洪江

暮空凝不散風約萬家煙江岫張燈火神祠奏管絃梅花紅破
雪柳色綠迎年淩絕孤舟夜鄉心落雁前

伏波祠

雪臺何必畫廟貌自千秋身後逢朱勃生平憶少游威猶震交
趾功未竟壺頭欲話征蠻事沅江日夜流
偶被明珠訪君臣詎不終是翁真嬰醜俠客亦英雄遺愛甘棠

穆清堂詩鈔續集卷二

八

比齊名大樹同誰吹武谿笛山瘴畫冥濤

辰州

風帆一葉剪中流夾听霜林月半鈎
書角數聲天欲曉青山缺處是辰州

清浪灘

黔江亂峽束迥江漸平曠峭壁忽勒迴中流
阻奔放萬石森虎牙一一怒相向水威積逾雄
蓄力與石抗晝夜龍蹴塵風雷助震盪漩洞成
盤渦倒噴湧疊浪迅若萬馬馳迸落九天上我舟
從黔來下水氣益壯亂石撐一篙失勢魚腹葬輕
如葉橫斜疾

穆清堂詩鈔續集卷二

九

比鳥升降飛下千丈灘百里瞬在望收帆猶順風
出險仗神貺舉酒招驚魂扣舷聽漁唱

桃源洞

武陵山色青無邊山半洞口生雲煙
靈境自古隔人世桃花流水春涓涓
淵明當日偶作記蒙莊十九多寓言
避秦避宋等避世柴桑何必殊桃源
北窓高卧付一棹醉遊無懷兼葛天
不知有漢况魏晉尚論直湖義黃前
徐福入海去不返未聞童男童女皆
成仙淮南好道乏仙骨八公山木空
蒼然秦人避亂亦與後人等世外豈
有大古之山川仙家避穀絕煙火蓬萊
無龍耕

瑞田安得鴉犬桑麻自作息田園房櫺一一如人寰
漁郎再至已迷路滄桑幾歷踰千年昔隸仙籍今隸縣
沿谿探討非無緣落花如雪飛盈船臨風且賦招隱篇

夜泊常德

灘聲猶攪夢塊間倚枕今宵得破顏
月下蒼茫朗州郭畫中平遠武陵山東流吳皖通三峽
南入黔滇鎖百蠻煙樹行行燈點點舟人遙指是前灣

舟中除夕 時守風洞庭湖口

積雪新晴歲又除梅花香透晚風初
煙雲妙比無聲畫山水奇

穆清堂詩鈔續集卷二

十

於未見書安得洞庭化春酒卻因佳節憶吾廬
隣舟爆竹休驚夢夢到龍湖萬里餘

舟中元日大雪

元日雲陰雪未晴孤舟時被朔風橫
無邊天地淒涼色不斷江湖漸瀝聲
萬頃冰堅洞庭滸一年春到岳陽城
衾寒如水燈如豆夢醒蓬窓誤月明

渡洞庭湖

東風昨夜喚愁醒雲裏輕帆入杳冥
湖水挾冰煙外碧君山帶雪月中青
天迴江漢交巫峽地折沅湘繞洞庭
明日維舟岳陽

郭憑高直欲覽南溟

岳陽樓

遠吞雲夢近瀟湘城上高樓俯岳陽
三楚江山劃南北一湖天水闕青蒼
煙舍老樹迴春色風送飛帆亂日光
莫倚危闌更懷古孫劉遺蹟久荒涼

至漢鎮

銀花火樹亂新年匝岸笙歌沸畫船
春色暖迴晴雪後鄉心飛到彩雲邊
交流江漢環吳楚不夜星河鏡水天
來日縱遊當載酒臨虛高閣俯晴川

穆清堂詩鈔續集卷二

十一

黃州

控制東南據上游襟分楚尾枕吳頭
天垂平野依山遠地鎖長江抱郭流
半夜簫聲吹赤壁一帆春色渡黃州
古來霸業今何在只有才人兩賦留

九江

莽莽洪濤日夜聲火輪飛動挾舟行
江奔彭蠡東歸海山枕匡廬北抱城
半壁金湯三楚接六朝成敗一州爭
天涯有客傷淪落不聽琵琶老淚橫

小孤山

砥柱大江中狂濤障不東三吳此門戶
六代幾英雄石骨憑天立雲根出水空
煙樹與亭榭舟過已冥濛

采石磯

新月白於晝危磯青欲秋天移三峽險
地束九江流血戰開平壘狂歌太白樓
平分山水勝異代願從游

余忠宣公祠

如雪江濤捲血花圍城米盡夜量沙
六年苦戰生三矢五畝寒塘死一家
故國魂歸應化鶴靈祠香燼祇棲鴉
前元科目公無愧守墓詞臣亦可嗟

穆清堂詩鈔續集卷二

十二

望金山寺

卅年不到金山寺萬里遙臨鐵驛城
吳楚天空沉霸氣江淮水暖變春聲
六朝節鎮南徐重百戰軍容北府精
莫道使船如使馬火輪今日任飛行

金陵

勝國皇圖改長江霸業空一龍混南北
五馬劃西東芳草生新壘寒花滿故宮
古今幾興廢都付雪濤中

至申江

際海華洋市連檣島國船樓臺春不夜
歌舞日如年欲趁東風

便飛來北斗邊終當籌戰守和議恐難堅

航海

如雷聲動火輪舟身世真成芥子浮黑水萬重通鬼國蒼煙一點湧神州望洋竊笑元虛賦鑿空休誇博望遊破浪乘風期遠到長安不見日當頭

渡黑水洋作歌

我由海南航海北火輪萬里至頃刻綠水泮盡水忽黑赤日深漆天澄鑿晝夜混沌無陰晴風力水力交怒爭滿船屏息面灰色一枕以外皆雷聲如山大波掀船起升偏九霄墮地底衝波

穆清堂詩鈔續集卷二

三

船進如游龍龍身入水復出水時露船頭時船尾此時呼吸到
人鬼莫道洋船堅可恃犯霧近不辨尺咫倘觸來船船立碎鐵
甲厚亦等薄紙船樓一針東北指煙臺孤島浮黑子半生涉險
輕江湖失計泛海今日始君不見人心危過澆瀕溥平地滄海
已如此

由海口易小舟至天津

歷盡重洋險輕舟九折灣白銷蓬背雪青襯樹頭山遠市淡煙
外雄城斜日聞風沙莽無際客異恐全斑

入都

帝城春色擁 彤廷驛路流鶯語夢醒雪氣東連遼海碧山光

西抱太行青九衢塵起迷斜日半夜車喧到曉星獻賦建來威

遲暮趨庭猶記十三齡先大夫令範不
予年甫十三

游陶然亭

城南最幽僻林阜各高低楊柳綠三月菜花黃數畦危亭禪寺

遊飛閣女塢齊風景演雲似依稀翠海西

老樹亭三面蘆葦水一灣濃陰深院雨飛翠隔城山蒼雀忽爭

墜沙鷗相對閑九衢車馬驟緩步踏花還

禮閣被放賦詩遣懷

穆清堂詩鈔續集卷二

四

泥金報已罷都城一夜器懷白髮生謁闕杜陵空獻賦依人昭

諫早知名炎涼屈指三年隔水陸關心萬里行枉坐公車吾不

悔幽燕豪氣入詩橫

少年戎馬邁時艱曾佐元戎定百蠻露布文爭詩筆壯戰場衣

浣血花斑一枝幕府容棲息幾度關河縱往還垂老日南游已

倦天教北上看西山

豈有雲璈奏曼亭開元法曲問誰聽才人進退關千古盛世文

章本六經司戶黃難求上第長沙疏早忤盈庭龍湖十畝先人

宅香裏春波夢裏青

依舊金門挾策歸年華如駛近知非承明著作嗟無分俗吏風
塵願亦違豈有神駒常伏櫪誰云退鷁不能飛浮生未忍終高
蹈休對燕臺咏式微

龍樹寺槐 京師人呼
龍爪槐

龍臥帝王州身蟠爪更遭濃陰涼不夏正色氣無秋汝閱三朝
老吾輕萬里遊摩挲歎銅狄隨意憇僧樓

老檜

此檜老不死滄桑多歷年蟠根深得地蔽日欲無天雨露難施
澤風雷敢擅權宋家韓岳恨灑淚訴啼鵑

穆清堂詩鈔續集卷二

五
川
〇
〇
〇

洗象行

宣武城坳水蕩漾橋西列象先列仗一象前導羣象隨玉河年
年夏洗象騎象入水水立漲象奴狎象兼狎浪一隊驚朋大半
濤伏行出水逆流上鼻端怒捲水倒飛雪花噴湧高百丈象奴
使象如使馬象竟馴伏不敢抗有時罄控時縱送象背如山屹
不動沐浴振刷任象奴象象反被奴弄 今皇勤政游豫
稀象輅祇供郊壇用三品料雖頒象房異物本非 朝廷重備
禮柔遠有常經驃國十年例一貢自從西海紅夷來火輪闖入
朱波災百年外瀋淪異域貢象不到黃金臺將將安得天下才

象陣一戰炎方開重歌白狼再入貢觀罷洗象心為哀

十刹海看荷花

妙明堂不染火宅忽清涼詩骨花爭豔波心影亦香微風憶瀟

海疏雨似瀟湘九陌塵如織盈盈十畝塘

出水幾枝妍凌虛一片懸曉風吹不散花氣暈成煙雪湧白翻

海霞飛紅亘天小舟容避暑消夏半池蓮

憫忠寺弔宋謝文節公

卻聘書千古心同正氣歌愁看燕日月夢斷宋山河古寺忠魂

寄殘碑老淚多西山採薇蕨一死較如何

穆清堂詩鈔續集卷二

六
川
〇
〇
〇

重過陶然亭

車穿荻葦路盡入精藍花氣薰人醉風聲戰樹酣涼雲濃欲

雨積水碧於潭小示林泉意臨流擬結庵

紺宇俯雲林孤亭倒影深遠山青入籬近水綠成陰結構得天

趣空明生道心勞身厭人海稍暇且幽尋

旅夜咏懷

旅館蕭然夜亦明不知窗外月華生秋花耐晚艷春色風葉鳴

空疑雨聲戀棧斷非千里馬依人安得五侯鯖故山猿鶴應相

怪何苦求名滯帝京

借衛子登 家瑋 同年飲酒醉後作歌

燕市縱飲花露酒蟹美魚肥盡一斗九衢車馬塵漲天西山翠
色落吾手登筵不顧尚書期喚起荆高作酒友半酣渴雲使倒
行對影邀月挽入牖一年三百六十日日日應須開笑口噫嘻
西蜀之日嶺南雪蒼黃犬亦吠高潔莫邪鋒鈍鉛刀利得時人
珍失時棄是非好惡知何常昔者深壑今崇崗人生觸境取適
意死士詎必輸生王羲娥出沒轉天較大椿非壽權非促功名
過眼皆塵埃富貴終身亦草木君不見酒星在天遙可呼醉鄉
世外通華胥步兵詠懷苦多事伯倫荷鋪眞吾徒秋田恨少三

穆清堂詩鈔續集卷二

七 八〇八

元耶律文正公墓

少南巖敞仙室遺塚曾聞葬耶律翁仲無言石獸危西風落
木莽蕭瑟開國賢輔東丹裔元不得公元不帝六年稱制國無
君垂死尙爭天下計五畝西山懷舊隱靈臺身後泣孤軫松煙
萬笏今凋零誰記平泉舊池館角端寄語羊脾卜汝又欲爲百
姓哭當年若使無斯人屠盡生靈縱游牧行人下馬薦藻蘋一
坏長眠甕山麓甕山南臨玉泉水利食百年比豐昔建言卻億

郭守敬尙有高風嗣文正

歐陽雨蒼同年 蘇 絨詩索戰次韻答之

讀書不愛讀孫武九地九天典莫數徒聞筆贈江醴陵肯信靈
投祭征虜對箋偶壁試柔翰魯縞難穿笑強弩始知文陣妙法
律不異戎機精部伍師心倘未嫺六韜作氣終當竭再鼓況逢
得臣利速戰曠向僧和問法乳攻劉秦系擁偏師下齊田單蓄
勁旅君今蹈瑕奪吾隘奮孤先登勇於虎短兵狹巷徑相接盛
氣拔山孰能阻秋風八門鳥蛇陳曙色雙旌赤白羽幾經割地
強和秦一怒潛師遠襲楚定教空壘慕集烏遑惜窮城戶掘鼠

穆清堂詩鈔續集卷二

文 三〇七

月夜過御河橋

爭盟牛耳只晉細犒軍虎牢猶鄭賈山東豪傑卽歸漢城上絃
歌自尊魯生平漫許淮淝軍到此猶工左右拒請君尅日簡車
徒看我連雲建樓櫓善戰謀以懼乃成驕兵兆已敗先勸遊君
三舍非怯君不信請聽子犯語

與及門孫古之 思 進士集淨業湖酒樓

一笠尋神院迴船上酒樓水聲晴披雨山骨瘦橫秋老樹凌窓
活平湖繞檻流浪池天萬里爛醉失歸愁

望景山

夜雨息塵戰車行侵曙星樹垂苑牆綠山擁掖門青臺樹凌空
闌煙雲入杳冥鬱蒼龍虎氣終古護 彤廷

冬夜感懷

晝短日無色宵長風有稜苦吟生白髮相伴此青燈鄉夢滇南
斷鬚懷冀北增小宮撥爐火烘透硯池冰

鐵甲三韓戍前胡戰墨遙安邊存外屬字小出中朝西海鯨鯢

穆清堂詩鈔續集卷二

九

噬東嶼虎豹驕側聞和戰守廷議集臣僚

禁城天咫尺夷館竟連雪都會津門市樓船海上軍四朝徇和
議五國啓同文憶否庚申變圓明火縱焚

萬里兼圻重天南隕將星彩雲秋慘淡大樹日凋零定遠玉關

入伏波銅柱銘征西紀遺烈削簡爲公書 懷故制府 岑襄勳公

遭亂家先毀躬耕計未成軍門慚上客幕府佐西征洱海波翻

血蒼山雪洗兵少年戎馬地鴻爪似前生 懷前宣門 楊武忠公

竟下劉蕡第春風古戰場謀身無善策餬口且他鄉水靜鳧鷖

泛雲高燕雀翔窮途感今昔蓬轉任蒼蒼

大雪登陶然亭

飛亂空中雪高寒奪曙光一亭昏欲墨萬瓦積非霜碧水冰全
鐵青山死半僵宮城隔雲氣遙望入冥茫

除夕

爆竹亂笙歌驕懷喚奈何年華今夕盡春色帝城多骨笑山同
瘦心如冰不波一杯燕市酒饒歲醉顏醜

元旦

來往車如冰家家競送迎皇都開霽色元旦入春聲北闕祥雲
繞西山暖翠明有人掩關卧忽動故園情

穆清堂詩鈔續集卷二

十

松筠菴弔楊忠愍公

昔過白河畔孤墳薦藻蘋今來帝城裏遺像拜松筠狄道三年
謫分宜十罪陳黨奸甘附傳鄧趙爾何人

馬市疏終驗鸞亡嵩獨存再生廟臣節九死感君恩未了孤忠

事空留矢報魂 公臨刑詩云生平未 賢聞請身代恨不達天關

張夫人請代公 疏爲嚴氏所格

金季元妃妝臺

款語薰香坐明妝畫不成六宮春後暖一月日邊明轉瞬韶華
逝傷心定策迎金源舊臺苑寂寞土花生

都城春望

北極雄天府西山衛帝京九邊限遼朔一統繼元明嶺頭飛狐
斷關凌倒馬橫蒼茫五雲外萬樹盡春聲

燕京懷古

銷盡黃金氣幽州舊有臺七雄龍虎關一代霸王才今古興衰
數河山表裏開悲歌飲燕市欲訪酒人來
十六州輕燕雲割版圖代更戎夏局混一帝王都歷數天心
在英雄戰骨枯如何九門啓賊馬竟長驅

崇效寺看牡丹

香風迎出寺蜂蝶導人來露重色逾艷春濃花殿開盛名召天
忌絕代此仙才安得移瓊島東皇着意栽

豐臺芍藥花

數畦種花地花態自傾城淡白含風露濃香寄性情縉塵終不
染春色遠相迎莫怪成孤賞詩懷共妙明

法源寺看海棠

爛熳仁王宅明粧袖捲紗春憐濃入夢詩笑艷於花貯汝合金
屋醉人疑酒家軟紅塵裏客一樣呢煙霞

暮春

夜雨延新祥朝暎射亂紅春愁芳草外詩夢落花中九陌馳肥
馬三河沒斷鴻滇池倘歸隱不擬嘆飛蓬

京師送春

微白月斜暈輕紅花亂飛春風不相待今歲又先歸京洛縹緲
滿名山素志違空將心一寸萬里逐流輝

海淀

一炬庚申付劫灰圓明非復舊亭臺御階草帶淒涼色上苑花
憐慙亂開日月幸隨黃道轉湖山猶望翠華來新蒲細柳江頭
曲老杜潛行祇自哀

明景帝廢陵

諸陵遙望隔昌平渴葬西山近帝京返國衛成讐叔武立君晉
惠賴飴甥究沉司馬難昭雪諡比泉鳩太不情何怪靖康終絕
域高宗畢竟未生迎

題歐陽雨蒼同年醉吟唐梅圖

花氣紅蒸雪潭光綠浸苔香風畫中出詩夢日邊來唐代留春
色昆池殿劫灰倘歸期一醉應為兩人開

旅懷

有用年華逐水萍無多知己望晨星一科天各方三拜七子詩

尊謝四溟髮漸從人海白
夢魂飛繞故山青
入林倘遂誅茅計
擬製長鏡覓茯苓

贈王名卿孝廉

記否同車訪艷時
虎坊橋畔巷
胭脂銀箋小字揮
雲母玉茗新歌
聽雪兒紅雨一簾
花下酒蒼山萬里
夢中詩吟塊銷盡
玲瓏曲誰是憐香
杜牧之

姚少師影堂

病虎目三角才如劉子聰
緇衣稱內相白帽奉周公
畫像凌煙禿禪心色界空
青邱詩社裏方外有英雄

穆清室詩鈔續集卷二

三

寓館藤花下作

一院如霞蔚朱藤勝去春
東風吹不老只老看花人

賈島谷

一笑返初服賞心京尹韓
微官淪蜀道故里隔桑乾
除夕陳詩祭吟壇當佛看
九僧遺派在休道近郊寒

草

鳥散雜花落萋萋芳草侵
碧連官道遠青入帝城深
煙外含春色天涯損客心
滇池經歲別昨夢故山陰

竹

蕭疏窗外竹涼意滿空庭
盛夏有秋氣濃陰如水青
風微成別韻雨靜愛幽聽
何似吾廬好修篁繞曲櫺

寶劍行弔張壯武

前胡爲出豐城獄後胡爲化
延平津不能廢晉南風不能
誅司馬倫女史一箴空爾陳
司空妨身翻殺身斗牛紫氣
衝晴霄一割用轉輸鉛刀幽
州故宅深蓬蒿何不歸隱房
山椒少年賦豈忘鷓鴣惜哉
邁禍終北朝

柴市文信國祠

正氣今猶活靈祠謁古燕
死難延宋祚生恥共元天
碧血傾柴

穆清室詩鈔續集卷二

四

市丹心泣杜鵑後身史忠
正異代節同堅

孟蘭會歌

幢花幡影交琳宮寶蓮七七
燈宵紅佛光洞燭九幽破
偈人四面聞腥風饑魂千百
出求食貧賤富貴將母同
新鬼形大故鬼小可憐一飽
還爭雄鬼燈前導鬼馬後鬼
卒列隊從元戎死爲國殤死
不死地下生氣凌蒼穹天眼
闔世付平等古今萬相皆虛
空妙明心悟死生澈華嚴性
證中邊融淨因夙結白蓮社
曹溪勺水分南宗末劫離僧
詎解事齋筵法鼓聲隆隆未
能度人適度鬼廣張罪福驚
愚蒙大目犍連遠塵世惟誠
能感幽冥通

青精即使飯香積人天小果非汝功曷如佛心寂照相輪轉高
懸皓月中元中

早晴

久作京華客西風勸早歸心隨宵雨亂目與曉雲飛老樹含蒼
秀遙山養翠微五陵游俠子縱獵趁晴暉

旅夜聞角

秋色滿燕京秋風戰葉聲不堪搖落意迸入別離情白髮吾空
老青山計未成一燈寒照壁堅坐待天明

窻掩帝城月夢驚邊塞音可憐九秋夜空抱百年心高逐南雲

穆清堂詩鈔續集卷二

五

遠哀凌北極深風塵嗟伏櫪老馬去駸駸

秋夜

高樹欲沉日西風生暮陰煙寒鴉宿早霜重雁飛深天地清秋
色關河獨夜心城南車馬寂遠寺有鐘音

綠牡丹歌

霓裳舞罷銷紅艷瓦碎沈香土花紺綠章誰與奏通明欲沈燕
支返清淡帝旁仙子萼綠華宮妝猶帶羅浮霞小謫上清墮香
國牡丹變色如梅花側整雲鬢深碧蛾眉翠染黛痕濕色身
誓禮佛頭青血淚悔結紅冰迹絲蝴蝶繞春風頭花葉一色交

翩翩清平換調大白死託根未必如青蓮軟紅塵裏花如霧安
得綠雲最深處噫嘻西山之下玉泉之曲好闌花哇結茅屋擁
花日醉湖山綠

穆清堂詩鈔續集卷二

三

穆清堂詩鈔續集卷三

雲南叢書續編卷之四

公車集下

出都留別諸同人四首

石屏朱廷珍後園

看花孤負上林春，欲去心猶戀北宸。
祇有琴書潤行色，聊將山水慰吟身。
離筵今夜三杯酒，歧路明朝萬里人。
化盡素衣休便浣，緇痕留認帝京塵。

話到干時意早慵，蹇修無路為誰容。
嫁衣慣代他人作，塵匣甘將寶鏡封。
欲泛煙波營釣艇，擬尋邱壑辦吟筇。
昨宵夢繞蓮湖畔，十頃花香酒正濃。

穆清堂詩鈔續集卷三

一

擬續琴絃歲再除，香閨消息訊何如。
慵盤鴉鬢雲千縷，待畫蛾眉月半梳。
錦瑟吟成春夢後，大雷信到夜燈初。
放歸天許成借隱，紅袖青山伴著書。
時接舍妹書 勸歸續娶

金臺猶記昔年遊，感舊思歸迫系秋。
萬國梯航交日下，八方冠蓋集皇州。
兒時泥印留鴻爪，幼隨先大夫宛平縣任今三十餘年矣驛路車塵撲馬頭。
惟有西山如黛色，多情相送渡蘆溝。

蘆溝橋

歸鳥下蘆溝，桑乾怒亂流。
風聲鳴渡口，城影跨橋頭。
襟帶雄三輔，驅迫九秋鬱。
芳佳氣在回首望皇州。

秋漲欲平橋，秋高葉半凋。
九關連朔漠，百戰入金遼。
曠野爭盤馬，晴空快射鵰。
誰知東逝水，一統閱三朝。

良鄉

小縣臨畿輔，東南驛路分。
亂雅知擇樹，歸馬不成羣。
瘦日白於月，飛沙黃入雲。
一杯茅店酒，悽絕暮鐘聞。

寶店

寶家村落夕陽間，萬里公車兩鬢斑。
垂老祇思歸隱計，昆明湖上買青山。

樓桑村

穆清堂詩鈔續集卷三

二

馳驅身憤跨征鞍，髀肉潛生老淚彈。
吳魏霸圖輸正統，高光王業續偏安。
惠陵煙雨西風晚，涿郡松楸落日寒。
如畫童童桑尚，在成都八百久凋殘。

王彥章鐵槍歌

在琉璃河

將軍手執丈八鐵，一槍渴飲萬人血。
中都馬倒槍亦折，生平不畏李亞子。
關鷄小兒何足齒，百戰身為朱梁死。
嗚呼朱三梟寇之遺孽，單衣繞柱刃飛雪。
傳年三百唐祚滅，赤練蛇敢竊國獨眼龍。
救不得汝為賊，用汝亦賊。臣賊助賊賊敗死，生為逆黨死逆鬼。
表章一行歐陽子，春秋大義不如此。嗚呼死非其所死，何

益區區鐵槍休護惜

琉璃河雜詠

一道琉璃十丈橋燕南秋色莽蕭蕭宋家天下方全盛納幣年

年事大遠

宋人納遠歲幣於此交割

翠華南渡避元兵

金宣宗遷汴通此駐蹕

三月燕山火舊京屈指強金同

弱宋六宮一樣入青城

南風不競燕高飛勝國遺墟付落暉遙望西山休弔古大師行

悲幾時歸

黃柳丹楓映綠浦人家臨水伴鷗鷺場來勢掃江鄉路不憶虞

穆清堂詩鈔續集卷三

三

山憶石湖

范石湖使金有過琉璃河詩虞山有學集亦有和作

張桓侯故里

樓桑村未遠車騎又榆粉廢井鄰官道

道傍有侯故井

崇祠對夕曛君

臣同一體吳魏恨三兮想像當陽日橫矛叱咤聞

入蜀收降將人知國士風宗臣並魚水帝業寄鸞叢語豈劉巴

履名應孟起同無恩讒暴敗史譏恐非公

范陽行

不作范陽節度使欲取長安代天子二十四郡無堅城曳落河

來勢如水御狀昔坐金鷄帳枉道是兒有異相先見早忘張曲

江豈識真卿作何狀野鹿銜出官中花延秋門上啼鴉李郭

百戰兩京復從此河朔非唐家君不見猪兒刃洞猪龍腹天假

慶緒代天戮以賊殺賊事一例尚有思明及朝義

祖述故里

擊楫長江後懸軍百戰年荆榛剪河洛桑梓隔幽燕養賊憑王

導論功薄戴淵有人同起舞終讓着先鞭

名士兼名將時危夜枕戈奇謀摧石虎奮關復銅駝勢欲連三

輔威先震兩河書生饒遠略當代楚材多

白溝河道中懷古雜詩

穆清堂詩鈔續集卷三

四

鐵鷁如雲救晉安河東册立授衣冠石郎甘作兒皇帝如此江

山路契丹

虜騎長驅入汴川誰憐負義尚封侯全家遠徙黃龍府一檄檄

欽去國秋

周家天子是雄才力疾關南一戰開十六州民齊下淚何時復

見翠華來

遼宋交爭界犬牙千秋白骨戰場沙雁門老將稱無敵不死劉

家死趙家

一夕連營潰白溝燕山功借女真收宣和覆轍端平蹈又會元

軍入蔡州

慶戰會傳靖難兵廢興天遠五難明神風捲地旌旗折不助金陵助北平

楊忠愍公故里

馬市和戎計本疏露章遙憶謫官初火輪今日通南北虜似先生有諫書

奏草雙鉤憶帝京松筠蒼髮猶生唐家政柄歸林甫仗馬何時敢一鳴

黃金臺

稷清堂詩鈔續集卷三

五

高臺寂寞半秋草當年霸圖已如掃齊襄復仇紀侯奔勾踐嘗

胆吳國沼昭王發憤先求賢樂毅杖策來歸燕破齊勢若風捲

捲濟西一戰今猶傳借哉騎劫代昌國火牛夜出燕軍北廉頗

去趙長平阮先後同中反間策噫嘻臺上黃金安在哉懸利餌

士殊可哀渭水後車有莘聘王佐豈為多金來君不見老騶有

人聘卻汝霸才非王天下主

事見孟于外編

田光故里

休言一死激荆卿欲劫秦王事未成有客借行椎碎首酬知終

愧魏侯生

劉伶墓

五胡亂華上帝醉典午江山等瓦碎軍法行酒人無人竹林豈容阿戎輩天生劉伶以酒名但願常醉不願醒嗣宗叔夜此同志醉鄉神主糟邱盟鐘鼎山林付秋夢虛名身後復何用酒人莫道無文章選樓艷傳酒德頌丈夫生不為卿相酒國自合容疏放新亭舉酒嗤伯仁楚囚相對色凋喪王績隱君子徐邈中聖人青山荷鍾待埋骨飲中八仙誰後身長星莫汝一杯酒替人獨許陶五柳中山美酒足千古醉魄願化陶家土

渡易水

稷清堂詩鈔續集卷三

六

木葉下微波驅車欲渡河西風吹易水斜日弔荆軻慷慨臨郊

祖蒼涼變徵歌不須訪屠狗祇合伴漁叢

保定府

劇郡燕山接神京此近藩三關雄北極一氣俯中原旅店臨官

道炊煙傍女垣塵沙愁撲髮昨夢到家園

孫蔭堂

天錦明府招游蓮花池半為書院詩以紀之

城市園林泉亭臺樹杪懸竹聲寒欲雨花氣淡於煙飛雁雪中

路浮鷗水底天清遊愛佳日風物正蕭然

危閣水中央西風一味涼槐陰深院靜荷露小橋香豈意金臺

畔海如翠海傍今宵游子夢飛度碧鷗坊

穿林踐殘葉未到鳥先知石骨瘦如畫吾心先有詩蒼黃霜後

瓦萍綠雨中池孫宰情何厚携尊慰客思

池記張柔鑿前元薛碣班巖開林屋洞樓枕郭熙山柳谷常求

友花籬鶴扣關安能謝行役來借宅三篇

望都

聖蹟傳嘉母官程宿望都風催斜日下雲掩遠山孤古廟鄰城

郭荒陵入畫圖傳賢變家法遺恨有丹朱

定州懷古

穆清堂詩鈔續集卷三

七

盟寒息壤主恩疏燕市曾經弔望諸何似文侯能用將中山謗

滿樂羊音

定鼎重延半壁燕英雄遺恨負符堅成都創業稱章武一樓開

基迫暮年

元石沉酣典午秋中山酒美勝青州百壺痛飲三年臥合與劉

伶贈醉侯

荒城秋老見蒼花唐代雄藩此建牙不及劉再錫郎士元傳故

宅一杯終古屬詩家

雪浪流傳問有無千秋遺跡豈尋蘇宋家長嶽山頭石聳盡何

人弔汴都

正定天寧閣銅佛歌

關十三丈重以五燕南趙北青可數佛高七丈尺逾三大身穹

窿絕今古傳聞開皇僧澄空鑄佛手聚銅山銅捨身投冶骨火

化法相領出常山中自從像教入中國供養全身遍南北豈知

妙法本虛無是相非相色非色燬佛成銅佛何尤鑄銅成佛佛

何德君不見魏太武宋孝武崇世宗趙太祖滄桑陵谷一杯土

滅佛佞佛兩無補梵王有靈應笑汝

正定懷古

穆清堂詩鈔續集卷三

八

東下井陘道秋聲遺壘寒奇兵連虜武背水破成安斜日淮陰

釣雄風大將壇藏弓君自取未信採芝難

割據龍川令偏隅亦壯哉河山橫竊氣秦漢此雄才節為誰生

屈基先劉隱開虬髯避唐帝一樣海邦來

冰合滹沱渡馮夷聽指揮赤心銅馬伏白水火龍飛漢室謳歌

數萬人歷數歸靈昌矜瑞兆石勒豈知非

帝曹信英雄相從患難中三分稱虎將百戰老靈蟻伐魏名尤

正吞吳恨未窮一身都是胆季漢幾人同

墓前崇山郡能常與落河昭陵嘶石馬蜀道走青驄温序銜類

久張巡嚙齒多平原有難弟同奮營陽戈

宣慰來成德朝廷惜此行河中殞巢父汴水失貞卿扶義綏強

鎮嚴詞折亂兵武夫徒仗節定變遜書生

謁夷齊廟

二老避商辛歸周亦外臣西山異東海尚父愧遺民神護風何

遠征誅局又新孤踪同泰伯豈獨並三仁

孟氏稱清聖宣尼重古賢生惟知父命死不戴周天箕子朝鮮

立頑民洛邑遷何如孤竹裔高餓首陽巔

李牧故里

穆清堂詩鈔續集卷三

九

一戰匈奴避邊功代郡多奇才追樂毅名將並廉頗漢救雲中

守唐傅塞下歌勞軍容細柳得牧問如何

廣武君墓

漢將懸軍入成安頸血新左軍謀不用莫謂趙無人

解為淮陰計強燕尺一收未聞如蒯徹相面話封侯

趙奢故里

莫道空言將略疏胸中成竹問何如登壇一對二秦定趙括安

能讀父書

知子人爭說趙奢將門無後亦堪嗟蒙恬誅後王離虜休羨西

秦有世家

趙州橋

自古飛仙半御風肯留踪跡石橋東騎驢枉說唐張果幾見堯

時有侍中

柏鄉詠古

六十衰翁氣尚豪甘將一死救張敖漢皇大度誅功狗持節惟

聞赦賈高

張王客競入關行垂死宣平幸得生海島從亡人五百屍鄉終

不救田橫

穆清堂詩鈔續集卷三

十

馮唐故里

休嘆為郎老漢初遭逢文帝幸何如聽言立赦雪中守不待千

金盾背書

豫讓橋

事范氏事中行棲不擇木禽非良國士遇負知伯先讓既無輔

果謀存孤復愧程嬰策漆身吞炭為刺客斬衣三躍死何益橋

邊流水風蕭疏有女三嫁情何殊君不見蘭陵公主殉後夫

沙河

河漲水無岍秋高風有聲平沙疑大漠斜日見孤城蒼莽天圍

野荒涼地廢耕戰場多故鬼沙河為古戰場李華所弔即此烽火夜縱橫

臨洛關唐洛州治此

太行青不斷遠勢壓浮汜日色臨關淡秋聲入市多晉梁餘賊

蹟燕趙易悲歌久矣方州廢驛車奈晚何

盧生祠

欲訪盧敖路香冥難將真訣信丹經漢皇晚悔求仙謨豈似狂生夢不醒

開元遠在尤中前安得盧生遇呂仙自古稱官多附會邯鄲一

夢笑臨川

穆清堂詩鈔續集卷三

十一

邯鄲雜詠

康蘭交歡肯負荆強秦畏趙不加兵安劉千古的平勃誰識謂

和賴陸生

十年留趙識英雄豈獨侯生解立功奇士自來多滄跡賈業中

與博徒中

圍城幾欲下邯鄲回首長平戰骨寒二十萬人同一哭好還天

道有新安

遠別京華莫亦疏歸心猶逐雁飛初窮愁擬作虞卿計翠海詠

孝好著書

磁州

夾隄楊柳映清流小雨初晴稻未收十里遠風吹不斷香荷香

真過磁州

邯鄲懷古

城郭殘秋杜風飄暮景北懸漳水潤西枕太行高亂世名都

廢前朝血戰勞少年舊遊地弔古首重搔

銅雀高臺圯西陵草尚青詩雄新樂府神劍小朝廷疑塚今猶

在當塗鬼不靈閭官誰詠柏路繞錦官亭

典午紛爭日何人鎮鄴城至尊纔復位太弟乃稱兵鐵馬騎河

穆清堂詩鈔續集卷三

十一

朔銅駝臥洛京織兒敗王業元海尚相輕

石匄不留種趙官開鄴都河山豺虎穴兄弟犬羊屠嚼臂驚妖

夢鞭屍棄死胡成林嗟棘子知有棘奴無

氏王頭有角電掃鄴宮荒霸業夫差敗天心項羽亡鳳皇變鳴

鳥鷹犬化魚羊彈指分成敗燕秦舊戰場

元魏割西東乘時角兩雄逐君季平子專國漢曹公黑獺分開

右蒼龍徒鄴中酒酣歌勅勅老淚百年同

父兄枉龍虎殺燕上天飛狗腳生遭廢烏號死不歸無愁齊苑

曲合鳳晉陽國轉瞬周師入琵琶抱淑如

太子繩穿鼻猪兒刃洞胸連兵九節度中使一軍容久頓堅城
下難賞虜騎衝北司終覆國作備始元宗

討鄴軍仍亂譁然劫令公前驅汴梁入內變洛陽空節鎮憑推

戴伶官竟始終門鷄小兒輩齒冷有英雄

留守稱兵日都亭犯蹕時雕青作天子主魏付乾兒迴憶涇州

變中途漢祚移陳橋同覆轍不用裂黃旗

將相身兼後分符守故鄉焚黃拜先纓醉白記華堂老圃吟懷

淡寒花晚節香孫枝誤南渡遺恨有師王

七子交情斷諸王禮數親賞心逢絕代眇自伴山人老筆花終

和清堂詩鈔續集卷三

七

謝荒墳草不春中州何與李文苑共彬彬

湯陰謁岳忠武王廟

遺恨小朝廷風波阻將星西湖天水碧東晉帝衣青在外應專

制班師自守經故鄉有祠樹南向惜英靈

倘抗金牌召仍將鐵騎驅手擒四太子面縛五單于出塞迎龍

馭歸朝委虎符束身就司敗獲免亦江湖

細審當年勢因知上將心民情思弱宋天意助強金諸路援師

斷孤軍敵境深左軍謀若用不戰勝淮陰

湖上騎驢各同時胆亦寒長城甘自壞半壁忍偷安大獄成張

俊奇覽倚曲端吳山空入畫立馬有人看

少日曾瞻拜今來四十年墓門隔於越戰地履朱仙儒將才文

武英雄志聖賢友青人零落粉社尚依然

稽侍中祠

只合終棲適稽山臥白雲龍猶困魚服鶴竟立鷄羣幽憤疑忘

父孤忠味擇君至今蕩陰里祠墓對斜曛

天子成孤注倉皇喚奈何濺衣空灑血犯蹕竟揮戈有客攀松

柏終身廢蓼我孝思兼苦節物外並公和

比干墓

和清堂詩鈔續集卷三

十四

苦諫龍朋似宗臣重有商剖心難悟紂披髮願從湯節與微箕

異名爭九鄂光特書賴尼父墓碣係孔子書封墓謝興王

衛輝

落葉滿朝歌淇源靜不波今宵生白髮昨夢渡黃河俗變殷墟

舊賢懷衛國多夏峰遙仰止長嘯謝公和

亢村驛

恭拜河流萬馬奔平沙一掌杳無痕堤身北折高逾屋渡口東

迴首到門頭淡鷺風吹瘦日淒涼古驛寄荒村鷄聲今夜休催

曉萬里家山入夢魂

河堤

濁浪無風亦怒鳴長堤匝岬暮雲平
金一擲逾千萬聚鐵州鑄不成

橫流一半挾沙泥水勢中高兩岬低
安得太行東接海防河千里罷金堤

渡黃河

如山疊浪擁輕舟賴有神風送渡頭
三萬里通星宿海四千年繞帝王州
誰能導水行無事未必尋源是濁流
瞬息飛帆登彼岸沈沙回首使人愁

穆清堂詩鈔續集卷之三

七

榮澤道中夜行

戴月下成皋霜華濕敝袍天通一
綫曲壁削兩岬高霸業爭牛耳雄關
築虎牢古來稱險要吟嘯任吾曹

廣武原弔阮步兵

白眼無今古狂遊廣武中項劉皆豎
子魏晉豈英雄記室慙猶逮官厨酒
未空迴車成一痛端不為途窮

新鄭弔明高少師拱

被逐因馮保柴車去國門危機先政
府晚歲有驚魂北寺讒成獄東林酷
覆盆江陵終籍沒相較是君恩

軒轅故里

猶劍征誅局蚩尤一戰平兵家韜略
啟劫運帝王爭先路開湯武餘風衍
漢明真人本天授草竊詎能成

謁張睢陽祠 借刻他氏收回

壞雲如陣壓城樓曳落河來慘不秋
六矢胆飛名將面一軍心醉美人頭
神仙無力銷兵劫厲鬼終當殄冠誓
莫恨張公援已晚賀蘭歌舞隔徐州

渡潁水

莫信古高士一瓢輕九州傳賢天子
讓重地聖人憂汝際車處

穆清堂詩鈔續集卷之三

七

盛吾非隱逸流入林兼洗耳未忍慕
巢由

襄城李元禮墓

國柄歸常侍唐明禍略同東都名士
盡南部無人空嘆息龍門地經過馬
鬣崇何如因樹屋物外自真鴻

過子路問津處

用世心非避世知停車問渡漫相管
躬耕尚許高人耦未信春秋是亂時

南北馳驅笑此身求名我尚走風塵
田間自古多高士不敢臨

流再問津

葉縣玩龍臺懷古

好龍好畫非好龍何來荒臺臨城墉天龍變化本神物肯供人
玩禽魚同爾日王孫自厲劍宮廷禍發蒼黃中司馬濺血令尹
死九鼎一髮懸華宗豈有包胥遠乞救並無子重親臨戎偉哉
獨起方城外手提一旅殲白公國人望君若望歲循吏兼有儒
將風玉喬島寫事荒幻仙令莫並前賢蹤我來懷古一論定欲
喚漫尉奠以玻璃鍾

元陽行

千里旌旗閃天半網底直圍合小縣雲車雨矢汲樵斷諸將欲

穆清堂詩鈔續集卷五

七

降或欲散真人笑起奮一戰戰酣天亦助雷電洩水狂奔猛獸
窟中堅忽崩敵陣亂一鼓破賊四十萬九州版圖復歸漢赤伏
符興白水畔嗚呼莫謂田間崛起高皇同鴻才大度較勝隆準
公睢水滎陽屢敗北幸賴信越穢重瞳赤眉銅馬爭從風百戰
不挫真英雄雲臺功臣皆令終狂奴故態猶能容君不見人處
妾野雉妻愛子變相蒼犬啼何如郭后雖廢全其生東海王賜
天子旌

張釋之墓

張公昔入宦耗產動鄉情一拜漢廷尉能持天下平止車繩帝

子結襪重王生試展方城墓賢節未敢輕

博望驛

盤空休談博望功數奇猿臂在英雄請看漢相通侯賞李蔡人
才僅下中

東海西洋共地輪皇華來往等通津武皇下詔羅才俊遣使何
曾到大秦

望嵩嶽

太行如神龍橫絕歷九塞蜿蜒數千里一氣劃兩戒掉尾入豫
州崛起破天城盤結為嵩山南幹始分派土德秉中央元化運

穆清堂詩鈔續集卷五

六

雄快高推日輪斜倚臨黃河隘羣峰殊險晴萬古蒼深黛翰真
闕英華吐秀孕靈怪造極惜未能佳處領其外何當窮登陟名
山償詩債

卧龍崗武侯草廬

出師果恢復羽扇奮鷹揚吳魏君為虜關張將不亡兩京興廟
社一統繼高光歸政阿衡老重來卧此崗

無奈天心定炎精恩數窮三分爭虎踞一綫續蠶叢寄託傳遺
詔艱難盡鞠躬但期伸大義先見本隆中

志不求聞達躬耕晚有莘屈身無帝肯抱膝老天民正統書朱

子遺文表晉臣何如王景略世亂事符秦

渭水垂綸老商巖應夢遲羨公王者佐遇主少年時戎馬空投
筆冥鴻負採芝長絲嗟漸白慚詠草廬詩

南陽懷古雜詩

萬里公車白髮新軍門杖策少年春書生無分雲臺畫鄧禹安
知不笑人

不負初心娶麗華君恩壓倒六宮花能教愛弟辭封賞金穴終
常勝郭家

忍死軍中嚼虎牙抽刀血染戰場沙彭亡遺恨同終古未及生

穆清堂詩鈔續集卷三

十九

誅井底蛙

少年佳句誦春城誰倒誰能媚後生猶幸一官終晚達九重親
署與君平

南陽

城郭蒼煙罩川原落木空路通三輔曲天定九州中得雉真龍
兆騎牛汗馬功誰知勸稼日謹厚亦英雄

新野

一掌盡中原平沙見女垣風雲交陝洛驛路接襄樊入市炊煙
密投林暮鳥喧故山歸不早失計復何言

樊城

鎖鑰南朝勢壯哉重城遙隔一江開與襄陽隔一江豫秦地控中原關
吳楚船爭上水來萬里歸人猶逆旅千秋雄鎮幾奇才明朝更
買襄陽棹要訪呼鷹舊日臺

襄陽

煙樹開平野江山據上游亂帆時近郭斜日獨登樓地拓秦關
險天包楚塞流人懷羊太傅吾弔武鄉侯

旅夜示友

章臺送別柳絲輕一曲驪歌酒半酣楓葉秋江浮楚北杏花春
穆清堂詩鈔續集卷三

二十

雨夢燕南當墟醉賞銅鞮舞樂歸謀海嶽多謝故人相慰

籍招携紅袖伴清談

襄陽雜詠

龍鳳遙招對道塊杜鵑啼罷月黃昏亦知天外冥鴻好採藥終
非漢鹿門

幾回憑弔感滄桑節鉞誰能記宋唐地以人傳君信否孟襄陽

後米襄陽

襄陽懷古

同姓擁強兵當塗勢漸成荆襄偏坐視俊及枉虛名作賦客王

傑裁書示正平兒郎笑豚犬納土望風迎

得一安天下天心乃忘才伏龍期共濟離風不歸來遺恨圓城

矢銘功斷碣苔鹿頭關外路愁聽杜鵑哀

緩帶復輕裘襄江鎮上流伐吳期一統為政亦千秋策就張華

決功憑杜預收岷山碑尚在遺愛至今留

爛醉尚能騎歸來倒接羅風流山簡節日往習家池惠政前賢

愧嬉遊後代知如何深陽尉獨困晚唐時

五馬渡江後中原龍虎爭六朝推重鎮三楚此雄兵都督空專

閩夫人舊築城荆州老從事晚擅著書名

稷清室詩鈔續集卷三

三

卿目不求仕何曾朕棄卿愁拋鸞掖夢歸隱鹿門行摩詰同詩

派襄陽以地名近鄰浣花里私淑愧吾生

書畫船中月如虹夜有光一菴棲海嶽千古並蘇黃潔性生成

癖頭名辨不妨折腰呼石丈佳話憶元章

炮火擊雷霆圍城戰血腥六年昏日月一旅斷朝廷軍國鴛鴦

夢湖山蟋蟀經木棉師相骨可惜換冬青

杜工部故里

公才公志豈詩人天不容為稷契身一代高名齊太白千秋忠

憤繼靈均微官晚更傷淪落清夜歌猶動鬼神孤負故鄉好山

水不知遷壑是何因

草堂空結錦江邊第妹關心兩淚懸作客人依嚴武幕思家休

問杜陵田生逢亂世天能隕死葬名山鬼亦仙公墓在未陽衡山麓文苑

辨香爭嗣法不知衣鉢幾人傳

襄陽登舟

快與車塵別江聲枕上聽天光低帖水雲氣遠粘星映月山逾

碧侵霜髮不青龐公棲隱處回首愧鴻冥

舟夜

挂席北風勁孤舟天際看葉紅霜後脫山翠月中乾鄉夢愁途

稷清室詩鈔續集卷三

三

遠詩心亂歲寒不如南去雁飛到彩雲端

舟過安陸

平楚朔風急餘霞吹漸低數峰襄水曲一棹石城西梅尉宅何

在蘭臺基已迷斜陽雁邊下眼色遠淒淒

旅泊荒江岫宵長月上遲人吟莫愁曲鬼唱竟陵詩枯柳帶寒

色老梅抽嫩枝漢皋亭畔路來日酒杯持

荆州

西極通巫峽東流繞漢陽楚山遙人豫荆水曲交湘浪湧三江

口沙沉百戰場古來形勝在憑弔感滄桑

手擲高唐賦離騷有酒尊行吟對漁父立傳賴龍門欲慰三閭
恨難招九地塊美人與香草一例寓君恩

牽川貴公子避亂適荆州不效德公隱甘從劉表游迎賓誰倒
屣作賦且登樓為問陳思外詩才孰與儔

赤壁連綿盡東風火北軍周郎拚一戰漢鼎遂三分烏鵲乘星
月蛟龍得雨雲至今江上水返照尚如焚

建業占歸妹荆州借館甥美人誰教賊娘子竟能兵淚灑黃陵
廟塊飛白帝城繡林山一抹眉黛遠猶生

父兄危不救帝號竊湘東經講圍城裏書焚禁殿中粧羞看平

穆清堂詩鈔續集卷三

三

面檄怒引重瞳何似瑯琊渡猶能竟始終

虛名西魏立奉朔等藩侯梁社延三紀江陵據一州蒼鴉故都

出白馬霸朝留較勝兒皇帝穹廡屈膝羞

嘗笑謫仙上詩增工部愁果能入嚴幕亦願識荆州勝地須

詠才人好遠遊漫尋馬融室且醉曲江樓

一成兼一旅奮志尙能強據地逾千里稱臣遍四方井蛙猶自

帝郭雀亦稱皇無賴誰爲偶平山馬糞王

襟帶長江險宮程遠帝京天包三楚塞地宿八旗兵南關

成敗元明歷戰爭不須更懷古昭代久昇平

月夜舟泊野寺外

夜月照成雪冬山濃似秋風霜欺病骨江漢泛歸舟浪白遙吞
听天青倒入樓一聲清磬寂倚舵看東流

漢口

昨宵痛飲宜城酒今日來浮夏口船武漢一江城兩听關山萬
里月中天繁華市井笙歌沸控制東南要害懸遠愧忘機灌園
叟勞勞行役迫殘年

川關

凌空高閣俯雄關江漢關設漢鎮滾滾東流去不還繞郭綠分漢陽樹

穆清堂詩鈔續集卷三

三

隔江青送武昌山萬家煙火危關外一片風帆落照間可惜芳

洲秋草盡正平遺塚土花斑

鸚鵡洲禰衡墓

我來鸚鵡洲不見飛鸚鵡把杯獨奠禰正平招君魂魄與君語
東京黨禍昔分南北部林宗孝然物外甘伏處君未入太學亦
未辟公府躬耕亂世豈無侶惜哉孔文舉薦汝實殺汝當塗代
漢勢已成公卿難伏俟翼虎良禽尙知擇木棲奈何懷刺輕入
許目中既已無魏武胡不委身事先主縱非龍鳳儔亦與元直
伍否則渡江從伯符義許堪佐尊何物張遼與許褚阿瞞

黨豈值狎侮者岑李衣手擊鼓底事謬罵禍自賈借刀殺人向
耕耨一誤再誤依黃祖蓬蒿寂莫三尺上江聲嗚咽自終古君
不見稽康識冥道殺身一樣覆轍脂典午

赤壁

老瞞南出荆襄空跨江千里 鱗鱗橫與賦詩信豪舉此時氣
已吞江東使君天下真英雄 惟慨復有諸葛公紫髯矯矯非劉
琮張昭乞食誅何窮周郎顧曲殊雍容年少制勝能折衝三分
鼎足係此戰北軍一炬憑東風老瞞氣盡不敢篡二喬免鎖銅
臺中黃州赤壁名偶同作賦幸遇東坡翁才人乘興自千古何

和清室詩鈔續集卷三

三

暇考據求兼工江山風月今似昔一恍夜色煙濛濛

月夜舟行

夜靜復揚舫隨風指洞庭一 帆霜後月幾點旣邊星湖水連江
白吳山入楚青舵樓吹鐵笛煙樹遠冥冥

泊岳州城外

蘆荻無花雨旣荒萬家煙火遠真 茫湖光帶月連湘水山翠隨
風到岳陽飛雁聲酸知失侶浮 鷗夢熟誤驚霜輕帆乍卸巴陵
郭臥聽寒鐘夜正長

岳州舟夜

霜月吐城陰清宵眾籟沈天 圍楚山盡江入洞庭深古蹟三分
業扁舟萬里心滇池沙雲外 斷雁有哀音

雪中登岳陽樓望洞庭湖作歌

朔風侵曉山睡醒皓然一色 迷巴陵危城上湧樓三層戴笠踏
雪梯而登清寒傷人凜肝肺 詩思高潔心妙明雪中孤立君山
青扁山雲際迺目成離合出 沒懸瓊玲蒼翠斂盡巖峰後湖光
帖鏡波不興水天凍結簾垂 晶風樹水骨水立冰冰水壯風勢風
怒霆萬木僵折灣無聲潑空 亂灑花冥冥粵楚上流高建瓴破
山穿峽奔洞庭茫茫倒展八 百里夏秋積水掀天平水性互異

和清室詩鈔續集卷三

三

水力悍如遇勁敵交憤兵豈 知冬冷天嚴凝水勢叫落水不爭
東海揚塵尙清淺何況一湖 難久盈盛衰自古本倚伏觀濤安
用誇枚生鼓棹來日逢雪晴 綠綵歸釣尋鷗盟

武陵

款乃聲初罷風帆葉葉張江 流通蜀粵山勢接沅湘招屈孤亭
在春申舊宅荒桃花零落盡 何處問仙鄉

楚南舟中雜詩

山凌飛鳥外鳥背見殘陽樹 色寒猶翠烟痕遠更蒼地雄三楚
界天割五溪光匝岫江流急 歸舟激浦旁

夜半誤疑曉不知新月生凍雲沒山骨積雪咽灘聲風力逾清
壯人心亦妙明伏波祠下泊吹笛憶南征
雲外露山缺朦朧朝日升光搖松杪雪冷碎石稜冰茅屋幾家
掩蘆煙一縷蒸孤舟逆流上斲轉見魚骨
流水日東下吾舟行向西山環楚江秀天入夜即低枯木巢
鳥荒村聞午鷄舵工指相告官驛近清溪

鎮遠

連日舟行厭灘聲一枕懸今朝復遵陸城影落雪邊水驛遙通
楚山程直到滇兩年京洛返故我尚依然

穆清堂詩鈔續集卷三

七

飛雲洞

半壁垂空削靈根插地肥亂山東天小怪石挾雲飛磴道盤青
峭溪流繞翠微爭奇詩骨健不悔遠遊歸

雪中過重安江

萬山圍一峽峽湧大江來危磴穿雲度飛橋鑿雪開冰堅馬蹄
滑林折鳥聲哀古驛懸崖鑿高亦壯哉

大風洞

岩腹忽深闕石根懸半空窗憑雲氣裏閣枕水聲中亂灑千山
雪酣鳴萬壑風忽寒攀絕頂清興幾人同

牟珠洞

黔南背石山山劍鋒快一山青刺王俯受眾山拜飛雲勢離
奇光明了無礙石與豪傑遊露肝肺牟珠擦山巔穹窿蒼
深遠外窰中益虛一壁假華蓋曲徑捫轉幽秉燭入漸隘陰險
難窮探佳處不在外譬彼城府人厚貌藏機械不仁位雖高時
艱恐立敗安得披腹心然犀照百怪

過犀牛灘登望水亭觀瀑布作

岷岷傍仄支危亭仰對絕壁懸流傾石欲挫水水不受水石日
夜酣交爭兩峽中斷天爲驚龍挾雲氣飛縱橫從高墜下如建

穆清堂詩鈔續集卷三

庚

飢斜射倒捲花濛冥出沒曲折隨山形軒然松杪竄青風威
助水水震霆水力借風風怒生長虹輝映晴霄晴銀河迸落冰
山冰煙霞雨霧皆強名古人體物非天成半生心跡同虛明妙
取山水怡性情長歌造意兼傳聲蘇未游騰代興惜哉知已
惟山靈結茅請與泉石盟

滇南勝境坊

黔南窮于疊嶂疆界一闕乍晴殘成雪初靄故鄉山驛道荒城
外人家亂石間勞身行萬里不覺髮絲斑

清溪洞

古洞今仍到青山帶笑迎合離雲斷續向背日陰晴高樹含秋色飛泉雜雨聲昆池猶遠隔回首暮烟橫

關索嶺

按關索地志以為李漢關壯繆子然陳壽志無考

天半萬峰合層層雲氣生怪禽啼曉色老木戰風聲石磴盤空細人煙隔嶺明千年崇廟貌蜀志竟無名

楊林驛

萬里關山盡猶餘一日程冬晴春氣暖湖靜浪花平疲馬嘶荒驛歸鴉集廢城今宵眠較穩夢已到昆明

板橋

和清室詩鈔續集卷三

羌川の山

回首京華萬里遙昆湖咫尺倍魂銷三年重見長亭柳浪瀟春光到板橋

久別龍湖入夢稀寄聲鷗鳥莫相譏緇塵未浣初心在猶幸歸來是素衣

雪

破曉灑微雪薄雲低幾層隨風時雜雨入水不成冰樹重初盈杪山寒漸掩稜滇池如化酒醉筆賦猶能

穆清堂詩鈔 續集卷四

蓮湖集

辛卯端陽後一日同人復結蓮湖吟社於精舍軒即事

懷

蓮湖朔風寒昔別板橋宿素衣流縈塵湖光不能浴今夏集翠
軒雅集共刻燭前遊恍如夢吟社欣可續辨香宗少陵把酒真
玉局新詩現化工秀奪山水綠閉戶容著書窮秋詎非福但得
一卷傳不羨萬鍾粟終當狎鷗波傍湖誅茅屋

京華杏花時雨下劉黃第歸裝攜錦囊收盡太行翠少歲丁亂

穆清堂詩鈔續集卷四

離戎軒一身寄生涯資視田詩思人哀麗繁絃帶商聲陸壘擊

欲碎蜀粵兩橫衣謂趙沅青謂叔裕兩先生賞音許附驥展卷每動客殷勤

見規慰絕豔而驚才人憎鬼亦忌致福須和平貴養氣我

老江管枯青雲久無志同社多英年勉儲公輔詩述先正言

敬附葛藟義

星迴節

六月廿四夜如墨彩雲匿影天無色東薪蒸火松香煎星星點
點東西阡忽然萬炬紅蜿蜒時上時下時橫穿燎原一片光燭
天中有泣血之婢娟德源城燬軀亦捐靈之來兮陰風旋暗囈

星迴於天季冬月十六日為南詔節自從佳節改今夕蓮花朶
朶火中碧火有時熄心不熄節婦在人心上立至今父老猶雨
泣

集翠軒懷黃石齋先生書採蓮賦長卷

有明書家擅行草沈叔山與衡山翁華亭宗伯逞姿態翩翩顧
影如驚鴻石齋先生起漳浦文章氣節名天崇不以書者書逾
工丹心浩氣流露長練中抗疏召對于天容廷杖不死迴宸聰
詔獄手繕孝經數十本墨光血影交熊熊乙亥季春偶草採蓮
賦用筆矯變疑游龍鋒稜化盡神凌空至今展卷生香風大小

穆清堂詩鈔續集卷四

二 川文上

疏密結體任吾意匠心獨到天無功六朝綺麗詎足勞揮灑別
有寄託曉知公花中君子性相契濁世立朝清節蓮花同蘭海
拜表親臨戎金陵殉國成孤忠兩廡從祀久論定表章異代由
蒼穹爾日馮銓王鐸稱妙手晉江二水書尤雄豈知藝苑流傳
借人重桃李品敢儕貞松蓮湖花滿波溶溶明霞一色浮玲瓏
忠魂遙許吟魂通採蓮入夢或者花陰逢

題宋補山廷樞廣友原配唐孺人秋宵侍藥圖

妾事夫夫行妾代夫養姑妾事親知有慈親不知身夫返滇南
姑卧病此時姑倚婦為命妾無方含淚叫天天不應

呼吸姑身判生死冷月熒熒透窗紙以妾代姑妾亦甘毀傷何暇計肢體凝脂如雪刀如練淋漓血肉割盈片煎肉奉姑姑病蘇玉臂痕掩無人見至孝格天天亦哀慈姑延年夫歸來妾力已竭妾疾作鸞釵一夕分妝臺我知純孝由性生救姑情迫非殉名有母見問且不告身後豈料

朝廷旌秋宵侍藥今留畫付與檀郎素壁掛短歌題圖當有酒惜哉芳齡僅十九

優曇花歌

兜率宮暖張瓊筵散花天女凌雲端託板直蘭始何代曇花一

穆清堂詩鈔續集卷四

三

現逾千年甘露法雨澆枝葉旃檀氣淑風冷然玉英映日蕊珠縱金絡綴雪流蘇懸手姿綽約意清淨神光離合超諸天世間羣芳盡凡豔一塵不染同青蓮妙相莊嚴本無相微笑靜悟拈花禪傳聞古佛偶覆鉢捧花龍獻昆池邊釋典稗史等荒誕花枝欲與詩爭妍君不見定惠海棠嶺南李蘇韓一詠今流傳詩家自古不世出奇才況少生南滇名花寂寞賞音寡乏才人競誣山川花得知已花無恨吾儕詎必輸前賢為花寫生不須畫花豈非佛詩非仙

蓮華禪院看荷花用東坡定惠寺海棠詩韻

半城煙水蔚林木蓮華禪院媚幽獨田田十畝花怒開天然風景清絕俗傳神休倩濂溪文入畫壓倒桃花谷瀉珠吾欲傾露盤賸嬌誰擬作金屋詩人與花通性情愛花往往甘於肉幾叢香雪淡不流一片明霞暈初足盈盈微步仙子仙澹澹新妝淑女淑朱闌三面臨湖落白日半竿繫山腹據石衣澆數點苔繞窗地少二分竹採花孤負護花心凌波惆悵橫波日明如出塞遠別漢花蕊朝天苦思蜀舊盟廿載寒鷺歸夢千里逐鴻鵠扣舷空續采菱歌垂綸怕吟漁父曲且為名花作主人對酒真教鄉思觸

穆清堂詩鈔續集卷四

四

題周竹宣世銘明府印譜

玉璽剗刻秦皇宮兩漢私印紛難窮篆隸法變雕鐫同芝函斗檢金泥封貞觀宣和鑑書畫御府圖記鈐硃紅虎豹獅象禽魚蟲車碾碼碯金銀銅青田壽山出近代花乳用自王山農姜白石趙松雪印譜收不盡枝山香光前明稱兩雄國初首推孫退翁同時復有周亮工畫門青雷名乾隆完白臬文橫絕嘉慶中邇來此事久衰歇蘭陵才子今益公心欲無手手無石刀法篆法妙有前賢風譜成三卷凌八代斟酌百家憑寸衷不藝為藝藝合道六書一貫遙相通開卷古意森藏鋒珠

光劍氣斜入晴霄虹問君絕技誰所授君曰吾心自悟非天功

題陳銜山 矩 大令東瀛草

壯遊目窮中原界破浪乘風到海外袖攜扶桑三島歸錦囊五色吐光怪衡山先生今仙才健筆一擲滄溟開東坡退之去人

遠蕊珠誰奪乖龍來漢家空求異域使博望浮槎不至此葡萄

酒泛櫻花尊松煙露麗蕉葉紙徧訪金石壯行蔗况修與圖補

國史天以奇遇昌奇詩弓衣傳誦三萬里日本屹立神州東

太平洋與西洋通火輪互市國一變制器漸染歐羅風朝議主

和諱戰守鄰邦患與中華同書生憂世付詩卷斧柯不假難為

穆清堂詩鈔續集 卷四

五

功浪池示我紀游草詩境獨闢無聲讀君作為君歌才士幾

輩逾新羅得一大君較前賢多安能瀛海中外鯨不波片帆來往

竟如茗溪張志和

題姚志梁

文棟

觀察小照印書其歐州照像記後

火輪破浪飛銜鶴七萬里涉天之涯

聖朝海國盡通市神州四部同一家先生奉

命乘皇華介使臣至歐羅巴天吳効靈海若拜安憑赤手敲鯨

牙昔年曾訪徐福島

觀察曾

蒲桃吸盡長清島

日本

霞壯觀今復

歷西海笑仰海水如杯茶作賦不情元虛筆長吟分剝安期瓜

救時偉論偶一發未形禍杜機萌芽異域山川記實踐鑿空詎

侈星河槎伯爾靈城聚同志高會竟欲凌無遮借鏡海外快寫

照靈臺空明無纖瑕流傳後代勝九老人相我相豪不差演池

風送迴帆搗折衝尊俎踰金沙他年畫像

紫光閣

御筆製讚揮天花

題岑公子桐階

光鳳

桐陰暢月圓

人生夜遊當秉燭醉月飛花羨金谷春宴亭傳桃李園過曉青

蓮話心曲西林公子今天才畫史寫真倩尺幅撫石坐愛米襄

穆清堂詩鈔續集 卷四

六

陽揮毫尚友蘇玉局林杪仙雲晴不飛花外流泉冷可掬梧桐

陰靜風冷然月波倒瀉尊中綠苔髮籍地如鋪茵秋聲作飲勝

吹竹一輪且喜映浮蕉五柳何須定泛菊高枝異日樓上林更

畫玩月倚金粟

題吳楚生

式釗

同年小照

楚生吾黨之詞宗行年二十仍屬蓬傭人莫作冷官看奇才大

略同前同誰欺為君圖此容湛然秋水神凜空巧用西法攝入

鏡置身一片光明中說劍文頗似莊子畫馬歌欲追坡翁春官

六上士不進依舊吐氣如長虹勳業自古要時命傳以著述天

無功劍有干鎬馬有馳斯人亦是人中龍他年草制明光宮凌
煙畫像知誰雄

七夕詞效玉谿生體

天上璇樓閩苑西碧城何處覓丹梯蟠桃幾度偷方朔錦瑟華
年斷玉溪河漢風罌烏鵲散梧桐實落鳳凰樓劉郎莫道蓬山
遠東海揚塵路不迷
枉欲驂鸞謁紫清芙蓉海外並無城唐宮解證憑肩誓魯國難
忘割臂盟空禱芳絳留再世願稽靈牒問前生飛瓊合謫彈爭
妓誰使笠篔簹定情

穆清堂詩鈔續集卷四

七

碧浴盈盈月半鉤可憐宵耐有情秋分無錦字憑青鳥難挽瓊
枝繫紫騮擣藥眠香知顧兔支機贈石負牽牛白衣蒼狗如雲
變傾盡金波不辭愁

垂老難提逐日戈靈修不復借微波厭聞子夜雙聲曲休唱丁
娘十索歌精衛有心填碧海天孫無路渡銀河鹿車偕隱非奢
願偏是才人恨事多

題李蘭生必昌觀察環碧園圖

桂林山水天下奇李園僻處宜幽棲山環三面枕城北六街煙
火鄰園西留春橋轉柳陰曲桃花流水雜修竹奇峯疊彩嵌冰

壺寄雲危一跨空綠披圖髮鬢到林屋

豁然春曉凌高臺風洞山色青於苔堯峯一角落簷際明月時
招仙館來芳榭補蘿堂簪碧芳草落花軟鋪席拾級更上看山
樓長嘯一聲吹玉笛濃雲片片墮如笠

畫堂讀書坐深柳射圃秋高漉菊酒小虹梁接倚虹池香風撲
廊醉紅藕觀魚時傍知樂亭憑闌遠挹羣峯青竹樓小憩忘物
我洲邊玉雨鳴琤琤仙風向晚吹冷冷

山光遠與江光連隔城江水青浮天亂帆出沒雲樹杪巖風掃
曳如輕煙雉堞參差畫中見喬木依然世事變輞川平泉今有

穆清堂詩鈔續集卷四

八

無一幅流落湘江畔楚弓楚得公休歎

草廬歌作乾嘉中丹青寫景難為功環碧更名復入記人巧位
道天然同文孫起家湘南吏繡衣新浣滙池翠遠復先業裝舊
圖萬里蒼生待康濟林泉未合衣薜荔

送陳又星 庚明 孝廉入都並東令弟月溪 畢明

與君交逾三十年昔日青鬃今華顛依人我已逐斷梗薄宦君
尚遲寒瓊才名久干造物忌傲骨不受時人憐兔穎三寸戰干
古心兵攻碎長城壁嗟哉壯志百不展罰以詩鳴甯非天五侯
鯖好睡不顧况乃富擁銅山錢浮生毀譽付一笑身外觸境皆

雲煙一科似我感遲暮有弟並舉賢書賢計借殘威行萬里老
筆氣欲凌幽燕哲弟才力吾所畏雲程迅度驛駟前舟車唱和
樂復樂穎濱詎必輸坡仙海樓遲字寄圖書君先代海樓公繪
有寒女蓮字圖作
文記存菴晚達猶林泉陳存菴先生晚登第
以御史歸林下屢年鄉賢遺事風景慕
君今繼起當承先紅霞春暖花娟娟曲江高宴揮吟鞭承明著
作望君輩吾老將泛蓮湖船

昆陽戰

人彭城敗睢水俘太公虜呂雉單騎倖逃赤帝子戰昆陽大雷
雨四十萬眾殲一鼓尋已踏屍窟如鼠壯哉文叔勝高祖從此

和清堂詩鈔續集卷四

九

東都繼西漢傳年二百此一戰轉瞬桓靈火德衰夜走平津跌
下盼

壺頭恨

立銅柱定交趾遺恨一車載意以進五溪阻壺頭不從充道嗟
誰尤平生裹屍期馬革曳足恨不死殺賊明如建武恩不終梁
松耿舒復何青噫嘻西京爭訟陳湯冤伏波僅有朱勃言雪臺
不畫椒房親博陸何以圖麒麟

鄒南墳

渡滹沱入信都漁陽突騎天下無圍邯鄲貳更始王郎爾豈成

帝子赤伏符膺神器鄒南築壇銅馬帝炎運中興四七際半屬
人事半天意君不見漢中王即帝位時武擔設壇同一例

河西表

河西五郡金為城屬國萬騎皆精兵拒河一隅可自固此是亂
世遺種處不作龍川尉不為扶餘王關道奉表歸洛陽天子明
見萬里外賜魏其傳何足方君不見涼州張駿真英雄假道拜
表來江東

題錢南園通副守林園

雪花欲落雲模糊老樹葉脫交空株科頭樹下神清癯南園照

和清堂詩鈔續集卷四

十

倩方川圖圖為黃平生寓物意無物遊心早到逍遙區一枝可
借甘守素歲寒獨與天為徒胸中春氣迴冬枯朔風不敢侵肌
膚當日權相竊政柄冰山叢莽羣狐漢廷公卿憚汲黯朝陽
一風鳴青蒲眾曰可殺

帝曰否心跡洞鑑孤臣孤百年畫本森眉矚舌之遺道今則無
惜抱題句芸臺讀懷賢情豈鄉人殊卷有姚公鼎
阮公元題詠滹沱無夢歸
龍湖較公株守如不如

關嶺古柏行

柏在嶺上武侯祠前省志載之云是武侯征蠻時所手植

也然莫由考其詳矣

根石骨鐵皮蒼銅翁然古柏慶風生秉火德燒不死伏龍手
植今猶龍滋榮不借雨露潤孤立豈畏冰霜攻日月艷光浴黛
色天地斂氣森秋容老幹倔強性逾辣晚節堅定心仍空滄桑
陵谷歷千載自能造命非神功古來樹木借人重甘棠不伐思
召公委道檜楮此其亞黑水宋柏遙附庸詩家詠物各有託遑
與老杜爭異同關索不入陳壽志橫絕此嶺蟠蒼宮請看漢柏
偃蹇據峭壁何似武侯未遇居隆中

春花

和清堂詩鈔續集卷四

十一

爛漫羣芳鬧曉晴丰姿綽約鬪傾城雨添新綠葉交護春入亂
紅花怒生絕豔得天原獨厚濃香賦性本來清傳神欲倩凝脂
染祇恐徐黃畫不成

松明樓

松明夜讌殺機起四詔半酣一炬死誰縱一詔併五詔有唐賈
國節度使後來復用張虔陀南詔自此連兵戈二十萬眾覆龍
尾碧血倒流西洱河君不見蜀帥韋南康家氏爭來王蜀帥李
贊皇家氏失其疆吳州分野同益州安得雄邊子弟籌邊樓

德源城

鄧駭詔汝何庸妻慈善鄧曼同勸夫勿行夫不從手持鐵劍束
大臂妾心日逐君身東生立夫後死殉夫夫人城逾襄陽朱重
圍拒守士喋血蕞爾一城碎於葉九死不受甯北封皎皎心如
天上月君不見洱海之波點蒼雪

玉斧劃

既得隴復望蜀自古人苦不知足既平蜀應取滇一統萬里歸
幅員玉斧劃圖失遠計大渡河外非宋地北有燕雲十六州竟
與雲南同一棄開國君臣甘守雖何怪南渡主和議君不見唐
太宗手擒頡利眞英雄

和清堂詩鈔續集卷四

十二

革囊渡

蒙古橫絕萬萬古前有太祖後世祖滅國四十及夏金殘宋山
河色如土涉金沙取大理木鷁渡河豈足奇革囊飛渡功偉矣
鐵騎踏碎雪山雪長驅人都刃不血能爲曹彬收金陵姚樞片
言全一城城南駐蹕臺元時戰壘繁寒苦中慶梁宮安在哉白
石江渡明兵來

山茶花歌用東坡定惠寺海棠詩韻

山茶滇產異羣木造物靈氣鍾使獨花時一色紅映天絕豔洗
盡風塵俗西風曾訪祇樹園南詔安得子眞谷移根許鄰九隆

池詠茅擬結三間屋絳妃雲中現全身玉環畫裏笑多肉半郊
半郭態欲仙傍水傍山韻尤足若教錦幃圍齊奴未免遇人歎
不淑無詩無酒奈花何惜哉負花兼負腹春暖疑入珊瑚林歲
寒合友瀟湘竹向陽脈脈呈丹心望遠盈盈斷青目杏花有詠
韓去秦海棠無詩杜出蜀符拔居然誤麒麟燕雀詎復知鴻鵠
彼美窈窕山之阿伊人遡迴水一曲長歌慰花花莫嗔名士濁
世同感觸

書賈誼治安策後

洛陽賈生公輔器治安策上見經濟一歲驟遷中大夫得君可

穆清堂詩鈔續集卷四

七

惜負文帝少年早儲王佐才朝陽鳴鳳鷹隼猜前席處對宣室
問無端小謫長沙來平生懷抱鬱不展僅傳文字心爲哀作賦
弔屈投湘水西望長安隔萬里屋角驚見鵬鳥棲匆匆斜日記
庚子當時公志在尊漢天子優柔寡剛斷分封衆建諸侯王詎
有異日七國變吾謀不用甘左遷豈屑屈身交絳灌君不見南
渡陳亮圖中興孤忠人忌天亦憎奇才際時立勳業武鄉景略
皆書生書公策後感公遇若書閉戶吾猶能

曹霸畫馬圖歌用杜工部丹青引韻

幽燕老將無詩孫北宋畫法歸專門當塗典午更六代顧陸遺

筆今猶存誰歎畫馬兼畫人盛唐獨數曹將軍學書遠肖王內

史妙墨舒捲秋霄雲人物兩擅古未見江都王先將軍殿運指

合手手合天骨肉停勻露眞面乘興作畫氣欲吞兔起鶻落急

於箭凌煙列像儼如生一寸心與百家戰御花照夜皆神驄四

十萬匹無雷同平生畫馬意無馬縱橫眞氣凌雲風解衣磅礴

好整暇變化時出天然中丹青陸離筆飛動絹素掛壁神行空

龍種長嘶九天上世間凡馬敢相向騏驎伏櫪八駿饑鹽車峻

坂枉惆悵王良伯樂今有無驪黃牝牡任皮相奇木自古與人

同按圖索馬色先喪將軍妙畫能通神意態雄傑工倂眞一藝

穆清堂詩鈔續集卷四

七

雖微進於道流傳畫史多高人杜陵詩叟頗解事長歌歎息將
軍貧不見伯時畫馬墮馬腹何如吳道子畫諸佛身

餞春

東皇駕返蕊珠宮九十韶華一夢空祖道折憐垂柳綠歸裝行
帶落花紅六朝金粉斜陽外三月光陰逆旅中久悟長繩難繫
日臨歧何必戀春風

留連無計挽芳華一曲陽關感及瓜嫩碧未儲消夏酒嬌黃先

送殿春花長亭煙雨侵詩夢古路雲山付畫家愛惜寸陰休浪

擲良時彈指即天涯

山城容易曉鐘鳴話到離筵酒欲傾一歲春從今日盡百端愁
逐片時生馬嘶芳草多行色鳥惜殘花有碎聲自古魂銷惟賦
別豔陽天氣倍關情

子規嗁老綠陰肥翠海蛙聲亂夕暉千里家難隨夢到廿年人
不共春歸虛名文苑傳何益高隱山林願久違怕聽驢歌將進
酒青陽餞後斷鴻飛

甥婿李瑯堂上理茂才出女甥曾師南所畫百蝶帳簷眉

題

幔捲螺峯翠香風度碧紗來禽臨妙帖女甥工畫蝶擅名家黃

和清室詩鈔續集卷四

五

掠西園草紅沾北苑花翩翩春晝暖一幅燦煙霞

百蝶舞參差高懸各有姿傳神香雪畫香雪名曉西江曾麗體
青藜先生手女也

玉溪詩到堂題露重飛無力風柔夢不知日邊紅杏好早折倚

雲枝

不羨滕王筆生機奪化工探香三秀外侵曉百花中鳳子名應
別鷗波跡許同帳眉相對處流影過牆東

題吳柳田夏上舍小照

延陵季子最風流壯歲眞容尺幅收何日入林期把臂有時揮
扇白科頭綠楊陰碎涼侵幔紅藕香清醉倚樓名士才華循吏

後趙庭迴憶錦江遊

牽蘿安得屋三間翠海鳧鷖數往還竹徑苔痕長不掃蕉窗花
影午猶關著書暇載湖邊酒讀畫晴看樹杪山他日卜鄰如踐
約擬將漁隱傲鴛班

題王仲莫玉麟孝廉太夫人傳後

洱海長鯨吮人血回鶻馬踏點蒼雪滇西賊勢狂颺狂郡縣碎
如秋後葉仲宜倦遊寓永昌夜夜羈愁寄明月香閨幸有同心
妻力勸夫行與夫別妾先遣夫後遣子全城性命薄若紙城存
妾生陷妾死夢斷昆池二千里杜鵑啼血蜀道難貞魂遠歸青

和清室詩鈔續集卷四

六

燐紫事平榮受

九重旌作傳表章陳太史傳爲陳編
修榮昌撰我與令子交十年請紀母

烈光桑梓當時侍女亦完人保孤報主克終始君不見花雲兒
賴邵夫人古來大節類如此

武風子次韻著歌并序

武恬武定州人嗜酒工畫每削炭如錐投火中俟其然取
以畫竹著山水人物樓臺無不精妙滇中人競寶之然惟
贈知交豪家購以重價掉臂不顧也孫可望踞滇執恬迫
以作著默不應將殺之有賊將爲解得免後遂伴狂蹤跡

無定終日或歌或哭時八呼爲武風子詳見滇繫及通志

中

一技之奇奇至此繪事用著不用紙酒酣截竹長尺尺製以爲
著東如矢奮臂運手手運指呼吸萬象聽指使樓閣園林杪忽
裏山卽真山水真水禽魚花竹態欲生城郭如豆人如蟻繪聲
繪色微乎微以火熾炭灰光紫炭細若錐銳若鋒取於繪竹透
肌理華嚴世界收藕絲不止形似兼神似豪貴購求臥不起投
贈故交欣然喜申西流賊亂桑梓被執終不屈孫李迹跡野寺
避城市或歌或哭自茲始時人不識此高士誤作風漢一例視

和清堂詩集續集卷四

七

借箸惜不過留侯斗筲豈足掛牙齒僅以箸傳武風子風子至
今猶不死

拓邊樓

百尺飛樓接太空題名猶認拓邊雄星占井絡分梁益地失唐
家人段蒙山色青浮雲樹杪天光碧碎水花中朱波已棄西防
急惟幄休誇五利功

康阜樓

平田秧綠映新蒲堤柳依依入畫圖隔岸山光隨地盡環城水
勢拍天無驛程曲折通蒼洱雉堞參差枕翠湖獨立斜陽頻望

遠小西門上聽曉鳥

近日樓

南望煙痕接五苓劫灰飛盡畫冥冥山鄰曾象千尋碧天觀盤
龍九折青把臂登臨借舊雨歸心逐夢繞長亭越裝兵罷無消
息銅柱何由再勒銘

望京樓

望京樓上望京華百二郵程萬里餘林杪龍潭昏欲雨雲中虹
嶺暈成霞六君遠繼西園社七子同移北郭家莫向妝臺尋豔
蹟吳宮塵蝕舊菱花

和清堂詩集續集卷四

六

壁光樓

城隅憑眺晚晴天獨上高樓意渺然日影漸斜歸鳥外秋聲新
到斷鴻邊平原水繞三叉路小市風吹數縷煙幸際時清容嘯
傲不須迴憶戰爭年

殷春樓

誰樓縹緲登丹梯雲外山尖數點齊柳色綠垂官道遠桃花紅
拂女牆低雄坊咫尺鄰金馬古跡荒涼問碧雞猶記公車從此
去滇東一綫接黔西

閏六月積雨初晴湖水盛漲與同人放舟近華浦登大觀

樓

一年幾泛昆湖舟如書已熟頻研求寸心晴掃積雨翳六月氣
吐胸中秋今辰出郭快新霽近華浦外尋盟鷗西山蒼翠迎船
頭虹山倒影飛入樓貌取豈足盡山勝會探山腹窮山幽湖田
萬頃沒活蕩波光一碧粘天流村樹遙露炊煙浮哀鴻嗷嗷嗟
無鳩誰歎未雨先綢繆祝融失職憑陽侯吾僑登覽取快意漏
天邊代蒼生憂垂老放浪同浮漚山林城市皆天游動靜身不
逐境陶堂切芥子何異凌滄洲斜陽欲下西風迥同人詩酒交
唱酬山送舵轉青油油送迥迥與吾目謀擲筆一笑棄不顧奇

穆清堂詩鈔續集卷四

十九 川 〇 〇 〇

景侯我秋涼收

中秋大雨無月

殘暑積雨西風晴七月望夜光盈盈中秋醉月豫卜夜舉杯邀
與姮娥盟快事不信乖垂成黃昏風雨交縱橫黑雲蔽空月匿
影但聞急溜翻階聲喝雲欲使雲倒行金水氣過陰無精良宵
佳景不吾與造物見忌因才名龍池蛙黽莫相逼近水先得非
汝能風伯雨師惡作劇挾勢苦與詩人爭豈知吾心皓如月前
身與月凌秋清世間萬象不能斲方寸地拓天光明半生作達
自由性順逆境等煙痕輕遇月賞月雨賞雨縱違始願姑怡情

四更雨霽月微吐朦朧雲際疑哉生佳節已誤月更好有酒可
待明宵領

畫竹歌為劉蔭堂安科刺史作

劉侯天才生不羈工書工畫尤工詩詩筆峭於秋竹枝書與畫
竹同淋漓墨花倒灑昆明池疏柯密葉皆多姿風雨月露園亭
籬各肖其地因其時傳神取勢窮精微屏幃大小無不宜意興
適到心手隨靜氣御動中鋒垂縱橫變化皆天機我疑侯指非
指筆非筆酒酣拂紙怒作龍之而侯曰吾畫前無師東坡與可
猶求離虛心勁節契竹性超然物外成襟期一官百里不稱意

穆清堂詩鈔續集卷四

二十 川 〇 〇 〇

借竹自寫胸中奇不然古今畫史亦無數縱有成竹何能為詩
家書家與畫等一致亦如越女劍術天授之請君妙筆為一揮
虛堂日對飛雲飛

詠時事新樂府四首

輪船

火輪船載萬鬼遠跨西洋七萬里以火轉輪輪轉水攻城奪隘
勝壁壘寇閩粵犯浙吳直闖津門攻大沽圓明園一炬燬四紀
未嘗庚申賊豈料兵端復繼起奪雞籠焚馬尾昔禦英船今法
船出師未捷棄交趾構鐵甲製火輪廿年費帑數千萬卒未一

戰張吾軍漫道夷船不可敵制夷鬪智非關力漢自稱海平朝
鮮宗慈乘風下林邑君不聞腐草塞輪舟敗飛來八日破楊
太王彥恢造飛虎四輪夾舟疾於風今有其人足耀武

鐵路

泰西諸國鐵爲路火車飛行等飛渡朝游紅海至未暮縮地術
乏仙亦姑用夷變夏毋乃誤聚六州鐵錯難錯合貫豈有洋商
助底用浪填溝壑竭府庫况復跨山越水萬餘里十年功可一
旦毀我兵能往寇能來自強詎必基於此嗚呼王道無黨兼無
偏四夷朝貢尊於天秦隋長城不足恃區區鐵路焉用彼

穆清堂詩鈔續集卷四

三川

海軍

海軍成高衙建南北洋各數萬總理歸賢王曾相稱會辦昔備
海防今海戰出沒風濤熟沙綫華軍不及鬼軍練何况沿海一
萬數千里船堅炮利終遜彼深入腹地競通市所爭在陸長在
水浪戰外洋勝負難豫期詎如內江內河裏我能出奇彼失恃
可縛鬼生制鬼死決勝係將非係兵將將爲重兵爲輕廟堂諱
戰堅主和縱有海軍將奈何

電報

誰能使電如使氣上收九天下九地誰能借氣兼借電破空傳

聲仗鐵綫遠自都城達邊鄙頃刻千里與萬里電竿林立瓶擊
杪呼吸通信技誠巧我謂軍報詎可恃一綫長竿可立亦可斷
一夫斷竿信中阻縱有專局復何補發收轉譯兼華洋多魚師
漏難爲防况今傳命馳奏仍星郵中華事豈同歐州
詠洋器新樂府四首

泳氣鐘

西人入水意無水泳氣鐘推法勝美身入海中窮海底大波如
山伏不起衝管呼吸一氣裏水犀水龍未足擬河伯避舍海若
塵不是水仙是海鬼取物易如拾芥耳吁嗟乎機事機心古不

穆清堂詩鈔續集卷四

三

尙何況機器法新創莫恃技巧狎鯨浪祇恐有時魚腹葬

輕氣毬

膠漆縉綺圓如毬六合之上輕清浮騰牀非車仍非舟一傘中
繫道遙遊御風馭氣疾於電紙爲飛空乍脫綫大地影從日輪
見顯微鏡窺畫一片有時高詠升天行直臨敵營覘敵兵小物
能利軍國用鬼工巧與神力爭聖人垂衣天下清視民氣重淫
毬輕

電氣盒

國醫醫天下洋醫醫華人電氣入繩利治疾獨以一盒驅一身

風寒不敢伏肌膚爲之春中孽病弱兼病貧術能強富術乃神
安得治國如治病手握刀圭活萬命安得用藥如用兵攻心勝
算逾攻城君不見前岐黃後長桑飲人上池水傳人海外方醫
家恃器古未有請君休進電氣鑽

煤氣鑽

石煤氣輕地中火火樹銀花燦萬朵星月亦讓西洋燈頃刻一
色明道左千門萬戶同時分六街洞照窮微塵城臨不夜天迴
春九華枝上霞縷紛歐羅採煤動地軸電光石火無此速吳越
患水多逃亡煙火欲斷小家屋鰲山燈已停

穆清堂詩鈔續集卷四

三

禁中何用洋燈炫人目

帝心早化光明燭

筇竹寺新塋五百阿羅漢歌用東坡吳道子畫詩韻

劉鑿塋手傳前元天慶神像奇無痕孰知苴蘭城外筇竹寺新
塋羅漢五百朝世尊妙蓮座湧瓶樹闢旃檀林覆天花翻石壁
可喝針可吞若木手折扶桑噉駟獅伏虎跨龍象神采軒動嶠
敢捫金人入夢像教設渡江折葦如浮龜一花五葉播震旦南
北分派留芳蕞曹溪一勺宗風敦法席冷落今重温劫灰飛盡
廟貌復生氣勃勃垂雲根佛相我相等一幻非無非有同真源

琳宇况據山水勝慧業要共才人論眾生擾擾唯塵樊解脫請
事華裾言

題桃源圖

秦人戴秦秦即天下豈有桃花源虛生於市骨已朽羨門海
外非人間亂龍宵陽暴於虎雄吞六國無寸土北門朔方南桂
林武陵山中自太古避秦迺作秦遺民衣服正朔猶遵秦歷年
不知有漢晉花下留得秦時春驪山銀海召秋雁驅石夢與海
神戰山鬼壁雨高池君推飛鹿矢蛇亦斷安期未入蓬萊中先
干項羽後沛公亡秦有人浮海去仙才俠骨噴吳楚秦人碌碌

穆清堂詩鈔續集卷四

三

遷世外一丸泥封仙凡界子孫業農非業儒未燒安得詩書在
漁人重尋來時路山迴谿轉不知處落英逐水煙蒼茫惆悵求
仙被仙誤我生好古兼好奇手展圖書題新詩右丞退之不可
及半山一歌當時之仙源別訪天臺霞石橋流出雲邊花思歸
莫笑黃道真劉晨阮肇嗟何人

臘月初一日雪

雪意此新臘春光醜隔年能辰無月夜不午欲風天翠海一痕
墨青山數點煙澤鴻寒透骨何術救窮邊

雪後龍泉觀探梅

忽悟香來處溪雲薄客行雪蒸山睡醒花挽午陰暗歲暮見風
骨格高知性情半開誰着眼孤負一枝橫

龍潭看梅花

虛名歷羣卉南詔老仙才天地劫灰盡湖山春氣來香熏晴雪
暖花戰曉風閒偃卧龍潭側孤根枕石苔

壬辰除夕用后山對酒和少章韻示內

老病隨年迫悲歡逐夢空春生五華外天盡一宵中尊酒傾微
綠鐘花落碎紅異湖儻漁隱且喜與卿同

蓮湖集

石屏朱庭珍後園

元旦

白髮添新歲青雲望後生五華平旦氣
鳥籟早春聲泉石貪幽臥衣冠厭送迎
前年元日酒獨向帝城傾

感懷

漢代文章侈過秦同時絳灌不相親
未能鮑叔心知我徒作宜明面向人
戀棧駑駘輕駿馬和歌下里亂陽春
渠渠夏屋殊今昔祇合蓮湖釣白蘋

兩載京華返繼時素衣猶未化為緇
夜烏繞樹飛三匝秋蝶穿花抱一枝
短簿能令公喜怒癡兒不辨事官私
平生最恥因人執貨庶梁鴻去已遲
破曉西山綠似昔昆明池上水風哀
五通淫祀能為四女荒廟忽召災濁
世人爭為墨吏高門鬼亦敢庸才投
巫遠憶漳河畔安得梁公一炬來

花朝

花氣薰簾蝶未知芭紅蕊白鬪風姿
盛名人豔芳菲早絕代天教遇合遲
蝶日競看全盛日賞心先寄半開時
二分春色今朝

暖獨向園林醉一卮

清明

埋香無處覓佳城望斷鄉山淚暗傾
千里關河淹歲月一杯風雨隔清明
未能借老期同穴豫矢良緣結再生
垂老思歸歸不得杜鵑花外杜鵑聲

客窗

處動氣逾靜耐勞心轉閒
夢醒清磬裏窗掩落花閒不慕酒泉
郡甘啣飯願山樺林羨飛鳥未倦已
知還

流民歎

池東久旱春復春千里赤地無完村
水田焦曬龜兆坼禾苗立槁山如焚
樹皮食盡掘草根餓殍徧野生難存
扶老攜幼同星奔滇池絡繹棲流民
弱者半道委溝壑強者乞食來城闈
傍午哀號腸轉輪婦孺不衣男不禪
苦鬻兒女延殘喘破寺日伴荒鷓鴣
寒風透骨星月昏熒熒鬼火招饑魂
鴻嗷中澤聲邊聞兵後遭旱究覆盆
上天好生鑒視赫戾氣感召災由人
繪圖當代無監門露章猶幸陳天開
帑金十萬詔速賑萬里赤子蒙

君恩救荒宋代推范富有司出納膏
勿屯嗚呼牧勿忽視牛羊

死旁觀 歎息聲類吞

慰王豹君 人文 明府弔亡

綠到山城草春風暖人心抱琴鳴竹徑聽訟坐花陰忽斷房中
曲送傳雲外音湄潭千尺水不敵性情深

丹陛求賢日養生立命身薦章期上考吾輩許傳人骨比黔山
瘦心如漢吏猶神傷休過甚珍重為斯民

如我亦何病愁開孤雁聲異鄉仍寄寓佳節又清明鶴已諧新
侶鴛猶戀舊盟蒼茫感今昔虛願矢他生

金篋一為別迢迢三載餘酒醒頻入夢詩到急開書每灑同心

穆清堂詩鈔續集卷五

三

淚難忘結髮初因風就花縣近狀果何如

懷趙樵村 藩 刺史

結社蓮湖狎鷺鷗春明鴻雪記重留之江風月歸行卷蜀道山
川縱壯遊杜老自應逢鄭國放翁端不負嘉州他時乘興如相

訪一笛成都共倚樓

中秋姚志梁觀察 文棟 招同人放舟瀕池待月大觀樓即

事賦呈

西海樂中秋乘槎記勝遊 觀察奉使英法各國時中 瀕池期待

月畫屏泊依樓詩酒憑心賞笙歌與耳謀未須感今昔胸次有

神州

西風吹日落雨霽月華生秋色淨於洗人心相對清湖山交遠

翠天水漾虛明何似吳淞外扁舟鏡裏行 觀察家

拋擲龍湖月危樓倚大觀一輪今夜滿卅載異鄉看令節催吾

老清輝近歲寒前年燕市醉破曉渡桑乾 庚寅八月十六日曉出京師

赤壁懷坡老青華問謫仙一時託游覽終古韻山川高會看賢

集新詩幾輩傳願公圖勝事輝映彩雲邊

九日登虹山

秋色翠微乾西風斜照寒山形闕虹渴江勢折龍蟠獨往難成

穆清堂詩鈔續集卷五

四

賞翫懷強自寬紛披霜後勁作態待誰看

次日游鐵峰菴

天與登高便重陽後亦晴花猶媚秋色松不借風聲湖水碧吞

岬雲山青抱城古今幾棋劫局外任輸贏

掩關

掩關貪習靜靜坐結跏趺樹老色猶正花寒香欲無稱詩慚謝

客著論續潛夫城市聊充隱扁舟夢五湖

獨酌

獨飲不成醉老懷誰與同髮鬢衰草白顏謝晚花紅海鏡猶噓

霧江豚且拜風宋遼正爭界休議割河東時英人踞緬甸方議滇緬劃界

秋聲

乍驚風雨下層切啓戶藤陰月半梢秋氣易悲羣籟合客心多
感百端交寒雲斷雁愁誰語落葉哀蟬聽轉滄老筆一枝歐九
賦羨他清夢讀書巢

秋陰

濃雲如墨掩秋暉山色陰陰翠欲微三徑苔乾含露濕一籬花
瘦借煙肥涼蟬覆葉鳴先斷獨鶴棲林倦不飛遙憶龍湖村舍
與釣魚磯好幾時歸

穆清堂詩鈔續集卷五

五

甲午元日

冷落鶯花似不春春城棲息半流民好生帝德方求瘼示警天
心亦至仁荒政未開休罪歲浮家猶在放言貧祝釐宇內新恩
遍萬里何由望北宸

正月十五夜

無復銀花照倩妝六街燐火雜燈光春風不度滇池畔夜月空
圓并宿傍忍見樂郊集鴻雁問誰司牧受牛羊亦知濟世非吾
事桑梓關心淚幾行

謝陳崑山觀察撰拙集序

富不過充倉與庾貴不過分圭與組才人慧業期立言名山一

席自千古獨彈雅調抱瑟琴欲關吟壇樹旗鼓季良刻鵠猶類

鷺青臣蒙馬空假虎公車再上竟無成戎幕廿年究何補焦桐

幸入中郎聽散櫟今逢哲匠斧頻聞郢曲和逾難公出留別激

士民詩八 徇遍齊師勇可賈氣盡小巫見大巫淮陰詎屑噲等

伍先生論詩本性情先生愛士出肺腑一編地志續華陽六詔

文獻傳藝圃爾時賓主盛東南公修滇省通志開局五 未必梁

益遜鄒魯崇蘭知為騷客芳獨鶴解向羊公舞吾滇先正南園

翁風節汲魏詩韓杜立身何敢希鄉賢或許詩盟狎晉楚先生

穆清堂詩鈔續集卷五

六

撰序獎過情經世勗我垂治譜因文見道理則然援彼證此旨

可親真如願從化境參差動應歸靜時主梅花幾點膽瓶供芸

香一縷心齋吐飛光坐惜易拋擲小別漫嗟隔出處時公以

都他日成太冲更以弁言乞皇甫觀入都

書感二首

甲午二月二十八日為夫已氏作事別詳蓮湖筆記中

狗苟復蠅營巡徼隸亦兵錢神誰著論墨吏汝橫行徑啓終南

提辜投有北輕滇池半盡龍濁水幾時清

狐鼠憑城社蒼生髓半乾訛愁囚入甕縱恐盜探九蔓草斯蘭

弱蕙蕉待竹彈恢恢天網在休恃虎而冠

蘆簾

蘆月上銀鈎簾波漾欲流蝦鬚初捲夕雁齒半銜秋小綴桐花
瘦閒吹柳絮柔繹蕭河上業紙閣共優游

松座

籍汝供談柄松枝信可人錫名猶塵尾種樹已龍鱗潔豈王夷
甫豪輸石季倫祇應衣白叟握手出風塵

草笠

賸有夫須笠相隨暮復朝欹風臨曲磴釣雪度橫橋並指箋千

穆清堂詩鈔續集卷五

七

樓同肩酒一瓢無能謝頭責吾意本漁樵

樓鞋

着得樓鞋去尋山不耐忙隨身甘布素立足厭塵苦刻句吟桐
帽芳情愜菱裳侯門珠履客詎解濯扶桑

過雪園篠風閣懷李厚菴坤孝廉

縱遠憑高閣凌虛出小窻山雲低度堞湖水闊吞江疏竹兼聲
碎幽花對影雙錦囊憶吟侶萬里去鄉邦四菴時
應公車

湖亭

柳色濃垂路荷香淡入亭隔城遠山翠渡水晚煙青雨霽猶雷

樹波柔不動萍蕭然忘物我心跡兩冥冥

蓮嘯樓

垂柳徑通幽蓮花繞寺浮湖光虛動壁山勢靜欲樓涼樹晴疑
雨香風夏欲秋馮闌一長嘯吾道付滄洲

詠友人竹杖

幾尺蒼筤竹公然作杖輕扶衰伴泉石履險壯神明雨雪天將
晚江山路不平渾如添健僕藉汝逐人行

曉過蓮華禪院

啼鳥媚清曉祇林天氣新茗煙低拂水荷氣遠迎人芳草綠於

穆清堂詩鈔續集卷五

八

夏幽花紅不春異湖做盧在歸計負垂纒

雨後湖上

松雨灑清晝荷風生綠陰行憐石橋滑坐愛水亭深鷗夢酣香
界鶯聲脆故林湖干無限好只是觸歸心

訪友人村居

遠樹綠連郭疏花紅繞村湖光泛茅屋春色戀柴門別緒經三
載歡言共一尊超超林下鶴飲啄任乾坤

村夕

郭外日初沈冥冥水氣侵雲流山落翠風動樹移陰湖雨連天

暗村煙向夕深微涼食早已有酒待晨斟

書黎二樵詩集後

二樵淡蕩人詩筆絕生峭豈爭字句奇刻意獨深造煙雨羅浮
山離合為寫照幽思一縷沈曲折詣微妙惜哉處山林早赴下
樓召嶺南無屈陳斯人孰同調

書錢南園詩集後

南園負直節孤立乾隆中書畫兩奇古縱筆皆藏鋒遺詩偏韓
柱真氣橫太空有時造勁語以意為沈雄文苑此堅壁峻絕不
可攻滇池繼先達獨有味雪翁謂先師戴
筠帆侍御

穆清堂詩鈔續集卷五

九

春月

冰輪寒暖各因風秋夜春宵氣不同花徑影流紅雨外柳隄光
碎綠陰中依山煙樹明疑曉近水樓臺得易空莫怪詩懷爭皎
潔圓靈心鏡即昭融

花紅洞

一白浩如水踏雲尋洞天樹身頑化石鳥語妙通禪斜照深山
寺晴空太古泉呼僮拂苔蘚題壁記游年
萬樹蔽天日洞扉開綠陰無風雲出人不用水蕭森拍水激苔
齒呼雲盟此心清涼上方界回首隔煙深

湧泉寺

湧水不歸海滇山爭刺天水憑雲倒立山湧寺孤懸亂落口中
雨斜飛林杪泉浮杯流九曲休話劫灰年

登太華山頂放歌

太華突兀凌晴空諸山羅列環屏風滇池一瀉五百里微波蕩
漾千芙蓉華亭古寺枕山麓瑤草匝路花茸茸羅漢壁轉崢嶸
鐵美人半露飛雲峰達天危閣俯絕頂全湖小若玻璃鐘風帆
出沒龍煙露天光雲影交冥濛斜陽紫翠妙烘染變態疊出明
霞中隔湖山勢連逾峭碧雞金馬來相從六河流水互襟帶盤

穆清堂詩鈔續集卷五

十

龍幾折奔長虹象山鶴山宛下拜奇才獨立誰爭雄南荒山水
角靈秀如畫百本無一同康樂子厚遊不到留待我輩窮天工
何須把酒更懷古碧曉歸真升菴翁

玉案山

峭峻峭壁倚天開斜日松濤萬壑哀太華數峰青作案滇池一
勺綠於蒼石垂奔馬嘶風急雲湧游龍挾雨來嘆息銷兵今廿
載幾邊終賴濟時才

種蘭曲

蘭臣豔秋晚桃李馬春深靈均不可作九畹誰賞心天公於物

何思怨一任飄茵與落溷惜花端賴種花人不辭朱旆緒十萬
元亮平生愛秋菊梅逢和靖蓮茂叔素心香國惟幽蘭願擁名
花隱空谷燕姑夢天與國香平分秋氣凝清芳塵劫無端此飛
隨瑤池閨苑雲冥茫瀟湘無路訪知己前身我亦司花史好移
名山伴著書免教宵露泣芳芷君不見膏以自煎香自焚文章
憎命嗟才人白雪幾聞奏儂曲紅芳已見鋤當門殷勤爲屬
香語慎葆孤貞耐風雨牡丹遺賤瓊花枯生不逢時豈獨汝

早秋湖樓

暑氣未全收心清地亦秋帶聲飛水鳥泛影浴沙鷗林葉戰如

穆清堂詩鈔續集卷五

三

雨藕花香上樓湖光與山翠一棹抱城流

泛近華浦

澄波萬頃一樓孤煙樹冥茫岸欲無東下水聲奔怒馬西來帆
影捷飛鳥雲陰帶雨遙沉郭山色隨風直渡湖翰與漁翁微醉
後斜陽晒網臥菰浦

晚眺

百畝蓮池一鏡平往來人向柳堤行日移樹影斜沉水風送秋
聲遠到城抱甕漢陰甘灌圃買田陽羨天躬耕不如歸釣龍湖
畔紅藕花中夢亦清

得李厚菴孝廉京邸書

南北萬餘里秋風吹夢飛亂蟬鳴遠樹孤雁沒斜暉溟海我猶
客京華君未歸尺書商出處一樣素心違

紀事

昔歲中山復倭奴已敗盟朝鮮纒構亂秀吉復稱兵九伐仰天
討三韓拱帝京衛公新授鉞橫海會東征
鐵甲遼陽騎輪船渤海師陸須救平壤水急擣長崎戰陣驚
列戎報虎豹施定方如獨將猶足制東夷

白髮

偁人惟白髮青鏡亦無情搔首霜痕染驚心月下明劇憐多病
短偏逐亂愁生已矣催吾老名山業未成

雨

浪喜今朝霽中宵雨到明半空走雲氣萬籟助秋聲冠已高麗
人師應日本征彼蒼如解意留洗海東兵

聞邊警

朝議征倭急前明事略同樓船橫海出突騎渡遼雄未奏班超
提休和魏絳戎何時築京觀一戰剪韓中
聞帥移楊僕邊防仗宋威未聞分道進先見潰師歸鴨綠踰天

聖壽黃奪 賜衣臨淮兼將相觀望恐貽譏

題王子佩 德環 孝廉寒機夜課圖

朔風稜稜四壁透寒閨燈燄紅如豆梅花映雪松拂窻書牒未
斷機聲又夫亡不難身殉夫代夫侍養堂上姑况復膝前遺兩
雛一兒弱在抱一兒立授書兒書卷卷兒父貽漏殘燈下親課
之折荻畫灰教習字慙慙慈母兼嚴師兒飢母為兒煮糜兒寒
母為兒授衣一家數口生計賴十指母飢母寒兒幼嗟不知兒
長成名母心喜九原庶可對夫子有司入告 朝廷旌當年苦
况垂丹青兒今徵詩酬母節我披圖本亦淒絕流不盡孝子淚
稷清堂詩鈔續集卷五

痕寫不出賢母心血

送王夔石刑府入都

萬里赴 闕瞻 天容明良一德公之忠總制滇黔歷五載昭
代勛望西林同朱波越裳偃兵革滇池安流年告豐天下蒼生
待雨露豈獨南紀歸旃幪歲在甲午倭興戎朝鮮首被關白攻
海道近與遼燕通 宵旰時塵東洋東廟堂尊俎憑折衝况值
祝釐 長樂宮彩雲 詔書飛 九重秉鈞再入中書中南
朝今日相司馬老成坐鎮如華嵩變理陰陽與麟極沐浴日月
開鴻濛四夷歸命邊銷烽火 皇運成熙隆秋花瑟瑟秋葉

江平湖波鏡天無風攀輶白叟兼黃童臨歧情比湘江渡紀別

一例煩畫工 公有湘江送別圖詠今同人
復為繪瀘池送別圖以誌 紫光繪像行酬庸陽

明學本真儒宗收時不數唐姚崇

題王仲夷阿香餘韻圖 并序

西林學舍昔為吳藩宮邸近人傳有夢陳沅吟詩一事長
白普達泉觀察重修講院建阿香亭以存艷蹟王仲夷孝
廉繪圖徵詩阿香者圓圓所居宮名也

爍廊人去沼吳宮午夜書聲小院中何意芳魂遙入夢琴心一

點訴春風

稷清堂詩鈔續集卷五

西

疑口妝樓蹟久迷滄桑休弔鎖烟溪楊娥賣酒知何處夜夜金

蟬杜宇啼

早著宮衣晚悟禪商山鸞影散如煙悽香誰與封三尺遍種桃

花繞墓田

百年佳話付丹青艷蹟休言託香其他日彩雲徵故事五華山

下阿香亭

文信國小印歌為蘭卿太守作

玉帶生傳丞相硯松風吟傳丞相琴豈知小印落元代誰其藏
者倪雲林鈎銀畫鐵文不陰青田石篆猩紅深我見丞相印如

見丞相心天水六靈何處尋江山半壁同銷沈柴市熱血久化
碧浩然正氣生至今公之神爽滿天地不在殊痕印數字平生
手澤知幾何鬼神呵護留玩器蘭卿嗜古購得此鈐視頻拂松
花紙顏魯公名標銅章後先一樣光印史

哭張天船妹丈

星柳

意外龍關信傳君赴夜臺湖山終逆旅天地忌奇才曙後孤星
隕君無子一秋空皓月開君卒於臨風揮老淚西望不勝哀
女先歿中秋日
六詔詩壇關同心大雅扶交情逐韓孟厥詛締程蘇櫪已迎蒼
洱魂知返翠湖遺篇今授梓莫道賞音孤

和清室詩鈔續集卷五

七

聞次民兄訃

廿載違顏名聲叢夢亦遙繡衣猶聽鼓玉節未乘輅目斷三巴
路心飛萬里橋鶴鳴原上酒魂倩楚辭招

老我思兄切知兄憶弟心華年同患難晚境隔升沈游蜀乖初
志兄屢書招余游論詩負賞音兄愛余詩何時丹旆返淚盡故
蜀竟不克往也詩以必傳

山陰

送楊竹溪廣文返新興

官棄何須隱點蒼君太和人人生適意即吾鄉簪花醉聽江兒
寄居新興曲豈獨升庵是古狂

菜海晴波繞翠微送君心逐片雲飛龍湖亦有先人宅等是天
涯未算歸

有感

三韓倭警接齊燕黨逆紅毛助礮船遺恨王通棄交趾漫勞邪
玠救朝鮮和戎豈惜金縉費防海誰兼將相權自古歎夷須戰
勝何時兩算決澶淵

一旅平吳舊有名廿年畿輔擁淮兵東樓父子通倭計南宋君
臣割地盟鷄鹿未能收絕塞鳳凰先已失邊城耐彈晚節劉棉
似出入三朝負聖明

和清室詩鈔續集卷一

七

握奇誰運弱乘剛鐵甲休誇海外強兩陣孰能

一軍今

合練鴛鴦中書秉政思君實異域獨渠定方風利倘攻徐福
島鯨鯢歛蹟避龍驤

海上春冰次第開中朝星使出三台滯遼拒戰經年急湘楚援
軍掃境來謁闕茂宏猶假節登壇光世恐非才廟堂衮衮諸公
在豈暇求賢到草萊

書憤

杞國天將墜虞淵日未沈郭開能賣趙平仲敢攻金銜石兜鍪
橫投鞭虜馬臨漫漫長夜裏歌哭厭層陰

建鐵人專征榆關漢代營樓船焚渤海寢寢陪京失水神龍
困驚人大鳥鳴六飛罷西狩倡議薄徐理
正統朝廷小全權將相輕五庚天水祚六甲郭京兵蹈死無東
海偷生會北盟坐看鱗蚩族臺島任縱橫
戰以輸金罷成甘割地求藥師降女直僧孺送維州一鬼今藍
面三公舊黑頭上方空請劍帝傳自通侯
夸父難追日媧皇莫補天愁聞妖鳥識細數佛狸年遼薊歸中
制澎臺徇內遷不應垂老眼滄海見桑田
重有感

和清堂詩鈔續集卷一

七

天下安危決去留南洋孤島亦金甌宋廷相魏翰三鎮唐代河
湟委七州荀彘軍空臨沮水盧龍塞已賣田疇衰年浪子庸才
耳豚犬何能作彥游

身似南朝李顯忠鴉軍威與昔年同鯤身豫畫滅倭策鹿耳新
成靖海功縱使扶餘能建國免教毘舍竟爲戎義旗迴指橫濱
道破浪應乘萬里風

遼瀋龍興此創基防秋都護建旌旗一江飛渡先乘馬千里連
城少臥罷入寇未誅平秀吉外藩今矢下句驪是誰當國誰專
閩忍使陪都賦黍離

天缺非因觸不周蓬萊清淺海橫流議和宰相慚長脚降敵將
軍怕斷頭營劫順昌終大捷舟焚采石亦奇謀東南門戶關全
局閩粵兼折早運籌

和清堂詩鈔續集卷五

六

雲南雜取書目集部之三十九

紅北名山房詩存

共十卷

雲南圖書
館藏板

甲寅
年刊

紅茗山房詩存自序

余前在蘭州官閒政簡卅三十年內所作詩自乾隆丙午至嘉慶癸酉存若干首欲梓之未暇也今年春奉命陳臬楚北案牘勞形未遑披覽涼秋偶暇撮而鈔之益以本年甲戌詩釐爲十卷名曰詩存付之剞劂其間境遇不齊哀樂亦異要以抒情紀事誌一時之興而已前數卷多楚中詩是集適刻於楚其亦文字緣乎甲戌嘉平朔滇南紅茗山人嚴煨匡山識於武昌臬署之芳草堂

紅茗山房詩存自序

紅茗山房詩存序

余自游太學及爲京朝官幾二十年識前輩最交五下士君子最廣交之入且密者無如吾匡山詩存序立身行己同後先成進士入詞館所處之境所居之官又同故其發爲吟咏也風格氣味亦無不同匡山甫弱冠以第一人舉於鄉四試於有司乃克售既售矣又以覆試停兩舉及爲庶常復奉諱去家在滇南去京師萬里一往返輒二萬里失意凡十餘年凡四五往返行十餘萬里經歷滇黔楚豫燕趙境皆古騷人遷客豪俠奇傑憂愁幽思慷慨悲歌之地意其爲詩必有不得其平

紅茗山房詩存序

而假以鳴者迺余讀其辭嘽以緩舒以長踴躍坎轉曾無所蒂芥於其胸中而余詩顧多悒鬱悲惋之作是豈匡山之與余同而異者耶抑其和平簡易有得於古人養性之旨而非余之所能企耶嘉慶癸亥余由御史出守衛輝時匡山甫爲郎越二年而入臺以敢言受知聖主擢給事中觀察蘭州又越數年陳臬楚北而余乞病歸已五載矣甲戌之夏寓書於江上曰生平所爲詩存以秋日刪訂命曰詩存子爲我序之夫曰存則不存有多矣所存無問多寡其所以存之故在乎詩而亦不在乎詩也匡山少余一歲余衰矣聞匡山頗精強猶

詭恢偉之狀而匡山乃一出於和平非養之深而積之厚安能若是然則匡山非徒以徵事業也其諸有道者歟

嘉慶二十年歲次乙亥夏四月上澣二韓同學弟馬慧裕拜手書於鄂渚節署惜陰書屋之東軒南窓下

紅茗山房詩存序

紅茗山房詩存序

天地之精發而爲山川溢而爲人物人物之精發而爲事業溢而爲文章文章與事業同體而相爲用者也其故崇事業者薄文章尙文章者卑事業其道皆非盡得之不真則見歧而識囿識囿則生是非生是非則弁其所爲是者失之善觀人者必將於事業見文章焉於文章徵事業焉是說也吾讀匡山館丈詩而悟之匡山既由內官爲外吏天下之望匡山者知不於文章而在事業矣然吾觀古名公卿其宦迹所至皆不以衡量簿書爲能事而若皆有超然遠世之心當其登臨眺覽或寄

紅茗山房詩存序

懷於烟霞或寓興於吟詠初若無所事事及其政成而民俗敦龐淳固四方頌神明焉何者其優柔平中之氣樂愷和易之情有以感之也俗吏不知也屏詩書而弗親舞文法而自喜刻意腴削務爲紛繁自詡勤能於古有間矣則夫貴而不忘貧仕而不廢學者信乎古之人歟傳曰登高能賦可爲大夫合文章於事業之一證也匡山既貴不忘貧又仕不廢學其所爲詩書皆本於優柔平中樂愷和易吾知其事業之所至矣昔皇甫湜敘顧著作詩謂吳中水土清淑而著作之詩乃如穿天心出月勝不肖其水土今滇南山水奇拔宜若爲詩有詩

力學不倦他日官益尊識益巨游覽益廣篇草且益富
余齒暮才盡又安從論其同不同耶自余之歸海內知
己日益頊謝倘不即死獲見匡山續集之成當更為匡
山序之時嘉慶十九年歲在甲戌夏六月江陰王蘇書
於由里山房

紅茗山房詩存 序

紅茗山房詩存目錄

- 第一卷乾隆丙午至庚戌
- 第二卷辛亥壬子
- 第三卷癸丑甲寅
- 第四卷乙卯至嘉慶丙辰
- 第五卷丁巳至庚申
- 第六卷辛酉至癸亥
- 第七卷甲子至丙寅
- 第八卷丁卯戊辰
- 第九卷己巳至辛未
- 第十卷壬申至甲戌

紅茗山房詩存 目錄

紅茗山房詩存卷之一

雲南叢書集部文庫

宜良 嚴煥

臣 嚴煥

丙午至庚戌

貫陽

萬壑千岩勢鬱蒼
豁然開朗見黔陽
連朝箐雨埋銅鼓
到處蘆笙祀竹王
金碧道通資鎖鑰
虎貔氣靜肅冠裳
停驂爲訪登臨地
田秀樓高接太荒

花貢驛

茅屋亂山下
重關古道中
霧銷巖骨黑
霜老石衣紅
小醉探鄉夢
閒吟記土風
夜深寒犬吠
飛雪撲簾櫳

紅茗山房詩存卷之一

沅州舟夜對月

江波流皓月
處處照相思
寒夜烏棲後
空山雪霽時
湘君知未遠
瑤瑟倚風吹
甚欲采芳芷
素心應告誰

都門晤師荔扉孝廉爲題春宵竹月圖

孤竹舊城邊
荔扉師人官北平鹽場使
使驛人夜未眠
遠攜洱河月
長嘯葡門烟
射虎曾穿石
看花不費錢
問君何所憶
春色在遙天

我來自金馬
相對鎮蕭疎
明月觸懷抱
浮雲時卷舒
氣凌三島外
思發萬花初
入夜誰堪語
茫茫此太虛

蓮池晚步二首之一

步屣憐幽草
憑虛上小橋
鷗浮蘋點點
蟬響樹蕭蕭
石洞雲陰古
山房客夢遙
便乘新月影
試蕩木蘭橈

月夜懷荔扉

此夜灤河月
流光獨照君
海天秋有信
京國雁呼羣
紅袖初迴席
青鏡自屬文
應知興不淺
相望更殷勤

重陽前一日訪劉春帆潞河節署

乘風呼小艇
倚棹過前塘
之子清標遠
蒹葭秋水長
人

潞河返權寄春帆

高館三宵夢
寒汀一日行
霜天鴻欲下
風岸葉爭鳴
水

紅茗山房詩存卷之一

落石梁淺帆廻野寺
明晚烟城闕
近回首白雲平

輓李雲五先生

名士老無敵
先生述者身
大言驅綺靡
好古發天真
干祿甯嫌薄
堆書不濟貧
一生杜子美
眼底更何人

病軀猶戀 闕白髮死微官
萬里悲秋草
千山失紫鸞

窮來爲客易
老去逐人難
夜靜思顏色
空梁落月寒

宿東華門內凝和廟東賀笈雲同年

禪關通水氣
一院鎖芙蓉
古屋明餘火
枯僧報曉鐘
香沉花寂寂
人遠夢重重
翹首星河近
蓬萊第幾峯

紀夢東賀笈雲

素有林泉癖重來叩覺關竹間支一榻窓外列羣山流水聲常靜飛雲意自閒故園茅舍好何日倦知還

清明日寄張溟洲同年山左

東風何處好翹首濟南城楊柳多離緒斜陽送晚晴錦書雙燕子羈客兩清明爲報珍眠食春寒此漸輕

夢宣華齋

華齋名尊江南舍山人雲南太守晉山先生從孫也已亥入滇余晤於郡署之春熙堂邂逅訂交恨相識晚甲辰華齋南還明年應童子試郡縣拔第一未院試而卒丁未余計偕北上河南

紅杏山房詩存

卷之一

三

道中屢夢之車中有感弔以一律詩成而夢絕嗟夫玉樹生埋靈犀不昧未聞山陽之笛已可悲矣追慟故人並識於此

生離死別盡聲吞三載時時夢笑言七歲遺孤啼寡婦百年衰鬢倚寒門

太夫人孀居

文章無命君埋玉芳草多情

我斷魂遙憶江南寒食節落花飛上脊鴿原

華齋有弟早卒

寄張大江遂昌

萬里惜分攜山中羽未齊人隨江雁北夢繞瘴雲西日幸三霄近春從五色迷相思不相見驛路草萋萋

近得山東札聞君到處州青城如霧裏玉女出牆頭短

鉢傷遲暮高齋競款留會須雖脫穎莫便滯驂騑

七夕夜雨

暮雨滿天漢秋風生井幹誰家五綵線未覺夜庭寒我欲望牛女迷離不可看愁聽簷溜急烏鵲路漫漫

送春帆之潞河兼呈吳眎堂師

千家朝旭淨江樓萬派濤聲起渡頭遲我鄉心瓜蔓水送君詩興木蘭舟三更銀漢碧雲冷幾夜梧桐涼雨秋遙憶陶公樽酒處蟹香菰美戀通州

答溟洲書後再寄

思君又恐君思我昨日函書意未伸歷下好山齊向客

紅杏山房詩存

卷之一

四

古來名士半依人愁中花鳥翻成病紙上文章不濟貧珍重綈袍高誼在秋風何忍受緇塵

同劉湘浦陶然亭晚眺

古寺蒼烟裏高臺落木中城頭山色紫樹杪夕陽紅入暮遊塵歇經秋客思空憑欄吾與子幽興幾人同極目鄉關遠襟懷試一開秋聲鴻占斷風力馬嘶來野水蒹葭曲人烟繡錯堆登樓殊可賦鐘鼓莫相催

歲暮喜瞿德田自通州撤帳來京同寓壽椿書屋

官齋暫擱徐生榻京邸仍移庾杲蓮乍讀新詩行篋底同傾離緒酒樽前偷來燈火隣家壁彈破梅花靜夜弦

又是一年時節了蕭蕭風雪對牀眠

七夕

天上相思不可知如何今夕是佳期雙星豈合生惆悵
終古何曾見別離銀漢正沉為客夜金釵初墜倚樓時
燒殘紅燭愁無那漸聽烏聲繞樹枝

七月二十九日寄家書題後

街西聽鼓漏聲長潘鬢搔來感異鄉明月照人空有影
秋風欲語自生涼奩中對鏡應增瘦刀上看環豈暫忘
遙憶花前小兒女喁喁含笑拜高堂

分賦秋聲六首

是日為內子生日

紅杏山房詩存

卷之一

五

樹聲

蕭瑟如聞鳥鵲喧枝頭斜日半黃昏鈴聲乍響人歸院
樵客忽來秋在門明月笙歌蝴蝶夢空山風雨杜鵑魂
扁舟最是寒江好楓葉蘆花第幾村

鐘聲

一杵敲來破寂寥梵音深處下如潮山空黃葉林間出
霜冷白雲陰裏銷古渡有詩人脉脉碧天無際夜迢迢
憶他乍醒江南夢落月啼烏影動搖

猿聲

泠泠遠嘯入雲清送盡行人若有情舟過時聞啼兩岸

淚來難聽到三聲天邊落木黃牛峽江上西風白帝城
霜色漸深山果熟古藤枝上月初更

馬聲

吹角轅門放騎行蕭蕭霜氣入蹄輕四山獵火圍秋草
萬里邊聲撼石城老去雄心慙歷伏病來瘦骨欲風生
前身試問誰通語多恐將軍實不成

雁聲

高入蒼冥片影斜一聲嘹唳背蘆花月明遼海催霜信
風過漁蕩雜鼓搗到處客心悲木末驚人字跡遍天涯
白雲萬里秋深淺莫怨年年不到家

紅杏山房詩存

卷之一

六

促織聲

牆陰離下響應難札札西風夜正殘碧月自明機杼暗
銀鏡常照剪刀寒夢中錦字紋偏密客裏衣裳夜覺單
最是無人長聽處滿天清露濕闌干

騎驢同王儕嶠同年

避人車馬地策蹇向城東野色延寒碧雲陰落軟紅鞭
催霜影健詩入石梁空踏盡溪前路琵琶酒肆中
與君蓑笠心鄉路懷江陰寂寂此中趣茫茫空外音關
山回望迥風雪舊時深待得春光裏閒從紫陌尋

自題畫冊四首

休寧汪沆雲作

寸草心依旭日融春光都在此山中恨十歲從人讀書邑之九

山明經三部有庭訓時易書詩皆能操經藝小子十齡饒父風洗

硯龍驚潭底月烹茶鶴放竹間籠自知出谷書聲好人

指山茶兩樹紅紅茗山房讀書圖

半壁蛟龍水氣浮天高岩壑正清幽十年蹤蹟昆明雨

萬里風烟太華秋夜月常明觀海處早涼先到讀書樓

蒲帆飽載看山酒直縱蘆花一葉舟太華秋

吳水滇山若比隣長安同是少年身謂同年生王儕

度宜白雪火方潔干到青雲曲正春破凍蹇驢能識路

消寒燕酒不嫌貧相期一日看花徧莫負盧溝曉月新

紅香山房詩存卷之一

七

盧溝風

亭亭出水淨塵埃人向橋頭着屐來明鏡自宜雙影共

泛浣雲好花多向九天開日邊官闕輝鸞羽池上詩篇

入玉臺好證芙蓉前契在予舊籍星源王榮

俳佻玉嶺觀

書袁升甫三十二硯齋詩冊後

南粵由來足硯才紫雲割碎得珠胎試將比例胡威絹

曾受趨庭鯉詔來

袖裏攜來墨汁鮮拈毫想見米公顛何須磨破張華鐵

始有人傳勵志篇

題汪浣雲同年畫冊

爽氣朝來拄笏看胸中盪漾海雲寒廬山面目從頭認

翹首丹巖夕照殘

千里燕雲便往還夢中踏碎碧屏顏不堪持贈朱門客

多少閒人厭說山

落筆如瞻五嶽來驅車曾否岱雲開片帆通憶嚴家瀨

知有羊裘下釣臺

思入千岩萬壑幽青山到處好勾留笑他畫壁空惆悵

未得芒屨徧九州

庚戌人日同儕嶠春帆夜話

紅香山房詩存卷之一

八

小帳春寒入夜遲怕從人日說鄉思紅燈照處知何夢

綠鬢搔來又幾絲萬里友朋成骨肉一年生計屬文詞

長安較覺東風早為向南枝特地吹

題劉松麓尋梅圖

踏盡寒蹊路正遙梅花多處雪蕭蕭琴心不入師雄夢

驢背安然上灞橋

為臥堂師題進性圖

十丈花開有所思清香深處少人知年年說破揚州夢

盼到梧桐月滿時

清明後一日少農劉竹軒夫子招同王儕嶠賀笈

雲吳曉林小集分韻得年字

新火纔頒 紫禁烟恰將櫻筍佐賓筵城中春色三分
足庭際花枝四照鮮紅友宜呼寒食後青衫思換浴蠶
前先庚回首彭宣座記得傳經已十年

下第南歸侍御王葑町夫子以詩送行即和其韻

留別

程門立雪人生春別緒依依柳又新天上奎星看漸遠
帳中鶴怨聽逾親還山何用人招隱下第應宜客賀貧
利市襦衫拋未得風塵拂拭不嫌頻

紅杏花開一色春地梭錦樣又翻新金門射策年猶早

紅杏山房詩存

卷之一

九

玉螭觀荷夢最親予有玉螭觀荷圖奉袂渾忘童子賤吟詩不

礙長官貧人生知遇真難得愛士如公感激頻

出都

風塵銷盡舊朱顏書劍飄然又出關四載春風依禁
輦一生清夢在秋山高寒近戀瓊樓上鼓吹遙聞澤草
間此去曼陀應笑我山人猶是白衣還

盧生祠

曾向邯鄲道上來幾年春夢費疑猜歸時重見先生面
不似黃昏過釣臺

員嶠方壺小結廬游仙夢破復何如人生不上凌烟閣

便到為仙事也虛

渡黃河後與方夢亭臨岸飲酒

乾坤浩氣入洪波九曲偏教瞬息過我輩此間能飲酒
古來若个敢馮河雲生遠岫風先到水繞中少色不
便欲尋源乘醉去太行王屋夕陽多

南陽道中望臥龍岡

才大難為用詩人有定論業能延後主漢已復中原力
為三分瘁困惟數頃存茅廬遙想像清氣滿乾坤

襄陽

滿城初日隔江紅人到襄陽旅思空地入楚疆猶似北

紅杏山房詩存

卷之一

十

水來天漢自流東道旁亦有徐元直市上應無龐德公

墮淚碑前更惆悵岷山草木幾春風

襄陽題壁

春風裊裊江頭路曾是劉郎盪舟處不摘黃臺已熟瓜
可憐桃葉銷魂渡紅蓮一葉等相浮薄命原同水上鷗
蘭香亂散知何去夜月彌天襄漢流

襄陽舟中和夢亭韻

乘風破浪知何日狎鷺盟鷗亦可傷一葉小舟浮大澤
滿江新雨怨朝陽紅欄隱處人家近綠柳中間酒旆藏
莫把功名輕漢水西流那復氣蒼茫

習池舊是高人醉，峴首今無過客傷。此去流觴空漢水，
古來餘恨滿襄陽。雲歸楚塞魂先斷，夢入巫山影易驚。
惟我與君狂唱和，郢歌一曲感茫茫。

漢口

漢水入江去，滔滔東復東。山川猶霸氣，粉黛獨離風。城
立千帆外，花明十里中。惟餘一片月，閒照楚王宮。

漢口題壁

岸南岸北多風雨，夾岸青山水吞吐。澤浦能留庾信帆，
江洲來聽禰衡鼓。高樓寂寂不聞箏，中酒空聞鬪唱聲。
淚江不用呼桃葉，恐有佳人打漿迎。

紅衫山房詩存

卷之一

二

漢陽晤萬二芝軒

黃鶴樓前繫纜時，漢陽城下見君遲。行來脉脉江如醉，
別後依依鬢欲絲。種柳祇今空舊恨，懷湘若个續新詞。
獨憐多病維摩瘦，尙有閒愁付雪兒。

黃鶴樓

高樓落落俯滄溟，雲去樓空我到時。千載鶴飛終不返，
偶然句好便難追。渡江山色城頭入，落水梅花笛裏吹。
莫向洲前賦鸚鵡，有靈詞客恐相知。

晴川閣

碧虛樓閣枕崔嵬，閣上神仙自不回。滾滾桃花流去水，

悠悠黃鶴隔江來。憑欄閒送帆如織，打槳時聞浪似雷。
古廟至今思禹蹟，斷碑苔蝕鎖烟煤。

大別山

振衣凌絕頂，江漢入雲中。野渡仍仙蹟，空山尙禹功。煙
蕪魯肅廟，花落息媯宮。弔古頻來往，高城夕照紅。

留別萬二芝軒

郎官湖上暫停車，樽酒從君萬里餘。此去且聽衡嶽雨，
相思莫寄武昌魚。烟深橘柚人家遠，月落梧桐水驛疎。
回首可憐歌舞地，杜隔江黃鶴渺愁予。

望岳陽樓

紅衫山房詩存

卷之一

三

片帆三日到巴陵，風利高樓泊未能。此地久經遷客去，
何年還共酒人登。眼浮虛白橫千里，雲捲空青上幾層。
欲向洞庭吹短笛，神仙何處恐無膺。

過洞庭

舟上巴陵去，悠悠直泝西。水浮衡嶽動，天入洞庭低。客
意鳥飛急，鄉關日影迷。夜涼除月色，閒弄碧琉璃。

洞庭雜詠四首之三

舟行天上曉揚舲，一過君山便不停。迎面浪花高似屋，
中間圍戲小蜻蜓。

蒼茫雲霧徧西東，日到鯨魚紅。處紅陣陣龍腥浮，水出

滿院吹滿大王風

五溪雜詠六首之三

六月山中稻子香沿溪一片曉雲黃此中便有秦人界

未信桃源路渺茫

山上編茅山下田茅簷頂上掛飛泉一聲黃犬驚人過

吠出清陰翠靄邊

山店宵來月色新數家臨水別成隣黃泥壁坂殘燈火

中有辛勤夜績人

辰州

桃源西上路零星纔見高城便欲停出浦帆隨烟樹黑

紅茗山房詩存卷之一

三

渡江山向酒人青浮雲客思新蟬翼寸草鄉心舊驛亭

料得故園今夜夢有人相對說勞形

沅州懷宋家山錢塘

十五橋頭月重看已四年秋光到流水春夢付滄烟夜

開魚蝦市人依橘袖天同舟猶有客留滯越江邊

七夕過便水

使水催征騎微風落日前鳥鳴當浦樹人上隔江船客

路逢今夕秋心似去年馬頭纖月近銀漢欲橫天

晚至青溪縣

林木蕭蕭風正催斗城晚景亦佳哉鳥銜落日歸山去

馬踏飛雲過水來地迴漸虞黔道天清遙嶺樟烟開
五溪行到源頭處萬里關河首重回

早度雞鳴關

早發青谿縣山根路不平亂星當馬首落月度雞鳴角

動秋舍響灘驚夜有聲道旁關吏勸緩上夜郎城

黔陽道中

匹馬登山七月寒曉風吹雨過雕鞍十圍樹自雲中出

一線天從窺裏看樂成酒漿舍潤澤太平獠獵盡衣冠

前驅自有當關吏未覺炎荒道路難

安平縣

紅茗山房詩存卷之一

四

夜郎西上鬱崔嵬複嶺連岡秋色開雁背黃雲穿絮去

馬頭白雨跳珠來入山便覺蘆笙韻歸路渾忘畫角哀

指點疎林茅舍好邊城月出且徘徊

白沙地

絕磴凌虛上蒼茫認故關石高危戴驛樹老側擎山暮

雨隨人歇秋心入夢聞琵琶何處曲調急語綿蠻

旅館

旅館淒清夜鏡殘月暗生離家猶十日聞笛已三更露

溼孤桐影秋搖碎竹聲來朝楊柳岸穩趁曉涼行

滇南勝境

淨入滇南境忽聞操土音黃花明野館翠竹淡秋心地
險重關合天高萬木森彩雲猶可望未覺故山深

舊衣

夜雨充裘褐春風競綺紉酒痕隨處溼愁淚幾回乾自
尋沾塵少誰知着體寬貴人輕換却貧賤好相看

舊被

萬里君堪共三更我自將客中困蟻虱文裏認鴛鴦春
雨籠寒薄秋風引夢長牛衣容易泣尙賴慰糟糠

鬪索嶺

漢諸葛武侯盟孟獲處

緩轡猶傳諸葛君建興碑泐會盟文重關久扼攻心路

紅衫山房詩存

卷之一

五

故壘仍留仗節雲此日百蠻成五服當年七縱駐三軍

祠堂松柏森森影猿鳥無聲對夕曛

歸家示弟景何蓄之

丹桂花香客到門離羣兄弟笑言溫春風怕憶梅三疊
秋月新添酒一樽小憇便思儕鶴鶴閒居何處買林園
宵分好共姜肱被四載長安舊泣痕

寄王儕嶠太史

高張夢裏說相思別後知君到玉墀此去好稱牛馬走
憑誰敢奮鳳凰池何緣骨相人多怪畢竟文章世早知
羨煞書聲最清處夜深仙月上桐枝

紅茗山房詩存卷之二 雲南叢書集部之三十九

宜良 嚴煥 匡山

辛亥壬子

楚雄

潑翠山如水國秋新晴相送出城頭筍輿一覺蒼涼夢

放眼居然不繫舟

鐵鎖橋 在永昌府

千尋鐵鎖跨江干鳥道蠶叢路不刊且昔蘭津空寫怨

於今黑水早安瀾瀾滄水即黑水洪鐘入峽蒼龍吼出永昌白

日沉江孔雀寒多少哀牢山外客暮煙朝雨淚闌珊

紅茗山房詩存卷之二

永昌呈蕭韶亭學使

鐵鎖橋頭路未平瀾滄江外役車行三迤地盡猶通道

六詔山多不問名碑碣祇今餘漢蹟風雲強半雜邊聲

中和樂職詩應奏好與王襄肆鹿鳴

永昌懷古

吹笛曉渡瀾滄水諸葛祠前石飛起出張志淳南園續錄祇愁江

岸草交頭交頭瘴見楊升庵詩那見蠻兒金鑿齒永昌郡志永

寶井迢迢路正多姚關千里望如何寶石出寶井尚試在姚關之外

問金騰賢鎮守始知前代有崔和

宿合江

漸出哀牢險危峯認故關江聲趨漾濞雲氣矢蒼山墨
水源初泝紅巖夢乍還莫嫌冬夜永星月照幽閒

南澗

沿溪行不到興極愛邱山廢縣寒雲重空堂翠靄閒人
家依橋袖落日亂榛菅斗酒真佳釀禾田歲未慳

景東

曠古開南境元置開南府孤城立萬山人家依竹密風雨入
松閒象嶽象樂山在城西九十里蒙氏僭封南嶽看逾壯蘭津去不還貢

金通緬路擊柝隘瀾關葉女土稱艾男葉女長裙補蠻兒大耳

環霜前紅橋好遮莫映離顏

紅茗山房詩存卷之二

登樓

松竹風搖畫角哀蕭蕭寒色上樓臺城邊落日催烏宿
山外濃雲化虎來看鏡幾回羞突兀經即到處立崔嵬

故鄉轉覺天涯似行盡西南亦壯哉

大理

蒼山一片雪照耀彩雲端白日散微影中庭增暮寒鄉
心如隔歲風力勝長安何處梅花發閒人倚石看

重晤徐仲平喜賦即用其贈譚蘭楣同年韻四首

之二

瀛駒躩躩逐朝暉二十中郎是也非得句祇應花共語

臨風恰喜燕雙飛仲平時就烟蟾攀玉宇光先滿香裊

金鑪夢早依定許聲名過官職傳經心事豈相違

眼底烟雲瞬息過年來作計苦蹉跎風塵跡只隨天去

富貴心能如命何書類寶珠時把握身無文采任銷磨

郢中有曲高難和故態狂奴且放歌

龍泉寺

歎惜征塵久逢山便欲栖潭清飛鳥下風靜落花低漱

石雲初起聞鐘夢向迷倉皇前路去小雨溼鴻泥

燕子洞

臨安阿越州治

一溪流水奔澎湃去靈谷千年鎖烟霧世外應無沙土痕

紅衫山房詩存

卷之二

三

山中亦有高寒處山風起兮燕燕飛山雨來時燕燕歸

寄聲欲問春前信雲樹蒼茫對落暉

撫仙湖上

滿得仙舟破浪行白雲閒聽棹歌聲瀟湘七月秋風早

記得推篷萬里情

湖上七夕

紅燈搖夢酒微醒露冷風淒薄小亭同是長安萬里月

仙湖又照看雙星

題畫雜詠十五首爲常太守德題

曲徑春深鎖薜蘿彈棋局上白雲多壺中日月長如許

誰信茲山是爛柯

蕭蕭風色散林端驢背人來特地寒羨煞灞橋歸夢穩

梅花催月上雕鞍

曲榭臨風面面開纖塵不到小橋來山深莫漫尋人跡

多少濃陰護綠苔

平林相望鎮蕭疎老樹霜前脫葉初過客何心問流水

前山深處是吾廬

愛向煙波泛釣舟柳陰低漾綠漪浮一竿好待前灘去

春水空明月滿鈎

古道斜陽有所思白雲深處渺難追山人策杖歸來日

紅衫山房詩存

卷之二

四

正是青松落子時

過山數點澹無痕貌得雲林逸態存翠竹不知秋色至

磴敲寒韻落雲根

千里歸帆天上來煙波無際渺樓臺停橈恰待桃花水

半夜湖生萬櫓開

翠羽飛來月滿村一枝消息動春溫花前莫問春深淺

聽鳥應須憶故園

春水深深魚子肥探來丙穴是耶非垂竿誤煞煙波裏

空說連鰲一釣歸

山光如黛柳如眉恰有人家傍水湄好是鶯啼花散後

春風吹送雨絲絲

百道流泉下碧岑
雪花密洒雨沈沈
步虛自有天風送
看到層巖白日陰

彤雲漠漠鎖烟鬟
薄暮漁舟住水灣
好是寒江人乍起
空聲款乃失前山

成連興在不彈中
一操將迴大海風
怪煞人間傳賀若
無弦誰自撫焦桐

依蒲竟日樂蓬蓬
漾上春來水滿初
萬頃煙瀾清見底
何人惆悵說無魚

天下陽春發至大理
呈蕭韶亭學使

五

紅蒼山房詩存卷之二

高天曠色浸嚴霜
龍尾關前嶺路涼
秋水自含人影潔
黃花恰傍帽簷香

受經有客傳張許
張叔受經相如許叔受經許慎
載酒何人續李楊
李中溪侍細楊升庵修翼
我似碧雞初刷羽
欣隨鴻鵠數翱翔

大理

點蒼山上秋風清
點蒼山下秋波明
橙黃橘綠便好住
消得霜天十日晴

菊枕

消得長生睡便濃
隣僧休報五更鐘
遠處一覺游仙夢
香到寒雲第幾重

花開明月照匡牀
碧簾眠多骨為傷
繡佛可能消病孽
囊中今有避邪方

出大理城東師荔扉廣文

九峯前別緒新
鴻泥兩度見君頻
山村樹老飛紅葉
水國雲寒起白蘋
折柳聲中人出塞
籌邊樓外鳥衝塵
多因留作他時話
章杜城南二月春

宿杉木河

草淺沙平夕照前
松杉搖影入寒煙
邊關月出霜天小
候館花開土壁妍
風疾五更疑過虎
山深十月尚聞蟬
遠來又渡瀾滄水
便覺安行勝去年

紅蒼山房詩存卷之二

六

景東感懷

皆屬氣感民有遠從

落日城先閉
前溪瘴霧高
人家悲雁戶
生計薄鴻毛
肘後方難備
育間豎易迷
陽和今布德
山鬼爾徒勞

虎街

停車古道漫夷猶
襪被重登舊驛樓
微雨有聲飄碎瓦
浮雲作勢掩崇邱
披衣自信羊裘穩
吹角遙憐戍旅愁
溪水夜深人語亂
匆匆燈火出沙洲

南澗

歸途信宿繞羊腸
南澗重經景物荒
田沒水沙惟種蔗
人收芋薯半為糧
浮雲古樹虛堂白
落日深山廢寺黃

羨然官閒能釀酒松醪款客屢千觴

宿青華洞 道書三十六洞天之一

夜宿青華洞楓林月滿山疏煙生土甃寒夢叩雙關果
遠聞雞犬泉清夏珮環來朝思采藥為訪道書真

昔湖驛

晴臯松影下寒溪歸路時時有雪泥回首蒼山三百里
夕陽送隔數峯西

靈官廟

古廟當河側梅香繞路歧筵中催法鼓天半下雲旗巫
覲婆娑舞神靈恍惚知官橋流水急蘋藻正參差

紅杏山房詩存 卷之二

七

大慈寺見梅

谷口度微香陰巖雪暗藏美人重遲暮行客空傍俚流
水周僧舍閒雲覆佛堂花宮今拓宇願得汝為梁 時僧
庇林

寺修

山茶

歲寒花獨艷而性本稜稜老屋生相照朝霞染未曾
香依繡佛茗椀話山僧迴想讀書處新詩畫本增 予少
讀書

處山茶特甚昨在京師海陽汪浣雲為作
圖戴紫垣座主繫以詩一時同人續賦焉

青蓮寺

迢迢青蓮峯寂寂青蓮寺落葉隱鐘陰行人鐘後至

紅杏山房詩存 卷之二

積雪螳山路朔風吹滿衣潛虬寒欲起山鵲凍仍飛石
磴鹽車澁茅微薪火詹莫嫌雲霧重厄酒暖重障

碧雞閣喜弟相迓有作

關門垂手立相迓及清農待米妻兒急還家兄弟親煙
霞新卷軸顏面舊風塵今夕留光處樽前話共頻

飲彭演亭狎竹齋中

風雨如年別川途甫及家豈期終歲酒同對故山花雪
意生虛壁霜風散晚霞竹根杯未竭乘醉話京華

嘉平望夜對月

紅杏山房詩存 卷之二

八

中宵說餅饑腸熱素月飛光掩冰雪融魄應知會合宜
高樓無復音塵闕然糠共煖竹根杯客路圓來五十迴
攀幃莫問寒深淺且放清輝照玉梅

古堂琅縣呈屠勿巖先生

問字重依萬里天相逢悲喜到樽前土能失路原非俗
官得險詩即是仙回首春風人隔世 前歲贛州袁
先生下世 關心

零雨夢經年那堪感舊蒼涼意頻付花間玉笛傳

百頃香雲滿縣花黃金未煉服丹霞江南草長新愁海

堂背春寒夕照斜 自先生
夫人下世 豈有陶潛惟飲酒其知道

濟竟量沙漢南燕北勞相憶弟子而今在絳紗

紅軟塵多八節灘較來巖壑好盤桓譚經誰附彭宣座
奏賦常彈貢禹冠江左文章承典要山中絲竹解辛酸
堂頊舊是西川地莫向人歌蜀道難

寒食呈屠笏巖師

邊城簫管近清明惟我與公百感生落盡楊花人有淚
飛來燕子晝無聲春風過處添新睡山月圓時悵遠情
只是醉中消遣得高原莫更踏莎行

郡齋觀劇卽席賦

東風吹雨太無常寒食支離感異鄉只有魚龍同此戲
却教花月助人狂愁中對酒翻搔首客裏聞歌總斷腸

紅香山房詩存

卷之二

九

記取他時相憶處飄零書劍在東方

感懷

心旌何事逐春風怕見闌干亂落紅只有三蕉能免俗
無因一畝便爲宮秦嘉詩自傳徐淑張儉身應托孔融
其雨那期常景日欲將蹤跡問飛蓬

立夏日楊雨亭同年招飲大佛寺

六年不見此追陪禪室招邀數舉杯我輩只應空色相
此間聊復障塵埃山深鷓鴣催春去日夕鷓鴣喚雨來
千里堂琅同作客斜簪散髮任人猜

移居西林書院次韻呈屠笏巖師

泠泠泉水在山清贈婦吟成大瘦生小院纔經夷窳任
院中無廣宅東齋居之高原暫罷役車行梁間燕自餘春意樓外
鳩多喚雨聲憶然後堂絲竹夜金樽銀燭又傷情昔師有悼

九日別呂嶠夷

落落高樓下黃花照四圍酒樽邀冷節風色上征衣絕
嶽山多晦深秋雨亦稀難堪此日別愁淚真頻揮

赴公車前夕陪笏巖師呂嶠夷殷六瑄李石渠夜

話

朔風塵起戒將車歧路徘徊獨苦嗟只有長官能報國

紅香山房詩存

卷之二

十

難教羈客盡忘家十年師友心堪寫萬里關河路正遐

料得春明門外見紫藤枝上月光斜昔笏巖師將運銅入京

嶠夷六瑄石渠餞飲龍泉觀看唐梅卽席賦

又見雙梅逸氣橫巡檐索笑兩三聲此花之古地俱老
是處有香天所生醉裏白雲偏惹恨曲中紅豆若忘情
諸公此會意無盡情得溪山送遠行

安莊道中

疊嶺層峯路不齊羅盤河外瘴雲低荒涼驛舍寒無卒
轉徙苗民病有妻山洞雨多泉出樹石田霜老菜盈畦

夜郎東去行千里想像銅標日景西

蘆荻哨明平壩衛也夏太師言有詩即用其韻

枯蘆斷葦作寒烟古衛人家翠嶂連雨脚隨鴉穿碎石
稻根有特戀荒田山農業苦薪常積溪女情慵髻故偏
笑然苗疆風味別那堪暫醉酒墟邊

楊老道中夜行邀唐南溪同年和韻

伐木為輿牽挽行林梢蕩漾夕陽明人家作障烟如織
石峽調琴澗有聲調琴峽寒月照人千里印幽禽戒夜四
山鳴不禁得句狂吟出驚起當關叩姓名

自施秉舟行至鎮遠

鳥飛不到處一葦駛如風仄澗生天險巖巖落鬼工雨

紅茗山房詩存

卷之二

十一

絲泉出樹雲影石當空攬勝恣高詠山城夕照紅

獨泊晃州驛

一水茫茫無極孤舟夜色增楚鄉多鬼語野樹集神谿叩
戶寒無酒論文樂有明漫漫同待旦短夢亦凌兢

芷江舟中

沅芷空蕭瑟扁舟雪意深風吹巫女髮冷到屈原心水
涸增新岸山迥失舊林五花何處發春興待徐尋

夜泊辰州

水闊辰陽驛春寒夜欲陰星光浮地出鐫火落江深濟
為同舟客名催擊析心幾年五溪路纏臂損兼金

馬背嚴仙蹟

絕壁臨深潭編茅無道路疑是避秦人浪說神仙住
板屋數椽斜仙囑懸一足風吹時欲開日照土花綠
巖高水不到一艇掛蘿根日夕多風雨乘舟有白猿
仙人何處眠仙榻俯流水江風山月間千年一彈指
長劍倚天外成仙復壯心何年巖石碎秋水結知音

桃源

昔人誤逐桃花行今見寒潭徹底清果有漁舟來泛泛
空教春水漾盈盈仙乎竟欲忘言說客也何從避姓名
打漿蒼茫烟霧裏青山相向亦多情

紅茗山房詩存

卷之二

十一

紅茗山房詩存卷之二 雲南叢書集部之三十九

慎官良 嚴煥 匡山

癸丑甲寅

題孫處士倚杖聽秋圖

扶老應知生有涯山中風物感年華蕭蕭木葉冷冷水

閒和秋聲到日斜

題山題閣秀石蘭老人詩册

羅浮山下多芳草一枝春報梅花早春愁盡處草重生

落梅風裏詩人老老去就吟書掩扉長安秋嫩雨霏霏

詞壇莫詭迴文錦片片離雲蛺蝶衣

紅茗山房詩存 卷之三

和秦漪園太史移居原韻

退食何妨宅數更朝回紫閣聽遷鶯塵囂市豈因人熱

定慧心惟向佛生小飲花開供醉眼經春草長疊吟聲

家山待話三年雨皆將歸穩看先生種樹成

題汪浣雲同年畫册送汪楓麓歸休寧

浣雲畫真山三載如道故畫成已今日送君歸昨日會

來路黃山萬仞雲空濛三十六峯楓葉紅貌得江南秋

色好行人相憶夕陽中

題汪浣雲澄江霞綺圖

江上青峯畫本多落霞紅照酒人迴秋來指點纜舟處

楓葉林中閣棹詞

我有昆湖區百頃浮萍汎汎到天涯桃花流水春衣溼

分付東風好浣紗

出都四首時中進士停殿試

還家翻覺客身輕又是匆匆萬里行吹到秋風猶苦熱

酒來燕酒強為情書慙士出金空盡庭正三年鳥不鳴

擬出關關吏笑此生曾是棄繯生靈

壽短亭長記里難浮生蹤跡開離鞍心如野鶴依風露

身似征鴻惜羽翰那有做車乘下澤儘教仙籍占高寒

黃沙緜盡行來慣一任塵生買禹冠

紅茗山房詩存 卷之三

乘傳逍遙似 假遣

君恩到處許遊山詩成橘綠橙黃處舟在楓青葦白間

縹緲漁歌迎楚澤參差雁影落江關天涯有弟歸何日

時三弟麗京從屠翁惆悵秋雲水一灣

年前繫馬柳依依今見長堤樹幾圍 輦下故人同別

泣秋中遊子獨單衣王成豈分長為保張翰如何不憶

歸笑煞稻梁生計拙饑驅食盡故山薇

出都日呈初頤園光祿時隨之湖北學使幕

驅車又見別京華衣上征塵帶曉霞五渡桑乾河畔水

生憎離恨滿天涯

雨花庵和吳大宗伯襄壁間韻

古道征塵裏禪關日午茶人隨清磬歇風逐野雲斜見雁思裁字看山似到家郟城來往慣幾度感年華

呂翁祠

仙境蓬萊木落遲祠內有蓬萊仙境四字石刻好風吹過呂翁祠天涯有夢難支枕盼到盧生上枕時

磁州

磁州城外似江鄉夾道清流繞路長荷葉已枯菱欲出平曠風送稻稊香

北漳沱河次初頤園光祿韻

紅蒼山房詩存卷之三

三

趙北燕南設險同蒼茫霸蹟水流東尉佗兄弟鄉書絕馮異勳名麥飯空獄色自含天半雨河聲頻送渡頭風解駝莫漫嗟泥淖浪淺沙平有路通

宿西平縣

郟城南去西平路高岸深溪合抱關推轂忽憑人力健踏沙翻襯馬蹄閒城臨烏柏秋聲外檻倚清流夕照間中酒不知更漏永桂花香裏夢鄉山

溧灣河次李雲裳同年韻

驅車直過召陵南又解征驂渡碧潭行客偶來津樹黑釣人初去水波藍秋風鱸膾思千里朝雨驪謁酒半酣

記取溧灣神禹蹟確山道上看山嵐

采棉曲

秋原吉貝花初開碧葉如靛花醴醴大河以南耕且織買花得子先春栽采花女兒年十五蓆帽籠頭日卓午黃沙過處野雲飛甘紵秋風吟太苦吟太苦兮客路長采花歸去村機忙故園莫寄檀花布寸寸絲絲總斷腸

信陽州二首

地說先賢治端木夫子為人饒貨殖風謠詩申戊裏中聞笛楚聲冲野水蘆花白山村柿葉紅瀟湘何處是

林酒送飛鴻

紅蒼山房詩存卷之三

四

仲默何景明字仲默信陽人升堂者詩存二雅音騷人遺舊宅落日澹疎林客路青山影秋光翠竹陰茫茫同調在何處李陸至情深

信陽道中呈初頤園光祿

朝傍青山行暮傍青山宿青山三百重處處結茅屋茅屋高低倚澗泉竹陰深處落秋烟山靈鎮口作雲雨欲雨不雨空青蓮青蓮花在峯頂上霧鬢雲鬢齊相向老猿啼樹蒼雉飛木葉紛紛盡飄颻一山中間一重溪山形曲曲水漸漸使君車馳如風雨追君直過夕陽西候吏鼓琴擊鼉鼓日邊雙節自飛舞輶軒到處萬人觀題

詩特爲紀風土我生三十好說山家住昆明太華問丹
嶂久別不歸去逢山便覺開心顏心顏開今在行路萬
壑千巖爲看賦昔年曾食武昌魚今日重指漢陽樹雲
樹深深客思浮漢陽城下大江流大江萬里流不盡日
日看山江上樓

武昌懷舍弟麗京

憶昨停舟處茫茫春水深我來勞想像白日大江陰客
路同漂海山雲自古今異鄉猶兩地誰與話離心

安陸試院和壁間韻

霜落天高雁影迷陽春臺畔暮鳥啼連宵燭燼花常報
經春岸詩存卷之三 五

一院風寒草自淒魯酒滿斟山月下楚語遙聽水城西
織書遠寄平安字星漢微茫映雪泥

漢水舟中題家書後

寒臯木落楚江清日夕霜天萬里情漢水纔深三五尺
好風吹不到昆明

雁飛一紙報平安七澤三湘路渺漫我寄離心向西去
茫茫烟月洞庭寬

夔陵城用歐陽公黃溪渡韻

猿啼三峽巴江水日夕靈潮往復迴蜀道如天猶可上
秦灰歷劫未須哀黃陵有客探山勝絳雪何人共酒盃

望望金沙家萬里翻憐子自發源來

夔陵送李雪裳歸越

朝借樵風暮便回楚山過盡越山來病中秋蒂吟心苦
雲衣有蒂雪後郵程別夢催千里巴江隨客去隔年春
信報花開平生愛說西湖好何日扁舟共溯洄

巴東

萬里巴江水苦楚甸開烟波三峽暗風雨一猿哀潮
落魚龍蟄山空麋鹿來迢遙天外路日夕數峯迴

施南

青霄縹緲青峰頂絕磴懸梯步雲冷畏路偏驚猿月心
系春山房詩存卷之三 六

參天亂落樵樵影此地傳聞古夜郎夔州西上是華陽
可憐繞郭青江水問月無人倚大荒地有太白問
月亭故址

由施南山行寄尹北牕大令

懷榻攜柑送別心出山方覺入山深石門曉起烟霞冷
茅店宵來雨雪深馬識猿啼驚滑磴鳥窺人影出寒林

他時補作施州記笑倩峰巒入醉吟

立春日過長湖

小槳空濛破凍行溪梅岸柳動芳情此身不識春來未
一夜長湖聽雨聲

花朝江陵客舍

江上東風送晚潮春寒容易到花朝生憎馬放城邊雨

江陵城南水門外有馬放城綠盡溪南萬柳條

曉曉獨坐憶故鄉前歲桃花弄之遊

昆明舊名城外好春朝野寺行來紫陌遙芳草烟中遊

桃花溪上酒人飄因聽林鳥迷幽徑為訪山僧過

斷橋此日相思忘不得暮華風雨破岑寥

西漢水舟中懷方夢亭學博

我昔侍親歸浮槎遊漢水江干五月天眞餐進鮮鱸方

吾借之來輕舟調嘯裏朝探黃鶴煙蘿探洞庭芷同是

歸來萬里人昆明池上別三春一柳又度關山雪九陌

紅萼山房詩存

卷之三

七

遍沾衣袖塵春明門外花開早人生只有看花好小立

曲江江上雲一樣青袍似春草春草連天別恨多湖襄

重到意云何常隨楚客遊三峽不見騷人續九調片帆

兩指襄陽路曾是前來喚船處昔年同坐俯滄溟今日

相思望雲樹落日浮雲思共長炎天依舊客他鄉故人

欲報山中信記取巖頭丹桂香

是年鄉試

宿沙洋口占

舟泊沙洋岸更深月欲西江聲當夜靜雲影落天低亂

響隣船鼓先鳴野店雞鄉心長不寐倚枕念幽栖

七夕同人小集渚雲書屋

對酒同為客秋心傍月生杯中雲漢影天上別離情碧

簾涼初覺紅燈夢未成誰家乞巧處烏鵲報三更

漢陽行贈殷六瑄即東芥舟大令

我昔來漢陽芙蓉映客裳今日來漢陽秋風生客航蓮

花落盡蓮成實鸚鵡洲前見君日君有佳人字桃根日

日期君傍錦瑟錦瑟聲中憶故人長安小別已三春且

倒金樽醉芳酒不羨紅袖拂輕塵佳人自解憐公子心

已從君君莫鄙欲上胭脂匯畔船休論黃鶴磯頭水一

曲迴風恨轉生為君學得琵琶成切切絲中傳意緒綿

綿花底寄心情紅燭燒殘蠟淚語問情那得深如許此

紅萼山房詩存

卷之三

八

意欲教潘令知謂芥舟可憐不語空廷竚我向花叢一暫

過蛾眉相對意如何驟雨忽搖燈影暗金釵初墜黛痕

多同君共說揚州夢殘月曉風又開甕酒滿高樓水滿

湖輕舟一葉閒相送君向瀟湘我向滇江干同踏釣魚

船會須九九寒消日記取前緣與後緣

嘉魚縣

曉露明秋水蒹葭映日疎江聲下黃鶴山勢東嘉魚小

別驚鷗夢新詩阻雁書孤帆向空濶倚櫂怨難除

有所思

我所思兮漢之東飛鵲為梁玉為宮增城十二闌干曲

美人顏色如花紅
鳳凰下兮金掌露
翡翠巢兮玉屏風
蓮盞漏盡不知曙
流蘇儵爚初日中

我所思兮漢之南
芙蓉如面花初含
朝從君兮浮桂楫
算從君兮駕虬駝
銀箏錦瑟權不足
琵琶調苦誰能諳
飲盡金樽莫言別
別後情絲化春蠶

我所思兮漢之西
七襄機上人及笄
嫁得牽牛未一夕
逢逢暈鼓天雞啼
解羅襦兮贈余珮
我思君兮望金閨
下堂流涕不得語
墮袿執手如柔荑

我所思兮漢之北
秋水空明照顏色
汀蘭岸芷不勝離
打槩送君嬌無力
美人相望洞庭波
日暮愁予江煙黑
紅茗山房詩存卷之三
九

湘靈鼓瑟夜分哀
啼猿腸斷孤舟側

岳陽樓

滿漿來何暮
瀟湘水混流
山當洞庭口
秋在岳陽樓
今古空相望
神仙不可求
眼前惟有醉
天地一扁舟

望君山

帝子今何在
君山萬古青
秋來風嫋嫋
日暮水泠泠
倚欄聞瑤瑟
懷人過洞庭
征帆向西去
迴望隔滄溟

送吳來儀之蜀

離人相望洞庭煙
萬里關山正少年
每畏秋江寬似海
豈知蜀道險如天
黃陵峽上思親淚
白帝城邊訪友船

水令願汝即回湘
漢路綵衣酒及早梅前

湖上

漾漫遊何處
相看意恹然
日斜明遠水
林薄度疏煙
鼓棹驚魚釣
聞調喚酒船
秋深鄉思急
望月洞庭邊

五溪雜詠八首

鷺見秋雲擁翠微
桃花洞口駕船歸
霜沾木葉楓人老
雨溢園林橘叟肥
灘急始知輕載穩
山深惟覺舊遊稀
扁舟不計行來緩
閒趁漁蓑上釣磯

潮落重陽霜信回
風中欸乃過崔嵬
水清竹纜魚難上
雨疾蒲帆鳥自來
石壁擎天孤閣墜
人家依樹半扉開
紅茗山房詩存卷之三
十

樵歌未斷菱歌出
消得澄江酒一杯

女紅強半出田間
風俗何妨襲洞蠻
穫稻青鬢垂鬢黠
浣紗白足弄潺湲
錦衣豈識機絲密
粒食寧知樹藝艱
我有斯饑人
宛在歸來好共舞
爛斑

眾簫蕭蕭風滿林
新寒入夜覺秋深
邀來石上藤蘿月
照見波間魍魎心
隔岸漁燈迴遠影
孤舟鐵笛感知音
無端坐徹關山曉
星落雲垂思不禁

參差沅芷奈愁何
過客蒼茫憶九謫
十里青山賓雁少
一林黃葉臥牛多
悲秋江上生風雨
落日籬根有鶴鷺
同是賁糧行萬里
仙槎何事到天河

秋霖腹疾載俱行茶竈時聞沸藥聲始信獨來能獨往
誰知多病卽多情買薪艇挂寒雲重采艾衣沾曉露輕
欲訪韓康江上市晚霞紅處見山城
楚鄉風物自年年四度經行歲月遷青桂結成溪女屋
黃花開向酒人船山當轉處林多晦水到清時石亦妍
迴憶高樓賦鸚鵡煙波萬頃隔晴川
五溪過盡歷驚湍倦客天涯夢未安銅柱功名輕險阻
瓊樓心跡戀高寒畏途轉覺乘舟穩成事休嗟上水難
正及故園春到日梅花開處笑團樂

晚泊玉屏

紅茗山房詩存

卷之三

十一

元石清泉映晚霞山城風景亦清華青松影裏騎牛客
黃葉堆中賣酒家漁艇無人明野鷺齋鐘出樹噪歸鴉
思州已覺昆州近繫纜離根自煮茶

西陽驛遇陳鍾溪同年典滇試還劇談竟夕

蓬萊三島望經年秋暮相逢古驛前持節遠歸金馬使
承恩先上彩雲天茆齋木落聽山雨石峽琴鳴響澗
泉地有響飲盡村醪頻剪燭客中還有對林緣

晚發花貢

樹杪隱殘照村墟生晚風馬嘶危磴上人語亂山中樂
歲炊烟密浮雲客思空殷勤謝驛卒然火照蠶叢

晚發安莊驛馬上贈李華林

日暮山城列炬行蕭蕭一路馬鳴聲寒天雨霽星初上
石峽煙疏月漸生萬里途應知險阻百夫長亦重功名
讀書古有從戎者倚劍因君賦遠征

德我軒贈張溟洲弟又李即寄溟洲都中

卜宅隣幽草新逢掃徑初雲陰抱城石香篆掩牀書符
藻文通并達蒿仲蔚廬寄題來萬里溟洲自都中寄題其軒義與
兩銘俱

阿弟能留客言交見古心思兄眠日日傷逝撫青琴又有悼亡之賦庭樹先春發山禽入座吟向平婚嫁定緘錦報

紅茗山房詩存

卷之三

十二

佳音皆與溟洲聯兒女姻媿

晚遊朝陽菴

僧寺日初夕霜林葉正飛水聲寒石骨山翠上人衣入
月香俱古穿雲磬欲希勞勞塵土內倦客久知非

地有梅檀異言尋舊講堂子幼侍家三生談契濶四

壁響松篁總角超凡慮清心引妙香偷閒重到此彈指

閱星霜

復道人邀同彭演亭小集真武觀

我生好飲酒一醉勝求仙禪房與道院蹤跡常踰躓采
芝欲向青山曲三十功名苦不足只將杯酒學長生愛

向瓊田餐金粟蓬鳥歸來不看花人間何處有丹砂
尋媿女調丹鼎且就山人飯胡麻胡麻一盞神仙棒水
潑懸香誰與共演亭出世天機清道人入世人情重演
亭翁復道人巖山一醉幾經春焉得世人盡如此落花
流水皆天真來去劉郎能幾度黃梁轉被浮名誤有錢
不爲卜糟邱十萬黃金委道路天風獵獵吹枯松歲寒
酒煖丹霞濃雲中大吠不歸去主人勸客驂虬龍復道
人演亭翁我欲與君餐白石采花釀酒皆仙液醉謔一
曲笛一聲博桑日紅滄海碧

張堡麗澤書院家祖二家嚴舊講學處舉宅居

紅茗山房詩存卷之三 三十一

焉小子生於此今垂三十年甲寅嘉平過之謹

賦一律

山塘十畝水漣漪屋舍分明記往時故老喜迎新酒客
隣家趨認舊啼兒析新業瘁肩非易種樹人遙報已遷
昔祖翼如更有侏個難去處懸弧門戶罨蛛絲母張太
先生下世世下

靜遠堂同趙覺齋夜話

選勝徵詞興未闌探花人對酒杯寬紅籙照夜憐新別
翠袖先春耐晚寒歲月有情偏老易家山雖近亦歸難
時客平生慣有相如湯又向臨邛買笑看

寄初頤園光祿

神仙風格望瀛洲品地時賢最上頭 輦下青驄人易
避郢中白雪我難酬文章有用扶名教膏雨無私洽土
流一載依公欣所託願將令德徧巖陬
扁舟蕩漾楚江清失計重爲萬里行秋雨人隨衡雁遠
春風夢繞渚雲生予在使院時所還家未有三間屋謀
食難求二畝耕自愧遲遲江漢路翻將愛客負公情

紅茗山房詩存卷之三 三十二

紅茗山房詩存卷之四 雲南叢書集部之二十九

宜良 嚴振 匡山

山九卯丙辰

功山道中

曉入功山霧氣昏 逶迤山路繞松根
林陰積露馬蹄滑 巖上有花鶯語喧
數口人家依小驛 幾枝楊柳出荒園
停鞭自就柴門飲 不遣春寒到酒樽

過三十里箐

過險何年闢天光 一線分懸巖開道
路高樹落風雲馬 小時防墜林深不憚
焚行來三十里 幾度望斜曛

紅茗山房詩存卷之四

崎嶇何處少此地 又重經雪裏留鴻爪
烟中雜虎腥客 心依板屋人影礙
山靈自愧倉皇甚 丹巖未得銘

春日同人小集青龍寺

偶向春郊放浪行 入雲深處馬蹄輕
松風自送巖花落 山雨閒催野鳥鳴
把酒何緣聯萬里 逢僧有話到三生
狂歌未竟遊魚出 倍覺澄潭色相明

蔓海風烟別幾秋 新逢掃徑引羊求
春光二月鳥窺戶

山色十分人倚樓 簷蔔香中清幻夢
蒲牢聲裏靜邊愁 東川昔經 蠻荒亦有
林泉樂好與諸君 記勝遊 祿氏之亂

喜萬春田來東川詩以贈之

鳳凰在山人不識 飛翔擇林飢擇食
鸞鷁只解決枋榆

雲霄那見垂天翼 太華秋高舊雁回
堂琅喜見故人來

鑿盡銅山三百窟 昔春田開採大腹山 金鐘山下樽開樽
苦

憶尋君處黃鶴飛 鳴繞官署楚水蒼
茫萬派長滇山迢

遞輕來去老親見 我淚沾衣官況如
斯未忍歸還家有

子無擔石廉吏而今是也 非歸來我亦
飢驅者今日逢

君率曠野萬里常攜 陋室銘千金不賣
銅雀瓦 春田以所鑄陋

室銘及銅雀 自古曾歌蜀道難黃金怕近秀才酸

聖朝已遣碧雞使 阿閣斯君刷羽翰 皆將鄉試

西林西林渡 郭西林節相置渡船濟人故名

紅茗山房詩存卷之四

西林渡口自荒荒 問渡人來十葦航
早為蒼生思利涉 不教十月歎無梁

冒雨行亂山中馬上成十律

馬疲不受策 冒雨石稜稜 失足爾何敢
放心予未嘗 鳥飛銜落葉 露下結堅冰
不是西征士 時思挾纊增 時大軍從

途中贈吳春園廣文

壯志不談劍 雄心能挽弓 纔歸紅日下
又出彩雲中 迢千山雨 憑凌萬里風
相期江漢去 同看水流東

黔道中書所見

林陰蒼翠稻根黃忽有風來覺飯香早爲官家完賦稅
小人猶有樹間糧

蘆荻哨早發

聽雞茅店怯冬寒蚤發多因道路難夜氣尙迷松竹影
人家都作水雲觀五更鼓角響烟淨萬里關山曉月殘
忽憶庭梅花正吐又添鄉夢上雕鞍

響琴峽

何年鬼斧劈一縷引寒泉萬古山難拔中流石易穿天
風吹漱玉松月照鳴絃坐送飛鴻去雲生略竹前

舟中小病答吳春圃

紅衫山房詩存

卷之四

三

十日無詩意似疎風流氣胃未全除短篷病臥蕭蕭雪
猶抱葫蘆讀漢書

武陵別吳春圃

武陵策馬看君去放棹瀟湘我自行料得折梅何處寄
雪晴早過岳陽城

舟中聽王南村話山居事

白帽青鞵浩渺間忽從流水志高山山中事業人間少
輪爾溫經未得閒

立春前三日洞庭舟中懷萬二步軒武昌

歲暮行人易斷腸思君宛隔水中央扁舟三日無風雪

好趁江春入武昌

岳陽樓

爽向巴陵望洞庭年來幾見楚山青樓中莫飲神仙酒
一醉江湖便不醒

蒼茫雲水四圍低不信傳書路不迷玉室金堂何處所
有人三過洞庭西

別萬芝軒

小住剛偷十日閒楚天無際碧雲間離情莫莫輪生角
早遣行人出亂山

光州道中春雪

紅衫山房詩存

卷之四

四

廿四橋邊涉水來蕭蕭修竹護蒼苔五花竟日將春雪
一路光風次第開

飲姚勉士寧幹堂卽和其探梅元韻

雪後相逢共酒樽猶餘詩思滿前村翻從永夕人看月
却憶尋梅客斷魂清極始知無我相香深原不爲春溫
醉中略記溪橋路短夢蕭蕭鶴在門

朱仙鎮謁岳武穆廟

闔外詔班師班師不敢疑廟謨三字定臣罪兩宮知汴
水流難廢松風聽尙悲到門頗想像瞻拜肅前墀

曉渡白溝河

曉月催人過白溝餘寒天氣嫩如秋微分馬跡行沙岸
漸聽雞聲度驛樓柳起欲裁金縷曲春深猶着黑貂裘
此來自慣長安住紫陌紅塵有舊遊

為王召亭題朱堃雲陶然亭圖

堃雲原不落塵埃點綴江亭江亭亦名半畝苔自此城南

車馬路有人着屐看山來

西江才子妙人寰作吏遠從湘水間回首長安開畫本

夕陽愁煞九疑山

送王鐵夫同年之官華亭廣文

曾向金門奏賦來公卿同揖仲宣才一官去聽華亭鶴

紅名山房詩存卷之四

五

留得聲名播內臺

青氈一領太即當有味還如啖蔗漿勝似盧生初上枕

可憐猶未浙黃梁

輕傳種玉到巖阿四字簪花妙格多夫人曹墨栗女史以所書種玉山房

額貽寄自此南中添韻事有人停織寫曹娥

機雲入洛舊齊名鐵夫與儕輩為同宗兄弟去住升沉豈異情一種

秋風望鄉國鱸魚蓴菜讓難兄謂儕

奉命入翰林寄弟

誰論盧後與王前是科入翰林者廿一人子名最俊一例承

恩土九天鳳詔宣來丹篆濕鸞坡立處錦衣鮮吟詩也

可燃雙燭入直何妨過八磚應是天公憐我嬾瀛州特

地着頑仙

平生心蹟戀高寒此日神山得縱觀留我少年猶未老

驚人上第本來難書探東觀源方正身到西清夢亦安

村載辛勤惟爾共何時相對話酸

益蘭呈司農劉竹軒夫子

移來空谷紫雲端磁盎連雲種植安楚澤有香風細細

燕臺入夢影珊珊未秋心已懷仙露向晚花宜護玉欄

架上書多應辟靈朝回鎮日靜中看

酷暑

紅名山房詩存卷之四

六

酷暑連天蕊不開靈符何處召風雷槐陰滿院黃花落

一陣蟬聲曳雨來

小病

瘦骨風塵久寒侵病易乘怯眠三日雨愁對半宵燈煮

藥當歸少繙書脈望增真仙能拔宅雞犬亦飛昇

凍雨苦連日晨風吹不清溜痕穿戶入雲氣傍窗生病

減衣難褪鄉遙夢易驚將秋人未覺檻外草虫聲

和劉春帆夏日澄懷園卽景二首

種花何處乞閒田親見蓬萊十丈蓮正是日長消渴甚

小清涼界吸香泉

四圍烟水亂蘋蒲楊柳陰中一脫孤料得折花人早起
滿衣清露滴荷珠

神仙原不脫朝朝鶴唳笙與自酣雅稱劉郎為好客
胡麻流出百花南春帆時從吳越人先生講學圖中

校書藜閣拜音恩初清況年來劃粥餘未肯朱門強劍
欽先生不礙出無車

瀛洲亭子妙人寰一望茫茫大海間紫陌行來原自好
當時大夢有青山

此日長安竟白居故園回首弟兄疏要知萬里腸真斷

紅杏山房詩存卷之四

七

莫更逢人懶寄書

登天前路無窮日到海洋洋有定蹤醉裏欲忘身是客
隣僧偏打五更鐘

題任雲堦少尉小照

五絃調處桂香來秋水空明一鑑開畢竟停琴無別事
較量鶴俸到蒼苔

七夕戲柬陳範川

烏鵲橋邊喚奈何曝衣樓外落花多雙星不管人離別
新月明時早渡河

新婚遠別日三秋範川新婚耿耿銀河萬里流料得閨中道

不將瓜果祀牽牛

寄屠杉峯廣東

相聚無權別更愁離情逼隔海南舟裁書不忍重回首
淚比臨歧又易流

道成仙能拔宅遷萊山外海茫茫

送何魯巖同年下第歸雲南

客中送客正秋分三疊陽關雨後聞冀北空羣偏剩爾
漢南各士不如君來時穩趁看花日歸後重看織錦文
未免有情歸去住幾回望碧雞雲

紅杏山房詩存卷之四

八

送同年程啟原學正假歸海陽

國子先生未到官匆匆七假出長安花開紫陌三春滿
月照黃山萬頃寬帳裏不須煩怨鶴日邊還欲亟彈冠
自慙萬里歸難得美爾循陔咏采蘭

寄同年汪流雲大令海陽

分符不許作貪官到縣匆匆乞挂冠流雲作縣四十四日即引病去
十日中花縱滿八千里外夢應難遠山有約同雲住開
徑常時報竹安只恐蒼生思父母又披官錦上雕鞍

送董竹溪太史歸雲南

詞臣乞假出瀛洲萬里關河八月秋遊子心情衣上線

神仙蹤跡水中舟看來松菊

君恩厚嘗到尊鱸世味淨此去正逢明月夜應知回首望瓊樓

為程菽原題秋海棠畫

題名一樣署花仙別夢偏榮冷露前時菽原將歸海陽春睡不

如秋睡穩月從三十六峰圓

竹軒夫子席中賦得秋雲

爽氣偏生出岫雲遙看天宇散氣樓臺高處微微度

河漢中間淡淡分宮扇隔花移雉尾霓裳入月數羅紋

占來五色添秋興朝罷鐘烟訝細熏

紅茗山房詩存卷之四

九

賦得秋露

仙掌銅盤夜氣清垂垂秋露濯金莖雲階月地涼初覺

野鶴吟蟬怨易生立近桐間衣乍濕聽來花下桂無聲

宵深獨擁青綾被隔院風珂夢不成

賦得秋山

雨後秋光點翠鬢鳳城高處見西山蕭蕭黃葉僧歸寺

裊裊青烟客閉關三徑斜通飛鳥外數峰遙在夕陽間

朝來走馬蘭臺路爽氣相看倍霽顏

郎紫瀾移居法源寺後題其齋曰碧雲吟舍傲嘉

州體作詩贈之

碧雲滿地神仙屋有客卜居渺空谷嬾入人海相追逐

緣繩深處聞幽香日午鐘聲出上方忽然花雨生清涼

墻頭薜荔和烟濕挹翠人來面壁立槐花亂落風習習

先生逃暑不逃禪曝書時露腹便便不將醉眼望青天

水院連牀話風雨晨入太學叩石鼓歸來綠陰正當戶

令姪貢南同年以廿載交遊湖雁門一時有幾弟兄存進士官國子博士與子讀書秋樹根

雨移居與隆寺呈蓮笠主人

卜居那得近諸天為是蓬萊最散仙半世難消多病業

一龕分與聽鐘緣閒從樹下支茶竈醉向牀頭問酒錢

紅茗山房詩存卷之四

十

偶共山僧話遊蹟點蒼萬里隔雲烟寺僧曾遊滇之雞足山

深巷常疑住遠峰疎花修竹影重重秋風冷近題糕節

朝雨聲遲賣菜傭毛遂處囊空有賴梁鴻賃庶不能春

偏承好客開三徑菊淡如人一笑逢

移居八首

移居隨處好出世我何能市近惟尋寺官閒不讓僧避

風支卧榻延月上書鐙却笑深秋裏尊鱸悞季鷹

地近宣陽里門前車馬紛王侯連宅第冠蓋入風雲采

葉供朝露焚香戀夕曛六根原不雜只恐擾聲聞

野馬匆匆過壺公隱不嫌三生鐘在枕五夜蝶窺簾久

雨增增白新炊突半黔客中防早冷衣爲未霜添

薄寒疑中骨小病亦經旬藥裏難調攝詩篇獨苦辛家

書占曉鵲鄉夢付歸人蓬我東籬興黃花在比隣

微有山林意行藏得自如秋添新店酒夜喚早朝車磨

墨傭裁句編金欲買書青甌拋不得半爲住僧廬

天涯疎骨月存弟得聯牀人海經年住詩城竟日長賞

新供稻蟹話舊感星霜斗粟山田熟何時返故鄉

秋花隨意落秋徑竹蕭蕭月爲三更好風因九日驕臺

高扶病賦客令趁雲招未遂西山約門前望翠嶠

深巷人家隘微聞雞犬聲短牆吟蟋蟀荒園竄鼯鼯對

紅名山房詩存

卷之四

十一

此忘高卧乘時策令名長憐貧女意四壁照餘明

送陳範川孝廉下第歸嘉興

倦客天涯半載餘秋光滿眼歎離居病中送別難成醉

失意還家且讀書駕錦機絲傳月下鶴湖蕙菜憶霜初

洛都衛玠知名遠歸路應防果擲車

馬首依依惜去時桑乾渡後卽相思那堪餞飲菜莢會

無奈悲歌楊柳辭落月夢迴羈客遠名花秋豔美人遲

長安我有三年住與子先磨雁塔碑

秋感

所病經旬客不通蕭然聲在九秋中池邊強立看孤鶴

天外遙聞有斷鴻敗葉披煙全盡綠殘花漬雨又銷紅
此生半世皆如寄那信浮雲富貴空

擬崔灑古游俠呈軍中諸將

少年好帶劍出入防危機飲馬長城窟天山雪打圍雙

離第一笑王里驟禽蹄落日照行帳繼塵生素衣歸來

五侯郎春風柳絮飛金貂日換醉市上誇輕肥軍書一

且至願誇生光輝急請長纜去馳聲絕域威

欄干四首和韻

解將蘭版障虛空十二橫斜卍字工倒影有情圍草綠

尋行無意界花紅水晶簾淺光難護朱網窗深信未通

紅名山房詩存

卷之四

十一

清晝正長鸚鵡睡多時隔斷畫堂中

睡起樓頭藉倚扶猶餘殘夢在江湖十千道路紅塵遠

九疊山光紫翠紆吹到春風藕柳眼飄來靈雨落花鬚

芳心暫爲關闌住鬪鳴池邊聽鳥呼

青天碧海鎮低徊月照長廊又幾回不隔香情傳豆蔻

常扶生意上莓苔裁書似訝青鸞香捲幔還疑彩鳳來

咫尺蓬山聊小立雲屏深處莫相猜

節尤到處最堪憐金屋移春似去年恐惹游絲紫屈成

不不禁飛絮挂鞦韆鷓鴣香煖朝慵起翡翠巢深夜不眠

幾度花前頻悵望曉寒書盡衍波箋

送同年許篆翰林乞假歸省

又見仙郎衣錦回時同館元假者多離筵疊賦竭詩才秋風到

處皆成別春月何時共舉杯

聖主恩深容假去老親身健喜歸來門前試看金花帖

鳳閣麟洲費剪裁令兄蓉塘同榜進士官中翰

變此蓮笠主人新築黃花園成索賦

竹籬茅舍路斜通新築山人一畝宮種得黃花風雨裏

移來白羣水雲中餐英始覺塵心淡載酒偏宜野客同

美煞五侯調舞處水晶簾外冷秋叢

九日登蘊秀樓呈蓮笠主人

紅香房詩存

卷之四

圭

三選招邀入惠園閒陪幽賞到籬根花間此日窺東閣

殿底何人會北門且喜題糕消冷節不辭落帽望秋原

山川處處皆空濶過雁浮雲自遠村

九日後小僮買菊植盆充書齋清供賦成二律

愛此凌寒質長安僻處栽重陽將雨去三徑買秋來予

亦能同淡花猶及半開瓦盆真貯得留土護根芽

笑童忽解事座上強添花鬢几黏霜重疎櫺引月斜詩

成饒野色夢冷到山家拚得經旬醉還謀斗酒賒

秋日隨蓮笠主人郊遊射獵

朦朧曙色隱鳴鵲魚鱗初傳啓

禁門日郭緩尋黃葉

寺從禽遙指白雲村弓經曠野沾霜氣鳥畏飢鷹似

根自笑書生鞍馬怯也隨車騎獵平原

九月晦日集黃花園看菊

小築茅廬頃刻成神仙猶戀野人情秋光自為黃花駐

山色遙從翠幔生石瘦雅宜枝點綴窗虛不礙影縱橫

愛他晚節經霜慣留待冬來看落英

蓮笠主人以普洱茶見惠煎飲有尊鱸之思賦謝

二首

偶繙茶錄羨君謨品到先春第幾株高皇雪山風味好

也應相憶比尊鱸

紅香房詩存

卷之四

古

白雲封窟遠寄纒蠻烟瘴雨一時開書生消渴尋常事

難得仙六玉露來

消寒八詠

珠簾不耐令麻紙避塵埃及與風颺會方知鎖鑰才護

花宜久閉款客且輕開自古蕃宣者都從靜鎖來風門

疎烟生土銼煖氣徹重茵象取地中火陽回天上春跌

跣偏熨貼骨相亦陶甄試望風扉外寒增挾纈人城城

消息春猶早名花奪化工果然開頃刻不覺見虛空細

日延寒碧疎枝帶煖紅雛生徒自苦黍谷日吹筒堂花

薰籠難久倚行坐得相隨在手洪爐小因心造化奇添

香聊復爾執熱入漫云誰運掌摩挲遍陽生袖裏知

寒天嫌日短寒夜對紅藥烟自風中發花從雪下生三

更人有伴一枕夢無情料得圍爐處誰家畫燭明

校書吾正苦爾凍不成書本有風霜氣况兼冰雪餘寒

知通造化煖或借呵噓鐵硯磨將透花開忽起予

躍鯉冬微異長江釣雪深偶然遊鮑市不愧負冰心骨

願論情性香寒問釜鬻熱中笑彈缺斗酒可相尋

食肉何曾鄙肥甘凍後嘗冬知三月味寒浸一匙香氣

自消煙火心還問酒漿黃蘗風雪裏每飯可能忘

積雪四首呈蓮笠主人

紅香巖詩存卷之四

五

料峭風聲似晚潮六花飛處凍難消夜深試望樓臺影

明月光中仙路遙

仙家庭院笑堆鹽慕見香泥柳絮黏羨煞玉堂風味好

一生常對水晶簾

彤雲漠漠鎖烟巒羣玉峰多近畫欄最是城中看不得

夕陽西下欲生寒

賦從千里信分明楊柳關山悵遠情市上莫羨東郭履

闔風高處少人行

送郎紫瀾孝廉還雁門

劉蕢人不識歲暮客愁深送子一樽酒重懷十載心

山經雁蹟風雪聽猿吟料得眠雲處雙鬢合抱琴

太平鼓詞

天街夜靜月如水兒童擊鼓寒聲起瑟瑟連響樂太平

繡戶朱門敲不止誰家織手夏玲瓏打破春光臘月終

十二闌干花遞發春前春後此聲中燕姬十六羞人見

倒持紅拂半遮面一片風前笑語聲零星餘韻搖金鈿

金鈿鏘鏘玉屑寒鶯謔同譜太平懽好待上元圓滿月

還將此鼓乞團樂

祝蔡葛山中堂夫子九秩

黃扉綠野

紅香巖詩存卷之四

末

御書榮

盛世 宮師軼老更臣德自咸

君德懋成星常傍

壽星門六千里外隆高卧九十年中見太平耳聽出都

佳話艷

天家五代送先生

國釐人瑞古無倫兩度瓊林值丙辰于謹早看頌玉林

桓榮猶欲上蒲輪赤松占盡世間福黃鼎調將天上春

選甲科名慙後進大年遙介湖傳新

紅茗山房詩存卷之五

雲南叢書集部之三十九

宜良 嚴煥 匡山

丁巳至庚申

人日宿劉春帆齋中春帆疊庚戌人日與王濟嶠
太史及予唱和韻見示予亦疊韻奉荅兼懷濟

嶠

把酒分柑入夜遲八年重與話相思浮蹤到海萍方聚

別恨臨江柳欲絲嶠前月請假歸省往事三春尋斷夢幾人雙

燭賦新詞梅花窗外纖纖月香氣微風息息吹

後勁期君莫歎遲津門一賦費心思依風舊話三生石

紅茗山房詩存卷之五

一

織錦先量二月絲人日銀幡知送暖陽春金粉鬪填詞

夜深撥盡寒爐火惱煞隣家玉笛吹

元夕觀燈行

春宵月出寒於水一片笙歌逐月起萬戶千門此夜中

六街三市春燈裏春鐘種種燦如花裁綃剪綵奪晚霞

火樹燭園新樣好滿城兒女鬪繁華聞燈有處能閒住

寶馬香車競爭赴人裏惟聞馳逐聲空中自照瑤瑤路

雪後花開怪耐寒千枝相亞結團欒行來紫陌春如畫

立近紅燈夜未闌夜闌更放金吾禁香霧襲人塵生袵

鬪娥未罷忘歸遲人面鏡光添冶豔冶豔何人不繫情

華燈看遍客懷生行詞怕聽梅花落禪榻蕭然對短檠

時寓僧廬

花戶油窗

幽窗窺窕春風生春風生處秋波明巧作瑤瑤虛障眼
知是儂家絕慧情碧油寒浸繭紙白圓剪方裁暈油碧
鸞翹看來山水形玲瓏透出花鳥跡佳人竟日鎖窗中
窗戶微添脂粉紅隔斷朱簾三五尺靈犀一點忽相通
天寒陡覺鑪烟小窗外憑誰報春曉偷窺料得少人來
坐近窗前喚青鳥

書喬根堂大令詩後即寄之永寧

紅茗山房詩存卷之五

二

蜀道攜來四十賢吟君詩句上青天空山我欲花同笑

高閣君應榻早懸別夢自縈楊柳外開樽知唱荔枝前

縣中赤水千年色求得丹砂便是仙

寄蓮笠主人即其出都送行元韻

又見西風菊影殘傲霜一束寄應難山中有淚隨猿落

雲外何心比鷓鴣搏明月一樽疑是夢斜陽寸草欲生寒

餐英忽別黃花圃便覺黃蘗氣味酸

仙唱關山曉月殘離愁楊柳曲終難主人送予詩有關

枝折取一應知噉鳳三霄上猶望悲鳥萬里搏夜話從

心際之句容華燭燼早朝珍重錦貂寒蠻荒亦有絲堪續買得新

絲意已酸

冬夜宿白雲菴

出郭十餘里衝寒上翠微停車楓樹下楓落人忘歸
屋隨流水禪門澹夕暉白雲飛不去留作老僧衣

老衲談經處蕭然一榻添燈昏風在壁被冷月窺簾築
室人孤往無生義可拈寺僧為予族伯時久圓寂倏疑塵夢醒猿鶴

影纖纖

澂江學舍留別方夢亭廣文

官閣梅花苦唱酬勞人身世等虛舟入山未遂三生約
時思入竹訪友難為十日留雪後行蹤瞻馬首風前離

紅香山房詩存卷之五

三

縹緲羊裘鄭公書法詩兼妙欲去能無一一求

寄蓮笠主人

天上難攀瓊樹枝惠園一別寄遐思傷心楊柳初臨驛
得意芙蓉始發池歲月無端增客感關山況又近秋期

夢中記得相尋處玉宇頻看扈

蹕詩

身世紅蓮一葉舟故鄉依舊感沉浮家無負郭長求米

有新書即典裘驚鵲月中棲恍忽飛鴻渚上望雲漢

心時刻燭循前事凡骨仍登蘊秀樓

題畫四首為趙叙堂孝廉作

樹玲瓏傍水開遠山如薺送青來讀書消夏南華好

水篇中幾溯洄

巖厯厯亂雲中曲澗流泉下界通結箇茅亭最高處

人策杖訪崆峒

江風雨浩無邊何事中流自放船莫怪蒲帆收不及

來時多半是晴天

亭臺相望水雲間略約斜通便往還只有征帆停不得

一時飛過數重山

送劉竹坡廣文之永善任

驪駒初唱小陽春十載重逢別又新兩月官齋陪史筆

紅香山房詩存卷之五

四

時同應臨安太守江一窗秋雨共閒身授經如捧毛公

檄慕義應師郭泰巾此去正逢關塞靜好將忠孝教邊

人

崇文書院有搏桑二株一淡黃一粉紅今各次第

放大紅數十朶連月繽紛蓋為諸生科第兆也

賦詩紀之即東江岷雨太守

一樹深紅間淺紅緋衣時出杏衫中搏桑花下曛曛日

首宿欄邊細細風階影乍翻金帶似杯香初泛紫霞同

相依兩榦天然好碧海尋常有路通

小院春爭百卉先端資培養得紅鮮花如表異知為瑞

樹不能忘已入仙筆彩幾回搖絳蠟香心竟日對華年
葉珠消息傳來早棠蔭中間旭照懸

之石屏宿海東行館題壁

出關十里對青蒼湖上風來送晚涼水市新萼挑細雨
漁村破網晒斜陽卒然止宿生炊飯久不出行亂理裝
燭燼夜昏眠未得心驚蟋蟀在虛堂

莊澤珊刺史招遊異龍湖

畫樂乘秋興不窮飄然身在鏡湖東芙蓉花外冥濛雨
楊柳陰中淡蕩風管領名山須五馬徘徊舊蹟託雙鴻
平生遊處多重到只少青紗好句籠

紅杏山房詩存

卷之五

五

許太史祠

背山臨水好幽居前輩風流賦遂初滿院綠陰垂薜荔
一池秋水長芙蓉別碑此日同看字倚檻當時自著書
我有故園留不得桂花香裏駕征車時將入都

石屏道中竹枝詞

扁舟一葉下前汀湖上行人望窈冥只是蒲帆張不得
漫搖雙槳水泠泠

漁家釣久想魚知曲薄圍來網不施却怪村前魚賣少
烹鮮輸與摸魚兒

老牛嚼草小牛眠風過松枝落子圓早稻未收山芋熟

牧童敲火石巖邊

翠鳥時鳴綠樹頭黃雲先送野田秋山家園子新時果
火齊盈枝結石榴

野塘十里最清華荷葉微黃晚翠加不解溪童緣底事
生揉碎白蓮花

七夕立秋自石屏返臨安作

先與山妻訂七夕薄遊今日返書齋城邊舊柳絲仍裊
湖上新涼日便佳水滸細沿山麓轉樵聲遠與權詞諧
到門兒女牽衣告阿母瓜筵已早排

哭堂妹

紅杏山房詩存

卷之五

六

病耗無聞歿耗真堂前一別見何因死猶有母生偏盡
爾本無兄我即親掩淚應傷長逝日蓋棺難待遠遊人
嗟予乞食多辛苦未哭先憐久損神

自歎無多女弟兄爾能患難慰予情淚因貧賤流將涸
身似蜉蝣化太輕人事劇憐多短促天機翻悔過聰明
若能地下逢先祖只說家庭少不平

贈劉克齋秀才

清絕劉郎七字詩芙蓉秋水有天姿生來只食胡麻飯
怪底烟霞不入時

萬點蒼山屋數椽閉門風雨最堪憐何須牀下逃名伏

自有王維薦浩然

侯家箒

此地亦天險危峰抱一關亂雲將墜石野水欲沉山災
豈乖龍鬪昔山水暴發心如倦鳥遺參差松竹影蔭容
翠微間

秋夜宿寶洪寺示僧雲蒼

上方落日正栖烏驢背人來與不孤問月幾時消我相
傳鐘暫此飯伊蒲經聲度夜秋風嫋鶴影橫空幻夢蘇
心事近來無說處偷從禪榻睡須臾

題所居小壺中

紅茗山房詩存卷之五

七

到處名山挂一瓢神仙蹤跡本逍遙家園翻似賃春住
風月只愁無地消屋拓半弓支几榻書裝千帙集瓊瑤
自來芥子須彌大誰信壺中見九霄

冬夜借陳惇五陳順之自壩山抵寶洪寺宿蘿月

菴

策杖宵踰嶺蒼茫徧數峰浮雲初見月遠寺乍聞鐘夜
靜天風大村低野燒濃沿澗山鬼曲驚起石潭龍
禪榻聊探夢僧傳不落杯山泉澆苦茗鑪火撥寒灰蘿
月無今古溪雲自去來只疑星斗近開戶幾徘徊

己未臘月挈眷入都留別親舊四首

北山霽雪映朝暎佩劍裝書出郭門萬里服官酬父志
三年讀禮感

君恩離情愁見雲千疊古道欣看酒一樽幾度丁寧向
叔季小人有母重晨昏

脂車贈策互關情長老紛紛為寵行作計昔惟隨里巷
移家今得住蓬瀛半生最苦書難讀百事無如宦早成

自喜兒童皆挾纊臨風也覺傲貂輕
彩雲北向擁肩轡驛路梅花次第看倖許身仙借婦子

漫言瞻宿應郎官金多不入蘇秦橐日近思彈貢禹冠
此去玉堂休暇好青綾人共五更寒

紅茗山房詩存卷之五

八

行從南斗望天廷歷盡長亭與短亭穉子閑吟河畔
草家人共聚海中萍太倉粟美知難報下澤車疲敢暫
停別後思鄉重惆悵天涯遙見遠山青

上拉邦坡

馬上寒多酒自捐鞭絲搖曳朔風交沿山樹色濃如染
落澗泉聲冷似敲絕磴遙懸微雨外數峰危立亂雲梢
兒童不怕登高險俯瞰陰巖猿鶴巢

安平道中雨霽

凍鵲飛鳴報曉時陰天欲霽鳥先知冰消簷箸聞清滴
雨歇林條挂斷絲臘盡劇憐蔬有味寒深猶覺酒難支

行來登巖巖邊路暮見雲開夕照遲

山村

叢樹隱茅屋數家成一村竹深留雪影烟淡暮風痕種
芋山糧足樵樵歲酒温道旁車馬客幾輩有田園

大雪龍里道中戲用聚星堂體

踏凍徐行鳥道間吟黃竹出松關冰心欲印水中水
粉本難描山外山新歲尙遲春信到是歲正月十日立春野梅
爭冒朔風拳同雲漠漠巖扉掩硃女窺人露半鬢

後遊舟中

四載重游好漫遊全家俱上木蘭舟春初別意濃於酒
紅杏山房詩存卷之五九

時別雪後江波膩似油沅芷有香探舊夢楚天無語
話空愁推蓬不覺前灘惡燈火盈隄皓月流時方上元

天晴三日助揚舡千里江流去不停雲簇水紋當澗綠
草分春色入林青石城新築邊民壘時補市新築城巫鼓空招

漢將靈正是有苗來格日夜無刁斗夢安寧

打頭三尺笑疎蓬竟日人行欵乃中竹樹一村明畫嶂
溪山幾曲入詩筒炊秬汲水驚游鯉買酒停撓跨斷虹

爲是瀛洲學仙去江心時有數帆風

晚泊

小艇呼風去不停雪晴遙見楚山青煙江十里無燈火

明月迎人上鶴汀

桃源

山到桃源盡江從朗水長人家依遠樹春色上輕航草
綠新年雨花開古洞香蒼茫前路在何事問漁郎

舟中聽雨

向晚煙波闊扁舟暮水生瀟湘一夜雨江漢十年情紅
燭寒仍照青山夢易驚忽聞北嚮雁桅上兩三聲

湖口

此身畢竟入仙寰日日春波浩淼間青草湖邊三尺水
白雲天外數痕山分柑節過東風晴賣酒聲來暮雨閒

紅杏山房詩存卷之五

忽聽隣舟橫笛起詩情遙指野花灣

阻風登城陵磯望江湖合流處

此地江湖合滔滔匯眾流北風當鷓首一日住磯頭煙
雨連三峽陰晴共九州幾人問歸渡悵望夕陽浮

喜晴

一江春水漾春煙晴日微暄午後天忽笑游絲太無賴
等閒飛上讀書船

巴蜀雪消千里知鳥鷗試暖浴風漪青青楊柳纔舒眼

便有行人折一枝

金陵

青山歷歷水迢迢多少行人說六朝桃葉渡頭猶宿雨
石城門外自春潮花開鐘阜迎苔屐月出秦淮弄玉簫
不見古來詞賦客舟中沽酒破無聊

秦淮

南朝并冷胭脂水一曲青溪瀉塵滓粉黛多年流不清
美人半日眼慵起我來城北看鍾山翠閣珠簾縹緲間
閒呼小个涼篷子也弄春流出水關

江寧弔少銀臺王葑亭先生

奏賦曾叨薦子虛空慙詞賦不相如訂文未會試先生得
去人選艱難一第師恩負銜恤三年世事疏予讀禮家居先生卒年餘

卷之五

豈意門牆成隔世徒看松菊到幽居銀臺聲望人人

重此後誰陳重粟書先生會選南唐

登金山江天寺

誰將芥子現須彌金碧樓臺夢見之此水欲浮山入海
到門真見佛低眉花香飄渺三旛動鈴語空冥一塔欹
只恐石簾催落照半看碑碣半題詩

舟中望焦山

仙峯縹緲碧波間遙隔輕舟水一灣却笑海風吹不去
妙高臺下望焦山

金山寺僧送中冷泉

瓢飲分來有夙緣軍持貯滿大江煙細烹普洱山頭菓
消得中冷第一泉

無錫弔座師秦端崖先生

司業聲名北斗齊御前蓮燭許分攜久將膏雨培丹
桂特遣鶴鷄冠碧雞兩午師與雲南鄉武技煥第一孝友只宜金管述

文章多稱錦函題如何一疾成千古天下看星不見奎

一去師門便五年悠悠永訣問蒼天晨昏有母生離別

疾病無言古堯捐為哭寢門來萬里難傾杯酒隔重泉

恩深欲報知無日薦土心勞告後賢時以夫子平生取

之道其事為煥所知者告諸世凡見婚

卷之五

吳門

竟是繁華第一鄉昔年夢已到金闕春風自送吹簫路

夜月難尋響屐塵十里畫船歌管細三層樓閣綺羅香

幾來不負皋公廡竹笠芒屨野興長

唐陶山同年送舟遊虎邱賦謝

畫勳移來汗漫遊人瞻郭泰在仙舟滿江煙雨添魚水
一路笙歌到虎邱折柳心嫌春日短別將看花天借午

風柔翻教暫隔同年百鳥藻鷗波笑獨收

過鎮江留寄王夢樓前輩四首之二

京口先來望遠頻予臨先生於吳門停舟欲待恐迷津

朝川圖裏身難老通德門前草亦春風月總教歸佛界
江山如此稱詩人自慙空見先生面比似匡廬望未真
大名久已編滇池滄海曾經世共知五十年間天下士
八千里外郡中師先生前為臨安太守大開文教梅花忍草皆題碣
館僧樓半詠詩豈意蘇門邀一顧果然三島有仙姿

揚州

江外青山樹外樓茱萸灣口是揚州烟花三月春如夢
風雨連宵人易愁廿四畫橋通鶴路二分明月入淮流
簫聲只傍隋堤柳莫唱前時清夜遊

哭吳阮堂師四首之二師揚州人

系李山房詩存卷之五

三

白髮衰眠短竹牀桑榆何力挽斜陽銅錢屢空先生酒
筆債添償少女妝師歸後少生已無家安故土死猶有子隔他鄉我來零落山邱後委巷相尋感
歎長

沒後纔教到後庭諸孤老大總零丁青山添築詩人塚
碧草長煙處土星竟問巫咸愁寂寂魂招宋玉隔冥冥
一碑待與佳兒訂只愧無才作誌銘

郎紫瀾孝廉招遊平山堂

客裏逢君更熱情看山同出綠楊城無端也占揚州酒
天放平山一日晴

樓臺低映水雲寒柳岸微風趁倚欄翠袖紅裙攜不得
輕舟到處借人看

樹影山光望不分清溪曲曲繞香雲却憐一陣笙歌冷
飛出花陰隔水聞

花開芍藥午風和人簇雕欄競綺羅留得揚州春色好
酒痕衣上受香多

萬松嶺上小香雪呼試蜀岡第五泉平遠一樓觀更好
青山只隔大江邊

遊人去後衣香散我自平山堂下回忽到蓮花橋外泊
四圍燈火對船來

系李山房詩存卷之五

四

漂母祠

王孫誰料報千金漂母多情自古今我亦江湖求一飯
逢人最怕受恩深

淮水舟中寄別曾賓谷前輩四首之二

大雅多年少達官獨持旗鼓上騷壇題襟刊上名流易
贈客風前寶劍難花到將離猶富貴鳥非希有亦扶持
自慙初說揚州夢便有二分明月看

蕭然一棹在天涯蓬海茫茫路阻賒騎鶴幾人忘勝地
羸糧有客上浮槎香風蕩蕩飄梅雨別浪溶溶落柳花

來日玉堂認先路應留種竹倚廳紗

懷趙介山同年奉使琉球

天下福星作使星狀元天下口銜

天語下 天庭衣冠海外瞻南極劍佩雲中倚北溟龍

節想凌鰲柱赤斗槎應繞屢樓青書生第一尊榮事宣

詔名王俯伏聽

同題懷李墨莊前輩

蜀都才子重琉球奉使爭傳李繼周四川周海珊尚下

國真抗輪海若先生大氣壓滄洲五花制誥中書筆入

月仙槎博望侯迥憶成候風信却金亭昨緬前修劍

亭珠球為明使語 崇業建崇業漢人

紅杏山房詩存卷之五

雨中與僑嶠前輩話舊和韻答之

綠陰深處曉鶯啼久別相逢意轉凌壺裏光陰驚野馬

鏡中形影認山雞功名跨海多謙讓僑嶠疑 謝對身

世浮家等寄烟蘿雨共君消永日有人門外已滄迭

軟紅十丈舊街花柳同摩挲蝶圖豈以三蒼葉辨牙

僑嶠新爭傳片石重謝對身瑜佛經欲拜新名籍交遊謝對身

舊酒壚情語與吾前不盡升沉那可說 謝對身且自

蝦鬚

愁霖欲造客中難讀罷離騷聽漏殘望遠白雲孤塚冷

驚秋元鶴五更寒升仙一任槎浮海學道羞為竹

莫恨皇華遲使節文星中亦有人看

人祝添丁豈世情見時即道阿侯生僑嶠新 三春自長

科名樹廿載無渝金石盟餘索帶中閨語細壺冰冷謝對身

覺心清卜居待結芳隣住宣武門中路更平時飲 謝對身

謝王僑嶠前輩分餉 恩賜鮮荔枝即和元韻東

之

鰲頭曉集青雲彥承

恩人上通明殿中使飛傳

賜荔枝一顆濃香從臣徧日華門外雨初晴拜賜宮壺

露珠潤曾是

紅杏山房詩存卷之五

先皇侍從班每想

殊思淚流霰

今皇培養首詞臣博選南金與東箭

寶錄修從乾隆年三長選直宏文院先生珥筆為史官

文綺甘瓜荷優眷分月編成第一篇尚書難改眾人羨

閣荷香裏挹清涼綠樹陰中坐葱倩偶謂蜀都憶側生

奇芬甘液心疑纏忽見堆盤絳雪來桃花未剝輕紅

敢學東坡啖三百妄擬歸遺肉一片家人分嘗

御果鮮含咀紅霞不輕嚙水晶嚼碎心氣清較勝少日

櫻桃譙嬌兒襦襦不能言乞食雙媿笑盈面始知

賜果

恩最深懷核長宜
裕中真酒味清腴
浸齒牙玉梳
俊不變分甘
逮我後來人
珍果得恩為
先薦
孽肌
鄭重
各一毫
老夫一枚
獨專擅
我少從親
得食曾十枚
不足
心餘戀
元江刺史
學香山
摹寫為圖
令題扇
漢中從元
守土者以奉上
官人鮮得嘗者
先夫昔館於刺史
宋荔亭處
煩得食焉
羊棗相看便
茹哀
何堪重檢君
謨傳由里山人
甘苦交每聽承

恩輒狂忬雲煙
沃若張九齡
新詩如賦
光吳絹
送江夢堂之
潁州省親
即奉其親歸
雲南

宣武門前秋氣清
御街楊柳秋風生
慈烏柳上鳴啞啞
紅杏山房詩存 卷之五 七

有客驅馬滇南行
出門先命蒙城駕
遙向白雲望親舍
八月江干別夢多
一樽菊酒稱賜暇
買棹從親潁上歸
山程水驛待征衣
陶公到日松菊健
張翰歸時鱸正肥
人生何處有真樂
不在尊官與高爵
椿萱未老齒方長
初日融融輝綠
粵此去飛
歌只讀書
數年修竹是吾
廬
和聲好擬凌雲
賦會看明年
薦子虛

題李閣齋別駕竹深荷淨圖

竹深不留客
荷淨自納涼
伊人不可即
宛在水中央
只棲鸞鳳荷
亦戲鴛鴦
乃知所寄超
不與俗低昂
天風颯颯至
池上聞暗香
借問壺中日
何如費長房

輓少司馬劉竹軒夫子

河嶽英靈開氣
鍾誰從麟閣
寫遺容
籌邊早慶
諸羌定
報

國長教九賦
供越嶲山川
棠蔽芾蒲甘
烟雨節蒙
茸豈
知人事傷凋謝
贏得聲華重
鼎鐘

甘載彭宣到後
堂初騎竹馬
意飛揚
煥十五中門車
公榮戟論兵
暇小子欄衫
問字詩第一
人期如舞鶴
公

於丙午鄉薦
領解八千里
望有荒莊
師恩畢竟難
言報
回首門牆淚
數行

伏枕猶然志請
綬中樞早薦
亞夫名始知
軍旅聞之熟
紅杏山房詩存 卷之五 六

不愧公忠了此
生歸歟
方醫喉
噎振聳有淚
酒真誠
可憐力疾
陳遺表
萬里勳名
鎮古
萬古空
歸箕嶺
月青山
長買太行
秋
眼前諸國
光前烈
濟濟朝
簪世德
酬

紅茗山房詩存卷之六

雲南叢書集部

宜良 嚴煥

巨野

辛酉至 癸亥

夏日苦雨

凍雨連宵陣陣催堂前積水引難開無端蛙與鼠相逐
不覺屋如舟乍來人事幾番憐故紙時光依舊撥寒灰
一聲夢裏驚相問報到先生畫壁頽
漏痕直似官難補破隙從知盜懶窺檢點家私無長物
消除腹疾有新詩冷厨帶水炊煙溼獨樹喧風宿鳥遲
竟欲晒書三五日北牕曉起望朝曦

紅茗山房詩存 卷之六

為蓮笠主人題名

綠樹深深瀉澗泉玲瓏一品自天然山中樓閣人間世
棋子敲殘石亦仙

送楊蓉初吉士出宰清平

霓裳詠罷大羅天回首金門各惘然粉署棲遲甘我後
花封管領羨君先命節十一人先作雲霞地位留前軌風
雪關山認舊緣清平為昔上公車所出之途同是沉淪君莫悵謫仙
畢竟勝頑仙

讀書從政古無難瘠土窮黎着意看邑有文星來太史
人騎竹馬迂郎官鳴琴聲細蠻烟淨染翰香濃箐雨殘

討日政成書上考姓名還寫

御屏端

和韻答許篆香同年三首

尊脆罄肥益食單每從君飲使生懽裁花作障情偏艷
編葦為亭膝易安不放酒杯邀冷客倒持手板傲尊官
相憐病後腰圍減此後逢人折更難
風月兩無邊秋心又一年人如枯樹老天放菊花妍訪
子尋香徑留予破酒錢蓬山成隔世籬下且周旋
走馬城南曲輕塵撲晚晴茱萸九秋色鴻雁隔年聲薄
宦從吾友先鞭畏後生新詩遲和答小飲待徐迎

紅茗山房詩存 卷之六

送淡仰山吉士出宰靈臺

薰風一度蓬萊宮仙郎揮手各西東分曹出宰兩惆悵
十二欄干空落紅吉士為落文中虎性如其姓淡而古
攀花首摘月殿香揮毫亂洒瀛洲雨長安車馬日喧闐
曳屣朱門競後先古寺禪懸初地月仰山前寓法源寺玉堂直
過八花孰是時表始來萬里把臂逢君深雪裏樽酒相
從闕賦心然蕙每待徵詩史我友昂昂石月亭與王定
九許公篆香仙氣更飛揚日下何人薦綿竹花間有客
詠霓裳霓裳詠罷音塵散塵劫茫茫仙劫斷飛鳥天遣
下雲中專城人勝司香案捧檄遲遲將母情靈臺延頸

有蒼生板輿遠迓經鄉邑仰山大荔人靈臺相去六百
離迎養仰山茅屋春來課雨晴酌君酒勸君駕匹馬之官
最清暇莫忘同住鍊丹臺相期早築甘棠舍我聞靈臺
今歲飢

帝心憂旱賑頻施常平可發種可貸毋教胥吏稍侵期
又聞蚩氓好聚會馴而不擾斯無害勤宣
德意格愚頑正直平康

王道泰百里人占舊史星斂幽飲射在公庭報到陽春
真有脚伏羲臺畔草青青人生失意尋得意富貴終須
身早致最憐別緒觸風懷金鍼繡出相思字

紅杏山房詩存卷之六

三

題春帆入蜀圖送戴美門同年出宰西蜀

岷江浩蕩來東南禹蹟所屆

恩波覃

帝念邊氓重循吏遠馳四牡催驂驛驛不及蒲帆駛
便解征車問流水何人傳檄諭三巴有客乘風破萬里
輦下人人羨戴憑談經奪席兼九能曲江乍到風落落

臨邑山西臨縣小試骨稜稜經年卧病滄江上青箬綠菴最

疏放吏道終須買誼才朝端久識權威望又見飛鳧下

九天還家風景正新年時使道江鄉好飲屠蘇酒春水

新添書畫船一篙搖曳荆門路楚尾吳頭滿春樹黃陵

缺上題新詩白帝城邊訪孤戍及今隴蜀正銷兵父老
重生見太平要綏催科勤撫字買牛處處勸歸耕勸耕
好在桃花處一棹雙江自來去他時訪戴也行舟記取
峨嵋山月曙

送北部員外楊三溪同年乞假歸養

慈烏啞啞鳴朝暉得食反哺心依依有客司憲食

天粟明發不寐脊重幃重幃壽康多老福綠髮當筵健

耳目門外春開及第花庭前日報平安竹楊君奕世清

白傳甲科繼武當華年昔日綰綬綿竹縣今日簪筆白

雲邊白雲亭上望親舍千里清江舊桑柘一飯一想舍

紅杏山房詩存卷之六

四

飴時兩年扇枕違清夏小人有母母有姑陳情俯伏向

天衢

帝曰俞哉汝往養銜

恩臣與先臣俱許伯培堂先生稽首而退戒行李佩劍

裝書童僕喜青驄馬傍碧油車遠勝鮑宣歸鄉里歸去

華堂雙燕報劉此後日方長蓀枝自獻斑斕舞鯉舍

時供黍稷香十載功名慙驥附宣武坊前對房住送君

我為譜南陔厥草油油望行路

題孫雪唯同年畫卷即送之宰開源

結廬何處得幽閒人在蒹葭水一灣對此忽生江海興

與老語富春山

襄漢功名笑半人 清時不許乞閒身 天教遠海烹鮮

去老却西湖舊釣綸

和韻送游銅函侍御歸福寧

檢點歸裝載硯田 神仙蹤跡笑依然 尊鱸有夢經千里

鷓鴣先秋下九天 自報平安修竹徑 最無風浪釣魚船

料應客路常看月 心繫瓊樓玉宇邊

問字連年秘閣深 先生丙辰派充教習 庶吉士煇遊其門 升堂今聽采蘭

吟未忘馬常朝路 先寄慈烏反哺心 雨露有時蘇綬

草江湖到處拓塵襟 吉雲海上同相望 願出名山早作

紅衫山房詩存 卷之六

五

霖

奉 命補考功主事

螭頭鵠立聽傳宣 青簡書名奏

御前久注一官懸 畫省空懸三載直 瓊筵簿書易進文

章退雨露無私草 木鮮翹首樓臺最高處 拜

恩重上五雲天

新秋王定九太史招同王儕嶠侍御柳宜齋農部

石月亭比部許篆香駕部小集龍泉寺

蘆葦蕭疏野趣幽 誰開一徑引羊求 流雲帶雨前溪澗

落葉微風古寺秋 入世幾人能耐冷 銜杯到處可忘憂

故人檢點平生樂 笑煞高官早白頭

送范本青同年宰五河

行塵天半惹朱霞 捧檄相看路未賒 乙青親老告三載 近得知五河

共傾燕市酒 七年曾種桂林花 昔知廣西北流 秋鴻過眼多裁

字夕膳關心 且到家 時便道省太見說今時循吏重公

堂好為問桑麻

中秋前夕對月懷舍弟麗京

霸客在京華 風前別思賒 秋心憐薄宦 鄉夢付枯槎 對

月頻搔首 裁書似到家 卽看南雁影 天外幾橫斜

月是中秋近 雲從望遠遲 死生終歲感 下世者多 哀樂

紅衫山房詩存 卷之六

六

早年知脈望 新書冊淨蛆 舊酒卮長安 思往事佛火對

牀時 丙辰歲 麗京遊太學 與余同寓興勝寺

九日邀同人小集陶然亭

有約尋詩一騎催 新晴天氣絕塵埃 疏花自向風中亂

冷節偏宜雨後來 野水蒼葭明鷺鷥 夕陽衰草上樓臺

諸公鼎鼎年華盛 更勸茱萸酒一杯

題程楠村學博臺洋濟險圖

海舟無處停海水 有時立險夷 理之常濟否在呼吸 浩

浩滄溟間 颶不敵入颶風何處來 震蕩舟一粒中有

哦詩人浪打衣裳 溼夜半蛟龍噴霧 帆指城邑回首謝

中流波濤空濛濛乃知隨遇安涉險無危急歸來二十
年海晏鯤身敢對客第披圖天池風習習

寄錢芷汀少尉呂偃驛

戎馬關山地羊裘朔雪寒頻年綬戶口到處慰艱難擊
柝村龍靜投戈屋雀安何妨倒手板迎送傲尊官

見說官居寺蕭然似奉祠楚山青入畫畫名士老能
詩歎亂鳥棲後懷人雁過時歲寒好珍重莫漫感栖卑

紀夢四首

仙山樓觀倚虛空碧水盈盈有路通一葉紅蓮真個穩
微颺吹過藕花東

紅香山房詩存卷之六

七

瑤戶晶牕曲曲深玲瓏四回映冰心侍郎碧落官銜貴
白鳳皇鳴紫閣陰

森嚴秘閣五雲蟠絳簡傳來賦曉寒稽首玉虛金闕下
兩行香篆擁仙官

下界人家九點烟更從雲上見諸天一聲雞報扶桑曉
似別人間五十年

寄熊補之明經

父執生平重伊人更寫心論交三世種勗我十年深明
月懷蘭澤香風憶桂林緘書報安穩只感白頭吟

知夫人

童稚提攜日匆匆過壯時一官運畫省五載別滇池人
海難廻棹象山好奇詩伏生年九十珍重采虛夷

送葉芸潭太史歸娶

東風催客上雕鞍絲勝銀旂
賜合歡遺帶

御香鼠繡開書披宮錦出
金鑿眉間細畫張公筆頭上新彈買禹冠此去梅花春
更暖玉堂綾被不知寒

寒食前日出朝陽門

野與從來變出城河平風景近清明飛花酒店消塵土

紅香山房詩存卷之六

八

巢燕人家開雨晴壯歲漸愁春信晚豐年難遣客囊輕
一樽待向平橋覓潞水盈盈烟又生

寒食

他鄉最怕逢寒食遺興聊爲野陌行楊柳烟中遊屐溼
杏花風裏酒旗輕賜來新火堪調粥吹徹寒簫聽賣
饒透憶蓬萊山直下路幾人挈榼餉春耕

題羅鏡湖大令荷淨納涼圖

菡萏花深水閣香儵然執卷坐中央旁人錯認羅含宅
一片紅霞辟荔牆

種花才調本天然仙吏鬢眉鏡裏傳料得鸞鳥朝日去

特教白鶴守紅蓮

題鄭勉夫前輩小照

神仙身世本清疏倚石聽泉憶遂初怪底鄭虔詩畫好

滿林黃葉三牀書

水流花放悄無人人到蓬瀛絕點塵我亦從前修道者

出山無處問迷津

贈馬虹嵐同年

我昔與君同射策鼓天街星月白春風十里杏花香

把袂尋春遊紫陌八年相見感升沉依舊同年面不隔

君認南曹作選人我下蓬瀛別仙籍藤廳深處見君來

紅茗山房詩存卷之六

九

書判言身入選格袖中有刺不輕投清晨屢訪嚴安宅

官貧每出怯做車日下羨君雙鳧鳥一樽正欲從君權

杏子微黃櫻桃赤徘徊往事等鴻泥過眼煙雲掃舊迹

新詩賦就寫溪藤他日相思又曠昔

次韻答洪桐生太守見贈用昌黎藤杖詩韻

蓬萊山色鏡中窺朝朝悵望芙蓉池學仙不成丹鼎裂

陡覺無病還呻呻瑯琊太守舊前輩無藥之疾神扶持

東山遠來住香國天花四座供指麾淵明好佛猶病足

昇輿焉得安車遺聽雨敲詩夜不寐呼僮磨墨書淋漓

故人相問無長物藤膏薜葉嗤蠻夷時以滇中普洱茶並雞血藤膏問之

良藥利病君自取苦若澆腸吾不疑仁風奉揚旋拜賜

硯田方廣蟻蛟螭硯生以扇玉室金堂共回首霓裳先

後奏填篋異書畢竟從君讀生新刻宋人鄒名今日

那環誰足司

謝詩訪趙覽莊太史

天液芙蓉發斯人來卜居聚香隣市酒槐影對牀書比

翼訝鸞鳥成仙笑蠹魚到門呼二子雞黍憶交初

澗洲亭外水千別繫人思明月兼葭夕秋風鱸膾時長

安法美酒矮屋和新詩試種平安竹心虛是我師

初夏曉直圓明園

紅茗山房詩存卷之六

十

聽鼓應官夢復醒喧闐車馬徹郊坰隔花漏下三山月

照水鎰明萬點星上相有才司鼎小臣何日答

朝廷濯龍池畔薰風早已報

昇平海宇寧

晚出西直門

應官晚出禁城西夾道紅塵襯馬蹄楊柳烟疏新月

上菜檐風定暮鴉棲秋深漸覺輕裾薄老近方知萬物

齊行到酒壚且沽飲夜深煨芋佐黃雞

送李崑巖出宰湖南

三十年間故舊情相逢杯酒且同傾孝廉望比蒙山峻

循吏心如澧水清老輩論交真耐久長安作官只耽名
驢駒唱罷秋風起明月關山送道行

岳陽樓閣洞庭天幾度乘秋買釣船一雁聲隨萬里月
雙鳧人似大羅仙霜酣橘柚輕租稅藥貯丹砂損俸錢

此去若逢桑植吏謂李章為傳書信水雲邊

東邱美川侍御同年

欲尋佳菊種籬根節近重陽暮雨喧入市只嫌秋色少
搜囊猶有酒錢存新寒醞釀添詩味鄉夢微茫帶月痕
聞到陶公花滿屋可能分得兩三盆

謝邱美川送菊

紅荅山房詩存

卷之六

十一

三徑荒來又一年尋詩人倚菊花天採香贈我真無俗
飲水如君始可仙淡月移來書幌外寒雲飛落酒樽前
玉堂試問秋深淺猶對茱萸憶舊緣

盆菊

不礙瓦盆小能教鄉思紛三更邀冷月滿室貯香雲灌
水兒童嫌避風朝夕勤秋光留得住吾意獨云云

送卜起田農部之官雲南

讀書不讀律學業終不成作官不作郡民事終不更漢
時刺史重出典一州兵唐時太守重刺史乃稍輕
朝慎守土州郡皆賢英方州轄大縣雄長連數城出入

擁熊軾權與太守爭往往選郎署佩符蒞編氓人生得
科第所望托蓬瀛蓬瀛不久住郎署難為名卜公黔中
傑著年夢益京著書太史重治賦司農驚司農能薦士
將毋體人情南漢遺情志

臨軒道之行市公捧檄喜板輿今可迎滇黔雖迢遞不
及千里程此法奉慈母絲衣春畫晴乃知祿無等能養
以為榮况乃作方面令長望風傾滇中風土好無黔適
相平黔人作滇吏疾苦尤易明南陔藝黍稷東臯勸春
耕回首尚書省積薪猶盈盈歲寒送吾子陽春有脚生
和社召塘太史賞菊元韻呈谷西阿夫子

紅荅山房詩存

卷之六

十一

愛向秋花結靜緣寒香深處枕書眠不來三徑詩猶俗
乍到重陽夢亦仙欲飲且沽明月下未開先買白雲邊
陶公畢竟逍遙甚籬畔看山也自然

長至月瓶中枯菊忽放一花月餘猶鮮賦詩紀之

兼呈谷西阿夫子

瓶凍經冬不貯泉菊枝忽放一花鮮寒香未了三秋日
晚節猶爭大雪花物到結時根轉活月從冷處影偏圓
平生慣有餐英分插帽登高訂隔年

紅茗山房詩存卷之七 雲南叢書集部之二千九

宜良 嚴煥 匡山

甲子 丙寅

癸亥冬至月瓶中枯菊忽放一花至甲子元旦解

新如舊詩以賞之即疊前韻

漸覺瓶冰化暖泉歲朝秋菊尚新鮮已衝朔雪三冬日

欲傲春風二月天柏酒香如籬下度椒盤影似月中圓

留魁百卉君知否莫道陳根是舊年

和初頤園少農壬戌再撫滇南除夕重遊龍泉觀

觀梅元韻

紅茗山房詩存 卷之七

酒浮新歲白山似舊年青使節欣重到敲詩許共聽梅

花開翠嶺人影隔紅亭遙想幽香裏禪關暮未扃

雙株高格在六詔有陽春閱世冰霜骨得天清淨身重

遊除歲日修到看花人應識前年鶴飛來證夙因

澄潭堪鑑影心蹟笑依然寒雪封巖石香雲滿洞天風

花饒定力歲月問枯禪我亦尋芳者家山別幾年

楚澤蓮花幕人知進士名予昔從公於湖北高山曾共

詠小草最關情夢遠神仙境心依水石盟寄聲問梅友

花好再相迎

送沈雲閣同年之官河西

爲繫蒼生望匆匆捧檄行宰官百里寄進士十年名地

儲衣冠樸民食賦稅輕蒲鞭休便試且聽讀書聲

歸水煙波瀟湘舟待翠羈間還家攜綠綺前路看青山邑

險要前明駐兵處此備夷

贈熊西山大守同年

猶憶疏狂意如忘宦海難

君恩新太守才望舊郎官露布風雲肅山城刁斗寒酒

杯今夜月朋輩在長安

惠信懷張詠聲名畏李崇書生能國事廉吏有家風自

紅茗山房詩存 卷之七

喜庭馴鶴真宜獻畫能用矛餘事耳

顧問達

天聰

不隔同年面朝回訪友生維糕傍牛渚西山時寓牛懷

石問君平韻事花間集高吟洛下情真成河朔飲十日

尙遲行

送方公子彥遠省親西安節署

曉月渡盧溝征車不可留關山瞻馬首風雪上貂裘才

調空千古文章怨暮秋時困京兆試白雲親舍近檠戟擁秦

州

公子翩翩者西方慕好音臨歧游子意送遠阿兄心
至保和送雁塔占雲路駕機織錦衾兼葭倚玉樹欲別待
題襟

題胡立蒼西沽種柳小照

凸道平安

聖澤覃長隄新築水雲涵綠楊種到桃花口他日西沽

勝漢南

三月青青楊柳春飛花如雪點征塵使君閒過紅橋畔

楊葉關深萬里人立蒼

初授吏部員外郎寄王儕嶠太守衛輝

紅蒼山房詩存 卷之七

三

省郎初拜喜彈冠南院趨朝忘曉寒薦士有人嗾宰相

愛詩無句稱郎官正憐風月年華晚欲邁曹司地位難

未免妬君官職好繡衣驄馬衛河干儕嶠以御

得雲南題名錄喜麗京第舉於鄉將赴公車先以

詩寄

五載長安別子由思兄知爾淚時流六經有約循前軌

一舉欣看在上頭雪擁黔山愁瘠馬烟深楚澤憶孤舟

長途好祝加餐飯迎爾心情寄速郵

欲雪

載集晨光白雲鋪晚色黃鴉聲歸遠樹鵲影入虛廊燼

嚴寒迫小松醪夜更香裁衣刀剪急燈火出深房

懷胡粹庵西蜀

劉費下第去長安萬里長征蜀道難華嶽烟雲生繡鍊

劍門風雪上雕鞍囊空自喜裝書穩裘敝遙憐載路寒

好向鴛機認新錦行家花樣織團樂時粹庵眷

雪中得張子白同年小札即東之

折竹聲中間剝啄開函喜見六花飄相思十五年前事

雪滿江亭挂酒瓢

百二秦關風雪深鳧飛向

關小臣心長安好譜伊涼曲塞上曾為白雪吟子白合

紅蒼山房詩存 卷之七

四

卓薦入

聞道天山萬仞尊年年積雪釀泉源使君農事關心切

三白遙遙憶鎮番

匆匆聽鼓日應官不着貂裘也耐寒踏徧六街香雪路

歸來有客訪袁安

送寶書姪回滇

爾小從予學長成學不成遠從故山出雀我來春明春

明半載聚日喚阿宜名分裘過冬暖映雪讀南榮爾羨

廣文冷入賞稍喜輕匆匆別去依舊難為情歸途一

萬里春糧安可行春風慎行衣毋使緇塵生

題吳桂亭匹馬從軍圖

關外多年大將尊書生那敢退軍門
輪君意氣風雲壯長劍倚天萬馬屯

太息封侯自古難功成翻悔慢備冠
披圖細認青山色便作騎驢湖上看

鄉里人稱馬少游飛揚士氣壓施州
歸時刀劍應無用好勸耕氓買犢牛

題畫雜詠

愛惜春情到落花竹煙深處鬢雲斜
羅衣似怯天寒薄收拾雲籃貯晚霞

紅香山房詩存卷之七

五

鴉嘴青青欲住時種花心事少人知
憎他一片桃花影隔斷蓬山不許窺

流霞甘露釀春風搗盡元霜世味空
只覺天台花亦醉不知人老白雲中

喜麗京第登第

金花帖報滿城紅吹面人人被好風
競說名經千佛重居然冀野一羣空
十年前路先相導子以癸丑成進士
麗京以乙丑成進士

士三甲榮名後儼同莫以文章鳴得意
幾人悵望杏園中

喜麗京第入翰林

鴻書爛漫紫泥傳特地瀛洲選列仙
天上玉堂原可到御前連炬得相陪
子以丙辰入翰林西清望重師前集
東觀書多稱少年最是微臣生感日

天恩祖德兩補編

送陳生樹德襲雲騎尉回滇

周寧相從數載前書生馬上亦翩然
少年意氣千金重死世功名百戰傳
急讀六韜期報國莫忘三殿得朝

天歸時說向將軍帳正是承平好備邊

送洪桐生太守前輩歸維揚

紅香山房詩存卷之七

六

楓葉蕭疏別夢催寒江一帶水雲迴
難銷鱸膾思千里勸進驪歌酒一杯

北關久知司馬病東山仍望謝公回
二分明月揚州郭前路應逢寄早梅

長楊舊賦達

宸聰今日文章尚薦雄幾見黑頭為上相
何妨折臂竟三公青山窈窕搗詩卷
秋水蒼茫問釣筒計日徵車迎五馬
蒼岑仍聚紫雲中

趙象昇中翰留飲晚香亭看菊賦贈

生性本宜菊朝回日種花正秋延月露
滿室貯雲霞人

與香俱淡心從物外退陶公籬下好未必勝君家

小坐渾忘去開樽更灑然牕中羅眾品亭外揖羣仙辛
苦三春意清華九月天何須飲菊水壽友自年年

設色畫菊為彭修田秋曹作

長安九月霜氣清重陽節後秋風鳴手把寒英餞秋月

花開猶似故人情故人黔道初相見予昔見修田於凍
中學使署

雨寒雲鎖苗甸人淡如花一笑逢生來高潔承

天眷茱萸灣口棹歸船楓落吳江別幾年白雲亭畔黃

花發又見簪豪上九天篋中檢點舊書畫一幅濃花對

清話霜姿冷淡着色難有客豪端弄狡獪欲換山人白

紅茗山房詩存卷之七

七

浮衣鮮明朱紫妬桃緋綠煙滿地風吹起紅霞爭向東

離飛我聞長生有仙國朱顏時駐青春色菊潭萬丈仙

雲環五色離披散不得歲華婉婉欲生寒人向圖中習

靜觀只疑豔質來珠幌不比胭脂畫牡丹比隣我亦餐

英者時同席前
孫公圖讀罷離騷摘盈把同貞晚節屏浮華白

日看花香案下

陳卧廬明經畫梅見寄題詩答之

卧廬先生性好石作書往往稱石癖有時得意寫生綃

石畔梅花橫數尺高枝窈窕低枝斜老幹垂垂盡作花

冰魂貌出人不識臨風一幘舞天涯天涯說看風好

甜雪甘霜逼人老草杜城南看落花蓬萊山下餘秋草

朔風蕭蕭雪作堆歲寒三友空徘徊只疑噉俸來雲鶴

不見懷人寄嶺梅把酒昏黃望明月青山萬里思飛越

欲尋鄉客問來蹤曾否筵前花早發憶昔與君共住山

破帽芒屨水竹間一枝愛向東峯折十月偷從北郭閒

幾年笑踏東華土一別梅花如暮雨孤山迤在只堪憐

誰抱寒香卧石戶披君圖書勝披雲雲華滿紙香氤氳

相思一夜牕前影人與梅花兩不分長安風冷重吹雪

人向冰霜鍊高潔君能噓我氣如蘭我愧逢人面似鐵

時將拜
御史此外應知臭味難故山回首月中看為語龍泉

紅茗山房詩存卷之七

八

兩唐樹漢中龍泉觀
有唐梅二株他時重共話鹹酸

奉

命除監察御史紀

恩一律

聽漏趨

朝夜未開蜻頭纖月映

金鑿微臣
敢借棲烏樹

聖主恩加獬豸冠步上五轅依日近心懷寸鐵耐風寒

詞林那署匆匆過此後方知報稱難

戲為同人題畫扇吹簫美人圖

玉簫聲裏紫雲回
團扇臨風欲賦哀
吹出秋心人不識
桐陰引得鳳凰來

花間相近竹參差
羅袖生寒自不知
對此有情添幻想
焉能辨爾是雄雌

同年汪浣雲郎中入
都以詩見贈依韻答之

離情時逐雁南飛
今日相逢願不違
海上風雲收畫册

流雲近
客海州
天邊星斗燦征衣
郎官地位吟詩好
良友江湖

入夢希
謂同社王傳嶠太守與汪楓麓兩學博
回首廿年書劍在
幾人

日下得因依

一樽相對意如何
歲月堂堂四十過
且喜同年殘客少

紅茗山房詩存

卷之七

九

那堪需次省郎多
雪花到眼添新句
苦茗澆腸起夙疴

明歲望君除吏部
鶴廳畫鶴我來歌
子在考工員外時欲做唐薛稷畫鶴

願事不果今以望之浣雲

丙寅立春日

召對

乾清宮紀

恩一律
是歲臘月十六日立春

封奏初呈

乙覽詳新傳

寵命上明光

九重天上看春早
五色雲中翔
日長

聖王納言歌

雨露小臣拜手際

虞唐歸臺感辣爾牀畔

丹詔觀來淚數行

除夕柬汪浣雲同年用王鐵夫申寅歲莫同玉傳

嶠唱和詩韻

凝牀初坐似閒身
讀畫評詩度早春
是歲臘月十座有六日立春

蕭鑪渾忘夜門無
剌隊未知長
嬌兒逃學先辭歲
弱弟

紅茗山房詩存

卷之七

十

還家不耐貧
時弟履京乞假還滇
檢點盤鹽謀懶婦
荒厨魚肉

一時新

汪倫韋曲乍停車
貌出寒山適肖渠
媚窳文章難換酒

送窮庭院只看書
鄉心風雪差同爾
大海煙雲恰自如

且喜身貧無肯貸
未須避債卜盈虛

索汪浣雲重畫紅茗山房讀書圖圖成感賦

我家龍山麓
髮陀妙香馥
束髮初投書
書聲出空谷
憶昔兒生時
八月懸弧鞫
山茶並蒂開
吉祥生老屋
煨生

蒲山茶
五歲語
喔咿枕上誦毛詩
九歲能執筆
偷寫古文詞
嚴父兼嚴師
南面擁羣比花間
問奇字承權日孜

文詞嚴父兼嚴師
南面擁羣比花間
問奇字承權日孜

文詞嚴父兼嚴師
南面擁羣比花間
問奇字承權日孜

孩昔年曾乞洗雲畫潑墨調脂寫香界長安朋輩盡題

詩畫時紅茗成佳話呼山茶為紅茗自煇始勝事迢迢

忽廿年傷心風木恨終天蒼花依舊好顏色獨抱遺經

淚泫然前年又踏東華土走馬應官夜聽鼓回首庭前

舊學荒庭花幾度飛紅雨浣雲話雨江南來問我紅茗

開未開故山萬里無消息遙勸澆花酒一杯舊圖君重

把新圖君再寫須令花裏讀書人日日侍親書案下書

案無塵樹有稜山花情性若懷冰滿室香雲生卷軸一

聽濃綺對華燈雙株相向儼喬梓種樹人遙空頽此花

長如此人何如不及當時一童子

紅茗山房詩存卷之七

題圖裕軒閣學曹慕堂宗丞戒壇合詞圖

老屋蕭疏結數椽佛廬鐘鼓祝前賢茲山合有神仙侶

生死交游俎豆傳

猿鶴儼然遠世情水流花放說無生三公魂魄猶應戀

試聽松風萬壑清

戲柬張水屋水屋有蜀童能學水屋畫一日逃去詩以調之

滿園情性本難猜水屋蕭疏任去來世上儘多蕭穎士

惜無人愛乃公才

失畫何堪及失奴水屋作太華圖半月課奴翻悔費工

夫蜀山萬壑青如許欲畫雄翹策蹇圖水屋有細雨晴曉入劍門圖故

再柬張水屋水屋逃僕復回仍以詩調之

飛鶴依然戀主人歸來水屋又生春扁舟若畫江南雨

着箇漁童守釣綸水屋昔自維揚

小院風多芍藥寒奴星中夜隔簾看休教銀鹿常投刺

勸誦青蓮蜀道難

夏日同張水屋遊天寧寺

禾黍風中一徑紆禪門清暑掩城隅檻雲入樹鐘聲定

壺日傾階塔影孤佛有津梁偏印久人逢花鳥奈詩無

翻憐雀去桑乾客煙水仙槎問五湖是日送劉澄齋先生出守湖北

紅茗山房詩存卷之十

劉春帆自關中歸賦詩贈之即用其綺輝與玉侍

嶠太守唱和元韻

小別河橋柳未齊匆匆千里返輪蹄平生師友淵源重

但見玉傅嶠劉少司馬竹首便低

年少飛揚意氣多如君四十也蹉跎是日值春帆相看

卅載渾如昨馬齒尤加奈我何

耐久無如總角交竹間一榻繫如錦令公去後藤花老

幾度因君感舊巢

菖蒲酒熟藕花香一盞胡麻沁繡腸春帆新續絃自此長生

共靈藥劉晨不待問韓康

苦雨

連朝難遣雨紛紛自懶干人客不聞委巷常淹三尺水
小意留得一痕雪涼生枕簟夢初覺聲到梧桐秋欲分
台嶽鄉心便無賴夜深呼酒小微醺

送廖金圃省親之粵

渡江蓼花紅扁舟白露中鄉心聊萬里客路趁雙鴻
鐵騎秋山曉珠江海船通前途好風景經過莫匆匆
久待甘棠下頻聞單父琴三秋遊子夢終歲故人心明
月一樽酒高堂入桂林來春重剪燭遺共洛生吟

同年王定九侍講席中晤劉海文少尹賦贈卽送

紅梅詩存

卷之七

三

之蘭山

傾蓋論交古性情果然見面勝聞名座中誰唱關山月
白髮新添又幾莖

點點飛花落訟庭夜深書對杖藜青
參軍慣是詩人做未必人人解註經

九日同黃東鳩解元登陶然亭文昌樓

細雨霏霏過重九輕烟漠漠鎖高臺
四圍白葦連雲溼一徑黃花對酒開
塵近文昌依斗極人臨秋水絕塵埃
最憐冷節寒臯路猶有香車寶馬來

紅茗山房詩存卷之八 雲南叢書集部之二十九

滇宜良 嚴煊 匡山

丁卯至戊辰

二月十二日

圓明園引

見奉

命拜戶科給事中紀

恩一律

濯龍春色鬱重重 西苑宵來聽曙鐘

口詔親傳都給事頭銜欲署小司農黃門乍到星辰近

紅茗山房詩存卷之八

驄馬迴看

雨露濃最是感

恩難報處見囊頻向紫垣封

丁卯六月奉

命視漕山東起程日恭紀

奏對

彤廷曉日紅口銜

天語到山東敝車羸馬輝煌甚也在皇華四牡中

敝車出都

涿鹿道中看西山

星轅河用唱陽關夾道黃槐綠柳間日午不辭揮汗雨

舉幃一路看西山

佳時拄笏隔重城隱約西山爽氣生今日翠微無限好

不同海上望蓬瀛

富莊驛曉發

曉月關山欲曙遲來從千里寄遐思此身比似南飛鵲

清夢猶依 禁樹枝

試於阜城縣

一望油油色驅車禾黍中屋迷深樹影人度落花風澍

雨未應少流雲將欲同時方祈雨城邊逢令尹誇示六門雄

紅茗山房詩存卷之八

阜城縣有六門

初至南池

亢父城邊瀟灑興南池初到少炎蒸襲人花氣知生藕

出水香風看采菱過檻帆懸千葉雨開軒壺貯一條冰

杜公祠宇清涼甚紫石圍牆晉綠藤

登太白樓

高樓百尺濟河濱李賀當年自主賓漫說神仙一斗酒

須知風月兩關身地連秦岱雲橫屋天入青徐海近人

欲向樓頭奠杯斝而今何處有汪倫

汶水舟中雜詠

汝水南流處蒼茫客思生片帆持節去五日泛舟行溜
急平瀾浦雲低遠出城東南正轉漕飛送入

神京

曲岸隨帆轉孤村逐水灣波濤環似月堤便重如山挽
輿勢旂卒知津門抱關年年未倉飽對此亦何顏

暮雨四山至蕭蕭風滿船暑應投湯水涼欲上青天漁
艇疑無酒湖民喜有田推蓬深夜望明月在前川

湖水東西立昭陽更有容千層舒錦繡百里種芙蓉翠
羽翔遙渚紅霞落遠峰美人重過暮打漿欲相逢

沛縣民醇古厥城水蔚藍人家依夏鎮風景半江南河
紅杏山房詩存卷之八

會文成十夏鎮十五里十字功成祀有云沛河關自明

公東星李公化龍我臨流思往哲臨流思往哲臨流思往哲臨流思往哲

望遠微湖上青山一髮微微湖此湖如不竭挽粟定能

飛野水平橋漫朝雲小閣依道人仙鶴鷺相對欲忘機

汗漫遊何處前津夜色迷水村孤柝警野寺破鐘低漁
火星星出仙糧月月齋停棹吾未覺驚夢一聲雞

臺莊隸暉縣牖大亦如臺地為東南界人參河漕來微
風千戶爽曉日萬舟開坐待新秋至時近蒹葭好溯河

臺莊行館
憩棹聊小憩風景近江鄉茅草三間屋藤蘿一徑

香曝書移竹几時近攤飯隱繩床日夕秋風至綠陰
滿牆

立秋日早至黃林莊

河千三里路曉起一分秋馬瘦嘶林畔蟬高噪樹頭看
山連暉縣懷古人邳州不識東南界橫飛笑野鷗

黃林莊漫興

河千三里到清秋露柳烟浦古渡頭便覺江南風景好
青山一帶擁邳州

為張石農明府題其令兄平伯松楸丙舍圖

望遠難勝風木悲絕裾人自泣天涯可憐血盡松楸處
紅杏山房詩存卷之八

即是從親地下時時平伯久宿草

東國文章有二蘇思兄白日淚痕枯墓田腸斷椎牛日
添寫脊令原上圖

張秋月夜

戍樓鉦火半河明楊柳風搖畫角聲直放蘭舟隨水去
坐看山月上三更

臨清晤吉止齋中丞

使節榮分棨戟光公來人咏繡衣裳蕭何轉餉關中飽
庾亮吟詩江左香鳳閣蘭臺存典冊止齋前任漳河汶

水費平章汶水至臨清入衛河而衛河漕清漳濁漳之

于與中丞即看輪挽功成日好為東方樹芾棠中丞巡撫

津亭聽鼓夜分明比似應官意轉繁欲着先鞭隨

日馭爭持強弩射潮聲公原作楫川能濟我乍乘槎路

尚生料得今宵圓滿月瓊樓玉宇最關情中丞

別張石農明府

紅蓼花深好放船離情多在水雲天湖山管領經三月

文字蹉跎又一年使節慚歸霜雁後詩囊欲寄雪驢前

秋中兩度南池月辜負西風唱采蓮

秦碑漢碣古文章刺史風流夙擅場濟上十樽傳李賀

紅蓼山房詩存 卷之八

五

夢中千里說高張愁君吟鬢搔來短石農時有疾笑我征

帆到處忙珍重一言臨別路牛頭河水細商量牛頭河

之魚臺縣為微山湖水源關係東南運河甚鉅

別南池

鴻爪分明濟水濱南池小住却經旬喜無幻夢留住佳地

恰有詩情對古人池有少十畝園林新別緒一肩行李

舊風塵依依秋柳傷離甚故踈殘條送使臣

東昌喜遇同年張滇洲太守即別之

曾連臺下各停船報到君來色蹶然汶上烟波同此夕

山中風雨話當年難量世事魚龍戲却喜秋聲鴻雁傳

送我同舟三十里五更打鼓別前川時滇洲將

同張滇洲太守登東昌光嶽樓

四層樓閣憑欄下界人從絕頂看却喜眼前無翳障

方知世上有高寒城邊落木風聲急雲外秋山畫本寬

惟我與君皆萬里登高始覺致身難

東昌舟次別運河觀察王懷祖前輩

前輩風流久逸羣五年涉上最辛勤胸中真有河渠志

眼底誰知金石文清汶維舟同向若七八月間同駐

山引水獨憐君牛頭河為微山湖水源時秋深使節匆

匆去迴望鴻飛隔嶺雲先生屢請開之清歸濟寧

紅蓼山房詩存 卷之八

六

漳衛行寄王儕嶠太守衛輝

衛水本源清漳水本源濁清漳滙濁漳渾流更綿邈衛

水與之行湜緇而不覺五斗泥壘量萬里足難濯有如

渭濁涇寧云清敵黃人皆言衛濁渾不問二漳今年衛

水漲二漳更混茫臨清五日飛挽阻漕糧我來扇清

風濁流逆彩鷁孰潔而孰汚臨流重與析志士戒習染

仁人矢揚激寄語衛濱賢廉泉保涓滴

衛水舟中寄懷王儕嶠太守

萬頃百泉源伊人隔千里我來掉輕舟臨波懷彼美不

見衛輝山且飲衛輝水水自西南來帆從東北指離思

重重深河流混混止明月照秋心清風貞素履一書卷
經時不見報雙鯉雙鯉豈不來燈波呼欲起

題攜琴訪友圖

水流花放自深山日日橫琴琴
語間彈到陽春遲下消
有人策杖叩松關

道心原自出風塵千里相思見
性真猶恐山空無鶴伴
雲邊添畫抱琴人

冬日巡倉出東便門

御車才下

禁城邊過眼風花欲雪天枯樹
自掃三里霧堅冰初裂

紅杏山房詩存

卷之八

七

一池煙官貧却喜無閒日臘近
方知大有年忽聽屋鳥
聲最樂此間鳥雀可能馴

送齊北瀛太史奉

命册封琉球

才看星使返琉球五年庚申趙介山修撰李墨
莊中翰奉命册封琉球又見

天書下十洲却笑小邦閔日月
名王身世只蜉蝣

海外重敷

雨露深宣威布德洽夷心使臣
忠信歸來速添築高亭

並却金却金亭琉球為明蕭册使
建蕭名崇業滇南建水人

為從滄海占風去

騎鶴重騎舞絲來北瀛閩人時
便道歸省行到里門看畫錦
入賜

戊辰三月二十二日奉

命册封肅州道紀

恩賜道

三年執簡列朝端烏府機臺總
備官生考自補虛省闕

原由御史 京察一等 記名蒙
恩簡放今職 頭銜

天許冠甘菊春風暖透羔羊絨
邊月寒生御象冠其是

玉皇香案遣感

恩容易報

紅杏山房詩存

卷之八

八

恩難

出都留別諸相好

驪歌聲裏唱伊涼狄道金城路
阻長識字慚為真獬豸

承

恩仍著補衣裳平生秋氣宜西
曠萬里鄉書報北堂行

過黃門重回首諸公鳴鳳在朝陽

蓬瀛拔宅記前因章杜城南萬
里人數口黍蒙天庾米

八年蟻附帝城春日邊鵲立書
旁午雪夜車遲漏向寅

便是年來驄馬路看花踏破軟
紅塵

朋輩長安慶盞簪幾人臭味聚
苔岑車裘每向忙中共

風雪偏從冷處深四牡只為詞客詠一官同繫故人心

八聲且聽甘州調曉月關山自放吟

數車羸馬自夷猶為戀鳥栖

禁樹頭使節舊曾過涕水

君恩今許住蘭州飛飛雙燕春前雨得得明駝塞上秋

此後風塵相望處神仙清遠隔瀛洲

清明渡白溝河

漠漠春陰鎖戍樓青楊柳遠含愁兒童笑說清明節

細雨微風渡白溝

德輝訪王儕嶠前輩別之蘭州

紅杏山房詩存卷之八

朝歌城外浸朝霞太守朱旛擁萬家高館暫留三日雨

長安同看十年花鳳辭阿閣飛來緩豸入風塵見者講

笑我邯鄲才上枕便從夢裏憶京華

詞林諫院遞彈冠從政才優學步難鐵面有時上官笑

壽醪如舊故人看黃河我上堪航葦葦竹君來有釣竿

儕儕出小照同是文星修不到乘車一樣作籬官

金城千里柳毵毵使節迢迢駕兩驂儘好做車乘下澤

車出都且尋函谷看朝嵐移家不過如張果常道能

無愧李珣目此蘭州寄雙鯉直從德水到周南

懷慶

綠壘重重秀單懷景物嘉小橋仙客路昇仙橋修竹野

人家汲井澆生地生地出穰慶汲留雲護落花儼同故

鄉好吾欲問桑麻

懷慶至孟縣道中作

行近河陽便不同太行西峙沁流東楊花滿地飛香雨

秧水盈畦漾好風到處村流橫略約數重山翠隱玲瓏

酒壚時下騎驢客謂唐直似山陰古道中

洛陽

訪古初來澗水東洛陽道上鳥春風漢家城闕烟蕪處

番傳衣冠蝶夢中綠堊堂邊芳草碧天津橋畔杜鵑紅

紅杏山房詩存卷之八

看花欲愜平生願魏紫姚黃問已空

陝州

砥柱懷神禹甘棠想召公三門河上下片石陝西東

分隄石流水周城內春雲滿碣中我來頻弔古風雨二

陵空

潼關

河擘太華險天擁崤函固日日行谷中碣岸重重度夜

半脂車行秦嶺鎖烟霧盤頭勢紆盤河流時迴互倏忽

見潼關錯愕恐失步一綫走蜿蜒兩輿爭道路當關盡

龍飛一夫一旦免我沿黃河來立馬屢回顧入關對青

蒼太華三峰露巖壑得縱觀題詩寄靈樹

華陰廟中望華岳

金闕銀堂氣鬱蒼尊收法像晃旒旌增城教集凌空

太華岩巖倚夕陽自喜眼前淨秋色離從峰頂即天關

風生百尺高樓上玉井蓮花散妙香

華清池

綉嶺東西生野烟逢人一路問溫泉空花自向林間落

流水偏從石隙穿笑我塵心難澣濯對他香影亦便娟

可憐池上團團月留與人談天寶年

王咸陽館舍和壁間韻

紅萼山房詩存卷之八

朝王業盡暮烟清渭水東流萬古聲二世已無秦社稷

諸陵誰識漢宣明古槐自向蒼階老細柳猶疑玉殿生

我上咸陽城上望河山百二拱

神京

永壽縣早發

山路緣城入重重上翠微登高望巖壑初日有光輝野

水溼行轍朝雲冷客衣筒與舟睡着夢說早朝歸

金州

重岡複嶺路紆回獨馬將車得得來道中皆用圈車破以一馬駕之

屋數家穿雲躡高城十仞立崔嵬公劉詩古絃歌少

艾祠荒草太哀一事居然異幽舊漢人陶穴起樓臺

金州至長武沿涇水行日暮始至

涇水流何處征車記里長鳥啼下山路花落空巖香廢

寺攀枯樹孤城隱夕陽匆匆來止宿陶穴亦何妨

道上見楊花感而有作

楊枝真真吐青春綺陌芳園作笑鬢下日風塵飛絮落

可憐踐踏只由人

歎惜浮萍未化身偏教落溷不沾茵眼前散亂難收拾

辜負新春作主人

六盤山

紅萼山房詩存卷之八

六盤山下路邈迤入雲根古樹團風色陰巖漬雨痕車

聲初犢健人影暮鴉隨繞澗清流出時疑涇水源沿涇西過平涼河身漸小至六盤山羣山屹立清

流汨汨從石隙間出或以爲此亦涇水源也

瓦亭峽

兩巖劈鬼斧一路引羊腸流水依山活飛雲出峽香筒

輿穿窈窕塵夢入清涼最喜樓臺峻層巒禮佛王

會寧道中

客路沿河曲河流道不乾會寧道中俗名七道脚不乾夏初新得

雨日午易生寒地僻村墟少自貧賦稅寬莫嫌飲窖水

窖水亦艱難會寧上下無泉水居民俟天雨聚水爲窖

查鼻蘭金縣黃河偏灾感賦

如帶黃河水浮游剗木中遠翻千里浪怯挂一帆風官
渡鼉梁走時鼻蘭船人家燕壘空阿誰好身手能挽射
潮弓

潮弓

矮屋全廳蕩高垣亦圯隕只能全性命却悔召風雷流
水餘糧盡荒村故鬼哀革囊盛白飢人望令君來謂淡

仰山大令

峽口停舟處炎天馬力輕對人羞露冕願我乍調羹水
涸田難畫崖崩路斷行欲持淚黯節暫為慰蒼生

紅香山房詩存卷之八

三

舊姻無處托破廟暫相安彌勒龕嫌少精糠飯亦難幾
家猶露處終夜倚風餐伐木權支屋牽蘿望長官謂金

縣令慶司馬

秋賦知能免朝饔恐賑遲無錐何處立得米亦難炊我
至紛紛拜我行咽咽隨空將兩行淚為爾眾人垂

何物蛟龍怒餘波及小民可憐皆按堵豈是未歸人屋
去留烏影田湮結雁隣封章方入告蠲賑沛

深仁

澗行

谿澗崎嶇路盤旋數騎行稜稜石露齒咽咽水聞聲鳥

弄空巖影山含太古情登高瘖我馬小立覺風生

夜宿哈巴峴山寺

帶月穿幽澗凌風上亂山馬聲喧石磴燈影出柴關古
寺三更靜疎鐘萬壑閒匡牀聊小憩夢繞白雲間

題王溥泉明府擁書圖小照

玉堂寒夜漏聲疎曾讀人間未見書翰與王郎清課好
梅花香裏閉門居

不解輕貂換濁醪讀書風味也清豪種花此日窺園否
恐負琳瑯插架高

題玉他山制府經帷進講圖

紅香山房詩存卷之八

西

絳簡琅函繡蔽光披圖初接令公香曾從

秘殿春風裏得侍

先皇講幄旁闕海樓船新壁壘伊江笳鼓肅風霜歸來

點易

君恩重公昔以大復見天心理數長易進講

宜良 嚴煥 匡山

己巳至 辛未

立夏後過九華館看牡丹戲作

天上人間第一花濃春消息在天涯我來不着風塵氣

玉佩金裙燦九華

龍尾山前引細泉灌花人比小游仙滿城桃李春空去

最好春歸不占先

耀日欽風最有姿玉堂標格自清奇笑他近侍爭妍甚

繡被中間露一枝時芍藥將放

紅萼山房詩存卷之九

雉堞忽陰鳩亂鳴林梢片片野雲生何當一夜春城雨

更慰催花御史情

上和大菴制府五言四十韻用李義山述德抒情

詩獻杜僕射相公元韻

儒術當朝重斯文莫與京仙槎逾漢渚霖雨感星精開

府三軍肅籌邊萬里清山川騰寶氣軒冕樹風聲少奪

經師席長窺夫子楹六韜羅武庫三篋主文盟烟海窮

源委

天家選幹植珠宮探窈窕寶樹望崢嶸

輦下風雲會人中騏驥鳴望郎才早達會計道初行都

不然官燭廚猶祭菜羹蒲鞭襦袴緩熊軾路途平觀察

方持節平反盡得名來旬斯作伯日撫遂能兵烏集祥

應衍蝗飛孰與阮豈云中則昃不礙晦而明道遠驂騑

騁時寒松柏生得與知所載非射又何爭惠政留齊魯

窮番迓旆旌七車書塞路百榼酒連營笳冰凝木斲

山頂冰漸木介如提茹瘴似醒打箭爐南五十里至折

兜羅錦冬夏不消提茹瘴似醒打箭爐南五十里至折

大黃蕪塞尤甚兩招游藏寺一碣認唐甥語大寺小寺

也西藏番王傳七世至綽爾濟松贊噶布布迎唐公

唐公主帶來釋迦牟尼佛像拜木薩帶來墨珠多爾濟

親盟碑小招在大招北半里許地浪蕩金名浪蕩其東

名喇木契有高樓金殿唐公主建浪蕩金名浪蕩其東

紅萼山房詩存卷之九

名色拉唐古特請金日色羞揀奔巴山極高聳唐古特

謂瓶日奔巴以山形似瓶故名又鶴不驚馳驅歌雨雪

前蘇東四十里南山四多白鶴

談笑掃機槍達賴談經地唐公主向拜木薩修布達拉

麻掌佛教與桑結嘉木達重修喇嘛坐牀之所

至今一百四十餘年世為達賴喇嘛坐牀之所

布達為班禪額爾德尼坐牀之所外來瞻禮布施者與

拉同向化情酪漿春犢健蓮炬夜山晴和藥甦童穉于

田選俊英迤陵傳妙語舍衛重專城作志凌班固成詩

晒子卿輪臺新

命至戈壁萬夫迎謫宦安韓柳諸生集戴彭功名傳絕

數載卜艱貞學易年頻假稽田禮可耕琉璃名許貯庵
鉞任非輕良玉昭三采菖蒲益九莖先生書儼授小子
事難更天上作官府軍中如父兄朗吟西藏賦太卷制府者有

賦 執卷氣縱橫

松桂蕭疏秋滿林讀書人有看花心青山宛在桐孫靜

好與春鋤結賞音

茅舍花籬八月初故園秋色近何如輸他獨秀山光好

畫裏分明憶舊廬

宿蔡家河

紅茗山房詩存卷之九

三

驀見山村綠樹垂解鞍人愛晚風吹一聲鴻雁驚秋早

萬里星河入夜遲紅燭有花搖短夢縹囊無帶繫長思

此行最喜經旬日且可偷閒細詠詩

晚至北灣

遠水穿林薄孤村隱夕陽人家依茂樹禾黍散秋香中

歲民猶足淳風吏亦良愧他諸父老篝火照輿旁

至靖遠城

烏蘭山色好城郭盡秋光苦雨生瓜市腥風出赫塔河

聲兩岸靜軍柝五更長元豹留皮處猶餘露氣香靖遠王

將

靖遠山行即事時民有提報地畝被冲請豁正供者因往履勘

祖碕河邊水云云赴大河沿溪村舍少傍岸石田多野

潦何年長邊牆此日過良農爭告我已熟早秋禾

如豆黑城子人家盡土房有錢飽胥吏無粟貯倉箱飲

馬吾何忍脂車爾亦傷青青河畔草誰與破天荒

日落荒原靜驢車趁遠村秋風生古道新月隱蓬門矮

屋塵難掃孤鏡影易昏野蔬休便擷比戶有兒孫

廢驛留營壘人家築堡居賣瓜山市曉傳柝戍樓疏秋

雨茅茨外香風餅餌初居民如宿飽好為課軍儲

荒原秋草白地有白隴坂暮雲飛地僻人煙小山高馬

紅茗山房詩存卷之九

四

力微酸鹹嘗窖水冷暖換行衣欲問山中事樵蘇野老

歸

處處羊腸坂時時叱馭行山根雲欲斷樹杪雨還生古

廟風欺夜頰垣犬報更一編破岑寂人聽讀書聲

敲馬東西望青山幾萬重浮雲連古塞秋氣聳高峯獵

火三東月邊聲五夜鐘諸羌久無事耕斂自從容

登高能作賦慚愧托瀛洲回首黃門遠驚心紫塞秋循

河愁翹翹出谷謝猿猴寄語稽田者茲來乃裏餒

靖遠渡黃河

綠樹作寒色秋陰滿大河石灘催溜急野艇受人多濁

酒村農意豈年牧豎歌中流聊爾影心迹近如何

北灣暮雨

輕塵疑不上雕鞍暮雨霏霏下翠巒十里茂林秋點密
數家流水纒烟殘瓜香細認青門種梨脆遙生太谷寒
腹疾夜深消不得呼僮酌酒話長安

出郭

白塔山前雲氣微袖川門外雨霏霏河聲一夜連天去
雁陣經秋傍隴飛酪飲有人張廣幕旣裘如客試行衣
風中笑指牛羊路羌笛低吹塞草肥

沙井駟

紅萼山房詩存卷之九

五

古駟蒼涼霧半肩盤旋沙路繞畦町河光竟欲浮平野
山翠遙看落小亭秋雨數家連水白炊煙一縷向人青
停驂暫借茅檐宿燈火聽虛自撲螢

題唐慧園小照

對此何人不說山林梢時露碧屏顏翰君箕踞清陰裏
聽破風泉未肯還

丹巖碧樹小游仙塞上煙雲又一年竟似崆峒談道處

慧園會有人傳說令君賢
幸平涼

過金天觀贈白玉峯道人

我生不學道夢中遊三島我生不逃禪花裏揖金仙去

年持節金城下琴鶴蕭然度清夏人間何處有蓬萊

渡紅塵繞官舍靈符偶為召風雷百尺雷壇一再來絳
簡憶當黃紙案紫泥識破鍊丹臺鍊丹臺上賊道士種

樹栽花入元理衣黏龍尾山前雲飄洗阿干河畔水清
風一卷讀黃庭明月來照洗心亭一瓦一椽皆天趣手

持秘籙驅六丁洗心亭白道人新道我來欲漱石雲破長天碧黃

河之水灘上鳴竟欲乘槎延羽客吁嗟乎神仙一謫蕊
珠宮沾茵落溷將毋同何日朝真向金闕飄然身在鑪

煙中

岷州

紅萼山房詩存卷之九

六

驅車乍喜出塵氛山郡遙看積翠分滿地梨花香帶雨
一谿楊柳綠生雲炊煙萬幕番屯靖碾玉千家水碓勤
欲訪岷江源起處數峯終古對斜曛

木寨嶺

峻嶺青天上層巒白日陰樵歌空際落番寨雨中深地
控秦關險山藏太古心驅車逐飛雉下有清音

再宿遮陽鋪

山中日已暝向夜馬蹄催犬吠知村近溪喧訝雨來
燈穿窈窕望月倚崔嵬再借茅亭宿松關夢幾回

山中曉發

入林殘月送微風曉起人行翠靄中溪水自含山影碧
野花閒襯馬蹄紅松間雲去炊煙起巖上禽鳴客思空
出谷尚疑塵世遠胡麻香在小橋東

阿干鎮

赤日連天望雨生匆匆攬轡出金城薰風無奈苗將槁
哀雁何爲澤有聲偶見炊煙憐婦巧不多飲馬笑官清
入山愧比山溪水涓滴難消蔭暘情

靖遠觀王道士求雨

雲漢詩歌到處哀登壇初試鍊師才步罡日出還看鏡
挂絮雲生只繞臺瘠土有時沾雨露靈符無計召風雷

紅菴山房詩存

卷之九

七

獨憐滿眼蒼生淚天意崇朝自可回

送盛松雲比部出塞

握手河橋去住難送君只作壯遊看玉關雪照三邊色
沙磧雲屯萬古寒酒暖蒲桃聽戍角馬嘶汗血趁吟鞍
書生出塞尋常事況是西陲

聖澤寬

懷盛松雲比部卽寄之輪臺

輪臺西望路逶迤屈指行程寄一詩鑿雪應嫌僮僕少
餐風難遣友朋知從軍書劍連天遠出塞星辰入夜遲
歸路早隨北嚮雁春來正是倚門時

冬夜宿阿干鎮

數騎蕭蕭又出行朔風殘雪馬蹄輕荒村落日寒無色
斷澗流冰細有聲火撥爐灰隨夜冷月移山影向人清
敲詩偶作偷閒事忽聽隣鐘百感生

哭麗京第八首

半世爲兄弟相依未十年窮途同患難蚤歲苦連遭疾
病長如此功名亦可憐是風何太急吹散小游仙

無母惟瞻父淒涼八歲兒先母張太恭人卒麗京甫八歲同心吾與爾

勵志友兼師椿樹三冬隕時先夫去世秋風九月悲那堪長

逝日卽是哭親時先母張太恭人以九月二十九日酉時去世麗京卒亦是月是日是時

紅菴山房詩存

卷之九

八

乞米長安道重來儼半人麗京擢足疾久治不愈文章憎命薄勞

苦歎身貧及第花空發秋蘭佩枉匆匆蓬島上未識

玉堂春

千里連雲棧馳驅蜀道難板輿供子職蘭舍博兄歡麗京

母堂背淚偷彈於己巳歲奉繼慈就養蘭州道署正喜也塘夢旋驚布被寒客中慰慈

命宮有磨蝸一病入膏肓幾載詩書廢終朝藥裏忙欲

添長命縷難香返魂香裊點殘編在名山爲爾藏

無兒悲伯道有鵬弔長沙絃斷膠纏續鑿昏月又斜客

魂愁落日發泣怨天涯屬纊言猶在春深可到家

哀樂原難遣誰能一死生殘秋風雨惡大夢別離醒
夢寒無色原鴿痛有聲頭銜成底事落得寫銘旌
雄露歌聲苦臨歧淚更流一棺付僮僕萬里望山仰逝
者長如此魂兮不可留他年成嗣續好與奠松楸

送鶴和齋員外使伊江

握手翻嫌見面遲伊江萬里動離思即官舊有籌邊略
公子常諳涉嶠詩馬到玉門占去路春回瀚海數歸期
要知絕徼軍儲重好爲將軍判度支

題谷子靜養氣軒詩草

讀書須養氣此語經人道作詩須養氣此境誰能造于
紅杏山房詩存卷之九

九

靜少年人冰雪入懷抱詠史寓陽秋言情灑蘭藻侍親
遊珠江海上見三島臨淮觀汜河星源恣探討趨庭來
西秦春暉蔭寸草讀書書錦堂重闈祝壽考一編自吟
哦七步人傾倒餘事作詩人文章更端好我與細論文
始知養氣早努力紹前徽榮名以爲寶

栖雲山十二詠

山在金縣城西十里

冲虛臺

縹緲諸峯上神仙此結廬飛昇如得路舉體自冲虛

譚道石

兩石如兩峰道人坐譚道石豈不能言點頭苦不早

栖山巖

神仙何處栖只在丹巖畔巖畔學長生年深石亦爛
白雲窩有陳希夷睡像

三仙洞

高人棄軒冕學道此山中矯矯雲中鶴飄飄松下風

碧波澗

碧澗繞簷煙清泉出石戶清泉不在山歲旱借爲雨

風月嶺

茲嶺好風月迥出人間世道人御清風明月生蘿桂

紅杏山房詩存卷之九

十

洗心亭

懸巖千仞立流水一溪深出世苦塵垢入山先洗心

拜斗臺

絳簡拜東皇丹臺禮北斗不知夜向晨只覺纒稽首

脫酒臺

脫酒有高臺孤虛臨絕境日晡人不來蒼蒼松柏影

自在窩

落葉無徑行懸巖橫一木人在洞天中知有神仙福

藏書室

道人已學道山中猶著書珍重神仙字休教食蠹魚

張烈婦 昆明周重選筵室

妾年稱君年高廿年箕箒不辭勞君八十妾三十晚景
相從猶可及豈意春風悲大椿忽隕折周公去乘雲絡
秀心懷鐵一腔熱血向誰澆子規啼夜聲曉願為地
下葶蠖靈車未出身先死君九泉妾九泉相從何必
問華年吁嗟乎華年地下應白首夜臺夜夜長相守

題顧篠榭采藥圖

吏隱多年白髮侵一函素問見婆心蘭山可有參苓種
試向秋雲冷處尋

絕域爭傳扁鵲名曾騎天馬歷諸城篠榭前官伊江為將軍保上公所重

紅茗山房詩存

卷之九

七

曾遣赴各城將軍去後先生老隴上扶童采藥行

紅茗山房詩存卷之十 雲南叢書集部之三十九

滇宜良 嚴煥 匡山

壬申至甲戌

陳紅圃方伯招飲蔬香館看芍藥

前身只合是朝霞
婪尾香傳滿徑花
最好紅欄施錦障
不教零落怨天涯

帶圍喜入韓公宴
薇省清吟謝朓詩
我為春歸半憔悴
看花不忍見將離

種花人去惜餘春
謂蔡小插帽香濃徧主賓
如此風光好相憶
憶小艇小霞方伯顏館中齋名

紅茗山房詩存 卷之十

紅霞低映菜花黃
一種光風繞畫廊
畢竟平章身手好
和羹香裏帶蔬香

題顧篠榭聽泉圖

懸巖飛瀑落樹杪
片雲生石磴無言坐
風泉滿耳清在山
欣有託入世苦多情
觸我雲臺與何時
采藥行吾鄉

瀑布為一郡奇觀

入都日出蘭州喜雨

驪駒初駕水雲邊
一路甘霖沛大田
三載自慚書上考
四民且喜祝豐年
山村野碓添溪漲
茅舍晨炊溼爨烟

竊幸此行沾

雨露身如小草沐

恩先

瓦亭對日

此夜天邊月清光照瓦亭
山中猿鶴影河畔女牛星
遠傷離別銜杯笑醉醒
如何圓易缺香霧任飄零

時

過固關感懷

青嶂幾迴環危樓認固關
天開井陘口人出太行山
應

雁影今日獨飛還
昔曾與舍弟麗京過此關徘徊

紅茗山房詩存 卷之十

古寺小憩

小坐依修竹焚香古佛前
雲低將作雨山夕欲生煙
客路飛鴻識秋心破磬傳
重關真險絕緩轡且沿緣

清風店早發

曉起催征騎行行古驛前
客心千里月鄉夢五更煙
積潑明秋水新涼動早蟬
西山忽相見半壁倚青天

積潦

積潦斷行徑昨宵秋雨翻
鳧鷖臨淺水禾黍潤高原
爽氣生疏柳炊煙辨遠村
道旁田父笑歧路且旋轅

出古北口

秋山畫裏看曉風馬上試新寒雄關有路趨

空關邊塞無塵到木蘭雨氣乍生青嶂外雁聲遙在白

雲端乘繡自笑終軍憤關吏何為太苦難時無符幾為關吏所窘

青石梁

雲氣生虛谷泉聲下翠岑馬蹄行路澁人影入山深叱

石無仙術登天有道心何年鑿此險長得

翠華臨

早發三道梁

曉色辨行路沿緣澗水旁笨車驅款段疏鐸語郎當林

火驚熊夢嵐烟雜麝香

紅杏山房詩存

卷之十

三

卷阿游咏處翹首望朝陽地近樂河

登廣仁嶺道院小憩

峻嶺岩巉一徑通丹臺小憩翠微中朝

天漸入重霄路縮地新依上塞風萬樹松聲秋氣爽一

亭花雨道心空山門茶罷催征騎

行殿遙看旭照紅

中秋日趙象昇中翰招飲晚香亭即題其菊隱圖

三徑重來翠靄深晚香亭下發清陰黃花有信開新甕

白露無聲急暮砧萬疊雲山高士榻一天秋月故人心

開圖細認先生面正則泉明公嗣音

衛輝訪郎靜谷太守不但晤之汴梁喜賦即別之

蘭州

朝歌道上好清秋有約黃堂訪舊遊入室虛懸徐孺榻

登城獨上謝公樓偏勞贈策人千里欲共乘槎月一舟

握手梁園同想像十年蹤跡笑浮漚

君家羣季最多情總角交遊弟與兄宿草文章憎命薄

謂晴巖力圃臥牀風雨惜身輕謂紫湖可憐傷遊同琴

曲時余與靜谷俱並有清吟聽鳳鸞謂令嗣命且共拈

詩得佳語滿天明月大河橫

年年相望共苜蓿使酒論文盡賞心茶竹威儀今日盛

紅杏山房詩存

卷之十

四

長安風雨舊時深故交漸似晨星少老態常愁鬢雪侵

話到淇泉前太守有人倚棹在江陰謂王儆嶠

驅車西去復逶迤狄道金城有所思泥爪尚嫌鴻印淺

鄉心多悵雁書遲功名塞上慚驚馬身世年來笑漏卮

此後相逢又何處隴雲秦樹夢迴時

鄭州至汜水道中作

鄭州西去試征輪秋老郊原景物真柿葉漸稀霜落杲

楓林初濕雨留人單車不覺成車險一葦將揚汜水塵

落日蒼茫嵩少影浮雲何處有閒身

華陰道中望華山

渡河自東來入關向西嘯仰見六華峯心神開奧窔天
高巖骨清雨洗山容峭我我司冠冠窮形殊未肖具瞻
西嶽尊垂旒光四照羣仙拱而立僂僂如衆覩秋氣下
三峯秦隴生輝燿停車想隱淪墜人一笑

登華山至青柯坪而返東華陰汪鵝塘大令

華陰有仙吏勸我陟華巔筍輿與蠟屐待我華山前仄
徑攀援入白石橫清泉着屐愁繭足登輿苦脅肩入山
二十里已與猿鶴綠山腰便駐足青柯生夕煙欲上不
得上三峯峻極天不學昌黎哭奚取原搏眠仰望蓮花
峯香生玉井蓮低頭且下拜致身白雲邊茲遊亦足豪

紅菴山房詩存卷之十

五

何須便得仙愧無濟勝具難用買山錢歸至玉泉院明
月映前川笑謝華陰吏遊山及壯年

邠州道中早行

高低一路繞山邊曉色秋光翠嶂連古渡雲開明野水
寒林木落見霜天人收柿比千頭橘家有梨如百頃田
檢點奚囊得新句戲書紅葉寄朝烟

長武旅夜聽雨

孤館閒聽雨宵深點點明五更秋欲盡時將一枕夢無
情燭燼金蛾影幃低蟋蟀聲忽聞鈴鐸語早路有人行

晚至平涼

寒烟霧歷鎖秋空指點高城暮霧中清澗數灣巖石白
遠山一帶夕陽紅歸鴉點點拖微雨落葉蕭蕭下晚風
自笑名山遊不得欲開雲霧望崆峒時欲遊崆峒山不果

曉出平涼城

侵曉出高平衝寒涉涇水涇水自西來悠悠見清泚始
知涇源清不與濁渭比悵望崆峒山崆峒山在平涼城西二十里蒼

茫煙霧裏停車訪隱淪臨波懷彼美黃葉滿空山清流

自平涼

過六盤山有感六盤山即龍山之峯

昨宵布被冷於鐵今晨隴坂霏雨雪驅車山下路難行

紅菴山房詩存卷之十

六

泥滑滑兮山岬嶮欲上不上馬踟躕六盤之險逾九折

僕夫太息征人愁不能叱馭欲迴轍吁嗟乎隴山萬仞

雲空濛隴頭流水聲幽咽聲幽咽兮有所思愁人對此

肝腸絕肝腸絕傷永別秦川蜀道望茫茫寒天欲暮猿

啼血

立冬後二日至會寧飲范紫山明經園中有作

維燥作寒色小園秋乍歸一樽浮落葉萬里共朝暉冷

翠空亭入閒雲畫壁飛石橋東畔路苔蘚上人衣

翠柏留顏色斯人自古今明經三世貴種樹十年心爾

生虛白余懷悅素琴桃花山下路春至待相尋

臘日立冬後六日回至蘭州道中喜雪

銀海光芒萬丈開人披鶴氅日邊回此行畢竟傲天幸
贏得天公玉戲來

六花飄灑占冬先一路瓊山與玉田好與農人飛吉語
眼看春及又豐年

過摩雲關行冰澗中馬上口占

一溪流水結冰堅照耀朝陽欲化煙馬上凌兢冰上語
行人朗朗玉山前

河州

此地古天邊今如戶闔前河聲辭積石山勢走秦川回

紅慈山房詩存卷之十

七

絃風原古氏羌性不儼雄關二十四關外盡耕田

宿韓家集土司韓成璋宅

抱窄城西去沿溪一徑單人依著塞宿日入雪山寒犬
吠邊聲靜鳥飛澗月殘屯田籌上策夜檢漢書看

出老鴉關

負弩爭先路竊鍵壯遠遊淮關當仄澗巉石帶清流地
險風雲肅天寒瘴厲收崇山何峻極試上萬峯頭

宿起台堡贈張守備輝

鳴騶過峻嶺暫駐小營中夜靜猿啼月山空虎嘯風相
如方諭蜀魏絳且和戎知爾蕃情熟談邊喜與同

循化城

一路羌零鞠踉迎停驂似到化人城林梢落日冬無影
河水流冰夜有聲撥盡爐灰諳宦味聽殘戍鼓識邊情
開軒莫唱關山月且弄蕃兒獵火明

宿邊都

循化西來路更荒每過蕃堡見西羌數家板屋隣蒲帳
一盞寒釐對酪漿冰澗微風山自冷銀河遠影夢俱長
使君只按籌邊筆莫詫龍泉夜有光

保安

重重羌水盡東流千里行人滿目愁二十四關關外月

紅慈山房詩存卷之十

六

照人菴帳夢蘭州

出循化城別張大令

爾瞻

千里彤雲送曉寒驂驢開道試雕鞍轅門吹角籌邊易
河曲抽刀斷水難時議引黃河水開渠往勘不行長劍恍從天外倚鄉
書如在夢中看匆匆且謝蕃回去治粟無才愧長官

渡洮河寄呈制府那繹堂夫子

侵曉渡洮河洮河水幽咽昔去雪如冰今來冰似雪一
水望迢迢洮岷路正遙諸蕃近無事為報霍驃姚

書朱小梧大令臨洮道中雜詩後即送之入都

慣有陰情上客鞍青山如在故鄉看飛花裁句翰新豔

春雨沾衣耐曉寒
鳥化雙鳧相去遠
腰纏十萬本來難
時解交農部
銀十萬兩
敲詩似比催科巧
他日敦煌愛長官
新朝

題客子靜五泉補禱圖即送之入都

榆柳陰鋪滿
逕煙綠雲深
處見諸天
憑君展放春三月

一路題詩到五泉

幾曲泠泠玉水寒
流觴今日在
單蘭升高能賦尋常事

喜有黃河掌上看

公子翩翩倚馬才
說山不喜近塵埃
為霖本是趨庭訓

記取年前步禱來
十五年夏早吾師釋堂制府
夜率百姓步禱於此甘露立降

紅菖山房詩存卷之十

九

惜別匆匆對畫圖
為君詩興得須臾
神仙海上遙相望

回首金城念故吾

奉

命除湖北臬使留別蘭州四首

玉塞金城六載經
漸無報最達

天廷隴頭久望關
山月漢上初開貫
索星父老有情關

去住室家無奈說
零丁予一妻一弟從
官蘭州皆卒
依依最是河橋

柳為送行人眼早青

春風料峭傲貂寒承

命新彈獬廌冠
識字敢云能讀律
傳經終覺未登壇
州

道經理蘭山書院每遇講席
老賢予即挽頤為諸生師
輕裘次第收書篋別夢後

稀上馬鞍為念諸生在
行路願祈清露被皋蘭

一曲驪歌別酒溫
臨歧慙愧說琴轅
心如葵藿長傾日

身到江湖更受恩

渭水有源辭鳥鼠
黃河如帶下崑崙
五花處處飛春雪

去路遙占麥實繁

黃鶴樓高倚太空
昔年遊展在江東
天教棲月隨烏鵲

地有微泥印雪鴻
使節遠歸紅柳外
星槎初泛翠流中

即今漢廣

恩波潤惟祝無刑慰

紅菖山房詩存卷之十

十

聖衷

隆德道中

征車歷碌碾輕塵
隴上青山笑向人
試向雪中認鴻爪

東風吹到幾分春

曉上六盤山感懷

入山行十里山霧上人衣
春樹秦川遠朝雲隴首飛
馬蹄穿窈窕燕影隔芳菲
草色遙看綠行人獨自歸
時元

下世人

涇州王母宮

俗傳山上有瑤池即
穆天子觴西王母處

碧瓦參差鎖闕宮
山前草木幾春風
瑤池宴罷仙駟去

恍有塵揚滄海東

雪後長武道中

凍合東西路秦關日影斜
遠山千里雪村店幾人家泥
滑雖無力春分草未芽
如何瓊樹上猶有後棲鴉

邠州大佛寺

莖草何年化金身十丈餘
誰能鑿混沌即此見真如
萬古菩提樹空山貝葉書
不知經幾劫天半響鐘魚

乾州詠古

咸陽七飯遂西行神策無軍
扈御營何事前知桑道茂
不修武備只修城

紅萼山房詩存卷之十

十一

過華清池

春滿華清池六年已三至
一勺繞雲霞四山生紫翠
風動草心香泉温巖骨膩
雙燭恰憑欄試照海棠睡

華州道中

客裏遊春見好春華州曉景
倍鮮新輕煙楊柳尋詩路
細雨桃花隔水人落雁雲開
瞻嶽色啼鶯風軟趁車塵
酒家處處青帘影欲逐飛花
訪隱淪

華陰清明

榆莢含青柳線斜春陰漠漠
鎖天涯關中道路時逢雨
客裏清明最憶家
高家有人傷宿草游絲無力
縈飛花

可憐一片華陰月遠照愁人夢
五華南山名

風陵渡

侵曉渡風陵黃河水清淺
一葦逐輕風孤帆搖翠巖
嶽片雲來波心自舒卷
賦詩感鯉鮪臨流懷宛孌

蒲州道中望王官谷不見

蒲坂曉來山氣薰
杏花如雨落紛紛不知何處王官谷
只見中條一片雲

過洪洞有感

子規聲裏落紅殷
曉月關河客淚潸
每過洪洞念恩舊
謂先師劉竹
軒少司農
幾回腸斷九箕山

紅萼山房詩存卷之十

十二

趙城道中一路看杏花

一村煙樹一村花
紅杏欲風燦曉霞
長是好春拋不得
數聲玉笛在天涯

冷泉關用李義山寒食行次冷泉驛詩韻

介山無草木廢驛有人家
泉冷初窺鳥林陰正釀花
春風汾水遠別緒柳絲斜
前日逢寒食綿田烟雨賒

春日

召對

勤政殿紀

恩一首

龍立

宮門聽曉籌朝

天人似在瀛洲祥刑

溥錫蒼生福甘雨先紆

聖主憂旭日早輝仁壽鏡和風低繞鳳皇樓青蒲咫尺

綸言近

聲教崇朝徧九州

白河旅店書懷

那得征衣不染塵軟紅十丈逐車輪楊花且喜飛新雨

榆莢何妨送晚春銀燭題詩前度日玉簫吹月夢中人

紅菖山房詩存

卷之十

三

不知桂權今何處星漢迢迢欲問津

磁州道中曉行

曉色蒼茫映碧霞水雲多處有人家沿溪綠浸新蒲影

入麥黃飛野菜花雨脚漸收猶浴鷺柳眠初起乍驚鴉

燕南最是磁州好一路臨流咏物華

相州晤潘吟序司馬用許秋巖少司寇所贈詩韻

賦贈

把臂翻嫌見面遲欲留十日讀君詩南薰殿裏掄才子

早有文章達

主知

那下才多讓昔賢風流司馬最翩翩青山不改詩人老

千古王劉笑拍肩

慚愧鸞臺鳳閣人江湖此去少閒身相思千里南樓月

催日秋風可障塵

湯陰岳武穆廟和潘吟序司馬壁間韻

金牌墜下淚連揮自壞長城自潰圍臣獄可憐三字定

君心竊恐兩宮歸千秋丹史精忠在十里青山故宅非

試問手書竟何語猶疑碧血灑靈衣

發渾渡河

中流擊楫順風馳憶昔公車待渡遲博望未忘懷石處

紅菖山房詩存

卷之十

四

終軍長念棄繻時龍門雨送桃花浪滌澤春賡芍藥詩

莫悵年華如逝水河清早已報昌期

重九雨中和黃心葵新正漫興十首

晚田望秋澤澤下將盈尺甌窶待滿篝其始播春麥

秋夜實未堅農家望九月官廚新稻多早飯翻匙雪

鋤雲種黃花花下過重九隔江有幽人何日共樽酒

筍煮髓裙羹栗薦晚菘菜濯濯周德清矯矯出吳會

黃鶴江上鳴有客山頭立日暮煙波深我亦懷鄉邑

橘黃戀三楚荔丹思七閩訪友不可去風雪問前因

我有新安友謂同年汪長安共白居作畫如雲淡吟詩

近何如

九歌啓九辨楚詞俱可憐美人弄瑤瑟應爲怨華年
誰知秋夜心只有青天月蕭蕭竹數竿與子盟孤節
懷土嘔莊鳥淒涼爲越吟梅花待春雨漢上共題襟

爲程左恬題風木圖

悲風動寒林枯樹驚搖落樹靜風不寧淒然對藜藿
藜藿雖不美中有承歡心承歡不可得難爲采蘭吟
落日照墓門墓門木已拱木拱淚未乾風聲助踈踊
感我望雲心目斷白雲岫白雲去復還焉得益親壽

題鄭母何恭人疎影軒遺草

紅菴山房詩存

卷之十

五

慈母手中荻化作千篇詩詩才與史識巾幗罕見之班
昭謝蘊世無比習禮明詩事君子袁江官舍撫杯捲謂
子松谷太守不共椿堂奉甘旨五馬今來武陵春編猶自
痛慈親色絲文錦手澤舊摩挲竹筒光瑠璘慈母卷中
詩佳兒眼中血眼中血字不滅藏之紗幔傳之人一片
幽光照冰雪

士題巴益齋方伯引杯看劍圖

酒杯豪興引龍泉不數莊生說劍篇秋水有光騰碧漢
紅燈無語對華年雲霄地位翔鸞見露布聲名倚馬傳
記石蘭陵春釀熟圖成於方伯買牛處處勸耕田
守常州時

紅著山房詩餘卷終

雲南叢書集部之三十九

宜良 嚴煥 匡山

鳳皇臺上憶吹簫

題戴紫垣師藕花妓船圖

白傅多情藕塘十里畫船雙載娉婷羨風懷雅稱仙骨
天成坐擁碧天香海抵多少人月雙清簫鳴處幾聲櫻
板一陣歌鶯分明這番着想渾不是琵琶江岸初停
笑後堂絲竹空自縱橫爭似綠楊小艇消溽暑烟水方
生天風起花枝照人何異蓬瀛

摸魚兒

漢陽跡渡和李雲裳同年韻

幾年前滔滔江水而今重喚公渡浮生歎煞紅蓮葉汎

紅著山房詩餘卷終

汎只隨波去天涯路有八月仙槎且許征人附昔同人

願園先相逢似故縱地隔東南一般羈旅同向白雲住

輕舟過搖曳晴川烟樹曉風殘月誰賦正秋期蟹肥

蓴脆相稱持螯心緒江天暮又冷節重陽懊惱題糕句

舊愁欲訴便望見家山傳來錦字也覺少年悞

百字令

重九夜和雲裳韻

東籬歸後正黃昏倚着湖山晴色中酒低昂人未醒

裊筠簾香息牆角疎蛩江邊雁寫入佳人瑟人如花

瘦鐙前微見花白銷魂萬里天涯風前帽落猶有龍

山客玉笛幾聲黃鶴月果否神仙難覓水國秋殘山鄉

夢遠欲問移家術瓊樓何處宵深無限天碧

齊天樂 過漢川和雲裳韻

漢川千里烟波濕城邊綠楊秋雨蟹舍虹殘漁莊雁落
小艇空濛行去離情縷縷問解珮何緣惱人心緒翠羽
明璫臨風不見料難住茫茫楚江欲訴暮山青未了
雙漿空渡讀罷離騷聽來湘瑟怨到蕪蘅深處微雲漢
上望帶水盈盈莫通魚素十日征帆嫩寒歸夢阻

探春 冬至日春行見杏花甚開有作

遠水層巒荒村古徑尋詩人逐幽鳥郭外陽回山中雲
暖何事生春偏早消息訊林梅感遲莫美人孤子等閒

紅著山房詩餘卷終

吟過橋頭不道杏花開了野路香風繚繞猶未到年

時紅妝鮮豔引逗春光烟低鬢濕俊煞看花人少九九

正寒消一片許誰臨稿彩毫濃處瀛洲綠齊芳草

風入松 寄萬二芝軒時芝軒尊人罷官將歸滇南

晚江烟水暫停棹送歲雪飄蕭相逢恰是生春處剛回

首幾个花朝人事只看枯樹鄉心爭度寒潮武昌官

柳太無聊搖落短長條繁華往事渾如夢歸來好山水

清標只恐扁舟西去碧雞金馬道遙

金縷曲 題吳春圃廣文雅奏圖

紙英雄氣借生綃裡花移柳添些妍媚跋履詞場誰

不仕朔餓髡醉直數載長安遊戲羽箭離弓聊自
適有幾人投筆侯封玉葉穠解聽謠吹雪兒門唱相
思字起春風聲聲偃傍豆紅蕉翠料得江東重訂譜鐵
板銅琶親試早有箇黃鸝會意回首旗亭腸斷處甚樽
前記曲呼娘子遊倦也驂騑繫

金菊對芙蓉

題巴益齋方伯引杯看劍圖

生面誰開一瀟一淡圖濃淡各一畫堂小飲清豪看佳人婉
孀雙劍招搖衛公直是多情者倩吳鈞試舞招腰指揮
如意重重花笑陣陣霜飄閑情一斗松醪儘淺斟細
酌美景良宵任詩題紅杏絳燭雙燒何如此手空空妙

紅杏山房詩餘

卷終

三

原書闕



雙清閣詩

歲在戊辰夏日
武進涉園石印

雙清閣詩

毘陵女史趙方蔭華季燭著

子烈文原輯

□□

片帆西上太匆匆春水何如別恨濃
筆墨抒愁愁不盡關山隔夢夢無踪
層波都化思親淚尺素難傳寄女封
回首故鄉天共遠落花如雪似憐儂

舟中對月憶諸姊妹

玉盤一片湧長流萬里清光送客舟
料得故園諸女伴中庭相對起離愁

舟行遇雨

雙清閣詩

棹轉迴深霧舟行望遠烟風搖花隔岸
雨灑樹迷天密點穿窗急疎蓬蓋檻圓
豫章從此去共賞百花泉

和外見贈原韻

春光爛熳去重圓斗轉星移幾度催
樓上微聞吹玉笛花間常願共金盃
疎梅斲奪三冬雪爆竹聲喧一院雷
風景尊前差可樂拈毫愧乏謝家才
親操井臼未全知不見高堂白髮絲
護惜猶思依母日夢魂尙憶作兒時
故山已過貓頭笋小院頻挑鴨脚葵
剪燭聽君談往事敢忘先德自吾師
軒車到處萬民安手種桑麻露未乾
吹面不驚風似雪當

頭喜見月如盤好花欲放還微雨
春色初來尙薄寒莫道琴裝蕭瑟甚
簾蘆紙閣有餘歡

無端風雨小窗前料峭輕寒著半肩
遠路分攜惟有淚深宵慢憶若爲憐
晴芳古道無通綠壁月中天一樣圓
閩海路遙飛不到承歡猶是憶前年
昔舅氏彥聞先生篋仕閩中外祖母馮宜人迎養在署

擬白頭吟

胸懷磊若雪情性明如月與君結恩義
千載難斷絕君若存他意敢斷玉搔頭
日夕心志忘繼之淚長流春風破寒淒
嘉會釋悲啼本是一心人永遠不相離
松枝何娟娟竹

雙清閣詩

影何徒徒君本重義氣安用絮語爲

素心蠟梅

當庭莫訝晚開遲已放疎花三五枝
性癖愛寒深夜待心清印月故鄉思
雖無繁艷同三徑別有幽芬異四時
想爲仙人來綠萼故呈素質報春枝
斜移月影上欄杆淡淡丰姿歷曉寒
枝訝雕檀香絕俗花眞刻玉色堪餐
臨風細朵高難摘擢雪橫枝齊未乾
何日花前借舊侶金樽同醉一家歡

詠雪

大地皆珠玉隨風咳嗽零鬪餘龍展甲
舞罷鶴飄翎灑處

雲非白晴開天更青寒灘餘釣叟漁火尙星星

雪天寄外

浙歷寒聲耳乍聞滿空旋舞玉紛紛意中尙藉狐裘暖簾
外還疑蝶影分上苑瓊枝呈聖瑞下方鶴筆異凡羣全家
一別經寒暑幾度沉吟倍憶君

憶兄仍用前韻

梅花春信遠相聞別意還如落絮紛山隔螺痕頻有夢江
涵雁影記初分裁箋祇覺言難盡學詠何由思不羣此日
高堂應慰藉遙聽百里頌神君

憶家

雙清閣詩

三

遙望慈幃隔遠天夢魂長寄海雲邊承歡繞膝剛三月送
別回頭又一年百里奉親兄已貴同心侍養嫂能賢含胎
更喜班衣戲至樂何如行地仙
小聚曾無半載留清波分送木蘭舟敵棋評繡無良伴對
月看花少舊傳書有長篇隨手作詩無佳句索兄酬但祈
一棹歸寧日骨肉團圓解別愁

留別崇仁官署

書囊繡篋自相隨曲室深闈從此辭院靜尙留新種竹窗
明何日再敲棋青山到眼離偏速華屋回頭去每遲屈指
韶光眞易過蟬鳴綠樹正炎時

夏木千章四面遮綠陰深處是官衙盈前生意庭中草尙
有餘芳雨後花風送荷香穿牖入月移梧影上窗斜嗟余
此去來何日霧鎖空城隔晚霞

聞外自省歸奉贈

聽說肩輿發雞聲度曉風雨餘千樹綠日上萬山紅舊路
思江上新詩檢篋中別來旬日久春氣已將融

對月

倚闌小立夜寒侵玉宇無塵一鑑臨影落平堤千里雪聲
隨短笛萬家砧坐來深夜沉沉漏望去長空渺渺心兩地
清光同此夜思君幾度費沉吟

雙清閣詩

四

白荷

鑊雪裁冰一夕催曉涼收處影低徊紅雲天上噉仙杏綠
蕩春初憶遠梅池畔影宜臨水照塘邊花每並頭開最憐
璧月西斜後猶有香風拂面來

春柳

微風搖颺綠千條帶露全烟色轉嬌繁葉正遮三徑路輕
陰斜蓋半塘橋聽殘啼鴉聲如許繁盡驕驄恨未消休唱
章台金縷曲楚宮魂盡女兒屢

依依碧色遶江邊霧鎖烟迷醉欲眠東面受風偏易活曉
寒禁雨若爲憐參差翠帶遮帆底搖漾青絲拂渡前幾日

晴光開綺陌成團香絮又纏綿

花發江南廿四橋柔情翠色望連霄待鶯葉小千株密樓

燕枝長萬縷搖渾不知愁春已半更難言恨晚方凋妬花

風雨應憐惜怕舞章台細細腰

偷着青袍漸已長枝枝秀影照陂塘永豐坊裡拖眉黛太

液池頭點額黃迷月籠烟扶醉起和風帶雨學佯狂纏綿

休負春情重舊夢常年憶故鄉

登大觀亭謁余忠宣墓

芳亭猶是古乾坤想見當年碧血痕登登江山存浩氣重

重烟水弔忠魂四圍綠樹依神宇千載啼鳥泣墓門江上

雙清閣詩

五

叢祠頻報賽知公威德到今存

極目天涯號大觀每登此閣倍生歡千峰雲壓扁舟小萬

戶烟騰茅舍攢帆去帆來誰遠近風南風北任危安何時

能擢西江棹親捧天邊月一團

寒食雨

一庭淺碧染苔痕銷盡尋芳蝶蝶魂春色漸深紅杏館雨

絲偏惹綠楊村偶逢女伴清談久待乞鄰家新火温不覺

黃昏容易到寒更寂寂掩重門

清明和粹媛作 長姊名純壁字粹媛前母高淑人出

輕寒輕暖關媽紅日麗風和景物融萬種花妍新雨後一

痕月淡繡簾中踏青人返情騰醉隔院鶯啼宛轉通卻笑
兒童攜手去紙鷂噴噴入晴空

春日感懷

年來心緒情誰知一病經旬睡起遲難釋離懷因憶母重

温舊學試教兒愁中逼易逢佳節夢裡差能得好詩聽盡

廉纖終日雨又堪牆外柳絲絲

和慧媛作 次姊名緝珠字慧媛前母錢淑人出

處處疎林已吐華九旬雖短未全除風舒初柳爭開葉露

濯春桃欲放芽帆角頻遮山路香檣纜時破水紋斜傷情

莫道春來半尙見蓬聽飛玉花

雙清閣詩

六

和夕

薄薄輕雲萬里天清波相送畫樓船遙看兩岸春如許桃

杏花深露柳烟

乘舟事事感前時廿載光陰夢裡知提筆自慚才穉線幼

時至長不知詩

平鋪兩岸盡銀沙日影移枝似畫又雙槳過時鷺白鷺斜

飛蹙起浪頭花

夜半寒風倍覺嚴料知千里水痕添未明頻向蓬聽觀微

雨猶飄萬樹尖

新竹

迎風翠色影離披玉筍初長尙未齊拂檻濃陰藏燕語穿
垣新葉待鶯啼夜深映月看逾淡侵曉合烟望轉迷願得
團圓春雨後碧鸞尾掃看雙棲

題贈

連朝細雨草如茵花發風和正麗春久別舊傳魂夢繫幸
逢新話笑言頻繡拈弱線無雙手詩寫紅箋第一人此日
西窗同剪燭莫教小恙便眉顰

垂絲海棠

帶露新紅秀曉來香遠浮豈肌柳弱傲骨薄桃柔色艷
風教舞葩含雨不愁春閒無別事拈韻戲相酬

雙清閣詩

七

雪

冷壓簷梅香更寒開簾一酌有餘歡初酣鶴夢垂肩宿偶
肖獅形信手搏闔闢有人同雅興江山無地不殊觀願教
醞釀成甘澤潤遍春郊萬頃寬

和外視歐之作

六月十八爲宋歐陽文忠
公生日先府君每屬視之

去歲寒梅著花未共挽鹿車來此地長途跋涉一月餘雨
雪風霜尙堪記桃符換處當歲暮爆竹聲中設家祭更從
舊志溯名賢豐樂古亭心所寄歐公初度六月中佳木繁
陰正幽致夫子後公一日生歲歲祀公期不異今年徂暑
恰逢開共擷溪蘋追往世文章氣節照千古夫子他年或

相暨班班林鳩互勉最我欲追踪未能冀古來賢女多如
雲彤管堪操心所企縹緲細帙從子好翠黛雲鬟爲君置
樂安敢望大郡封正平倘或賢聲次歐公薛夫
人正平人膝前亦有
三兒郎玉立亭亭慰君意長者初將詩禮習次者能求梨
栗嚼筵前擊曲命相隨鋪地瓊瑤織金翠不知當日公蒞
滌奕奕佳兒凡幾輩名花初獻尊酒清絲蔭維看庭樹暖
闔門亦自有千古未許凡流同一概登壇樹幟君獨先名
章秀句人交萃媿我蚤吟韻未成哦詠終朝不能快聊拈
湘管揮蠻箋一笑貽君當取醉

菊

雙清閣詩

八

蕭蕭楓葉滿池臺黃菊初看取次開曉氣清時和露發晚
霜濃處覺秋催一枝垂影恰如畫幾度分苔手自我轉眼
重陽愁裡過輕風細雨拂聽來

秋色一名老少年參差階砌間不減春卉

百卉春前事已休聊將穠艷補深秋籬邊菊影撩人醉江
上蓼花泛艇留雨過都無零落恨霜濃不惹別離愁十年
烏柏門前路回首江鄉夢未收

七夕

徐收雲錦暫拋梭玉露金風送渡河一載相思一回首機
絲那抵淚痕多

秋天四詠

斂却奇峯暑向微烟痕霧瘴是還非千層晚霽依雲出五色朝霞帶露飛淡淡輕羅迷曉月紛紛薄翼隱斜暉閒看樹密山深處出岫無心漸已歸

秋雲

陣陣涼颼拂錦屏紛紛細縷落空庭千絲自灑階前葉萬點偏敲瓦角鈴江上鷺飛潮拍岸沙邊雁少水連汀勸君莫為秋光惱最好殘聲枕畔聽

秋雨

沉沉夜色映雕闌不管涼秋坐久看桐院砧聲聞綺戶江樓笛韻轉晶盤山河倒影因非幻宇宙清輝倍覺寬素質娟娟秋寂寂只經雙照便成歡

秋月

雙清閣詩

九

薄暮寒林聲已狂玉階秋艷似驚霜敲窗慣引蕭蕭竹入戶宜添薄薄衰江上扁舟誰遠近叢邊落葉任飄颻相侵相逼無形影斷盡香闌兒女腸

秋風

馬嵬懷古足夢中句

一顆香珠落馬前依然金鼓震闐闐君王難踐生前約衛士翻操死後權玉骨傷心巫峽路香魂何處海中天至今馬驛梨花樹應化春來望帝鵲

寄外

錦瑟韶華似水流驚人青鬢判成愁枉教別夢依芳草多半相思對玉鈎見說天涯原有路何當小別儘勾留傷心

莫把瑤琴舞手撚秋棠獨倚樓

愁多生恐易黃昏苦雨連宵化淚痕歲去漸知憐綺日書來能否慰芳樽故園風物紫孤抱獨夜離愁續斷魂長是相思不相見教人惆悵與誰論

冬日再寄

遙別思君切寒燈對雨昏離懷腸萬轉愁緒淚千痕故國悲風雨關山阻夢魂朔風吹雁去鄉思不堪論怕望長江水朝朝向北流月明成遠夢花落感離愁衰草天涯路斜陽古渡頭憶君千里隔含淚獨登樓

悼翠姬 姓王氏先府君側室

雙清閣詩

十

堪歎彌留近百朝嚴垂一夕折柔條方期漸漸沉疴愈豈料茫茫泉路遙官舍孤燈悽欲絕旅窗冷月淚難消傷心最是憐征客誰共尊前慰寂寥

除夕和慧媛作

燭影搖紅夜辛盤覺力柔時難偏易盡詩拙愈慚留春發盆中蕊寒禁陌上鳩坐聽更漏急日早上簷頭

丙申元日試筆

簾前百鳥噪新晴彈指須驚歲月更事少背人胸落落苦心無欺物意明明玉階蘭樹同枝秀金闈桃符到處新雲鬢未凋花未謝頻伽癡福幸平生

燕兒病轉沉重遠信又復不來問甚書懷

幼弟名末燕歲時

日坐針氈上憂深嫩畫眉冰輪愁霧掩嬌鳥恐狸窺禱佛聲惟我呼天救者誰回腸時九轉魚鳥信尤乖

哭來燕十二韻

蘭樹三枝秀推殘斷小枝風狂同虎豹夢吉枉熊羆刻刻愁珠失時時慮壁危果然花竟折難盼玉重回病急惟呼佛心驚屢叩醫臨危猶道夢到死尙含疑記憶年前日相隨兄弟嬉千般求母笑百樣關命怡質慧知人早心靈識字奇至情辜汝孝捧抱欠吾慈淚盡重追念心粗已悔遲夜臺如有識入抱再爲兒

雙清閣詩

十一

寄外

半載分飛千種愁遠行應悔覓封侯月圓雲際虛羅幌花滿階前廢酒甌日盼雙魚書少至夜謀遠夢淚權收江南風景原無異燕語梁間添我憂眼前桃柳太纏綿不管離人關早妍多少憂懷憑蝶夢萬千愁緒付鸞箋相呼相逐思前歲雙宿雙飛憶去年願取團團春老後君恩頻沐再南遷

發滁州

雨過岩崖倍覺新香車寶馬淨浮塵千林日照歸飛鳥萬里雲晴送遠人金石不磨能履信江山同在始存真竟忘

羈旅身爲客草樹田禾盡可珍

詠風箏

鳳鸞翔舞望中迷嘹唳雲空五色齊遠陌晴光隨蝶影小庭春晝當鷓啼風高且喜離樓迴繞弱還愁繞樹低笑我攜兒頻指點童心尙未減孩提

奉答方都閩夫人贈別之作

相離何太速相見悔偏遲粧閣春台畔從今繫夢思一水蓬章江輕帆送去艘知交人乍別回首向蓬窗

集唐七絕五首

朝聞游子唱離歌寒戀重衾覺夢多復恐忽忽說不盡無

雙清閣詩

五

由縮地欲如何

雪月花時最博君不知何事久離羣鴻雁不堪愁裡聽長門恐掩綠苔紋
春愁黯黯獨成眠瓊樹扶疏壓瑞烟嶺樹重遮千里鏡光猶挂玉樓前
雪點寒梅小院春馬啼猶厭踏香塵風波不信菱枝弱鸚鵡驚寒夜喚人

一寸相思一寸灰今朝皆到眼前來惟將遲暮供多病書

寄香山客未回

又五絕二首

遠夢歸侵曉家書抵萬金永懷愁不寐山月照彈琴
路出寒雲外浩然離故關鄉書何處達車馬去閒閒

偶成

卅年十度走關河江北江南似擲梭風景每殊來去跡身
心常爲病愁魔層雲屢隔思親目流水難與逐夢波遙想
豫章烟霧裡岸花已望故鄉過

題畫

明姿已自伴秋日艷質還看映晚霞最憶涼生孤館後一
枝屋角拒霜花
輕雲似黛雨如絲偶向牕前寫折枝磊落盈眸堆火齊石

雙清閣詩

榴花正欲開時

在滁曾詠新竹及今五年矣重疊前韻賦之

涼颿颯爽影離披竹影娟娟秀色齊枝弱迎風還似醉葉
疎含露卻如啼春圃小院栽應偏綠繞深廊望轉迷莫道
穿階雙幹小千霄應有鳳凰棲

荷花

晚色臨池浴盈盈帶淚嫩含苞初吐艷滴露淨生香抱子
心常苦埋根臂截肪絲牽如織素裁作羽仙裳

寄贈粹媛

十年兩度見班姬消盡當年冰玉姿永夜待病憐汝孝連

朝茹菴久吾慈別逢病裡渾如夢離在愁中倍覺思每歲
歸寧堪把晤莫教青鬢故成絲

今年長夏綠窻前姊妹聯吟總並肩繞膝相依無百日歸
棧別路似三千插黃少女心添憶舉酒懷人淚亦漣徒有
夢魂牽塞雁可憐數月若經年

寄示慧媛

三千里外爲游客此去烟雲飛紫陌分手回家悵那堪愁
壞永結憑朝夕袖上難禁漬淚痕花邊時憶頻相跡自歎
年來漸已衰鏡中每覩星星色 憶昔悲歡事事同而今
豈料各西東相思遠寄三更夢消息難傳一寸巾薄暮更

雙清閣詩

二四

無人共奕終宵惟有夢隨鴻劇憐圍閣悽涼月斜照閒庭
恨不窮 江花江草依然艷人面年華半已變千條江柳
拂行舟萬折江波連野甸况值炎天冒暑行高堂視饌兒
牽戀莫爲離多致損神他年可望重相見

癸卯病後作

六月既望後二豎忽來侵日神遊房櫺夜鬼窺窗橋疾來
如水火勢急空刀針饑飽俱不知魂魄將歸陰兒女總牀
泣親鄰亦驚心豈願重生世一息延而今所望兒成立不
妨衰病臨

我初來陽羨百晦如雲集孩提事不知欲泣不成泣苦憂

家計空又愁兒難立盡日獨籌量終夜寒衾濕轉求名
師望汝詩禮習嚴慚孟母機教愧歐氏荻席幾讀父書篇
幅勞什襲

追悼

借老誰能問彼蒼數年追憶屢迴腸黃泉有路魂難覓白
首同歸願未償每欲冥心求一夢最難合眼淚千行驚看
又是炎威到勉課兒童趁晚涼
回憶憶前共奕時而今丰度有誰知相從只是愁兒幼寂
想何時止我悲剩有荒山墳一角不堪顧影淚雙垂杜鵑
啼血春前了付與三更一夢期

雙清閣詩

五

秋風秋雨夜蕭蕭如豆殘燈亦懶挑笑語惟求魂再會音
容思向夢中插難期死後他生遠未了身前世事實差幸
兩難堪寄武更饒道蘊伴無聊
數年不盡此餘哀十二時中腸九迴蕭索更多塵俗絆身
心每被利名催閒吟思昔詩難就學畫無評筆懶抬窗外
月移疎竹影風聲是否鶴歸來

秋夜

唧唧寒蛩不耐□終宵愁數短長更世間恨事知多少自
覺秋霖共淚零
冷雨敲窗篝火聽病餘伏枕已三更秋宵始覺初長夜細

數更籌玉漏零

春暮作夢中句按第六係夢中句
時合家皆有和作

翠帶青青絲柳長飄飄兩岸鎖芳塘一春夢透梅桃骨半
夕催成鶯燕□細雨灑花紅作暈好雲垂鬢綠生香當窻
欲畫蛾眉色提筆先教斷盡腸

舟次書懷

老玄心情改愁添意氣灰紅顏悲欲盡白髮恨相摧殘夢
窺妝鏡餘生托酒杯風帆開十幅載得別情回

題婉香夫人詩集姓張氏蜀人姊丈
陳鍾英母夫人

闌闊何因不論才一時奇興有情裁湖山春色憑詩寫鄉

雙清閣詩

六

國秋懷入夢來闌茗頌椒眞再見筆床硯匣鎖相陪我期
一語酬佳製愧乏新思序玉臺

雙清閣詩終

雙清閣詩餘

昆陵女史趙方蔭華季嫻著

子烈文原輯

菩薩蠻 寒甚偶作

暮雲天際層層黑朝來細灑平蕪雪一陣朔風嚴寒梅分外鮮
小禽安解凍頻向窻前哢報道已春回花應處處開

西江月 梅

朵朵濃香映雪枝枝玉骨禁霜花中惟此最堅強偏向寒時著想
嶺上萬株放蕊湖邊一派飄香纖穠雅稱美人妝確是幽姿難做

雙清閣詩餘

鷓鴣天 雪

碾玉搓綿西復東簾前先已報年豐瓊葩妬煞三更月玉屑憑他
一夜風 停凍雀阻歸鴻梨花萬朵舞長空鶯啼蜨舞春將到雙燕歸巢訴舊衷

如夢令 又

枝上鷓鴣聲住滿滿庭中鋪絮一夜看妝成恰是瓊山玉樹迷路
迷路犬吠柴扉深處遙望天邊玉戲引起重重詩思江水景連天馬上行人如醉不寐
不寐盡日倚闌偷淚

一剪梅 又



兼霜帶露一條條待得冰消未是愁消凌空玉屑舞風飄紅燭
高燒不暇香燒

鶯梭燕剪報春朝鳥語聲嬌終遜花嬌長途車馬過紅橋景也難
描影也難描

菩薩蠻 燕兒病甚作

嚴霜冷霧欺瓊樹風吹鶴淚都疑懼稽首禱天公神聰應感通
雙魚何不至雁少平安字無意得加餐愁深花嫩看

天仙子

纖紅嫩綠枝頭換窻前簾外時時見剪裁幾日春風花

雙清閣詩餘

也綻葉也綻細細花香來滿院 嬌姿又是前番面年去年來花未變
任他花落復花開鶯也喚鶻也喚靜坐捲簾拋午倦

遊蜂不管花憔悴攢心處處遮花態共分春色艷當時花如睡人如醉
陣陣飄零消粉黛 風欺雨妬猶堪耐殘紅漸覺為春碍狂魔一夜落羣
英花不再人長在柳絮成團殊可愛

菩薩蠻

春雲飛上枝頭綠衆芳齊放休嫌速昨夜冷月吹雪花今又開
愁心無可說風雨憑空疾花信竟何如花鬢可否

舒

春風吹處枝枝綠小庭雨過花如浴芳草滿階前鶯聲勝
管絃 年年江上路柳色爭雲渡前度去來人春深欲問
津

又舟次端陽

風帆緩緩過溪路蘭橈權作龍舟渡錦纜傍花牽行舟破
柳烟 山光真可玩似繡青青岸蒲艾鬢邊簪堆盤黍角
新

夾岸楊枝柔復媚綠陰深處鴛鴦睡清漱漾船波變音鼓
棹歌 川途多怪石駭浪奔流急夢憶故鄉城龍舟轉棹

雙清閣詩餘

平

雙清閣詩餘終

雙清閣詩跋

右雙清閣詩一卷詩餘一卷為武進趙厚子廉使繼配方
夫人遺著廉使以道光六年進士歷官贛皖游擢鄂臬曾
文正為撰神道碑極推重之著有幽棲登樓等集方氏同
為毘陵世閥夫人兄彥聞大令所著萬善花室集風行已
久陳左海撰志述大令愛趙氏妹有曰吾無弟倚妹為弟
是則夫人之濡染於哲兄者雅可想見以故閩中命筆一
歸雅正無玉臺金荃餘習詩以伉儷唱和為多魚軒所泣
輒有題詠讀和外見贈與悼翠姬諸篇尤見如賓之敬逮
下之慈有不能見諸尋常中幅者子烈文世稱惠甫先生

雙清閣詩一跋

以文正特薦官易州知州中歲抽簪僑於虞麓天放樓金
石圖書之富標映南中鈺與先生次子寬同應癸卯 召
試名志相好卅餘年矣每述家世舊聞輒為神往涉園印
成此冊為識其所知者於後卷中小注審為惠甫先生附
記宜分別觀之己巳九秋長洲章鈺謹跋時寓津郊之求
是里

聽

宜

高

上

竹

金

沔陽盧氏慎始

基齋刊於都門

聽春草堂詩鈔卷一

河陽周揆源

過邯鄲謁盧生祠

富貴功名只任天
人間歲月亦遷延
却疑上界匆匆過
一夢翻勞四十年

黃沙捲地月光寒
尙說盧生此鍊丹
笑我矇矓貪睡穩
一宵無夢過邯鄲

夏日襄河北上大水

灑淚辭家日
淒淒事遠征
風狂吹水立
浪急擁舟行
暮色襄江路
浮雲楚客情
南漳帆影過
一夕抵樊城

奉諱旋里舟次高郵謁陶雲汀制軍贈句

聽春詩鈔一

見說蘭橈動錦城
滿湖燈影一宵明
孟嘗門下三千士
范老胸中十萬兵
早有治安邀帝眷
間於風月結詩盟
福星久耀東南郡
都仰鮮于合再生

沔邑大水紀事

竟陵古名區
田畝連阡陌
千里周幅員
秋禾春登麥
江漢夾其間
隄隄恃一脈
詎自辛卯秋
肆虐遭河伯
人與魚鼈爭
宅苦蛟龍迫
哀鴻遍野鳴
渾渾雲夢澤
餓殍與流亡
悉數慘心魄
我歸動經年
平地仍荒宅
咄咄稻梁謀
茫茫秋水白
長堤塞漏卮
曾無補什百
片帆達州陵
戚友頻蹙額
嗟嗟此邦民
富庶多倉積
彼蒼不可知
胡降此凶厄
宸衷憫災黎
屢籌救荒策
所望在牧民
勿忘

天咫尺

荆州懷古

時主講荆南書院

巴東巫峽接平蕪
荆楚當年此巨都
千里江陵曾控蜀
三分漢室直吞吳
登高殊少桓温興
作賦猶思王粲徒
滿眼荒坵今昔感
沙蟲猿鶴一悲呼

舟泊潯陽

潯陽渡口晚停舟
司馬前曾賦舊遊
商婦羈人同過客
荻花楓葉自深秋
滿天風月孤亭占
一夕琵琶萬古愁
莽莽滄洲舒醉眼
青衫不獨濕江州

舟中望廬山

一帆駛過潯陽渡
望裏廬山隱雲霧
廬山面目不可識

聽春詩鈔一

但憑一面屢迴顧
我聞香爐峰頂匡君居
時有仙風來吹噓
九疊屏開太古初
直從五老窮匡廬
我舟恍入天鏡裏
嵐影波光渾太虛
可恨遊踪不少住
天根地窟坐自誤
眼中蓮社柴桑里
縹渺有無隔雲樹
遑問襄陽太白與
香山河處高咏雲間路
自古名山待遊人
遊人不道山如故
大宋迄今八百秋
東坡遊後孰再遊
山靈笑我匆匆過
百年幾時寄閒鷗

四月抵章門寓李秀廷同年

烈文公寓

同是宦遊身
別久忽聚晤
時述別情
風景恍如故
憶君春明遊
龍巖閣
朝暮名場話
苦辛春霜又秋露
時共把盞權肺腑
藉傾注
君今展鵬飛
綰符章江路
洲花媚

新城高閣擬才賦定種河陽花一縣歌五袴嗟余戀遠
征渺渺千里渡遊子滯天涯何堪首西顧嶺南風月多
肯貪烟霞起來年上征車韶光何時駐作詩一別君江
天渺孤鶩

由南安過大庾嶺記程

淼淼章江水曲折一帆通水逆憑纜挽時或借順風順
風不常有客行愁途窮十八灘尤險盤紆度蠶叢逶迤
赴南郡始得卸征篷庾嶺高無際千仞時蒼穹聞說唐
代始拓地開疆雄險隘由天造一水判鴻蒙嗟我遠行
客到處類飄蓬雲樹看蒼莽藉慰羈旅衷嶺上梅萬本
一望煙濛濛所恨非十月開難借天工從悟名勝地早

聽春詩鈔一

主

來亦無功隱逸殊和靖仙夢想師雄且留餘芳好回首
憶匆匆

登觀音岩

岩巖峙一山孤立無依傍我舟艤山前昂首千丈曠絕
頂撐河心嶽崿疊青嶂舍舟捫藤蘿壁斜身屢讓縑客
導前行一步一俯仰石乳滴清泉瓊漿流盪漾白晝秉
燭行循循層級上曲折赴山顛窗櫺始透亮蓮花一座
開上現大士相詢知開闢先慈悲天生狀跌坐山脈間
蜿蜒列屏障下界萬丈低一望空所向俯瞰水東流奔
海千里浪仙地仙人客懷藉舒暢安得渡慈航人海
樂無恙

舟泊衡州雨中望衡山

煌煌祝融帝所宅歷代神威鎮湘澤我來朔風初戒寒
蕭瑟一天霜氣白忽爾醮墨隱仙關七十二峰杳靄間
山魘木魅同嘔啞陰霾何日開霽顏耳畔烏鳥慘欲暮
疑是二妃返葬處不然仙樂張軒轅妙響吹繞洞庭霧
吁嗟乎炎綱火維南正宗胡爲天柱紫蓋坐令元冥迷
千重待訪漫叟誅茅地朝朝九疑尋仙蹤

伏波銅柱

湘南徭尚爭蟻附世藐王章久不悟一自干羽格三苗
迄漢五溪頑如故不有將軍輪智謀隗噐一軍僅孤注
荆蠻百道叢莽開舊是當年誓師處卽今土司如雲屯

聽春詩鈔一

四

昔日軍威今大樹行人一上洞庭舟舟人遙指湘陰渡
柱高十丈歷千年土花斑爛撐雲霧噫嘻哉石馬荆棘
付塵埃王侯將相紛無數不是精誠貫兩間那得風露
長捲住

過洞庭湖

天際歸舟指洞庭風帆沙鳥感飄零一湖淼水涵虛白
數點浮山拍遠青帝子當年湘澤怨騷人終古芷蘭馨
客中莫更聞清瑟怕有魚龍浦上聽

登呂仙亭用壁上韻

湖邊矗矗古雲樓仙客曾經對酒甌天氣陰寒微有雪
風聲凜冽肅千秋千年老鶴飛難返一點君山看未休

問到朗吟亭子路買舟還擬曉春遊

同黃莘農贊揚史鑿坡佩瑄兩侍御遊花之寺看

海棠小酌

驅車南西門結伴尋幽趣春明花事新新花開何處吐
丹久凋謝薔薇落無數錦帳圍鮮葩飽含侵晨露突出
三丈高娉嫋萬萼附不知幾百年蜿蜒成巨樹儻移金
谷園燒燭照蓮步帶雨復烟含定遭百花妬奈何負奇
姿老傍禪房住豈是厭塵囂烟霞供吞吐每聽齋鐘撞
時有溪雲護春睡墨花香曉粧杯影渡飄飄仙乎仙開
落任朝暮不逢羅隱遊青眼誰垂顧縱入杜陵吟難寫
標格素對花酌十觴聊志我心慕

聽春詩鈔一

五

早起赴圓明園

五鼓天未曉駕輿趨禁垣一路石齒齒馬蹄逐雲奔十
載彈指過驚心雪泥痕我愛晨光好初夏氣清温夾道
萬楊柳搖曳飄輕旛杳靄西山氣嵐翠滴平原想見山
人住呼吸通雲根雖然近帝闕風景仍柴門門前昆明
水一碧香山源山松柏樹年年雨露恩人物遊浩蕩
不知有朝昏何處無樂地眼前即山村因之忘得失身
外何足論耳畔晨鐘發東方已朝暾

九月隨同黃樹齋少司寇蘇滋博祿菴大理趙蘇

馳驛天津查辦事件

筮仕始西曹駒光何迅駛丙歲迄於庚十五歷鳳紀內

廷降詔書皇皇執鞭捶天上耀雙星海門盼星使結伴
喜同司名會附太史同事司徒主政短日寒天催三朝
戒行李茲行敢自矜明允古賢比惟勵冰淵衷勿忘服
官始望望天津橋橋水何瀾瀾願鑒微臣心差免隕越
恥

十一月隨同黃樹齋柏靜濤兩少司寇馳驛陝西

查辦事件

僕僕河津解轡忙又傳天詔赴咸陽一雙星使秋曹出
百二秦關古道長碧海軍中初罷鼓時暎夷犯黃雲隴
上正嚴霜料知到日殘年近椒酒都應泛十觴
將赴咸陽奉旨先赴山西查辦事件

聽春詩鈔一

本

會聞秦隴互雄關峻嶺先從獲鹿攀西晉民多前代俗
南天門是最高山老臣丰度瞻雲署晉省楊海梁中丞
簡友輩聲華萃玉班時喬見齋方伯用遷羅蘇溪廉訪
放繞典勞辛階首郡崇光皆同鄉素識此去無煩感岑寂名垣遙指翠微灣

謁阜陶廟黃樹齋司寇以刑期于無刑五字分韻

余得于字

洪洞城西路盤紆中有聖臣舊所居與夔稷契佐有虞
爽鳩氏兼刑政敷開闢五教一手扶千年神宇峙康衢
入瞻神貌清且臞上代衣冠古髭鬚四子相禮來于于
詢知聖裔備文儒手攜譜牒支派符始知傳記滋惑愚
六蓼被滅只舊都支系豈云世代無前指墓門山之隅

數千百年夜棲鳥吁嗟乎秦漢以來事征誅往事憑弔
多模糊安得奕業守山岵人世代謝無榮枯豚魚忠信
格以孚德洽民心理豈殊虎而翼者胡爲乎曷弗展誦
古典謨

渡河宿潼關

魏戟千仞聳巖關百騎都從嶺上攀秦漢當年曾壁壘
古今依舊此河山危樓人影爭雲出古樹斜陽趁鳥還
逸興一生耽五嶽詰朝定可識烟鬟

差竣過灞橋

灞水東流去不停長安古道此曾經橋邊一樣垂垂柳
偏送行人過短亭

聽春詩鈔一

七

綠柳年年曳古橋咸陽宮殿影蕭蕭到今不獨離人感
送盡前朝是此條

宿華陰楊家花園

園依華山拓地數畝滿院全種茶竹高可三四
丈中以白石闌干爲徑竹內雜種梅花無數詢
係附近曾任方伯楊氏別墅不詳名字是日登
山後花正大放幽香撲鼻傍晚每本懸以小紅
燈與夜色相輝映夜半登平台望華山飄然若
仙輒流連不忍去云

華陰落日下峻嶒曲院幽欄綠幾層萬樹梅花萬竿竹
一天明月一林燈仙居誰許長消受福地從來得未曾

明發潼關揮手去何年振策試重登

都察院奏交通州康王氏謀殺姑逆案奉堂派余

同譚竹岩廷襄耆九峰文星岩煜三正郎楊安

卿文定司徒子臨照兩主政同審月餘案多疑竇

奏奉諭旨添派軍機大臣會同檢驗始就平反蒙

旨優獎原審各坊官問遣新疆

刑書前代鑄固圍總堪傷暫緩三旬獄如飛六月霜丹

霄天著象白壁夜生光叙雪垂明鑒中宵未敢忘刑部叙

雪堂

四月奉諱旋里赴岳州再登呂仙亭用前韻

莽莽閒雲落古樓有仙會此醉千甌君山隱約看如點

聽春詩鈔一

八

湖水平漫直入秋世界三千隨處是鐘聲百八幾時休
我來遙指朗吟路也著芒鞋兩度遊

再登岳陽樓用前韻

一夜狂飈吹不散洪濤直捲萬山來風聲疑帶湘靈怨
澤畔猶憐屈子才渺渺烟雲難問鶴悠悠今古且啣杯
眼前過客滔滔是何日江帆去復回

武平令劉公殉難詩

沔邑康熙志載劉昉字章尹順治辛卯舉於鄉
官福建武平令以廉慈稱及逆賊倡亂閩省公
力難獨抗城陷妻金夫人望賊蜂擁入署遂自
縊公被執誘以官不從固圍拘繫累月迫之助

餉免死公罵不絕口日王師旦夕至行將汝曹
殲賊怒卒殺之武平恢復後邑人悲其忠烈狀
聞督撫俟會疏請卹云云後之纂志者遺未載
詩以紀之。

人生生死第一關或輕鴻毛重泰山忠臣可死不可辱
煌煌史冊照人寰異哉劉公武平難聞者咋舌駭且嘆
烽烟直逼斗大城孤堞不守危一旦夫人捐簪死陣前
倉皇鏡月慘難圓公方軫念守茲土誓與黎老共生全
四面楚歌譁聲起虎狼啞啞震耳裏宰官率等罪囚身
那能不降又不死可憐盼眼春復秋杳無天兵下汀州
君門萬里成隔絕瘴海長埋義士血自昔捐軀報國中

聽春詩鈔一

九

日星炯炯光不滅嗟嗟俎豆酬異勳爾時褒卹竟無聞
如斯大節炳天地史乘一旦付闕文卓哉張君歌激切
竹人纂集州志見後搜羅前史表忠烈大義不刊在兩
志未載以詩紀其事間狂呼此案應昭雪

瓦盆栽藕數枝開花一朵紫萼重疊中包雙朶劉
壽門云此瑞蓮也用蘇長公聚星堂韻記其事

紅蓮白藕碧荷葉沁人心脾淨冰雪呼童前溪採荷根
培土沃水渣滓絕瓦盆漸漸茁嫩苞經旬不開風不折
昨夜雙花並蒂生照眼紫萼光不滅前塘萬荷不敢開
雙鏡閃閃飛電掣我聞芝草與瓊花祥雲瑞靄燦成纈
疑有玉女散天花醞釀仙葩落瓊屑劉郎今自武陵來

同時賞玩驚眼瞥直須錫名雙牡丹桃源主人復何說
眼中春花久飄零豈但壓倒海棠一樹鐵今春移鐵樹
海棠未開

戲題劉壽門上舍美人對鏡圖

臨粧仔細學嬋娟手把菱花轉自憐願祝此生如鏡裏
年年人影一般圓

難分情妬與情痴鎮日粧臺無語時忽爾鏡中添我相
是空是色費疑思

題美人坐倚薰籠圖

獨倚薰籠久宵深玉漏長何如春睡足有夢到君王

題美人看書圖

悟澈身前夢攤書索解時無論聰慧否怕種一生痴

聽春詩鈔一

十

自岳州歸和家商玉學濂贈句

獨有池塘夢長縈去客舟一亭湖到眼萬頃月當頭極
浦歸帆遠寒星入水流巴陵多勝槩鴻雪記前遊

題陸子玉上舍鍾珣池東樓用蘇長公韻

半生浪迹似萍葉帽影鞭絲走風雪亦曾海嶽驚奇觀
蓬閣仙域屢嘆絕敢云大地撐心胸但有邱壑亦腰折
我登陸子池東樓夕照秋月看明滅一旦荷花四照開
眼中霞光電影掣可惜湫隘溷塵囂難比天花燦紋纈
爭似富貴爛熳場一現曇花復何屑吁嗟乎丈夫立志
期遠程十洲三島爭眼瞥樓台烟雨瞬息間為子借花
一陳說子不見華峯頂上踏破十丈蓮只有道人脚似

鐵

十月望日登燕子磯

兩度磯頭過匆匆等夢遊
頗餘蕭洒性不繫去來舟
古柏橫前渡孤峰枕巨流
宸翰雲際峙高聳百餘秋

九日雲南司主政蔡葵洲鏡泉昆仲約登天林寺

次雷鶴臯給諫以誠韻

掖垣連轡發爲了看花綠
友結雲中侶涼生雨後天
墳壟兼作主濃淡合成筵
是日寺僧亦備素筵回首登高地京華已

廿年

五月隨同福元修侍郎濟駱雲門學士秉章馳驛

河南查辦事件和李春醴主政維醇汴州原韻

聽春詩錄一

七

黃河千里渡鞭影大梁停
花憶東京艷燐餘古苑青
堆沙撐嶺勢中牟口潰汴城淤低丈餘
新館聚凹形獨有澄清客李君萬居

登樓吟聲月下聽

朱仙鎮謁武穆廟

百戰將軍志未休
宸聽粹爾閉奸謀
竟因三字傾宗社

非但諸陵罹近憂
生氣早扶湯邑柏
忠魂長繞洞庭秋

一望平楚天昏黑
風雨蒼涼古鎮幽

道中得李秀廷同年烈文歿於粵東節署凶耗哭

以詩

辰星

辰星一旦隕南天
萬里傳書倍黯然
綿邈嶺雲人不返

凄涼楚月夜難圓
身羈斷梗飄蓬裏
夢在孤燈旅館邊

記得江干酒行淚當年早判死生緣

宿商虞廡

金堤渺無際日午事長征
綠樹濃於染黃河夜有聲
誰將秋意思對此月晶瑩
京國應同聽寒蟲一夕鳴

徐州早發

徐州山下路行趁雨餘
天殘蓋承秋露晨炊起遠烟
河流東去大帆影北來懸
芒碭餘荒草凄凄漢代年

戴家樓早發

侵晨鳩婦喚天氣半陰
晴秋宇人清爽與夫足健行
柳排雙陣勢河挾萬軍聲
戰墨荒烟外何從認舊營

過露筋祠

或稱鹿筋或稱露金記傳不一今遵廣輿記得詩一首

聽春詩錄一

三

古有烈女子久崇高郵祀
但聞清潔名不傳女姓氏
豈避時勢艱倉皇事遷徙
不然篤姻親問及諸姑姊
姑嫂約同行岐路異桑梓
天黑雲四垂投宿何方里
嫂指田夫家蓬門接尺咫
而姑默無言嫌疑界瓜李
嫂見姑詞堅嫂行姑且止
酷矣負山蚊腥羶蟻附比
天影慘陰霾宛轉蔓草裏
玉質知難完甘心一夕死
嗟嗟蚊豈何猖狂微物凶暴
等虎兇不惜千金軀如撼
大樹蝥蝓熱血剩一腔軀壳
委做屍名節爭須與馨香
薦蘭芷淮水清且長鑒心
如此水

過金山和存秀岩同福元修侍郎先登韻

金陵萬派擁煙鬟第一名泉第一山
寺聳孤亭吞大海

天留砥柱鎮雄關胸中河嶽懷先吐頂上星辰手易攀
惜我風帆遲半槳使君早帶白雲還

無錫舟中適存秀岩過談次韻

隔艇遙遙借信通客星今喜降雲中飽看一路山兼水
重話三秋雨又風不為消愁纔把盞却因放眼暫推蓬
晉陵近有同舟約燭影頻搖午夜紅

登獅子嶺

姑蘇少山山更奇骨稜峻削光陸離聞經雲林畫師手
手不畫石石幻獅自此錫名石獅寺點綴盤紆關匠意
幽壑疑有蛟龍飛岩穴時聞風雨至我聞五嶽鎮寰中
磅礴渾淪無終窮上有萬古棲霞客九霄時時來仙風

蘇春詩錄一

三

視此結構拓半畝何殊土壤一培塿那有十八盤路達
天門七十二峰環座右更有玉女元君駕鶴入荒走
我遊一洞一迴環漸覺滴翠濕衣斑一洞斜穿數十洞
一山包含萬千山或徒倚兮俯視或踟躕兮仰攀縱不
能神栖丹室眼達仙關亦疑有虎豹隱雲霧猿鶴叫林
巒咫尺便作萬仞觀吁嗟乎須彌芥子幻形狀神工小
試狡獪相待到嶽頂歸來時亦似振衣溟渤上

登焦山謁椒山祠

我昔飽看太華蓮玉泉山麓卧焦仙神踪跡不可測
鶴羽又飛此山巔飄飄萬仞躡雲履下視塵寰等敝屣
茅屋三昧火燭天枯寂老卧水雪裏鳳闕三詔道人來

雲封煙鎖局不開西望吳楚江千派東瞰扶桑海一杯
乾坤開闢山如此山名從此屬仙子我謁椒山祠我讀
椒山詩寺存椒山詩滿幅諱尉南天偶然耳廿年讀書抱襟
期椒山詩飲酒直把椒山作焦山羽客忠臣兩奇矣焦
仙風骨雲霞似椒山氣節雷霆駛一身只抱浩氣終萬
古同看江流水噫嘻哉名山之重不重山中有奇人山
不頑逐逐塵埃驅電影百年幾人列仙班試聽萬壑發
清籟都在十丈紅塵外乾坤撐持要有人俯仰不覺天
地大

登平山堂

廬陵公昔揚州守花月在戶雲在手大江以南聳千峰

蘇春詩錄一

十四

到此偶得一陵阜平地為山山為堂三字翰墨搖星斗
我昔五度掉輕舟孤負名山顏徒忸主人導我曲榭行
不見瓊花但秋柳搖落秋風年復年送盡行人南北走
可憐葬盡玉鈎斜紅粉千年一培塿古井猶餘第五泉
摩挲鐵欄殘蝕久玉乳不浮七盃茶野草萋萋鋪半畝
君不見東山絲竹寄高踪牧之風雅稱詩叟天教唐宋
開騷壇山川精神一抖擻一自閣部羈忠魂梅花無主
空對酒古月今月一樣明二分明月今在否且須呼友
傾滿觴一滴或可奠歐九

望泰山

兒時美岱遊欽慕子孟子泰山小天下寤寐切仰止一

覽小眾山少陵亦嘆美想見精蒼天萬古籠罩裏我自
隔靈岩愧未出鄉里壯歲燕趙遊只經河洛埃望眼有
無中無緣窮端委今喜隨星輅登封門咫尺我聞桃花
岩徑達龍泉水再上壺天閣白雲蓬蓬起黃華蓮洞間
碧霞宮在是由此步天關元君尊無比更聞望吳峰孔
顏曾駐此上有過化亭百代崇廟祀嗟嗟道難名聖蹟
原在邇夫子宮牆高未獲一仰視聖德與名山兩者存
疑似垂老不即遊百年可知矣我思遊岱人悉數難屈
指山神自巍巍不拒亦不喜亙古泰嶽尊誰與窮終始
輓劉紫溪上舍歿于吳門

書險畫幃逐輕塵纔別吳門幾夕晨芳草新紫嘶馬地

聽春詩鈔一

五

玉樓竟待校書人那能寒寺重聽雨莫向山塘再憶春

長枕溪雲眠亦得不堪回首百年身

陸立夫函云己安厝虎邱山旁藉遂

平生臥遊之志一妾一子送至清節堂守志勸讀並措銀二百交堂行息待友諄諄如此

聽春草堂詩鈔卷一

河陽盧靖校刊

聽春草堂詩鈔卷二

沔陽周揆源

郎中俸滿截取五月四日召見奉三無私殿

一紙宣麻出上方午盤粽黍正新嘗廿年鷺序依光近

五鼓鳧趨待漏長讞鞫六州邀帝眷漢江二水是臣鄉

蒙上垂問出差各省及蓬山咫尺歸來路猶帶宮爐滿原籍居址據實奏對

袖香

和蔡菱洲比部餞別陶然亭韻

黯黯秋陰離別天陶然亭上舊風烟偏嫌涼月忙于我

一盞初浮到客筵

斜街一路選花場同解腰纏買艷香此後月三車上過

聽春詩鈔二

都人只認蔡中郎土地廟花局每月逢三開市

和家黼廷給諫有篋餞行韻

十年同部儼同堂退食頻聯詩酒場萬樹蒼蒼秋欲老

一輪淡淡夜初涼多栽翠竹知君健偏惹寒雲送客忙

海嶠茫茫五千里何時再挹蕙蘭香蔡菱洲寓有如蘭似蕙堂額

九月由通州舟路赴閩

菊花杯裏餞殘秋又作迢遙海國遊屈指年華如去水

到今四上木蘭舟由通州舟路往返四次

由瓜州赴金陵陸立夫制軍之約

金陵曾記度江關燕子磯頭灣復灣竟日風帆不得泊

明朝穩看六朝山

橫渠講學舊同窗同受業張蓮博師門下百斛爭先力獨扛竟仗

開山五丁手看君八座鎮三江

蹉網漕務兼治河三大政誰平舛訛更有關心桑梓事

哀鴻滿地楚江多是年沔邑大水

七里灘

四百年來帝運摧漢家宮殿久塵灰惟餘風月無今古

江上人曾把釣來

廿八英才龍虎騰先生老坐白雲層客星自是升沈定

難得台名屬子陵

題陳司訓承諫詠歸圖

嵐光翠影上春衣斷續清歌韻欲飛今日鶯花猶在眼

聽春詩鈔二

馬蹄故故踏雲歸

送春春意欲何之綠慘紅愁鳥語悲究竟桃花自零落

春風總有再來時

監試內闈中秋日作

曾是平生辛苦地文場今向八閩開量裁玉尺歸天使

領袖霓裳盼雋才是日兩典試尚未得元一局殘棋閒裏置百年

秋思醉中來試看萬里關山月圓到十分知幾回

闈中題黃黼卿理少光霖烏林磯觀諸葛銅蒺藜

圖

烏林磯頭水漫漫上有赤壁古雲盤客手攜來千載物

眼底霜鏘光生寒當年祁山陣平列烏蛇風雲光明滅

蠻兵紛紛撲流沙中有萬古寒泉咽先生星斗羅心曾
鏽鑄青銅光芒徹稜角森森排萬千利比劍戟堅比鐵
至今土花猶斑爛寸物千秋餘芳烈摩挲怕動水龍吟
一片蜀岡出師心安得巾扇長在手蠻烟一掃到于今

和馬賓侯冬雪用蘇長公尖叉韻

朔風簌簌酒修織鐵馬丁東儼戒嚴茅屋光連瓊玉瑄
行厨味佐水精鹽最宜明月魄生夜可有梅花香到檐
料是將軍揮劍起龍鱗戰退上雲尖

湘南軍陣勢排鴉時楚南告警時序龍纏欲轉車鄂渚士方

嚴鼓角海隅天尙落雲花琳宮琅苑疑無地老屋寒江
獨憶家北郭春山成隔絕漫漫何處辨三义

聽春詩鈔二

九日擬登廬春山不果邀友夜酌

長空雁影帶秋來咫尺禪林戶早開幾朵茱萸同挿帽
一天風雨快擎杯花身依舊圍鈴閣觴政居然肅將台
漫觸悠悠人世感座中誰弗解憐才

啼鳩喚雨半山來鎮日愁雲掃未開滿院秋陰涼到竹
一窗燭影綠浮杯郵筒喜報黃花日刁斗纔停絳帳台
得家書武昌收復紉纓祥烟遍三楚高歌唱望眼古卿才

送伯兄虎臣旋里

樵嵐曉望烟光紫征途遙隔一溪水行人獨上溪北船
秋在江天雁聲裏湘南軍書紛星馳干戈擾擾客何之
到日天寒風雪繁應話滄桑感別離我家竟陵結茅宅

漢水依依在咫尺想見鏡影波光間照見遊人鬚髮白
極浦沉沉紅葉程此時孤雁正南征猶憶臨歧洒行淚
如聞寒泉幽咽聲

登秋聲樓

按邵武志樓爲元處士黃元鎮建

西塔之間商飈起瑟瑟吹向白雲裏空山不斷讀書聲
中有前代存存子延祐自昔科名開挾策空上黃金臺
報罷歸耕城南舍澤畔終老屈宋才幽草獨芳向誰語
等閒歲月自來去越王臺畔吟風時烏坂橋邊問月處
曠代幸有櫟園公騷壇從此雄西東至今蒼茫萬木裏
感慨興廢泡影同先生耽吟苦寂寞一生情隨秋葉落
隻手不釣海上鰲孤鳴長倚雲中鶴就中鸞鷲與鸞鳳

聽春詩鈔二

紫雲同響中宮商奇哉一家兩詩客前有二嚴後二黃

我今仰止懷蘇白神鬼百代護丹冊由李明經春祺梁孝廉時泰檢出嚴

華谷黃子肅詩卷擬合刻惟川四家詩集手攜君詩登君樓森森古木生寒

碧那得滌盡萬古愁放眼乾坤心悠悠年年人隨秋光
老身在秋中那知秋君不見春山之右鰲峰左羣仙伴
侶吟魂妥解釋秋心是禪心便算滄浪後身可

九月詣黃土關查工有序

黃土關在邵武西鄉爲新城入閩要路道光十
六年間經前任修城時一並興修規模粗具難
以捍禦外寇本年春粵匪滋擾九江諭紳董繪
圖興工關上加城樓兩層兩旁翼以雉堞並上

下兵房數間迄三月報竣五月粵匪攻江省閩
中土匪四起乃會營派兵防守委員就近募勇
嚴查奸匪出入又諭附近金坑編甲嚴守勢甚
連絡宵小不敢窺伺地方獲就安堵九月余親
詣查勘見崇岡峻嶺中峙一關高踞百丈俯瞰
新城關鎖嚴固非徒以備觀瞻而詰奸禦暴實
有賴焉是日途中得七律一首兼詳年月俾後
採入輶軒有所依據

崎嶇百里赴關頭鷹隼摩空射獵秋絕頂千尋風鶴靜
懸崖百丈鳥猿愁竹排箭筈青圍帳雲作旌旗翠擁樓
午夜不聞刁斗急羽書差免速星郵

聽春詩鈔二

五

詣杉關查工有序

府志載杉關建自唐代至明洪武三年增修雉
堞甃以石門而關其上後未議修今城上存有
石額一方款載康熙年月疑當耿逆之變復經
小修郡縣志俱未載書缺有間殆不可考也上
年粵匪滋擾楚省奉文防堵因杉關爲閩省西
戶不僅爲樵川保障爰諭紳士速議捐修飭光
邑趙捕廳秉楠董其事並雲礫鐵牛火燒山頭
馬陵各關次第興修今夏杉關報竣餘亦先後
完工九月余往查勘較前規模倍加完厚並築
左右石城三百餘丈添設礮臺望樓及上下兵

房一律完好可期垂久洵閩西雄關也計費逾
萬金而在事諸人勸輸督修不憚勞瘁得以集
事歷代未議之工一時並舉將來遇有警報備
兵此地雖數十騎可作萬人敵也喜得七律一
首兼詳興工年月俾後載入志乘得悉原委云
舊是閩西第一關成樓新廠待躋攀高捫星漢三千界
俯瞰章門萬疊山雨後時看雲出沒天邊祗有鳥飛還
從今西顧狼烟靜兵氣應銷日月間

石岐山新建行春關工竣詣查得句有序

本年四月沙永賊起集眾紳會議策防余以山
地扼要全在隘口已於江右告警時修築杉關

聽春詩鈔二

六

黃土關等處西顧有險可據矣乃議建關東門
外石岐山題曰行春關築石建樓劉去河邊舊
路添設礮臺數月落成登樓憑眺見關凌百仞
門容單騎洵天險雄關也喜成七律一首

獨闢蠶叢萬嶺間城東又峙此雄關八閩戶借重雲鎖
五色星真一手攀伏虎居然添猛士山左有啼猿不敢
嘯前山最宜庾亮南樓夜高踞胡床月正彎

宛轉歌有序

余見徵君何雪巖和張竹人宛轉歌有悲時事
一章讀之感慨我朝兩百年海宇昇平仁風翔
洽自粵匪滋擾蹂躪數省荼毒生靈莫此爲甚

想神人共憤不難指日蕩平惟回憶被害數十

郡縣言之悽惻聞者應聲淚俱下也僅就所聞

沿江數省作歌十章聊志悲憤云

狼烟起肇蠻鄉裏碧蓮峰下煽妖氛白水湖邊延禍

水庚戌前粵西賊眾蠢動歌宛轉宛轉歌一曲願為仙

與佛早解生靈獄粵西

湘水流此恨更悠悠專閩萬兵空自衛洞瀾千里仗誰

收間統兵大吏久駐湘潭歌宛轉宛轉歌再鼓願為鴻

與雁飛過衡陽浦湖南

江上愁機槍逼鶴樓寒雲鄂渚天無色尸枕長江水不

流歌宛轉宛轉歌三弄願為江與漢只載慈航送武昌

聽春詩鈔二

哀江南空絨淚一函臣似忠襄甘赴義謂陸立夫制軍

陷建康守臣鄧邦父殉才非蘇武竟生還有大吏棄金

難後諡忠襄祀專祠天昏黑陰霾雲四塞二分明月無人看多少香魂招不

得歌宛轉宛轉歌五聲願為花與柳再種維揚城揚州

難勾流風流一旦休又覩兵焚前赤壁可憐月冷古黃

州歌宛轉宛轉歌六奏願為岡與陵長共雪堂壽黃州

朔風起雲慘江臯裏古堞空傳却月高美人多傍桃花

死歌宛轉宛轉歌七絃願為鳳與凰山飛集山之巔

才斗鳴皖水流無聲空有小姑撐鐵柱曾無餘闕守金

城聞大吏帶兵屯小姑山見賊先遁歌宛轉宛轉歌八闕願為蛟與龍

興雲護江穴安慶

歌款乃打槳聲何在火延浮塔忽燒天血染中冷直到

海歌宛轉宛轉歌九迴願為雨與露沾潤遍江隈鎮江

柄轉斗天運人知否飛灰早閃陽和光撥霧頻經霹靂

手歌宛轉宛轉歌十疊願為雲與霞捧日向天關

六十自壽

六十年華等逝波茫茫人海感蹉跎駒光半逐名場去

鴻影長隨客裏過骨格撐持留故態脚跟站定認行窩

殘棋一局纔收拾可有旁觀說爛柯

聯攀桂杏近丹墀猶記西曹逐隊時一介居然參鷺序

雙親久未遂烏私榜下分部時先嚴年七十以清溫

聽春詩鈔二

多感鵠原意似續長榮燕翼思子舍空悲雲渺渺不堪

再誦蓼莪詩

四牡勞勞策去驂星軺叠荷聖恩覃庚子辛丑出差北

三省共歷朝識典期惟允一勾廉泉只戒貪足跡敢誇

天下半襟懷時對友人三出差同行部燕南薊北重回

首海國遙遙隔暮嵐

聽報官階五馬臨九重垂訓示官箴已酉京察一等又

恩恭聆聖廿年春夢醒纔覺一座亭雲思不禁麟閣全

資調鼎手駕班亦抱濟川心最宜作郡深山裏空谷時

聞太古音

縮符芝水又樵川表率深慚歷五年敢向文瀾誇砥柱

建郡西瀾書院為朱文公講舍多年被下府土匪二百餘人霸租六百餘石余嚴辦十餘匪租歸書院諸紳送有文瀾砥 怕嬰塵網惕水淵事關飢溺思援手光邵溺柱堂額 經費屢絀余倡捐並勸 力闢荆榛肯息肩癸丑辨理聯紳民出資已經二載 甲並修關隘

垂老依依念友生無端鼙鼓動邊城爪牙原許推名將頭角堪憐屬上卿滿眼關山知已淚十年尊酒故人情

粵匪倡亂聞羅 他時再向江樓過玉笛難禁嗚咽聲

身世觀棋着子忙局中勝負亦何常一堂樂地恩曾篤

先君同先叔輔材公一堂友愛恐 多載畚田願未償親

余小時廢學命虎臣伯兄授讀 潤擬置義田備荒未逮但有詩情慕元白從無情夢到

聽春詩鈔二

九

開筵色色李桃紅人在芳闌曲院中海暫羈孤鶴志浮塵總碍白雲衷杜鵑啼雨春愁暮玉竿傾觴酒易空但乞種松多歲月升沉一任信天翁

題何雲岩徵君問月圖

原叙丁未仲冬望夜同友人補賞中秋飲後踏月山亭快談竟夕暮年此會殊不易得在座周東序工繪事爰以問月名斯圖

昔有狂客攜斗酒對月曾問幾時有茫茫世宙閱千年更誰問得月來否何君慨然寄遐思賞月偏在中秋後一輪蒼涼一天秋節後倏忽過重九呼朋且唱大刀環不管浮雲變蒼狗每屆三五夜團圓看從海上映戶牖

圓鏡曾照古今人終古玉盤天上走謂月多情月應喜謂月有恨月豈受悲權只視看月人於月何功又何咎嗟嗟三萬六千年霓裳紫雲聽亦偶有月何必定中秋無月幾人杯在手但願照遍恆河沙到處光天躋仁壽大千世界寬復寬奈何百憂徒紛紛糾持此問月月無言中庭地白空搔首不愁好月不長來但愁香醪不滿年主人久不住醉鄉恐月笑非杯中友徵君不

聞金陵失守陸立夫制軍殉難誌感

驀地江烟戰鼓鳴使君奉詔握天兵東南壁壘餘孤注億萬生靈寄重城力盡睢陽唯守死城亡閣部肯偷生倉皇碧血埋何處遺恨應聞太息聲

聽春詩鈔二

十

采石東梁據上游前朝戰壘鞏神州竟無鐵鎖橫江路已陷金城失將謀燈舫消沉河月夜秣陵冷落翠雲樓狂瀾既倒憑誰挽渺渺秦淮一水愁

題琴仙校書執扇畫蘭次張竹人韻感金陵之變也

分明紙上墨痕仙韻事秦淮憶去年舊月團團如夢裏可憐花影自娟娟似會和淚寫愁痕香草於今猶斷魂未識琵琶抱何處更誰重認舊侯門

八月赴漳州督帶兵勇同梁弼臣翼之總戎征勦

梨林土寇重陽前一日和委員羅楷卿司馬上楨

溫陵道中韻

蠢爾頑民抗巨州，別奸須建百年猷。豈無國士儲長策，恐蹈虛聲溷濁流。傾蓋如逢故人語，持籌便悉久安謀。一篇感泣天風起，原集多表看劍幾回臨客郵。

梨林凱旋紀事賦長古一首

閩南風氣習獷悍，雀角蝸鬪等戲玩。粵自癸丑妖氛興，鄉井從此階禍亂。正供頻年多虛額，賈人百貨滯行車。梨林彈丸一隅耳，聚族乃敢肆爪牙。大吏下令迅如水，總戎先期嚴壁壘。八百獍狝擁如飛，旌旗直搗巢穴裏。太守居然似中權，梁總戎耿壽朋太守皆先至兩日我亦振策後勁比。彼匪始猶抗我軍，鎮日相持勢莫分。曉以大義示恩威，

聽春詩鈔二

七

繼乃奔突散獸羣，推倒八樓摧枯似。獨有一樓如山峙，設計誘取闢重門。纔入虎穴得虎子，屹然巨藪一洗空。傾巢不煩張弓矢，旬日荏苒復刈譬。之迅雷震曠，孽獲犯數十名，正法十名，可憐瑄溪喧闐地，百粵珠貝走餘皆訊係脅從保釋。輕騎一自羣奸虜集，斯萬戶蕭條紛播棄。六月出師屢移杓，虎狼恣橫勢仍驕。天戈所指如掣電，萬瓦鱗鱗一炬消。從知世事戒饕餮，金銀氣不敵堅鐵。觥觥總戎許同心，乃破深巢如潑雪。梨林李姓大族巨富抗糧戕官，屢次懲辦久未向化，近又佔據市場，官兵征勦數月失利，詢及前此委辦各員，以番銀息事，益無忌憚。此次大兵圍攻，欲出重金乞留大樓，免焚余與梁總戎堅拒。之該匪遂無計可施矣。水門連檣達海東，雲帆一道引祥風。賤子差免談戎事，海邦勛業盼諸公。

瑄溪啟行

妖焰消除計浹旬，歡騰父老笑言親。何期豺虎猙猙日，尚有衣冠楚楚民。是日紳民頂香製旗遠送爐篆千家陳祖道，彩旌夾道送征人。書生偶試兵戎事，敢詡登壇百戰身。

宿同安晤邑宰張大令同福

好種生靈福官民，一體同化連漳以。北地轄海之東時，勢方憂杞光陰又轉蓬。相逢悲老大，兩鬢各成翁。

宿泉州

歸途纔四日，午後每狂風。古堞依山峻，長橋跨海雄。前程勞計里，新服卸從容。臺臺垂高碣，何人識鉅公。洛陽橋跨海建立前朝石碑甚多

聽春詩鈔二

七

宿大盈

屬南安縣

見說兵焚日，摧殘剩此村。人多驕悍慣，地恃長官尊。山曠田依石，家貧竹代門。是誰賢宰尹，按部沛殊恩。

白燕四首用李春湖中丞

宗瀚韻

年年認是舊烏衣，此日偏借素侶歸。梅葉閣前音下上，梨花院裏影依稀。慙非紫領同華胄，未免朱扉戀夕暉。畫宇雕梁棲處少，誰家門戶任分飛。

昔年王謝幾家存，村社淒淒欲斷魂。穿過晶簾春有脚，歸從良夜月無痕。只憑玉宇營新壘，肯向朱門認舊村。金屋未容身小住，本來清白是寒門。

儵然毛羽絕塵淄，入世翩翩別有姿。畫閣原來非故主，

玉釵未易盼歸期
掠來明月沉沉夜
語想瑤笙細細時
已分投懷清夢少
閒庭小院暫栖遲

風格生成適等倫
何曾繡戶屢窺人
淒霜零露長爲客
微雨輕烟易感春
穿柳渾同粘絮影
棲巢便是卧雲身
一生翎羽原矜貴
莫認差池逐軟塵

白雁四首用李春湖中丞韻

尺素曾經度遠山
居然風格似仙班
每隨皓月宵辭塞
長帶秋霜曉入關
故國弟兄同淡泊
天涯雨雪又清寒
敢云遼海無棲處
荻葦蕭疎任往還

屢向蘋州奮翼輕
飄飄素影向南征
長排銀漢三秋字
猶憶秦關萬里情
星渚迢迢衝陣遠
鷗波渺渺襯衣明

聽春詩鈔二

十一

一聲清唳天邊潤
何處關津不可行

沙漠蒼茫飲啄寬
不妨白眼任人看
青天碧海行踪異
浴鵠黔烏伴侶難
銀管揮殘秋共遠
蘆笳吹徧歲將寒
卽今雲水同棲處
誰是江南舊羽翰

會傍長門雪裏歸
滄江往返自清羣
沙塵滿地身原潔
鷗鷺經年影共肥
幾處荻花秋易暮
一天鶴夢事全違
祇應避繳關山路
澤國悠悠任汝飛

八月移營稠嶺用蘇長公韻

秋風吹落梧桐葉
戰退鱗甲似飛雪
甌東甌北騰凱歌
將軍拍手叫奇絕
我昔奉檄筦北門
萬山嶮巖路千折
關隘拔地險難憑
攬槍橫天光不滅
不有雄師十萬來

鞞亂旗靡肘將掣
勁風忽掃萬里雲
綵幟看燦五花纓
到此億萬恒河沙
一一摧枯紛落屑
夏間處州松政失守閩北岌岌可危
逆匪屢犯稠嶺攻擊獲勝又調派
兵勇二千協聯守隘獲免竄擾
吁嗟乎軍中天運如
轉環眼前消長快一瞥
回首柳營談笑中
敢比亞父侈
口說漫將戰場比
文塲鏖戰能不持寸鐵

稠嶺中秋

嶺在北路萬山之巔雲霧障天入秋未見月色作短章聊以遣懷

東洋路接紫霄端
露布時從馬上觀
堪笑山民真太古
旌旗認作武官看

西風吹上暮雲端
俯瞰閩山具大觀
却憶年年今夜月
團圓只向一家看

連旬瘴雨蹙眉端
待月空勞倚檻觀
不是清光太矜貴
嫦娥難許客中看

聽春詩鈔二

十二

愁風愁雨總無端
萬事都宜壁上觀
無數青雲生足底
只應身在嶺頭看

移營政和松溪仍用蘇長公韻示行營各委員

十日西風掃敗葉
四山光瑩似霽雪
回首稠嶺困羈人
到此景物殊清絕
元亮辭榮猶壯年
頽老何堪腰屢折
但看玉鏡缺復圓
彗星殘照明就滅
時有彗星見西方
願祝寰宇還太清
無望得亦無牽掣
盪空雲氣早歸山
定有祥

雲紛燦爛嗟嗟世
途空勞勞况復不潔真
不屑九派江水三生夢
十年關山一眼瞥
頽齡要參般若經
石上誰聞生公說
感慨太阿久銷沉
問誰洪鑪錚錚鐵

松政勦匪善後事竣凱旋舟次東游下灘登前韻

答委員章午垣明府光霽

三日輕帆駕一葉萬壑爭流濤飛雪斷岸千尺賦東坡
我亦東游嘆奇絕少文嗜山恣卧遊米老拜石節亦折
天生頑石何所需不逢巨靈勢莫滅舟子一手操復縱
強如碧海巨鯨掣無端天風吼巨雷雪浪滾滾湧花纈
盤曲勢如蟻穿珠決裂預防木槌屑利害關頭在須臾
石電流光瞬一瞥回首去路杳不知前途茫茫復何說
總恃百鍊繞指柔金剛身可屈頑鐵

夏日和姚蔗田茂才長古

長夏天氣苦炎熱兩月無雨乖時節坐令我友隔雲山

聽春詩鈔二

十五

長滯手版晨夕謁南北風氣有異同炎涼母乃失常容
廿載過夏滯燕薊攬鏡霜鬢成老翁西山一帶多澤國
昆明之水環石屋爽飈拂拂厥軒櫺明鏡雙雙豁眼目
紅藕金橋撐萬柄綠楊海澱曳千巡長羨日近長安好
旗亭韻事無比倫閩南昔稱水雲窟星纏宿度竟莫測
疑是炎海趨炎多鼓煽南薰簸火烈縱有潮風來海疆
蝸舍甕牖難招涼安得菩提甘露水一滌人間熱心腸
先生賦性素開拓翩翩衫履少拘縛何處雲山不安閒
却輸寥天高翔鶴我聞江城罷楚歌清夢綠繞湘澤多
猶憶寒門對江水波光雲影星角拖

題邵循伯少尉種瓜圖

逃世不必美許由買山要指東陵頭蝸角蠅頭爭幾許

肯誤名園春復秋安得十畝閑閑外青門寒綠上衿帶
半畦筠籃攜春鋤幾架霜籬曳古籟每當風凜和雨酸
世事都付蟻夢看愧我老大徒局踣展圖回首發長嘆
南北轅駒事奔走何如長鑿持在手買園十笏井廬寬
種樹千頭孫子守斯境未易稱閒身問誰踏破十丈塵
我羨邵子趨子舍乞假赴温州廳署尊甫之任一幅瓜瓞衍古春
庭藉佐斑斕舞娛親榮不在簪組但願早結山靈盟或
許清福屬老圃少尉英年不仕意切侍奉可嘉也

乾隆中大興朱竹君學士筠視學閩中所獲多績

古士凡來謁者卻其贄令人致一石各鐫姓名於

聽春詩鈔二

其

上共得石若干作亭庇之名曰三百三十有三士
亭嘉慶中韓樹屏學使作圖記其事攜回都中題
跋甚夥余因謁徐壽萱少司馬樹屏先生於公署
導余赴亭眺望石仍如舊唯亭額久失擬即補修
並於亭旁建樓以資遠眺兩公培植閩士前後如
遙遙相映也作七古一首

古人取土重土節愛土直比愛石切石情百怪光瑣瑣
士行砥礪貴修潔石交臭味無差池况是采風求俊傑
大興捐潔寓淵中磊磊落落與無窮鐵網珊瑚長在手
琅玕一一致海東我昔十載仰止切登亭今始見高風
硜硜硜硜各殊態高高低低俯仰中或蹲如虎豹或伏

如羆熊或閒似幽士或瘦似詩翁或綽約同處子或蒼
古類仙蹤或孤鶴兮獨立或鷺鳥兮摩空或老人之倚
筇杖或駿馬之馳花驥或雕琢兮待磨礪或玲瓏兮仰
崆峒一石一土鐫名氏周官濟濟將毋同先生導我行
且止舊時亭樹歷歷指可知七閩孕奇英漫苓合歸藥
籠裏尤喜滄海搜遺珠太史輶軒看繼起還擬左右補
亭臺友清舊堂特地開前後落落兩使君海壖自此無
遺才韓公圖記我未見不比寶山空手回

聽春草堂詩鈔附錄

泗陽州志卷九 人物志 宦績

周揆源原名鑣字鐵臣由進士官刑部主事治律明細吏不敢欺嘗平反通州康王氏謀殺姑重案奉旨得優敘先後隨侍郎黃爵滋等經審天津山西陝西河南蘇州山東六省案件時稱平允二十九年京察一等記名授福建泉州府遺缺知府三十年授建寧府咸豐元年補邵武府邵武溺女屠牛風甚熾揆源嚴示禁廣設育嬰堂且與同官釀賞為緝捕費嚴戒武營受規包庇三年粵寇竄擾江右鄰境土匪四起揆源於郡西黃土關築城樓環雉堞會營防守附近金坑一帶編甲嚴查又

聽春草堂詩鈔附錄

修建杉關雲際鐵牛火燒山頭馬陵各關礮臺閩西門戶倚以為重四年署建延邵道士民為立生祠七年督剿漳州平和縣梨林社土匪其地為海船通商要道頻剿未靖揆源曉以利害許其自新計擒渠魁十人置之法餘皆省釋士民歡聲雷動八年克復政和松溪縣城奉旨賞戴花翎復回邵武本任時兵火之後城舍蕭條揆源嚴團防郵遣子稍復舊觀同治元年陞授督糧道旋署興泉永兵備道月發兵餉例扣平餘歲可二千兩揆源實給兵弁感悅與邑紳廣設保嬰局多所全活二年署福建按察使揆源性和厚持重與大吏意岐遂於四年告歸主講邑聚奎書院多所造就復捐修文廟書

院考棚及賓興諸費一時善舉多賴以成著有孔孟年表聽春草堂詩鈔八卷後鈔一卷子應淮安徽巢縣知縣

記周幼珊事

癸亥十二月二日晨起僮以訃進存歿皆不識頗怪之閱鄉人公啟暨死者弟所為狀既悲其遇而欽其人復奇其行而壯其烈嗚呼是烏可以無傳死者周君天植字幼珊吾泗鐵臣廉舫之姪孫鐵臣先生官刑部主事平反大獄咸豐初元授邵武知府粵寇擾江右土匪四起先生築城堞建關隘障閩西門戶四年署建延邵道勦平漳州平和土匪士民建生祠克復政和松溪縣城

聽春草堂詩鈔附錄

晉署福建按察使所著有聽春草堂詩鈔方謀刊入河陽叢書先生姪雲珊大令宰玉山貴溪有循聲祀鄉賢名宦祠大令幼珊父也幼珊以貴公子少年游幕聞親疾星夜馳侍適值末世與時鑿柄發為詩譎以寫情志有留春草堂詩存粵海紀游諸作廉吏子孫貧無以自存司漢治萍公司大冶廠員典守炸藥子芸孫亦任監工職今年六月三日工人不戒於火勢岌岌洞內儲炸藥箱數百稍緩須臾導引爆裂遠遁數百里無噍類幼珊呼眾救皆愕匿莫敢應幼珊奮身往撲中毒仆地芸孫聞警亟往救父出復入洞息餘燼反告幼珊而幼珊死矣芸孫痛父死非命越日繼亡嗚呼幼珊父子一勤

於所事一孝於其親定難俄頃不惜糜爛其軀以抹千
百萬人之生命先後相殉其事至慘以視世之股民膏
血日驅人於死地以縱一己之嬉娛者其慈祥殘酷相
去豈可以道里計哉嗚呼是烏可以無傳里人盧弼記

聽春草堂詩鈔跋

聽春草堂詩鈔八卷沔陽周鐵臣先生撰湖北通志人
物志列傳周揆源字鐵臣道光丙戌進士官刑部主事
嘗隨侍郎黃爵滋審獄天津山西陝西河南蘇州山東
案件人推平允咸豐元年授邵武知府粵寇竄入江右
土匪四起揆源於郡西黃土關增築城堞又修建杉關
雲際鐵牛火燒山頭馬陵各關隘安置礮臺闔西門戶
倚以爲重四年署建延邵道漳州平和縣匪滋事討平
之八年克復松溪縣城同治元年擢督糧道歷署興泉
永道福建按察使先生長於折獄理民以廉能稱詩文
乃其餘事余弟慎之擇錄詩鈔二卷以有關政事者爲
多南皮張文襄公所謂詩中有事者是也余覆審一過
付諸手民爰識始末以告來者丙寅重九日同里盧靖
謹跋

Faint, illegible text at the top of the page, possibly a header or introductory paragraph.

Main body of faint, illegible text, appearing to be several lines of a document or list.

雲南叢書集部之三十五

點蒼山人詩鈔

共八卷

雲南圖書
館藏板

甲寅
年刊

重刊點蒼山人詩鈔序

吾友王子襄臣以太和沙獻如先生點蒼山人詩鈔四册及贖臺紀恩一册示余余惟詩所以理性情而為大旨歸本於忠厚少陵託情忠愛淵明寄意高遠是故詩之至者皆得性情之正抑亦詩至而性情自正焉耳吾讀先生詩纏綿悱惻一往情深其字裏行間隱寓太和翔洽之氣本詩道以治民其感人之深也必矣捐金贖臺為千古服官之佳話豈偶然哉豈偶然哉姚姬傳氏序先生詩謂先生為詩不妨為政夫先生之詩則豈特不妨為政而已嗚呼先生往矣流風遺韻茲其存者

點蒼山人詩鈔序

王子其為傳之哉

中華民國三年 月 日後學東川唐繼堯序

點蒼山人詩鈔序

前清乾嘉之際滇中人才號極盛昆明錢南園晉寧劉寄庵趙州師蕩滌洱源王樂山太和沙獻如諸先生其最著者也諸先生詩文行世已久近雲南輯刻叢書復取以鈔版而太和王君襄臣又檢沙先生所為點蒼山人詩四卷附贖臺紀恩一卷行將攜赴滬上付印而屬可澄為之序夫沙先生之詩姚姬傳劉寄庵兩先生序之詳矣可澄何能重先生獨念先生因事里吏議論罪戾邊賴懷遠懷寧建德霍邱四縣之民為之滄雪為之營教既不可得則為之釀金贖罪合詞籲陳期得請而後已此非先生之有所風示也亦非有形勢之驅迫也徒以實惠在民民之感動奮發咸出於不自己奔走呼號卒回天聽先生之名乃益顯於天下孔子曰斯民也三代之所以直道而行孟子曰憂民之憂者民亦憂其憂然則人亦何憚而不為良吏哉抑又聞先生之孫孝廉名蘭者當杜文秀之亂奉大府檄說文秀降文秀不能從孝廉持之力遂遇害實為王君襄臣之外祖孝廉風節綽有祖風間為詩歌亦具有家法君子之澤歷世未湮嗚呼是可風矣可澄持節巡滇私幸式南園寄庵諸先生之里又因王君而盡讀沙先生之詩故不辭而

點蒼山人詩鈔序

王子其為傳之哉

中華民國三年 月 日後學東川唐繼堯序

爲之序冀以告服官滇省與滇人之筮仕他省者使知所取法又以見先生不必以詩傳而其詩固有不得不傳者此蓋有存於詩之外者焉後之學者其亦知所務也

民國四年中秋雲南巡按使任可澄序於滇垣節署

點蒼山人詩鈔序

三

點蒼山人詩序

抄君獻如余故人錢南園侍御之友也南園以直節名當世而其詩雄厚古勁高越塵俗今獻如方以吏績顯而又兼詩人之高韻逸氣幽潔之思雋妙之語峯起疊出信乎滇之多奇士也余別南園三十餘年矣來皖中值獻如爲之令因得讀其詩又相對共感歎南園之喪夫見南園之相知誼已加重矣况其爲英傑之才卓然可畏如獻如者哉世謂作詩或妨爲政余謂是有辨焉如山林枯槁之士苦思累日夜而僅得一韻之工者其妨於政事必矣其才小也天下巨才揮斤唾咳以爲文章未嘗求工而自工者其索不勞其出無窮建安曹氏軍旅橫槊而可以賦詩而况於平世臨民布政優優者乎夫獻如之才大才也其無病於爲詩明矣前歲望江令君師荔扉爲南園刻詩集成余既序之今又欣獻如之有是集也故復書以爲之序云嘉慶九年三月桐城姚鼐序

點蒼山人詩鈔序

四

序

余家居時聞皖江有沙明府循吏也嘗以无妄之災將北戍軍台舊所莅懷遠之民老幼驚惶奔走相告集鍰金數千兩迎赴大中丞初公於臨淮途次代爲籲求免罪號哭聲不絕於道所會署懷寧諸縣士民亦醵數千金遠近奔皖城哀請納鍰贖罪曰明府之親老矣家又貧設遠戍軍台居者有懸磬之嘆行者深岬岬之悲四邑之民其何以忍此中丞感其意據情入奏天子憐而赦之飭還鍰金四邑之民復聚而請願以飭還之金助明府清夙累奉親歸里時沙明府之名膾炙大江上下

點蒼山人詩鈔

序

一

余嘗聞而羨曰爲民牧者不當如是耶而惜未之見也洎余仕於粵調任東莞每侍太守高青書夫子談及明府事夫子曰沙君號雪湖余僚友也其人篤於孝友而卽以孝友之道治百姓性介介不苟取所得之金歸里後分潤親族餘千數金奉老親以終天年今已蕭然無餘蓄矣且工於詩凡舟中馬上偶有所得援筆立成別已數年想行笥中佳句必又哀然成集也余聞之益慕雪湖之爲人而迫欲晤其面讀其詩以快十數年之向慕而未知其能遂所欲否也戊寅夏余過青書夫子寓館聞雪湖來欣然謁之惜以公冗叢雜立談片刻而散

而卓犖不羣之概亦略得一斑矣暇日雪湖攜詩稿來詳加披讀其五言古詩沖淡高遠得淵明飲酒之遺意七言淋漓頓挫公孫大娘舞劍器渾脫當如是爾近體律細思深或爽如蒼鷹脫臂或清如銀瓶瀉水其雄渾則天風海山其秀削則遠春流水其沈鬱幽折之氣激昂慷慨之音有觸則鳴發於楮表殆所謂窮而後工者耶斯亦情之不能自己者耳夫乃嘆雪湖循吏亦才人也惜把晤未久忽忽將去高青書夫子亟爲付梓屬序於余余久荒筆墨且叢冗無一刻暇謹臚所聞見草率成篇工拙所不計也皆嘉慶戊寅八月朔後二日江左

點蒼山人詩鈔

序

二

愚弟仲振履石庵甫頓首拜撰

序

人之精神意氣發爲文章猶山川之出雲恒各省其土地之宜時物之變千態萬態不可究極而其至奇者則偶一見焉必有所應也滇自漢文教始通及前明楊文襄公執耳騷壇風雅振起延綿數百載至今日爲尤盛保山袁氏兄弟儀雅時亮兩君相繼纂刻兩朝滇南詩略各數十卷金碧蒼珥間作者大備而其中卓然名家者不過數輩蓋其人可傳其詩乃益可傳也吾近得兩人焉一爲師君荔扉一爲沙獻如先生兩君皆以名孝廉作宰安嶽所至有政聲士大夫翕然稱之荔扉吾未

點蒼山人詩鈔序

七

識其面誦其詩知其人信其必傳於後無疑也先生始與吾相遇於亳州官廨商榷古今風發泉湧有不可一世之槩時方攝理太和當渦流泛溢楚豫教匪出沒鄰境先生撫卹災黎訓練義勇咸有法則民賴以安乃時時出其篇什與余相質任情抒寫璧合瓊馳予固已服其才之大氣之盛不環環比古人以爲工而自樹一幟矣及予踈皖上先生亦渡淮而南補授懷遠令未幾值宿州之亂宿與懷相距百餘里懷城不可守官民咸居郭外一旦變生肘腋視太和之役倉遽百倍先生胸有成竹應變若神民恃以不恐大吏重其才調署懷寧懷

爲安省首邑理繁治劇游刃有餘吾鄉父老稱神君者不輟於口前後十餘年間凡三易所治皆號稱難理又往往多故勞形苦心日無寧晷而先生之詩已哀然成帙矣嘉慶甲子予方僑寓秋浦選刻國朝詩萃懷遠許子叔翹以所刻先生點蒼山人詩集示予命予序余伏而讀之向之風神諧暢意致深婉者進而蕭疎清靚簡遠澹泊矣向之欹崎磊落奔騰放逸者進而變化出沒縱橫排界不可端倪矣其間論古懷人感時紀事諸作崇論宏議遠見卓識纏綿悱惻之思溫柔敦厚之旨使讀者肅然而起悄然而悲感人之深何以至此此豈拘

點蒼山人詩鈔序

八

拘於體句音律者之所知耶昔武侯征南中郡覩瑞星文石之異以爲千百年後文運將興今三迤詩人蔚然興起而其才又足以展布設施爲世所用如先生者將繼文襄之業後先輝映如景星慶雲之麗天是編之出望風者必以先覩爲快予旣選而刻之乃以夙所服膺者書之簡端豈有所重於先生哉紀其實焉耳嘉慶丙寅仲春治晚學生懷寧潘瑛拜書

點蒼山人鈔敘

予自乾隆辛丑歲計偕迄乙卯僕僕十五年中勞苦呻吟不斲於為詩而詩帙積矣鄉前輩錢南園侍御為汰存百餘篇甲寅秋自京師出遊失之運河舟中庚子以前所為詩經檀默齋先生採入滇南詩話若干首卷亦失之皆不能憶也歷遊吳越閩紀行小卷李春麓師為點存十餘首嘉慶己巳免官歸故友袁蘇亭廣文見所刻皖江集四卷亟手出所摘錄於南園先生處為汰存之百餘篇昨昨歸予天下有有心人如袁髯者哉如袁髯者哉少年狂興客子悽懷前夢宛然疵類滿紙是固已棄之而竟不可棄耶莊子曰有生黷也移是不移是鳴蜩鴟雉不同而同予於詩夫亦移是為快耳顧惟諸師長先生九原不作鑒賞猶存良友如蘇亭亦偃然長逝則予斯集之披然賦者其何能以敝屣哉嘉慶戊寅六月沙琛自敘

點蒼山人詩鈔序

一九

序

人之身不能無所置人之心不能無所用人之才不能無所見而仕止久速喜怒哀樂之間亦若分試焉以迭徵其所為有詩人出而後隨在可以置其身用其心見其才而所謂詩人者或數十年一遇或數百里一遇蓋遇之如此其難也矧在荒陬僻壤如吾鄉者而吾乃得見太和沙獻如先生始吾甲戌歲秋讀獻如荒山紀遊諸詩氣奇情邁絕眾離羣嘗題辭其後矣丁丑歲暮又得近作數冊讀之其氣奇如故其情邁如故其絕眾離羣亦如故詩人乎其點蒼山西洱河靈秀之所鍾鍊而適際貞元會合之盛者乎吾鄉於是為不乏人矣然是皆獻如年五十後失意暫息之所為作也而其周攬名勝交遊賢豪蓬蓬勃勃不可遏抑之概皆於是乎見之若斯人者何常一日置其身於湫隘喧囂之境用其心於鄙猥凡近之域而輕見其才談向使吾不識其人而但讀其詩必以為此名將相盛年得志者之所為矣而獻如固如此哉獻如魁梧雄偉精明強健前此治績久入輿人誦中今將復作萬里行重為世宙生民依賴無論論其詩且日富而未嘗窮也獻如不老余以為尚可與言其使余歲得讀之為幸哉敢書此以要獻如嘉慶

點蒼山人詩鈔序

九

戊寅正月甲辰日寧州愚弟劉大紳序於五華山麓時年七十有二

點蒼山人詩鈔

序

十

後跋

右點蒼山人詩鈔四卷大理沙獻如先生所著也先生少負異才長益刻苦自勵與錢南園通副師荔扉大令爲道義文字交尤好爲詩歌以見志泊舉孝廉仕皖江歷宰大邑慈惠及民所至有父母神君之譽雖簿書鞅掌中而於吟詠一事未嘗一日或輟蓋結習然也後以失審重案遣戍行有日矣所屬士民間之遠近惶駭奔走相告爭願納餒爲先生贖罪俾得奉親歸養當道至其事賴天子聖明得如所請於時大江南北自士夫以至婦孺靡不交口稱頌僉謂凡此曠典非先生之治行

點蒼山人詩鈔

後跋

上結主知非先生之德澤深入人心烏足以致此其爲詩也言近旨遠或於行役卽景興懷或於公暇比物言志歸田後條然物外有時亦寄情山水與朋儔相贈答其忠君愛國之誠恆流露於楮墨間而不自覺向使先生得志於時則以其章句登諸廟堂被諸管絃以潤色天子太平之治而從容進旋於周公召公尹吉甫諸臣之列爲邊鄙生色豈不甚歟而先生竟閱孰終古僅以詩傳也亦可慨已雖然太上立德其次立言先生兼而有之其亦可以不朽矣是集原板昔燬於兵今則世變滄桑尤易散佚其外曾孫王襄臣少將誦習先芬怒臨

憂之亟謀再付手民屬予為序予既夙重先生之行誼而又與襄臣交最善重違其意不敢以不文辭爰綴數語於後以誌景仰至其詩格之高詩律之細則桐城姚先生甯州劉先生前兩序已盡之矣茲不贅民國四年歲在乙卯仲冬月昆明後學倪准欽謹跋

點蒼山人詩鈔

後跋

二

附錄

上諭

嘉慶十二年二月十八日奉硃批另有旨欽此同日奉上諭初彭齡奏據懷遠懷寧建德霍邱四縣士民先後籲懇代參令沙琛繳銀贖罪初彭齡細訪該參令所蒞任各邑均著有循聲應否准予贖罪據實奏聞一摺沙琛前因署霍邱縣任內於逆倫重案未能審出實情問以軍臺効力本罪所應得茲初彭齡奏懷遠等四縣士民均呈懇捐銀代贖可見該參令所到之處俱有惠政及民故獲罪後猶願代為贖罪但其平日居官既好此點蒼山人詩鈔附錄

點蒼山人詩鈔

附錄

一

初撫憲代沙邑侯贖臺奏摺

奏為據情陳奏仰祈聖鑒事竊照原署霍邱縣知縣沙琛因縣民靳鄰民聽從史三將伊父靳同萬殺死該縣並不虛衷研鞠率行詳報緝兇嗣接任知縣王馭超審出實情經前撫臣成於十一年九月參奏奉旨沙琛著

發往軍臺効力贖罪欽此。前護撫臣鄂卽轉行遵照在案。臣抵任後據該參令之父沙朝俊以年迫桑榆不忍伊子遠戍情愿回籍變產代子贖罪赴臣衙門具呈懇求臣查該參令於逆倫重案不能審出實情幾致梟獍漏網情罪較重且滇南路遠回籍變產往返萬有餘里例限必逾當卽嚴行批飭並催令起解去後嗣據懷寧縣士民方益謙等建德縣士民徐鳳起等霍邱縣士民竇大醇等以該參令前署懷寧建德霍邱等縣均有惠政及民今奉發軍臺上有雙親年逾七十萬里歸途無侍情甚可憫回籍變產復鞭長莫及情願贖金代爲贖罪俾遂烏私臚列該參令政績具詞呼籲並據廬鳳道德稟據懷遠縣紳士孫素等亦稟同前情併據各紳士投具認狀繳銀六千兩限兩月內完繳臣細訪該參令所蒞之邑均著有循聲是以士民等於該參令去任後猶復追慕察其情詞愛戴之誠極爲懇切臣不敢壅於上問謹將懷寧等四縣士民原呈另繕恭呈御覽應否准予贖罪之處出自天恩爲此據實恭摺具奏伏乞皇上睿鑒謹奏嘉慶十二年正月二十八日拜發二月十八日奉硃批另有旨

撫憲初勸諭安省屬州縣文

點蒼山人詩鈔

附錄

二

夫無所勸而爲善無所懲而不爲不善豪傑之士也有所懲而不爲不善有所勸而爲善中材之士也此雖學者進修之業殊塗而同歸卽吏治何獨不然夫影纓紉組之士莫不欲自奮於功名而循良者莫之槩見豈非以奔走風塵自度無由致通顯兼之科條燦設小失檢則墜吏議未獲邀赦過宥罪之殊恩志氣消沮罔克自振拔且謂斯民爲愚弱或愛之而不知感卽虐之而莫與誰何遂相與容頭過身以沓泄厥職乎哉嗚呼其亦不思甚矣我國家列聖相承登三咸五今天子覆幬不冒灼見迪知凡在四海之內遠澁荒陬一有能敷政不

點蒼山人詩鈔

附錄

三

之民亦何負其長哉藉曰要結其民應之者當不過一
二人且夙昔有痛於民勢既敗而屈意干之增自辱耳
又何應焉况欲削股其衣食之資置家事不復顧奔走
數百里爲之營謀耶故好惡莫公於民亦莫恕於民攝
官者聞之可爲感悅而憫悼之用泣下也是故古之聖
王人情以爲田伏維我皇上之不遺一善也如斯而民
之愛其上也又如斯士苟得承乏一官卽所謂千載一
時不可逢之嘉會苟其簠簋不飭曠瘁厥官長惡不悛
者斯民有公論不可以爲人白簡具在國憲不可干已
其或思自奮於功名則遭際盛時卽無果達藝從政之

點蒼山人詩鈔

附錄

四

才第舉服官之常訓恪守清慎勤而力行之必有所表
見於當時不致泯泯無聞以終老也左令既復官終或
克致通顯惟自勵卽沙令去職其父兄族戚鄉黨以其
事爲榮四方傳之咸爲美談昔之贊其幕與給其使令
者皆藉其光寵樂共道之此亦吾人快意事耳且夫勸
懲不必在中材見賢思齊又欲出其右亦豪傑者好勝
之情也願諸君子共圖勵之他日奏中和樂職之詩上
聖主得賢之頌凡敬有官拔茅貞吉本部院幸備位於
茲將以示人曰是民之所戴而天子所葵者皆吾僚友
也固亦與有榮焉尙各勉旃且幸諸君子之有以教我

也

懷寧縣紳民呈請捐贖文

具呈安慶府懷寧縣職員方益謙生員王雲嵐管森蔣
序恭張厚載江其芋王新第王文泰宗長人方蘭職監
楊瑞黻監生吳觀達錢鳳麟等爲一青堪憐百身欲贖
環求捐貸籲懇奏聞事竊惟潛鯉驚鱗流水爲之拂抑
翔鴻鍛羽行雲於以徘徊物苟習而相安情必感而難
已况乃叔向之能可宥非止及烏隨會之德尙存將同
愛樹能無溯慈良於往日圖報効於今茲職等伏見前
署懷寧縣沙琛蒞職廉明居官慈惠攝皖兩載聿著循

點蒼山人詩鈔

附錄

五

風奏治七鄉式稱良吏戢豪強之狙獗閭里相安急賦
役之供輸追呼不病發奸摘伏誣陷以平望影揣情詐
欺宵釋作大堤於竹墩之野免於漂搖者千百家錫嘉
名爲永慶之圩賴以農桑者四十里訟簡而民皆樂業
官清而吏不舞文以及歷攝符封莫不共銘德化今以
翟邱新案合依律令論戍軍臺誠知議屬官箴未敢邀
夫曲貸事關國憲無從乞以私恩惟是沙令上有雙親
年逾七秩萬里之歸途誰侍三年之戍役堪驚士民等
合邑黎庶向依德宇均沐仁風情願集腋成裘釀金贖
罪俾遂烏私之愛藉抒鵲擁之忱爲此籲懇大人下鑒

與情上達天聽照例捐贖勒限繳完則桑榆暮景得遂
其愛日之誠桃李前蹊克致其栽花之報矣望思上稟
具稟安慶府懷寧縣耆民余東啟劉萬和馬伸來等爲
縷敘愚忱公懇憐鑒事緣前縣主沙署理懷邑兩載履
心仁厚蒞政清勤不徇人情不執己見四民控案隨訊
隨銷刑不濫淫斷無枉屈徵銀米書吏未有苛浮動輿
修工食從無刻減七鄉市鎮曉諭諄諄使物價不敢任
意低昂制錢不敢私扣行用強頑戢志盜賊潛踪訟獄
寢衰閭閻樂業而且歲逢水旱尤恤民艱不避風塵躬
履勘驗爲災爲熟罔或混淆是以聖恩分別緩徵身等
均沾實惠竹墩濱江田地一遇漲發田舍盡淹親率築
成大圩堵障江湖今名永慶凡此治績俱在人心無如
續調霍邱因公受過應遵例議謫遣軍臺足徵功令森
嚴不庇有位身等微賤咸服公明但念前縣主沙素勵
冰操宦囊如洗現在雙親耄老未返滇南慈孝一堂憂
思百出身等胥叨舊愛父母瞻依今將骨肉遠離見聞
心惻誼難忍置寢食何安仰惟大憲大人文德廣敷官
民共戴力能錫福功可回天爲此縷敘愚忱公懇茲鑒
罰雖應得情尚可原大施再造之仁准予捐贖之典則
身等盡心竭力闔邑輸金照例完繳將見前縣沙獲養

點蒼山人詩鈔

附錄

六

親於膝下而身等釋眾感於日前皆大憲大人天高地
厚之恩有以矜全於格外也身等冒昧不勝懇切待命
之至正稟

晉建德縣紳民稟請捐贖文

具稟池州府建德縣生員徐鳳起管絃歐陽獅徐祖祥
歐陽觀童趙盛大鵬楊廷勳監生徐述崙程一元徐先
馨職員鄭鎔等爲青災可憫宥典思援俯訴輿情仰祈
奏聞事竊謂蛇解銜珠曾思報德蟻能齧械亦欲酬恩
翳蛸蠕尙識感銘豈士庶莫知愛戴伏惟前署建德縣
沙琛清廉律已慈惠加民廣培植於士林積月有觀風
之課定章程於保甲經年無滋蔓之虞撫字無愆於安
輯催科非迫以追呼發伏摘奸鋤強剪暴值大案則寬
貸株連遇疑獄則平反誣陷凡諸政績胥治民心祇以
代庖而治遂將束轡以行惟建邑實需此賢雖愚民難
爲斯別垂髻總髮願紆已授之綬連襁持裳冀緩方道
之軫維時藩憲諭以舊章例所難行請而未允然下邑
惜寇恂之去而隣封喜廉范之來以故歷膺吏治聿著
循風乃因霍邱一案譴戍軍臺執法則不可原情知仁
胥本於觀過况乃帑帷倚養壽逾稀齡襍被辭親途長
萬里念萍分於此日悵瓜代以何年生等均沐栽培咸

點蒼山人詩鈔

附錄

七

承教育特輸縣力用附捐金伏乞下孚民望上達宸聰
俾得永奉春暉重開覺路則枯苗得雨沙令幸邀覆裁
之恩而飲水思源士民亦効結銜之報矣

霍邱縣紳民稟請捐贖文

具稟霍邱縣職員竇大醇生員王懋德耆民田多稼王
秉鑑等爲感激陳情願求附捐懇乞奏聞事前攝霍邱
令沙琛精勤效職慈愛居心蒞任而安善良下車而清
刑弊閭閻樂業頑悍潛踪雖木損金饑亦逢水旱而途
奔壑轉常賴生全訟理而刑自清肌膚罔害官閑而心
無暇廢墜畢與宿人猖獗偏近安豐霍境戒嚴保障淮

點蒼山人詩鈔

附錄

八

岸今因本邑靳案譴戍軍臺咎在疎虞議歸允當誠難
逃乎國典敢遠訴夫民情但以沙令上有雙親迎來數
載滇南路遠誰侍萬里之歸途塞北霜高冀免三年之
謫成情真可憫過亦堪矜原夫沙令之獲愆本以霍民
之不肖傾囊囊以捐贖無如兩袖風清悵骨肉之分離
長此一身蓬轉職等素霑德化切悉情形每思得罪之
由一眚莫掩或從原心之例百善可償爰是來省叩祈
憲鑒到省後聞懷建各縣業經具稟捐金請贖已蒙批
准在案惟是懷建兩縣認繳贖項六千兩現已呈繳三
千未蒙提貯職等亦願附捐千餘金湊足六千之數惟

冀俯采輿論代乞天恩俾沙令得免戍役留養老親實
爲德便

懷遠縣紳民呈請攢金代贖文

懷遠縣翰林院檢討銜孫素舉人閔長青生監耆民楊
士緯等呈爲追錄前功恩求格外攢金請贖願詳奏聞
事前懷遠令沙琛屢以樹績有聲調署懷寧合肥霍邱
六安等處十一年秋因霍邱任內一案參奏發軍臺効
力伏思嚴吏治以肅功令計罪允足相當然士民等竊
有請者周官弊吏奪以馭貧虞帝明刑金以贖過果其
才稱練達識亦宏通握瑾瑜者寧摘微瑕采葑菲者無

點蒼山人詩鈔

附錄

九

以下體周全善類愛惜人材能不致望於大憲哉請略
陳往事希垂鑒焉懷邑地接淮淝歲多浸漲淹禾漂麥
十室九空飛雁哀鴻天涯地角惟嘉慶之六年沙令蒞
任伊始日抱難安之隱憐茲無告之民溥置衢尊廣捐
佛米倡素封以樂善搗丹藥以起疴元氣初培人心胥
悅言旋言歸復我邦族者蓋不下萬餘戶矣過之可原
者一也歲行在戌宿匪縱橫沙令捐俸招募義勇訓練
馳驅保完安集當倥偬戎馬之時路不拾遺市不易肆
藉非培養深厚能如是乎旣乃伐李晟之竹盜無藏身
運虞詡之斤根鮮錯節是以各屬有流離之苦而是邑

無鋒鏑之驚過之可原者二也且三楚多剽勁之風而平阿實荏符之藪沙令手殲渠魁誠開良善恤緯而鼠何穿屋讓耕而牛豈踐田鄉置儒師月朔則躬臨講貫家知絃誦春深而人獻芹蔡視彼以鳳易鷄賣刀買犢有過之無不及焉過之可原者三也况夫敦崇儒術培植士風定甲乙以程文教詩書以毓秀標和杞梓頗多有造之才翡翠珊瑚亦屬大成之器凡此菁莪茂育實由教養兼該過之可原者四也若乃椿萱年暮桑梓途遙子厚遠遷誰堪負米少游被謫莫詠循陔萬里藍關一雙白髮在翼麟庇鳳之廷尤當聞而心惻也過之可

點蒼山人詩鈔

附錄

十

原者五也因此合屬士民等呼天請命早望還我使君泥首陳情竊願重瞻父母伏冀俯順輿情仰邀慈鑒下以慰愚夫婦孺慕之忱上以廣聖天子作人之化若待壯士投邊驪駒出塞而蔡挺既老定遠思歸沙令縱翹首玉門究何補聖恩於萬一哉干冒呈叩不勝惶恐待命之至

懷寧贖行原啟

夫思人愛樹棠陰亦載其恩賄物知仁黍雨且留其惠奉百錢於劉寵進萬紙於杜暹三軍有勞面之祈一邑或攀轅而泣莫不徘徊去日感激當年臨歧路而銘恩

佇清風而報德况復名傳召杜聲藉龔黃因偶絰夫彈章遂卒從夫吏議待命遐陬之外出居遠地之間屈坡老於黃州窮愁莫訴貶昌黎於嶺表瞻望誰憐則豈徒寒恤范睢應有故人之意慰思李晦不畏姻友之嫌者乎前攝吾懷邑篆滇南沙雪湖明府詩賦儲韋文章燕許起家聲於廉孝溯治績於循良奏縣譜者已數州令皖城者將兩載下車伊始人即頌為神君游刃有餘政早殊於俗吏平反誣陷信發奸摘伏之如神寬貸株連咸樂業安居而不擾置千家於安堵則犬吠無驚戢一境之豪強則貪蠹悉屏若乃庭無留獄吏有餘閒催科

點蒼山人詩鈔

附錄

十一

絕暮夜之呼撫字遍春陽之煦但使圓常似鏡何藉墮斿敲比之為縱其焚盡如絲悉歸理解體體之奏築長圩者四十里即江鄉皆化桑田保永業者千百家使澤國皆成樂土至於文宗初莅多士爭來因赴試於郡城偶觀優於廟舍人酣若蠶微穢攘臂以呼吏怒如靈幸賴霽顏而解脫縲紲而使之內愧出壺殮以救其餽饑凡諸治行之彰彰具見循風之卓卓方冀寇恂可借共瞻政績或有成爭如郭伋難留莫慰民心之共屬乃者一朝絰誤萬事屯遭刷羽高鴻竟於飛而垂翼翔霄遠鵠忽入世而嬰羅傷堂上之雙親歸途萬里悼旅中之

隻影成役三年公私當竭蹶之交車馬屬倥傯之會平
日洛陽親友久相對於冰壺此時萊蕪士民豈僅歌夫
靡甌夫受壺漿者不忘惠資拯濟者不忘勞况明府惠
在吾民勞在吾土合將伯以相助呼邪許以爲功雖非
一木所能支要屬眾擎之易舉我等是用粗陳德政遍
告城鄉共助斧資聊當祖餞俾得奉椿萱於舊里効奔
走於邊隅倘獲代瓜時再培花縣則野亭來宿當更蒙
福曜之臨竹馬相迎必快睹前星之照矣

建德贖行原啟

聞夫郇苗召樹人思遺愛之存瑞草瓊枝吏報循良之

點蒼山人詩鈔

附錄

三

最贈去思之何武屢解金貂送來辭之陶潛樽浮綠蟻
匪臨歧而卧轍卽當路而攀轅此皆德惠及人足使謳
思載道况乎初衣未遂偶掛彈章遠戍堪憐難從末減
望崇山而心悸涉沙漠以神驚夫孰不感激當年欲挽
鄧侯之駕徘徊歧路共傷皇甫之行者乎前攝吾建邑
篆滇南沙雪湖明府意氣元龍文章司馬曲江宴罷旋
製錦於蘭谿積案風清兼衡文於雲石法術本乎儒術
養民重以教民乃受其治者四鄉不待五申而三令何
固吾國者半載遽然一歲而九遷悵撫字之無人懼料
催之日擾雖切歌思誰嗣羣上慰留郭伋之書爭如願

澤無多莫遂懷想王規之願盼沿途之祖帳從者如雲
飲歌路之行樽涕還如雨願或佇遷音於日下降寵命
於天邊庶幾睹政績之有成慰民心之共屬耳無何遽
從吏議當赴軍臺甌無萊蕪之塵匱乏孟嘗之劍一肩
行李高堂則刀匕難供萬里飄萍遠道則斧資不給此
固二廷之所泣別而實眾姓之所悲離者也茲當車馬
倥傯離愁莫訴况是風霜剝落瞻望誰憐讀皖江餽遺
之章已酬厚澤愧蘭水薰陶之輩未罄鄙忱用是敬啟
城鄉共傾囊橐雖細流之能成海而眾腋可以爲裘倘
邀碩果之名率獲及瓜而代行見山城水郭或再蒙福

點蒼山人詩鈔

附錄

三

曜之臨蒞屋茆簷當必有淳風之佈謹敷鄙引祈署鴻
名

霍邱閩邑公啟

雪湖沙父台於嘉慶甲子歲來署霍邱篆以清慎和緩
爲治以仁慈惻隱居心禮紳士如賓愛百姓若子平反
誣陷寬貸株連撫字見其心勞催科慚乎政拙置千家
於安堵戢一邑之豪強莫不有神君之頌父母之呼方
冀召父既來寇君可借馭意過繇疑獄請赴軍臺堂上
雙親空盼歸途於萬里旅中隻影長驚戍役以三年凡
我紳士軍民人等或仰承其樾蔭或久愛其棠陰莫不

感激涕零急思援手爭奈呼號有願援救無能百計欲圖一籌莫展乃聞懷寧合肥建德懷遠等縣會沐沙父臺之恩者咸攘臂爭呼公奮義舉或攢積其臺費或捐贖其罪名或代完其宿逋或共資其薪水無不銖積寸累集腋成裘况我邑侯身為做邑受累萬事迺遭寧反忍視同秦越耶嗚呼泰岱不棄土壤故能成其高河海不擇細流故能成其大我等為此廣懇士農工商軍民人等各為量力或輸朱提數兩以及百兩固為拯人之危或捐青蚨數千以及一百亦為濟人之急務祈速卽彙交以便我等公赴轅門呼籲哀懇庶於事有實濟勿

點蒼山人詩鈔

附錄

西

托空言謹敘

懷遠縣闔邑公啟

昔劉元侃遭貶嶺南都人士送者如堵裏金全集曰吾曹不得親送使君祇此代洛陽一勺水也聞者泣下今吾邑沙賢侯雪湖調署霍邱因公罪誤議發軍臺効力自本朝吏治考嚴安得不如是乎尸子曰根於道者迷於察孔子曰觀過斯知仁矣輕重之衡審哉審哉懷邑素稱尚義之邦回思二年前撫字勞心厚澤在人不僅門墻之士興歌黃鳥能不愧然盧次梗莽男子耳謝茂秦行泣於市哀感當途况羣公之力十倍茂秦而賢侯

實出次梗萬萬哉塞漠盲風冰元地裂爲人弟子而令尊親蓬首沉砂王郎腔血定向何處灑耶因此倡義公捐臺費倘大憲恩援留代開復亦唯命縱不獲已雅雨先生所謂二年便許朝金闕萬里何辭出玉門以爲異日酬恩之券可也古大英雄連際迤邐終當熙奮如蘇東坡海上歸來李長源衡陽再至烏孫之返張鼎百越之召青霞因禍得福轉敗爲功烏知今必異古所云也山豈擇壤腋可成裘俾賢侯得遂安全而吾邑性天之良不僅名高任俠已也謹啟

六安州公啟

點蒼山人詩鈔

附錄

圭

紙醉金迷之地宦海多驚杯殘炙冷之場情田益熱撥缺盆而種火涼臺馴致生温活枯管以嘘春杏縣忽逢聞喜嬰羅網解仍飛鄰令之覓脂轄膏分不繫藍關之馬眾擎力重再造恩多此則釋殢丹陽麥舟矣惜求糧魯肅米廩不辭者矣有如前署州沙郡侯也詩社長城文壇上選興廉舉孝噪芳譽於滇南著績論功播賢聲於江左策名皖伯十三州半踏陽春佐治咎繇七八月宏施霖雨下車未久人頌神明保障爲多余呼佛子俄乃彈章公誤甘自墜其魚符執牒上聞且遣行乎雁塞盼指前之赤子嗷嗷驟失所依嗟堂上之衰顏瘳瘳不

邇來陰三年成鼓淚灑青山萬里慈幃魂驚白髮坐使
忠宣對相悲深風雨之思德裕題箋愴賦窮愁之志良
足歎惜祇益欲歎既有懷民卧轍援借寇以請留大憲
憐材鑿攀侯而欽恤赦有司小過鼓舞賢才體保赤愚
誠瞻依父母如天之福袞衣遽息風雷濟民之生芘黍
續承雨露然而秦城不易誰持趙壁以歸荆璞難完未
雪卞珍之別是時也百鍤待納五用莫輸滄海窮鱗懼
失漢潢之潤監河枯鮒權資升斗之需平時釜甑塵生
清冰自飲到此囊橐金盡涸轍滋危茲既齋潤於皖江
更望分流於泝水全憑銖累共効園傾浥彼勺泉發河
海一源之願堆將拳石積泰華九仞之高我等膏雨夙
沾壺餐共沐論報施而勿爽以感戴而彌真覆篑爲山
將金鑄錯得似點金布地結此因緣先教司祿朝天消
其咎戾縷集成裘之腋玉成磨玷之圭捨百身以贖良
人此是千家愛日遍六城而依慈母合當兩度春風

點蒼山人詩鈔卷一

雲南叢書集部之五十五

太和沙

秋懷

西風搖芳蘭木葉下如滌元雲無停影繁霜被原隰攬
衣臨高臺秋氣何淒惻白日積古今朝朝悔昨昔駑馬
介不馳蒼鷹鷂欲擊感物多所懷分陰自悚惕自非至
人心安能守元寂

擬古

高樓隱春樹白日垂簾櫳上有鳴機婦顏色桃花紅娥
女五色絲鳳梭聲玲瓏修眉不拂拭細意營初終天花
點蒼山人詩鈔卷一
下雲錦婉婉雙盤龍光華爛日夕一泯組織踪所思在
遠道欲寄渺無從綿繡豈不重纏綿結我胸持攜坐客
與羅衣揚輕風願將隨飛霞流君衣笥中

君章詠

君章儒術士抗言悟新莽脫身弔重華九嶷摠衣上侃
侃誓暴師人鬼釋搶攘功成擲組歸恥以軍功賞焚焚
董子張負讎愧俯仰欲語摧心肝歔歔下泉壤起身擊
仇頭與子視無爽汝南冠蓋馳十月盛筵享牛酒奉偽
德同聲和褒獎突兀舉航前披鱗折朋黨危行似忿戾
守義近木強恕已何婉約沉機類沃蕩區區東門候閉

門進忠諫宮闈化危疑骨肉得依仗何乃麾遠守坎凜
困芒長神龍不一德威鳳戢遠響橫經羅生徒蕭然卸
塵網有漢豈不盛負彼伊呂想峨峨弋陽山泉石皓滌
澗緬懷鄭次都高風竟長往巢許不足為誦論生慨慷
頽雲歌束師荔扉廣文

石得之洱東樵人高二尺有咫頂攢簇五峯大
小皆右折左亞以層巒虛其脅連環數大穴小
峯離離外吐右斜垂一幹長尺半作連蜷起伏
狀而翹其末石大小三十餘穴皆洞達空其趾
如鼎足色蒼然師荔扉驚見叫絕數請易之為

點蒼山人詩鈔卷一

十一

名之曰頽雲也

香雲出海環邱紅巖稜百疊堆奇峯鯤鵬變化怒搏羽
海波壓雲雲偃風橫披側出湧其鋒元氣鬱結青濛濛
雲將猖狂扶搖東蓬萊清淺鼈衰癯師曠鼓琴變當空
揚沙憾林聲碎薛忽然摧落嶠山星池之浮石騰擎天
矯如奔龍光芒百丈乍卷束冰凝雪沍盤崆峒起伏迴
壤趁遠勢浮煙噴雨青搖溶盛以瑤盆藉碎玉當軒四
回開玲瓏師宜仙人過我飲盤旋大叫神耽耽云是點
蒼山頭半頽雲欲頽不頽雲閃閃君家點蒼下日日懨
懨覽易馬請從王蘇例欲奪仇池難手孽昨夜小園風

雨疾落花打窗如舞雪却恐雲隕竟飛去使我園林坐
蕭瑟咨余寂寞嗜好偏煙霞泉石耽周旋奇章贊皇太
豪貴誇楊攫米殊狂顛適然寓物得我意紛紛物轉寧
自慳雲頽雲起石悠然支離恢詭全其天

同趙所園何得天遊蕩山至波羅崖觀佛跡

遠響寂鍾魚深崖古德居巉石蟠空宵歸雲注壁虛花
沿羣鳥獻樹偃毒龍吐道力相勘驗探奇興有餘

登中峯頂

浩浩風輪轉夜摩深崖佛跡有盤陀排空鴈陣縈雲背
過雨雌霓滄海波雪影依微中印度夕陽飄緲蜀岷峨

點蒼山人詩鈔卷一

三

側身今古知何事莽莽遐荒扣石歌

龍女花

優波離女鉢呈花聽法毗樓示現遐雪裏孤芳森貝葉
天然素貌憶彌家香飄金粟濃雲氣露冷銀盤射月華
直揭妙明心一點花開真見佛陀耶

要揚虞功計偕宿蕩山寓樓

楊子悲岐路微疴怡養生於山得真趣逐世不居名燕
火藥香滿掃雲松響清流連惜遠別信宿倒瓶罌

無題三首

朝霞明豔映浮瑜眾裏飛瓊異繡襦自分渡頭匏葉苦

情知天上桂花孤分嬌願在奩爲鏡解佩親貽臂繫珠
十二玉樓中更遠鶯聲樹影翠模糊

華胥環裏境迷離契契勞情夜漏遲青鳥祇隨釵燕轉
翠蛾空向鏡鸞窺春藏得地花重疊風定垂簾月邈迤
知否河陽人似玉忍寒端爲寫相思

冰扇徒聞雨絡絲巫雲洛雪本難持殷勤張碩留孟在
倚徙蓬球啜露飢月底花嬌依鏡近樓頭眼語入箋疑
冶容莫把芳香妬五色華蟲繭自知

古別離

從來富貴比風花茵席泥塗一颺差還似人間離別意
點蒼山人詩鈔卷一

四

長亭杯酒各天涯

邯鄲懷古

邯鄲鼓角動地鳴援師鼠首窺秦兵朱亥揚椎嘆嗜糜
選軍八萬雷電轟侯生計日北向死酬恩兼爲酬擊鄙
公子從茲趙可留趙存魏重秦謀弛當年頗訝執轡恭
抱關老翁有如此君不見平原賓客夸盛時脫穎自失
囊中錐何地奇士不時有能知奇士始奇毛公薛公
何爲者公子不來誰知之嗚呼公子不來誰知之

鄴中懷古

銅雀臺宮對墓林分香遺令暗情深明明國計無多語

抵死猶設篡漢心

醉酒馳儀早自頹詞華瑰豔總含哀與亡一哭君臣義
畢竟輸他介弟才

廣武原

絕澗臨相語聲呼肅兩軍英雄甘一戰天地不中分劫
盡咸陽火人歸芒碭雲徒教千載下成敗論紛紛

漢江曉霧題大堤水榭

大堤紅亞花朦朧砒砒柔櫓鳴虛空曉意欲雲雲不雨
捲簾一片青濛濛美人攬鏡籠紗裏失却窗前山邈迤
低回郎意不分明一下紅樓幾千里

點蒼山人詩鈔

卷一

五

荊州

仲宣懷土此登樓騁力高衢願未酬沅芷澧蘭芳草歇
蘆花楓葉楚天秋江風也有雌雄勢人事難憑出沒洲
今古茫茫交百感陽春誰和郢中謳

虎渡口

鼓柁風濤壓遠林渚宮塔影半浮沉金堤猶聽陳遵鼓
息壤長留夏后心隱隱蛟螭餘狡窟嗷嗷鴻雁集哀音
大川舟楫談何易桑土綢繆迨未陰

澧州渡

碧漲寒初落郵亭綠樹中冰魚噓日上山果冒霜紅晴

景怡行客歸心倚漸鴻澧洲三渡接延佇猗蘭叢

桃源洞

曲折溪流接短亭遲迴疲馬聽泠泠荒村人靜煙生竹
野渡船過鳥下汀古木交陰孤徑窅秀峯奇構萬重青
綠蘿一夜遊仙夢却訝巖前有洞扃

辰溪早行

溪深遲曙景霽色滿高峯霧重冰生石雲消雪在松衣
塵蒼翠溼野饌筍芝禮却訝荒山估棲棲亦似儂

紅葉

欲寫幽懷一葉書葭蒼露白眇愁余西風瑟瑟深林晚
點蒼山人詩鈔

卷一

六

紅影蕭蕭返照疎烏柏門前人別後雙楓浦上鴈來初
詩人持比春花好却憶花時興有餘

鎮遠

源盡五溪西長橋落斷霓嚴城當石鎖蠻路仰天梯世
界恆沙簇馮生泡影迷利名無險阻短艇接羸蹄

飛雲洞

黔山歷遍厭征駢幽洞玲瓏得翠微石意作雲垂欲下
溪風吹瀑擁俱飛媧皇五色天餘煉巫女陽臺夢懶歸
勝境遠藏邊傲遠空教行客戀巖扉

牟珠洞

大化偶示幻毓此巖洞奇容光落青天萬象森陸離巖
然石浮圖莊嚴無偏欹鐘鼓各鏗鏘幢旛交參差彷彿
十六賢凝神仰迦毘尺雨亂花落活潑佛者機遊人眩
五色夢影逐低迷纍纍珠中蟻九曲有餘嬉古佛大笑
噤是名諸相非妙哉此空空四輪共一癡

雙明洞

鴻蒙析天地凝滓浮泡聚沫山纍纍元氣偶然盪不收
金石飛騰混沌死地肺四達青城空洞天福地遙相擬
鎮寧城南日東升飛霞直渡青磐底旁墉曲戶開重重
中衢竟闕城門軌石氣蒼蒼非想天月窟光寒雨花紫

點蒼山人詩鈔卷一

七

巖東湫穴碧沉沉傳聞暗徹滇池水巨魚掣鎖鏤昆瀾
荒蕩誰能究此理僧徒標異比雷音仙靈豈盡貪奇詭
伐竹梯梁好事人那得窮遊到邊鄙野人驅犢洞中歸
鶯花一塢煙雲裏

憶梅

十載青春一瞬移更無人在款花卮呼門欲乞花間坐
曾與梅花是故知

桃花

萋萋殘紅亂雨枝漁郎重到艤舟遲垂楊也爲飛花惜
疏盡重重水面絲

刺桐花曲

刺桐花開紅簇簇花裏青樓春酒熟低枝繫馬葉幡幡
翠袖壓杯花映肉欲行不行驄馬嘶撲撲飛花點客衣
七月廿三日汨河渡

蝸角興亡一瞬移堅貞猶自惜蛾眉畫船煙火連村社
土樂嘔呀競水嬉息國桃花嬌不語綠珠金谷恨難追
蒼山古雪長年在搖蕩清光漲綠漪

鶴慶山中眠龍洞黃冠塚諸蹟

空山寂寂亂雲迴樹杪精藍扣戶開穴路草蘿披夏雪
奔流石窟殷晴雷荒墳白骨烏號墮古洞淒風杜宇哀

點蒼山人詩鈔卷一

八

畢竟空王天地闊茫茫京國冷殘灰

瓶梅

飛雪隨風撲紙窗羅帷香動恍聞琴移鐙乍轉銀瓶影
的歷梅花蒂盡雙

溪雨

繞郭煙嵐溼翠微山頭瀑布掛晴暉春風忽送溪雲出
亂捲銀瀧作雨飛

春渠

小樓密雨夜悄悄碧草如煙浸遠潯山下桃花山上雪
併成春水入瑤琴

春陰

檢點飛花第幾重
曲池芳樹翠茸茸
輕陰不作閒風雨
恰好海棠春睡濃

梨花

嫣紅姹紫豔交加
蕭酒高枝只素華
朗月樹深雲蕩影
春陰香動雪團花
洗妝凌亂銀杯促
插髻玲瓏玉蝶斜
記得廣寒翻曲譜
伶園絲管出天家

漠漠幽芳藹藹春
春工淡雅寫天真
光風洛浦初迴雪
素影東牆恍有人
蜂蕊細黏珠粉溼
燕泥輕點聖痕新
多情最是遺山老
孤潔深憐靜女羣

點蒼山人詩鈔

卷一

九

剪雪裁冰色盡刪
迷芳吟客認雲攀
輕盈欲假封姨薄
冷豔低籠月姊閒
杜曲遊塵衣上雨
嘉陵詩夢馬銜山
行酤我憶餘杭姆
釀取飛花蕩漾間

寒裳

寒裳溘消漫遷延
桃李難藏地遠偏
紫陌春塵迷鷓鴣
錦屏霞暈隔佳眠
語麻三葛疏當紙
點勝芙蓉骨念蓮
奈何盛年難再得
折瓊還與致纏綿

馱牛嘅

斜月墮長坡
踏踏人影直
曉霞溼行塵
山煙炯虛白
隆牛鐸聲負駝
不負軛野人事
機智陋彼田夫
力連綱

百千蹄程規倒
昕夕巧利析精
微芻秣就山澤
人世逐熙攘
艱難在荒僻
誰知皇古民
老死不作客

六里等宿憶
己亥鄉試鐵橋
頽阻水二日
有當墟

婦禦強暴甚快異事

山風一徑響關河
長短亭臺萬綠窩
嶺峴蜿蜒運足
馱綱驟馬蟻緣柯
凝龍掣鎖沉天塹
法姊分燈懾地魔
過眼雲煙消往事
磨牛踏踏舊滂多

仙人巖

沅水下無際
聯巖高截天
云何仙人居
巢架虛碧間
曲折三十里
往往留空椽
縱橫插石穴
複閣仍鈞連
有戶

點蒼山人詩鈔

卷一

十

或開闢有積絨
且鍵長劔倚深壘
不漬蒼蘚班雲氣
蒼崖角隱隱
停虛船風雨所漂搖
千載屹不顛
仙人信詭異
何乃不憚煩
或云古營窟
遠自洪水年
絕壁無坡陀
昏墊何由避
二酉近百里
將無藏簡編
孰居無事是守
之食與眠
臆度百不似行舟
俄逝遄伊古
大山澤草昧
罕人煙
山精有結廬
金累亦裘冠
山經別岐渾
禹鼎鑄神姦
人世踟耳目
誰與究其端
四大合幻成
滄桑中遞遷
百靈役大化
隱顯千萬般
鐵錘出平陸
雞穴塞彈丸
言所不能論
證曩成故然
仙理妙無著
涉有非其佻
神奇與真
腐幻化常清
新浩蕩羣鷗
浮樂此漪漣
春

三光壺頭山

箭筈飛聲下急流，谿砦大壑壅壺頭。白雲倒漾層峯出，
絕壁陰森古木樛。擲笛袁生吹裂石，頓軍新息仰鳴枹。
只今猶恨蠻溪險，不斷祠鴉送客舟。

明月山

明月山前明月池，銀瀧疊盡碾琉璃。奇峯一角欹龍頂，
丹壁千尋落蜺雌。天半樓開人倚鏡，林端雲退鳥涵漪。
輕舟莫憚回環泊，欲睇仙臺路所之。

姊妹山

清溪明媚儼仙寰，行客忻逢姊妹山。眉意淡濃分染黛，
點蒼山人詩鈔卷一

卷一

十一

雲網掩映巧堆鬟，春花滿鏡凝妝豔。暮雨無人夢影閒，
素芷芳蘭思擷采。輕帆一瞬隔林灣。

夸父山

夾岸雲煙貼水浮，三峯突兀繞行舟。藏書誰訪周王祕，
爨竈居然夸父留。射的石帆虛擬似，虞淵若木渺難求。
擎杯滿引紅霞嚼，無限奇踪片艇收。

穿山石

積鐵層層絕壁牢，崖根虛豁走猿猱。應緣山石當流溜，
想見洪荒載地高。洞口松篁藏落日，雲端臺榭撼飛濤。
元光福地知非遠，欲扣仙靈引放舠。

絲篴山

赤石丹崖被綠蘿，波光搖蕩錦雲窠。小峯不盡千重疊，
朗水偏回百折多。竹圃稻畦環繡錯，槎編篔簹泝魚歌。
桃源那更人寰外，煙靄迷離悵望過。

呂翁祠

明星睽睽東方生，呂翁祠前車鐸聲。茫茫昧昧夢中行，
行人盡說祈佳夢。黃塵黧面凝鬚凍，真真夢夢幾曾真。
可憐富貴逼行人。

無題

凌風仙去怯纖羅，眉意連娟不染螺。入鏡花鈿含雨溼，
點蒼山人詩鈔卷一

卷一

十一

繞裙蜂蝶占香多，列松積石銷郎豔。曉暮繁霜憶婢歌，
強把後期相慰借。東方卯歲又蹉跎。

羽帳金支玉軫陳，精誠今已寤真真。同心苦結垂梔子，
好草鈎連蒂落秦。錦轡香留避谷晚，舞裳雲綻若耶春。
軟紅不見雕輪轉，已是凌波絕步塵。

擬結客少年場

夙昔慕劇孟，年少相攀追。然諾急片語，意氣無險夷。歌
舞宴遲日，一博千金揮。上馬忽如電，射獵南山陲。輕身
鬪勇捷，白羽生瀉颼。拔劍擊黃犢，痛飲何淋漓。日暮醉
酒歸，亭尉相詆欺。三十恥不貴，折節從經師。廣聆諸僮

論法度森嚴規章句細如髮跣弛將安施蹉跎歲月淹
浩歌中夜悲雄劍憶雌鳴汗血當風嘶丈夫不滿意富
貴亦何爲起身尋舊遊行樂及良時

長安有狹邪行

春風陽車塵迢遞入狹邪狹邪多妖女顏色豔春花蛾
眉各意態羅衣揚風斜芳蘭被約素寶釵耀燈鴉粲然
啟玉齒光彩流朝霞含睇互傾靡斂意凌箏琶當筵一
曲歌陽春回幽遐千金買同心豪貴爭交加自非斛中
珠何由枉光華徘徊不可卽日暮徒咨嗟

猛虎行

點蒼山人詩鈔卷一

三

蘭不因紉佩香木不因中採直直木有本性香蘭無豔
色豈以志士心中道自惶惑達非爲我加窮豈爲我抑
逸豫痿腰身嗜欲暗神識險經道乃遠海運飛始力小
智競目前達人恥徒得蛾蛾登高山驅馬不遑息細茲
千古懷遠覽契前德飢食清水濱寒棲松桂側幽禽對
我鳴崇雲共我陟長歌猛虎行慷慨鬱中幅

門有車馬客

門有車馬客壯遊輕遠方遠方薄四海欲駕遷俚俚饑
齧山頭棄渴斧擊冰漿三川揚鯨波九坂折羊腸僕庸
顧我嘆我馬元以黃男兒急功業俯仰增慨慷鳴禽揚

春和鷺鳥厲秋霜運會自有時聊且歸故鄉老親出門
前歡顏得所望倉皇走弟昆顛倒書劍裝稚子躍我側
妻孥羅尊觴親交接踵來榮言各溫涼解襟振塵土回
驚客路長寄言遠遊子歸哉樂未央

浹水曲

卽槩過湖來儂船過湖去生小兩湖邊能得幾回遇

采菱曲

回槩遊蘭津菱歌聲淹抑並船隔芙蓉凝睇如相識

采蓮曲

采蓮溼翠袖要得染穠香卽從岸上游只是遠芬芳

點蒼山人詩鈔卷一

西

東安劉越石墓

驅馬桑乾陽連岡列縱橫浩浩白霜積琴琴風林聲在
昔劉越石城此事西征投軀隘天地百鍊磨霜礪完都
亦已傾孤軍慘泣血長嘯發重圍萬馬散明月慷慨窮
林吟慰彼資糧絕飛鳥爲哀鳴浮雲爲鬱結何乃同盟
子信義中道裂脣齒結幽井妖氛冀剪滅殷勤報盧子
竭茲忠孝節一心急公朝黨讎視無別邈矣子房智懷
哉曲逆奇齋恨卽泉壤脫難竟伊誰遺墓古城側白日
何淒淒碑碣不復識樵牧循荒陂疇憐枕戈心死生終
不移三復扶風歌爲君奠芳卮

留別袁安生徒

涼風蕭天野遠客浩言歸臨行轉惻惻重與諸子違道
同得所契步履相因依異鄉苦多感慰茲風雨霏人生
重徒侶况乃知我稀所嗟萬里道行當隔音徽停雲何
渺渺驪馬揚金鞵珍重贈言義遲此前途暉

前題

四載離高堂定省缺晨暮強顏為人師乃今卽歸路人
生貴同志豈必長羣聚名理如坦途師資在領悟副墨
而洛誦元冥亦景附求馬唐肆中無乃類膠固小成致
道隱大源力仰沂惜日日斯新駒隙隙閒度刮日後會

點蒼山人詩鈔

卷一

五

期當非此日故躋躋幾輔居飛黃易騁步勉哉各努力
勿徒遠人慕

鸚鵡洲

鸚鵡洲邊草萋萋春又生人心與江水千載鬱難平鴟
鳳何相值茝蘭空復情恢恢天道大漫衍適孤行

城陵磯

長江春盡雨綿綿萬里金沙下雪巔只說洞庭青草漲
扁舟格是上青天

洞庭順風

渺渺長江水迥波送客舟春風吹掛席飛度岳陽樓舉

酒屬孤嶼白雲平溯流月華一千里湘瑟未停搗

湘陰泊

斷岸微茫翁竹煙雨聲滴瀝到蓬船輕風細浪離離草
鼓遍湘靈廿五絃

賈傅祠

漢世承平日真堪痛哭來無人知此意何自惜斯才楚
雨晴猶溼湘流去不回荒祠蘋藻薦爲憶弔原哀

鎮遠河諸灘謠

太山腹溪懸水如梯連三篙如箭石如的篙師精誠飲
羽沒石峰窩石鏢一線仰天三轉刺武溪之礮石或馳

點蒼山人詩鈔

卷一

六

之武溪之剽石或糜之石之齒齒何如夷之盤熒熒白
鷺磯頃刻大於鴿白鴿瞥眼飛鷺鷺又來續大小鷺黃

猴黃猴長竿捷末母夷猶黃猴虎耳崖履其尾行人心

得虎子虎耳上高流下高流上下雨遲速一樣白人頭

洞高流清浪巉巉不斷灘欲上不上石盤盤青山白石行

路難青浪

題鎮遠店壁

山透水玲瓏樓臺向背同葑簷鍾乳滴梯徑石脂紅佛
火明深樹田歌出半空忘懷在逆旅隱几洞天中

龍場驛

何陋足軒趣良知道業昌遠峯翹馬耳細路繞龍場浩
氣祛炎瘴微言息跳梁蕙蘭持慰我也惜覆空牆

清鎮諸山

路平山更好難得是巫黔疊嶂蓮花燧疎峯菱角尖薄
醒銷馬蹇久旅得心恬獨愛郵亭石玲瓏倚蒨簷

安順諸山

應是洪荒始蠶螺激斷龍紛紛從化石鼎乘逐奔瀉蝸
國煙嵐古龍苗洞穴高雲切春跳月歌管醉噉

夜行

暗壑喧無定空亭得辨津馬蹄從石火林影突楓人眩

點蒼山人詩鈔

卷一

七

境參真幻冥心勝苦辛前山鐙數點安穩到城闌

阿都田諸山

奇峯千萬狀極意逞魏峨陸海分羅剎坤輿靡疥駝詔
光消積雨險語逼前坡惟有無何飲雲煙醉裏過

黔雨

泥塗還自笑襪襪羽衣身的皜梅花色淒迷個底春雲
堆壅鳥道雨意狎龍人應盡羅施界纒堪與日新

黔山蝴蝶歌

竹江花開濃煙霏花間蝴蝶不斷飛似惜行人寂寞路
聯羣逐隊來依依滕王圖中描不得巧學苗女裙五色

逞將新樣鬪蠻花孔金翠羽啼鵲血羅浮仙洞蝶仙遺
金筑山奇蝶亦奇沙坂墨蛾春錫貢不盡如意館中知

五華學舍感舊

靈珠滿握氣闐闐上舍聯翩盡少年十載行踪塵滿面
五華春夢草連天便便負腹長安米寂寂懷人海上絃
雨散雲飛音信杳幾曾真個玉堂仙

淨蓮寺

寺有泉甘冽丁酉七月
龍關寺圯孔太守重修

長岡陡轉暗塵收萬綠含風古木稠爲愛鳥啼頻酌茗
憶經龍關此爭湫方山一種存觚意珠水三迴作象流
馬足不隨歸意迫穿雲攜翠也忘愁

點蒼山人詩鈔

卷一

六

紫城夏月之涼非久客於外不知其異

輪扇離冰徹玉堂低回何似此清涼一天明月雨初霽
匝地清陰花冽香蠹簡翻殘情共杳蚊雷寂處適俱忘
奇諧却似龍褒句浩浩團團夏夜霜

遊洱水

帝青開飲藏鷺羽拂風輪雪鏡循湖遠瑤蒼識面眞雲
嵐成聚落城市映波潏却望層冥裏還應大有人
盈盈秋在水滉瀟轉鳴榔柳港重重翠蘋花細細香管
絃迷曲渚士女湯紅妝往事航湖海難將釣射忘
臨水亭前揭煙波面面佳跡空磨使館人愛舊詩牌樽

俎情懷別雲山今古借閒閒
鷗數點天地渺無涯
危樓浩淼天幹嶺掣東旋
青迤龍關樹秋消雞足煙
閱人碑字沒小稼島痕遷
彷彿前遊日悄悄又五年

山店

山店過雨雲倒行炯炯缺月逗雲生
驚棲山鳥中夜鳴
高林大竹喧溪聲薄衾展轉夢不成
瓊樓美人隔玉京
何由相憶此時情

順寧阿魯石至芒街渡

踏踏馬蹄缺悵悵痛僕遲
山行日益高谷行日益卑
連巖忽中斷橫江鬱怒馳
緣壁下如綫出石愁傾欹
竹筏

點蒼山人詩鈔

卷一

九

渡回沈毒霧壅迷離密樹厚積葉蒼苔
森路歧呼鳴辨
鬼鳥爪踪雜虎羆野人如猿猴
結屋山之眉日夕投古
戍山茅薦飢炊夜氣溼鐙燄
花蚊鳴詭詭昨昔京洛道
垂楊夾九逵紅樓豔歌舞
豐膳羅金卮白馬何蕭蕭
當風揚玉鞵行人泥春景
意氣生遊嬉行路有苦樂
苦樂無定期自非遠行人
世路焉得知

臘門行倣王建荆門行體

臘門溪頭溪水長臨崖大木椽
作梁溪南三月行人絕
南風如燄烘林樾四月蠻家
山上遷尋涼逐水深竹邊
夷女浴歸雙足白野花亂插
香雲偏燒山種稻不須水

陰陰溽暑滋杭紫暑氣蒸雲貼地鋪
漫漫銀海天模糊
一雨一晴瘴煙起日中五色紛縈
紆防煙避雨不計程
虎牙孤戍氣猙獰下有毒泉清見
底飛鳥一飲中墮死
遊魚撒撒不可釣蛙聲如犬衝人
起連蜷怪木交陰深
同根異實青森森象行草中不見
脊火犀怒觸山石砉
蠻兒耕田負努刀山僧咒虎嚴村
柵南中賈客操蠻聲
不辭荷擔年年行職方以內險如
此九猛之南可知矣
山經異記闕紀多奇遊畢竟將何
底青翎小鳥呼歸飛
飛飛不竟不如歸

芭蕉果

點蒼山人詩鈔

卷一

辛

綠雲山閣翠涵淹蕉果穠香得味
厭半褪花房蓮片片
密排蘭實玉纖纖露華披折金雙
掌素質清虛雪一盞
草木南方誰續狀天生與滌瘴鄉
炎

蘭滄江歸自神州渡濟

連峯直上隘層霄萬里波聲壓海
潮源近黃河初瀉處
流專赤縣最南條盤渦當晝蛟螭
駭裂石欹崖風雨搖
百尺浪花飛渡險豁然瘴暑已煙
消
炎天赤浪勢熾然五色真隨四序
遷石壁風號千樹偃
鐵橋雲退一絲懸排山不假夸娥
劈到海還踰夏后先
悽惻蘭滄傳漢曲昇平今日際堯
天

山頭極望遠茫茫天塹何勞限異方勝國龜沙消滄溟
百蠻犀翠入梯航風盤曲棧人煙出雲擁深篁鳥道荒
棄險自全臣節死猛公祠宇最悲涼

黑水遐荒考辨難崑南崖上壯觀瀾九州到此遊方遍
萬古如斯逝未闌夜靜潮聲翻海滋夢回落月下巖端
舉頭矗矗天梯引若士汗漫道路寬

竹實

竹實如紅豆由來籊米殊南荒深巨蕩密葉隱聯珠採
擷參蠻糗續紛落鳳味奇珍人不遠煙雨自涵濡

傘兒草

點蒼山人詩鈔

卷一

三

小草騰衝嶺靈奇不死能辭根蠻瘴遠滴水翠雲蒸細
葉攢花樣孤莖歛石稜長生真大藥枯苑已明徵

松橄欖

蒼松老翠嵐異藥得幽探圓綴蒙蘿紫滋回諫果甘熱
中冰飲滌苦口舌香含遮莫紅鹽子粗能解酒酣

魁莧

靈苗滴露生搖影翠輕盈羽葉排輪扇雲漿浴玉嬰乳
酥融點化冰雪湛虛明藜糝兼藟芋多方骨董羹

榧松子

榧子如松子芳腴質兩融旅生凝練實乳綴儼梧桐百

果當筵結三蟲避影空苞龍來落鳳爲念舊樓叢

冬蟲夏草

離離山上草趨趨雪中蟲玉躡翹根起青萌坵尾豐寒
暄機出入變化肫初終烏足與蟪蛄回環無此工

山行驟雨

黑雲出峽挾雨奔山旋石偃蒼林昏濛濛曲磴銀瀧翻
老竹倒卧遮行鞍人乏馬饑行路難年年龍醉知今日
輸與酒客嘲臧孫

黔山雪後

黔山二千里積霧無春冬一夜滿積雪馬首森萬峯一
點蒼山人詩鈔

卷一

三

插虛無朗如白芙蓉雖苦曉寒冽放眼開塵胸危橋
靜妥帖老屋欹龍鍾斷冰咽澗泉隔葉鳴淙淙有時餘
霏微灑落崖上松前路仰天際人馬紛憧憧如彼蟻緣
壁了了足行踪繫馬酒家爐巡簷拂凍淞勞生信可恤
半途誰能備

晚行

山雲照行路不知寒夜深梨花千萬樹明月生空林村
巷寂登足巖泉鳴凍岑客心悽絕處幽谷一聲禽

冰舵

水澤增堅壯舟楫斂寂寥順時成利濟履險得逍遙直

據烏皮几平凌碧落宵依然刻木意還省打冰僂方軫
車同較天衢斗挈杓踐波開歷市卽地碾鮫綃搖曳鮪
鱗引浮遊鴈鷺飄披煙移皎月舞雪擁驚潮山繞跣
翠天橫潏蕩遙轉蓬源古制泛駕靜塵颺巧類張融宅
權符大禹橈何須遇稟盪不辨廩君漂仙路遲琴鯉迷
津得手撓晶宮難副意麻嫗慎相邀

結意

風馬雲車結意重玉山蘭野儘從容鴻鱗寂寂蒼苔掩
樓榭沉細雨濃二月花攀歡氣息雙襟榴插豔他儂
但教一覲終成感錦葵應知憶子丰

點蒼山人詩鈔卷一

三

鴉鵲

鴉鵲聲驕蕙草柔詔華如水逝難留遠山春到思螺黛
綠樹陰深響玉鈎婉轉簾櫳通燕語披離風雨爲花愁
三清十洞殷勤遍蝶蝶鸚鵡願未休

張家灣解纜和戴崧雲同年韻

東便門東趁夕暉煙波最好拂塵衣鄉關遠近同爲客
山水登臨也當歸堤柳雨深秋更綠野鷗風定暮遣飛
扁舟更有陶焦侶恣瀟湘未足非

泊頭鎮懷孫觀城

孤帆婉轉綠楊絲水驛亭臺浸碧漪爲念故人行絕塞

憶纔攜手宴南皮琵琶曲院翻新調菡萏秋風映客卮
自笑石婆顛倒夢萍踪浪跡已多時

中秋月

今夜團圓月清輝萬里同高堂憐客子皓首仰晴空秋
漲無邊白華燈燈水紅同舟歡共飲未解慰飄蓬

十六夜月

帆行不覺晚林月已東生圓彩猶前夜他鄉又一程暗
蟲喧露急孤鷺撇波明不盡良宵與嫦娥對盞傾

十七夜月

漫漫天接水夜夜月隨船暝色遲蟾影清輝減鏡邊晚
點蒼山人詩鈔卷一

三

花分桂露紅粉惜瓜年竟夕憐相照娟娟到曉天

運河舟中

長帆信微風人閑語音寂小波盪蘭漿玲瓏時激激
岸蕪蒲香支窗楊柳入鷓鴣下却回蜻蜓颺欲立芳洲
渡迴緬斜流過徑直炊煙冒平楚微茫見城邑停雲如
遠山際海照晴色曠茲千里目一暢客情鬱高咏滄浪
歌此意從所適

濟寧太白樓

澄湖渺渺碧山浮倚檻雲嵐憶酬墮謫仙人間作客
憑凌天地此登樓忘形海鳥鴛鴦快意丹砂駿馬遊

勝地芳名留一醉人間富貴等浮漚

朱超綠同年招遊山塘夜飲

湖山鏡火散花林共憐子夜纏綿曲一慰天涯離合心

明日孤帆回首處吳江楓葉正蕭森

姑蘇臺

姑蘇臺上醉金卮歌舞繁華未了時願倒人間殘夢好

紅心春草葬西施

李敬茲同年招飲湖上送別高美東來玉湘往金

華和戴崧雲韻

點蒼山人詩鈔卷一

柏葉重重畫不如西湖十月勝春初林家報客飛霜羽

蘇小舉簾駐壁車桂楫有情通宛轉雙峯弄影對軒渠

分攜莫負梅花約雪夜山陰思有餘

買亭

買亭楊柳跪停舟解珮芳情箇怎酬紅葉一墀花影寂

理絃聲在水西樓

倚徙餘醒曉意閒花枝倭墮綠雲鬟水晶簾下芙蓉鏡

淡染南湖一曲山

七里瀨

三拜先生峭病呻支離疏兀不亡真虛名身後知何與

如此江山不負人

江瀨蕭蕭風雨音一編啼髮共悲吟巖陵風義人衰絕

托得當年許劍心

上瀧般

長絃焯約蓮花躡翠袂飄指風滿江越女皎然天下白

一齊揜袖出爭灘

蘭溪道中

泉響四山空石深秋氣聚密竹連溪崖積翠自成雨野

渡杳無人人聲隔煙語

景寧山中見天臺高出天際沼行一日

點蒼山人詩鈔卷一

越嶺重重堆雲煙覺峯忽落落雲倒旋含光轡景青聯翩

千峯萬峯深無邊矯如天門朝羣仙圭蔡珽直旒冠綬

神女飄飄翹煙鬟金支翠旗有無間天風吹人骨珊珊

有時桃實流芳鮮此中一入迷往還彼姝者子難為緣

嵐深翠鬱長千年

福寧道上寄翁凱恭戎府

東南天地盡環瀛大姥霍童心遠傾客路驕人俄自笑

連山到海岌難平溪厓湖落林淒響石磴雲過雨細生

為報故人相見駛別來十載有長征

白鶴嶺望洋

452

萬島雲濤白鳥盡一蒼然飄飄洲國影寥寥沃焦煙河
伯晚聞道大鵬飛動天竟難情措處操縵撫成連

水口暴風舟人呼下龍風雨霰也

驚濤蹙電輪綠樹偃雪津白雨飛龍風寒風縮蛋人歸
程遲上水世味澁勞薪萬里孤舟客蕭然對臘晨

野梅

甌嶺無寒意梅花也自芳風吹一林雪春漲滿溪香小
泊斜當影孤村亂拂牆故園三十樹憶我竹間牀

嶂山亭望匡廬

嵐翠濃如溼山亭殷瀑聲到來真面出似我點蒼橫高

點蒼山人詩鈔

卷一

七

挾江湖轉虛涵天地清東林期一宿倏忽暝雲生

古意

鏘鏘環珮七香輪桃李芬菲洛水春傾國佳人方絕世
東鄰之子舊窺臣唾落石花留染袖紅飛青鳥爲御巾
汎餘清瑟分明訴好托行雲到玉津

點蒼山人詩集卷二

雲南叢書集部之二

太和抄

抵皖乙卯

天柱雲西起東連九子霞長江中滄海此地足清華策
仕應隨遇致身初有涯怡情山水窟何必覓丹砂

望天柱山憶春初北上滯雨

客路梅花憶早春舊遊薄宦亦前因炎蒸忽地清涼雨
馬首青山似故人

金陵懷古十二首

一夜西風起建康石頭秋色曉蒼蒼長湖碧樹籠天遠

點蒼山人詩鈔卷二

細雨蘋花接艇香名士難逢邀笛步酒徒誰共落星岡
官程幾日蒞蘆畔擁鼻還堪調詠狂

鑿塹埋金說昔聞天教漢鼎更東分江風怒發周郎火
車蓋驚飄魏帝雲驃騎英雄終退守赤烏強盛亦紛紜

收來智勇成奇效持比南朝已不羣

河洛翻騰萬里煙衣冠江外盡顛連新亭一灑英雄淚

坐壁重開板蕩天幕府有山猶肅若圍棋却敵竟儵然

烏衣從此風流盛誰溯憂危戰伐年

浮江龍化淚堪潛接踵荒淫直等閑多事東南生王氣

無端金粉汚青山雨花不救臺城渴泣血空留井石斑

萬戶千門歌舞地烟波一片野鷗還

龍虎山城擁帝居南朝往事竟何如千秋未盡繁華興

一轍還尋禪代書際海波濤天作險夾江城壘計非疏

到來攻守難同勢始信過秦論不虛

歌曲風流六代誇興亡緣此亦堪嗟却教渡口天桃葉

翻勝宮中玉樹花狎客宴遊驚戰鼓女官羅綺散飛霞

只今賸有秦淮月絃管蛾眉水榭斜

捐軀周戴凜猶存異代誰同大節敦髯緒竟教傾宋社

玉兒猶不負東昏元湖龍氣移桑海北埭雞聲變野村

莫唱符鳩鳴咽曲石頭哀怨更難論

點蒼山人詩鈔卷二

芳樂花殘瓊樹秋南唐一晌更風流凌波影亂金蓮散
划襪香來瑣殿幽不信江山能建業依然天子是無愁

玉笙吹徹清狂甚多事東風又小樓

揮塵清談習未忘紛綸經史亦輝光虞翻謫後按羅廣

雷仲徵來隱遁香巖壑高風明釋遠詩書錦簇竟陵王

休嗤八代文章靡瓌麗天教各擅場

史事紛紛紀傳齊偏才閨運儘堪稽誤人安石誇名字

報國夷吾費品題隱士精靈留瘞鶴水神奇壯忌然犀

滔滔日已江河下東晉多才較勝西

宮錦仙人飲興狂荒亭野館亦芬芳莫愁畫艇三山遠

小妹青溪九曲香書憶亂鶯春草長歌愁殘月曉風涼
多情奈有瑯琊癖臨水登山繞斷腸

迴朝初定碧琉璃懷古悲移泛酒遲安石未容高枕卧
蘆倫終愧北山移天邊樓閣參差見江上雲霞變幻奇
萬里一官心百感那堪情思托香離

過宋郎中朱孝子墓

佛有懺悔法愛苦從所受念彼阿走師寫經血其口佛
以了其愛朱以得其母

天長諸邑士餞宴方氏山林同賦桂花

淮南叢桂樹隱士得其幽而我風塵者還為此日留樓

點蒼山人詩鈔

卷二

三

開山鐘響雨過石潭秋良會如斯少行杯莫計籌

六合慈僧寺

野寺憇勞攘遲月亦吐東安穩得化城行旅忘忽忽桂
露晚香重石寒潭影空靜理悅幽獨炯炯生虛冲

桐城道中

折坂塗泥迫暮程翠微深處轉情生冷冷野水澗餘雨
得得好山天放晴大壑松高雲氣響澄江風細雁行輕
人生出處如何適隨意烟霞分外清

哭錢南園侍御

捧簡端衣聽漏遲精誠獨結主恩知生當邳治熙隆日

慈負丹宸耳目司江上青驄蛟蜃避湘中時雨杜蘭滋
玉樓待賦知何急報國猶凝徹骨思京華兩歲接清塵
把酒談詩氣益振世路盡嫌跼弛士惟君不棄慨慷人
一官江上臨岐別匹馬雲衢從扈巡可道先生成永訣
頽然猶認夢魂真

雨中望龍眠山

悠悠事行役寒雲凝江濱密雨隨風來濯我面上塵僕
夫因泥潦靡及然駢駢行行陟高岫前山何嶙峋積霧
羃巖趾復峰浮蒼垠巒嶂互出沒蒼翠紛鱗彬隱約見
龍眠雲中昂欲伸涓涓流水斯淅淅搖松筠豈不苦寒

點蒼山人詩鈔

卷二

四

冽耳目從清新南中早春麥生意萌畦野亭曠人跡
寒鳥鳴荒榛卽事遺愁寂薄宦從所因

道中感賦

楚水吳山渺萬重官程南北尚萍踪不嫌五斗從腰折
猶自雙親缺旨供雪嶺泥塗遲破露梅花驛使驛難逢
江干蕭瑟窮年意砧杵千家響暮春

說劍談詩倒巨樽除將結習耽猶存燕居今已輸梁諫
雌伏真成愧趙溫驛路有情山過雨田家無次竹當門
蕭蕭行色孤村晚促鼻難同起謝墩

仕資擊析尙相宜盤錯因隨利鈍施風月舊諳騎馬蹄

絃歌翻讓讀書時雲生培塿霖何藉水不江河潤可知
百鍊而今須繞指難將身世問襟期
無端襟感靜中攢茅店蕭疎夜渺漫雲氣入窗燈半濕
溪聲伏枕夢禁寒宦須努力爭先易事在宜人自揣難
前路好隨程近遠聞雞休更等閒看

滁州山中

霜色散晴曉凍鳥深樹鳴寒空出山骨流水清澗聲田
野人事稀行役迫期程忽忽故鄉感歲暮難爲情

雪夜西橋步月

春風吹密雪積素夜漫漫斜月一天白清輝萬壑寒泉

點蒼山人詩鈔

卷二

五

聲冰漱石蕭寺竹平欄晶晶元虛寂因知靜者觀

醉翁亭

幽亭山四面千古足風流翁意不在酒民心相與遊泉
聲留竹石雪色老松楸小酌清如此斯人不可求

歐梅

突兀留孤幹歐梅闔白春幽花開豔雪清韻見伊人山
氣深含碧潭心淨寫真癖香猶有意索笑倚霜筠

嘉慶元年元旦恭賦

丙辰

粵稽羲燧始互古此元年玉契新承詔瑤圖繼體乾敬
將臣庶寄祇受聖人前太上淵謨穆休徵福祚延長心

仁共溥民隱念猶懸昭祀神祇肅臨雍禮樂宣來王日
出處拓地海西邊六十年宵旰三千界仔肩成功告列
祖錫命自皇天與子非私子推賢得象賢微危朝夕訓
作述義恩全禹啟依然禪唐虞直自傳百靈勳運會萬
國拜冠纒謨語龍光炳廷墀羽衛鮮煙霏騰紫極劍佩
擁羣仙沛澤蠲徭賦新民滌管愆臣工皆晉爵野老亦
賓筵萬有山河表雙瞻日月圓太和春蕩蕩永壽歲綿
綿風雨交三素豐穰遍八埏青陽乘木德五老動星躔
孝治光神化文明肇德元小臣膺簡拔一令荷陶甄惟
有岡陵祝重廣保定篇

點蒼山人詩鈔

卷二

六

龍興寺西院

林壑西南萃春庭攬碧雲瑯山當檻曲澗水入城分龍
起湫邊雨人耕竹外雲坐來遲日靜花鳥亦忻忻

瑯琊溪

夾石盤孤徑泉聲步步聞寺開龍馬帝松結翠華雲淮
海千峯碧江天一練分偶來高頂上便欲却塵氛

庶子泉

庶子泉猶在澄涵淨綠醅巖根盤窪石雲氣侵蒼苔幽
鳥垂藤浴寒花入鏡開不緣饑渴飲一酌滌塵埃

館寓月下

碧落過新雨清宵水鏡臨無人同此意與月得相深露
重花如雪庭虛竹覆陰惜春不成寐奈此惜春心

滁州西澗晚眺憶韋詩

繞郭寒烟暝冷澗水聲爲憐幽草上曾有玉仙行宿
雨苔痕淨春山樹杪平前人寄情處還起後人情

幽谷

歐亭十里萬花春春色蕭條剩野榛流水白雲山自碧
更無幽谷種花人

望瑯琊山

不盡看山與登樓客思催雪中騎馬路草色又青來

點蒼山人詩鈔

卷二

七

閒中

雨後軒窗絕點塵閒中滋味客中春看山不厭憑高檻
掩卷無端憶遠人頓爾小花開峭蒨可知良日恁因循
荒原誰放饑嘶馬翹首鹽車亦錦輪

紅梅

鐵石盤孤幹寧須渲染工深林一夜雪數點拆春紅豔
影清還冽澄潭映未空藐姑仙子醉顏頰倚東風

水仙

孤根依蘚石瘦影嫩寒生自葆無瑕白天然出水清
香春脈脈猜笑月盈盈仙子憐嬌小凌波更有情

雪後望全椒山憶韋左司詩

雪霽四山出蒼然兀嶂嶙三降浩不辨孤煙橫溪濱野
亭合深竹虛寂無纖塵念彼韋公詩山中如有人擾擾
徒途問懷芳非彼倫一瓢風雨心太息古人淳

春雨

濛濛不覺雨亭皋夜來春積潤含青陽萬物如飲醇煙
霏暮林址隨風颺溪濱太和在天地時至相瀟綸小草
亦何知青青回畦畛

全椒道中

絲柳千條踈碧沙籃輿迢遞繞山斜寒烟野渡生芳草
點蒼山人詩鈔

卷二

八

細雨孤村溼杏花多事客愁繁世路等閒春色在天涯
年時落魄偏豪甚絃管燕臺笑語譁

峴關

桃花簇簇柳絲輕大峴迢迢小峴橫伍相祠前寒食雨
春山一片鷓鴣聲

居巢懷古四首

南巢誅放始處置亦良謀日尙天中在江仍禹甸流羈
臣悲五就口實啟千秋魏晉崇三恪私衷自盾矛
跨鶴高高去金庭鶴背還神仙何樂者所得是名山茶
滿吹笙處皆留鍊藥斑夕陽孤洞窈雲氣蒼松關

亞父三提球興亡杯酒中可憐呼豎子猶自惜英雄死
免悲垓下生能阨沛公不因秦楚際誰識老村翁
吳魏爭凌日青山照水軍舳艫催四越風浪扼三分靜
夜聞歌妓飄風落蓋雲須濡殘舊塢應祀紫髯君

廬江道中

宿雨青含草籃輿曉靄侵春山隨水曲客路入花深嬌
啼鶯藏柳輕翻鷺繞林桃源行處有應識古人心

夜雨

寒食江干路鶻愁個怎除夢魂迷鶴拓風雨渡鳩舒花
事消春半名場識味初聞憐桃李豔多少上泥淤

點齋印人詩鈔

卷二

九

桃花

羽柳平橋合晴煙萬縷長桃花照春水曉鏡出紅妝宿
雨含猶溼光風暖欲香遲遲愁客路回首復迴腸

客思

客思如春色春江春路遙楊花吹不盡裊裊萬千條

望天柱山

平沙煙樹簇長橋天柱三峯露碧霄玉葉崖雲馳嶽雨
桃花千澗上江湖一官道路經春駛幾度名山入望遙
布襪青鞋真不易黃生清興自超超

淝水懷古

千里旌旗壓壽春謝元搆掌竟無秦可知百萬投鞭眾
不及曷藏寶番人兩晉河山存一戰八公草木走羣神
圍棋太傅真瀟灑早辨蒼生賴此身

大雨行簡李石帆刺史兼呈張竹軒

我來五月青苗枯火雲燻燻翻日烏馬毛焦灼渴泥滓
行人望雨過農夫陽倚陰伏遽巨測雨來忽地傾江湖
淋浪十日雷車疾墨雲亂捲蛟龍趨浙潮中夜聽高枕
蘄簞六月如水壺暑中得爽雖一快下田禾黍寧支吾
曲澗百里大河逼昔曾隕決遭淤浮譙州刺史濟陽李
憂民惴惴愁疏虞座中有客兩詩伯前日示我握珠

點齋印人詩鈔

卷二

十

泥濘斷行隔咫尺相思恍如山海隅望雨望晴坐瑣屑
靜中百感生羈孤兩楚盜賊負蟻穴我軍露宿民轉輸
昨聞賊火縱焚掠流離在野顛陵瀆我行於役苦留滯
渠渠廣廈猶嗟吁天心仁愛不可度洗兵往往風雨俱
安得龍母青驄振雨鬣直指賊巢雷電驅一洗兩楚妖
氛無

雨阻

一字于役馳皇皇小才下走誠相當江淮淞泗淝澗類
鄭生注經如我詳人生功業何由起宦味苦澁愁初嘗
我與欲做人寧澤馬腹不及鞭雖長暑雨斷行聲浪浪

野館鐘昏夢故鄉

梅心驛晚坐

僕僕塵泥暑半徂
閱來世路耐繁紆
馬曹堪笑不知馬
珠檀難逢真紫珠
而地火雲殘雨過
一樣涼月四山孤
莫辭鉤繫還成用
揭厲無心也自娛

七夕禱事七首

翩翩元鶴下高嵩
一曲鸞笙斷續風
多少仙才齊仰首
可能上接浮邱公

桃花歲歲憶瑤池
青鳥西來翠幃遲
臣朔可憐餓欲死

還須阿母始如兒

點蒼山人詩鈔

卷二

七

狡獪仙姑笑語頻
纖纖指爪竟難親
等閒滄海桑田事

老却人間鍊骨人

免俗真嫌戾俗多
仲容才器奈貧何
長竿犢鼻清狂甚

畢竟人間愛綺羅

坑笑迂疎學蠹魚
光芒萬丈解衣初
投公千里叅巒府

便腹何須有笥書

玉殿深宵促黛蛾
君王無計奈情何
雙星也自傷離別

那管人間愛戀多

天孫好語報嘉祥
板蕩功名百鍊鋼
大富貴來還壽考

千秋幾個郭汾陽

讀書

刺船當趁風灌園須趁雨
人生貴適意遠近隨所取
輸通與冬裘黍米計庾釜
飾美匱乏中內顧愧仰俯
平生讀書懷廣廈庇寒苦
一身愁饑劬所志將何補
草虫鳴吻吻皎月半環堵
賴此殘簡編忘懷事稽古
夜氣空人心往者在衡宇
結習忽復萌挑燈自栩栩

江干送鄉人歸

風雨山城晚孤帆挂水濱
別離無限意萬里故鄉人

迎江寺東堂

空堂花氣碧雲和
樹松斜陽渡遠波
山意深秋稜角出

點蒼山人詩鈔

卷二

七

江流曲處委蛇多
安心無地從僧覓
破浪乘風羨客過

坐久塔鈴頻自語
靜中消息勝愁魔

聽雨

濕霧霏微覆燭煙
薄醒消盡耐愁眠
故園花好秋慈倩
寒雨聲殘夢渺綿
心事未能輕墨組
韶華容易老江天
關山萬里雙垂白
悵望雲鴻已五年

重九前雨中

鯉魚風信迨芳朝
水國樓遲倍寂寥
涼雨一天推木葉
秋聲半夜起江潮
家山入夢雲猶溼
宦海經年髮自凋
明日登高何處好
愁腸須倩酒杯澆

送客

心事渺無際偏從送別生秋風不解意催客挂帆行

對雨

嘗日厭車馬惜此間中情開簾坐疏雨斗室有餘清蒼
苔蔚惹蒨寒葉鳴琤琤燦燦東籬花移根竭書英幽獨
易為感撫時觀我生靜理庶可識憧憧慚所撻

汲江行

汲江引銀瓶中有故鄉水水味似故鄉故鄉五千里前
日大江北今日大江南江上何所有青山夾雲嵐長槩
駕連舳一夜汀洲宿歸夢越波濤門前芳草綠芳草春

點蒼山人詩鈔卷二

三

復春腸斷倚樓人紅顏餘幾許眉黛舊時顰風吹崖邊
樹斜月墮江霧良會不分明猶聞話縑素軋軋曉柳聲
驚心問早程葦花落秋渚遙見皖公城城中車服好宦
勞人草草宦遊何時歸澄江照人老

大雪郊迎朱大中丞即事 丁巳

江波盪雲雲滿急三日濛濛暗平隲大龍山雪揚風來
江外孤峰森玉立汀沙細草冬不凋亂擁瓊花翠複疊
大觀亭子琪樹中縹緲瑤臺銀海合我來手板迎長官
未覺泥塗妨拜揖隨車有雪應勝雨豐年已兆民心洽
天工人事忻相資豈直江山清賞慙鶴筆行吟興各殊

哦詩自笑成結習

南園錢丈柁船過皖

蘭臺鍾到甫經秋孤幼蕭條萬里愁懷抱如君多少事
搖搖丹旆弔孤舟

隨朱大中丞鳳泗各邑放賑桐城道中感賦

斂衽就行役行行逾歲年茲役倍勞劇所樂從大賢准
泗夏淫雨洪潦沒秋田中丞布

皇仁星駕行式過胞與念民瘼急疾為解懸告誠晰矩
則多方求安全從事忝負荷何以資承宣嚴冬雪初霽
風日開澄鮮寒山淨如拭裊裊紫村烟野人田事息炙

點蒼山人詩鈔卷二

四

背疏籬邊即此得民性一飽百憂蠲牧芻可藉手利濟
亦云便感茲慰勞瘁庶以竭駑庸

盱眙義帝故都

良謀資亞父草草定君臣復楚興難再亡秦怨竟伸虫
沙餘舊壘塵劫問湖濱寒鳥啼深樹無端感路人

女山湖夜行

激楫星浮渡寒鼉吼報更湖水生夜白烟樹入山平獨
火漁歸遠空臯鶴唳清風霜成夙慣况爾急公行

建德即事

萬壑參差繞畫城放衙人靜早柳聲泉香碧茗烹新採

山對虛簷見遠耕春氣輕柔鷹羽化月華清冷蚌胎盈
一官尚有書生樂不礙吟哦曳履行

朵頤爭啖了無休情偽紛紛費擊杯有粟何年如水火
操刀一樣怯鷄牛靜中得失存無礙空際雲烟過不留

花影日斜胥吏退涼風吹動碧簾鈎

百疊回環山氣清深山淳朴亦天成馬牛竟有風相及

蠻觸難教角不爭住相布施猶是法無邊滅度准平情

莊生齊物真瀟灑此意終非物自評

楚黔馳檄報軍興偃仰山城慷慨增識字不關憂患始

須才何用簿書能蟻如牛鬪聽爲累蚊爲夔憐兀自矜

點蒼山人詩鈔卷二

五

一邑一官堪養拙眼前晴雨祝豐登

雨後山村絕點塵高原讀法亦清新閭閻氣象場登麥

舟楫喧填水到津我自未爛柔馬轡人皆爭聽宰官身

君平卜肆開簾坐何似今朝百里民

南華蝴蝶等逍遙曲檻高凭暑氣消山郭過雲成海市

官齋宜夏似水條清來泉響迴風竹穗壓簾波細雨蕉

靜裏天機堪領取未妨心跡在塵囂

止水乘風自起波物情端不耐煩苛摧林應念亡猿小

求牧何堪害馬多悟後清虛懷老氏病中消息耿維摩

彈丸也覺偏勞攘那得琴樽任嘯歌

亭午猶餘夏日炎夏禪坐久始清恬谷聲四響雲旋樹
秋氣中宵雨到簾途次化城心自得吏中真隱古難兼
他方水旱遣戎馬最爾貧疲未可嫌

孔相國雲石

孔相亭臺接翠微當年雲石鎖林扉出山一縷橫空立

結頂雙峯挾雨飛檻外綠池荒草合巖邊老樹蔓蘿肥

丹忱猶托貞珉在淚點瑩瑩化薜衣

梅聖俞亭

枳棘鸞鳳暫此停鮎魚緣竹巧相形工詩未礙窮爲吏

種樹猶憐舊有亭萬壑晶瑩天際落千峰出沒雨中青

點蒼山人詩鈔卷二

六

遺篇不負佳山水愧我譊譊坐訟庭

謁鄭冢宰畫像

抗疏淋漓扶禍胎寸心直欲挽天回紆籌未竟當時策

舉士全收一代才歸路徬徨宗社促深山消息雨風哀

影菴遺像水顏古零落詩篇在草萊

草坑倪行人祠

火起宮中帝遣投史官疑案已難求悲春杜宇啼空切

吞月蛟龍瞰未休邂逅君臣應恍惚蒼茫林壑耐羈留

幽忠合竝金焦傳烟雨荒祠萬古愁

後河山中

雨後雲開小徑斜
籃輿清靄透輕紗
騶從驚啼鳥
期取軍將浸野花
一石一松皆古意
半山半水到人家
此成便是神仙吏
伐竹何須羨永嘉

民事詩

高山種作田朝朝鑿崖石
一生不荷鋤山下連阡陌
有田種苾草饑來當奈何
將苾持比稻道是得錢多
采茶不滿筐貴是雨前采
雨後得茶多人言香味改
種漆畦隴間豆麥猶半佃
老農事機巧粟貴漆亦賤
年年種棉花一身尚藍縷
家有少稻田望晴復望雨

得李懷度死事書

點蒼山人詩鈔卷二

七

蕭蕭江雨鳴秋風
渡江老卒書怱怱
將軍戰死黔山東
六月廿四摧賊鋒
重圍直入追渠岸
巖巖百丈臨奔瀧
短兵下馬爭擊撞
桓桓大帥墮莽戎
將軍怒援鉞交胸
男兒血戰爲鬼雄
壯士七十同一忠
前月尺書發荆唐
裏瘡報我賊勢窮
皇恩計日褒崇功
三峽迢迢流巴江
可憐馬革來輕輦

雜興

太虛眞絕片雲侵
清警難教就錦衾
皎月寒森山氣白
晚花香透畫簾深
靜憐獨鶴雲霄夢
耐可幽蟲斷續吟
二十年來同泛梗
底回形影自捫心

授衣風信報初寒
時序蕭疏柏葉丹
心化難憑三月效
堂開不耐七絲彈
快逢南菊成秋興
未厭青山向晚看
蒲俸素餐家萬里
伐檀眞自愧河干

聞戴崧雲同年攝宰漢水上一邑感懷賦寄

長江一千里書來常苦遲
頃始聞人說君宰漢水湄
又不識何邑西望雲迷離
楚地復告警賊擾興山陲
走險肆豕突堵剿嚴藩籬
君昔在襄陽勞績著守陴
磨盾寄我書整暇無急詞
談兵氣十倍毅然不言疲
今茲百里民寄命得相資
賊來爲守禦賊潰爲撫綏
豈徒暫棲息功業良此時
桓桓李懷度血戰死恩施
了生一裨將馬

點蒼山人詩鈔卷二

六

軍歸離離憶昔共度夏
三載同京師風雨深夜話
花月芳春嬉交遊一分手
各在天一涯人事苦難定
感舊多所悲自我來皖水
二年南北馳碌碌下僚中
裘傲馬亦羸建德偶承乏
春暮蒞職司小邑萬山邃
簡陋容我癡廉捲眾峰入
吏散山鳥窺雲起訟庭樹
泉響洗墨池公餘繞石吟
兀兀忘暮饑富貴知有數
清景且自怡何幸六月始
家君忽來茲違離五載餘
霜雪滿鬢影黧苗飢倉卒
羽檄梗通達迂途出深阻
屣然幼弟隨五溪歷蕭條
瘴雨日淋漓五月過洞庭
南風恣意吹火雲下鑠地
唐人猶擯眉平安萬里道
回首驚險巖薄祿不及家

親亦旅羈感此重自勵思歸非所宜努力在下位巧拙
焉敢知瓜期將見代需次隨所之君今際事會期君竹
帛垂尺書可時寄慰我遙相思

芙蓉

羣芳零落獨開遲
嬈嬈霜風竹外枝
好是天然清豔絕
苧蘿秋水浣西施

九日

爛漫山城野菊花
西風吹酒動流霞
一年一處忻逢九
江北江南總憶家
紫蟹白魚來水籩
碧雲紅樹渺天涯
佳遊似此曾難得
梅老亭邊夕照斜

點蒼山詩鈔

卷一

九

聽雨

前路遲遲泥遠行
迷離幽夢閣愁生
輕霜不剪殘紅葉
聽徹寒宵密雨聲

讀東坡熙寧七年諸詩有感

勞生強半笑萍踪
坡老詩篇得味濃
堪信去來今頃刻
真成三十九龍鍾
江風淮雨經初慣
紅葉青山看未慵
如此頭顱應可識
不妨到處只從容

出建德道中

籃輿餘醉尚沉沉
落木寒溪送遠音
夢裏鹿蕉猶有跡
池頭雁影兩無心
多情黔首臨歧路
豁眼青山隔暮林

最是來時好風景
啼鶯不斷亂花深

江樓

倚遍江樓別有情
三年梗泛一官輕
仙人謾說蓬萊淺
皖口新看洲渚生
雲外蓬龍寒似蟄
漢邊鳴雁暮還征
思鄉感舊兼懷古
華髮來朝又幾莖

不出差太湖雪中過行三首

大觀亭上雪客歲
亦斯時執板迎官肅
看山帶我知年
華移頃刻天地足
清奇更好今朝路
林巒渡演迤
三日長江雪江雲
萬頃連沙平香草
路人渡散花天野
艇依林靜茅簷覆
竹偏風塵當日眯
放眼一超然

點蒼山詩鈔

卷一

三

天柱峰頭雪隨風
飄客衣晴雲散高樹
萬壑生清輝行
役不知晚居人相見
稀自非銜使急那得
款山扉

望三祖山雪

雪花三日撲塵顏
欲禮禪宗未許攀
萬壑千峰齊浩渺
不知何處聚公山

二喬宅雪

欲落不落雪花輕
月華出水搖空明
二喬宅畔敲斜竹
夜靜時時聞珮聲

人日迎江寺宴集

戊午

江上頻年看水生
一年此日最關情
兼旬泥濘春無賴

小集瑶天雪正晴窗牖半浮雲外白塔鈴不斷靜中聲
興來恰好簪花勝折得寒梅噴玉英

雨中地藏菴宴集

管絃聲細竹風斜高閣雲生玉井沙遠踏新泥憐碧草
趁將疎雨看梅花觴催羯鼓搥中點春透歌兒臉上霞
佳會最難逢暇日莫嫌林外已歸鴉

喜晴

輿馬泥塗厭積陰新晴簷鳥變歡音曲欄花蘂含春滿
小苑苔痕駐雪深守拙自來成懶事避喧俄頃亦澄心
典衣便得朝餐早蒿筍芹芽爽不禁

點蒼山人詩鈔卷二

三

習靜

習靜方知學道遲香烟簾影動參差風情最是消難盡
詠得梅花憶雪兒

練潭道中

傍石穿雲竹樹斜籃輿暖翠溼輕紗閒閒野艇偃芳草
曲曲青山侵水涯小飲興濃茅店雨春愁紅惜路泥花
良晨幾許棲遲裏何似游行玩物華

白雲篇 白沙嶺雨後望雲作

南山北山飛白雲半晴半雨溼不分亂觸石根搖玉葉
鋪來銀海作波紋嶺上老松千萬樹蛟螭騰拏紛烟霧

須臾長風失鬣華滴瀝清聲墮珠露浮山何峩我白雲

忽在浮山阿三十六峰互出沒點點青尖盤髻螺龍眠

莊前飛又起畫圖脫手龍眠李應知塵裏苦勞形何似

雲間靜隱几我來三日冒雨行塗泥溥宦一身輕雨中

春色山如笑雨後白雲眼更清平生自細烟霞疾一別

山靈兩蕭瑟霖雨猶思濟旱能白雲已謬無心出出山

在山誰是非舒卷還須順化機江山處處資春澤絕羨

春雲隨意飛

梅心驛

細雨梅心驛新芻竹葉春山花開自媚真燕舊相因道

點蒼山人詩鈔卷二

三

路催華髮詩書拙奮身不辭征賦役籌餉濟西隣

盱眙楚姑祠

義帝都盱眙尋復死遷彬漢兵縞素起聲罪義凜森生
富羣雄間賢智何由任亡秦在三戶師旅實憑臨義義
都梁山荒祠倚芳林云實帝女墓痛父從自沉野人薦
蘋藻楚些揚哀音此事不可知可用知人心

游第一山玻璃泉觀宋遼人題名感賦

長淮浩無際連山相幹旋茲山實第一嘉錫由米顛宋
人汴口來罕見固宜然塵沙眯通衢豁眼驚澄鮮磊磊
山上石噴灑玻璃泉竹木蒼修崖縹緲生雲煙臺榭列

參差繞樹浮漪漣酌泉清肺肝頃刻俗慮蠲我游半天
 下山水窮精研筮仕困塗泥得此忽欲仙以我今日心
 忖伊游者賢何能吝褒獎歌詠酬清妍南宋昔頽靡割
 地此疆還金帛買和議列庫青山巔輸納渡淮水苛覈
 惟所便行人忍饑待風雨愁遷延山下一水隔苦樂天
 壤懸信使數來往車馬紛聯翩上客愛清景山半開瓊
 筵悉索供煩費民力為痛瘡歌笑快豪興風流誇後先
 一一崖壁上比例姓名鑄美惡雜薰蕕短語兼長篇但
 恐刻未工久久泯弗傳翻使名賢蹟鏗刮無由全莓苔
 為剝落松桂為棄捐山靈坐浩歎雲鶴愁喧闐應罪米

點蒼山人詩鈔

卷二

三

行杏崖館梨花林中

春山淺草盤幽蹊雪花汎澹擷芳梨杏崖荒亭翠烟暝
 瑶林亂落飛山雞我行被花惱不徹花更爲雨愁淒迷
 晚香漠漠衣暗溼春風萬片隨馬蹄

都梁山下路臨水採都梁細雨山花落溪流渾是香

浮山堰

浮山蹲淮流有似山浮水照影靜漣漪翠洞翳藤蘿夏
 漲四瀾漫洞口上如徙山浮或不誣誰能究此理梁魏
 昔構兵築堰互九里謀國聽降虜木石連天起倒流灌
 濤陽禍人亦禍己哀哉億萬人堰隕隨波靡維時兆星
 變天江爲犯干風雷裂地起激浪搖嶺岷水妖百千狀
 馳驟揚奔湍天吳雜象罔魃岸兼蹒跚應知幽遐處靈
 怪資者竟流水得其性蠢焉羣相安一旦遭困閉挺走

點蒼山人詩鈔

卷二

詩

肆無端物理順可得穿鑿良獨難禹功千萬載利賴此
 安瀾

汴河故道

隋帝長堤汴水濱錦帆士女恨難泯野人亂種荒穰柳
 曩曩風花也自春

聞軍營信賊匪由蜀漢竄近西安

兩載妖氛蜀道難游魂窮蹙近西安平原獸已無嶋負
 下臂鷹須縱爪搏斜各雲煙防出汲終南松桂護摧殘
 請軍謾別攻圍守一鼓成擒始卸鞍

立夏日靈壁雨中行

江上初看碧草新行行綠遍泗淮濱落花飛絮冥濛雨
臨水登高斷送春曹北河流猶漫野川東妖燼尙揚塵
肩輿兀兀閒成睡一令功名豈奮身

虞姬墓

花落虞姬墓山青項羽營興亡已陳跡過客自愁生

宿州扶疏亭

徐州黃樓截奔洪蘇公妙用土勝水宿州城頭扶疏亭
多事閒情爲公起作詩作畫亦偶然碧瓦紅欄爛熳綺
我來于役愁炎蒸亭上涼風動隱几有亭可登寧爲公
每到懷公愁不已一竹遣人重如斯一生勁節遭謾毀

點蒼山人詩鈔

卷二

三

愛公猶公等浮雲憐公進退成素否放鶴亭高雲龍深
政餘樂事窮登臨清風感人無近遠相山百里連遙岑
朝看相山雲暮看相山雨平野天垂綠樹齊荒堤水碧
睢河古登高望遠心悠然守牧風流對衡宇黃河遷流
汴泗更此亭尙與黃樓并何舒等輩竟何有的人生得失
誰重輕衙鼓隆隆月東出逕須暢飲瑤臺清

奉差搜查蝻子江亭夜獨坐

驚濤陣馬響長空木葉重聲萬竅同社鼓村村祈旱雨
塔鈴夜夜語顛風赤雲烟燄秋庚後太白光芒并絡中
并與愁人成不寐蒼茫斜月大江東

雨後望華亭上作

挂帆梅根浦苦憶九華峰今日翠微裏雲飛不辨松津
亭過疏雨天半落芙蓉了了青崖曲神仙或可逢

琴溪

密竹深無際潺湲碧水寒蒼崖敲一角仙洞倚空壇錦
石纖鱗集枯松獨鶴盤雨聲林谷應淒絕玉琴彈

溪雨晚歸

細雨涇溪路烟波共邈迤亂山分嶂遠深竹渡雲遲薄
宦隨緣適佳遊得此奇鐘聲水西寺暝野聽迷離

由涇赴潁道中措費解嘲

點蒼山人詩鈔

卷二

三

靖節粗疏仕不宜看花容易別東籬絃歌便可謀二徑
那得先生乞食詩

九月十日黃水至倪邱

溽聲一夜曲渦西南洩東泚已破堤亂梗滌河空巷寂
炊煙零落綠楊低野人競食黃河鯉使者誰沉灌口犀
昨日到官昨日水不關窮陋在羣黎

查災

方軌平原急溯洄板扉木飯盡舟材驚鷺應是時行鳥
纔有波瀾便解來

案頭

案頭詞讀襍類陳鞭撲喧呼自鬪可奈驅雞采馬意
難馴佩犢帶牛人過流已費多隄障止沸終宜去釜薪
尊食星言愁日拙羨他絃誦化如神

新正赴省 已未

新晴慰啟行車蓋轉風光深樹明殘雪春流漲小黃障
泥聽自惜雲翼雁爭揚時物忻忻意相娛道路長

正陽關人日

濛濛老柳鬱晴烟人日遊人集畫船七十二河春雪霽
鎮淮樓下水如天

安豐潭東曉行

點蒼山人詩鈔卷二

晴日破朝霧空濛時有無野潭融雪淨老樹入春蘇宦
味見行路道心生倦軀殷勤百年內此意共與夫

江漲

漲流滾滾拍天來江上青山夾斷開雪泮李冰降寒處
波吞漢武射蛟臺四年舟楫勞儲運三峽烽煙憶將才
羨煞老漁無個慮一鏡春雨掉船回

出皖

皖城勝事擬追尋巖邑關情思不禁山色依稀當路晚
江天強半是春陰寒餘紫陌花猶嫩綠動香籬水漸深
淮上雪霜桐霍雨光風冉冉鬢華侵

霍邱道上

春鴉聒曉羣晴意黯難分水滿長淮雨風狂大別雲斷
山縹六蓼野土雜泥墳獨羨安豐董漁樵向此勤

泛潁

潁流清應太平時古語徵來信有之小吏憂愉堪一笑
自凭蘭槳看鬚眉

行縣感賦

苗麥芄芄穡事閒偏緣強悍是痼癥非長大亦好刀劍
私戰鬪如爭觸蠻長河沙渚能凝石沃土雲嵐不藉山
一樣春來鷹鷂化好音清婉遍林間

點蒼山人詩鈔卷二

古堆集勘明河堤工歸雨中宿馬明經書室

來往亦無次清談不暇聆花時今雨驟草色古堆青溝
滄澗難復河澤患已經舉杯消眾慮春水聽泠泠

菰芍藥

深院簾櫳月上遲小瓶芍藥放新枝花香人語朦朧夢
猶認風前詠贈詩

南鄉夜歸

遲月起平林斜光到水潯紅塵消靜夜人語亦清音軟
掌知何極田園思不禁倦懷醒薄爽露冷欲星沉

北鄉小付 諒憩

營營飛不定茅舍隔烟蘿露果垂深葉風潭折小荷地
偏堪俗儉政拙仰時和野老勞將茗浮涼愛綠莎

寂坐

盡日寂無事年來得未逢捲簾當樹綠疊石起苔濃細
雨低飛燕疏花晚抱蜂檢書堪一笑脉望已成踪

西軒獨酌

想麻矜豪足侑觴熱中消後暑俱忘蒼苔亂落桐飛絮
搖漾風簾雪影涼

種竹

雨聲翳竹石花紫青鸞尾垂珠燕藻移竹竹醉雨不止

點蒼山人詩鈔卷二

五

老胥滿頭笑宰癡清陰滿地瓜期矣

夜坐

人靜浮涼動門庭溼露華綠陰深墮月夜氣聞滋花機
專看成笑禪心得憤跣乳鴉棲息穩夢語自呀呀

護鳩

鳩拙不營巢哺雛在堂宇殷勤與護視爲我喚晴雨

放魚

汲水石池滿苔衣漾碧腴金鱗一二寸相忘卽江湖

己未七夕

滿城簫管拜仙鬢彈指年華鬢有斑望澈星橋終恍惚

銀河西盡是鄉關

劉玉山廣文催錢糧過太和

相望共清潁懷思遲溯洄時因此行役暫得一銜杯夜
露鳴虫急林風挾雨來所嗟財賦竭辛苦爲相催

八月十六憶去年涇縣泛舟之遊

客歲涇川宰秋風引畫船桃花潭水上高詠李青蓮火
檝移清潁黃流沒稼田朝朝催鬢改倏忽又經年

稅子舖泛舟回

野僻足林莽輿行碍日旰歸途泛長潁行適亦佳甌高
岸如連山突兀倚雲半古木出根盤弱竹被瑾璨急峽

點蒼山人詩鈔卷二

三

閉回灣開流忽汗漫去帆揚西風迂斜避叢葑汀草秋
更綠水禽靜相喚蕎花秀坡雪葦籬圍錦幔浣女臨柴
門飲牛帶耕畔沃土富魚鼈原田暗滋耕此地實汝墳
民風何暴悍茲水實大川陵谷未云換漲雨起嵩高溱
洧下方渙不溢亦不竭廉折復浩瀚得潁意甚奇蘇公
豈謬贊我遊正秋霽流霞晚如鼓皎鏡瑩心神鬚眉了
可看愛水不時遊坐衙困揮汗蘇癡詎得擬微官慨塗
炭舊聞茲水異清濁應治亂所愛澄漪漣憂虞坐消散
孫榆街謫邊放歸來遊江淮滯留潁水上今始還
家贈別

頻听秋林淨碧天
家山萬里送君還
玉門生入心猶壯
耳水春遊人是仙
堂上屠蘇開色笑
機中錦字憶纏綿
十年我亦思鄉久
把盞臨風意黯然

人事升沉未足嗟
還家樂事妙無涯
味回世路辛甘苦
生受名山雪月花
五載風塵成我老
一囊詩草羨君葩
相期羊苜咩城外
桑柘相隣十畝家

梁豆

結棚架豆蔓豆花紅
陸離涼風落秋實
珍重故園思

墨石

遠懷邱壑意搗土墓
山影沙礪皺如雲
餘潤含清潁

點蒼山人詩鈔卷二

三

蒔菊

種菊滿廳事幽懷自傾寫
爲憐東籬花不似東籬下

重九夜雨

年華又重九鄉信阻江關
獨坐涼生雨秋懷黯夢山

下聶湖曉行

烟消月半沉野露溼塵襟
寒柳曉眠重空潭天映深籬

花疏抱蔓水鳥寂無心
野老初開戶笑茲車馬音

界首集夜行

簌簌馬蹄葉迂回傍小河
繁星耿耿疏樹淡月激微波
寒

野人聲寂勞生道路多
不知今日幸何處有弦歌

泉河晚眺

西風吹雪響兼葭
葭立馬關河落日斜
煙水渺茫鴻雁杳
無邊黃葉是天涯

沙河紅葉

細條絡崩崖沙水淨如殼
老木葉不凋風吹紅簌簌
野渡晚無人耐茲孤鷺宿

艾亭集村店

海上仙山落絳幢
耳邊飛浪洒蘭茱
夢回却在淮西路
早土風羅葉打窗

方家集喜雨

點蒼山人詩鈔卷二
前日祈雨得雨微
今日得雨不須祈
遙天渺邈見紫邏
碧雲一縷凝不飛
忽忽嵐霧動平野
萬點已隨青蓋歸

卷二

三

疏林霜葉間紅紫
高低出沒纏烟霏
夾路野菊浣塵土
亂布黃金繞村扉
村邊鞭牛聲吐吐
雨中漸覺呵聲稀
晚麥初冬種可市
入夜一犁今庶幾
字人無術賴豐歲
一雨立回百具腓
嗟我小邑困鞅掌
比隣見役增煩欷
輿中聽雨一清快
蕭森竹徑交蘆碕
與徒况瘁僕馬溼
茅簷村酒相療饑
山中故人憶塲燭
有田不歸笑爾非

雙河口晚憩

潁水寒初淨輕橈亂錦紋
路深黃葉塲風颭白鷗
野

色低含雨殘霞散透雲孤村蕭寺寂小憩亦清芬

曉過西湖

僕僕籃輿曉夢回歐蘇亭榭隱林隈斷堤日上荒煙白
倒影雲過老封開野興未嫌行役迫湖天猶耐得人來
風光樂事俱成古羨絕星堂一代才

蒙城西鄉

平野四無垠黃茅雜莽榛斷橋常日水枯樹幾家人小
邑偏多訟同風實比隣微官在泥淖敢憚路艱辛

自蒙城歸

盡日排愚詐歸途薄夜氛履豨稍已慣蕉鹿強難分大

點蒼山人詩鈔卷二

三

澤陰生雨空林響咽雲渚鴻驚燭火際喚起征羣

義門集喜雪

攘攘愁茲役微風雪竟成紛霏能盡日虛寂轉閒情野
樹黏天白冰河放掌平人心歸厥隩應悔觸蠻爭

喜雨

寒意中宵斂絲絲雨細生晴雲鏡外溼新響竹間清人
氣春田靜河流淺瀨平瀟裙宜詰日臨水看朝耕

聽雪

潁水繁霜滿鬢生春來鄉思倍關情青山隱隱梅花夢
斷向風簷夜雪聲

花朝雨

中庭碧水漲方池九斗春光半日馳雨意酸寒巾酒後
花朝淒切憶人時低回晚樹鶯聲幻隱約紅心蕩草遲
往事疏狂屬年少思量苦樂闌情知

點蒼山人詩鈔卷二

三

太和沙 琛獻如著

上巳日潁州雨中

三月三日春草青潁州城邊雨冥冥桃花隔水媚幽獨
楊柳和烟縈嫵婷修禊故人西洱島豪遊往事曲江亭
那知作吏風塵下泥潦驅車不暫停

喜晴

晴霽今朝得芳菲已遍林春寒騎月雨天轉惜花心澗
水蘇眠柳村簷啣乳禽麥苗宜暖日野老亦忻忻

夜行

點蒼山人詩鈔卷三 十一
村徑夾林塘晴宜晚路長煙開衣露溼花近月痕香良
夜清如此春遊得未嘗平生幽僻興活憶舊山莊

苦雨

綠樹中庭碧蘚肥鳩聲日日喚晴暉蒼茫積雨連天濶
吃緊春花一片飛矮屋功名經世拙故園風月出山非
微官好賴年豐樂蒿日中田麥待晞

上堵吟

白馬塞前山窅冥山村無人人哭聲三十五溪水冷冷
溪中種田食不勝魚肥酒美香稻杭茅簷櫛比夜不扃
何來妖賊奔狂鯨廬室糜盡驅男丁賊去賊來煙燐青

迢迢漢水東西橫鳳關為關城金城

戰城南

戰城南賊擾我城北比屋焚燒天為昏地為赤將軍填
膺壯士怒無不一以當十一以當百山高谷深賊多端
往來倏忽不得搏裹糧坐甲陰雲四遮烏鳶飽人啼呀
呀烏鳶啄人肉一半啄賊肉死賊何心怙此窮毒

戰城南賊滿城南竟城北賊饑無食攫我民我民有田
耕不得前日平一賊昨日平一賊賊平何不平賊驅我
民當我兵

隴水謠

點蒼山人詩鈔卷三 二
隴頭水鳴歔歔隴頭民隨流離官軍何在賊饑疲東望
秦川心透迤

雜感

天道恢恢儘大觀低頭吏事信心難憐才誰解書遊俠
已鬪寧知屬弄丸止水窅冥風浪失火雲蓬勃月輝寒
雞虫得失無時了轉盡桐陰自倚欄

驅車

驅車無計釋愁煩枳棘羈縻望遠騫時夜何堪憑見卵
摧林不分為亡猿河鳴急溜潛磯出雲擁飛羃綠樹昏
難路機心成執熱不妨濁酒想芳村

望蒙城山懷古

炎暑倦行役平野塵昏蒙
片山忽東出爽氣生龍慈高
樹蔽城邑迂迴澗水東不辨
漆園處纒纒高士風微旨
竟何樂擾擾征途中

獨酌

炎天人語斷黃昏芳果時
蔬自舉樽世事豈能佳論了
物情終賴靜根存平河浪寂
林回澗急雨雲頽月透痕
偃仰一官憂世界却忘百里
費批根

喜雨

半夏炎威夜未平
進天含雨曉方傾
無邊禾黍其其意
不盡梧桐葉葉聲
樂奏部蛙嬉水亂
夢餘飛蝶趁風清
披衣飽看翻簷溜
知遍人間笑語并

點蒼山人詩鈔

卷三

三

曉行

朝朝案牘苦難刪
行路蕭疎一解顏
殘夜日生霞透海
濃陰煙暗樹如山
渡頭孤艇眠聲寂
雨後耕農意態閒
野鹿標枝無限思
猶餘清淨在田間

輓孫樸園

離別再經歲各為職守
羈豈知遽淪逝長此空懷
思子荆性矯厲經術精
研迫兼心迫開濟僂俛
吏事卑盤錯試利器豪
強紛四馳遺澤春申間
父老涕漣而廬江山

水縣絃歌稍自怡一朝忽徂謝
大化良可悲迂俗多蹇絀理
數實堪疑我生異嗜好郢匠
資游嬉解劍不及贈撫墳難
可期化往揚空名徒為達者
嗤緬維知己意無復觀光儀
輟春哀國均私心同此詞寄
懷秋江風送子臨交歧

贈建德汪生石門用蘇公喜劉景文至韻

汝穎奇士不可呼交游一別
如海隅怪君西行八百里
蘇公樂事今不無今人能作
古人事愧我濁宦猶凡夫
紅塵烈日笑握手關山不用
僕夫扶雲鶴逸態越老健
霏霏玉屑挾蒼鬚山城父老
勤致語念我貧疲憐我迂

點蒼山人詩鈔

卷三

四

南方建德古無比此意淳厚
過屠蘇過江西來一千日
青山入夢如彼姝巧君大筆
畫溪岫始覺塵面非故吾
第須飲酒莫計日翦燭為我
談江湖

七夕

星軺望渺瀰人意愜幽期
原鹿三年駛牽牛一會遲
蛾眉蠶錦字蛛網結情絲
樓上漣環月離愁萬里知

宋塘河夜行

把火渡林薄迂迴上古塘
密葉暗如雨菱蔣荔石梁微
波動澄景遲此月出尤白
露草根明虫聲吟淒愴繁
星漸歷落天宇高青蒼村
巷深閉戶濃陰交墻桑馬
蹄不

動塵茄鷺時一昂對影憩野亭
睽茲水一方缺月如幽
人光輝靜且長豈不倦風露耳
目饒清芳覺境浩無際
昏夢何由望幽討偶乘隙勞
宦良可傷

秋暑

閏夏炎蒸鬱滯淫秋來無信到
林陰拂塵何處清涼界
滌暑難憑風雨心城下潁波
汗洗耳堂邊腐鼓斷鳴琴
家山苦憶神仙窟六月蒼崖積
雪深

郊行

畦圃山下羽書驚邊計頻聞使
節行大澤天空低遠水
長林日暮變秋聲灌壇風雨難
憑准鹽坂輪蹄費屏營
點蒼山詩鈔卷三 五

曉行雜詠

荒雞喔喔籬中鳴野人牽牛屋
後耕軒車何來冒曉行
人生貴賤同一飽摧眉折腰誰
攬寧
河頭趁墟喧曉霽人牛滿船礙
搖柁停車爲爾遲沙際
人生貴賤同一忙龍鍾榜人亦
濟世
荒林廢寺深含煙野僧頭白不
知禪清晨擊磬聲淵淵
人生世事不着已不是深山亦
悠然

西湖晚眺

碧漲生秋雨西湖浩渺開風吹
葭莢雪蕭瑟滿亭臺

谷難憑昔禽魚渾自來
翬塵城郭暗一片隔林隈

重九雨中宴集

蕭蕭風雨上亭臺歌管悠揚暮
色催如此黃花須盡醉
長年笑口幾回開隔簾響應疏
桐滴入座青垂弱竹來
茱萸糗糗良日興已勝陶令賦
空罍

歷北鄉故城

泛舟茨河水木落冰齠鄰水邊
故兩城坂陀橫高原西
城信陽國東城宋公墳隍復俗
餘址碑碣無由存第見
芻牧兒驅牛返荒村野老謬流
傳地誌失其真高城已
不辨况復城中人臺殿羅鐘鼓
事往惟荆榛人生如轉

點蒼山詩鈔卷三

六

帖何由覩冬春考古殿名實不
朽亦云難局踣百年內
淒惻推心肝

信陽懷古

信陽卽新陽細水出西北東經
宋公城水經脩考殿宋
公國鄭邱新陽殷就國東西近
相望無乃太逼仄節侯
食陽夏子訴平鄉錫曾聞冀木
主土人耕田得平城近
苦縣計里頗不忒殷實邑原鹿
平輿析其側細陽今縣
東岑遵所封域旁有彭祖邱傳
會從可闢雲臺重東漢
殊恩兼外戚何緣百里間羣侯
此受冊茲地實陳汝泉
甘土田殖帶礪翼東都千載豔
光澤習俗今何陋古風

蕩如滌縣志雜鄙謔笑言堪笑啞士無藏書家民有嗜
邪癖豈云天地氣有時亦輟力絃歌宰也事文獻治所
則城闕傷子衿驅車長太息

張孟侯故里

孟侯守經義侍講寓諫正抗疏理寶環平情愧險佞王
青擢幽潛快舉礪士行輜駕列講庭公卿祝翁慶豈抑
希世術詩書致貴盛廷叱宴司隸無乃傷躁輕由來地
氣剛賢達已難屏

范孟博祠

東漢鈞黨禍孟博壯以悲郭揖解綬出吳導伏床啼慈
母慰赴義樂與名賢齊正直不自保澄清志何施矯激
豈云濟道行亦需時鋤蘭暨荃蕙漢運嗟已衰抗節埋
首陽志意終不虧古墓不復辨秋草塞荒祠惟有斤溝
水皎潔無盡期

秋感

潁陽秋盡已三年績用艱難自憮然老氏可牛還可馬
仇香能鳳不能鷗清虛竟日黃花雨蕭瑟孤城落木天
何似著書寬歲月山窗紅桂白雲邊

沙河夜行

古岍如山抱野亭馬蹄殘葉響沙汀良宵可愛消行路

吏事難工慣戴星霜樹影空天遠淡河磯波轉月瓏玲
紅塵不動黃墟靜無限人間夢渺冥
棲鴻嘹唳起河洲朗月驚鴉噪不休羣動悱然迷曉夜
人生那得戀衾裯五星頗覺將同色四野忻逢大有秋
多少廟謨憂濟急彈丸霜露未堪愁

感寓八首

潁水冰堅欲走車密雲連日變丹霞豐年粟價驚三倍
窮野人心望六花眯眼沙塵吹几硯撲人嵐翠憶山家
東坡祈雪真成雪自笑詩靈感應差
低頭束帶歲悄悄小吏憂愉只費勞補履兩錢錐便得

點蒼山人詩鈔卷三

八

投竿千里釣方豪山中白鹿思陶淡雲外真龍笑葉高
廣廈萬間還有願蒼生原是仰吾曹
撫字催科兩未工終朝腕脫簿書叢人宜范冉腰間佩
官似王褒約內僮未分詩書諸俗好由來事業亦天功
霜風短晷催年暮白髮星星也太怒
服文帶利各夸然走馬誰能却糞田畢竟繁華須返樸
由來嗜欲已開先仙人苦祕成金藥大地難期雨粟天
日暮牛羊霜滿野草根咀齧臥寒烟
紛紛爾汝未真情圖巨端知在積誠致雨須迴三部掾
斷河亦避貳師兵五年蕩鳥成滋蔓四國軍儲未取盈

小邑艱辛憂世界秦山楚水半乘城

誰解樓臺現指頭衣袂且自備行舟繫牛已屬行人得
欲炙惟憑見彈求山木有萌生夜息原田舍舊卽新謀
史公委曲書平準宰世應須別運籌

珍糲同甘一飽心一身家計好肩任不嫌墨翟能摩頂
那得王陽解作金啄木繞林枯樹響淘河弄影碧波深
歸田莫厭徵輸累饒得桑間放浪吟

忽忽窮年渡潁濱飛揚不似壯心人雙親兩地俱垂老
萬里微官不救貧月下遠砧風露切天邊鳴雁別離頻
蒼山苦憶書堂嶼晴雪梅花此日春

點蒼山人詩鈔

卷三

九

雪後望江上山呈皖中諸寮舊

辛酉

春氣暗如坳不見江上山憶昔來皖城江樓窮登攀梅
花點金樽清歌度雲鬢遠峯青照耀縹緲欄樹間交游
一分手佳會難屢還淮西廢塵土跼促吏事艱青山入
夢寐恍忽隔仙關茲來已兼旬悵悵臨江灣昨宵大雨
雪初破龍公慳人氣變歡笑生意蘇榛菅長江淨無翳
晶瑩碧玉環晴霽得未曾羣山始開顏倒影出千嶂蓮
花落煙靄輕素冒林巖蒼翠紛璘玢三年眼如眯斛塵
俄已刪念彼舊游人變態非一般山色好常在人事苦
難閒曾點狂猶昔趙孟老欲髡魏絳軍旅倦郭奕詞賦

嫺我性錮烟霞耿耿餘堅頑會須十日飲公程何足患

省寓喜得潁州雪報

潁人賴麥魚賴水潁人得雪蜂得藥一冬禱殺張龍公
密雲作霜沙揚風小宰子役不遑恤太守火檄催匆匆
連朝鵲噪燈花赤元夕飄燈雪一尺巖邑關心郵馬飛
粟價已聞錢減百椎牛剽劫知無踪小邑年年邀天功

烏夜啼

烏啼明月光飛繞巢邊樹行人中夜起門外天涯路天
涯處處烏夜啼每聽烏啼道起遲

淮上山歌寄懷林念衎

點蒼山人詩鈔

卷三

十

江邊小邑山深深羨君官閒識君心山城無事同謳吟
別君青山側渡江直到淮西北淮西無山想江國去年
行役淮渦間君家門前始見山今年行役渡山曲兩山
離離波相屬得邑名山預可忻風塵畢竟嫌羈束山間
白雲如江涯思君洄溯江又淮

雨後春草

楊絲煙重欲平堤笑靨桃花映水低幾日濛濛衣上雨
綠將芳草過淮西

靈璧二首

五載三靈璧勞勞亦有緣荒城聞琢磬大水憶乘船市

驀圖奇鬼農謠靠老天九荒今一熟春色已鮮妍

盡日愁泥濘河形認是非孤村依阜出遠樹入天微
石山腹瘦耕淤水借肥鶯花春正好窮野耐朝饑

睢股河挑工感賦

治河無上策疏濬仍良謀自從奪汴泗歲歲驚黃樓長
淮中南巨一合不可收高堰兼開壩推挽成安流陵谷
變年代千古同悠悠泥沙有消長木石難久留嗟彼淮
黃間時憂魚鼈傳北山何落落烟火稀薪樵石開鑿天
然啟閉大河頭怒流賴宣瀉功大過亦倖洪澤以為壑
有時漫數州洪澤近頗淤恐為淮者愁自我事行役五

點蒼山人詩鈔卷三

七

年此三游雨水潰睢岸分賑溯行舟黃流三載溢從事
監河侯今來見平野河沙滿道周奉檄濟南股形跡難
可求督夫大澤中饑火生咽喉馬蹄襍徒涉日暮孤村
投憶昔懷賈讓三策窮雕鏤歷世滋聚訟穿鑿多悔尤
圖巨良不易吏事惟率由路逢流亡歸歡顏待麥秋蓼
虫習忘苦生計寄浮漚人事有運會何勞千載憂

張家瓦房工次

長堤宛轉涉微瀾盡日塵沙撲繡鞍碧草淺深春蒼蒼
楊花撩亂雪漫漫涇渠未分賄秦鄭鄰壑何勞浴水丹
機事機心堪一笑芄芃麥秀清河干

時村早行

茅簷燈火強停鞭迅速期程破曉眠那得化身千百億
好隨相馬曲方圓桃花笑口真如錦榆莢連天不當錢
惆悵春光三月駛人生底事宦情牽

道邊得芍藥滿肩輿中

藍輿掩靄露珠灑折得將離手自將春色一番銷驛路
名花誰與惜幽芳同車好擁姬姜豔臨水猶憐士女香
憶到秋娘金縷曲無端惆悵又清狂

卸太和任

蚩蚩謬俗已翻然牛犢腰間欲盡捐風浪三年羅刹海

點蒼山人詩鈔卷三

三

法輪一唱夜叉天息心願憶林泉去得邑差強山水邊
今夜黃紬酣睡穩蘭膏始笑自焚煎

風流無計續虞延景色慈龍細水邊詛祝未能銷叢爾
袴襦猶幸借豐年星星已變來時髮去去難輕遠道肩
一點微雲齊仰首不成霖雨又移川

懷遠縣作用潘騎省河陽縣二首韻

少年慕貴仕入應公車招蹈躑春卿門無由側中朝揀
拔荷曠典縮綬托下僚澗松自鬱鬱那希山上苗行役
遍江皖山水窮南條雅志背臺尚宿約負松喬盡瘁攝
汝陽三載如一朝桑雉不及馴佩犢幸已消薄雲戀為

雨東西隨風飄需次忽七載掌茲淮壩係輕舟下清潁
南風吹袂綃塗山拔地起惟荆側嶠曉明德仰神禹導
此淮渦遼玉帛來萬國羣后肅以劭小邑舊勝地民祀
相與要敢言下位卑冥冥逐塵颺薄俗善詛祝民風形
歌謠側聞郡邑弊苗弱莠騎騎捺刀慎宰割何敢視民
兆

洪流起朱夏繞郭連雙河兩山對蟠鬱雲雨交重阿高
艦浮荆揚市利成紛華石衢夾廣巷綠樹蔭繁柯廡宇
簇尚鬱爽氣來嗟哦登臺望平野農事興南訛耕淤足
早麥築塲翦春蘿屢荒樂今熟滿車出汗邪豈伊土田

點蒼山人詩鈔

卷三

圭

瘠舊俗懶桑麻澆風生積貧何由返雍和薄才拙撫字
敢希襦袴歌跼躅簿書叢何以當負荷

秋漲

烟波秋漲澗野路覓坡陀疊嶂遙分雨迴雲倒上河戴
星從鞅掌何地憶絃歌瑣瑣陰晴祝淮壩歉歲多

七月二十八日蒙城紀夢

莊生祠前泥一尺車殆馬瘠村徑夕深林燈火停饑驂
秋雨秋風透簷隙倦軀得枕百事忘青山忽出天中央
山間臺觀羅松篁朱樓一角七寶裝勢如浮圖凌風揚
雲窗翠幙層層闢仙人照耀臨朝光羽衣之少年招我

雙王手何人頽面蒼虬鬚傲睨不言搖其首踟躕鸞鶴
羣逐勝樓東走重門無人心怵怵珠簾風靜笑語聲花
豔滿庭賢相見雲鬢霧鬢百媚生阿姆殷勤舊所識手
攜雙鬢贈我行半骨清嚴淡妝飾欲請其尤笑不磨絮
語頻頻更催別許多仙豔皆目成雨聲撲窻破幽夢紅
樓在眼青山青人生夢幻生臆想塗泥未分雲霄仰仙
人嗔喜意可會仙姝何由見延獎龍宮惡婢兆將帥擬
非其倫殊妄蕩我生得意不盡歡無乃夢中亦相仿清
境歷歷欲模糊火急作詩登前途

太和渡潁

點蒼山人詩鈔

卷三

酉

酌水愛清潁三載此川湄秋雨暗蘋渚不似春遊時野
人指前宰依依臨郊歧渡鳥不留影停雲無定姿兩漿
渡迴灣眷言行路遲高樹舊城邑勞身竭敷施欲覓過
去心渺渺難重持膠擾百年中未來何可期

夜行

籠燭驚棲鳥翻翻動綠蘿興遲殘夢續山近早涼多露
蟀喧幽草風螢點暗荷塵心中夜靜虛白耿星河

野興

出門秋色滿耳目暫澄清世事痴方了名心久自平石
林濃雨色風葉颭溪聲紫稻香盈路山莊憶耦耕

京師六月至七月大雨桑乾諸河溢闕邸抄被水

七十餘州縣非常災也

淮上涼生夏欲訛中宵星象亂投梭行人訛說京師雨
彌月全傾天上河懸釜債車寧抵括移坊禁社竟如何
九重宵旰頻年切饑溺偏連郡縣多

千山急雨壅桑乾萬派奔騰勢未闌不信蛟螭能放恣
已聞蒼赤罹波瀾長菱白壁隨流盡細馬輕車就食難
未解昊天仁愛意堯年一樣水瀾漫

懷襄日夜厪宸居五字詩成涕淚書倉廩全開畿輔遍
瘡痍半起面顏舒洗兵天欲西南靖滌滄人當劫運除

點蒼山人詩鈔

卷三

五

休咎自來需幹濟大川舟楫定誰如

師荔扉之望江任過懷遠

淮水清秋夜荆巖逼檻涼十年方一見兩鬢各皆蒼問

舊多零落談山欲遠翔人生難得處萬里共杯觴

作吏殊堪嘆徧難老遜藏我方厭塵鞅君已入錐囊世

路饒盤錯民生息講張問途無可贈名士慎疎狂

江上逾淮上千山接混茫小姑暮行雨彭澤對開堂下

里能歌舞平沙足稻梁政餘吟興恰郵寄慰愁腸

碧鏡

碧鏡涵花活濃山入黛長扇迴燈閃釵挂玉丁當流

睇橫波靡含嚙絳點香翠鬟初權髻脂腴自凝妝細柳

垂腰弱幽蘭結佩芳巫雲遲雨色洛雪駐風光璧月良

宵惜琴心細語將可能堅宋玉不羨嫁王昌桃葉新名

渡雲英近搗霜天花留獨着雲鳳綉雙翎小杜芳時憶

相如渴病狂春懷餘一綫顛倒為情忙

壬戌元旦迎春擬樂府歌青帝

壬戌

寅之甲晨農祥首元正迎青陽鼓淵淵蒼龍施神之臨
百福賚諧諧者淮亦濡其厓房雲從風潤彼枯菱肇允
茲農劫火牛適中日勿後時以從我婦子於豐

春雪

點蒼山人詩鈔

卷三

六

微風雪不禁搖漾滿疎林不辨梅花色絕知春意深紛

霏遲日晚浩蕩遠山沈一倅惚亭夢悠悠邱壑心

露雪

城烏噪曉空樓觀簇玲瓏露色分山遠春陰護雪濃融

泥滋碧沼積素點寒叢元夕鐙花麗留將並月朧

蕪縣古城

風狂水覺春撲面暗沙塵雁候迷雲水人家雜莽榛古

城空背澤楚夥竟亡秦治亂千年事由來慎所因

宿州西北山中

塵土羶征驛蕭然路轉林入山平野濶絕壑亂峯深疊

石浮螺翠靈泉滴空音符離回道土應向此中尋

雨又雪

茫茫輕霏帶雨斜孤村烟霧暮傳車東風狡獪花前雪
吹上繁枝盡是花

初霽早行

得得溪山慰早行平沙搖漾柳絲輕風來綠縹波新展
雪盡紅心草細生駒銷那堪羈宦拙人間難得是春晴
塵埃不動天涯遠愁思無端閣自縈

早日

滿月未銜山紅日已地外豈直晝漏長春至天亦大東

點蒼山人詩鈔

卷三

七

宿日次高夜候破蒙昧天事屬有常陽長斯為泰曉路

冒繁霜微漸蕩鳴瀨時聞樵牧兒歌聲出蒼藹谷鳥競
高林忻忻如有會時行樂春生免茲苦寒慨

北嚮雁

鴻雁渡冥漠當風揚羽毛眷言江湖樂翩翩下九皋雖
免塞雪寒奈茲鳥鷺驕春風催歸心萬里何迢迢啣蘆
助委頓虞羅愁見要一嗜稻梁味翻飛不復高六翮豈
殊舊太息此嗷嗷

春林花

晴日爛紅杏蔚茲艷陽天灼灼天桃花百媚生含嬌海

棠華如醉容態何天然李花殊閨淡春風相與妍弱質
易為滋非彼青陽偏物情厭寂寞榮落惟所便蓄薇何
結曲錯錦矜紅鮮辛夷已斑駁山櫻紅欲然長松獨何
為鬱鬱深崖邊

二月二日

二月二日楊柳絲淮南淮北光風吹穿泥碧玉蒲芽銳
夾水紅雲杏蕾滋案牘長年目眩晃鶯花忽地春迷離
殷勤欲趁良晨樂酩酊無四似習池

得雨大風

玉巖山下雨絲斜耐可顛風竟夜加好是豔陽初得半

點蒼山人詩鈔

卷三

末

為渠芳草又憐花

落花

一歲芳菲去等閒林隈款段避爛熳落花底事憐茵席
最好風吹碧草間

潁州三里灣渡河

裊裊雙河柳多情拂畫船三年遊賞處小渡亦悠然薄
宦如行旅春花迫雨天鶯聲啼恰恰不覺為流連

淮壩田

跨淮作縣治荆塗環襟淮淝渦亦東淮時復警淮澤民
田半黍稻泥壤各不同南淮禱暑雨北淮愁夏凍風雨

四時和高下難兼豐積歉成情農饑腸生澆風攘攘淮
塢間天亦難爲工

讀唐人田家詩感賦

我從田間來束帶忻作吏作吏勞心神復憶田間事孟
夏鶉姑飛繁陰暗濃翠雨餘農事閒良苗蔚豐遂野趣
談古初田酒盃歡醉濯足溪泉清開襟遠風至散蕩不
妨人何由辨機智識道苦不早負此沮溺志

井田不可談均田亦煩促游民積漸增機變相馳逐刑
政詘益滋姦偽緣猾狃十食而一耕饑腸成疾篤民生
首一飽力耕詎云辱榮利耀其前五色豔迷目綺裘鄙

點絳脣

卷三

克

布素珍食陋梁肉役情索身養身敝索未足刀雖第可
營山海走相續豔女懷金夫能優仰華屋詩禮塚可伐
借客死可驚萬眾紛嘖嘖誰能竟起伏惟有驅田中低
頭種菽粟貧富不相啖田亦漸均屬人意靜耕鑿休風
生素樸何由驅之田云毋現可欲

兵從田間出罷卽田間歸國無募養煩邑有守禦資卒
然下符契萬千立可齊十人一火具農夫力優爲勇壯
寓羈束耕鑿安恬熙烽燧一隅動四面饒兵威更番不
千里精銳有餘施戰士恤同民道路無侵欺尉長悉鄉
里緩急相扶持旣無寡兵患何由老且癡功成不利賞

言此兩畝期有唐變廢騎方鎮生禍塔自從兵民分得
失難可想優優府兵制何異阡陌開

古者仕釋褐拔茅南畝間民隱晰纖微教養術所便本
無華侈性富貴亦藪然解帶行反耕進退綽且寬唐制
科選雜農士始相懸奔競利誇蕩車服竭芳鮮得仕不
廢情熱中生憂煎豈無爲民志爲己難兼殫沈郎四太
論流極不可言士風日趨巧功業日以泯緬懷諸葛公
智術侔天人當其南陽時力耕若終身成都八百桑田
業遺子孫淡泊訓明志千秋愧素餐

春暮感興

點絳脣

卷三

三

火檄星符日不虛珍珍華髮渺愁子惆啾桐葉誰鳴鳳
濕沫苔泥互响魚過眼花飛春事疾望囊瓢在宦情疏
蒼山一曲松千樹飽啖龜苓憶著書

片息

片息清虛破津來名場心跡自疑猜談詩未讓麒麟閣
綉佛何妨鸚鵡杯夜雨梧桐花細落青山裙屐夢頻回
駢煩身世無窮處齊物莊生一笑開

遣悶戲爲陸放翁體

得道堪憑慧業美官不過多錢待來腰下雙綬輸却山
中一眠

暑中對人冠帶長日據案鞭笞等是人間惡趣一身作吏兼之

上界亦煩使令名山自足清涼神仙有分猶懶六月驅車不遑

一官一邑憂世淮北淮南亢陽十九峰前啖雪六千里外思鄉

七月十一日立秋

酷熱何堪簿領叢迎秋盡日仰雙桐黃房嘉會神靈樂列子歸心離合風赤豆并花酬節物翳楸沉果憶兒童暑中信有浮生慮一笑西南月半弓

笠翁山人詩鈔卷三

禱雨

養蠲雲龍信杳然山宮僕僕禱靈泉菑畬難竟驅遊手菽粟何堪減早年雲氣陸離開日駭河聲曉夜湧風顛天和有象無由動蒿日晴霄炷紫烟

塲鬱塵埃草木黃并泥汨汨引殘漿天心里竟回仁愛時節難教遲稻梁財賦東南軍國計江淮生活水雲鄉已聞四遠同枯旱小邑貧疲倍黯傷

占星驗月費參稽消息人天事總睽苦憶夏香辭慷慨難分袁甫地東西靈山毛髮焦應痛淮海蛟龍睡已迷毒熱煩愁交互集何當雷電起前溪

微雨

堂上看山野氣昏入山蒼翠厥崖根秋陽早診難堪暑疎雨微雲亦解煩鳥鳥喧聲爭晚樹漁樵生計耐荒村微官憂樂隨人事茆店蕭然一舉樽

喜雨

盛夏苦亢旱得雨不愜懷人苗上一枯雲雷中道乖今晨動烟霧浮涼發天涯雲霞絢猶駭風雨俄以偕老荷寂復喧蒼葭黯漸薄暮轉浪浪傾酒何淋漓物理異頓漸舒徐有餘施蓄極勢未已慰茲久旱思我行計百里森爽忘暮饑與夫泥沒蹠茲行不言疲野館環深林

笠翁山人詩集卷三

幸

繁響豁心脾我性畏炎熱始欲雨葛絺所惜濟旱功後彼田家期陰陽久兀戾且以和天倪把火照懸溜捲幔揚清颼深夜不解寐此情無乃痴譬彼渴酒人酒渴不可支得酒大甕益濡首無不爲卜畫與卜夜誰復計何時

秋雨解

野人采菽炊饑饉低頭淋漓背朝雨手中頗實半空枝太息秋霖竟無補三伏炎炎禱龍公豆花手茸落焦土等知膏澤今滂沱何似前時早相與我思古來人才何時無往往泛置猶兀夫天地鍾靈詎無意遲迴抑塞何

爲乎若大旱用作霖雨古人妙喻味何腴用不用一轉
移間紛然萬彙差苑枯天事人事等難測經經怨望嗟
何愚農夫農夫早種麥今年秋雨明年食

晚憩中南海寺夜雨

蒹葭水半浮楊柳隱汀洲人語煙中楫燈明樹杪樓谷
陵何代改佛伽一龕幽小憩耽禪境微涼動晚秋
伏枕干林葉濃陰水氣生西風吹密雨一夜滿秋聲寂
闌消心象塵勞薄世情曉鐘殘夢裏香火憶前盟

九日

重九事行役高山時登臨所歎駉駉懷異彼遨遊心紆

點蒼山人詩鈔卷三

三

曲渡迴澗重岡緬寄峯秋氣淨天宇林壑爽蕭森寒苔
秀巖石曲泉鳴幽陰粲粲日精花託根凌高岑風露自
敷藹芬馥竟誰尋日夕發孤興耿耿懷芳斟

黃葉

頭髮老自白木葉秋自黃白髮緣心神黃葉豈云霜淮
南悲長年局促誠可傷落木有餘態風露潔清光花實
爛熳已斂此生意長人生膏火煎百年此邊邊安得神
仙藥一返鬢毛蒼

夜歸自塗山下

長宵耐遠路蹇然空谷音殘月上峯背幽輝開澗陰隱

隱長淮流素波含煙深村巷閉寂闌蕭森殘葉林霜露
皓崖石夜氣空人心何處擊寒鏡雲水杳沉沉
喚渡月在林登舟月在水兩槳擊玲瓏撲簌鷗聲起霜
濃水氣清灘空石林徒玉玦光鱗微風爛錦綺柁轉
山影橫蒼然兩峯峙萬籟寂不動天宇淨如珙明發市
城喧爭渡聲聒耳

哀符離四章

宿州城東門夜開白巾帕首橫戈來焚街劫獄殺官吏
洶洶狂突何爲哉邪說中人有如此妖兒妖婦稱渠魁
黑雲沈沈火洞赤男顛女躓相枕藉城西壯士振臂呼

點蒼山人詩鈔卷三

三

短兵狹巷血模糊日中五戰賊不脫亂擁州衙作巢窟
鳳廬廉使宵介馳單師入城賊掩匿摧壁破壘殲其雄
困獸奔騰肆狂齧賊砍不死神扶持戎莽驚心援外絕
臘月八日鳴軍炮刀弓火礮雷電驅妖兒妖術何有無
青天日出愁雲徂流離在野循歸途嗟嗟死者云何辜
十二日解嚴

令下千夫集人心壯足資河山堪表裏登鍤効驅馳風
遠傳郊柝燈明夾岸旗金湯成眾志端不在臨時
百里傳宵警餘兇到我疆妖氛能八日兵力已多方弊
俗絃歌較無端壁壘防今朝烽燧撤愁思轉茫茫

郊行大雪

盡日風雪濃薄暮意未了
歛歛踏溪橋霏霏眩林表
川原入天淨村巷人聲悄
欲覓平阿宿前山皓茫渺

除夕

殘雪熒熒北斗回坐看年去
又年來危途第覺風濤過
華髮何堪歲月催買鳥祭詩
癡與僻裴公焚火壯心哀
長筵簫鼓鐙如晝且免問愁
到酒杯

初三日雪

曉霧不開山濛濛簷溜溼
輕風非雪候倏忽輕霰集
紛紛漸作花漫漫絲絮雜
宛轉意態閒磊砢厚已積
重陰

詩集

卷三

五

結舒徐浩瀚恣淪洽枯叢爛
繁蕊密竹近槁葉曲欄半

已沈茅舍敲欲壓盈盈池沼
平何乃計原隰前月雪三

日老農破快悒墻陰積未消
茲雪更重疊來牟定飽餐

水陸各厭浥連年冬不雪屢
荒相踏襲小宰拙撫字鬢

毛坐蕭颯天道有盈虛豐年
從此愜柏酒御宵寒清輝

炫銀蠟

人日喜晴

人日曉天晴重簷落凍聲長
淮融雪動新水迫春生寒
峭梅花圻香攢菜甲烹高山
良駟策猶起壯年情

望塗山

春晴變山氣嵐翠溼峯稜叢
石深留雪幽泉響激水野
人營窟屋古木挂霜藤數數
崖前路探奇竟未能

荆山樓

璞玉山前雨意濃畫樓春色
擊離悰繞林碧漲雙河水
倚檻青浮對面峯巖草淞垂
珠歷落石苔雲過翠蒙龍
兩年風月頻遊宴又是鴻泥
舊爪踪

離席賦得長淮柳

無限長淮柳風霜兩岸凋
夜來春雨足荏染萬千條
細浪搖金縷濃烟籠畫橋
相將人惜別婉轉拂雙橈

之懷寧出山陽鋪用謝之宣城
出新林浦向板橋

詩集

卷三

五

韻

連山豁新晴期程愜遄驚沙
水淨迴溪殘雪炯深樹羈
職久淮服風霜往來屢春色
懷江城勤役亦佳趣寒芳
蘭渚青盞簪朋舊遇春風慰
行李濛濛出烟霧

龍山宮祀事

長江東北流羣山儼相從
峨峨大龍山西上專其雄
江山互盤互陰陽交方中是
宜大藩地自昔國皖公小宰
附城郭畿望資要衝連年苦
亢旱大吏憫三農潔齋禱
靈祠應時甘雨通神閔福
萬民寸雲敷大邦今茲重承
祀登降肅旌幢風日荷神霽
照耀開青峰巖嵐沃蒼翠

原隰迴徑儻仰聆涓涓泉俯爲大壑瀧豈直眺遊勝豁
目清塵胸歸途踏春草曲折緣深松雨餘麥苗青村巷
回冲融卽事慰情懷時和神所豐

車津澗

春光忽忽滿江潯石路茸茸細草侵野氣晴蒸新樹綠
溪流紅糝亂花深蓬龍不厭看山與馴馬難忘蠟屐心
一酌車津亭下水九年塵暝到而今

宿橋頭寺

風竹暗如雨不辨夜淺深幽窗忽炯炯殘月生東林衣
露溼花氣泉響生靜心一宿寬閒境暫如釋負任

點蒼山人詩鈔卷三

三

茶号嶺

種松滿青山種稻青山趾溪隴自成村小山相邇迤第
使風俗淳樂利竟何已雨餘溪泉清春深雜花紫石竹
恰通人鳥聲清在耳盡日青蘿間飛蓋渡旂旆

長安嶺

曲磴盤蒼溼空亭戴石高晚煙濃岳色野漲入江濤地
僻稍忘暑山行得避暑長松千萬樹小立聽蕭颺

憫農

六月早稻黃刈獲還更種新米飯饑農水車聲涼涼地
力無時間猶歎入口供柰何不耕人珍食自恣縱

夏夜詞

簾櫳沈沈月斜白屏山夢轉瑤林碧美人銖鍍玉肌涼
錦瑟露懷拭蘭席曲欄芳草青菲雲水香濃醉不歸
蜻蜓曉夜荷心宿不羨莊生蝴蝶飛

石門湖遇雨

擊柝趁汀洲青山動拍浮濃雲頽浦樹急雨響湖漚大
野力駢西風今始秋村人指龍挂光恒滿江頭
得逢雨歸自高河鋪

蕉鹿猶疑夢幻同肩輿迢遞亂雲中動來鱗甲千山雨
聽徹松杉萬壑風靈谷有龍呼竟起人間害馬去難空

點蒼山人詩鈔卷三

天

炎蒸忽地清涼遍一笑醍醐灌頂融

潛山城外寄王四約齋

山行不覺遠松籟水聲兼秋樹遂黃谷晴雲荔嶽尖翠
微城郭暝潭影塔稜漸欲訪飛鳧侶忽忽未許快

山口鎮

漲流歸壑響淋漓雨後青山面目眞石徑寒生楓半紫
汀沙秋盡草如春焚魚酌醴難乘暇野鹿標枝憶返淳
別有幽懷人不識登高臨水總含嚬

練潭驛

參差巖岫繞芳汀使節星輶旦夕經疲馬啣殘沙草碧

行人折遍柳條青一官手版紛迎送五夜家山夢渺冥
孤月澄潭誰解和幾回空過水心亭

石門湖夜行

石門沈沈湖閣碧大龍山頭半吐月烟嵐晃月山影空
木落天高雁沙白沙路鱗鱗舊漲痕虛船廓落傍荒村
長官風露宵行急茅屋人家睡正温

梅林湖暮行

鞅掌難堪薄領身郊行清曠恍怡神撲塵嵐翠山當面
坦步江沙月趁人鴻雁低回諳地僻漁樵歌笑見情真
肩輿宛轉思成寐遠寺鐘聲到野津

點蒼山人詩鈔卷三

卷三

微雪望皖公山

風雪少人事登樓得偶閒相看頭半白老却皖公山

除日西鄉夜歸

浮雲變幻風波警卒卒窮年到除日除日猶煩于殺行
三百六十何日逸名利奔催遞古今賢愚一樣迷悠忽
神仙大藥幾時逢年去年來成白髮天柱峩峩凌穹蒼
左慈母竈開晴光墨組羈人不得到河頭悵望塵飛黃
吏事卑微因泥滓朝朝斂版宵衣起使令煩於上界仙
待食迴環千夫指馬牛其風盡可及雞虫得失爭無已
墮中覆鹿多夢人老子烹鮮難究理望瓢有興何時歸

送窮無術將胡底兀兀籃輿百感并山村臘鼓敲旬旬
春風老柳枝梢活幽谷早梅水雪傾松徑蒙龍暮烟暝
茅亭憩立泉聲清嚴城與馬喧辭歲行路虛寂轉閒情
輿中守歲不須急江上墮墮看日生

新霽登樓甲子

晴暉駘蕩發春陽冰霰兼旬得未嘗殘雪半含沙草碧
頤風猶在野梅香到江山岫晶瑩出拂面楊絲婉轉長
片刻寬閒心乍遠小樓高揭水雲鄉

棕陽

灣灣河水半江鋪裊裊楊花卸船艙樓上青山留客醉

點蒼山人詩鈔卷三

卷三

風光都屬酒家胡

土行祠前柳萬絲維舟煙雨思迷離天門幸有排雲翼
俯首依依送客時

富貴還須不死求射蛟臺下水悠悠樓船絲仗青山輦
只有君王一度遊

大新橋送鄉人歸

健馬輕帆遠自任家山最是好園林東風吹起長江柳
西向迢迢送客心

江濱行

恰恰鶯啼竟日聽披離紅杏短長亭空江夜雨潮初漲

遠渚寒煙草又青
薄領年華鬢髮改
酒杯山色古今經
東風馬首楊絲路
過盡征帆各不停

西洲

經旬一度到林垌
細柳新蒲鬪嬾婷
野岫春濃雲靄靄
江村酒熟雨冥冥
喚晴幽鳥迷芳徑
隨意桃花傍水亭
矮馬幄裙遊興別
勞勞空對好山青

三月朔永慶園長堤成起
柞澗段石諸小山邊槐
莢斷塘諸河包泉潭峽港
兒小缸西峽諸湖抵

梅家壩橋皆易以石
埭閉巨工也劉萬象注

箕王諸生爲予賦詩
小飲迎芳菴中用蘇詩和

點蒼山人詩鈔卷三

趙德麟韻紀事

江湖悍疾人力窮
洲人寄食浮漚中
羣舒山澤下秋潦
吐吞萬派乘風雄
皖公城東盡湖泊
紅蓮碧蓼滋清干
團沙堵水種秔稻
往往平地波濤通
劉生老謀爲我畫
移山轉水眞鑿空
始事落落終竟合
堤成忽奪蛟螭宮
霓捲雲連五十里
有如月暈周臙龐
汪羅諸生壯從事
歌詩相杵來清風
百日圍成陂壩足
不數豆芋資濯龍
從今大獲賀豐歲
免茲鮮食竭魚蟲

流水

流水地中行
平平無須治
神禹奠汎濫
疏濬云導之後

世利堤障漸增如
守陴留濁日以高
阨塞難久持仰流
下平地城邑蕩如
糜利害滋聚訟壁
馬微神祇竹木有
時盡遷決無已時
至今黃樓側溝聲
滲垂廉汴泗沒已
遠淮過近亦危物
極勢必返何堪更
南移水治治以下
民安安以卑高卑
一淺替患害踵相
隨物性卽至理穿
鑿多所違水鑿而
民鑿毋徒小利期

春日卽事

細雨春江濶濛濛
帆影斜平蕪青到
水雜樹亂開花
鰓魚梁鷺淒迷野
廟鴉垂楊惱人意
搖蕩滿天涯
風雨四山并前蹊
石瀨鳴荒林何處
宿蕭寺足爲情萬

點蒼山人詩鈔卷三

樹翻塔綠高雲下
榻平化城安穩意
轉自嘆勞生張安

天柱一峯出今朝
應是晴崖陰翻瀑
雪雲氣曳松盤茅

舍稀人事山田帶
石耕荒塗難可憇
林壑慰饑行蕭

萬綠繁陰合殘紅
亂雨飄人家不知
處澗水曲通橋松

葉攢金粟藤花幔
紫綃山林隨處好
春事亦偏饒

擾擾何時樂塗泥
笑此生一春稀對
酒野酌亦多情山

翠濃餘映花香噴
薄醒夕陽遲不落
新樹囀鶯聲

遠岫峨眉曲溪流
帶影清市橋橫畫
艦煙樹隱蓮蕩人

有便娟子歌能靡
曼聲不須輕下里
花月可憐情石

返照帶溪雨空濛
江上山漲迷前日
渡舟出翠微蕭

落草迥碧春深人未閒
幽芳心自惜延行水雲間

園塘擴野田彌望綠結天
密樹雙堤合危橋獨木懸藤

蘿牽草屋鷓鴣適湖天
江鄉魚稻利春雨辨豐年

西墟性難移備泥泥強自安
金丹何處有未分壯心閑

渚嶼攀芳草幽懷黯自歡
吟詩騎馬得野世論人難晴

日當春少浮雲壓地寬
愁心此江水自古浩漫漫

梅雨

江上黃梅熟濛濛雨意殷
青山黯如夢不辨曉行雲錦

瑟移高調香薜亂碧芬
東隣窺玉處寂寞綠苔紋

點蒼山人詩鈔卷三

洲望

新晴白蘋渚不奈客愁何
江水日夜急雲山重疊多元

珠難強索白雪自高歌
鷗鳥浮沉適飄飄不礙波

晚下石門嶺

雨後煙村草樹光
小亭延竹正斜陽垂巖石髮風絲細

解籜新篁露粉香
多事荒途行靡靡出山泉水共茫茫

嚴城隱約雲霞裏
名利虛拘未了忙

雨中兀坐

入雨青苔欲到門
坐來心跡得渾渾醜醜厄酒寧論器

鼓吹鳴蛙等是喧
幽獨有懷周世界賢愚多事強昭昏

志機最羨樛間燕
帶溼輕翰自在翻

學得安心未竟安
百重堆案懶研鑽莊生牛馬人呼易

老氏雄雌自守難
門外塗泥隨意附雨中盛夏似秋寒

渠渠我屋權輿遠
漏溼移床強自寬

發新橋港

柱帆泝無際村舍認
菰蘆水氣浮山白瀟雲聳柱孤鞠

芎寧戒備秬稻已
淪鋪向夕風濤發鷺鷥快意呼

泊塗家凸

繫纜依山曲蕭條
薜荔村民依艱一食百務總難論蛙

蛤鏡光集魚龍夜
氣渾風波不成寐更聽雨聲喧

點蒼山人詩鈔卷三

江家嘴露月

炯炯月出水斜光
入我船風定水聲息起視山蒼然列

星何的皦各各依
其躔數月苦陰雨一豁憂慮煎積水

見明河紆回深樹
顛晚稼藝可及何由疏百川聊茲慰

晴景蕩掃痴雲煙

得替後移居天台里

汗喘負籠土一秣
殊脫然今朝真此味坦腹臥涼天頓

刃餘盤錯虛舟任
往還兩年腰欲折名實竟何先

地豈丹砂得與因
山水生要烹庖可代執熱爨思清華

髮漆明鏡殘編憶
短檠中庭人語寂月上有江聲

秋日即事

待得瓜時歲已逾
酣醞始覺病身蘇
神仙原在人間世
細雨新涼一事無

風塵到處避
難機事忘懷
放眼寬擬把
流泉參水觀
不爭瓦礫動
波瀾

檢點鄉書作答
遲自緘藤紙報
相思秋江潦
退如西洱
一樣青山到
水湄

聞道難拋債主
逃暫時休假亦
清高解衣狂
飲無監刺
飽向江天嚼
蟹螯

飛煙飛雨渡江
潭樓閣蕭森萬
木參無數青山
相對出
點蒼山人詩鈔卷三

盈盈秋色滿江南

出皖途中即事

紅亭綠酒樹西
東飛鴈池潭片
影同慚愧居民
留戀意
兩年碌碌去
怱怱

驛路僧寮似抱
關每來竹下聽
潺湲相馴更有
霜翎鶴
引步蒼苔對
客閒

冷水鋪前溪水
鳴大龍山頭雲
倒生白雲搖蕩
龍山遠
一片秋林密
雨聲

識遍山前樹萬
重青楓大栗莽
蓬蘽挺然直幹
清陰滿
記取源潭老
獨松

點點蘋花拂短
檣一聲初鴈渡
晴霄江流自繞
青山去
猶向津亭上
晚潮

煙霞名利欲兼
難大李才華早
掛冠數數龍眠
山下過
山莊止向畫
圖看

半生塵路感交
游每飲醇醪憶
好仇何處道南
公瑾宅
青山黃葉滿
舒州

野菊

野菊被崖谷獨
感秋氣清開花
粲白石濯根山
水澄蕭
灑出天然恬淡
有餘馨汲泉壽
老翁服食垂仙
經城市
競五色壘沃滋
繁英世有捷徑
子狡焉托幽貞
至美非

點蒼山人詩鈔卷三

近玩甘隨秋草
并陶公已忘言
真意何由評

廬陽懷古

江湖重阻足憑
臨吳魏頻煩利
遠侵春水方生
堪嚇敵
斷橋超度亦寒
心盛衰時運成
征戰治亂人才
變古今
何似單車劉太
守招綬羣盜計
深沉

豫州僑奪儼如
讐零落遺黎難
未休捲地波濤
草廩堪
燎天風火北齊
舟中沙欲盡軍
中化蠶觸何知
角外求
成敗匆匆銷往
跡青山依舊水
東流

行慙英姿把劍
鐔一時才勇効
淮南堅城挫銳
持方急
破陣呼觴戰復
酣正朔尚能尊
李氏雄共終竟
抗朱三

黑雲瀟漫江湖湧衣錦君臣盡可慚

南宋逡巡地日隕廬州形勢好重恢藕塘碎擊劉猷去

店步旋驚兀术來表裏江淮寧可退生靈塗炭豈忘哀

尺書催戰全師捷國計從知仰勝裁

將軍嶺上分流水咫尺堪通共一溪人力已排山脉斷

雞聲偏向夜中啼矯揉事業身徒瘁寂寞碑銘字已迷

野老尚傳隋世代詔開肥水達淮西

世宙茫茫未許猜歷陽一夜陷湖開麻姑東海誰憑信

老姥青山劇可哀舫峽倚天人插竈地形傳火劫沉灰

浮生止有神仙好那得金丹大藥來

點蒼山人詩鈔卷三

湖濱夜行

平沙渺渺渡煙皋騶馬寒嘶鴈鶩號黃葉樹深微月淡

空灘水落斷崖高一星碧火湖心寺往劫悲音夜半濤

野艇無人遙喚渡此生蹤跡總勞勞

三河鎮

寒水三叉落垂楊夾岸平稻航新熟後埤火遠春聲

蟻紛人事冰魚壓客烹喧囂難再宿煙月放舟行

野望

潦收寒水澄落葉滿橋梁老荷鬱深翠野菊標孤芳坡

陀冒紅樹茅舍叢疎篁禾登農事閒日暮歸牛羊一熟

已蘇困無事相擾攘清淨道日遠庶以愜幽腸

夜行擬李昌谷

白日何短短道長霜雪重驅車中路宿遙心如飛蓬元

鶴唳幽渚悄然萬籟空夜景何離離曉星漏雲出徘徊

枯林顛俄然是殘月白露凝寒天青山黯紆鬱采采若

木華爲我照行轍

荒村

荒村土屋斷山圍種蕺栽榆未可希積葉空林過騎響

連岡白草怒鵬飛星霜出入頻年慣風雅絃歌此日非

城市豪華邊鄙瘠從知撫字及人微

點蒼山人詩鈔卷三

獨山詩

蜀山變蒼紫行行周四陲隆隆然青天中雲煙紛陸離圓

如廩君廩側如蚩尤旗抑誰覆其笠夸父追炎曦原隰

會風雨蒙泉分肥施江淮適均野風氣交華夷玉女偶

游戲投壺復彈碁適然留此局鬪彼孫曹師樓船蕩鼓

吹飛騎揚旌麾齊梁互置州水火更番施勝負訖無常

電光開笑噓局心中不平難舍當局時蠻觸角兩國蝸

牛漫不知我聞西方義芥子納須彌女媧灑黃土賢愚

同蚩蚩若士舉兩臂方將汗漫期無稽自諧弄靡靡行

賦詩

擬古

冰雪互長松蕭森青桂林磊磊異花實共此歲寒深所思在遠道綢繆隔幽忱人情各自懷誰能同心采蘭襟袖間沉吟以至今

霜林淨無葉繁枝如積煙下有游魚池凝冰方爛然厥煥人早息萬籟寂不喧寒月何皎皎清暉竟長天靜虛識真境妄跡思唐捐澹然吾道存誰與偕往還

灼灼芳梅樹陽春秉孤根幽香含素華蔚茲風雪繁胡為在榛莽支離側荒園美人阻遐遠心賞復何言

白璧易枯桐黃金買冰絲不惜珍重懷一寫綢繆思龍
點蒼山詩鈔卷三 完

層隔山嶽緩急各有宜小絃廉折清大絃春和熙第當心手調何勞數柱移

壽陽

春申澗瀆水茫茫鴻烈書殘失驗方艷女計成珠履寂八公仙去桂叢荒青山迢遞空雲影遠渚依微起鴈行千古正淮文字在不堪重數十三王

微雪

鴈聲不定繞淮淝芳館遲留倦倚扉一歲今宵明宵盡雪花有意無意飛狂瀾舟楫當風緊更駕輪蹄覓轍微那得閉關人事外深山木石共忘機

人日乙丑

忽忽已人日和風變晴郊春色淮東來蒙蒙生柳梢冰壓汎苔淥山氣動雲均仰視林中鳥各已營其巢良限則易逾澄源理無滯行役不辭遠歸思誰能拋

春雨

風簾響玉玳向夕雨冥冥春色遲相待遙山黯欲青落梅香粉溼黃柳午眠醒陌上花開近相期欸翠鞵

柳色

柳色滿洲渚青青吹散絲人事劇變幻我來亦多時平野何葱然碧草浸漣漪婀娜紅杏花濛濛煙雨滋芳時

點蒼山詩鈔卷三 完

罕

慰遠路事往得心夷日暮促歸程笑彼僕隸痴

北渚

北渚南臯耐湖洄芳陰端合傍亭臺林花艷蕙虹霓落池草青浮煙雨來春色等閒人被惱華年長好思難灰游絲嬌鳥蘭成賦別有心情不是才

津亭雨

細雨生冥漠津亭漲碧漪銜杯濃竹色行路得花時豔染桃緋簇低含柳蔓滋晚煙青未了潤物淺深知

雨後霍邱城西樓

煙樹隱迷離高樓萬頃陂水生先穀雨花發舊松滋溼

溪牛垂耳關關鳥扶雌豐年憑時若人意共春熙

懷古

庭堅禪祀渺荒邱陵谷難憑世代求子燮偏師無六藝

勾吳烽火到零婁穹隆大別垂雲出浩瀚長淮夾灌流

村社酒濃花滿路昇平春色在田疇

落花吹面雨霑襟薄宦游踪耐獨吟遠渚依微綿碧草

春山罨靄溼青林龍池戰後雙綃寂仙藥功成九日深

下邑地偏聞索古不嫌荒蕩爲登臨

韶光

放眼韶光處處同小庭莎草亦青葱落花撩亂蒼苔雨

點蒼山人詩鈔卷三

望

飛燕遲迴柳絮風救世劍文饑強賂及人龍憲辨徒窮

委懷自得忘機適遲日芳陰酒與濃

重三日

融融霽色斂朝雲深院簾櫳映碧曛楊柳鵬留音自裊

梨花蝴蝶夢難分流觴有興酬佳節采芍無由寄遠芬

擬得陽春流徵曲暖風駘蕩已如醺

吳雨中城南得魏花

暖艷朝霞紫濃香細雨垂小欄須折取珍重晚春時

過大別山

山界霍邱固始淮河決
二水間亦名大別

曉行渡長山大別青滿眼久雨涵浸濃爽晴嵐霧捲

嶺遞橫側雲鬢變梳結陂陀古寢邱綠樹蔭畦畝緬惟

孫叔風瘠垣成豐腴長天落楚雲古人邈已遠浪浪澗

谷鳴茸茸花露泣斜川下平綠草深路不辨

憇白衣禪院

林外塗泥白皓膠林中蕭寺隱雲均坐來煙雨初飛盡

靜覺鐘魚不用敲碧草錦斑花滿地綠陰殘雪鷺依巢

偶然勞憇逢真境猶是香溪水未涸

壽州孫慎齋得趙巨中息壤集相示

伊古不周山頽裂元池狂瀾突地江河移水妖石怪凌

交遶五穀靡爛人民饑莫埋其源誰能治美人覓覓淮

點蒼山人詩鈔卷三

望

之涓荷衣蘿帶冰雪肌吐吞萬象窮兩儀懷寶不出光

陸離匪今匪古何人斯雲君恍惚山鬼癡我聞道有混

元萬景鍊神之宗支童眞士女相遞師瑤姬渡世三千

基上宮追隨飛化遲人間遊戲謫不歸丹文玉笈留擁

持陽九百六丁其時虞余庚辰無人摩欲往援之中心

悲鳩毒鳩桃鳳鳥詒深篁蔽天煙雨迷塊獨無聊歌噫

嗜含睇宜笑嬌微詞紫庭眞人不可追回車弭節雲之

睡珠玉唾落天風吹古草茫茫荒春陂壽陽孫子嗜好

奇遺瑤淬珮探渺瀰寶書爛爛輝丹曦點蒼道人眼眩

披謂是神仙化身信不疑荒蕩無實何由知厥名息壤

云知之

大觀亭

風潮雨漲兩喧喧
江上征帆不斷開
忽忽去來成往事
悠悠天地一登臺
露壇恍惚移瀛柱
山色尋常落酒杯
獨有吾忠亭下墓
丹青生氣壯層鬼

舟行金沙墩月上

漲流渺渺接江平
挂起風帆暑氣清
不辨煙波行近遠
亂山中斷月東生

落月

隱隱青山塔影偏
鐘聲遙動水雲連
荷花幽翳抱清露

點蒼山人詩鈔卷三

望

落月光光開曉煙

葉家集兩行

風泉微曉聞山氣息炎
氛密竹涼生雨迴溪倒上雲幽
藍耽一宿塵事苦多紛
曲曲青蘿徑
鷓鴣聲亂鳥羣

立秋夜

道路過長夏
冥心扇懶揮
炎蒸餘閨續
消息早秋微
泉響來深竹
山光在野扉
清虛堪自適
待月暮忘歸
明月上東嶺
徘徊深樹顛
微風動遠水
碎影明蒼煙
人語靜無擾
蚊聲消寂然
屏圍獨處夢
不到神仙

由澧口至潤河集

渺渺長山黛影微
駭雲天半漏斜暉
荒途盡日淮清轉
遠浦斜風雨細飛
綠樹暮煙茅屋靜
潢流返壑豆畦肥
塵勞未少閒中趣
自送滄波白鳥歸

村店

青鏡虛壁夜厭厭
舊被黃紬暖不嫌
睡味一清塵鬱悖
新涼初聽雨廉纖
溝喧櫂馬江湖杳
髮白雕虫簿領添
好夢如雲迷斷續
山林廊廟片時兼

七夕雨

天上苦相思
星橋閣後期
雨漂銀漢溢
雲蕩翠軒遲
巧思從人擅
秋懷耿自知
槐花深店滿
忽憶少年時

點蒼山人詩鈔卷三

望

蓮花寺夜坐

曲徑陰森古木交
渚荷香霧晚風捎
相呼水鳥迷菰葉
不盡飛螢渡竹梢
淨土暄涼殊自別
禪家藥病等難拋
夜深渾覺諸天靜
兀坐無心學繫匏

九日

強把茱萸酒不醺
早塵滢勃繫情殷
西風稿葉宵疑雨
九日荒城曉望雲
巖邑艱辛催白髮
蒼山歌嘯憶離羣
當塔一樣黃花好
何似東籬醉夕芬

淮濱

坦蕩河沙細草平
蒹葭無際暮煙生
斜陽霜葉逾花豔

歸壑淮流泛酒清擾擾輪蹄人寄世寥寥天地鴈來聲
登臨自古多詞賦更是秋妍易惹情

答王柳村寄懷詩

淮波盪皎月照我朱絲琴之子在遐遠清風來好音海
門斂流潦浮玉標陵岑洄溯無由泊悠悠懷道襟

黃葉

秋色滿黃葉淒迷谷口廬晚風吹撲簌寒雨併蕭疎馬
埒翻塵響鴻泥踏爪虛煙波連北渚渺渺正愁予

紅葉

青女來楓浦娟娟返照間疎林紅不輟流水去猶殷寒

點蒼山詩鈔卷三

聖

鳥迷春夢殘霞倚暮山金丹何處有渥赭起衰顏

樊菱川太守率屬禱雨張龍公得漉雨紀事

秋田禱雨迄初冬太守肅屬迎龍公焦臺汲水雲飛從
博山裊煙旋東風飛蓋萬點聲琮琤習習浥浥回困蒙
中宵忽復如夏凍摧簷萬派鳴奔澗早霧千里消無踪
龍我用意幽明同髣蘇盛事非忽忽雷聲旬劄騰歸龍
餘雨滿天雲濛濛

劉家臺夜渡

遠火識津迷沿緣曲岸西淮當天漢直星向大荒低風
浪有宵涉利名無竟蹊征鴻亦何事不定往來棲

九仙觀卽事

鄉人賽九仙仙去自何年老檜標祠古層巒結頂圓
稜三面絕石洞半林懸藥物餘苔日丹砂伏澗泉凝神
疵癘却御氣雨風騫報祀興農隙馨香竭野鮮村姑翹
聳髻土樂競繁絃竹鬢紅妝映溪喧笑語傳山深餘樂
事地僻得豐年攬勝逢于役登高惜式過千峯迷舊楚
萬壑落寒天桂樹榮霜日蘭苕沍凍煙雲霞糾絢舊鸞
鶴隱連翩極目開塵暎遙情托珮捐夕陽人影散山水
浩緜緜

經龍池灣感賦

南循大別麓北至關洲嘴陂陀二日程迂迴畧西鄙南
行泉淙淙霜葉艷餘紫北渡冰瑩瑩白草被涯浹寒暄
蕞爾殊地氣各異理惟有民風同爭訟不解已角勝乾
餽間禮讓風邈矣戴星日不給何乃親宮徵歸途攬長
淮清瀾浩瀾瀾洄遊龍灣池嘗時出蛻委張公智勇沉
九子助弓矢鄭龍非意于扁心甘關死楚蓼山澤深何
此一勺水民氣實穰穰在龍亦如此嗜欲囿羣生誰能
遏其始善名不相期利在爭以起悠悠善利間太息楊

朱子

竹園

點蒼山詩鈔卷三

聖

雨氣餘深竹晴光淨影涵峯巒見餘杪蒼翠沉煙嵐
葉香醪冽劇雲苞筍甘止應古張鷹風味此中譜

行城西湖洞中

麋糜萬頃煙細草綠芋綿風浪消重險洪荒見始天飛
蓬移轉殼藏壑斂虛船封畛真無用勃蹊應杳然樵青
人蟻動采地鴈臣還但得排淫潦何勞計受田盈虛時
自運坦蕩意殊便東海揚塵過小年知大年

喜雪時蒙宿賊平

春信動嚴臆朔雪揚輕風輝輝炯暮色綿綿縈素空妖
氛蕩初盡來牟復滋豐

黠翁山人詩鈔

卷三

四七

又雪

曉煙漾清霏悠揚不即落重疊委疎篁宛轉入簾箔玉
塵盈復輪天花墜還着忽憶瓊山侶瑤華遠可托

迎春日宴雪

高會乘清賞消閒送鴈長雪花飄綺席直是滿林春搖
曳隨歌韻翩翩向舞人幽蘭徵曲舊瓊樹選聲新光動
班姬扇濤飛織女津宮妝梅點額羅襪玉生塵笑口凝
香霧懸瑞落素珍管絃催斷續巾拂亂紛潏碧盞銷寒
暖瑤山逼座眞洵開花頃刻莫憚酒逡巡謝賦誇梁苑
吳詩憶洛濱何如白少傅佳宴促歌頻

點蒼山人詩鈔卷四

雲南叢書集部之三

太和沙

早春 丙寅

曉霧暗簾幕細雨如輕塵窗竹啁寒鳥不覺時已看梅
花夜來拆幽香含微噀凍木始寂寂行當萬卉新吏事
促昏曉華髮滋陳因屠蘇發朱顏良時以為珍

微雪

風定野烟沈冰消碧漲侵暗塵噓細雪霽色動春林鴈
聚河沙迴人間村巷深新蕩餘栢葉隨意有芳斟

左傳述

點蒼山人詩鈔卷四

晉楚狎主盟極力仕兵威子良紆鄭難舍信從所非晉
指既舟掬楚目亦天飛邈矣召陵師堂堂服楚歸

子文紆楚難先事自毀家子產作邱賦薑尾生怨嗟田
成施燠休公收私貨加世衰道日雜論人當如何

懿公備狄師亦以保元元急難肆惡誰珍禽何足怨祿
位眾所目才勇資奮責稱服非楚楚慎借此乘軒

穿封勇戰士皇頡亦健兒立囚問誰獲對面枉其辭勢
利中人心在敵亦如斯州犁上下手活潑巧佞姿

卻克東會齊臧叔亦來同躋躋儻相傳比類相為恭款
側互睨視跛眇一堂中為誰亦已虐相與師旅終

魏絳謀息民出積相貸與牲幣有必更服用亦區處鄭
僑蘇民因衣褚而田伍優優賢者謀有節斯政舉

左師合諸侯楚侈晉益衰屬國交相見弭兵甘所廢事
大良不易況復多方之奔命復奚恤何以財賦為

晉人侮衛盟原温相鄙夷楚人止唐蔡裘馬生禍胎積
強日以妄積弱日以卑由來古紀侯大去不復歸

四月二十八日新河口頭風繫舟柳杪

船前奔瀧後怒濤帆旋拖舞魚龍噪溢淮百里搖羊角
摩頂老柳能索綯平生意氣藐蛟壁此日性命輕鴻毛
點蒼山頭石可煮長歸弄雲何冀冀

點蒼山人詩鈔卷四

宿浴河村寺

少女微風自轉蘋停雲吹蓋渺無因蓼花漲起虫移國
蘭葉香紉蝶趁人魯酒流連成醉易青山遠近入詩頻
覓心還覺安難竟應世何如世應身

苦熱行

離日澤火鎔金天蟻蟻者人中相煎

青蠟

青蠟附熱心撲簾暗庭炬具體蝨斯微貌生蟬游楚

尺蠖

飽葉翠娟娟吐絲不成織爾伸能幾何步步在枉其直

蜥蜴

焚柴逐蜥蜴飛雷響三農但可致雲雨拜爾孟河龍

蠅虎

斑駁隱陸離趨足悍蹲舞青蠅殊可憎壯爾策名虎

叩頭虫

呪呪叩頭虫叩頭復吐血困磨挾臍香貌茲欲何拮

蠶絲

蛛絲誘翫災蠶絲狗躑寒綢繆各殫巧墨翟而申韓

蝶

好夢怡莊子驚才豔魏收度花情欸欸漾日影悠悠

點蒼山人詩鈔卷四

三

六安踏勘收成分數夜歸

名州茗產遍通津野徑輪蹄接市塵畢竟豐穰資稻稌
更佳饒沃擅松筠山深雲氣移城郭夜靜燈光夾水濱
還擬寬閒徐按野新棚古寨踏嶙峋

奉議謫軍台効力

夢虫習夢苦失性葵莖間夢邑謬負荷易地成覺端引
咎卽綴纒微幸文網寬豈復得失願前路遠且艱却念
竊祿懷因循安素餐瓶樽居井眉誰能相與完委身赴
邊塞慷慨非所難徘徊別老親惻惻摧心肝

誦繫江防丞署

急景增寒雨雪侵絜囊無計變黃金因人貴賤原非我

涉世機緘苦用心婢妾嚴賓低色相梁魚倒尾失沉吟

十年總負毛生檄何似漁樵有故林

破甑難除墮後踪迷陽却曲巧相逢芳荃茅艾移椒檄

并雀虫蛇仰鳳龍對影青鐙殘葉響閉門寒雨綠苔濃

塵編自檢消長夜無限人間懊惱儂

鴈北向 丁卯

江上春風促鴈行征人夜半理行裝情知一樣龍沙路

不似渠伊是故鄉

鷓鴣

點蒼山人詩鈔卷四

四

冥冥細雨鷓鴣聲花落花開未了情好語分明行不得
行人格是要將行

烏夜啼

月落江頭風露淒籠窗夜半夜烏啼人間亦有烏頭白
可奈江流不解西

二月十八日春恩旨免赴軍台發還懷寧等縣土

民錢金子珠侍親回籍感泣恭紀四首

擊籥風來已報寅黃雲四起皖江濱天心急擬焦枯活

孝治從推化育均解網直蠲邊塞役納錢還免義鄉民

雙親衰白團樂喜泣遍人間喆此人

借袍今得拜綸輝小吏泥塗淚自揮節府澄清先舉放
九重視聽悉幽微游盤已負南陔養來諗翻逾四牡駢
下邑蒼黔齊舞惟天陰陽不民違

板輿從此奉歸途邊塞無煩料驛夫雨雪不饑勞利雀
籠窗猶聽夜啼烏化城險道須臾幻天棘慈雲長養俱
魯法贖人金給取皇仁蕩蕩善同驅

宿瘤緣醜得知名日月容光照耀傾萬里車航從早計
彌天雨露待春耕君公盛事逾三願富壽烝民有四生
自苦無階籌上答鳥翔魚泳不勝情

述德陳情四章呈初大中丞

點蒼山人詩鈔 卷四

五

鳳鳥鳴高岡雨暘為和穆麟趾惜生虫擊獸自習伏惟
賢簡帝心上下蒙嘉福盛治浩蒼生民計艱劬牧俗積
法令滋易簡遠難復膏旰塵皇仁良粥起惟岳直節始
埋輪遠猷靖熒渙一德契無間文明資道覺淑問宣
聽是式此南服攘攘江淮間懔然起震肅
吾瀕渺天末土塲民瘠貧長吏誅征賦鹽法成算縉
削逮黃口挺走無復馴我公軫疾苦沸鼎為抽薪吏民
息攘奪風俗還其淳役法亦著式耕作安畦畛於今長
千年衣食我瀕民

國家舉措權天地為轉移秦誓思有容口摩而心維抱

靡借途乞伏樞悲驥說士誠甘肉自古何詭詭荃蕙
等肅艾志士中道疑有黜者左輔吏治古人齊芳聲紀
綸翰遺澤深淮泗微疵註吏議淪落隨塗泥一朝荷拯
拔丹陛隆恩施兆民為額手僚友相展眉直道俄以振
廉吏實可為滌濯冀茅茹千載誠一時休休取善懷大

海水所歸

咨予識庸闇蒞事昧情偽隕越重以愆謫戍從寬議荷
戈甘服勞投軀自奮勵行行別老親衰白難為慰生離
萬餘里人心共淒淚毅然為捐金士庶齊奔萃江鄉與
淮塲千里亦踵趾破格仰仁天希冀贖刑例公平大悱

點蒼山人詩鈔 卷四

六

惻憫茲蜂螳志據陳達九閭皇恩溢情至戍役既釋免
緩金亦獨資返我骨肉全我烏哺愛歡呼馳四民感
泣到儕類朝疏夕報可轉圜無此快聖主賢臣間能誰
禦恩沛陽春蘇九區寒谷變翳蔚蒙茸荆棘枝被此慶
雲惠慈孝鼓羣生惟惠亦何翅緊琛寶驚劣矧茲繹牽
累何以効涓埃愧彼銜環智有懷誰能已馨香祝清闕
惟天祐碩膚光翼萬年

感懷寧建德霍邱懷遠四縣士民為余釀金代贖

之義二首

桓山啼鳥正分羣北嶺南雲思黯然那是解驂堪救免

俄然振臂起爭先百身贖我真臨穴尺管回春共仰天
皖伯臺邊重載酒人心江水兩纏綿

南方建德古風遺蓼邑迢遙亦効馳憶我罪愆驚夢寐
苦心薰浴費情辭捐羅黃雀摩天駭涸轍枯鱗得水奇
涼薄自慚庸俗吏斯民醇厚竟如斯

赤子彝親血氣通國家名義宰官崇鍾離瘠土金非易
左史償租事不同千里未遺情懇懇兩年真悔去匆匆
江雲淮雨跋余望惟有心香祝歲豐

查萃如周廷秀楊瑞蔽江左琴諸士夫招飲白沙

泉踏青蕭家山登大觀亭復飲致和堂醉賦

點蒼山人詩鈔卷四

七

二月汀沙芳草新佳遊爲我解長罨江山穠郁如人意
煙水溟濛泛酒清中聖賢從茲入勝小蓬萊未了前因
良談傾倒花香冽撩亂楊絲挂月輪

天台呈寓曉起

北寺鐘聲斷續聽先生春睡起冥冥花叢取次露華溼
飛上曉鶯啼不停

老樹過牆雲帳翠蒼苔堆井石花斑夜來急雨池塘滿
蘸得城頭數尺山

管西渠園賞牡丹紅紫二百餘朵盛開諸邑士咸

集

絳露濃香繞座隅名花嘉會款潛夫醇醪醉我非杯杓
春色於人正燠敷把火飽看紅豔舞拳芳一蔚桂叢孤
青冥亭苑逡巡酒豪士風流眷此都

石牌紫雲菴偕張春衫廉正宗長仁諸生賞牡丹
雨中信宿題壁

綠樹芳堤淨洗塵紫雲庭院牡丹新看花依舊纏綿雨
重到長楓正暮春

同王柳亭方叔湘諸生聽鶯三間廟柳林

靄靄春雲潑酒曉晴綿蠻一片晚鶯聲三間祠畔千株柳
不盡飛花習芷衡

點蒼山人詩鈔卷四

八

同陳孝廉泉陳慶夫諸生飲續箋山房看牡丹鄭
生萬箋以尊人松岡先生集相示

獨秀山前潛水斜松濤十里翠谿舂有人著論窮三古
畫井耕田共一家歲久落花成大樹春深紫燄爛晴霞
頻年未逮干旌意淹貫忻逢弟子芭

梓花

停雲薄紫霞瀟灑寥天廓春雨老林材高花開自落

冶塘同楊里千汪學普汪鄭祥北岡晚步題謝名

石書齋

山橋人擁沸村衢慰藉今吾與故吾誑世已拋阿練着

處身不厭厥株枸長松怪石含情碧蒼狗浮雲蕩影無
我醉欲眠人更集起看溪月上浮圖

宿高河鋪茶菴寺王經邦吳官達諸士紳餞飲

山雲漠漠攬輕衫懶慢能閒已不凡萬里聚糧遲月計
偶然游屐戀巖嵌網絲幸免王魚植花供猶殷百鳥銜
多少愛緣酬不得低回石上老松衫

餞別謫邊友人

江上花飛柳拍堤送君西出玉門西同官十載同淪落
拚得今霄醉似泥

詩魚

點蒼山人詩鈔卷四

九

繞郭看花漸已殘雨餘新筍翠琅玕市橋水滿鱗魚上
痛飲江樓酒未闌

答友人書

戰後癯腴故我仍故人相慰更相繩然灰未分韓安國
顧甌差逾鄧竟陵歸路向山騎馬得荒畚帶雨荷鋤能
君恩旻覆何由報麋鹿長生亦瑞徵

贈歌者

水榭風簾月半明爲余惜別可憐生看花未誤櫻桃字
舞鏡空縈紫鳳情醉後涼生團扇影歌餘汎入斷腸聲
當庭一種春婪尾記取芳時拊手行

復客簡

魏武矜誇吏事長少年往績教陳王由來無憾談何易
自古於斯總漫嘗庚市厭爭甘玉毀楚人貽笑在弓亡
昭琴難免成虧在非譽而今亦兩忘

送傅嘯山謫戍噶刺沙爾

天恩我已濯枯鱗把盞看君未老身嘉谷關前馳馬路
君家介子舊通津

集賢院感鄧山人石如

老鶴已蛻去蕭森疏竹林山人亦羽化岑寂千古心軒
貴有時絀冥飛終自任瘞銘來好事空谷響楚音

點蒼山人詩鈔卷四

十

練潭三渡

練潭驛劍亭灣北來南去片時間送人幾個鳴騶去不
見鳴騶送我還風風雨雨長亭樹烏猴鷺令移新故江
潮不到舊時痕迂回爲我成三渡

奴客

奴客奉所事迎承不知疲一朝值衰落去去無復疑亦
復勉周旋餘潤嫌銖鎰人生各自養名利欺所歸役我
尙如此況彼我役之林回負赤子何以白璧爲

夏夜詞時旱熱望雨

塵海冥冥星象微萬綠無聲露夜晞淒迷醉客坐忘起

瞻目明河漂支機小鬟不解夢爲雨團扇習風汗溼衣
四更缺月上屋角斜光入雲雲懶飛

明河篇

沈陽西瀨壓燒塵雪凝靈圖詮仙真織女七襄不違夕
人天誰是無愁人王是麻姑等閒見蓬萊恍惚波鄰鄰
玉輪連燧單桂樹端娥淒寂同朝暮少仙石洞淫奔人
夜半銀河窈窕渡白水素女羞郎窺壺中宰相語媒誤
無情有情天悄悄天孫河鼓長西東瓊筵瓜果競良日
千金一刻愁歡儂華陰老將回天力銀州潦倒無人識
雲駢翠幃暫相逢片語殷勤勳貴極人間蕩蕩仰天開
點蒼山人詩鈔卷四

驛驥

驛驥拙所售低回牽向人江湖難可涉爾主未因貧豪
士遠莫贈鹽車愁更平糞日從一飽休與試彬麟

游仙詞

夢裏仙娥百尺樓牽花侍女上蓮舟當時最好樓頭去
誤逐蓮舟聽水謳

鴈來紅同李良有賦

霜林豔如染青女相傳工在萬柔綠叢迎秋亦綉紅大

化足猶猶瞻彼花樣窮翹翹蘭紫莖結葉垂金蓉晴露
發其英爛漫雲班彤朱綴錯剪綵曲瓊參黃琮一一赤
鳳凰掉尾揚當風瑰詭難爲名俗譽隨所從特物表鴈
來朱顏記老翁我聞採芝人奇芝無定踪異色適所娛
栖彼藥物籠列子綜化機墜陵變幻通奇國爛紅紫酣
我琉璃鏡李妙歌咏強予賦秋蓬下筆恣塗抹一笑
繪工同

慨夢早

大地騰豐熟夢人愁向隅赤日逕春夏秋雨期又逾
轉雙流河決涸灌復枯城邊草蕭蕭本是稻與扶偶然
點蒼山人詩鈔卷四

中秋夕遲月

薄雲不成雨鬱此月華明秋水一崖遠素娥良夜情露
花深豔色錦瑟泛秋聲萬里陰晴共無由問玉京
十七夜雨餘玩月

蟾光解雲駁流影如窺人人意異前夜桂花猶滿輪明

河翻遠籟餘雨暗前津好景迷離得蕭瑟竹繡鄰

女忠祠小寓

木樨香動篆煙微佳日宜秋宿雨晞簾角輝輝花五色
莎庭款款蝶雙飛依林自覺巢鷓便入夢人談覆鹿非
厭事已能無一事杜機壺子正忘機

家大人誕辰稱觴

向平五嶽興猶耐捧杖今朝從轉驂薛惠吏材難可教
胡威樵爨素能諳風塵遲我芝田養家世宜人菊水甘
便買輕舟溯江上真成一曲鶴飛南
耆闈闕下綵雲城楚水黔山萬里情百頃良田方計畝
小人之食未嘗羹

點蒼山人詩鈔卷四

三

九重論養榮雙老絕塞予歸荷再生指日圓園春二月
倚間爲念一程程

灃河橋

決流淮倒漾巨浪駭停橈過眼消秋潦虛船枕斷橋風
塵眞濩落吾道一逍遙平沙娛坦步淺草碧蕭蕭
決口訛爲史灌流今作灃溶知何處水水亦諱稱窮蓼
祀無遺趾花臺誰故宮是非與名實芒芴太虛中

自開順至懸劍山九丈潭雨臺諸山遊歷兼旬得

詩十八首

秋色蔚晴嵐孤煙繞竹菴枯池搖的藪老圃蔚紅藍泛

駕隨車轉歸心指鴈雨青山千萬疊迢遞楚天涵

危橋接翠微幽谷水禽飛石潤林於簇松深艾納肥得

閒航僻路息靜厭塵機兀兀肩與寐居人候板扉

一夜池亭冷溪流到曉增雨聲餘木杪雲氣疊山層菜

酒流連別樺香縹緲竟故人珍重意來往得頻仍

細籟含松徑崩崖終竹根人家時隱見林谷暗潺湲石

冷花開晚雲移鶴躡翻斜陽見平野錯綉有煙村

密竹連千畝清溪小渭川鳥啼泥滑滑人倚翠涓涓蕭

瑟長時雨豐穰不稼田誰家數椽屋平地洞中仙

石礪藏腴壤山農盡土宜碧絲攢玉枕花雪亂荆葵麤

點蒼山人詩鈔卷四

古

飢平常得苗畚次第移廣生眞不竭雨露浩無私

紫籜秋前筍紅芽雨後蕨芝人尋九洞茗戶擅三尖石

磴盤車轍松枝挂酒帘山鄉蕃草木通藉有彫嶮

竹林三日雨卧聽楚天秋隔斷人間事脩然碧海遊苔

深雙屐軟雲響四山浮此意無人共懷思得子猷

雲腳旋西浦林梢無限山日華濃竹色人語出松間錦

雉雙翬起輕鷗極意閒白沙泥不染獨步款禪關

山深孰作雨濡滯難爲情萬壑并秋樹中宵同一聲行

藏歸委運資斧竭瀕行舟與兼馬足歸計六千程

雲寒四山暝問宿得農莊茅舍新塗壁松牀旋蒸香麩

眉能絮語老釀壓稱觴我亦歸耕者羨君邱壑藏

山果鬱離離晶瑩溼露垂尼珠無定色紅豆結相思寒

蝶尋疑藻幽禽引哺兒春華與秋實各自擅英奇

黃葉籠山塢蕭森注夕陽秋深場藿雨楚響樹林霜掩

映楓逾紫迷蒙菊有芳小橋橫曲逕人在赭雲莊

烏相紅兼紫香楓紫更紅柿林翻玉楮棟葉返花風錦

帳幪金谷丹霞簇藥宮化工無寂寞綉爛得春同

倩笑臨風豔亭亭翠葉濃佳人倚修竹秋水出芙蓉香

草寒堪贈芳洲瞥見逢寒煙將暝色溪樹遠重重

踏踏碎雲影俄然明月生主人深樹出列炬亂禽鳴皓

點蒼山人詩鈔卷四

五

露濃花氣冰輪晃酒觥池魚深夜躍應詫客談聲

劍崖鐔可拔缺匣水能浮洞壑饒靈閣古今稀遠搜浪

花翻厲揭松翠落寨樞癖好尋山水無心得此遊

僻遠勞供帳醪觴雜餼牽涸魚猶响溼棄蟻不忘羶雲

水迷離夢情緣蔚蒼天山靈如惜別雨意暗前川

長山謠

朝看長山橫暮看長山縱長山長可盡扁舟意無窮長

淮曲曲青天轉無數丹楓相映紅

伎曲

鸞鏡雙雙影蛾眉曲曲春歌聲延月上掩扇落花頻細

管遲迴雪行雲疊繡茵小鬟如解意別曲帶愁顰

相林亭樹憶舊遊

遠岫縈洄水高樓激澗對芳洲迷客夢紅樹豔秋心綺

語請珠佩徵歌脫臂金舊遊風景似一別信沈沈

夜宴曲

銀燭高花堆長檠繁絃急管催短更鳥履交錯金釵橫

酩酊未闌呼酒聲曉鳥啼呀呀明星高東方僮僕爛漫

醉不知行樂是他鄉客遊之樂樂未央

落葉曲

落葉復落葉落葉如落花翩翩紫豔揚風斜丹楓赭棟

點蒼山人詩鈔卷四

六

紛交加落花春寂寂落葉有聲響撲簌上簾波琤琮下

庭微陶令籬邊亂夕曛生公石上點苔紋短衣射獵南

山廣馬蹄埽埽翻黃雲雲暗山前路烏啼烏相樹行人

憶故園逐客迷津渡風雨深山煮石人欲尋行跡無定

處淮南惜長年宋玉悲秋賦渺渺深宮一葉媒蛾眉紅

怨惜詩才流水何太急人間去復回落葉如落花秋思

共春裁落花一落春摧頽落葉落盡春風來

慢遊

細菊沿溪岸幽芳愜慢遊山寒來鴝鴒野曠適州留廢

寺依林在虛船積葉浮蕭閒暝色身世兩悠悠

苦竹岡

苦竹岡前野路歧茅簷濁酒雨絲絲本來不是韓康遁却厭名教婦女知

淝河渡

浮萍水落上漁磯風捲殘霞變夕霏落葉紛紛打兩漿朱鷺近人懶纔飛

蠟梅

小鬟呵凍繞霜華折得金鞋上髻鴉怪底曉來鵲鵲聞枝頭爭啞蠟梅花

金家橋

點蒼山詩鈔卷四

七

曉日散寒霧繁霜在積葉茸茸青松枝滴瀝蒼翠溼連岡下遙岑紆回束平隰野路古通津長橋駢峯立崖石雁奔泉玲瓏豁雲峽流磻壘科寶淙淙琴筑協農隙村市靜茅簷鴈集閒適忘旅行野趣游目給人生寧免勞所要謝羈縻

遊蜀山開福寺寺為楊行密祠址王景仁間道歸

梁望山痛哭者也

大蜀山遙駕散閒楊吳臺殿有無門靈池激灑龍蟠寂老樹杈枒鳥倦還閒道英雄悲故國荒祠涕淚認青山山僧不識梁唐事鐘磬虛堂自掩關

長至日

迷離噩夢斷啼鴉竹影搖窗射日華簾外嚴霜苔似鐵冰資進出水仙芽

新眉詞

車塵撲地月西生隱隱嫦娥如有情鏡裏修眉纔半畫簾邊鉤影未分明分明一片團圓意盈盈缺缺回環遞好與征人駐馬看勞他翠袖臨風拜風雨關山客路愁行行見月笑登樓楊柳春花過上巳芙蓉秋水憶牽牛棲棲水國霜華滿梅花梢上斜光偃屈指天涯幾度圓一弦二上華年晚宛轉華年思渺茫錦帶難捐寶玦光

點蒼山詩鈔卷四

六

翹首玉京無限好不教容易譜霓裳

三峯谷

風霾暗平野入山遠晴朗連蜷怪石岡微徑蔓榛莽渡嶺俯平林曲折菑畚廣谷聲殷吠屨橫橋背茅廠陰陰樹葉雲冰泉瀉巖響招呼問藍若却步緣溪上

石泉精舍

明月上崖背石影垂玲瓏山氣生夜白千林淡如空寒冬百昌斂深谷含冲融釋氏清淨理宴坐愜所宗惘然不成寐塵路已千重

鳳陽邸寓

掃葉驅塵卸路裝
閒庭宛轉下斜陽
五年僚舊無人在
千古淮流逝水忙
窺食空階喧凍雀
含情石檻老疏篁
饑來健飯差強意
七尺稜嶒有鬢霜
眩眼雲煙變幻多
自捫心跡究如何
藏書穀博均成失
鳴嚇鵝飄等一過
得土交遊方外久
看山面目向來訛
死灰獨弔韓安國
猶有遺黎爲涕洟

下洪渡

漠漠寒煙見遠洲
多情山水愜重遊
人聲晚競津亭市
紅影波搖樹杪樓
泛駕阮生無定轍
饋饗列子已虛舟
援援止止何勞計
苦憶僑家在蓼州

點蒼山人詩鈔卷四

九

借許叔翹宿中海寺答僧慧如

寒柳無一葉枯
湖無一波我
我古臺下昔遊風景多
蕭港湖曲折芳洲
繁陵陀珍禽百種色
飛鳴雲錦窩
爛芙蓉花風吹十尺荷
離披花滿船
花氣蒸顏酡
玉藕出冰雪碧筒擎
嫵那酒酣發歌詠
古壁揮筆窠彈指
忽七載入林重逡巡
豈我異今昔
山水亦改觀
老衲大驚嘆
證茲來去因
本來無垢淨
起滅原一塵
詰朝春水來
俄頃還瀾淪
胡芴少流連
一賞柳花春
許邁笑撫掌
惜我行旣旣資糧
眾可給離情
遽難分感懷
各進觴
爐火紅温磨

茶亭鋪 戊辰

漠漠雲生石茸茸
初風絲燒痕濃
雨色凍壑轉風漪止
還長途適澄懷
往事疑情緣難共
了離思滿川湄

化湖陂

酩酊不知行路遲
喧喧燈火化湖陂
那堪舊說如淮酒
眞作塗山父老危

途中大雪戲詠

難忘結習好嬉遊
天女天花散不休
亂着征裘袪不墮
看儂彈指現瓊樓

雪後望鎖耶雲母諸山

鎖耶人詩鈔卷四

三

銀虬蜿玉沙縹緲
入天斜鍊粉凝雲
母瑩膏泮鎖耶青
環淮一帶塵息路
三义不盡看山興
中林駐雪車

人日訪王禹符時著天文輿地左傳諸書垂成

人日逢人得不虛
鍾離城外好幽居
一林積雪無人跡
蘊世潛夫老著書

中立譙樓遠眺

危樓壯麗聳蒼冥
子子灰餘往劫經
雲際長淮流渺渺
春來芳草自青青
一坏葱鬱傳天葬
百頃森嚴詎鬼靈

竟遣逢邀異數古來陵墓幾能扁

水曲山盤鬱古原
雲煙萬珠有頽垣
閭踪跡如蓬萊

樵採生還到草根豈有凶荒成故事長將賑濟賴
仁恩六塘一樣豐秔稻地方還須重討論

野鶴

冷霧迷離散曉風避人野鶴頂深紅盪移目啄荒田雪
嘹唳一聲天地空

渦堤望北山有懷

曲曲渦堤夕照殷暗回春色柳條間白沙新水淪漪嫩
廣野平山意態閒莊叟園林輕楚相稻家鸞鶴渺人寰
湖洄別有娛懷處難路塵煩未足患

旅懷

點蒼山人詩鈔卷四

三

逆旅無何飲白諧蒙茸裘暖與春乖狂塵十丈迷行路
好雨經年懶過淮物累何因來鵲感惡聲猶慣舞雞嗜
歸心欲假長房術閉戶深林道始佳

長淮曲

淮北渡淮復淮西淮南風雪漂行衣歸鴈飛飛渡淮直
人歸渡淮淮迂迴多謝長淮休戀客雪花飛盡柳花飛

焚草

翩翩聯聯千卷束紙舊塵陳蛛網篋塗鴉引蚓盈汗牛
是非同異成虧足委積俄逾十二年勞神殫思廢宵眠
今日束裝重檢點欲覓過去心茫然竟付祖龍燔書火

白藤書笈還故我風吹烈燄聲騰騰雲煙飛盡青天清

與韓潔士飲

范叔笞錘飾死魏齊戰慄全身饒君軼才異勇僅僅支
絀庸人

勃蹊有時可厭楚響空谷難期由來冠蓋相索莫當車

笠誓辭

裏糧南容患道抱獲丈人息機靜寄春醪獨撫悟來言
說成非

點蒼山人詩鈔卷四

三

點蒼山人詩鈔卷五

雲南叢書集部之三十五

太和沙 琛獻如著

古別離 庚午

埋丹橘樹根神仙爲母資賦命合仙去忍茲生離別年
年橘花春慈母憶兒悲千載一歸來九泉寧復知顧影
畢天地長生徒爾爲徘徊謝彈射故山心靡依

南鄉晚歸

龍尾橋頭吹雪漿題橋往事遠難忘西流水亦滔滔下
古道風仍踽踽涼宿草不醒泉路客黃金空秘枕函方
私心欲禮波羅窟窈窕溪雲萬木蒼

點蒼山人詩鈔卷五

得皖城書年餘始到

梁州西盡雪山邊江左書來總隔年世事渺茫閱觀寂
此生端合老逃禪

賦得瓶罇居井眉

胡汲萃井瓶甄大甕甄小甕小得泉微甄大得泉飽倉
卒下雨更歷甄詎得保藐茲升斗罌軋迫墮冥杳釣竿
絮沈浮一笑微坯好却顧井之眉嘗礙輻甄倒甄倒得
甕聲瓦解但泥潦寄語東上瓶薄汲以爲寶

幽蘭

幽蘭生空谷含香守陳藎幸免採折緣媚此二春暉繁

霜變秋節孤芳爲之摧枯根結絲逸陽春不復回卷施
爾何物無心得芬菲

避塵

買得靈犀好避塵懷情滅見自沉淪八區那盡蠅蚊格
一醉何勞螟螺曠過影動泡泡動影卽身非觸觸非身
覆巢自憐伊仙謔口業些些是率真

看山

落盡黃梅暑不生支窗清晝點蒼橫青峯自幻奇雲出
白雨俄添遠瀑明大地炎涼山界別落花茵溷世緣輕
江鱗胡雁勞相訊猶向塵埃憶尙平

點蒼山人詩鈔卷五

聽泉

虛寂憊長日山泉汨汨聞倚欄花盡雨洗屐草連雲却
顧於人遠無何飲自醺鳥聲深樹托倦影息忻忻

青葙香

湘波窄地掩清涼擾擾飛虫透隙光一點青燐金博火
笑看醜扇避煙忙

佛界

石佛出青城遠自閻浮提多寶鑰隸字往代誰能稽邈
茲雪山陽地傾水流西空寂明鬼道伊古優婆夷福德
較布施輪迴攝顯癡能使重重眾傾化淪心脾平等易

爲好柔弱安恬照其始得慈忍其究茂是非媿然至放
修流極難可知出沒波濤間混混相磷滯政刑有弗逮
覺悟將何施點蒼與西洱佛道之魯齊非法在必舍勿
爲佛耶悲

曉望

點蒼看慣欲渾閒夜雨浪浪漲碧潺曉日亂雲鋪地起
迴峯飛出絳霄間

聽雨

白袷涼風失夏炎紅蕉翠篠響廉纖離離薄霧疏燈溼
細細清宵密雨慄枯硯有情魚夢續石芝無信鳥脚淹
點蒼山人詩鈔卷五

卷五

三

蕭蕭却憶吳娘曲雲暗巫山不捲簾

洱濱尋友

瀟瀟迴波聲滿林白沙幽草翠蕭森山昏微雨斜陽薄
水滄晴空綠霧陰漁釣舊遊成白首行藏往事感秋心
四洲風月花三島輪與幽人直至今

洱水泛舟同趙紫笈許晉齋步前人海樓題壁原

韻

卅年湖海逐萍浮却愛鄉關玉洱流罷谷南來三百里
點蒼全載一扁舟倚樓好句趙承帖懸露高情許遠遊
紫翠雲嵐紛打槳人間新入廣寒秋

牽牛河渚客桂浮不及航船自在流星宿一天都貼水
月輪四面做停舟魚蒲有會悠然樂蝸壁猶題逝者遊
簫鼓華燈良日興羨他魚父醉橫秋

青城石佛現沉浮西洱宗風萬古流牽堵坡光經像寺
闍浮提骨海神舟鷺頭垂影披雲出迦葉褰衣振錫遊
人世茫茫天地遠鐘聲搖曳雨花秋

蒙宮段壘幾漚浮好在青山枕碧流蠶繭只知蝸有角
金湯屢負壑藏舟沉書驛信存明誓分爲天王憶舊遊
今日昇平嬉盛世村村簫鼓慢亭秋

赤文斑駁島如浮羅刹巖前水伏流焚國古通迷往代
點蒼山人詩鈔卷五

四

仙人大願濟同舟滔滔一概江河下渺渺孤懷汗漫遊
素芷芳蘭無限思良辰珍重好涼秋

人生聚散比雲浮華髮俄驚歲月流快意翠濤開倩楫
退身滄海任虛舟霞綃染水霏霏動鷗鳥隨人得得遊
好句當前進續和自攄心跡淡如秋

步月

闌風南下點蒼連碧洱浮光欲度闌峯頂湫晴雲似雪
月華霜皎樹如煙跂身欲騎闌扶影曳履行歌溟滓天
誰向寂寥同此意廣寒清極不知眠

山雪感興

點蒼雪竊巖一年一回老山人踰短髮一白長皓皓
春回山容雪液滋翠草我有絳雪丹服食苦不早飲冰
却內熱明霞劇強飽神仙獨何爲千年長姣好
渺渺耆閣屋佛域周秦先南詔此會盟蒙古此開滇廢
興雖萬變古雪常皓然炎方凜冰玉奇構標南大山水
得真趣浮榮何足賢煮雪飽松苓俯仰長歲年

西山雪巨冬東山冬不雪風吹西南雲海底現飄撒雌
龍望其夫萬古冰霰結四大合幻成誠至金石裂冥心
鍊形神一仙諒可必

體體山上雪皎皎雪中花銀屏錦步帳重重結飛霞綿
點蒼山人詩鈔卷五 五

巨一百里爛漫洱之涯土人不知異離落隨欹斜妖嬈
蜀海棠紅暈淺深加紫緇半開落蓬勃赤玉芽俚名號
小春殷茲十月嘉香花四時供佛界禮毘迦寒燠適中
氣靈奇標異秀山城遠寂寞自然足豪華賞花高宴雪
陶陶處士家

霽雪淨林莽野徑飄風香燦燦早梅花北枝亦已芳
藟雪中藟含笑苑清揚連山皎如玉雪漲聲浪浪蟠根
濯泉冽奇英苑春長感此歲寒知幽貞詢所臧

枝窗梅影下簡編適我情古趣自歧仰驚眼雪山明羣
峯聚如村朗列披太清皎皎白芙蓉倒影含光晶晚煙

映虛白天然不夜城金銀爲宮闕蓬萊但聞名稱遲點
蒼問塵汗何由擢

春雪渙點蒼瀾漫洱河水魚龍活新流跳躍不解已灼
灼天桃花隨風落芳沚泛舟雪鏡湖照我鬚鬢改不惜
鬚鬢改惜此春日馳戀舊各天涯無由致相思把杯酌
清影徜徉心自知

高崖尙留雪城市已炎天錯落珩瑀琚萃影松篁間剗
劖隨山樵無勞伐冰堅酒豪宿醒困丹客金石煎那得
竟此嚼滌彼飢火咽點蒼富崖蜜楊梅首時鮮調和入
雪液甘香溢饒誕盛夏例舊賤涼風生市廛曠州亦何

點蒼山人詩鈔卷五 六

別王母列仙筵江淮六月時懷此鄉思牽一呷醒塵夢
忽忽成廿年寄語諸寮舊熱中今已蠲

綠萼梅

石瘦林枯駁薛岑孤芳獨自意惜惜却嫌紫蒂猶多色
欲儷幽蘭有素心萼萼繁枝香繞暈晶瑩殘雪翠籠陰
東風萬絲濃如染早辦春含素點深

素豔幽香絕點瑕爲梅真是費咨嗟雪膚遙見藐姑射
翠黛天然萼綠華觀影乍移春水色疏篁欲亂五分花
芳時可奈情無限把盞悽迷碧玉家

盡道梅花似美人廣平詞賦巧傳神最憐金谷珠投地

恰稱湘妃淚染筠曉鏡碧池清自照綠衣翠羽夢如眞
私心願在眉爲黛莫遣風吹向玉津

上元節日憶三休寧黃鶴樓話別 辛未

東風同趁楚江船黃鶴樓頭雪滿天
一下危欄相背發香無消息又經年

花朝出遊憶杜詩江畔獨步尋花諸絕

飛紅片片點緜袍宛轉楊枝吐燕高
可惜有情寬歲月自教俯首向風騷
梨花好趁浮蛆窶碧草初勻射雉皋
欲答春光竟何事情知詩酒不恢豪

觀音石會日沿山麓看花到寺

點蒼山人詩鈔 卷五

七

桃李繽紛拂路塵遲迴款段愛溪濱
喧喧混俗僂婆社得得看花羊直春
池面泡漚遮影異人間混沌鑿痕新
斜陽最好紅千樹不厭青山古黛皴

有懷傅嘯山

長淮歧路柳依依同是桓山忍淚飛
此日金雞聞有赦已無人寄蜀當歸

城東園看李花尋趙紫笈效韓昌黎體步原韻二

章

南方異花木先春燉爛驕相夸
梅花靜窈窕下與噲伍心暗嗟
妖桃豔杏鬪紅紫落英紛紛春風斜
李花磴磴

獨也正潛幽守寂堅寒芽城東老園二月半
瑤林琪樹開晴葩雲房高積玉塵斜
銀濤亂擁天孫車龍日之國夜如晝
若木燄燄紅不遮恍然直悟昌黎語
不見桃花見李花

昌黎古豔高咀華盤空硬語蛟龍拳
醒肝瑩骨蕩邪慮眷眷寫此連天花
張徹慮同共花夕花前風景十倍加
自我閒居得花癖每到花下忘歸家
城東老友外世事丹經火符候不差
結習猶然好佳句清如雪風冷齒牙
更與踏月盡花意勿令穰穰填汙邪

樓成四首

點蒼山人詩鈔 卷五

八

攬取諸峯宴坐邊樓成不費買山錢
清含太古重巖雪綠遍春城萬木煙
短策好停尋窈窕紅塵深與謝周旋
繽紛一枕梨花夢飛起攀雲鶴背仙

白雲蓬勃捲還舒倦鳥高林意自如
退士不須謀谷隱愚公合是面山居
多渠宛轉初弦月老我伊吾百種書
莫問元龍牀下客本來湖海氣難除

支窗曉日溽霞堆碧落澄澄玉洱迴
錯繡千村纔雨後輕帆三島馭風來
求仙舊說樓居好學道還資眼界開
種得琅玕初百個籜龍解解走春雷

清虛纔得勃蹊消插架縱橫萬軸標
自笑酸寒成作用

強將湫隘變寬饒撫琴真聽眾山響覆斗時從壘塊澆
一室掃除吾專了莫須起念又情送

夜坐

澆澆泉聲繞砌長坐來虛白是天光行藏有素思何與
懶慢於今得不妨積雨雲開星宿溼高花風定月隴香
澄將一念無由起却笑耽吟習未忘

歲

春山煙雨翠芊蕪蔬筍厨中得味鮮南國懷人被共採
首陽甘節葛同琴兒拳快意揀詩興鼈腳天然肖雅箋
堪笑東坡飢海外欲將丈食補當前

點蒼山人詩鈔卷五

九

微雨

雙峯一片雨濛濛飛繞簾櫳澹池風草色青回殘雪裏
泉聲高在亂雲中百年精力成衰始萬里交遊少信通
已慣葢鹽能健飯莫將窮達問天公

木香花

雪藥玲瓏簇素霞濃香漠漠繞籬斜長安好事珍投贈
林野誰知是禁花

素馨

花田一片雪晶瑩翠葉紅階前玉環貫向朱絲穿宛轉
却簪雲髻鬢分明露細釵再朝含露香汗氤氳夜有情

好是滇南開四季珠娘莫漫詡羊城

和紫笈山人獨歌

歌云我不讀書如何窮我不讀書如何通如子
桑氏歌與鼓琴有不任其聲而趨舉其詩焉至
云得來一息造化融習射鼓琴無比工道趣溢
然抑何樂也

豹雨不食文炳彪駟踟促芻秣優黃塵沕沕幾千載
脩然獨與古人遊小夫聲利霸蚓穴從他大笑訖不休
班固漢書亦晚古下酒猶能逾珍羞鐵脚之仙人瓊瑛
詠秋水赤足和雪嚼梅花要沁南華入肌髓人生何蒙

點蒼山人詩鈔卷五

十

蒙河漢汗瀦疏淪通禮明樂和聖所公華胥洋洋人仙
同窮達訖無損吾宗朝弄點蒼雲暮滄曩惹雨雨飛雲
捲山悠然此意欲言難竟語紫笈山人飛瓊章獨絃哀
歌聲無方要予和之縱又狂甚乎笈實據未央

再和趙紫笈

虛堂細雨一事無恍惚遊遊萬物初歌鐘羅綺浮雲徂
紛紛鸞鶴何爲乎天耶栽培吾豈榜有待而食誰膾臠
千金養寶臨化俱闕世優哉天徐徐閉關不駕阮生車
落花洋洋春風嘘

三和趙紫笈

做人澤車云時宜笙歌圍幙當妓衣神仙醫灰逃耘芝
誰其迫者胥飾之駒隙富貫慕泉石勢力無奈綠幼兒
盤餐待客雞養老冒雨殷勤非亦好斗酒何必到公榮
入社淵明時醉倒我我周旋無否臧腰適足適履慕亡

擬唐人遊仙詩

翠岫紅雲駐紫軒瓊臺玉醴酌仙源儵魚縱望塵依藪
不是中天化默存

融融春氣市天長澹沲飛花碧瀼香赤脚科頭行坦率
到來仙界不炎涼

閨風四面做花樓千隊紅妝進舞謳忽憶髯秦晴雨句

點蒼山人詩鈔卷五

十一

真將霞彩作纏頭

形骸脫略了無嫌揮塵清談戲語兼只說風塵諸混跡

詐多劣相笑掀髯

瀟洲一徑楚雲嵐橘叟相邀共手談往復玉塵贏不定

人間瑞雪已沉酣

混沌何人闖化工中條山上問鴻濛嫌他果老誇官樣

吟說陶唐大侍中

金薤琳瑯古洞中人間疑義了圓通泊然天兆嬰兒似

授講新從河上公

鴻寶輝輝得異篇劉安丹藥偶乘緣八公習氣驕相姤

雞犬鬢髮吹獨仙

花豔驚人曼睪光天然眉意遠山長雲鬢霧鬢隨心攏
道是麻姑狡獪妝

醉月溶溶玉宇涼素娥花宴會霓裳綵鸞畢竟為情擾
一下瓊山寫韻忙

仙侶相要謁上清霞旌雲馭指層城為憐風月耽疏散
猶向花間擁翠觥

鶴舞鸞階海曙生小鬟傳語未分明含情欲問愁顛倒
爲事荷花寄遠生

聞荔扉師三化及

點蒼山人詩鈔卷五

三

大雷江口送登臨却問歸期聞欲暗三載寓公知航麟
平生薄宦自浮沉飛揚竟爲誰雄者著迹猶餘未了心

屈大夫傍增一塚楓林煙雨最蕭森

聽兩孫效蓼兒誦書

小兒琅琅朝誦書兩孫孩語學伊吾警嘈錯雜馬哉乎
我昔兒時亦如此攪聒大父哦書史一詩成誦大父喜

而今班白竟何成得祿不逮遺甘旨人生賢達詎可期
詩書畢竟是謨貽重重繞案孫曾樂仰慰高堂杖屨躋

讀蘇詩月華寺七古有感用原韻

坤維富媪私自憐懷金腋寶藏深山山民採鑿易衣食

由來厚利歸豪姦地脈斷續應喘息天道盈虛成往還
偶然採探值其空遑遑星散依榛菅工商販賣坐交困
農夫粟帶文紅艱那得金剛一杵眾山碎碎杵鑿山青
爛斑平地蕩蕩種黍稻不用萐萐求舉鍤銀銅豐歉地
難測農田雨暘天不慳可憐吾鄉舊樂土嗷嗷此日哀
惻惻誰知渡嶺東坡老早嘅泐場廢寺問

山雲

白雲霏霏細雨來雨來溼地雲飛去妙鬢披離欲翦山
虹霓却挂曩惹樹瀑布山頭細不分如花如絮弄斜曛
山公自愛閒雲好可念中田待澤殷

點蒼山人詩鈔卷五

七

七夕

曝衣樓上花娟娟積雨河頭聲滿天娟娟秋風思徑渡
盈盈一水默依然壁車好在西陵樹沉火孤飛金博煙
自倚結輪供夕張浮雲氾濫夜綿綿

理泉

苔花漠漠漸斑然蠟屐沿緣理碧潺細響亂從蕉葉雨
青山半褪竹梢煙懸巖冰雪移池沼到海波濤劃溜涓
永日清涼深院靜不須人境結廬偏

魚潭巖

巉巖千萬穴齧此海門波鱗鱗巖邊鱗窟宅盤幽遐揚

驛陣馬來翕尾潮蜂譁喚鳴動海日跳躍捎崖花溜深
黛色重掠淺銀刀斜織悉榮可數弄影嬉雲霞翠葑積
如界護此潏潏沙水性詎有異在山清無瑕風濤肆簸
蕩終難汗染加遊魚適所性寧復慕江河盤石坐忘記
空鉤意釣多

高仲先攜遊舊州溫泉

古城蕩無址沙石平市塵喧寂異時代一泓猶燠然熒
熒象山麓暖氣蒸雲煙珠璣噴瀟沸肪玉折方旋咫尺
冽蒙汎調濟衷涼瑄瑤池舊瓊館金碧餘顏垣佳構始
天女曾此濯珮環僻壤寡好事無復歌吹喧浣濯便樵

點蒼山人詩鈔卷五

七

牧膏乳澤境田利汲詎井溧何乃荒榛菅繫茲一池碧
大造深雕鑄丹砂異礬石甘香溢高原環以玲瓏巖磊
礪雲根連達以永春潮萬綠涵漪漣并將山水勝卑子
地主賢共有航遊癖趁茲免官閒涼風淨天宇秋林豔
渥丹移具蘋花渚聯騎青巒巖解衣浴磅礴頃刻塵垢
蠲人生適自適身外復何論章江萬黔首待子恤飢寒
明年此相憶雲煙浩淼間

病起

密雨落深簷浪浪入清夢紙窗耿虛白過眼雲煙弄灑
然一事無頓失前宵痛平生薄寒燠習氣餘顏縱拘拘

造化爐大肆陰陽閱我法無生忍愛憎了無用病拋藥
亦拋借慰維摩眾困困已逾旬起視天宇空燦燦日精
花披離破昏霧秋色佳有餘良時自珍重

和陶九日閒居

連雨迥澄霽寥廓秋涼生偃仰適棲遯此意難爲名黃
花被幽徑灑灑白露明佳節感舊遊無復歌吹聲繁華
有時替矧茲壯盛齡人情愛重九誰挽歲月傾舉觴挹
清景疇能薄世榮寂寞望同志千載留深情存生愜幽
契何必還丹成

聞雁

點蒼山人詩鈔卷五

五

高飛鴻雁遊峯巒嘹唳餘音入渺漫怪底故人書信有
千山萬水寄應難

鸞田慨

鸞田須糴貴糴貴却鸞田莫以錢神論更論荒年錢涸
魚自响涇黠蟻豪據擅不堪皆贏積切須駟僮賢夷陋
貧非寶金饑事偶然擾擾刀錐利圖盡世無邊

朝眠

歷歷瑤臺玉珮從夢回雲氣翳牀杠雨聲一夜在黃葉
雪影半山侵曉窗脾肉病餘消自覺睡魔狎處懶難降
詩成斷續迷離裏張藉涼涼出嶺龍

雪山歌贈馬生景龍

崑崙之墟名無熱點蒼六月猶積雪離披鷲羽半青青
不似玉龍終歲白原是西域大雪山奇踪異闕非人間
晴明直現點蒼北欲往遊之阻且艱雪山馬生今奇士
忽來過我談經史示我雪山詩十有二峯巨頂趾金沙
百折從中來南條萬里濫觴始手君詩帙倩君談江聲
雪瀑當前起我聞阿耨達環出六大水雪澤之所潤流
行布佛理麗江迤北達巖東半達鉢愁森重巖奔騰到
江入江底矯矯逸出江南峯巒巒狹隘鏡主角雄奇與
窈蟠虛空壚卽老人各異態斗牛危壁標星宮番名漢

點蒼山人詩鈔卷五

末

語雜稱引當頭亘古無人踪春融雪渙洪濤下岷山百
丈盈奔瀑信知天地妙偉造江河大本非淙淙馬生遂
學佛能譯西僧語貝多得真諦進取資淨土飄然來去
十由旬事業名山物外身別後應知翹望遠雲煙不障
玉嶙峋

巡梅曲

晴山漠漠嵐翠濃樓頭雪影清浮空山賊與舟無寒色
重重野豔含霜紅龍尾關河八千里寂寞煙霞照寒水
難忘何遜舊揚州人倚司花笛聲裏年少須臾兩鬢絲
尋花嘗是惱春遲小梅含情如相語無限芳情對影知

得左杏莊刺史書備及師荔扉身後諸况

萬里蒼崖雪梅花對寂寥故人心尚爾書札到山樵世
味浮沉共良朋生死遙纏綿百行字只是黯魂消

題白貞女厝誌

閩縣令白

公女左

聘室

貞女于歸日縷麻換吉妝從容慰生死哀感動肥梁今
日雙埋玉層霄共引鳳我曾觀盛事人豔說尊嫜積善
徵餘慶緣源發異香渺茫惟禍福應驗在倫常宦海波
方惡詩庭子遽殤人情移盛替士氣為悲涼淑女心何
摯千鈞諾竟償題書貽返馬拒浴就含牀禮則嫻嘉訓
幽閑制烈腸代夫供子職忍淚悅高堂喜起與家婦祥

點蒼山人詩鈔

卷五

七

臻卜世昌所嗟人瘁甚那更病相妨七載流光速三生
結願長思親驚遠計延命恨無方侍膳資賢婢修文佐
玉郎等知冰雪冽惜此蕙蘭芳傳誌成翁手旌揚待典
章志承清白吏孝感泗虹鄉彼美真豪傑人生足慨慷
古來存節義道並著柔剛畢世須更事芳名日月光嗟
余叨父執感舊憶循良異地悲歡共開緘曲折詳臨風
跂望杳歌詠起徬徨

書左太冲詠史詩後

十年成一賦太冲眞僉父於時未之重詎俛造皇甫果
雪覆竇譏價貴洛陽楮沾沾辭翰名用心亦良苦男兒

當世問良圖懷騁步途路有通塞驚心慨前古琅琅詠
史篇抑鬱誰能吐浩氣陵天虹繁音雜風雨倔強貴賤
間浮雲眇珪組屈伸各有宜齷齪何足數等知作賦心
耻為溝壑腐辭督縱遠懷一枝聊栩栩

書阮嗣宗詠懷詩後

嗣宗外形骸跡已逃於癡見迫時貴辟復深猜主知潔
身將何措凝霜沾人衣北望首陽岑良辰懷采薇一醉
六十日大哉天恢恢登高見城邑慨然獨心悲才色委
時命惜彼婉變資薄俗慕放曠衷曲何由窺悽惻詠懷
篇千載使人思

點蒼山人詩鈔

卷五

六

消夜

炯炯梅花夜踟躕靜掩扉竹風如雨驟窗月閃雲飛扉
首閒無事漢陰深息機三餘隨意酌未覺愒時非

梅花卽事

怡人冬令不風霜消受西窗日影長午醉半醒人不覺
梅花陡作十分香

繞屋梅花近水濱朱朱白白萃玢璘不緣雪候為分別

祇當尋常桃李春

滿路飛花拂水流玉鱗如雪蛻潛蚪無人著意城西角
磔砢梅槎大蔽牛

宮妝穠麗醉紅添縞素湘妃倚翠活爭似山梅明媚意
麻姑垂鬢爪纖纖

爲愛宗炎鮑謝詩涉句不見費尋思小樓岑寂風帘掩
寄我幽梅綠一枝酬胡品南寄花

疊葉重英玉婉揚槎枒困蠶盡芬芳我今半老成衰懶
那似梅花老更強

花裏梅花世外仙山鄉氣候不嫌偏海紅俗豔無多態
開向梅邊亦嫣然

東白先生雅興長西園常得醉芬芳過門一徑霏霏雪
又索梅花花下觴張書有西園連飲

點蒼山人詩鈔卷五

七

短笛長簫舊譜聲玉臺金砌怨分明繞林細看梅花落
搖蕩春風也耐情

野寺冬春送臘時西溪小約趁晴曦天桃紅杏爭春早
石畔梅花好是遲

半放梢頭半委苔慰人寂寞好徘徊乍寒乍暖春無定
天與安排細細開

辛未除夕

雲煙過眼雜新陳送臘忻承七日春年復一年催老態
我仍故我是鄉人林泉已幸堪潛世菽水終難慊養親

手把屠蘇愁喜集兒童歡笑說明晨

草木春從暗裏回良宵歡感倚心哀倚間有夢泉臺隔
斷雁無聲雨雪淮人事百年胥此視星纏一例只奔催
漸思漸遠成終古愁對蘇耽舊日梅

笑口頻時遇幾場閨餘長歲又拋颺無多田業逢荒歲
難渾人情在窶鄉顧影已蹉石學士披衣猶認李冬郎

薪盆煖熱問前火好是從來古道良
飛揚壯志耿猶存學道無成坐意根出處兩難諧世故

優閒終是負君恩春風鼓蕩催花柳積雪迷離泣芷蓀
已委此心惟任運不嫌沉酒向金樽

曼衍歌言者不知多知照道案感容與
聊以窮年得曼衍之歌七章王申

點蒼山人詩鈔卷五

辛

螻蟻一櫛堪眾飽終日如飢營擾擾神龜不食長千年
高遊荷葉深藏淵蚊翅啄息蠕蠕並各使於形云其正

人生百歲資識神願言葆之三尸曠
彼者之趨此之棄熊魚痴腐各有嗜昨日之是今日非

水與舟陸紛從違雞鳴一例孽孽起是非彼此易地耳
西方老釋挈其終抽釘拔楔還空空

太璞萬鎰珠乃光敗素而紫十倍償天人相資實相戕
善名善利生爭攘九九之牧覲一羊嗜欲已開何由防

伯龍憂貧鬼笑傍人笑鬼笑誰低昂
落花洋洋飄春風茵席昭耀罔攘壅兩兩無心成定踪

何不轉移標風功天地大仁物易狗爽鳩之樂爲君有
蟠桃待實飢拊手并李蟠餘延命久

洞洞瀾瀾天地清子光孫水生無形至人壽之百不營
揆挺挺捫百家出滄波遞勺無終畢并飲何勞梓相擊
曼言窮年言無言虫鳴合喙脩脩天

雨暘在天無鈍置囊籥虛含動愈出連年歉溥農呼天

秋靈夏旱如相沿并昆一變成豐年錦瑟繁音雜風雨

誰能膠柱調宮羽靜言調之今猶古

鳳凰一見天下昌飲啄丹穴生遐荒耦耕荷簣土者常

蓬車歷聘易其方聖人憫世心違違六經垂訓恐人忘

點蒼山人詩鈔卷五

杜陵餓叟千秋下吟談稷契人云狂

杏花

春風爛爛滿林泉絳雪緋霞擁杏仙已拋杜曲探花願

却憶江南度雨天錦宴香籠雲髻影山程紅漾酒罍煙

而今耕播希輕土翹首芬芳思疊然

春柳

裊裊池亭綠幔絲斜風細雨落花時黃金散盡無歌舞

振觸春愁向柳枝

遊蕩山

長憶丹霞境精藍半嶺開塵踪俄卅載今日得重來木

有牛山慨花尋龍樹推舊有龍女花最爲名勝今摧折無存尙留開土跡
光相滿層臺寺肇於西僧成眉著靈異於趙波羅明初爲僧無極勅建賜名感通

寫韻樓謁楊升菴侍御畫像

翩翩超宗鳳推殘冒逆鱗可憐宗國義仇直不謀身契

纓占雲紫出魚人註新僧樓搔白首作麼了同塵

題擔當像

青山挂黃葉坏土是英雄七字饒奇語千秋有擔公擔

詩請山有影不過海挂在人間黃葉村又英雄只畫圖

是一坏土天地空留數點鴉詩僧中能奇語者畫圖

開古貌滄寂見宗風像清願奇古湛然慧業原無染亦

參文字中

再遊蕩山

月丹千萬朶一饜看花心客醉春雲暖鶯啼綠樹深木

芝供困蠶崖茗瀹清森自解隨緣適無勞違回禽

海印樓宿

層樓花杪出羃藹翠巒間密葉低澄海春嵐淡遠山巖

深孤磬窈井冽一池閒惜取今宵月腫龐碧洱灣

龍伏山

落花風磴轉塔影故依然感舊成遐古題詩憶往緣閱

人僧臘健彈指佛機傳翹首波羅窟長空響瀑泉懷趙

何得天請故友同遊波羅所園

岳信宿於此今三十年矣

藥師寺看薔薇

喬木纏宮錦遙看未覺非
靈山深雨露古樹老薔薇
舞一林雪霞披初日暉
無人修水貢惜此異香飛

落月

小樓炯炯月低垂
彷彿湖亭艤牒遲
金管玉簫殘醉裏
人生幾個少年時

風夜

穀雨不濡地塵昏
山翠銷風聲驅石走雲
帚拂星搖薄
俗移荒熟冥心耐寂寥
艱虞嫌袖手吾分屬漁樵

檳榔

點蒼山人詩鈔卷五

却曲何能不染埃
蚊蝨鐘釜藐悠哉
金盤滿貯檳榔
還起人情一念

朱子豆腐詩種豆
豆苗稀力竭心已腐
早知淮王術安坐
獲泉布憫農困也
旱後幾於無菽賦
豆

腐歌

神仙黃白變幻出
黃金豆腐同一術
點金雖秘點腐傳

淮王利濟潤無邊
去年夏旱豆苗稿
腐儒食腐腐不飽
晦翁詩寄慨深而
今腐到賣腐心

瘴煙行

形殘直夢紛如草
淒哀回天成白道
木綿花開瘴煙紅

離題祀人醜骨飽
往來倏忽九首騫
謂言不信楚些傳
觸鱗鬼域叢勾連
由來佛法一按指
羅刹伏地毘闍摩
炎火南荒一千里
焚香嗷嗷禱佛子

立夏日

綠陰漠漠水平池
為餞青陽一引卮
好雨怒生新竹筍
頻迦穠浸野花枝
倚樓盡日山嵐變
杜足於今世態宜
最好卧遊圖畫裏
巖嵌自看老鬚眉

田間

夜雨依旬洽山光
發曉新豆孚青入
饌麥漸努為仁剝
復娛觀化蕭閒得
遠塵浪浪高澗水
分蔓下畦畛

點蒼山人詩鈔卷五

點蒼山花詩

滇地無大寒暑花
木多異點蒼冬夏
積雪花又以寒毓
者極清奇穠麗之
致近日山民搜巖
剔穴悉入花市並
可移植焉但皆俚
語呼名不知珍異
茲擇其尤者為之
名繫以詩得八首

紫霞堆

蟠根移瘦嶺翠葉
苑枯槎冒雪披紅
藥凌炎簇冷花晶
瑩堆火齊雲霧養
丹砂落落寒暄外
相娛野士家

舊名馬鼻纓
爇俗以絲結
纓飾馬鼻間
今猶然花

團欒似之樹
高者丈餘
花攢十數
房為一朵
穴

尺深紅瑩澈葉藉之如堆阜然易今名狀其光曜也

碧瀼香

花茶供新饌花枝浸碧漪雅堪餐秀色端與詠凝脂翠葉分巖雪幽香滃密脾靈均高寄意蘭菊那充饑

舊名白花葉如桂而圓厚花純白心葉皆綠土人採漬蔬鬻之芼之如雞臙然秀色濃香實異卉也

因名之以此

淺絳雪

而歲含苞久花當杪葉中芳菲春自媚峭蒨雪初融紫

點蒼人詩鈔卷五

五

豔偏宜淺清妍欲洗紅妙香開佛界占斷好光風

俗名紅白花產深崖間花亦聚開而蕭疏離離葉淺綠花媽紅濃淡如玫瑰名以此庶盡其色之異耳

雪牡丹

買藥花柴好農夫話漫猜誰知深谷底花似牡丹開馥郁披雲鬢晶瑩湧雪堆詩成題勦葉惜此部園材

原名萃花花萃聚柔薄多瓣白色中有暈紅者茄色者花頭大逾盤葉長厚光潤可謂蓬雪中密林

無際為名牡丹始足肖其穠郁也樵人以爲薪材

亦昆吾之玉抵鵲乎惜哉

萃金鍾

莫倚枇杷似花名亦強從如盤鋪翠葉承露萃金鍾璀璨黃中徹團樂玉藉重挹房深注酒試飲色香濃

俗名山枇杷葉長大紫背花純黃房平潤可注酒因以名之

玉翹翹

靜婉餘姿態芳心露碧房皚如花是雪莞爾玉生香翠葉微雲綴交枝細影長塵寰如一現仙子下唐昌

俗名山龍花殊無味或以虬枝蜿蜒狀耶花如玉

點蒼人詩鈔卷五

五

簪舒放者瑩白綠心參差桂葉間香極清遠為狀其風致以名之

金鳳翎

巖徑半消雪虬枝生倔強翹翹纖葉大螫螫蠟珠黃金鳳覽翔集翠翎垂短長紅緋滿花市光耀竦羣芳

舊名蜜蠟花花韌厚圓鏡纍纍如聚珠大葉纖長瑩淨可愛易茲名兼狀其葉也

波羅花

貝葉原多種多羅花更奇折拊蓮六出含慧筆尖垂皎潔光輪寶琮琮落玉匙效靈供佛子雲鬢擁迷離

原名波羅或曰優曇則內典已言其開難值矣花
六出大逾尺心圓銳如筆葉如貝多一種花開香
聞數里按波利質多羅花一日熏衣蘆荀諸花香
皆不能及正與此相符波羅與多羅無異耳
諸花詩後一首

放土閒無事雲山狎點蒼濡毫弄花草不是學齊梁眇
莽稽含狀淒迷楚客芳融融花世界聊與托徜徉

新路尖 在麗江府西北鹿滄界

西睇蘭滄嶺東望老君岑巉巖萬岡巒徑此危峯尖俯
視但煙靄積雨霾蒼林遙天嵌晴雪條分表江潯西南

點蒼山人詩鈔

卷五

五

實坤位博厚包重陰灼知洪荒始一氣結浮沉地水互
流峙滔下成高深莽然重障山世趣難可探夷猓踞洞
穴嶮瘠各自諳勞塵鬱山河狂花顛倒尋佛有平等法
分別由妄心不平平等住斯義大宏含虛空本無礙了
此去來嫌

新山寓樓

山椒並兩巒金鼇聳其角宗子好結構岑樓起中曲寓
我霞霄間萬厦見林麓有時雲濛濛蒼起南崖松油油
布東壑銀海遊羣龍樓頭過疏雨雪影明西窗隣隣陀
羅嶺磊砢千萬峯怒標所窟宅由乾夜又宮及恒窅深

聖顏琳阨奔江寮刺氣沸鬱盤旋崦嵫空若非茲遠遊
誰見此崦嵫我來秋正半月輪近如咫尺月夕與霜晨看
山不解已舊好遇涂欽吟詩馥蘭芷魏叔名相孫寧越
東南美過從風雨中劇談星漢裏若非遠遊茲何知數
君子人生足慷慨踪跡難可知鴻雁逐稻梁渡影流清
池雁無駐影跡池無流影思風日劇清美惜此徘徊時

富隆銀場

江流下鑠地連山高稽天莽莽大林藪不聞鳥雀喧自
非寶藏因何由通人煙板屋架崖壑危峯開市廛驟網
遠如蟻擾擾凌嶼岬萬竈雜千冶列火蒼雲端夜氣湧

點蒼山人詩鈔

卷五

五

聯鰲金鱗何燦然潮蜂奔曉衙得窰聲呼謹茲山早霜
雪旅人忘苦寒糧蔬千里致百錢始一餐以彼膏梁費
攻此山石堅妄覲足可笑為富無乃艱世界大廣莫山
民資食山一旦巨鑛出意氣雄腰纏人情重阿堵何乃
跼田園我聞佛遊戲擁童恒十千聚沙而聚人多此流
轉緣安得自在童一問團沙問

松杉箐

茫茫山世界漫漫樹林海人谷陰蒙龍陟岫青旂旒亭
亭寒松標勁直幾千尺迴枝盤蒼穹積根狀磷礪搖蕩
懸泉落孤峭斷崖倚春秋邁古椿蕃滋密叢華鬢鬢四

無竟漸遠望若蒼天風散松花濤聲殷地底萬象互變
幻出沒雲波靡有時腹火燔龍顛虎豹死臃腫荒徑塞
輪困芝菌紫僻遠罕人煙無復匠石指妙用得南華材
不材等耳徬徨廣莫間庶免無用悔

石鍾山

往還石鍾嶺行人云畏途礪硯大河水沿緣上欽嶮臨
風眩欲墮出石棧稜隅稍慰前椒及復驚岡岑紆盤磴
促轉折寒冰結沮洳巉巖巨巖闢云誰鑿其初仰視層
峯頂金鏞懸太虛蟠螭蹙交鈕輪郭周形模丹黃雲雷
紋斑駁蟲鳥書物理有相肖寧復造作殊禳祥出聲響
點蒼山人詩鈔卷五 无

老君山

崑崙袤南下金滄夾西東隆然起中阜區劃勿相蒙盤
礴四萬里茲實南條宗日昨羊山道冰雪表覓峯稜稜
竦天柱疊嶂紛籠從邈迤三日程西水鳴淙淙九十九
龍潭匯彼神靈蹤東下下陽岑朗列青芙蓉晴雲澹容
與積氣含冲融須彌蟠地海根苑無近功嘗聞春雁歸
卯育依龍葱南北萬餘里於此朔漠同人生踟方隅遊

覽何能窮夕春照長坡茅店環深松汲澗煮山毛卽事
非忽忽

玉龍山

東下汲州嶺明光炫煙靄雪山直北來挂影青天外前
峯如卓珪信桓翼其背陂陀遞迴峯三英復西萃聯嶺
側東出漸遠勢如墜屹嶒百千重集銳叢旆旆晶瑩四
無薄玲瓏錯蒼翠隱隱金沙峽盤折鬱深邃雪水湧長
江布潤孰斯大固宜天地構有此巨瓌麗河伯駭望洋
夏蟲語冰怪彷徨汗漫期奇絕茲遊最

西域雪山

點蒼山人詩鈔卷五

羊

玉龍西曳尾連山不復見蒼茫積氣中縹緲吳門練注
視漸分明層疊遞隱現巨阜側西南嶸嶸狀星弁無乃
阿耨達四水出噴旋與夫詳告余全藏夙所遍茲實梅
里西巨嶺出東面會歷虎跳江又歷擲弓岸不聞牛象
口河沙金銀判行行盡白山一一插霄漢佛跡渺茫間
圖經難可按有邱皆無熱崑崙竟誰辨余生好遠遊山
水恣奇觀有涯隨無涯於道實云患聊以自適適放眼
青天半

四十里箐

密樹寒猶綠連山東不開溪行四十里水足百千迴

路遠遊僻歸心雨雪催荒村曾宿處尙隔幾雲隈

高遲井

險遠絕輪運井鹽生澗隈只供蠻洞食未許利源開板
屋晴堆雪山齋澁釀醅塵塵推世界業力巧安排

同春河

河水迎歸客行行溯碧波斷崖爭路出紆谷迸雲過格
是東西逝何煩曲折多淒淒三日響應得鬢毛皓

得勝溝

稗溝干蔓水密筍鬱嵒嵒得勝今各地同春舊博師誰
防蜂有惹翻致獼逾期夾道喬松檉猶殘火礮枝

點蒼山人詩鈔卷五

三

通甸

坦步青霜販逾程尙未礮亂山聊此豁邊雪有長寒穉
稗充常稼松菇得美餐浪遊殊自詫西逝水漫漫

白石江

嶺氣涵蘭野山名記雪邦懸巖交翠壑疊石轉銀瀧亭
迴遊人獨天清白鳥雙詩成延佇裏一笑問淙淙

水芙蓉

數家依澗曲宿客有層樓日粲翻匙滑蒼苔繡玉柔寒
喧分有界山水漸瀨州回首林稍路雲煙萬嶺浮

松溪橋

山程迢遞慰冬晴蔌蔌峯巒朗太清細篠疏冰葉翠
平林映日沁花明羊裘敝後能回暖籃筍疲時好耐醜
博塞讀書臧獲異等閒得失已忘情

旬尾

海虹橋下碧潺湲泥濘冬收異舊灣十日羈留秋雨惡
一樓吟眺客踪閒青山對酒寒暄裏浪跡如雲卷放閒

珍重居停濃款意東湖蝦鯉出斑斕

應山道中感揚瀚池同年楊召棠諸友

三浪川原路舊諳怡人風景簇雲嵐玲瓏卷石環深洞
漱澗溫泉翡翠薄乳酪瓊酥如塞上山村紅樹苑江南

點蒼山人詩鈔卷五

三

故人家在湖西渚猶記當年兩繫驂

迂道瀛橋訪高仲涵不遇留題齋壁

河頭小艇搖霜滿險嶺千重雲影徂落木依微鄧賧詔
翔鷗宛轉東西湖到門何必見安道呼酒依然款濯夫

留語故人及早出五年匏繫嗟余枯

沙坪

龍首荒城落照懸關前歸客思悠然等知驂駟窮方外
不盡蟬蛸逆磨旋南嶺渺茫縹緲靄澄波映發拖藍天

巡簷却愛江村好紅樹蕭蕭擁賣鱸

理行筒稿

晴日梅花照碧疏詩囊重揀自踟躕披然玳瑁莊生賦
率意行踪阮藉車雪噓江聲猶聽瑩雲飄霧撒趁紆餘
駸駸歲月閒消遣不是窮愁抵著書

又二首

掃地焚香息妄緣還宜我我細周旋落梅墮影有餘態
好鳥感春啼自然鴻烈說山山是道張鸞鑿空空無邊
難除綺語根塵習那欲驚人巧鑄

鎮日無何染麝煤端知做帚擲汗萊故人好在春江渚
佳句清怡畫閣梅杳杳音書雙鯉斷寥寥山水獨絃哀
人生最是閒居適可奈繁霜滿鬢來

點蒼山人詩鈔

卷五

三

太和沙 琛獻如

段鳴齋知將出遊至飛來寺送別未值却寄

甲成

泛駕茫茫只漫遊重勞相憶遲山樓離情却寄橋邊柳

宛轉河栢到洱洲

山路木香盛開

夾路瓊瑤簇露華濃香引惹向天涯芳因欲共香嚴證

屋裏沈熏底似花

白巖感舊

人事如雲促變遷彩雲橋畔畫樓前故人攜手惜遠別

點蒼山人詩鈔卷六

生死悠悠三十年

倚江鋪納忠憲王墓下

茫茫人代疾難憑邊徼勦勞蠹簡徵夾路青松蔭行客

無人知是憲王陵

青華鋪寄袁蘇亭廣文

擬向髯仙醉一餐山城咫尺先生盤腳夫趨程不聽客

盡是人間行路難

姚楚道中九首

白石清泉碧樹圍溪行欵欵度斜暉落花掠亂魚鱗影

翠羽一雙來去飛

勉學戎朱自僕身舍人爭席道方真相逢不在寒暄裏

最好人間陌路人

陣陣飛花罨草青暗香霏拂上溪亭深山春意不珍惜

的皜亂榛開素馨

隱几山樓萬綠春荆葵薄釀亦清新山家給客無鮮菜

采采紅芽古大椿

年少難忘舊此行刺桐花裏踏歌聲淋漓一石留髡酒

紅袖迴遭唱月明

綠柳紅橋漱玉汀神仙離合絲雲停五樓等是鴻泥爪

遠水平山未了青

點蒼山人詩鈔卷六

回磴關前破賊回平章從此被嫌猜妒心一點妨賢急

昆海茫茫有劫灰

雲曲道中十首

有意無意雲合離雲頽樹偃泉奔垂奇觀最愛師林石

恨不雲林見此奇

一死酬歡釋兩危青樓俠骨豔當時而今姓字無人識

欲訪桃根那更知

湖上雲開翠鳥浮泥塗車馬自啾啾詩情誰似蘭徵士

盡日凭欄對水鷗

嶺路紫紆闕古祠枯杉鐵立苑新枝披雲漬雨閱人代

漫滅武侯盟壘碑 關嶺古杉

野漲迷津渡沿緣月掛村即今迂路改猶自影塵根

益新橋塘

野曠人烟少天低霖雨冥老樹緒都古連山燕麥青

真

石墨深藏土窟山民逐利星星奇哉創用誰始得火瓷

花泛青

松韶關上石崔巍來遠鋪前行客稀一路松韶聽不徹

離離風氣濕征衣

蘇石斑筠夾路叢杜鵑啼血淺深紅山行始盡花情態

點蒼山人詩鈔 卷六

三

豔荷濛濛煙雨中 杜鵑花

鎧光雲氣墨波潏颯颯山窗響亂筠茅店不愁眠聽雨

而今行路是閒人

可渡河和吳梅村先生原韻

翠屏巖上款禪關倚檻驚眸兩岸山金馬千秋傳梵道

銅山一線轉烏蠻蓬蓬滂雨雲搏上撲撲深林鳥猝還

舊是相如馳檄路繫痕重疊鮮花斑

歸路又和

彩雲西湧碧雞關歸路昭曉可渡山隨意逍遙忘野鷄

澄懷得失等蝸蠻金丹自古仙靈秘歲月何由逝水還

繞壁自尋前日句墨花經雨翠斑斑

盤江

可渡橋邊問水盤江從此洋洋力能排山到海可惜閒

曠蠻方 可渡河

翠屏崖僧寺題

絕壁梯雲上碧空思量此事亦神通若教名利心除盡

便是三關透徹功

馮登瀛鎮府雨中小飲

總戎坐幄日舒長蒿日窮黎歲浹荒翦燭雨臆談海嶠

艱難猶不屬山鄉

點蒼山人詩鈔 卷六

四

烏撒喜晴和楊升菴先生難逢烏撒晴原韻

容易黃河清竟逢烏撒晴昔人悲遠謫今我適閒行雲

帚倒回岫龍漚青到城遐荒詩自道等是可憐情

威寧八首

幽谷雲蘿碎翦霞清新適我興無涯籃輿好注軍持水

滿浸園林未見花

島石嶙峋草蕩長雲腥雨膩暗蠻鄉權奇不少龍坑馬

一例銅山老運綱 烏蒙海

石磧如沙磧蒼農雜稗農金寒蕃健馬海濶恣淫龍

山半雲橫樹杪平上山微雨下山晴沿溪石磴嵯峨起

又曰白雲行處行 新唐

聲聲空谷聽寥寥 路轉林開野霧消 啼鳥遠呼沽酒酒
花邊不見挂帘飄

當頭路轉俄逢坦 擁鼻詩成喜不禁 習苦夢虫甘嚼葉
弄晴山鳥自憐音

出雲降雨响爾萬 六千峰竊然不辨珍 逢牛相直堪拜
殺米顛

茸茸萬畝擴田園 絕壁玲瓏瀉碧潺 第少苛求來狹口
更從何處覓桃源 隔避河

水城至安順道中十一首

臨香中詩鈔 卷末

五

突姑東下水奔流 橫嶺千重悍不收 到眼茫茫山似海
驚潮過後亂漚浮

競將金碧畫崔巍 老米灰堆妙染煤 何似水西西浦上
拂人濃翠一堆堆

峰如聚米連高困 巖似揚帆峭碧氛 瓦尤盤輿消永夏
茫茫身世屬迷雲

蘇石玲瓏細竹斑 青崖繞屋翠屏顏 村翁不解開胞牖
却疥銀牆畫墨山

元兵囊渡定滇疆 下水高傾勢已張 鬼國有人憂宋社
惹他朝士笑荒唐

空堂塊獨思無何 撰轡高翔重障多 遮莫壯心人似鐵
青山如礪與銷磨

急雨中宵迅轉雷 烟嵐洗淨曉山開 懸崖百道銀龍下
併起長河殷地來 大崖脚

踰壑穿巖盡職方 奇標異構只尋常 濫觴音宋譚山水
到此因知失望洋

暑相見聞同是漏 集緣世界習成歧 塵還牆壁還無壅
好看黔山變幻奇

男把芟鋤婦墮禾 山花簇簇簇香螺 那知人世姬姜美
笑語依依嫵媚多

黔寧山人詩鈔 卷六

六

賊易河淺見夕懸 垂空篠蕩石續紛 東巖淒喚西崖應
聽徹清猿和白雪

貴陽五首

曉氣澄澄日上國 千山東輕楚天寬 蘭沅源上想香草
煙水雲山更淼漫 黔寧山曉望

城郭深嚴嶺草通 苗蠻四面領華風 須彌一葉青蓮上
世界含苞萬葉中 越南橋

倚檻千峰出女埤 虹橋雲樹舞淪漪 憑誰墮却巖端屐
放眼穿天雲洞奇 雪崖洞

孤雲靈鷲欲何地 垂老方知學道遲 遙蕩恣睢途轉徙

乘成天地大爐錘

古有遠求勾漏今無人乞貴州瑩瑩丹砂滿市渺渺葛

令風流

貴山陽明書院感懷

山川有險易及境乃得窺人心有險易未境已潛滋平
地陷阱納斗室車馬馳誰使復誰覺所妙自知之憧憧
百年內恍惚不自持有時發惶寤聞見逐外移湔湔塵
埃鏡失此照用姿奇哉陽明子一唱致良知

四時運用行不待何以行百昌日夜生不謀何以生人
心唯虛靈格致此虛靈靜無禪縛苦動無外蔽繁學問

點蒼山八詩鈔卷六

七

既核實功業非剽營知行理無二厥義實泓澄紛紛排
擊者無乃失心平斯人已千古不聞來者聲宵宵貴陽

山浩浩雲烟橫

題松門池館四首

巖城萬廈感鱗釜勝地清深敞洞天簾幕重重隨意捲
好山都到畫樓前

平開璧徑遠林巔碧水長橋鏡影懸鷺地荷香廊檻轉
田田風葉翠無邊

竹郎山水擅幽奇錦石銀泉嶮谷倚盡日雲風晴又雨
層層蒼翠上玻璃

橫欄參差畫不如木蘭艇子見花初山鄉確犂難消暑

慰我荷纓舊日裾

九座駟見林念杭司馬題壁

雪泥指爪認飛鴻舊館人猶惜寓公百丈帆檣航大海

也憑人力也憑風

播州寓六首

才人遠摘古來愁急難交情見柳州自笑平生輕萬里

六年兩度播州游

夜郎盤曲五溪遙雨後峰巒暮露消明月一池清似水

無端惆悵憶龍標

點蒼山八詩鈔卷六

八

長橋百坎連錦石漱平川小立披雲海瀾瀾五十絃東

門橋

樸林被山坂處處鳴絲機焦守舊遺化核中出妙衣華

經語題焦太守祠守山東人教

民以樸林放蠶織繭郡以富庶

連連播州山峭倚來青閣涼風生老槐雲影高不落在

東苑

搖曳湘溪雲漸折桃山洞白雨過城頭篠簷懸崖弄青

關望桃

山來雨

飲任恒齋協府池館

方花鏤古楚戎府何沈沈老桂泚洗滌炎天涼陰森森

鳥鳴應前
故巢穴

谷應清談響花深密坐移山園風味別蓮子摘芳池

游桃洞山太白樓贈陳復廬少府

巖亭林樹簇雲岑仙尉風流寓遠心世界也須人料理
最難山水得知音

陳復廬索題太白樓詩

巫山江上脫青蓮生幸汾陽為洗愆當日蒲恩曾不預
而今爭借夜郎天

雨後福靜園太守招遊竹林諸寺飲謫仙樓上

白雲拂拂透絳袍照眼奇峰湧近泉洞入曲珠穿蟻微

點蒼山詩卷六

九

巖擗斷石瀉龍高靈山欲倚謫仙重異境何當康樂遺

亭樹重重隨處好深篁雨滴響琅璈

太守心怡雨滿川相攜石磴上層巔青森鬱野千林樛

台沓人聲萬井煙遠岷嶇嵯雲海盪危樓縹緲翠珠懸

朝餽莫遺行傷急水色山光正溢然

黔西道中三首

播山點點透雲天南望牂牁嶺折旋陸海萬波人二芥

不知何事此留連

當橋賣酒龍鍾叟倚石楮椽三五家飛瀑隔林翻白雪

丹巖射日爛紅霞

草駭溪西低夕巖崎登頓痛夫邊摺疊層巖架簡藹

吟嘍飢腹嬉書癡書華說溪集
里戲題

大定道中十二首

到來洞口見人煙洞裏川原好稻田眩眼游人穿洞出

又懸一洞達青天路穿厓塘舊路穿洞出入塘東
無厓不洞無洞不穿奇極

聽徹清溪九曲迴萬山西豁攬風臺印雲笮雨交參錯

天地悠悠鑿空才大定東坡望
甸諸大山

壑巖種包穀蓬勃青巒巔樂歲炊珠米生涯仰石田

警眾看菘豆鑼聲夜暹聞寧知淮汝上拾麥廣成羣

織錦節苗衣習尚頗華靡流移日漸增苗衣亦藍縷

點蒼山人詩鈔卷六

十

苗財盤可盡苗土壘無遺前人趁利至適得後人飢

眯眼塵寰局局行空山雨過晚涼生長溪雲氣平如砥

千仞岡頭看月明望夜新
屯嶺

盤磴鱗鱗盪水聲平心坎險不平平身塵世界塵塵等

昆舍如來證記明六歸河

細草繁花倩石苔荒塗宛轉淨無埃翩翩異蝶嬉晴景

飛向籃輿去又來

古戍明師壘荒祠漢瀉山飯高三竹水天近七星關七

星關

蟠蟠橫路逼青天名利艱辛客不停恰似海人甘食鹽

重重堅殼一椀腥 銀厥清

月出東崖底斜輝生澗陰蒙龍上石角知我延佇心

目界河抵楊林十首

買酒滿酬興力回看蒼苔登雲班勢渠重繭百合出我二

鐵圍山

理鍛終朝忘暑撫琴得趣非聲道人看經遮眼閒客遊

山當情

喜見青松滿道黔中久未相逢一錢飽餐玉粒五鬣響

助金風

溪聲喧白雨雲氣島青峰暮地斜陽出長虹落澗松

點蒼山詩鈔卷六

十一

大龍嶺上摩雲稍曼歐送密劃澗初落日羊茸平等殿

倒垂荷葉萬千苞

日極西南萬里天貌身今古思悠然青松遞遠晴雲白

無限平山曼眇綿

烏龍箬底雲蒼茫白塔鋪前風雨狂傍道老松不蔽客

龍鐘石丈啞郎當

大壑松濤萬派潺雲煙漠漠暗隆川細雨與鐘關索積

少年長路景依然

燦爛虹霓起半空海潮寺外夕陽紅莫愁晴雨無憑淮

秋在湖烟樹靄中

山程到此總逡巡泉性由來也具應毒水碑前問討究
知何附入誤妨人 毒水和西林中堂原韻泉今可飲知前有附入者非水毒也

海潮寺和鄂文端公題壁韻

走馬當年似轉丸今來已覺路盤跚半生遊宦一嘗指

險走驚心百尺竿湖上亭臺被曉鏡雨餘雲氣島層巒

留題最愛西林句塵土身名等自看

又和

紅日奔跳疾彈丸朝朝相逐奈蹒跚不妨阮籍窮車趣

難舍任公嘗釣竿渺渺扁舟歸別島離離尺篋記仙巒

蕭間等負名山約袖手看人愧自看

點蒼山詩鈔卷六

十二

板橋龍潭

巖洞晶瑩勺水遊鱗紛速行空憶曾投石深宵頃刻雷

雨冥濛

即亭有感位同年戴松雲

毵毵歸塗共酒瓢藥結心事耿難銷淒迷廿五年前約

秋雨秋風舊板橋

題店壁

樂府高情與探薇隨流宛轉莫心違忘憂信有馳驅樂

渺渺天涯安所歸

碧雞祠村塾訪張懋齋不值

擬得長談款絳紗故人歸棹渺昆涯蒼苔小院香雲滿
山雨霏霏濕桂花

迤西道中十四首

蒙茸綠嶂感人家樹底長橋石墅斜三十六灣蘭谷響
猩紅開遍刺桐花

雨後秋光闌鏡奩曉峰重疊黛痕添閒雲也戀人寰好
山下淳澹懶上尖

樹影橋邊合雲情雨後閒小樓無限好人倚夕陽山
炎蒸鬱林莽兀坐待遲月炯炯入蓬窗寂爾蚊雷歇

露重秋光白山深曉意寬沿綠修竹下幽鳥噪晴歡

點蒼山人詩鈔卷六

三

西風渲染雁來紅籬豆繁花蔓紫茸繞屋秋荷霏絳雪
天然景色覽山翁

雞聲人語馬蕭蕭獨客閒遊未寂寥野霧漸分層岫出
光光落月滿沙橋

山橋雨過裊寒煙積積幽光照水邊空谷佳人修竹倚
淡妝婀娜出天然 木芙蓉

千峯萬壑朗晴川積翠澄澄海日鮮雪影依微三百里
點蒼高出彩雲天 昔湖道中 望點蒼

葉鏡湖邊熟萬鷗家家開柵放耕牛炊煙翠抹平山轉
窈窕青林一壑秋

詩情飲興較增無青海雲平紫稻鋪為報先生多置酒

齋田今歲十分租 青海道中擬示 袁蘇亭一笑

波羅江水百谷連定西嶺上初涓涓一路清音到西洱

歸雲迢遞琅玕仙

花柳送客春濛濛龍尾關河路正東一度人歸一度老

却憐秋柳晚秋風

幔亭喧鼓樂擁路看婆娑自有還家樂點蒼明月多 是日

中秋江津 洞賽會

鄧川楊貞女詩

五星在天上不專何宮垣正氣在人間不限何山川鄧

點蒼山人詩鈔卷六

四

賤昔蠻邦美色生禍端鐵釧識爐骨糜身甘重淵夫婦

而宗社抗志惛雄姦時節弔星回千古留悽酸婉婉楊

氏女禮聘寒素門中道罹天折慷慨死投環舍生良不

易寧復矯激然於心一諾竟身也從可捐豈以未成婦

躡踏使心遷直木不曲生白華非自渝荒涼德源城節

義相後先彌直何悠悠清風回漪瀾人事萬不齊昭此

冥冥天

思節陳貞女詩

思節隸職方曾未及百年草昧而詩書渺茫嶮遠間陳

氏有貞女赴義何軒軒女德在三從中正協經權身從

與心從推析難究言大智循其本人事實補天忠信結
精誠形性無拘容何必同衾稠恩愛始纏綿所慟夫死
貧旅椶羈瘴山寄身叔翁家夫兄窶且孱貞女幼讀書
自信金石堅誓往負骨歸阻茲物議煩輾轉慰立嗣忽
忽逾三年貌身無姑嫜遺羅慈母憐一死事則已相見
卽黃泉慷慨而從容委宛百折全明明曠日心歷久道
彌宣儒有良知學佛有頓悟禪從來貞女義常變皆自
然恢恢道之奇揚推無竟殫

城西園野梅花歌

半冬晴暖梅花遲荒城出遊無所之斜暉滿山黛色重

點蒼山人詩鈔

卷六

五

流泉夾路翠草滋城西籬落得花早開遍野梅如棘枝
蒙籠竹篠壓冰雪礫硤鍊幹蟠蛟螭素萼迸珠照點點
輕花散淞含颺颺荒林寂寞不見賞幽香漠漠烟雲披
東閣官梅助宦興孤山妻梅紫誼思梅花風格豔人口
畢竟真梅人罕知官妝細綺近妖麗九英檀暈繁蕙蕤
畫家畫梅得三昧施朱著粉無相宜野梅淡淡入圖書
疏枝瘦影神清奇人生嗜好各殊面唐突刻畫誰鹽施
已脫俗豔免禁折却異散木來譏訾古香古色自榮落
時有幽人同襟期巡巡索花共大笑誰其德者梅支離

城東園老紅梅

荒榛斷莽凋繁霜春光蕩蕩揚孤芳落霞一片暈紅紫
雪膚仙人酣羽觴杖屨蟠鬱大合抱朱顏却詫梅花老
淒迷野霧飄豔香續紛彩棘凌清昊太息何人舊此家
園亭頽盡一株斜變換百年長姣好不是天桃兒女花

哭李春麓師

一別不復見百年徒有生孤恩心自楚蹢地世無情奎
野星躔隔魚山夢影橫傳聞終恍惚萬里訊難明
京師居不易憐我困多場黽勉曷無有提撕日就將行
燕林陰遠盤錯繫心長寧識鹽車下摧頽負樂良

采藥踰淮水江干訪故人星光移未照縣令最風塵道

點蒼山人詩鈔

卷六

六

境清癯異詩評激賞真只今如昨日蹇蹇十番春
海內傳封事杭嘉在頌聲自從歸養母百不欠生平傳
火薪樵續乘雲海岱清所悲人在遠絮酒幾時傾

春陰乙亥

小樓濃暝色細雨杏花明迢遞寒烟渚濛濛草又生

辛夷

木筆濡春雨江淹夢裏花春風不拘檢潑墨沈飛霞

聞傅嘯山放歸

男兒志意耿難磨得失心輕宦海波介子已聞歸絕塞
譖人捫臆復如何

難把恩怨計苑枯斯人直道忍淪胥乘風亂鼓翻雲手
捉得狂花住也無

述古

莊子貸監河潤仰升斗需惠施從百乘煌煌過孟攄握
手一歡笑趨合良殊途去去筭中鱗何用此多魚

暮春連雨

點蒼消雪翠斑璘草樹濃煙入檻新爛漫晚花深對酒
蕭森今雨耿懷人殘春可愛情難禁漸老於閒味始親
幾日脚泥雙燕子飛飛畫棟哺雛頻

點蒼山人詩鈔

卷六

七

盡日依違雲滿樓紫粉離離迸籜笋高花冉冉下林樾
小窗遠水青於染寂寞寒煙野渡舟

西溪雨脚渡斜暉離合烟雲鷺嶺飛香草續紛連渚暗
落花迢遞餞春歸蕭蕭却憶巫山曲漠漠還飄玉女衣
可奈良時成白首千山萬水滯驂騑

新荷

淪水石池滿卷卷折新荷晴暉蕩珠露宛轉濡庭莎有
美懷佳人浩言澤之陂含苞鬱朱夏遲此紅婀娜悠悠
汨河水日夕空澄波

羽扇

山氣鬱雲水晴雨時飛颺閬風萬里界磅礴森點蒼黛
色溼天宇巖瀑垂淋漓稻事竟盛夏袷衣饒清涼我有
白羽扇皎潔如秋霜時復自珍愛無用爲捧揚棄置諒
有宜眷言匣筭藏

夢左杏莊刺史

垆野故人遇驚心噩夢殘想因推獸守機氣隱鯢桓老
境端居好名途撒手難迢迢無問訊何自釋疑團

偶成

沈烟雙縷碧氤氳盡日簾櫳疊水紋解帶雨聲脩竹動
倚樓山翠半江分窺臣未分甘鄰子聒世端知笑尹文

點蒼山人詩鈔

卷六

六

一念油油時起倒呼觴急爲掃迷雲

馬漢才招遊沙村北渚

新晴揭山翠映發洱波明蒙蒙萬柳烟渚澹劃縱橫藉
草幃密葉玲瓏沙水聲故人妙清興鱗荇芼薺鯉夕陽
鶴洲尾島嶼豁崢嶸東北巨山藪雞足首傳燈斜光見
頂相閃爍古金庭豁壑滂雲起雨氣百千層長虹掛餘
景變幻瞥仙瀛流觀渺何極怡此閑居情

夏日卽事

長瓶滿浸乳膏融山市山花下雪中珍重碧樹新豔異
雲霞標格照燈紅

翠蔓金沙引徑斜泉聲澗澗繞人家仙人掌上金菡萏
亂石巖巖骨董花

雲山烟渚雨模糊青草牛羊有塞酥忽憶江南鮓正美

自刪新笋筆蹤翻

琉璃萬頃漲晴濶十九屏開碧玉巒何處更容炎暑著

寥寥長日洞天寬

上關花事愁供役翠葉紅柎化遠埃乍喜台峯深寂闌

雲端一樹木蓮開 五台峯

七二崇祠景地分遺他張盛古斯文茫茫往跡俱塵土

光怪寥天化彩雲 木馬邑懷張叔感覽

點蒼山人詩鈔 卷六

九

迷離蝶樹千蝴蝶唧尾如縷拂翠活不到蝶泉誰肯信

幢幡鬢蓋蝶莊嚴 上關蝴蝶泉

柳港重重浸漲潮菰雲萍雪引鳴橈老夫別有觀魚樂

踔厲金鱗透網跳 沙村柳港

行街棘唱滾三絃酩酊龍野廟煙楊柳橋邊人賣雪

紫城六月好涼天

星回萬火弔仙鬟七月划舟競洱灣綵藥村村挨次舉

天教節義點湖山 弔台會

紫稻花香應木犀春秧秋實入冬齊民天滋味徐徐美

不遺三農病夏畦

雨中秋海棠各種盛開

沉酣竹醉與扶頭今雨蕭森翠影酬倚檻小山苔峭蕩
嬌紅滴滴海棠秋

獨漉篇

獨獨漉漉泥行卻曲欲出門無車欲渡津無梁拔劍捐
雲雲不開但聞霖雨塞空聲浪浪烹肥擊鮮沉飲流連
濡首皤皤回憶壯年善哉相逢來日大難男兒快獨平
生生不成名沒何賢汝獨何人學神仙遨遊青天中其
樂不可言 用太白句

秋霖雨

點蒼山人詩鈔 卷六

三

三伏度淫雨庶及秋節晴秋雨復綿綿曉夜淒寒生草
木雜莽莽瘞茲杭稻榮端居困泥潦驚心時序更頃聞
鄧睽災決河潰縱橫豐歲蹇瘠土况乃蕩析嬰山疆事
格闕苦樂各自情疊疊彌直雲瀾漫洱河并

斜月

霧撒雲飄擾擾泉奔竹偃濯濯清風脫然至止明月直
入何猜

喜晴出遊

曲折秋泉響陂陀古石凭晴霞分海色雨氣畫山層隨
意行吟遠看雲舒卷能不須勞白眼一碧是秋澄

桂花

卻也聞香未曾無爾隱乎月宮田地潤遺落許多株人
為淹留久枝隨龍從紆攀援聊自樂花露滿身濡

王友倫寄龍女花

盈盈玉鉢花云是龍女施夜半異香起炯炯白雲氣

牽牛花

點點疏花曉露深竹籬秋意最蕭森蔚藍剪取青天色
爽豁人間平旦心

楊澤珊以洱海會日招同李鄴園諸人讌集遍遊

諸湖

點蒼山人詩鈔卷六

辟舉家瓊嬉見客隱之借月暢開樽揭天蒼翠峯垂海

趁集魚鱗船到門

玉宇溶溶渙月華烟低山遠四無涯水禽咭咭驚雙漿

一片翻飛蹴浪花

閩邱亭子鏡塵指萬柳垂垂接斷崖那不醉拌今夜月

古人寂寞空詩牌

划舟絃管集秋晴踵事相忘為放生過影動泡泡動影

夕陽東下證分明

曩惹遠樹綠層層島窟玲瓏日氣蒸無數鳴榔都過海

曬晴嘖嘖上魚鷹

北湖柳巷翠縈紆芋彫瓜籬隱釣鱸不為蹲鴟如卓氏

水思老圃效樊須

羣峭飛藍挂遠林這峯雲起那峯沉浮萍搖蕩雲嵐影

離合峯巒向水心

問客南村已到家淄塵狼藉染京華茫茫人事升沉裏

若個安心理釣槎

自笑沙陽狂覆斗却看李璿醉拔鞍歸鴉點點向山郭

老柳參參低月闌

溪雲

朝光揭陵岑溪谷渡雲蜿即離小樓平點蒼忽近遠

點蒼山人詩鈔卷六

真院訪德昌上人

真理率自悟衲子例謾人隔林竅木犀何似卽花聞煦

煦破襖師虛冲無畦吟癯骨耄彌矍定亂邈不分洪鐘

寂聲響一叩徹高曼疑義發吾覆了了析微塵韜居側

名藍曲徑羅松筠澄秋愜所慕引領道斯存倚徙坐泉

石悠然到夕曛此生閒有餘庶以羈迷因

南泉精舍晚坐

人定梵鐘鳴聽徹百八杵餘響拂松雲濤聲雜風雨寂

坐耿虛明繁星爛秋宇航閒懶就眠棲禽際夢語

朝步三門至淨土山

朝日蕩霞彩塔光流玉虹垂影百尺樓金碧輝玲瓏林
翠擁高廉臺殿開層穹踏踏長廊轉却曲莓苔濃晴暉
狎山鳥飛鳴輝宇空秋草苑萋萋零露下長松異境發
清曠靜理含虛冲却憶塵寰裏瓊瑤將何窮繫余息機
久林泉痼心胸童稚爾何得栩栩亦欲悰

過李蓮園書樓

石徑入深翠寒泉鳴幽幽返照掛黃葉寂歷山氣秋一
宿復信信愛此林下遊李謚擁百城遺迹中南樓良談
落松影世事良悠悠塵鞅幸我釋禪縛亦焉求陶然遂
忘夕白雲無去留

點蒼山人詩鈔卷六

三

輓袁蘇亭廣文

老髯從此寂音塵尺牘詢詩墨尚新千里睨然伏櫪驥
全湏失却有心人論交氣誼京華日訪舊流連洱水濱
擔古發潛千卷梓降官閒冷是良因

輓李文庭先生

文庭先生古俞和千金慷慨揮逝波大耋惇惇奈貧何
洱東要迎起人死杖履飄飄一百里彼人之生翁已矣
翁生疾惡苦罵人罵人療人兩有神奇窮奇技證所因
盈盈兩槩西斜飛猶似翁遊盡興歸

鳳山城訪袁葦塘

燕雲江樹兩懸情一笑鄉關白髮生仙藥有靈徵老健
風塵無分到公卿躊躇善訣藏刀刃慷慨詩懷託史評
滿地迷陽餘痛定青山杯影較分明

董韶九楊舒彩招遊鳳山寺

談道紉三耳詫茲三耳山象形翥兩翼威鳳何軒然瞻
望數往來無由躡其巔良友愜清談行行忘步屨古寺
翳紅葉晴霞爛渥丹矯矯千喬松騰拏諸龍天遙峯遞
離合紫翠交濃烟却顧所來徑石磴高雲端隆冬百昌
斂掌菓披迴川勝境饜長日山芳羅仙筵談詩老衲子
異趣溢枯禪殷勤勸竹根松月留清眠良常自茲始百

點蒼山人詩鈔卷六

三

里非險艱

蘇髻龍池

鴉寨元師壘龍堂髻女靈山頑猶混沌竅鑿始娉婷雙
碧融晶鏡千畦飽建飯風車雲馬馭笙筑響泠泠

烏龍嶺

巖慈東遷迤西對點蒼平人渡炎涼嶺泉飛向背聲土
巖嶠石骨井谷俯山城乍欲忘冬序忻欣萬木榮

靈澤園

伏地流西洱滂洋透石根粼粼雙鬪玉溢溢一川雲花
竹穠烟島樓臺上綺紋融通山澤氣巫祝濫醺醺

塔山街訪黃錫久

簇簇陵岑背洱濱蕭條村落雜新陳
震鄰奇疫成空劫落月晨星見故人
抵掌功名纏藥裏杜門風雨老松鱗
廿年往事雲煙嫩也似神仙話隔塵

趙紫笈以對山自嘲絕句索和

酒聖開簾醉雪光晶瑩萬仞發詩狂
山公傲我頭俱白笑舉觀河老匿王

乙亥除夕

隨例桃符換歲開梅花滿浸翫燈看
老如積羽徐徐重年似磨塵汨汨碑
下吏何關談出處棄材翻與避艱難

點蒼山人詩鈔卷六

五

須臾日出成新歲不覓來心等是安

細雨梅花有懷舊遊 丙子

迥迥江梅雨細絲皋亭絃管趁春卮
倚欄岑寂山城晚棖觸梅花舊雨時

步晴

懶日輕雲半作妍長河新柳翠翩翩
今年春在梅花裏好乞東風莫放顛

顛風頰日望夫雲起

縹車圍轉絲抽水蟒龍夢斷雲窩靡
俯身東望嗟天雞曠曠日射貝宮紫
昆藍噫氣雲亂呼直撇濤山見海底

黃姑織女河東西盈盈咫尺甘分攜
噴癡小婢情悽迷望夫雲起青天低
一聲鷹應石龍子揚沙走礫無端倪
點蒼濛濛春弄色冰封雪洩藏花密
園林桃李滿空飛星斗朱檐遮不得
暗暗危巢望歲氛知風知雨不知雲
吹花擘柳曾何惜懊惱停舟欲濟人

遊三陽峯至竹林菴讀中溪侍御詩稿

環峯揭天起陡落三陽岑壁立萬仞
石巉巖叢長谷古雪絡幽壘晶晶日
西含峯嶺變橫側盤礴亦何深奇觀
屬修阻憩飲怡中林廢寺古遺構詩
碣鐫禪龕謬誇李侍御勇退甘龍潛
遊跡遍巖壑歲月消雲嵐於時諸貴

點蒼山人詩鈔卷六

五

顯御曲事茲險寂冥豈不念寧此山水
就題咏類荒誕誰復究其心悠悠天宇
中長此去來今

立夏日

翠葉濃陰映舉觴流鶯聲裏饒春陽
樓頭雨過玉山碧雪裏花開溪水香
常日閉門容我懶一年入夏愛天長
千金殫盡支離技始得平心自斂藏

李士元招遊龍華山極樂林諸勝

溪流漱鳴玉綠蘿道塵襟滂濛白雲
起遙空鈴鐸聲拾級上崖閣碧海光
沉沉南山萬蚪松北澗千石岑參差
各獻狀無勞窈窕尋短李眷清境棄
官歸園林移具招

我遊共茲忻賞心折瓊羅仙筵家醞滿芳斟咫尺塵凡
隔日馭舒驟駸山水興日闊感往慰斯今

觀張景園同年畫山水

當杯磊隗澆不平點蒼對我崑嶸翻雲竦石泉飛聲
故人舍館城西陝朝暮清談諍不足索詩丐畫登相續
毫端照眼開林巒恍如從君遊汗漫山平水遠紆天寬
張景園以无妄被誣羈牽榆城半載昭雪後得新
與學任錢以詩

雲山相望各棲遲旦夕良談水鏡披社跡那防來雀角
慰情翻勝屬駒維點蒼雪月夏逾好吾道踴涼誰與期

點蒼山人詩鈔卷六

此去一官師鐸重清風匝地是相思

連雨

浪浪簷溜發紛漉簾捲簾垂拂翠筠應璩屢書謀雨譙
伯文清興述山貧江源泛漲思湖海花塢迷離洽隱淪
滿地塗泥深閉戶獨遊一頃最怡神

題周孺人雁沙集

平生愛風雅每厭閨閣詩境界隘拘束柔弱滋伊哇花
月累翦刻雲烟婉黛脂不病病呻吟隱約名心馳受才
異士夫文彩亦奚爲道非男女相我憶末山尼真理妙
難言得者無弗宜雁沙見遺稿傾倒豁心脾本分據直

語風水自淪漪微情悟遊子春言三春暉綿邈古媛契
婉約幼穉規攤青坐寒雨豎義快精微想見茶苦中大
哉天恢恢造適不及笑寧須雕琢施即今巨室寢其樂
誰能知付茲報老友無徒嗷嗷悲

立秋日新晴張西園約出遊

一夕秋來積雨間亂雲飛絮揭屏顏出門一笑癯仙癖
得得携觴指看山

雙鶴橋西落瀑明雙鶴橋東烟林清青山翠染龍關路
擾擾行人畫裏行

七夕登樓

點蒼山人詩鈔卷六

支窗西洱水新碧鏡奩中急雨旋東浦遙帆入彩虹曝
衣酬舊俗架鵲仰澄空巧拙紛人事茫茫乞禱同

雨中趙紫笈饋鶴醪

忽到青州從事佳閉門十日雨泔泔寥寥天地古人遠
裹飯與桑別調諧

水涸

水積自生魚魚魚相食生聖人禁數罟濟以不平平水
涸魚响溼小大若爲情驚心竭澤漁虬螭亦冥冥

丙子秋太和淫雨雪霰禾不實外郡縣災澇滇民
舊不備積冬春大飢醉感十二律

漸看墳首遍，耕牛北斗南。箕自挹揚，夜靜哀鴻悽斷續。
月明幽蟀劇蒼涼，繁霜不解芟蕪。茵秋雪端然，害稻梁。
銅碕銀坑，人事拙難將。積時問山鄉。

印度南開古百城，南詢童子記分明。佛魔錯處俱成俗，
人我相忘是遂生。桀桀甫田孤未似，悠悠廣廈萬間營。
蹉跎白首成迂僻，吾道艱難未了情。

流年人事兩相從，繫挂炊珠驀此逢。陀崆涓流何太橫，
漏江百竅又成壅。夸娥掌劈遙難借，莊子魚吻驟怎容。
萬里綿綿孤思遠，可堪雲嶺更千重。

彩雲常見爛晴空，野老嬉遊歲歲豐。往事難忘年少日，
點看山詩卷六

浮生同聽太虛中，雷聲迭送冬前雪。海氣寒吹七月風，
莫道邊陲時節異。甘萌惡草報占同。

難將鄒管試吹枯，遠邇中邊盡版圖。白覆有天周四海，
顛連含淚向方隅。求芻不惜號羊牧，戴魄寧甘化鳥都。
徒手傍徨心轉惑，悽聲菜色見聞無。

暹羅猶然阻巨津，輸征何處覓紅陳。好音乍喜傳威鳳，
江水應難泊涸鱗。草木充腸春信遠，流離遍野雪花頻。
云何慈力同悲仰，欲問堂堂佞佛人。

王粲當年賦七哀，婦人抱子棄蒿萊。而今幸際承平樂，
此事何堪猝見來。天道渺茫難委運，人心吃緊望彌災。

願船努力齊篙櫓，莫道溝中異己推。

山諸溪歲又黃精，博採窮搜漸不名。畢竟有人須粒食，
難將辟穀教網氓。記名耕犢沿家剽，入市羸羊唾鬼成。
可惜邊方風氣古，澆醇散撲陡然更。

杯水薪車救怎禁，傳聞異事總驚心。新魂恨飽觀音土，
故鬼難藏校尉金。劫量不遺天未遠，愁雲猶汨雪山深。
豆簞生死鴻毛重，人世悠悠自古今。

良駟高山興久墮，殷心人日強題詩。擎空使者瓶何餉，
醞海脩羅味不移。晴雪芳梅淒瘦影，東風楊柳正攢眉。
天公好運陶輪轉，蠶葉蜂花合並施。

羽檄如星曉夜馳，梨花江上嘯鼻鴟。居民正苦枵無食，
伏莽驚聞蔓欲滋。迢遞三災流疫，饑貧疲千里轉兵師。
敝牢急爲亡羊補，翹首風雷雨露施。

遲遲春日覆重陰，急切嗷嗷待食心。靈殖有神催早豆，
宅迦無藥贖賙金。人情自顧原非畜，魚沫相濡促共任。
菽價漸平年麥續，可憐萬殍已冤沉。

送楊丹亭遊順寧丁丑

洱江西去鹿滄來，雙鶴橋邊客思催。眇莽舊遊今記取，
春山一路木綿開。

古戍深林烟雨昏，行人珍重勉如飡。瘴鄉直是無楊柳，

行長條到臘門

宋芷灣先生南行草諸集書後

平生慕風雅獨嗜古人真厥道屬情性千載長斯新三百政以達指示聖所諄二事括遠邇世宙此爾淪風化歷正變興觀義無泯楚騷得精髓漢魏扶津源汎濫盛唐代得失千萬端帖括網似龍龍馳奮重淵昌黎格毗崢李杜光爛然宋初襲晚唐西崑沿晏錢矯矯蘇長公杜韓屹後先汪洋大瀛海今古同波瀾四靈擅江湖滔滔汨汨金元凋鷲各有適鵬搏見遺山勝國志復古氣象殊前觀潭潔或漢晉閱鉅亦杜韓就中潔精華往往優

點蒼山人詩鈔

卷六

三

孟冠極感如李何不免椎鑿斑真境要自得天地不腐陳國朝數鉅公頗持茲義論茲義在天授養氣直浩然窠日避卻曲詞彩溢喧闐人人探驪珠始覺鱗爪殘寧知我同時嶺海來天仙獅乳一滴迸靡靡兜象屨虛空碎可立研精挈幽元稱情自適適清氣滿人間閱世肝賢才遇合今古難落落見聞知瀝胆披千春

送別芷灣觀察巡部承緬兼攝順郡

鐵橋天半躡飛霓烟雨蠻荒慰遠黎舊說相如孫水土而今遠過浪滄西

海內爭傳題壁詩岳陽黃鶴興淋漓岷南奇絕瀾滄水

萬仞江岩稱筆麾

勸高立方同年之官

支離技重產金輕好看龍蛇傍海行莫教淺人生議論將無負氣測先生

祿豐張耀南五華同舍生也老健遠遊過榆城遍訪諸故友感喟殷然

四十年前上舍逢白頭訪舊未龍鍾藏錐布袋俱無用却不出頭是善鋒

秋感

聞說彌沮水新防禦更開比鄰俱被胆鹽井又成災騎

點蒼山人詩鈔

卷六

三

月重陰積秋陽失信回市糧稍減價淫雨復高擡雨聲跳瓦異山雪曉皚如暮爾寒恆若何來氣不舒豆簞生死絀任恤閭閻虛不信黔婁子康居得自如雲烟散復集雨意其云何只益江湖漲何勞醞釀多痛深飢饉瘦仰切豆蕎禾牛女也須惜翎橋迫架河也竟晴如洗愁消雨夜心遲回殘月上凄切一盡吟天地常能幻盈虛古至今飲河思偃鼠失笑計深沉疫氣消初定天心憫覆長暖回秋雪後晴趁稻花芳夢境叢歌哭生涯費付量一隅三可復世道兩難忘微雲過飛雨日氣落朝霞秋意歸平淡人心膾積迷艱

難存我齒吟嘯出花低酒價頻頻減杖頭始欲攜
狂瀾驟雨工龍氣拂腥風祝爾重淵蟄憐茲禾稼功物
情各自逞時令難相蒙餘響入深夜茫茫想網中
異事忘相習田禾十月收可憐酬一飽擔得許多憂沃
瘠殊人事高圓不著籌深心腐司馬貨殖校諸州
萬慮消跌坐燈花落更生水雲空際響星潭際中明異
此秋爲氣勞耶耳作鳴歐陽心獨感托意樹間聲

見雁

際暎漸分明依微薄太清雲鈎風半捲斜次出山橫

又

點蒼山人詩鈔

卷六

畫

萬里隨陽意南溟渚嶼長江源西側度不復阻衡陽

曉意

疏櫺回回入瑤環自起開門月墮山露菊著花看仰面
可無人共獨醒間

宋芷灣觀察招集海樓賦洱海行次原韻

蓬萊始見封禪書海山恍惚浮嶠壺徐福童女風浪驅
少君一去不可呼金銀宮闕雲影摹誰見東海揚塵初
牧龍蔡誕誇仙符仙不愚人人自愚昌黎不肯神山巢
寧有倔強無含糊眼前江山巨清美鴟夷有酒江有魚
使君好客開行厨高談洒洒道之腴此水南蠻舊竊據

自言當兵十萬餘海神封號僭四瀆回首蝸國成郊墟
水德清淨不改趨今今古古深涵濡點蒼冰雪飛爆落
雞足雲嵐蕩影俱古佛神通開隩隅春花雪卉交粵歟
留與幽人寒瓊蘇泊泊不舍千年徂憑誰摹此元洲圖
使君大筆天霞舒來省海民收海租詩情飲興寫真樂
下與坐客攄豪粗從來山水有真氣與人投分分親疏
衡雲遮護神豈徒昌黎一禱情難孤東坡十月見海市
戾常奇理驚瞽儒神仙詩人分不殊我欲探龍公得珠
片鱗一爪我不無云胡不醉醉且扶手詩競作蛟龍吼
海神啞啞知音乎明月過海連西暉水禽浩蕩鳴呼娛

點蒼山人詩鈔

卷六

詩

詩即醉耶力排泉馬蹄踏踏盤空如

閩中做李義山得六首

迴雪流風作意飛玉人消息皎清暉遙情難向還荒憩
錦瑟低含笑語微鳥爪正思當背癢蟠桃可分消臣飢
沉香一瓣雙烟起金博山邊獨自依
絳河倏忽又千年渺渺銀濤湖曼延螺女殷勤留穀米
牽牛淩寂貫天錢元洲紫館遲明月翠幃雲軒蕩曉烟
最是良時容易失莫將疏逝解情愆
擣盡元霜憶玉京塵埃踪跡幾多更迎車黃鶴頭班白
寫韻仙鸞腕瘦生荷露弄珠圓蕩漾梅枝出手凍晶瑩

輸他何物青年子一染奇香却定情

暖暖停雲一瞬移橫波曼隸乍迴時采蘭原上花如綺
解佩江頭柳院枝雌蝶雄蜂幽夢隔瓊樓玉宇闌春知
遊絲三月縈空轉駘蕩芳情未了縻

月娥長好玉輪凭青女淒迷夜漏增梅下詠花人定有
夢中行雨賦難憑承芳願在衣爲帶顧影猶懸鏡有菱
至竟相思成底事種來紅豆著花曾

清溪白石兩相忘蕙帶荷裳濕露瀼曾是有媒逢鳩鳥
猶思先戒屬鸞鳳絲繁絮亂春迷向佩短絃長意遠將
鷓鴣聲聲芳草晚不堪情事托蒼茫

點蒼山八詩鈔

卷六

畫

看雲

冬晴雲氣閒雲閒吐晴嶺卷舒不遮礙厚積浮嵐影崖
壘絡霽雪峯枝蓊斜景渙渙欲消痕縷縷茁新穎過澗
龍蜿蜒綴林鶴振警迴翔竟昕夕變化適虛靜無情有
情閒戀戀仙靈境如何雲裏人遠思動馳騁

點蒼山人詩鈔卷七

雲南叢書集部

太和沙

發龍關

浩然發龍尾憶切少時年心有功名計身為父母憐頭
顛僮更老奔走債猶纏身世邊隅遠勞生屬定緣

小兒強解事逐我伴舟輿離別難為母平安囑報書奚
囊經籍負洛誦路途徐人事如陽鳥時飛合自如

老友老能健江淮續舊遊平生揮霍意不作旅人愁把
酒雲山共對牀今古籌饑驅與結馴無住即風流

無限關河柳條條盡向東梅花山石坂迢遞好香風慷
慨誰驅我綢繆舊惱公古人莘渭老作麼卜窮通

點蒼山人詩鈔卷七

一

青海鋪大雪

雲暗青華海飛雪浩漫漫茅店沽海酒僮僕醉闌珊
杲曙霽日萬山浮緲綿層嶺陟冰凌流潦鳴潺潺玲瓏

錯崖壑峭嵒晶瑩天林莽翠蒙密刻玉森檀園矯矯千
玉龍騰孳松岑巔寒鳥呀晴景蹴羽花翩翩夾路紅山

茶瓏璨餘光妍地氣不嚴寒行旅殊坦然異境擅僻遠
緬茲天地寬極望匝千里庶幾償豐年挈壺屬老友苦

樂付一樽

黑龍潭值老梅盛開感懷舊遊用壁間芷灣太守

韻次之

黑龍潭上老梅樹幾度看花四十年年年花開燦紅玉
老幹鬱屈龍雙眠少年意氣遊上舍五華春早花含烟

高山良駟周迴盤花情藻思相愛憐逡巡不竭酒家錢
酒徒詩侶何翩翩一從薄宦各奔走雲搖雨散塵漲天

花晨月夕憶往事難忘勝概花替鮮崧雲不歸笏山死
同研同年戴聖哲朱奕簪皆詩家好手使我愁思纏肺肝我歸點蒼又十

載滿鏡白髮黯消魂閒居鬱鬱發遠想等閒重山疊水
間磨牛步步踏陳跡名山勝友心相關老梅作花如笑

我我老何似花不言低回酌花別花去天涯萬里誰驅
點蒼山人詩鈔卷七

點蒼山人詩鈔卷七

二

奔人生執著風處禪水行習坎天行雲鴻飛東西那復
計花前一醉緣分存亭臺簫鼓日增盛老梅落落高輪

因繞廊拂壁醉叉手詩成啞啞梅耶聞

東大路中

山田處處趁春耕垂老年華萬里行遠水平山饒轉折

斜風細雨半陰晴長林夾路花如海野店挑帘酒當情
盡日催春幽谷鳥干卿何事一聲聲

飛拂楊絲路正東春光可奈只溟濛熒熒禮李寒烟裏
構構天桃細雨中鎮日攝心長寂寂良辰予我不匆匆

看花又到交河渚難憶鴻泥舊爪踪

勝境塘題壁

回首西南萬遠岑
幾人把定故園心
罡風陡揭籃輿起
霧雨平分界嶺陰
冉冉入天春草碧
悠悠出岫晚雲深
石虬亭下鱗皴石
閱過征人自古今

松巖寺

擾擾逐蹄涔
到來生靜心
竹陰初徑轉
松翠一樓深
風定碧旂影
山空春鳥音
頓忘前路遠
返照入嵌岑

茆口渡

蕩蕩盤江渡
哈呀萬壑聲
水痕摧壁斷
崖壑出天橫
想見洪荒始
由來大地平
滔滔趨日下
世界若為情

點蒼山人詩鈔

卷之

三

繁花塘道傍石

簇簇小湖山
玲瓏百疊連
一峯一窩竹
半水半平田
蒼翠猶含雨
迷離欲化烟
平泉多少石
不似此安然

霧晴

林巒漸遠披曉霧
閃迷離得霽已多日
逢仙應可期
泉飛深竹響
山作夏雲奇
恰好茆亭子
花邊酒一卮

石板房

浮嵐艷晚霞
點點落杉鴉
石屋千家雪
油薑一塢花
店門嘉樹老
宿客鬢霜加
呼酒支窗起
叢巒聳鬢髻了

貴陽桃李盛開

桃李滇山路
芳菲日溯洄
東來屬春晚
迢遞看花開
金縷誰家曲
關山客子杯
南橋千樹柳
占斷好亭臺

飛雲洞

每到飛雲洞
飄飄思欲仙
洞雲飛不墮
客路我依然
古木穠新翠
遙空響瀑泉
陽明一片石
也似我流連

黔中謂嶺為坡無日無之而四處為最肩輿歷碌

中為四大坡詩

離離山上松
送客松巖塘
青松漸不見
巖石鬱蒼蒼
蒼下無底瀆
洞洪河水石
磴紐迴盤古
壘側磷礧此實

南車坡南車自茲止回身仰來路上去青天咫尺青天路

點蒼山人詩鈔

卷七

四

可通也有行人踪
我行復何為
非商復非戎
少年馳驛騎
一抹千山快
今日籃輿行
山勢吁可畏
等知所見非

志意移衰憊
叱馭與回車
古人各制義
吾道屬艱難
踳踳欲焉冀

南車坡

數數黔中行
憚此陰巖路
陰巖如老鷹
側首青天覷
垂路儼鞴絛
行人拂其喙
上出雲背寒
下聽溪聲怒
步步折盤旋
不離老鷹處
慄慄駟騎危
惴惴征夫懼
茫茫大造心
阻茲亦安作
我聞道路言
此路曾非故
古路出其西
中經黃厥駐
坦夷復便捷
直達茅口渡
黃厥有溪橋

夏秋山洪注兩岸
摧林木往往掣橋去
橋廢路亦廢

力難取足從此鑿鷹巖慘淡費籌著於今近百年彼處
猶嗟語地運有流遷生齒日繁庶老林開作田無復沿
溪樹何當更作橋安流靜沿溯人情膠柱多因循坐塗
附誰爲有心人大力副舉措變通與時隨疾苦爲人慮
利濟茲百里福德無算數

老鷹巖

西下老鷹崖東上拉帮坡崖即此較險坡也其云何夾
河三陡轉變眩百折多橋頭仰磴道鱗蹕奔蛇出沒
畫烏亭上與青天摩得半半坡塘飽食中火家俯案視
面山面山青盤陀轉面視背山背山煙雲窠路出背山
陽石壁蕩無遮醜惡如敗墻丹黃墨粉塗直上十里強

點蒼山人詩鈔

卷七

五

得間開微窠岌岌打鐵關彌望紛雲霞鷹崖兩對面負
勢相驕誇下覽四山隙盤江百支沱遠近可生情何必
徑此過始或苗寨通繼且力役加相襲用爲路誰復計
其他世界勞塵結結習人自豈茫茫四遠愁於路云何
嗟拉帮坡

山前大石高盤陀百歲老人拂衣過以衣拂石有銷磨
重重劫量人奔波佛言石盡劫乃盡微塵妙析塵塵多
人不拂石石奈何芥子須彌法平等虛空一視誰礙他
行行大笑相見坡

相見坡

思州張壺山太守話別

一夕杯觴惜解攜匆匆心事話雲泥春風送客思州水
不斷青山下五溪

枉渚

斷續青山綠樹頭嘈嘈雪浪五溪舟武陵一片桃花水
烟渚濛濛溯不休
雲煙漠漠遠山痕岸草芊綿渚樹昏買傳祠前春漲雨
等閒行客也消魂

野泊

渺渺孤篷泊翠巖中流烟暝日西銜青山摺疊瀟湘水
錯認來帆是去帆

點蒼山人詩鈔

卷七

六

蘆溪口別楊允叔

水驛山程四千里一聲柔橈各分馳春風處處吹楊柳
那得人生無別離
計日南風到皖津白頭健飯莫須鬢煩將野鶴閒雲意
答我江淮見訊人

湘雨

點點峯巒翠不斂水禽山鳥共啼春幾家茅屋新篁裏
細雨冥冥不見人

岸花

耿耿虛碧渺無涯傾盡湘醴味漸差兩岸紅緋多不識

春風開到忍冬花

望衡

湘行計五日細雨春濛濛東風吹晚晴南天開籠從瞳
瞳曙霽日黛影百千重溯流移橫側舊舊青芙蓉楚山
萬培樓拱揖儼兒童小縣古蠻服光耀臨重瞳夏后刻
巖石邈茲承帝功上公秩朱陵玉帛虔深崇靈境穆幽
邃涵孕浩無窮邂逅合仙緣遠懷吹芋風跂望近咫尺
客程苦匆匆小泊雷溪口了了見諸峯斷續西南迴搖
曳行雁同圖經證恍惚心知口難從昌黎昔所禱慶快
難屢逢低回立帆影慰我浮萍踪

點蒼山人詩鈔

卷七

七

柳江口

衡雲馳送客蒼翠極天深楚樹蓬蓬綠山禽裊裊音人
逾飛雁遠心拙羨魚臨未盡湘流溯斜帆又轉潯

樂昌夜對月

沙明峭岸陰壁月碾平林客子悽無寐天邊意共深汗
漫期海嶠山水鬱韶柳混跡陽居子虛舟樂自任

講樹堂老榕樹歌呈高青書太守

晴烟繞榕青濕霧浮榕白海雨浹旬日潮音在榕葉榕
陰起堂做且閒青書太守移養痊我來寓我西榕間紅
蕉丹荔花木綿忽籠百畝風軒軒鳥聲百雜殷綿蠻朝

行榕根由綠雲垂地盤欹感暮凭榕下欄冰輪軋露凝
輝寒太守為言茲堂始前年修廢空遺址那能當劇事
遊觀為惜雙榕蕩無倚寧知此日炎海頭與君談笑清
陰裏人事從來詎可期火雲處處總攢眉彷彿廣莫莊
生樹盡日榕間妙用知

簡仲柘菴明府

齡年習讀孔氏書七十諸賢日咿唔鷄冠緞佩見勇士
凜凜浩氣雄萬夫折節門墻大道趨直肩世任無趁趨
蓬車歷聘在在俱千乘兵農誰借手翫離小邑綜賦租
春風桃李垂東蒲髯鬚於變錦京初勇聞服過想風概

點蒼山人詩鈔

卷七

八

頑廉懦立長心摹誰知二千有餘歲鬢鬢裔曾逢海隅
番禺大縣重借寇東莞萬眾扳轅呼兼人智勇類先子
一洗世論輕儒迂舊篇新詠見整暇民風治譜垂道腴
前日邂逅乍傾倒油油疑義生嘻吁孔門諸賢例作宰
豈真有例常拘拘古宰臣侯今臣帝海隅重寄逾前模
即今方面跨千乘猶階牧令為之途愧我迂踈茶一蹶
眷眷為我情脚踏冠纓羅縠共當暑裘馬舊願今不殊
我詩鹵莽翻見賞有似齊宣耽眾竿萍水茫茫心胆麤
交遊萬里道不孤識韓荊州寧此如

環翠亭曉步

榕葉下餘雨晴聲啼曉鳩清涼濃海潤延佇有天游著
述吳虞遠功名漢陸收由來皆際會各自力沉浮

七夕

統統重城鼓聲沉海氣朦秋生捲葉雨香冽過花風天
地水輪際人仙想網中雙星今夕會作麼話幽衷

廣州雜詠

絳顆醴香湛玉晶親嘗遙擬各殊情曲江一首離枝賦

合儷梅花宋廣平 荔枝

浮涼颯颯海風來萬綠梢頭月正偃一片紅塵飛欲定

虫聲淒咽越王臺 晚步

點蒼山人詩鈔 卷七

九

提戈二百里徒步橐筆十九年著書翫離英雄間種樹

緲綿桑海舊遺居 虞苑懷

說食何能便飽人語言文字枉勞神行師不說開泉話

一窖黃金利用真 遼摩井

風旛堂上好涼颯藥智菩提古翠垂衣鉢得來才剃度

誰堪寒夜力春時 風旛堂

珠海烟波塔影重招提寥落不聞鐘清陰散入滄桑裏

猶在東坡誌六榕 六榕寺

一泓泉水鮑姑遺本與貪泉事兩歧南漢不容人汲飲

可憐據得幾多時 鮑姑井

琉璃珠貝藥香材耀眼繁華闕不開可道五仙明白意

羊頭只帶稻禾來 五仙廟

花田簇簇玉鈎斜花媚人香人媚花何似百花孤塚在

興亡不咎美人家 花田

蕩蕩冰輪碾玉波海珠亭子壓星河珠娘翠艇玲瓏影

楊柳蓋排夜唱歌 海珠亭

荔枝灣上舊宮基當日波斯女共嬉應笑太真風味滅

猩紅露滴一枝枝 荔枝灣

風馳霧捲海潮聲舞竹掀蕉脆響并萬井蘊隆懸一雨

墨雲中斷月東生 風雨

點蒼山人詩鈔 卷七

十

敢好今朝風路涼五層樓上澗蒼蒼船如亂葉入如蟻

點點青山是外洋 鎮海樓

隆隆燄藏鬱南荒飲雪山城憶點蒼日似兒童饒索菓

多羅橄欖借甘涼 雜菓

炎天最是杏花好花到羊城百用能蛋女笑擎茉莉扇

珠兒巧競素華燈 市花

滴滴嬌紅紅豆夜知他何事號相思青虫媚蝶裝釵朵

直恁難消愛戀私 紅豆

安期鴻遁已冥冥海上青山處處青探得菖蒲沿澗洗

仙人雲影過前汀 蒲澗寺

甘始由山三百春炎荒疵厲息凝神作金萬萬都拋海

託絕不虞人 神仙軼事

入桂林象郡西何來柱父躡雲霓應悲世態常如幻

黑白青黃是滑稽 柱父

廣慶樓臺爛錦溪和光有洞綠陰迷仙人未了嬉遊興

却道青雲別有梯 峽山寺

喜遇前皖尉姚念初主簿

總語驚相似披衣是故人相看俱老健莫話舊艱辛過

嶺笑奇想集緣知定因海天好渡夏寓覲無涯新

簡戴東塘司馬

點蒼山人詩鈔 卷七 十一

老榕庭館翠籠陰數數談詩暑不侵才力到君猶細律

頽唐如我是唯音每當說士情甘肉怪底宜民矩在心

汝水滇池人萬里衣香濃郁海南沉

送別羅月川司馬入覲

洱水西流滙鹿滄點蒼蒙樂兩相望未曾識面聞詩好

恰到談心別路長嶺海幾經廉卓魯功名畢竟說龔黃

早霖遠慰閒雲想莫為鄉人憶故鄉

鑄詩有憶姚武功句

自算少人看 姚句 昔人茲意同異同同一嘅老纏筆

頭中風月無凡 聲用 望窮愁有變通虛空飛鳥跡廓落點虛

空

佛山鎮

風潮颯颯漲沙灣喔喔雞聲唱佛山賄海人山殘夢裏

扁舟飛過月明間

江野

竹杪平山綠一痕江風吹暑雲渾渾水牛拂拂弄江水

幾個兒童榕樹根

月夜

漸漸星河睽閃空一樽雲散月朦朧玉輪銀海無栖泊

取山煙片影中

點蒼山人詩鈔 卷七 十二

端溪

佳毫良墨視須精百事牽纏識字生何物大德報渾沌

離離翠峽遭鑄坑

綠荔枝

迴合山藍浸碧漪閱江亭下挂帆遲人生饒口無礙境

心醉端州綠荔枝

楊安園太守餞飲

四百羅峰熄燹煙鹿幡華實嶺人傳同袍舊誼徵難弟

青眼高歌惜暮年畫閣涼生山似玉瑞溪東下水如天

交遊落落萍踪遠難把離杯擲玳筵

感韓春峰子人伸見訪

我昔見韓子婉婉頭玉隆今日見韓子拳拳似而翁我
悼而翁奇厥治少人爲能使鳳陽民道路不拾遺天志
澤童士寧計爾輩饑前月先爾來符離傳牧子老傳出
玉門小傳侍萬里涕泣言乃翁歸蜀兩年死知已二三
人母一囑小子廣守瑞堦翁急難可依倚昨始資之歸
爾來幸及此且復免倉皇與爾策短長爾兄死微祿母
櫬重慘傷投故覓搬資迢遞越閩疆閩浙指青齊積腋
謀舟航此事惻人心此志足爾償所悲廉吏子流離走
炎荒優孟抵掌歌千秋同慨慷炎荒亦何恤慎茲風雨
點蒼山人詩鈔 卷七 三

羅臥雲山水歌爲題竹隱小照

老莊告退山水起此事豈真風氣使崇深幽茂樂性靈
詩篇妙奪清談壘一時變調寫丹青畫人置向巖窟裏
是中那復形迹拘山林廊廟通神理我生強半走天涯
野人面目塵埃加名山大川適遠輿舟車馬足酣雲霞
雲霞日變幻渺渺難竟言何如卧雲子迢遙得我先秦
筆江湖幾千里王宰真跡留人間金碧照耀堆二李老
筆礪石披荆關有時墨汁揮老米時復雲林靜瀟灑寫

出高深注目時一一江山聽喝采奇字門前送酒多神
仙遊戲君無乃日前遺我海山圖波濤萬狀羅蓬壺今
日示我篋管谷奇情自寫人如玉鬚眉映發菁菁竹竹
中張豸古高風快意茲遊萬里逢

琢研歌戲呈青書太守

陰陰榕葉垂當庭淙風淅淅琢研聲廣州老守情經營
長圭圓璧方觚稜見鑲於山神其形蘇坑麻坑老官坑
東洞中洞大西洞次第品詮西洞重旁開側入老坑底
上聽江濤愁地縫地脈全收萬里山精靈閱惜難窺鑄
前年守瑞值封洞崎零遮拾生雲煙個是底坑蕉葉白

點蒼山人詩鈔 卷七

四

蚰火光納消紫赤個是魚腦個青花五絲花釘金絡繹
人間競辨鸚鵡眼眼成亦有雜坑石老守說石興淋漓
兒僮竊語笑守癡廣守人人巨萬貲舍金不取取頑石
珠珊瑚貝無銖鎰即今卸病病何病病在嗜好與人歧
老髯詠諧謔設詞呼陽太曠石纍纍乞我一石酬以詩
唐李長吉非真知

別筵簡左杏 觀察

島霞曠日炙胭脂使者乘風到海湄十載雲泥頭並白
一杯離合酒重持繡衣蠻嶠功名晚野鶴寥天寂寞知
老境倍增朋舊感開帆明日是相思

瀕行尹莊之自澄海來得一夕談

二十餘年彈指頃九千餘里共車塵長悲大戴遲歸骨
切憶南荒遠宦人大海那期萍水聚好風吹到蓋雲新
茫茫無限交遊感可柰秋宵漏點頻

曉月

炯炯疏蓬白推窓月出山羊城珠貝地蟻夢渺茫間語
世曾何與觀生好是聞一聲淒桀格飛向綠雲灣

白沙望七星岩

榕葉陰陰荔峽灣小峰重疊水雲環擬將十斛青螺黛
畫取星岩七個山

點蒼山人詩鈔卷七

五

封川曉發

蓬蓬篠蕩籠平蕪林外炊煙宛轉鋪水複雲重千嶂窈
青山何處古蒼梧

夜雨

孤蓬秋雨夜蕭蕭夢裏功名上碧霄二十餘年情境在
蕭蕭篷底夢漁樵

見鴈

山隔衡陽有鴈來蒹葭露白水雲開天涯未了懷人意
日日青山與湖洄

過歐陽伯庚師墓林

一叨知遇擬登仙僕僕塵埃四十年白髮門生雞絮酒
秋風初繫柳江船

涇州

萬嶺鬱難平雙江強滙并石稜高絕巘洞古隱灘聲路
古南交宅疆開下瀨兵成途轉徙忘却險中行

曉行

落月半江明殘煙籠樹輕遙山深似墨是我過來程羣
動知天曙勞生共此情扁舟娛曼衍軋軋早榔聲

勒馬墟

秋水初消漲人煙寂寞濱危岑懸岸落出石亂雲皴世
點蒼山人詩鈔卷七

六

事知閭隔山鄉素樸真垂垂篔簹竹異敢好係舟頻

柳州

勝遊窮險坦心醉此行舟天地饒花樣清奇構柳州翦
雲分石巘疊篆寫江流欲覓神仙問瀛壺似此不

蠅舟

荒山滿江溢墾種儘堪籌艇艇饑寒色全家風雨浮廣
生無量界結習自迷頭白鷺窺清水空林何所求

懷遠東津

人家深竹裏谷響應朝春岩壘層層石江穿嶮嶮峰秋
蒼晴雪豔沙蔗曉煙濃漸逢苗艇來源山萬重

老浦

錚鏦擊榜聲瀾瀾霧裏行
朗日東峰轉迴雲一塢明
險夷馳過景瘴癘息忘情
紅樹重重色秋妍人遠晴

丙昧對月自嘲

繫纜鄰鄰月船頭兩度圓
乾坤何處水歷涉就衰年
隨分漁樵樂忘形道術偏
壯心何所用蔡誕自詒仙

理稿

飽食無此事堵帘看上灘
詩成記里鼓月進累九竿
郊島搜枯澁風雲拙羽翰
等知時運使不覺入酸寒

古州

點蒼山人詩鈔卷七

七

車書荒服遠城市古州新
榕木深岳壘源泉洞石垠
苗駒蹄踏鍊夷女項垂銀
換却長帆艇嘈嘈弄小輪

三角屯

三角屯邊水舍舟登路歧
掉頭思海嶠納芥互須彌
細菊沿行徑霜柑摘薦厄
適然成興趣雲起過山遲

客路感興

黔山霧如積細雨時濛濛
岩谷飽蒙沈涓滴盡流東
發蓄起南條輪轉九域同
入黔不百里沸鬱行舟窮
勞逸異源委財力殊匱充
萬物齊不齊稷稷出化工
天道屬運行地道屬涵容
人道屬有為我我成自墜
聖人戒憐

咨一濬大源通

另行擔家具女行負小兒
老人拄短杖童兒薄攜隨
晴煖日一舍雨雲奔村扉
問言何處來沅湘及五溪
問言去何所南籠泗城西
連連包穀山山深雜崗坡
老林大荒藪開墾無盡期
豈不懷故鄉庶得飽粥糜
情殊黃鳥怨亦非碩鼠悲
天地大無量皇仁洽重熙
萬里如逕庭民心安磁基
我昔見此事四十年於茲
日計百口逢歲計萬家移
年年迄如此算數已難稽
想見包穀山煙火遍蕃滋
有心世道人此事須周知

點蒼山人詩鈔卷七

六

當噉綾餅翹足公卿擬
少年盛意氣躍躍興如此
我昔亦如此歷歷同榜人
貴顯曾幾何碌碌半風塵
彈指四十年寥落星向晨
人事百不齊感往徒酸辛
來者日以新既來日以陳
悠悠古今宙名利驅沈淪
果蘇有紋理卷石亦皴璘
大地列山河高下成相因
相因各異鄉各自適徜徉
誰使遠遨遊跋涉情所當
神仙世出世飛騰或不妨
水食不易淵草食不易藪
與夫爾何辜與爾一杯酒
繞座看店壁稷稷題壁詩
狼藉恣譎讖往往堪笑嗤
行人屬有懷巧拙皆情詞
所厭無情子有韻轍和之
疥壁

豈不惜主容難相非歲終例粉飾贈之一拌泥拌泥與
籠紗俗情同一揆此事屬雅則流極不可維聖人存國
風不遺婦孺卑人才萬不齊於此肺肝披唐人試帖括
亦徒春華滋於時重行卷得人實賴茲捋髮搜海枯又
復可憐痴

晴景市城嬉雨雪荒山走豈不念苦寒即事因循久因
循何重輕牽掣聊復情時節預可知倍道猝難行由來
神仙者所仗慧劍成

每過嵩明道愛遊徵君祠松翠豔湖山槃阿清鬱猗先
生徵不起偃仰吟新詩新詩如春風春波澹溶溶忽發

點蒼山人詩鈔

卷七

九

軍中謀與人成大功軒冕照閭里高義媿隆中伊昔麓
川役連年徵調亟統軍誠可人搜訪到山澤祠宇舊煌
煌罔非茲事力茲事在徵君曾不加寸分鄉人謬流傳
迂怪雜以神向非新都楊數詩已無存緲緲碧山雲聲
利兩微塵

杜允亭招飲浙僧初粉寓庵皆滯黔久矣

快意杯觴怎放空淨萍離合長短同雲山不竟青天外
霜鴈低迴朗月中五嶽尋仙難了妄千鈞射鼠莫論工
粉師也厭葫蘆繞一舸何時下浙東

抵昆明呈寄庵前輩

出山不無心中道自回翔白雲隨天風東西適飛揚行
行抵南海嶺嶠披炎荒故人髯太守卸病歸夜郎杪秋
酷暑徂同溯粵江航蒼梧弔古帝柳柳酬心香山水奧
離奇與會逾平慶更期夏首月共道遊華陽出隴望京
華驅車下太行閒雲與霖雨各自籌所長却願無定操
垂老猶猖狂黔中今便道駕言省故鄉故鄉何所樂在
遠不能忘所樂見夫子證屬開迷方爲我正聲詩爲我
畫行藏前日大雨雪連山堆琳瑯透遲界嶺行及茲元
正良去來恰一載得詩近百章再拜壇坫陳稿草晞春
光

點蒼山人詩鈔

卷七

三

即園看梅花贈李古亭

梅花百本詩一樓客來哦詩花滿頭去年詩篇我遍讀
今來滿壁新唱酬我行萬里塵埃涅濤海天風吹不澈
君詩句句噴寒香人與梅花瑩冰雪偉哉蘭鮑居氣移
人生何似此栖遲揚州官閣蜀江苑輸與即園無別離

安寧宿溫泉館

松竹蒼澄波擊楫蕩山影勃鬱溫泉氣夕月晃雲頂磅
礴入暖雲村醪厚酪醇溶溶碧玉池誰蒸丹砂鼎涼熱
得中和石牀狎清迥月華散軒樞晶宮沿炯炯塵垢本
無寶體性默自昏漠漠大虛圓太初見渣滓

雲濤寺七穿岩

平沙淨如拭聯巖疊不已岩穴互出入青天落石底誰
日一竅鑿渾沌不能止嵌空偃峰稜餘鍊補天陟雲濤
古蘭若奇構雷音擬一舸蝗川遊水因得謬解谷暖曉
氣和岩花法紅紫層苔漫題壁茫茫迷往載到來移人
心此意山不改幸無塵鞅羈遊樂復奚待

靈官橋廟

鼓鐘匄匄燭花紫前稽後拜交頂趾達官獻額金煌煌
野人割牲血灑灑長橋阨路神威靈雞場蜀蜀煎烹
重廊像設古創者我冠博帶塵昏凝治民無術假神鬼

點蒼山人詩鈔 卷七

三

誑習諂習交扇增神業鬱湮詎得解物命暴殄無消停
爾祝何人禿者僧爾僧揚揚據香火無人為舉破竈墮

早燕

長河一曲柳煙開金縷條條綠暗催却愛繞堤新燕子
是他處處帶春來

過袁葦塘大令暨殉節王孺人墓田

哦詩老態尚翩翩一令沈淪四十年雅調自翻琵琶阮筑
奇緣疊證鬼靈仙素能以俗樂彈古曲前妻稽氏死發
以致政期遙月餘始逝靈異與談論死生鬼神事甚悉并慰
衰病欲告遇仙授藥刀圭復壯健猶思郭路重攜手可
道青山遽偃然更異彼妹甘殉死從容題壁斷腸篇孺人

貴陽人年二十四麗服豔粧
死之題壁詩十絕極哀婉

過一真院德昌上人影堂

了得無生死亦無不須大耋嘆師但爭他慧命人天續
示我微言藥病俱空堵葱龍松徑官影堂風雨總鐙孤
作家一個重難遇却惜名藍是濫竿

散疾

積疾難銷過去程閉門花落草青生喃喃燕語簾垂暝
的的蛛絲雨判晴意緒無聊牽藥轉神仙可信要金成
遠遊未分催人老猶帶湘帆弔古情

歌觴

點蒼山人詩鈔 卷七

三

披離芍藥滿雕欄惜取春光及未闌白髮味回金縷唱
蛾眉紅豔霧花看絲絃雜出銅琴脆酪酏清消月鏡寒
漫道色聲俱是幻當歌對酒更歡歡

雪柳

樹僅見於山麓諸寺皆甚古花時以蘸瓶極
有致因憶前輩詩社咏之惟楊先師輕籠翠
幔一痕月碎剪冰絲萬縷煙之
句最工餘忘之蓋四十餘年矣

清蔭古蘭若離離雲影垂柳枝縈雪絮花樣翦冰絲僻
壤異材老幽香明月知寒芳酬好句憶我栗亭師

擬古

捧土塞隕河一簣亦輸懷鑄錘不在手拮据空徘徊却
循人事本衣食貴賤皆錢神利流轉盈絀亦需才自從

銀幣與事變日益開生齒浩繁增刑政相狗滋公私殖
區用油油成漏卮老子倡清淨晉事以爲基過流在澄
源變化無常深心平準書貨殖同悽悽

感懷舊友于素行

往事不可憶破楫支洵洵遠人不可思患難爲駟蛩悽
慨合餘燼四禦剽者攻義分界必爭號呼轟轟出意氣
感富路直道回昭融從茲萬里道脫身荆棘叢我家若
水西君家江水東何日更攜手浩浩長江風君門駟馬
千祖德忠勤公幕食理錢穀身世亦云窮何來值衰落
主客適相從故笈墨千紙牛毛細茸茸一故人心中拂
點蒼山人詩鈔卷七

三

披淚聆蒙君耄復何如無由消息通迢迢海門江金焦
咽我胸

得青書太守書示不復出意

迢迢故人書一別數月駛報言出山期浩蕩不能擬網
繆巢雨鳩晚晚鷄雞喜鄉居人事生蟬聯劇葛藟却顧
霜鬢髮行行復止止緬懷國士恩進退感知已君進始
無感我進感亦難一令庶僚底悻悻成瘡癥孟魚有時
羨貢冠難自彈平生讀書懷決絕非所安遙遙欲濟舟
迴風拂波瀾印須懷遠人日暮浩長歎

慨農

斗米不百錢貧兒濶舉步農夫走遑遑負貸籌征賦貴
賤有循環喜極還成慮銅穴滿鄰山銀坑舊多處人人
競刀雖何時見充裕賈生論殘賊寧徒侈俗喻硜硜愁
六隅誰能抉其故百川漲夏洪盈虛順時布泉涸仰天
兩財竭詎天付窮邊百事需悠悠何所據

漫興

天公逸我老何辭出處無多坎壈知懶慢漸深稀蠟屐
詩書相貺味含飴和陶蘇子龍馴性憶孟昌黎鳥誤期
萬里交遊幾人在大車塵土只迷離

漾滯山中雜興

點蒼山人詩鈔卷七

四

洱河西下漾江迴礪礪天橋石隙開鼉柱拄天凌跨絕

浪源大壑轉雲雷

天生橋

條條飛瀑噴煙雲誰鑿雙門透石根松籟亂喧吹白雨

惹龍金碧滂斜曛

石門

神龍窟宅萬嶽峯一簇雲晴一簇陰了了畫屏峰十九

不知盤鬱此中深

金牛屯

丹青妙筆寫嶙峋摹得靈奇氣未真萬壑水聲千丈石

真龍下界不能馴

島石珍禽掠逝溪嚶嚶林鳥綠陰迷往來楚響無驚擾

倚足山深自在啼

梯田摺疊上層崗雲裏飛泉插稻秧一幅秧旗人一簇

山歌幽咽水山長

湖海豪遊夢杳然山公貺我好林泉瀾瀾雲氣江樓雨

五月清涼擁絮眠

溪雲漠漠漲江水野寺蓬蓬峭竹亭一線銅山來處路

蟬聲馬鐸鬧青山

雲瀑巖嵐拂畫簷忘情信宿正炎炎味山堂上看雲起

正是中峰那面尖密場

雲需水蹇雨傍徨小用寧知大用臧人事萬金求象臧

普雲音界只尋常聞蒙趙諸邑祈雨此間早晚稻插已遍

點蒼山詩鈔卷七

三

盤盤孔道夾通關沸鬱江溥雪一灣鐵索橋頭好明月

千家燈火架鰲山雲龍橋

藤橋梯逕趁夷墟棗柿胡桃筍薯戴箬衣麻裘卷領

猶然古意燧羲初

山隱雲緇趙次芝我來暑雨漲江時蒼蒼樓上籠紗碧

重見袁宏醉後詩次芝書樓東面點蒼袁蘇亭有題壁詩蒼蒼樓亦所題也

詩朋索句病難酬長日搢頤陋壤搜駭目河山都是翳

思量天地只悠悠

遐荒蠻觸遠誰懲倒水風雷救鹿崩渺邈天心開不早

哀牢山佃一層層水經載永平此事甚異

博南淒惻渡蘭詞七縱心勞五月師誰辨當年擒虜處

青山高揭武鄉詞路多武侯舊壘江橋有廟

搏膺奇兵用險能土蕃燄滅洱河澄功名不枉唐銅柱

無復遺踪弔九徵銅柱今無存金牛屯是其處

萬畝平田浸一巔藉峰寺古鳳伽年憑欄西北山如海

披豁仇池別洞天寺為南詔舊建踞境最勝

山池一浴思悠然鬢鬢橫江惠濟泉注玉涵雲秦觀賦

味回一跋有蘇篇塘子鋪湯池感舊遊

霽月

久雨不見月見月月幾望月盈不為人為人促炎涼涼

點蒼山詩鈔卷七

三

月坐忘寐千古入幽腸人月兩悠悠竹影垂低昂

遲月

山氣淡如水漸漸月出光桂魄天上花微聞風露香我

有幽巖樹樛如月樹長今年秋信遲粟粟始欲芳攀援

契情素與月相徜徉

張西園招看桂花

君家老桂百年物銀黃金紫雙連捲年年花開宴朋友

濃香清醖酣涼天我昨南粵度秋暑番禺入許空懷古

勞君花下苦相思詩成字字愁肺腑欹岑碣碣對輪枝

小山翻惜淹留時一笑兩翁猶健飲傾盡花前幾大題

銅琴曲

風月巴渝舞雲閣掃粧銅絃凝響絳山調歛眉長鏡
閃梨雲影杯傳箸露香奚囊籌警句玉碎叫山風

近日俚曲競唱七字高調猶是巴飲竹枝遺意但
有豔冶而無情思則非國風好色之謂矣因仿
其致得五曲

儂歡相隔一條河得過河來山又多便是深山也相赴
不防雲霧起前坡
今夜南橋月地晴與郎密約可憐生等到月斜郎不見
看看蹉過好月明

點蒼山人詩鈔卷七

七

你若無心我便休用古小曲句見語錄儂歡可是不心投年年燕
子泥窩壘春好端知要綢繆

花落花開採芍時把來紅豆種相思相思種在胡麻地
實意虛情那不知

竹枝幽豔隔山林不辨歌詞祇辨音儂亦愛歌儂自唱
山長水遠是儂心

張壺山太守寄無所住齋隨筆印本

一帙微言寄紫城別來功行見專精著書今日難非贅
如理於人易發情山郡政成饒樂事吾儕道在不虛聲
猶思一榷思江水踞勝臺邊話月明

奉和芷灣先生六妹詠原韻

西施

麋鹿蘇臺失翠眉恩怨不任兩鴟夷連江珠帳埋香骨
曠代詩人入夢痴嘗膽君臣甘下策捧心形影自愁思
苧蘿村畔漪漪水猶似春風舊浣時

虞姬

坏土千年楚水濱戚姬何處有芳塵重圍帳下數巡酒
一曲虞兮絕代人失勢英雄難局了到頭女子係情真
香魂不逐煙雲散舞草離離豔影春

昭君

點蒼山人詩鈔卷七

七

白草黃沙向碧昏漢宮花月正紛緝畫圖那得無真贗
思意徒然費選掄比到知名成陌路可憐直道誤宮媛
春風底是多情物青塚年年拂翠痕

綠珠

滔滔在水共浮沉才色牽連亂運深縱舍美人猶有患
却教豪士死甘心層樓曲沼犁雲夢玉管金徽各鳥音
聞說白州多好女為渠炎面到而今

木蘭

歡笑命娘喚女聲當窻花髻貼分明功名却讓庸男子
戰守全收脫死兵氣質判然區秉賦柔嘉無借是精誠

春風東閣牀前竹夢斷濺濺黑水聲

紅拂

航麟英雄識面真權門闐咽正昏塵記曾龍母雙胎婢
可道蛾眉此得人逆旅有鬚呼一妹當窻理髮等長身
世途無限沈淪感自合雄雌劍有神

東湖別高仲光

俱向鄉園老相望百里間頻年憶攜手羨子深鍵關懶
慢子逾甚奔馳意得閒雙湖好秋柳前路又雲山

普陀嶼

罷谷奔流下魚龍一壑愁路依仙掌峽石涌水犀頭習

點齋山人詩鈔 卷七

弄

坎渝常性推堤惡下流行人心目眩別徑好誰籌

瓜喇坡

重巒登頓極一頓一重添但恣山靈意將無行者嫌崑

崑支幹感坤兌蹇蒙兼太占餘林箐幡幡樹有鬚古者

白色皆長尋丈
俗名樹鬚子

黑泥哨

水聲鳴咽下憶切隴頭歌亂石纔冰蘚閒雲泥竹窠杉
皮鱗齷屋蓋蠶燒連坡古戍堪停客宵寒火具多

己卯生日自感

太歲東方卯神仙會合佳百年強半過大藥幾時諸眩

眼紛雲約驚波曠海渾回頭思再壯白髮有陳荻

忽忽又七載撫辰難自堪生同親物慶酒憶壽觥助誕

甚顯揚思淩迷衰老甘悠悠泡影異歷歷一漚含

二萬餘千六稷稷計尺尋窮通消去日枉直己酸心甲

子旋今數雄雌守自任青鏡看細字娛老得謳吟

逸少分廿日淵明責子時憶來愁喜並一笑老夫癡去

歲蒼梧野今朝若水湄周旋從我我雲樹郁離離

別離素日惡老境倍情加絲竹賴陶寫寂寥殊自嗟遊

山同寄興懷古意無涯畢竟俗腸繞依依夢小茶

大道難言說雲飛水在瓶青蓮妙濟世坡老學存庭豪

點齋山人詩鈔 卷七

弄

氣馴初伏冥心得自寧黃花隨地好壽我一枝馨

猶記慈親語難酬王母恩彌留問湯餅含笑視雛孫續

世人移代當春草忘根剝那知究竟難了自心捫

天地悠悠爾勞人最有詩古來千萬首作者幾人垂聊

此祛愁寂云何恤笑啞喙鳴喙合此義漆園知

鶴釀頽然醉忘形飲量非舊遊江水上綵樂曉雲飛節

序新紅葉山光照雪輝頽心從委運陽雁入天微

曉望

殘月出樹鴉亂鳴寒鷄哢啞啼不停鴻雁低飛喚儂侶

離離曳曳山南征開門仰天風露清晴鳩乾鵲呼林垌

山城不聞人語聲人事簡淡人氣寧衙鼓降盡日東出
對面一峰飛嵐青

奉和王幼海太守麗江雜詠

千山奔驟悍難降亞畫雙分萬仞江狹怒賓番交洞窟
種裘牧獵雜耕穰窮夷薄賦蒙天鑑久道繁滋等內邦
郡壤沙漠多山雍正年間改設流官蒙恩旨賦役從輕曾說壽星頻此降難將僻
陋鄙敦龐明嘉靖間壽星兩降民
問出青麥熟地跨鶴去

九月寒風落水聲青天飛挂玉龍明雪威春夏雲煙蔽
歲事未牟秀實成仁憫活天真大巧中邊異氣盡蕃生
篤時虫豸冰難語證道莊生妙得情

點蒼山人詩鈔卷七

三

河山大地總勞塵掩抑重重鬱漸伸若水灣環循若木
江源離合滙江津桑經遠討旌牛微番國今馴花馬人
眼界放開天尺五閩風蝶馬坦無駘

倚檻平疇綠萬家龍湫葑翠染晴霞雲煙過雨鮮紅葉
峭蒨凝霜茁冷花俺跋盧香濃藜篆雪山河水沁煎茶
寥天雁字回環出奇絕一峰珊碧斜

雌聲聒集趁墟鹽酪醃醃雜水蟲野路插香遊女禱
環壇啜酒主人先白狼有樂朝東漢旄尾遺風舞葛天
百載承平聲教樂青林白水繡神川

千千世界一婆娑此地終嫌雜爾多佛旨已昭東震旦

番僧猶踵舊婆羅阿明毛索行占卜賞扁刀巴事鬼魔
阿明番僧別派結索以下云不識空王空法意竺乾流
緣佛結巾遺法刀巴僧巫也轉更傳說

結習悠悠縛爾絲較情風雅味差池離披自享千金帚
寂闕新增五俗詩地古邪龍荒誕意爪深鴻雁雪泥時
使君高唱鳳池調截竹低迷野老吹

懷古

迢遙師旅漢唐年竺國蕃邦萬里巔負險常羌遮節使
瘁心李相駐籌邊宋家玉斧疆淪陷太弟革囊軍下天
麗江北宋時為醋醋蠻所據元世祖首以此平大理冥運壅通人事應難將得失

點蒼山人詩鈔卷七

三

判釐然

雄兒不枉異牟尋章帥功名振遠音笮道萬靈殘獸吻
鐵橋一戰快人心空江鼓角波濤壯廢壘雲風草木深
往事艱辛爭險處寧知坦蕩似而今

角獸仁言現石門西天天意異常敦福城童子南詢切
鷄足飲光衣授尊阿育有孫來白飯麥宗遺字悚諸番
由來佛界分華樸平等真慈是道根

草昧徐徐到曉冷悠悠天地直酋冥雪山示象新峰現
關路占兵石鼓靈沿革難憑繙繹究險夷不盡古今經
輪迴却異佛離出秘默無由叩寧聲

龍泉巷懷馬子雲

平沙徧積麥青青無畦畛曲折玉河水坦步臨東源稠
林互崖趾臺殿迴波漾澤沸爛錦石涵蓄滋津津清音
漱鳴玉倚徙瑩心神故人事方外樓居結僧鄰遠遊近
已歸近出復何因人專重婚宦何乃如浼塵我有一樽
酒念欲致殷勤躊躇憶子歸恍惚難可詢格格水禽飛
天寒林影曠

東河龍池觀魚

蕩蕩西源池涵浸雪山麓泡突上青鱗洞窟互起伏遊
人擲餌香攢簇銳騰踔石白水空明日景宵泄涿鱗鬣

點蒼山人詩鈔卷七

畫

見織毫巨細凌翠駁得食坦無驚蹙然喜人足性醴報
龍宮漢茲杭稻熟人龍兩相資魚亦沾蔭沃茫茫天宇
恢靈奇踟荒服龍兮不余覲是中可研摧

解脫林

常日欲上雪山遊雪山路絕難攀尋王子招遊說勝概
十三峰首一搆解脫林木君先世龍象力垂創唐宋元
明今紅衣喇嘛僧祇律漢番龍藏古泥金厥林地氣不
嚴冷厥卉波利質優曇木仲同導遊勝跡處處諳平沙
十里沿西崖升陵溯谷雲滂滄雪峰出沒在人頂羣峭
疊嶂花村銜漸高漸展勢迴側歧峰角立撐天尖山天

蔽虧兩無竟若木欲燄燄西崦問言石門路石門右出

江之濤十二欄干波連棧天橋飛挂接兩崑郡疆西盡
閭浮拓七十二嶺標瑤籤靈奇恍惚富佛蹟龍父迦樓
請天兼人生嗜奇哆遠覽有似萬卷中一燈佛說世界
海驚心向若難窺規旋身東北望羌蜀番橫賓錯表延
斷隔江深深雪山過江陡一岑抱江三面抽東南南巖
萬仍落雪盡松參松間臺殿深潭潭雪光金碧濃莊
嚴幢幡圓幔飄影影石蓮皴翠千巖龕帝釋法樂聲宏
含最奇諸佛尊者像西天舊摹神册册紅衣五百眾分
燈簇伽藍呼圖克圖今十齡終日默坐誰能堪此生有

點蒼山人詩鈔卷七

畫

情竟何措入世出世疇酸鹹殷勤問佛于含笑不肯談
看山飲酒且一醉下視城市紛煙嵐不見元家世祖開
旗始葆祠雪石威靈何炎炎鬼神盛衰有連會雪山一
白無凋劓風晴日暖山靈喜訝我茲遊良不凡番僧漢
語索題詠語言文字習氣沾苦云雲邁大夫雪山唱和
後林泉寂寞誰見探我行遍天下觸處成染賦詩成一
笑賦之賦王碧泉木友琴與馬治具何慙心我友諸顧
况我徒從王恬此是崑都命陽江源萬里最高處人間
幾能得此玉虛霞景覽絕之登臨日之月之嘉慶己卯
子月半題壁點蒼山人琛

月下

渾在層霄裏亭臺夜色融煙紆平野澗月白四山空巢
影酣眠鳥禪心蟄候虫參他人境偈倒蔗啖衰翁

賦得四更山吐月

炯炯照幽夢紙窗明夜深月朧如瞻客側仄與沿尋天
地無終極盈虧遞古今偶然杜陵老異境落孤吟

夜坐

松風吹斷續搖蕩吼蒲牢熠熠星辰大隆隆地軫高晴
山分遠雪漏海隱奔濤沔影含遮異聲聞等是勞

與馬子雲願惺齋野寺看梅

點蒼山人詩鈔

卷七

壹

大雪山前老野梅泉聲澌澌花亂開溪亭客醉不知晚
花底摩挲月上來

郡學署有四家村之目戲呈孫芥菴廣文

衙牌高揭四家村一樹梅花靜掩門四十年前同上舍
功名猶記伯鸞論

澠鬚

奚牧姜漁嘆老無詩人祇是撚吟鬚白來也爲頻頻染
可惜蹉跎舊壯夫

點蒼山人詩鈔卷八

太和沙 琛獻如著

人日漫興

燦燦頻伽簇杏花沈煙雙縷度簾斜詩書老我情千古
寂寞懷人天一涯春雨應時清似露雪山歛霧爛生霞
根深寧極山林分江汲洿通不損加

曉霽

曉氣清如水春聲鳥自慙林恬中夜籟雪閃四山雲長
景增平旦澄懷寂見聞俱爐攤古卷適我性情欣

新柳

點蒼山人詩鈔卷八

一雪一番晴楊絲裊裊輕光風吹宛轉春意漸分明作
客動經歲攀條良此情芳菲豔桃李祇是惹愁縈

白沙

牛羊散原野市肆雜浮圖雪水壅沙麥茶粃膩塞酥界
通天界白山到雪山無却異春光好梅花擁路隅

雪山神廟

南詔僞稱北嶽元封北嶽
雪石之神石今存神座下

風馬雲旗影卻敵靖紛拏靈光留片石古木噪昏鴉閱
世沈蝸角崇禋竦翠華可憐屬荒遠遺廟墮齋斜

玉峰寺遇雪

林影翻雲浪風鈴發海濤寧知今夜雪不謬雪山遊天

女維摩室修龍若木洲凜然奇絕處兀坐倚危樓

曉霽遊玉湖

湖在第二峰麓浸漬雪水湖外皆沙
不冰雀雪鼠諸動植纖微乘曉日照雪悉現湖
影中如咫尺也遠時即風動湖波玉鏡閃灼矣

飛雪曉猶落玉湖俄已晴峰雲揭吞吐天鏡落晶瑩空
積人煙絕楚音雁隊驚忍寒頻照影失笑此何情

元夕黃山寺訪妙明上人

孤岑突平野覽盡雪千峰龐老西江水當機個裏逢何
時師返錫一笑我行踪相對不知晚冰輪上碧峰

大西寺看桃花

舊樹新條事等閒春風惱亂禱紅間疑情打破靈雲偈

點蒼山人詩鈔卷八

一片桃花映雪山

共江厓

宛轉溪流漲綠波沙禽山鳥啁聲和畸田高下山為畝
剝木縱橫水過河桃李雜花村巷僻羶裘趁集酒墟多
一般春色夷情樂時聽嚶嚶隔崖歌

輿疾自遣

風氣驟能欺老骨山靈不解庇吟人蒙頭障面雲旋轉
撼石掀林水下津

慰我今宵病欲忘鉅仙相送重徬徨老頑未分匆匆死

臨水登山別意長

予泥別
馬子雲

狐裘積絮幾曾温瓜喇山下古寒門紅爐好與戰冰炭
勝負明朝帶孔捫

季梁歌病不須診龍叔空衷選擬痊一汗始知身屬我
百年真與幻爲緣

兀兀驅程睡夢間故人咫尺介湖灣香雲澹地梨花路
開過彌苴那岸山

杜陵有藥夜闌句符仲攜圖輟口庄何似大山排大水
豁然龍首是家鄉

雜感九首

昨日南海嶠今日若水江峰巒遞變幻落落皆雲幢倚

點蒼山人詩鈔卷八

三

徙入桂林翺翔玉山宮讀書忽有憶淵明此寄崢山海

詠披圖何似我行踪神仙不可學學之以神遊

雨餘月晶晶天漢淨如玳天豈洗滌須塵昏進退耳大

風揚沙埃噫氣自起止道人遠城市制外頗得理所希

見本性性分無渣滓

食蕨不爲肥愛是古人餘豈惟古人餘甘香亦自殊春

雨萬物母於茲特敷腴珍食恥素餐草茹無虛拘濛濛

山上雲爲我深涵濡

采采阿揭陀山深雨雪重玉葉茁春雲礪礪金根紅首

疾云可療歷試標奇功我欲竟此藥濟彼蔓柱窮僻遠

罕人識無由資遠通洗擷深澗泉浥浥色香濃

明月照海水海水揚其波海波不貯月潏潏拋金梭美
人側明月層城碧嵯峨舉杯月窈窕舞影月婆娑相思

共明月迢迢奈遠何

成連東入海老子西渡沙寂寞何所樂閱世厭紛拏點
蒼在人寰洱水深周遮上有千里雲下有五色花燄燄

足青霞霞仙以爲家

遊宦罹憂患餘患去猶纏閱歷見了義風花成妄緣粗
糲與珍烹一飽知何賢楚楚耀華衣榮辱非一端達士

小萬物泮浪塞深源死生爲一條鬼伯亦無權有無爲

點蒼山人詩鈔卷八

四

一貫功分歸自然瑣瑣楊朱子涕泣素絲間

故人入我夢瞻車拂泉蘭握手快言笑叱彼笳吹喧探

懷示藥枝苦云功用難白鬚亦已黑託我高霜顛

素不解憂貧貧乃適至斯運會屬有變匹夫云何辭獨

鼈徐無鬼得意適在茲茲意亦何常苑枯各有宜時節

嘆空罍慰我奇字卮

紅杏山房近詩屬和徐州守王子卿爲東坡穎濱

兩先生黃樓中作生日詩原詩惜未得見感且

和之

觀生別我廿餘載升沈人事各不侔遺我墨山寫江曉

有時挂實生我愁已聞出守憶往概盛事又見今黃樓

黃樓往蹟六百載生日更爲東坡酬生日置酒赤壁遊

李委一笛江悠悠儋州拄杖壽子由慰情雷海消幽憂那

知此日彭城守神絃歌管羅珍饈穎濱百日爲坡留兄

弟像設甜杯籌長篇短詠鐫琳球當年賓客盡豪士今

人古人相似不可惜山鄉七千里無從徧讀澄雙眸人

生聚散波浮漚人今人古心相勾芷灣太守坡也儔連

篇示我新詩鏤海深舟大風颶颶篇中一和王子獻酒

落直到坡心頭我亦爲坡浮一甌老坡一生罹譖毀生

日正坐磨蝎讐焚玉不灰精氣道我言福命公奇優大

點蒼山人詩鈔 卷八

五

道四素樂以周仙元佛奧通幽幽文章燄燄光九州隻

詞瑣事爭傳流下度有情無時休君不見嶺海最奇詩

入卷不緣竄謫也無由

晚步有懷高立方同年

合杳槐影重細草綠如爛洒洒雪花黃涼風脫然至偃

仰山水涯清和順時麗及物良有懷一出拙機事強欲

逐人熱無乃類襤襪思我同心人子子鶴州滋

雨夜

萬蕊千花宴玉清是仙是幻不分明綿綿曉夢追迤裏

聽徹閒堦夜雨聲

樓上

放倒車輪自舞佞免將白日費蹉跎蒼茫山海無今古

跌蕩雲煙擁嘯歌牯餌錮魚千里計華冠置飯五升多

未明心地炎蒸酷颯颯浮涼一雨過

晚涼

嗒焉坐忘入無涯六月清涼透碧紗志業無當風鯁食

夢情猶眩醫生花昌黎駑驥歌徒激曼倩龍蛇道並嘉

材不材中謀一似林泉煙月最清華

月下示生徒

桂影篩明月玲瓏葉露明庭階嘉樹植穠郁古人情籌

點蒼山人詩鈔 卷八

六

火連分舍儲書擁百城白頭人患屬那不共硜硜

感遠近計者

遊魚忘水躍沈波道到忘情屬至和皋壤不停哀樂繼

白頭更覺死生多古今神理歸芒芴鍾釜氓蟲費接抄

人哭人歌吾亦爾畏途取戒是無何

大雨獨飲

捲海風濤瀉九垓百川氣勢濟法法墨雲亂擁之而掛

林籟高張廣樂聞臧紇解嘲初穩飲淵明獨坐又連醺

豪情猶愛樊川杜槌鼓奔觥召客慙

趙次芝索余舊寫巖舟圖小照索題一首與之

曩昔爲此圖諒言我似渠渠今不似我穠穠白髭須我
舟不了屢叩否復叩須我圖屬有懷空言無補直棄置
竟何惜做簾塵埃俱有時一披拂醜怪何肝肝厥壯不
如人莽莽真狂夫吾子異嗜好瓦礫珍珊瑚乞言且鑄
島勢將僊以祛莊子與在我棄取無乃殊且幸渠今我
飄花值茵瑜前詩大坦率蓋蓋追奔踣聊復識梗概失
笑論痴符

書孟襄陽傳

一杯故人酒不願採訪期不才明主棄誦詩須此詩羨
漁良有情豈不失機宜冷暖自天性時運誰與司幣聘

點蒼山人詩鈔卷八

七

屬古則扣角歌已悲功名利奔競唐風嗟何衰踽踽孟

亭人直道無回蹊

七夕

牛郎悽切貫天錢天上人間一可憐一歲機裏歡一夕

忙他烏鵲萬千填

竊藥嫦娥獨舉觴寄情歌曲慰淒涼良宵正是如圭月

作底霓裳舞袖長

銀漢風恬靜碧漪悲歡歷歷夢回時長春雙婢塵情累

猶爲天孫惱合離

久雨憶月效李長吉

花邊一壺酒懷迷黃昏雨不得舉杯入邀月共影舞銀
燭淚幽夜漂騷紅桂香兩脚挂波簾淫雲貼天長月姊
在雲背白道滯秋暎未持照寸心風颯下林嶺

永平少府史淡初于趙次芝處題余熾舟圖示稿

奉答

自渡何如還渡人名言錫我味津津倉涼野水須叩否
縹緲虛船托意真薄宦君猶存正學衰年儂已悟迷因

慙他孟浩觀魚句多寫湖邊一小輪

楊蔗園趙紫笈張西園並過看桂花

粟粟桂花滿秋深新霽間海平三島樹雲褪一樓山逾

點蒼山人詩鈔卷八

八

月良朋潤長談百感刪芳情宜楚醕杯影落斑斕

望南山寄懷景園同年

秋色敞南山山南蒼翠間懷君各寂莫久雨信音慳吾
道無枯苑天遊屬宴閒一杯思遠共爲我畫屏顏

奉和張蘿山司馬洱海樓詩寄懷壺山觀察

訪舊情深舊院遊新傳好句洱河秋馳驅勞宦得山水

今古前塵判去留滌翠接天開鏡匣晴暉搖影上波樓

此情好爲難兄寄一片涼風到古州

晚菊

晚菊恒佳色昌黎感少年我今亦衰老能飲且猶然望

古情何及悲秋等白憐一杯聊與醉花下小遊仙

短檠

長宵宜短檠光耀待清恬菊影雲千疊雨聲秋一簾古
人池雁香青史蠹魚賦富貴與閒適由來不可兼

望郡學占銀杏樹

磔磔烏巢露遠枝漫空蝴蝶趁風吹秋深大木出天矯
天半黃雲森陸離孤獨園金鋪燦燦塗山禹樹鬱垂垂

俗呼馬非關村大難爲用得得年深始見奇

小春夜

水竹霜松花共清小春真個屬花名三分紅白一分紫

點蒼山人詩鈔卷八

九

十月海棠二月櫻鶴拓行雲滂峭蒨點蒼冰雪蘸晶瑩

菊蕊蘭蕖芙蓉蕊豔我園林間淡情

哀楊大令固堂

楚鄉盼到舊雲霓鬼像官符兩克期忍渴盜泉真賜死
苦心家累共饑驅微名枉棄漁樵樂經術須憑福命施
人益受難天損易絀冥福復夏心悲

大雪

鄉諺占雲海蓋屯是風是雪漸煙昏霏微纔似塵吹息

竹裏翠鬆白一痕泪上雲屯名海蓋
非雪則大風矣

崢嶸梅萼暖遲開瓷斗茸茸點翠苔磔磔苔岑初半尺

溟濛天地大恢恢

牆角芭蕉素點明清機一片凍晶瑩琤琮不住琉璃卸
畫裏奇情不到聲

頻年山雪不來城痲癘秋災劇可驚今夜霏霏應數尺
凝神姑射意分明

月下漫興

山雪溪雲夜不分雪泥爪印落鴻羣天空不厭雲行月
人事無聊泥憶雲守黑老聃過自計出迷阿難拙多聞
了然心境俱無住却笑詩成作麼云

晚步

點蒼山人詩鈔卷八

十

海月照雪不辨雪中隔一城蒼林煙山雪照海碎海月

萬千白毫光相圓我家門前東流水穿林巨月明濺濺

萬五波稜浩星漢踏踏雪影梅花繁塵埃百雜了無著

獨與靜者情周旋道人三和泥空水賸義隱約難究宣

自有此月有此山山雪常在有無間適然會合值我閒

郊吟島評不凄寒因天之遊無有邊闊浮一鏡初中天

看梅花遂至青石橋王徙巷書館不值

梅花樹樹趁晴暗迢遞東園更北園繞郭雲岑塵氣杪

先春草色水邊痕園人錯愕客迂徑童子指纜師出門

我並看花來看友真寓城如寓村營煩不到讀書處

林深花密轉城根
聲嘶蚓竅茶鑪火
日午峰潮石荔垣
歸路更尋楊子宅

水仙

猶狡天公孕玉團
幽香弱骨鬪嚴寒
仙人夢影弄雲水
落月曉煙留姍姍

照水梅俗傳三丰真人所爲滇梅遂有此種

移燈梅樹下
梅影高浮空
的的梅花心
爲我披欵通映
水花面仰舉
杯花露融
花開劇狡猶
云自遺道翁
仙人苦無事
一窩化物功
仙來不我見
見仙梅花踪
問訊梅

點蒼山人詩鈔

卷八

十一

花踪遙遙今古重

會飲三慧寺避風宿楊卓巷書樓

期期一會費
招邀暮地風
號萬葉飄短
策拄來雲駮
駮良談響壓
樹調刁海波
蕩瀟浮天閃
崖壘離奇帶
雪消惜取歡
遊殘序裏拌
將鯨飲敵寒
宵

落梅花寄楊濟宇

幾度看花尋舊友
梅花拂面飄紛紛
歸路又逐飛花去
東寺梅花纔珠攢
梅花春遲苔斑斑
老僧趨客步蹒跚
一生啞羊亦衰殘
喃喃却話今昔事
手種此梅今輪囷
門前左右南東圍
年年梅花到桃李
遊人酒讌歌絃喧

卽今寂寞非偶然
錢場改廢園改觀
人家池館消雲煙
僧祇淡薄云何歎
從來世局例如此
我輩看花此不干
一觴一詠惜風景
算人不值心拳拳
豐年殘臘人事煩
人自鹿鹿花自閒
最好飛花蕩滄間
我與梅花情周旋

庚辰除夕

風雲物色釀春先
樺燭薪盆萬井煙
二十五年年盡夜
辛三更夜夜元年
悲歡并入微吟裏
草莽低回萬里天
復旦光華垂老見
殷心益稷仰時賢

人日

人日清無事情增
白髮人燒痕深貯
雪霰雨冷融春聞
點蒼山人詩鈔

卷八

十二

獨遊

見古歡遠恬虛斗
室踈高山良駟策
少壯已前塵運
宵足風雨春色滿
遙岑獨與去人遠
友聲懸鳥吟竹煙
隨水漫林日透花
深萬象供吾暇
豔陽舒驟駮

漫成

不定陰晴曉霧霏
敷曾蕙服不稍遠
梅花滿地魂銷別
竹葉如鍼雨應機
眼食自諳齋蠶蠶
夢醒猶戀蝶飛飛
蘭成淒豔擒春賦
極意歡遊也不非
遮眼經書托意微
白頭兩鬢當朝暉
取半尺榘聊自誑
畢羅萬物究非歸
竄生荒遠我綬我
踐道汚隆機入機

得失茫茫臧獲異空鈎意釣上漁磯

看花連月未心違穰李天桃爛夕霏猛士難翻日車轉
白頭欲破鐵山圍蝸牛蠻觸人歌哭氓隄蟪蛄地廣稀
調世尹文思強聒不嫌弟子共師饑

枯寂無聊句自揮公家風月餉王微祛衣難墮天花落
攬鏡纔知舊影非雲裏好山紛瑤珞春深洲渚變煙霏
迴風隱地神仙術妙用原來是息機

題王樂山萬里還山圖

深山一念起蒼生風雨塗泥曉夜情一令賸銷情幾許
家山風月夢分明

點蒼山人詩鈔卷八

三

長亭煙柳渡頭船千古英雄此著鞭寫向歸人圖畫裏
成虧知落阿誰邊

名山河處不青青天地遠廬水在瓶亮眼一編新說緯
河汾弟子播傳經

多年逐客等冥鴻僕僕猶懷聒世風今日兩頭權出處
輸君安意作山翁

聞永北軍營信

人海重重關邊隔更有邊笳西諸虜部應痛沒蕃年耕
鑿安王化昆虫適遠天何來肆蠻觸膠擾赤蝸涎軍門
馳介馬廉使赴籌師示弱猶能狡持堅亦有詞山深巢

穴幻種雜莠良疑撫勦多頭緒還須理亂絲

此禍黔中劇苗夷苦漢氓田場盤剝盡性命賄拌輕曲
突誰相戒頑山鬱不平東鄰蛤水上軼出已堪驚

永北交寧遠袤延十日程棚民黔蜀楚萬眾火山耕焚
殪同時罹奔逃疊嶺橫可憐橫目類蛇豕太無情

世界山為累包藏厚毒氛漢姦狼狽合苗獮歷墟分火
礮移長技江防倚制軍春耕猶未擾撲滅停音聞

夜坐

寂間跣趺愜坐馳青鐙搖影動花枝百年人事成衰老
靜夜鐘聲聽即離雲勢輪囷風響掣星芒烜燁月生遲

點蒼山人詩鈔卷八

古

慰情春霽連旬日遠近軍營赴集師

立夏日

夢情等似落花緣高樹禽聲遠近邊往事過雲心不住
殘編白首信彌堅青春半得微吟裏美睡甘回欲曙天

節日課梨人望雨一簾濃綠露芊芊

夜風

無憑花信攬花天廿四番過更放顛篩影亂雲忙走月
撼林急雨散飛煙等知萬竅誰為籟了當聲塵屬妄緣
却憶成連東島上濤山砒泮海無邊

燕雉

閒庭清書思無何檢點黃梅標漸多雛燕試飛風雨怯
解紛一陣搶簾波

杜鵑

過眼豪華總幻塵莫須杜宇恨前因聲聲悽婉啼紅血
豔染花枝別自春

布穀

布穀催耕語字圓山田含雨樹含煙江南豔說鱗魚鳥
占斷清和買醉天

月上

炎蒸兀兀坐低迷海上濃雲壓岸齊雲墜月升遲刻漏

點蒼山人詩鈔

卷八

五

水明木瑟碾玻璃吹燈窻影上松桂適意人間懷阮嵇
欲辨忘言言亦滓小鮮原不費筌蹄

倚樓

尋壑經邱漸欲慵樓頭一片翠丰茸雲煙澹迤青山趾
天地氤氳細雨中睡蹟自便同見隔冥心頓覺古今同
莫須幻視人間世散木初知大用工

中夜起步

鬱熱不成寐踉蹌行中庭缺月上屋角冥濛煙霧輕浩
露溼蕉葉弱竹含風清微涼意自得起念亦已平齋眾
日焚和火月殊所膺默默自淒緊寂寞云何憎

聽雨

萬葉淙淙合燈殘夜不分雨音濃入睡夢影誕於雲濟
早傳崖遠助歌桑戶聞了然忘醒醉天籟自泆泆

樓月

海氣凝虛白山嵐重積巖俄延圓月上層疊曩葱低沈
影浮宗壁同懷情謝梯木犀聞也未消息不吾睽

曉山

日色上峰頂翠駁皴鱗互城郭旦景遲樓邊動煙樹

紀夢

雲頰波激撼龍窠吐吐浮沈噴碧曉大海鱗鬚千萬狀

點蒼山人詩鈔

卷八

六

了無靈蠢浪淘中

病中

臥疾聽淫雨雨聲何濺濺雲氣昏夜燭銀溜涕朝簷等
是行路難伏枕亦何嫌天地於老物寒燠爲苛嚴生熟
老而病數一至二三戰病恃藥餌羸師何由戡我有外
身術百惡爲避潛儲此三年艾小試隨所拈家人詫吟
呻俯被疑我譖脫然自起坐雨意方沈酣茫茫人間世
未來誰能諳

臥起

老至無輿力行動屢步趨頗覺黔婁子累茲碩膚軀臥

疾二十日形神苦拘拘起來自恍惚輕便得舒徐披衣
領扣寬理帶綽有餘急急自攬鏡庶幾儒仙癯扶杖入
山水飄我雲霞裙蒼蒼逸我老亦以適我娛言尋紫笈
翁同病亦同瘡丹鼎竟何得不如任運俱

夜起

溪泉激清響霜露炯寒菲月午山煙白流螢泥竹飛

書樓夜眺

樹杪星宿低山頭雪影深夜色敞高樓寥天宵沈沈搖
搖漁火出熠熠波浪侵風霜夜不息謀生江海潯生徒
坐讀書然膏恣討尋勞逸洵所異志業各自任聖往理

聖往理

卷八

則存致用無古今此日足可惜饜茲讀書心來日足可
借此心將何詣已來未來問吾與更沈吟

同趙紫笈楊永叔遊鳳岡寺宿董紹西書樓張槐

堂楊雨蒼兩生招趙次芝諸友來會泛兩湖復

飲海亭上

淺草平沙信短節出城秋色倍歡悰千山層翠濃於染

一點金沙大雪峰

和會寺前煙雨過神仙石硯青盤陀可誠此地憑書券

不道降魔是誑魔變古通載大士降魔
事寺側石硯宛然

白頭三叟狎村觴傾倒兩生賓從忙微雨過林雲過海

溶溶夜色炯湖光

極浦樓臺蕩影懸漫空秋柳斂晴煙重傾雪鏡湖心酒
畫艇風光是隔年

層層黃葉錦流蘇點點萍花漾碧瑜惜取清光秋更好
人平此致功夫

雞足點蒼中百里展將天海碧油油峭帆明滅斜陽裏
渺渺雲煙泊遠愁

每來亭上諷閻邱唐跡空餘古句留日暮梵鍾清響徹
迴船猶自愛芳洲

出北郭迂路西橋

點蒼山人詩集

卷八

際唳長空雁轉行連山新雪駐晴光碧溪幽草藉霜色
黃葉遠村留夕陽看客每成遲答報出城饒是且徜徉
應知老態多如此適意南華帶履忘

城東園林看小春花

林外屏山雪影篩小春花色消胭脂化工巧畫移人入
落葉橋頭小竝時

偶興

放脚荒江雪霽新曠然清醉見天真東坡書帖深懷舊
却把天遊領會人

得公車揚丹亭書并示在京諸友佳意

鐵圍重重山盤紆學道無成守株讀書壯志今畫餅
蕭蕭白髮猶相漁九靈復旦新命初九牧薦士通汚瀆
鴻毛順風好運會懸鉞不獵寧云無去日已去浮雲徂
攢眉舊軌是鹽車感深萬里同心友難報迴腸曲折書

題馬蘭癡少尹拜梅圖

前年過君昆海涓我出遠遊君棲遲龍潭花下一杯酒
後先值君拜梅時前年我遊大雪山看徧梅花冰雪間
我昨歸南君北去匆匆一夕無盤桓紫城風月點蒼煙
老圃梅花相對開大雪峰尖照洱水思君政治邊城美
江淮萬里故交稀喜君近在金沙沚書來示我拜梅圖

題卷山人詩鈔卷八

元

圖中一一清堪指黑龍潭水山盤紆古觀重臺花兩株
山靈水聖千年扶紅玉鱗鱗蛟龍躩花奇格異梅中無
看花值堪人拜倒况君失職情踟躕別花一去難追慕
圖盡讀君詩詩情淒以慨詩前并寫畫圖由苴苴細密
游絲字七十三齡翁眼明精神矍鑠仙人慧仙尉風流
混跡深怪與梅花是真契世事浮雲變幻輕看花較是
眼分明宦情我亦思江皖何似花間遠此生相思敘語
聊題句抵共圖中一片情

大風中望夫雲極詭奇之致復系以長句

一風彌日吹林昏蕙竅怒號人眴眴匪風之眴雲之

此雲一縷探朝暉濛濛挾風以自神陸離光怪旋風
雌龍尋夫古所云號呼激浪排海門海門軒軒石龍喧
喧何軒奴軒海東亦有雲海西亦有雲茲雲一出諸雲
泯遐荒異氣蟠厚坤山澤洞達氣吐吞窮冬閉塞鬱以
噴如海六月颶母奔厥常厥異理則均點蒼之奇奇以
雲彌年無日不氤氳變幻變化何雌龍之因寒空寂寞
以續紛不厭開簾對一樽

銀場慨

踐地恃無蹶相忘踐博良可憐空僻地也變奪攘場青
山變銀坑曾不給繁齒探鑿禁嶺南唐律尙如此淺土

題卷山人詩鈔卷八

元

得鑽微大鑽入土深屢見鑽埋人奈茲得鑽心豔色洋
琴妓狐裘麗麥醪饑驅臚蟻子火迫土財豪然頭鑽穴
絳灼骨鑽爐煎欲火纏生死吹吹鴉片煙寶鑽耀暗紅
馴然起爭奪爭奪至殺掠身命亦忘却珍怪禍爾黎東
坡妙苦言矧茲滇厥銀遊三粵根源以銀爲衣食銀多
侈用促何由返農桑狹鄉耕亦足

歲暮感懷

草野惟憑化轉移塵埃社跡也非癡詩成日歷怕怕積
酒逐人情漸漸醜風葉半瀦流水徑雪山不斷起雲時
回頭却怨秋淫雨又苦山鄉一歲饑

溫磨爐火撥灰殘
蘸水芳梅映壁看
進暮增多兒女子
勃蹊難擬軸
適寬落花貴賤憑
風力靈簡精華泥
古歡壯志蹉跎今
白首儘他日月跳
雙丸

四素情知願外非
林泉雖好遯難肥
著書餘瀋古人盡
袖手窮鄉百具腓
島瘦郊寒攄句僻
鵬搏鳩控劃天飛
榮枯都付悠悠裏
往日交遊夢亦稀

偶檢詩人陸劍南
說閒說老說荒醜
重煩萬首無聊極
消遣殘年借此堪
使盡英雄當路絀
拈來風月自情諳
可憐猶帶不平氣
放浪蕭騷巧泳涵

元夕步月

點蒼山人詩鈔

卷八

三

雨過凝陰駁雲歸
澹澹輕人情趨此
夜月色放佳晴歲
儉張鐙絀山空映
雪明陽春曾不啻
風景自澄瑩

春暖

雨雨風風半未闌
開晴斜日漾雲丹
桃花弄影低簾角
草色含滋動雪巒
攤卷蠹驚殘粉落
打窓蜂出一聲歡
韶華最好蕭閒裏
惟有亡何遣意難

春陰

疏雨時有聲春陰
靜兀兀夜碧逗雲
影梨花浸微月了
知春已深不覺坐
悠忽輕曉壯盛年
衰老復何恤天臺
坐忘論吾以事休
逸

花樹

明月照春樹楚楚
花可憐花飛月下
弦濃綠暗晴煙風
露有涵濡坐久亦
淒然今夕一樽酒
昨夕酒一樽去日
不須惜惜此花樹
春

遣興

慈氏開平等情通
展聖和絲歧堪痛
哭人我一無何惡
竹矯新笋名花委
逝波酸風兼澁雨
春向此中過

獨斟

岑寂一壺酒新花
侑舉觴百年長此
醉不落嗣宗狂豆
角烹新翠椿芽毛
鬱香熊魚分別處
野老亦胥忘

點蒼山人詩鈔

卷八

三

久雨

子規啼罷鷓鴣啼
門外泥深草沒蹊
日日樓頭望煙雨
青山如夢著低迷

偶以山花深房者注飲遂至醉

冰肌焯約雪中春
花市山花選豔新
便摘花房斟露酒
却將獨醉學靈均

城野迫仰小熟雨勢已屆黃梅

時節諳梅兩人心
注麥秋都忙充腹
計並作補瘡謀山
界崎嶇萃林皋哀
樂稠澁釐珠粟願
及物一鍾優

後序

士大夫出而問世知有仁愛及民不知所謂榮辱也仁愛及之矣而措諸事業有不當君子不深譏焉仁愛之不及而求事業之偶合渺乎小矣事業之偶歧而求有當於詞章抑又小矣故詞章者古之君子偶一寓意而無足輕重者也昔者東坡氏未嘗不以詩名而不朽盛名始於黃州之既知此老胸中別有大事業在其蓄而未發者殆百倍於詩也世風日下得意即以為榮失意即以為辱而於民間疾苦如秦人視越人之肥瘠漠然無所動於中獨沾沾焉從事於詩者不過為弋取名譽

點蒼山人詩鈔 後序

一

計與古人所謂詩以理性情者左矣予外曾王父古榆沙獻如先生溫柔敦厚長者也前清乾嘉間作令於皖歷任懷甯建德霍邱等縣皆有仁愛及民嗣將去霍邱為後任以承審逆案不實舉發其罪例戍邊而一時懷甯建德霍邱士民咸具公呈代贖罪大吏以聞於朝遂得免凡以見甘棠遺愛黍雨留恩不是過也予自吾滇光復後從戎於榆其裔孫以公之詩集行述見贈受而讀之知公之惠及窮黎故能深入人心如此間以其餘發為詩章又能抒寫性情得古人風雅之旨因兵燹火其原板今特為重刊以廣流傳俾世之忝然民上僅以

詩人自命而不知仁愛及民者讀先生詩而有以自警也是為序歲在民國乙卯秋九月外曾孫王廷治謹識

點蒼山人詩鈔 後序

二

金堂何氏
詩集

戴溪孫澍校訂



孫樹校刊何竹有詩集序

世謂雕蟲篆刻壯夫不為然士不遇於昔於不為者而為之亦固其所獨異夫今之為之者輒自號名士嗟乎三代降諸葛君始名士耳詩文游於藝可謂技矣惡乎名道光初年詩人何竹有自懷州來主講岷陽精舍邑侯陳二梅暨家兄瘦石輔予日會文讌九月竹有先之富順澍計偕北上是冬二梅量移衛藏拉里西北相去萬餘里越二年二梅歿塞上詩稿散失竹有肯權瀘州學博既代周肖濂觀察以詩招攜家入幕乙亥春澍居鷺溪邨舍客有傳竹有作古人者為之大戚四月成都楊立之明府自滇回蜀為言道瀘晤竹有固無恙為之

竹有詩集序

古棠書屋

狂喜蓋予自度夏都門與竹有二梅死生契闊五年於茲矣秋七月竹有竟亡仲冬肖濂先生歸其喪適予弟兄視息倚廬走人甲且索其遺集又明年同榜生楊綸山始寄竹有詩彙屬定瘦石毀睛重以肺疾病不能興澍受而讀之擇其尤雅者四卷付梓竹有名家子旅食名場與人作嫁冷官暫借轉徙當塗惟詩具清才言情處一唱三歎綽有餘音第襟幅差狹耳要其遇使之與然曩羣居嘗見其狷介自守取與不妄雖無足當名世然可謂士矣竊念十年來文字之交如二梅者並求其詩而不可得士生斯世役二百年內繫心利祿縈情妻子達不能有為窮不早力學聞道則其所為又出雕蟲

篆刻下矣如竹有者亦何可厚非哉

竹有詩集序

古棠書屋

孫錕書後長句一首

十年前讀竹有詩風流儒雅興人思十年後識竹有面
歷落嶽崎逐肯彥壯夫生不飛食寔闕干雕蟲點首菖
廣文官冷客無氈一卷梅花詩細嚼岷陽講舍迭賓主
山公起歌陳二棟大令山長舞為歡未厭憂已生雅調當場
聲變羽陽關三疊城西路物換星移人亦故巴山夜雨
屋樑空蠻荒恨寄冰天樹竹有先之富順二棟此君巍
然詩格好荆州愛本身未老正煩衙官屈宋屈不以瘦
寒律郊島竹有岩廣文周薄劣豈知生前定温飽可
圖命忽盡虛有狂名遍十州惜少通才繼八詠吟魂丹
旒返三峽清溪夢冷蛟龍匣身後飄零故紙心人前鄭

竹有詩集 題詞

古棠書屋

重名山業文人相輕俗人賤樽俎名場風景幻落葉叢
殘事較仇逝者如斯行自歎浮花浪藥滿風塵勝會當
年跡已陳遺篇不入珊瑚網更憶山陽笛裏人二棟大令初刻
湖海交遊館詩集不盡可傳逮至西
藏五字大進惜沒塞上遺稿散失矣

何竹有詩集總目

卷一

古今體詩六十三首

卷二

古今體詩七十五首

共古今體詩一百三十八首

竹有詩集 總目

古棠書屋

何竹有詩集卷第一

寄唐雲芝兼懷同遊諸子

苜蓿滿城秋二風不掃愁此心如落木何處是縣州之
子殊難見斜陽一倚樓應還思錦里詩酒舊同遊

同馮稷山張漁璜城南蹋青有作

又向城南問畫橈繞城溪水路迢二暮春天氣和如許
小雨人來醉欲消芳草綠迷前度路桃花紅上半江湖
招邀况有高吟侶擬挂詩瓢更酒瓢

寄懷雲楓大兄卽和雲濤舍弟韻

久客他鄉似故鄉嫁衣作得爲誰忙澆愁濁酒三浮白
憶別霜花兩次黃舊業飄零雲外雁生涯冷落社前薑

竹有詩集卷一

古棠書屋

此行莫漫愁貧絕贏得新詩已滿囊

寄馮稷山

無端滯跡古梁州回首生涯迴自愁長歎牛衣空對泣
生憐猿臂不封侯放懷天地頻搔首感舊斜陽獨倚樓
莫問近來無恙否十年前已做貂裘

送宋西橋回成都

涼風吹落木客子正悲秋攜手一爲別寸心千里愁與
君同邂逅慙我尚淹留旅次孤燈寂應還念舊遊

涿州道上

極目愁無限倉皇意轉驚黃雲昏野色白日澹孤城燕
趙况艱食巴渝方苦兵壯懷真慷慨惆悵是書生

送唐鹿巖回蜀

攜酒送君行未飲心先醉相對慘無言俱化相思淚浮
雲澹不開落日山含翠見君尚憶君別君那能寐別君
良不堪思君忽如棄我有一尺書殷勤望君寄更有衷
腸言屬君二須記小人有老母晨昏不能侍君歸定問
君平安只兩字莫言遊子悲恐傷慈母意珍重歸去來
風塵盡憔悴

鐵門

山勢連綿鎖西來此一門怪藤穿石徑老樹插雲根路
僅單車入天餘一線痕平生好奇險辛苦不須論

同人小集西臺得經字

細草蒙茸綠映庭招邀載酒此曾經砌頽螭虎沿階溜
篆涇蝸牛逼雨腥千里登臨雙倦眼百年風雨一孤亭
相逢莫更重回首只有遙山不了青

雨霽重至西五臺分韻得岸字

百年能幾何夜強居其半相見那能常有聚還復散聚
散亦偶然良時那可玩天晴多好風飄二落雲漢今我
胡不遊坐使流光竄攜酒邀同心徒步偕童冠高臺咫
尺間去二煩休憚老僧頗相識問訊齒微粲昨來柳絮
飛今見榴花爛相去能幾時景物忽已換人事有變遷
對此中懷亂慷慨發長歌二竟再三歎四坐寂無言愁
海渺無岸攝衣且登臺雲連山自斷

竹有詩集卷一

二

古棠書屋

澗曰學東坡

題師芭塘邗江舊遊圖

回首江南迴自愁十年風雨一孤舟
偶披圖畫思前事細數溪山感舊遊
白社月明空有夢丹楓江冷不勝秋
梅花消息如相訊何遜經年此逗遛

題莊伯鴻元池訪古圖

逕迴千嶂合峰讓一亭孤幽客獨往
意白雲時與俱纖塵都謝絕古迹半
模糊我亦有奇癖長吟對此圖

九日同人登高

金風昨夜激微霜曉醉千林葉漸黃
萬戶砧聲催九月一天寒氣逼重陽
題糕何事嫌才盡落帽應難笑客狂

竹有詩集卷一

三

古棠書屋

酒興詩情都不減祇今端為菊花償

百年風雨此高臺倦客憑臨眼乍開
鴻爪不隨衰草印鴉聲偏帶夕陽來
感懷况值秋千里弔古空餘土一杯
作賦臨風還擱筆諸公都是出羣才

入春偶作

白入春來一事無詩腸寂寞酒腸枯
閉門正擬攤書坐剝啄欣聞折簡呼
乘興未妨過遠市典衣聊可供行廚
風光如此直須醉二倒何人識酒徒

卽席有贈

相逢花欲語痛飲醉何妨我自憐
花落人曠是酒狂數聲河滿子一曲
柳枝娘莫怪悲歌易應知感慨長

題沈爛存磨劍圖

學書不成去學劍鬚眉如戟目如電
十年霜刃不曾磨出匣秋光驚匹練
石鑿二波濤二劍光水光融一片攝
衣跣足向中流水底應使蛟龍愁紛
二世上恩仇多欲磨未磨先摩抄荆
軻不作聶政死劍兮不利當奈何提
劍起行且止遊大梁入燕市昔日朱
門今荆杞負恩不報人盡死殺人如
麻頃刻耳歸來一劍仰天高泰山一
擲輕鴻毛安得挽落銀河磨此劍二
鋒不折無牢騷鋒催劍折亦不惜但
願人間滅盡恩仇迹

澗曰意態軒昂詞格高古

寧羌州寄舍弟

竹有詩集卷一

三

古棠書屋

山圍兼水繞秦蜀此中分路仄纔容
足峯高不礙雲艱難真備歷辛苦未
堪論誰翦西窗燭淒涼欲斷魂

初至威遠卻寄嘉州同人

打包行李莫安排暢好山行趁布鞋
連日程真如讀畫十分愁正欲開懷
泉聲入耳清無跡雲氣霑衣淨不措
回首青衣江上路一層烟樹鎖高巖

立秋日作

高柳疏槐一例清夕陽添得亂蟬鳴
幽人病覺虛堂寂秋意來如落葉輕
詩欲逃禪仍是累書成乞米不求名
竭來莫怪清癯甚好稱人呼太瘦生

獨酌而醉灑然有得寄舍弟雲濤

我生不善飲一滴輒復醉二後輒了然聊以適吾意茫
茫大宇宙此身忽如寄譬彼運傀儡顛倒皆兒戲咄哉
阮步兵迺下窮途淚途豈有窮時人自爲之累此語欲
告人麴君催我睡

寄劉雲階司馬

世路本坦然人自覺其窄荆棘生胸中何因得自適有
如坐塗炭那復成安宅得失無足憑喜怒皆自擇境因
有變遷事豈無順逆隨境以爲心求劍舟空刻我言君
無嗤遙山綻深碧

梅生師新葺梅花書屋落成卽事

又闢壺天一徑新曲欄深處靜無塵捲簾幽夢不驚鶴

竹齋詩集卷一

五

古棠書屋

隱几青山來看人占斷清閒皆福分主持風月是精神
扶疏繞屋寒香界修得前身是此身

心鐵石齋看梅

今年春信遲園林寒意早連宵多北風凍雲晴不掃眾
芳紛已歇寒烟澹衰草對此感歲華遲暮興懷抱美人
珊珊來臨風舒素縞一枝春已深數點香逾好保茲冰
雪姿歷此風塵惱爲言結素心思君令人老

昨來事浪遊孤負東籬菊梅花如解人及此開更速昨
夜霜氣濃寒香清可掬侵晨試躡霜耐寒行繞屋我有
同心人幽居在空谷折枝遠相貽願言寄幽獨出手愁
枝高寒風滿修竹

梅花如高人頗有孤介癖苟非出塵人惜花二轉惜夫
子今廣平心腸比鐵石萬事不挂眼愛梅如愛客一昨
堂初成錦江浮巨舶扶疏二十樹一樹一丰格頓成香
雪海遊讌無虛夕相期勵歲寒所操在清白

我昔遊孤山雪花大如掌我行過羅浮清夢空恫恍高
士不可作神仙徒幻想歸來臥故山言尋物外賞如何
三徑荒飢寒愧俯仰迺知清淨因此福未堪償再拜謝
梅花寸心願孤往笛聲何處來寒林月初上

澗曰作梅花詩鮮不隊入惡道夫惟大雅卓爾不羣

洋州城 紀曾公死難事也

公諱彰泗德陽人中嘉慶辛酉拔萃科廷試以

竹齋詩集卷一

六

古棠書屋

知縣分發陝西權洋縣事丙寅秋叛兵圍洋城
破死焉洋當陝川之交逆匪數出沒城固不完
公之奉命權是邑也請於上官葺之不果至是
亂作城無可守故遂破公朝服升堂賊執公公
徒手擊賊首賊怒縛公公罵曰朝廷失一縣令
何足惜汝曹指日赤族矣賊以沸湯沃公體幾
遍公罵益力遂遇害事 聞贈知州銜立祠祀
之先是公聞亂知城不可守迺由間道使家屬
寄漢中故無恙同時候補縣丞某奉上官命來
閱城亂將作公謂曰吾守土義不可屈公盍去
諸丞曰伯玉恥獨爲君子公何薄我邪至是同

死焉公僕韋升謝青聞公被害挾刃刺賊傷數人賊執之大罵不屈皆死大吏以聞賞恤有差

竝爲位于公祠云

洋州城大如斗逆賊來如獠狗攻城二忽摧破城二不守二者誰身姓曾升堂擊鼓聲登二招呼防禦無人磨賊徒蜂擁爭憑陵急索縣官二鉦二以手擊賊二怒增反手縛公加長繩縛益急罵益力國家縣令何足惜汝曹指日族當赤賊毗盡裂賊髮立以刃加頸刳不屈血流被面罵不息一罵一刀一寸磔割鼻屠腸劊盡舌沸湯沃體瘡如磔一片精神一腔血吁嗟乎一寸一割一公靈化萬二公如日星祇今賊滅公不死血食猶帶腥

竹有詩集卷一

七

古棠書屋

風腥同時贊府亦奇士瞑目願與公從事公之僕從死

更難煌二青史標名字

澍曰傳人傳事傳作

畱別唐雲芝

幾年客路同攜手青眼論交獨素心豈但文章關性分自來遊覽壯胸襟東流宛轉絲江遠秋色蕭疏蜀棧深此別相思在何處碧雲紅樹有長吟

劍門

峭壁立千仞當關辟萬夫何人磨利劍終古擅雄圖天險誰能恃時清守不虞今看肅寰宇直作蕩平途

七盤關

右磴排千級雄關聳七盤雲流秦棧暗峰劃蜀江寒疆域形初判馳驅路總難秋風高處落纔訝客衣單

寧羌州

舊遊重訪還無恙匹馬西風路又經秋草只餘前度綠好山不改向來青一肩行李慚屯卒萬里追隨趁使星莫怪回頭望雲棧錦官城隔十郵亭

馬孟起墓

千古潼關戰野雄魄尙寒祇今窺渭水空復繞長安勇落羌人膽忠披壯士肝祠堂丞相近精爽未應殘

寶雞縣

蜀道不曾險秦山自此開聞雞誰起舞策馬我重來今

竹有詩集卷一

八

古棠書屋

古無王氣山川出霸才平原容放眼臨眺重低徊

與汪少海孝廉夜話觀舍弟所作竹醉圖追感

昔遊因成長句

山城二月春風惡吹破桃花如雨落閉門惆悵惜春歸剝啄一聲驚睡鶴開門拭目君何來忽驚忽喜成疑猜人生蹤跡那可料昨宵夢覺空徘徊浮雲滿眼不歸壑天涯息羽燕巢幕百感茫茫我正愁沽酒與君二且酌門外風聲雜雨聲江上風波不可行夜闌共翦西窗燭卻話當時在錦城當時我住錦江曲繞屋琅玕森翠玉君時看竹來我家不問主人知不俗小人有母喜畱賓君來頻作座中人劇談痛飲不知數往二驚動東西鄰

醉亦不肯住醒亦不肯去有酒有竹兼有君不識人間
有朝暮忽然浪跡各分手故園從此增回首君逐浮名
行路難我被飢驅牛馬走十餘年來同一夢行蹤欲說
心先痛菽水堂前失舞衣夕陽影裏悲翁仲君亦淒涼
賦鼓盆烏啼花落真消魂窮途那復感知已日暮不見
哀王孫白雲幻變作蒼狗且讀離騷行縱酒醉鄉聞道
天地寬不然獨醒誰爲偶卻問西園看竹處不見菁葱
見烟霧天外誰憐雁影單夢中時記池塘句我有愛弟
如我長倦遊各在天一方遠來寄我一尺絹森然滿幅
圖琳瑯是竹非竹人不知欲醉不醉神離二筆所不到
意已到但道瘦骨長苦飢去年客舍忽捐館只今此圖

竹齋詩集卷一

九

古棠書屋

不敢展側耳難聽孤雁哀觸目尚作吳牛喘今夕何夕
君來遊蒼茫身世真虛舟爲君展圖一長歎咫尺毛髮
生寒秋窗外連纖雨不止舊愁又逐新愁起明朝君更
溯東流欲把愁心寄流水

澍曰段落分明筆意轉側是長慶體裁

寄懷宋杏坊

青衣江水碧于油遠把離懷逐水流作客祇宜頻對酒
爲君聊復一登樓鶯花近日成閒事詩酒何時續勝遊
我與黃楊同一厄苦將春色被人留

病中梅生師命移榻于伴鶴山房疊韻誌謝

藥盞纔拋病起初移牀差喜傍精廬劇憐不舞羊公鶴

來食無能下客魚睡著心絲隨夢裊雨餘山髻帶雲梳
自慚清福無多願掃地焚香意灑如

澍曰用字新穎集中勝處在此不及古人處亦在此

宿雲坡以墨梅索詩賦此以贈

影直瘦于我詩真合贈君相思在空谷隨意點寒雲清
夢不曾覺羣芳空自芬春風等閒事雨雪日紛紛

雅水大漲一虎隨流至漁人得之詩以紀事

萬人拍手稱奇事一虎飄搖隨水至獵人挾矢不敢前
漁夫舉網爭相試城頭濁浪高掀天走石飛沙風力肆
不知誰使鼉鼉驕幾疑虎死虎精至黃睛不瞑神洵二
爪尚如鈎齒如刺皮毛都帶魚龍腥口角尚存狐兔氣

竹齋詩集卷一

十

古棠書屋

想當欲溺未溺時掉尾屢欺蟹龍睡一生不肯低雄心
百獸何能參末議忽然失足不可回縱有英武用何地
畱名空說豹有皮臨地已見虎無淚祇今不作履尾傷
此後翻增滅頂悻我聞虎性如火強以水尅火二不熾
又聞虎性復且剛以柔尅剛二亦萎剛柔水火性本常
一偏反作性情累吁嗟乎公無渡河公渡河渡河乃以
死爲戲誰言虎死虎禍無山林白日添狐魅

澍曰筆意縱橫詩外有詩味外有味

消寒第一集分賦得寒榻

風雪瀟瀟二亂打門梅花紙帳暗消魂參餘禪味枯無著
薰爐沈香火不温夢影乍隨人寂寞霜華欲墮日黃昏

珊瑚七寶無消息只合跌踟傍石根

澗曰詠物詩不肯說煞落二大方

消寒第二集分賦食全羊歌為劉繭雲參軍作
我生不如李贊皇生作中書食萬羊又不如黃初平叱
石成羊人皆驚十年浪跡牛馬走身被飢驅忙為口屢
從歧路心徘徊不羞雞口羞牛後天寒日暮多涼風羊
裘披御愁無功枯腸晒不到斗酒坐令枵腹談空二劉
侯好奇復好客清晨惠我書一尺為言栗冽仗消除賓
從一時皆莫逆酒雲乍透寒雲流一杯落手寒先愁須
與斗室飽陽氣庖人已爛肥羊頭一味直欲兼百味竟
尾因端各從類平頭奴子指點皆一一令我分涇渭二

竹有詩集卷一

十一

古棠書屋

十六品纍然來七十二器紛成堆一物不遺賸毛骨眾
技畢奏諸妙該嗟我本具管城相大官肉食安能望不
如大嚼且自豪園蔬蹋碎原無恙瘦博士髯參軍當筵
醉語殊紛二封侯都尉安足云北風簾外聲二吹酒酣
耳熱神離二只愁酒醒寒如故卻向君求五穀皮

雨中小飲

連日飛毛雨彌天貼懶雲薄寒增半臂前渡漲三分拋
彈憐梅子添孫慰竹君誰能騎馬過閉戶且微醺

闌中口號

且攜竿木再登場三十功名鬢欲霜魚鳥憑空開筆陣
蛟龍隨地破天荒三條燭盡心猶熱百石弓柔挽正強

卻笑紛二花樣改邇來玉尺費評量

放翁生日同人置酒為壽作十月十七日

一片精神萬首詩更從團扇想鬚眉西川風物吟殘夢
南渡山河感舊時鐵馬金戈空慷慨醉侯飛將總支離
心情誰復憐疏放只有平生白髮知

七百年來數寓公先生端合配髯翁愁消蟻綠驚黃外
人在疲驢細雨中聽事花開荆樹老高樓名在荔支空
尚餘深夜團團月流照香棠舊日叢

憩園牡丹盛開梅生師招客讌賞分韻賦詩椿

以病不赴依韻得詩二首錄一

不止風和雨亦甘又添詩興到花南厭低春色知多少

竹有詩集卷一

十二

古棠書屋

拾舉年來已再三妥帖金鈴蘇鶴夢安排銀燭接雞談
卻嫌病眼看難得莫遣紅稀綠更酣

澗曰三字韻不落套

題江春泉聽鶯圖小影即送其歸荊州

我家住在浣花溪楊柳當門高復低長是春來不歸去
鶯啼都認子規啼

澗曰古竹枝遺響

垂釣

我自知魚樂魚其奈餌何偶然貪果腹從此別清波當
局迷難悞臨淵羨正多舉頭問飛鳥可解避張羅

澗曰詩似有為而言然士不甘窮餓欲免為魚得乎

小園牡丹厯放一花因成一律

觀水從前見海寬十年塵夢繞長安如何玉勒青驄遠
又作閒雲野鶴看到處眼光空自冷一生骨相不曾寒
金鈴未必能調護欲向東風著說難

澍曰似此著說我亦云難

寄龍雨舫

君客雅江頭我客雅江尾盈二一水閒相去路無幾鯉
魚無數江上來持竿欲釣還徘徊不知何處有尺素愁
心翻觸波濛洞濛洞復展轉別君春尚淺如何瞥眼春
忽深落花一片黏苔蘚瓦屋山頭雲氣橫疾風吹雨來
江城風力吹來忽吹去恨不身學浮雲輕人生歲月那
易得一半消磨在離別如此江天獨放歌回首當年魂
斷絕當年盛事誇題襟纓下同作中郎琴高山流水渺
何許與子相期唯寸心

竹有詩集卷一

十三

古棠書屋

團扇歌

素絲光離二皎潔奪目炫織為紉素端裁為團團扇二
影何輕盈取攜頗自便出之懷袖中何堪肆狂煽冷暖
儂自知炎涼態忽變煩襟焉可除且用遮羞面羞面不
堪遮面比心難見棄置勿復陳自惹秋風賤安能返素
絲光明畱一片

壁投鼠

壁投鼠二死壁先碎一鼠縱死羣鼠來欲再投之壁不

在跳梁穿墉空使我身無佩吁嗟乎紛二世上此輩多
一擊不中可奈何回思寶玉空摩抄迺知匹夫無罪懷
璧罪當年枉用席珍待歸來兮歸來吾將抱璞以還于
眞宰

澍曰意有所諷卻極大雅

病中口號

垂簾不捲隔鶯塵靜裏差容自在身久病妻孥諳藥性
偷閒童僕謝生人巢無定著憐鳩拙家少餘糧被鼠曠
幸有破書三萬卷相隨行篋未全貧

酬朱蘭舉孝廉

勞二應也厭風塵琴劍仍同作客身朱亥自來稱俠士
何戡遮莫是歌人不求甚解書難讀無可如何事易曠
且住爲佳聊復爾安閒還只當安貧

竹有詩集卷一

古棠書屋

古棠書屋

澍曰三四調俗

得宋杏坊書

萬里遠無書三人話成虎傳聞不一辭盡言故人古初
聞疑似閒繼且確如覩因之求端詳頗怪語吞吐天道
深難窺人言歷可數萬慮攢心胸千憂閣眉宇五月森
如秋涼透芭蕉雨騎馬無人來書長深閉戶對此念聯
牀離羣行踽二鯉魚從何來云自灘江浦殷勤故人書
筆尚龍蛇舞上言長相思下言鮮鱗羽覽書歎再三疑
團釋肺腑人生命在天修短自有主如何憑愛憎鶯簧

舌亂鼓東坡海外謠古人已遭侮何況我與君焉能禁
狂瞽雲停衣江波月落桂林樹兩地遙相望傳言每多
忤書去復書來浮沈聽柔艣安知我死生不訛傳彼土
仰天視浮雲風清日亭午

哭外舅張仰山先生

廐中麒麟語難酬知己平生第一流豈有重名齊樂廣
枉將嬌女嫁黔婁生離死別無窮恨地老天荒不斷愁
苦雨兼旬送蕭瑟怪來六月欲披裘

入春偶作

堂二春又到梅花小住今年且在家清夢有人懷舊雨
寒香無地著新霞難償酒債心先醉欲覓吟情手自叉

竹齋詩集卷一

古

古棠書屋

茅屋成都何處是得歸終竟比天涯

過城南舊讀書處有感寄汪少海兼懷唐六子

范

顏唐如我竟何堪豪興猶餘酒半酣一種深情分不去

桃花潭比百花潭

妒花風雨迴難休春自侵尋我自愁瘦骨不知寒料峭
城南來去日登樓

題沈少雲藏趙仲穆畫蘇卿牧羊圖

漢廷使者吞聲哭十九年來形蹙二奇節千秋豔牧羊
世閒無此賢司牧胡天漠二黃雲黃平沙萬里烟茫二
腥風亂捲節旄脫祇今此地森青霜何人寫此三尺絹

落筆鬚眉驚活現百鍊千磨不折心攝出精神融一片
天水王孫真可哀淨土一寸皆塵埃河山滿目感滄海
神氣離二隨筆來蒼茫無限心中事卻借古人寓深意
有意無意不可知論畫乃作論人地不然家學稱淵源
骨氣寧無松雪媚吁嗟乎成羊叱石天無補大澤羊裘
徒自苦且作中書食萬羊不見當年秦五殺

澍曰論古不支離亦不黏滯

題少海出棧圖即送之京師

萬山攢著棧雲蒼雲自清閒客自忙卻怪輕風太多事
吹將霖雨到他鄉

四十自壽

竹齋詩集卷一

十六

古棠書屋

只合老妻稱快婿便呼嬌女壽狂翁三升清酒足家釀
一代傳人幾鉅公懷劍有時從胯下立錐無地且囊中
笑他鬚髮星二改也學新花樣不同
澍曰感憤語以輕雋出之足徵雅人深致

何竹有詩集卷第一

何竹有詩集卷第二

獨坐有得

獨坐羣動息顛倒窮幽思萬事信有主既信還復疑人
生倏如寄草木殊無知雨露詎擇地因材篤其施嘉禾
苦不殖稂莠當除之如何去稂莠乃以人力為天人自
相應所貴心無私我自用法服膺真吾師

大鵬奮六翮千里只一瞬黃雀巢樹閒寄託一枝僅飲
啄欣自如飛鳴亦游刃倘其隨鵬飛鮮不遭斥攢隨分
以為安量已退乃進雲路誇騰驤一蹶不堪振汲引天
有梯吾斯未能信

藜藿滿空山中有猛獸伏百里絕樵蘇采采不盈掬裹
足焉敢前道路耳為目風聲足拒人豈伊愛草木藿腸
苦不充飛來還食肉

竹齋詩集卷二

一

古棠書屋

歲月良易得鏡中愁鬢絲富貴雖固有冉冉來何遲萬
卷讀不熟豈命安可知逃禪計亦得或恐有酒時不如
從赤松崖谷窮探奇長生非所冀避穀忘餽飢
澍曰以進為退是讀書閱歷有得語

見燕

輕盈憐爾態依依巢幕何須問是非白屋漫矜來往慣
紅樓終覺信音稀不會相識客初到且住為佳春又歸
同是傍人門戶宿一生贏得是雙飛

步月和楊立之

雙凡迭長征人住電光裏入夜羣動息人眠月方起月
意如避喧遲遲行且止城市聲寂然山林可知矣何人
誇醉生我不甘夢死前身詎可知妙悟當頭是良友盈
盈來清談亦殊旨我舞君且歌我笑君亦喜芳華苦難
畱去比隙駒駛一片光明心良宵共知己君已梯廣寒
我愧守鄉里出岫雲何心清風吹不已

澍曰發端警絕

齒痛

百珍從不到痛癢更誰關烟火夢難斷醃鹽味欲刪銷
磨真骨氣搖落近衰顏竟是雕蟲累頻年歎養姦自註

竹齋詩集卷二

二

古棠書屋

澍曰虛實兼到律法猶是古人

城東絕句

城南一水繞城東楊柳輕搖夾岸風昨夜黃梅初過雨
溼雲還住綠陰中

小樓一例枕清波招引遊人結隊過博醉好沽名士酒
江鄉四月鯽魚多

無波古井鬱清涼妝點樓臺倚夕陽誰與美人同不朽

枇杷一樹是甘棠

澍曰絕句一味翻新古法盡矣

騎牛出邨墟和楊立之韻

騎牛出邨墟行止皆在我信步隨疾徐宜右復宜左連

宵春雨滋泥滑愁坎坳所喜水草豐供我牛腹果牛飽
我意閒我坐牛背安牛我兩相忘呼我爲牛可
我欲爲老農負郭無半畝石田不可耕飢來但搔首技
癢思庖丁空二談妙手牛衣中夜寒相對愁無偶牛後
誰甘爲蠅營復狗苟青山徒笑人唯二而否二

道逢乘車人問我到何處爲看前山雲來憩當門樹一
丁幸不識安知萬里路朝暾高復高徐起步亦步珍重
君馬黃我行飯牛去驅車不問牛勞二問津渡
邨舍青燈青歸去行得二牛背一經橫居然談典則驅
牛歸牛欄司牧吾所職飼牛祝牛肥對牛無愧色當春
農事興犁雲汗毛溼莫歎爲人忙人忙方未息

竹有詩集卷二

三

古棠書屋

澗曰意思層出一筆兼寫兩意

風雨竟日東楊立之

不作悲秋態其如風雨何殘書欹枕盡落葉打窗多白
日比長夜青年惜放歌竹樓頻縱目還望故人過

和楊立之

舉酒無今古浮雲有變更魚龍沈夜冷琴鶴感人清天
漏可能補歲寒誰結盟殘書同坐擁只惜是愁城

九日同人遊青羊宮

紫氣蔥龍鬱不開青羊遺跡滿蒿萊長江滾二成今古
歲月堂二自去來躍馬更無王氣在坑儒可有鬼雄哀
憑誰得問滄桑事一樹喬松臥碧苔

貼天雲氣薄成霞清淺寒溪枕白沙隨意自沽邨店酒
無名閒數路傍花狂談不厭風生舌結習難除癖嗜痴
高會可能成盛事笙歌依舊著紛華

澗曰氣味近元遺山

秋夜吟

落落寞寞秋堂寂瀝瀝淅淅秋雨滴欲明不明燈一星
似斷不斷蟲四壁紙窗布被寒復寒長夜耿二長如年
華胥夢遠不成寐高枕空傲羲皇前牀頭瑟縮竄鼠
深夜窺人目如黍萬卷縱橫腹自吟那有餘糧餘到汝
側聞鄰家多狸奴磨牙吮血腥模糊含蟬穿柳勇可賈
慎勿近前遭吞屠我生安貧復愛壁忌器不肯輕一擲

竹有詩集卷二

四

古棠書屋

昏夜紛二任汝豪如此主人亦安宅古來愛屋迺及烏

假威莫學憑城狐硯田如石耕不得活計年二謀鼠鬚

感事

春夢一炊短秋雲萬壑陰可憐風月感偏幻死生心苦
海尚無際侯門竟不深何當歎衰柳攀折到如今

伏龍觀

千年龍獨臥濤吼作龍鳴萬古此江水東流一氣清我
懷秦太守祠記范長生定有驪珠在深宵抱月明

初至灌口寄王西躔同年

水自東流我向西水源頭處駐輪躑人如退院僧還寂
春逐催耕鳥亂啼雲外有雲山縹緲客中筵客醉離迷

同年二少當年話花總黏茵絮墮泥

灌縣

帽影鞭絲趁客身孤城花落正殘春百蠻門戶爭形勝
五季繁華賸劫塵路曲水都流作字山深雪亦壽于人
我來欲放東南眼廣莫亭頽望不真

澍曰山深雪亦壽于人周肖濂觀察極贊

寄錦城諸友

西來東望錦官城定說狂吟太瘦生已到中年感哀樂
不堪遠道寄離情春除桃李真無色山住神仙合有名
擬向嫵嬾問蹤蹟本來面目可曾更

移花 有序

竹有詩集卷二

五

古棠書屋

春風已老愁看客裏之花舊雨不來空記夢中
之路問松菊于三徑回首為勞泣風露于五更
芳心未歇又况託根靡定立竟無錐青昞不常
傲空有骨豈真薄命或者如花以此言愁將毋
近怨嗟乎行雲流水難迴過眼之光陰落溷飄
茵已証此生之因果敢言寄託聊以抒懷不必
人知惟參我法傳神傳影靈云即在箇中不即
不離何惜寄人籬下知我者其在若遠若近問
邪

何必相逢定故園移來猶帶舊泥痕乍分餘潤懷今雨
不斷芳心是夙根歲月消閒空綠鬢烟霞氣味老朱門

夕陽底用憐惟悴多謝軍持灌溉恩

何處會霑雨露深扶持力又到如今逢場莫惜昔人眼
向日應傾小草心南浦別離烟漠二西園消息夢沈二
不堪回首梧桐院聽譜薰風綠綺琴

不分幽豔與離奇儘遣盈階更繞籬除卻浮萍空聚散
肯令蝴蝶枉相思頻年笑口逢迎慣垂老春風及第遲
亭館繁華勞鑒賞祇今惟許寸心知

我亦東西南北人有花相對即如賓公門桃李何年種
荒逕蓬蒿舊日鄰看到了子孫誰薄命累他霜雪是精神
歲寒珍重尋梅約明月前身此後身

澍曰詩無直話然正面大拋荒則易流於滑熟

竹有詩集卷二

六

古棠書屋

驟雨

殷雷驚龍二癡頑倒捲江水游雲閒一雨三日苦不止
對面不見當門山怒流衝石二不走巨石過水二爭吼
水執石執交激昂旋風忽拔沿堤柳溼雲挂屋天蒼茫
四月已盡生深涼樞火不然凍欲冥平田沒過新栽秧
老農赤足向天揖欲求雨止雨中立卻問年皆晒澤心
鋤禾曾向驕陽泣

石爬魚

我欲揚帆去乘風采石華春江懸夜雨兩岸長蘆芽丙
穴由來美河豚欲共誇食單重與譜土附或無差
澍曰詠物不著蹟

送張魯生之隴右

匹馬曉蒼二關河路正長雞聲邊月白風色隴雲黃豈
不懷弧矢何須歎稻梁臨歧莫回首別意結垂楊

謝王西躔司馬青城茶

芒鞋千尺刷雲根落手岷江試水痕玉盞正宜邀月色
冰壺好與貯詩魂味餘吟腹烟霞氣夢想空山雨露恩
不有白封題寄到紅塵何處條煩襟
穀雨前番采更前筠籃輕籠翠微烟功夫鑪待純青火
活潑源尋最潔泉食肉斷無寒儉相枯腸來問口頭禪
天漿玉液憑誰覓攜手嫵嫵笑拍肩

寄沈少雲兼懷陳雪帆汪少海

回首龜城木榭中尚留襟上酒痕紅無分遠近都成別
再有豪華總不同懸榻客來連夜雨蹋歌人去一帆風
披圖細認龍眠畫豈待他年證雪鴻

諸生

諸生何蟬二爭來問奇字識字不在奇忠孝即奇事落
落秋實繁裊二春華媚春華良已妍常恐秋風至登高
迴半途不如守平地一絲入細微三昧等游戲浩二尋
江源滌洞有深意

澗曰忠孝不是奇字然識得正難

我家

我家老孟光椎髻甘服澌黔婁百事乖牛衣寒不煖腹

吟糧無餘飯破塵積滿飢寒豈不難中懷殊坦二一飽
苟可謀交謫見亦罕燈影光熒二機聲愁日短陌上正
有人花開歸緩緩

不澗曰較張船山夜窗同夢筆生花夫婦何如

贈費生幼女

幼女纔六歲識字牽我衣口投記歷二轉眼還依稀讀
書非汝職生計吾已微儒冠况久誤石田安可肥南宮
詎不擲紫石將誰歸卻願抱中兒啼笑呈天機

羣山如馬渡江來影落江心翠作堆萬古蒼茫流不去

羣山如馬渡江來影落江心翠作堆萬古蒼茫流不去
羣筆混沌鑿初開陰崖風雨疑龍戰往事離奇駭鬼才

會到河源探禹蹟斧痕斑剝護雲苔

會到河源探禹蹟斧痕斑剝護雲苔

重裝亡弟雲濤所作竹醉圖愴然于懷賦此

死別吞聲已八年披圖難禁淚潸然徒令筆墨留神氣
不得光陰在眼前蕭瑟怕聽風過竹淒涼空奠酒如泉
琴書飄泊堪心醉十畝何肯買墓田

伯氏頽唐已似翁中郎憔悴與之同難將消息探泉下
總覺生涯在夢中四海交遊人落窻小窗風雨夜溟濛
不須振擲還生感開篋蒼茫萬念空

灌口

羣山西極來到此不肯住隔斷江茫二蜿蜒執回顧餘
氣飛上天蒼二化烟霧倏忽雨滂沱添作江流怒江流

無古今山色自朝暮鐵索橫驚湍飛橋跨山路過客自
勞二山靈可能渡

歲暮書懷八首

朔風捲地逼寒來如木頽雲撥不開短褐便能謀卒歲
裊袍可惜解憐才平生親故中年逝何處棠陰去後栽
孤負清香伴晴雪空山寥落一枝梅

飄泊彭城劇可憐對牀風雨夜無眠忽驚萍散星分久
難料兒婚女嫁前長缺論交空四海孤衾裹夢逐殘年
冥二一雁南樓過叫斷霜華月影圓

忽有音從嶺外來打窗風緊葉成堆夢婆懊惱真顛倒
宦海升沈任溯洄畢竟豈宜難強合只畱公論不疑猜

竹有詩集卷三

九

古棠書屋

平生知己徒回首桃李無陰枉自栽自註宋楮生先生近以吏議鐫級

琴劍飄零已半生西來一笑又逢迎杜陵只合依嚴武
劉表偏能重禰衡海內文章終有價比鄰鵝鴨漫相驚
蒼茫獨立成搔首玉壘山高空復情

蕭條斗室冷于冰坐徹寒氈暖不能剖面風聲寒起栗
掠霜樹色瘦生稜雞蟲得失渾三昧裘馬輕肥白五陵
誰向江湖感搖落古來車笠早難憑

老去生涯託浩歌吹簫吳市近如何白頭往事供談柄
紅豆餘情付睡魔未必古琴通性命空令匣劍日摩挲
渭城莫與殷勤唱心計原註成都楊叟年七十善歌落魄於此

詞唱秋墳鬼即仙魚書曾不到重泉奕棋世事羞先著
揆藻才名避後賢黃錄可如千佛重黑甜長穩五更眠
自註年來彭田橋陳竺山相繼下世近楊對山亦作古人知交零落殆盡矣 鵝鴿原上還增

感馬鬣塵封已十年原註謂亡弟雲濤
一燈伴影夜漫二感事懷人况歲闌有棧不嫌呼駑馬
無家纔解戀微官愁心近覺鬚眉改爲口忙知稼穡難
霜雪叢中誰勁節亭二還問竹平安

澗日八詩氣味蕭冽聲詞酸楚兆竹有之晚福弗祚也噫

襍詠和楊立之

空自聯今雨誰爲結古歡所期勵冰雪相賞別酸寒月

竹有詩集卷三

十

古棠書屋

記樓頭影談翻舌底瀾加餐勞短札未厭百回看

雨中書懷

清晝憑誰破寂寥黃梅乍熟雨瀟二睡魔宛轉邀書癖
酒債尋常避世囂五月江深潮有信一年春遠客無聊
枇杷滿樹拋金彈回首銷魂萬里橋

寄和楊立之

古人懷良朋往二託諷詠豈伊耽吟哦入情迺見性六
月驕陽驕炙手炎威盛多君冰雪姿皎二鬚眉淨逍遙
池上篇風流繼長慶竭來寄新詩款二深情罄江水波
灤洞清風擬持贈去住雲無心聚散緣有定行將與子
期攜手賦秋興

題團扇

招手風三面盈懷月一輪秋終非熱客我正是勞人難
定炎涼態空消冰雪塵無忘歲寒約修竹記前身

秋思

十日雨不止經秋多閉門溼雲闌菊夢冷語瘦詩魂止
酒微妨睡謀生易感恩虛舟如可繫未厭老江邨

長歌寄雲楓兄

我家荆樹花三枝一枝早隕霜風吹兩枝未謝亦搖落
託根未定隨遷移本實未撥枝葉萎此理未測殊堪疑
大椿百尺昔垂蔭甘棠所憩人猶思當年培植豈不厚
惜哉小草非蘭芝春風二月遲復遲公門桃李含芳姿

竹有詩集卷二

十一

古棠書屋

可憐楊柳亂飛絮萍星一片何迷離流水無情去不返
欲自樹立知何肯空山寂寥歲月晚雨露不到誰扶持
涼風習二起天末美人不見增餽飢清白自信歲寒節
松邪柏邪人誰知夙根好在幸同氣本性未改神不疲
冥二長夜幾昔曉月黑雨細風淒其南來一雁影孤絕
宛轉嘹唳聲含悲我因草木託諷詠爾有羽翼何差池
在天比翼地連理感此令我長吁嘻平沙落二不成調
古音相賞惟篋篋

省雲峰兄于柳溪新居有感兼示姪棫

一夜團圍話相逢骨肉親江山閒是主兒女長催人別
又十年近花開三月春行看吾亦老後起莫因循

重至邨筒簡盛汝舟孝廉

乘輿曾經訪戴回卜鄰無計重徘徊舊遊元不思今日
新月空經照古來雞黍約成名士酒江山減盡廬公才
無奇問字人誰到花徑因君掃更開

寄姪棫

汝年初十二對客能吟詩陸機年二十作賦母迺遲見
汝令我喜既喜還復疑古人歎老大愛惜弟子時了了
不足恃歲月如星馳隙駒過一瞬良駟不可追現身我
自說汝行當凜之我昔年少日人稱靈馨姿詩書一寓
目輒謂無他奇涉獵窺大意不復深尋思豈無一半解
所得惟其皮坐此致荒廢茫然無所施文章豈小道性

竹有詩集卷二

十二

古棠書屋

命通在茲譬諸調琴瑟安能走一絲又如臨巨敵紀律
嚴指麾理實法自密氣盛才迺宜松柏何桓二穠茂交
葉枝挺然上霄漢一氣無撐支觀此了可悟生理無使
虧固惟厚根柢亦復宜培滋煌二祖父業厚德能開基
邇來頗頽墮三世及汝肌汝年日以長汝長吾已衰失
馬詎為福刻鵠徒貽譏前車鑒覆轍我事真汝師

中秋對月

良夜何須秉燭遊清輝如此月當頭雅宜管轄三升酒
漫臥元龍百尺樓興不頽唐翰上日天將晴霽待中秋
同心真勝劉伶婦老甕深藏大可謀

楊立之之官江右過訪岷陽講舍留宿竹深厓

客齋一首

又翦西窗燭蕭疏秋正深亂飛黃葉雨不改白雲心野
外原寥落尊前且醉吟生涯應早定何事感升沈

和孫瘦石

不分風月與山川但得清閒合悟禪躍冶劍纔能繞指
知音琴卻是無絃魚龍夜氣森秋色裘馬豪情累少年
誰信文章元有福茫茫浩劫古人傳

哭大女二首

早已知無救書來痛不禁蒼茫身後事死轉死時心遣
嫁餘荆布宜家枉瑟琴病妻驚坐起擁被正呻吟
汝母歸來語惟餘骨立身尚愁添懊惱強起學精神念

竹有詩集卷二

十三

古棠書屋

此淚如霰經昔鬼作鄰况聞臨別際問訊及諸親

和謝書農讀闍墨之作

紅粉輕盈掌上珍畫眉爭看嫁娘新可憐時世梳妝巧
誤盡虛窗對鏡人

長梯遮莫上天難一日丹成眾目看拔宅攜將雞犬去
月明都許佩珊珊

澗曰其一可感其二可笑然未免輕薄此非詩教也
學者慎之

書農索書

羈遲頗愧鴨羣鵝身不曾肥可奈何賸有寒鴉比顏色
年來塗抹墨痕多

肖濂觀察邀集樂豐亭

農事今年好官曹鎮日閒從容陪杖履領略到江山勝
地饒池館清譚接笑顏亭名繼豐樂六一在人間

驟雨一簾到新荷萬柄張襟懷同灑落世界此清涼太
白浮陳甕輕紅擘細香儘容寬禮數誰信次公狂
澗曰言外想見長官儒雅風流為政客亦不俗

明洪武初陳公牧瀘請升州為直隸不獲命自
沈於江事乃定崇禎末蘇公牧瀘獻賊破城全
家死之道光癸未十月肖濂觀察硯怡刺史祀
二公于忠山武侯祠之側甚盛舉也落成之日
敬成長句

竹有詩集卷二

古棠書屋

古棠書屋

為民請命師興日報國捐軀事急秋一搯成仁宜配饗
兩公終始在茲州鮫宮萬古波濤險狼藉全家血肉收
從此歲皆潔蘋藻靈風好趁武鄉侯

暇日讀蘇詩至冷官無事屋廬深輒用為起句
冷官無事屋廬深消得清閒學苦吟垂老未諳經世計
健忘還有讀書心偶因病酒思成佛不信知音但撫琴
稍喜梅華消息近耐寒準擬笑相尋

九月初二日偶成二首

不作吞聲不放歌閉門城市即巖阿今年又是黃楊厄
明鏡難饒白髮多滄海有珠人按劍北山無鳥自張羅
茫二長夜寒如此合把生涯問夢婆

學畫深慚虎不成折除福命是才名眼分青白人無賴
瞰總高明鬼世情前路回頭雲瀚漫寶山空手淚縱橫
關心東閣梅花樹消盡清寒過此生

澍曰才命相妨今古一轍

如在揚州閣賞菊

閣外青山噪暮鴉黃花凌亂一籬斜晚纔知節年誰少
秋可如人鬢有華同夢萊妻甘共隱罷官陶令恐無家
滿天風雨虛堂迴何處登高賦落霞

檢閱舊篋見宋杏坊所和予詩追感舊遊復用

前韻

故人消息夢難成開篋蒼茫百感生近日病難勝酒力

竹有詩集卷二

右

古棠書屋

當年豪不止詩情瘴迷風雨青天迴江走帆檣白浪橫
可惜海棠香自好殘春一片落無聲

澍曰五六領得有勢惜結弱

出郭

倚山臨水竹斑斑小築柴扉鎮日關一架出牆紅自在
薔薇花比酒人間

久雨和肖濂先生

夜二雨聲倚枕眠潺二檐溜亂珠濺客來都下臨階馬
江漲爭撐入市船眉宇直連堂礎潤雲容不放遠山全
侵旬佳節中秋近試掃層陰備月筵

讀黃練溪遺稿

黃九吟詩苦條然太瘦生一編尋舊約五字見長城分
手竟永訣蓋棺方定評孤燈挑欲盡風雨正縱橫

澍曰竹有在日頗遭人口今沒矣毀者亦轉因詩惜
其人蘇長公云富貴常在生前功名常在身後二者
不相待此士之所以窮也校故人詩至此爲之憮然

何竹有詩集卷第二

竹有詩集卷二

二六

古棠書屋

夢月軒詩

沈著





夢月軒詩鈔

遼陽張玉綸繡江

栽樹

乞得蟾宮種栽來灌溉動莫言枝幹小氣象已干雲

蛛網

垂處當檐角團團帶露涼青繩休肆惡天網本高張

高粱

芳名傳蜀黍嘉種遍遠東盛夏千竿綠當秋萬穗紅影全迷渭竹色
欲豔江楓漕運天倉滿飛隨海舶風

恭和畫儀閣夫子瀋陽書院感懷五言律嚴韻

謁謁春風座雍雍大雅歌胸襟嫵湖海文筆挽江河立品秋金鍊觀
書月鏡磨留都式多士舊學那愁訛

答德翼文見贈

夢月軒詩鈔

遼海叢書

君素少稱許胡為譽獨過定知相愛甚翻覺抱慚多襪線難成寸蹄

潯苦不波逢人休說項無賴是狂歌

贈別王時泉

時泉為王樹三子甫八歲時許曾已成誦

英氣橫眉宇羣兒那足論相驚呼小友弱愛等諸孫為馬閒情少詩
書素好敦鵬博知在邇還望訪蓬門

高粱

高穎大穗有光華萬壠參差闕晚霞貢向東都充玉食豈惟有米號

桃花

夜雨

暗風吹送雨絲絲灑竹敲窗漏正遲可許為霖酬夙志小樓聽到五

更時

七夕

銀河一帶影迢迢此夕雙星渡出橋惟問西南新月影團圓何不趁

今宵

文姬歸漢二首

萬里馳驅趁夕暉胡笳羌笛聽全非可憐青塚埋香骨空使芳魂月

夜歸

雙雉遠乘恨難銷史筆何須浪作嘲不見齧齧蘇屬國胡中生子得

承祧

管公屯懷古

高臥遼東萬事空幾回憑弔仰遺風三分鼎峙今何在賸得荒屯屬
管公

秋闈報罷出都門作

淚濕青衫出帝城西風寒透此時情不堪路遇東來客苦問今科解
首名

姜女祠

夢月軒詩鈔

遼海叢書

無限波濤助哭聲女牆頽處見精誠兩遼婦節高天下盡是貞風感

被成

題畫四首

離宮烽火暮雲浮甲馬森森聚列侯拚得江山博一笑周王真是解
風流

紅顏薄命豈前因一曲琵琶恨尙新邊塞安能憑女子當年將相是

何人

莫向奇功震海濱藏弓烹狗事頻頻試看江上綸者曾是沙場慣

戰人

黃葉西風雁叫天依依送別最堪憐功名一事成何物慣折人間並

落進

贈吳漸遠

秋風行李一肩輕冷雨無端又阻行最是可憐樓上婦空教屈指計

歸程

秃老婆店

七載頻經此地過村名取義果云何雲鬢埋沒知多少底事偏傳秃老婆

讀史

大度由來說漢王疑團千載費猜詳樂美原是尋常事何至終身恨不忘

戊婦四時詞

已自懷人不耐愁黃鶯何事更枝頭情知春色歸楊柳怕惹離愁懶上樓

記曾五日指為期預釀高蒲綠滿卮待得封侯人到日一杯親與話

相思

霜信連朝故故催清砧試處幾徘徊寒衣寄到邊關去可有平安信

夢月軒詩鈔

三 遼海叢書

寄回

盼望空教歲已闌捷書猶未遞長安也知報國難私願只是遙憐玉帳寒

廣福門赴旅順之行期本擬在四月二十四日後遷延至二十

八日予以餞行詩書之於扇因以贈之復題一截

和淚吟成字字新臨歧無計託情親祝君短筴徐搖際好為清風念故人

上已感懷

愁見棠花滿路紅聊因修楔出城東都將舊事付流水盡做虛懷當惠風洛邑銷沉王氣歇金人湮沒霸才空此生不過蜉蝣寄詩擬義

之感慨同

秋草

用王漁洋秋柳詩韻

剪紙誰招楚客魂綠堤無復綠侵門鋪勻平野愁千疊界斷江天畫

一痕秋老羝羊思故國夜涼蟋蟀泣空村崦山蘭澤憑幽寂莫把叢臺共比論

玉門昨夜有微霜蛙響全銷十畝塘金埒半殘休問馬青袍已舊懶開箱煙沉南浦懷江今日冷西湖弔岳王見說巒山顏色好莫教憔悴鄭公坊

白雁聲中冷葛衣開筵上日景全非臆前影瘦生機薄池上波涼好夢稀北地琵琶悲黯黯南園蝴蝶憶飛飛輸他莎草寒猶綠腸斷春明夙願違

園紅闌綠記相憐一霎平蕪恨夕煙繪出騷人愁渺渺吟殘遠道思綿綿伊誰懷舊尋幽徑看我爭新在轉年翠輦不來天已暮空教零落玉階邊

贈張淳修

西蜀人能詩兼工書

慷慨悲歌意氣疏十年落拓走江湖自來蜀地多才子敢向高陽詔

夢月軒詩鈔

四 遼海叢書

酒徒詩比曲江唐世有字如長史近時無幸叨譜未成兄事未厭金臺客況孤

道途過白塔寺訪王子丹即景得牛字

接交何幸盡名流又上元龍百尺樓事業已成蕉覆鹿遭逢真類火驅牛烏啼月黑孤城晚雁冷霜寒古寺秋相對一燈消永夜搖搖雙影亦朋儔

漫興

南畝歸來飯罷時一燈兒女坐談詩天機不滯思皆活世味全忘句自奇瓦鼎茶聲琴斷續瓶花影畫迷離湛然清福慙獨享任是神仙未許知

東多寵齋昆季

江雲渭樹恨離居不見郊祁一載餘思到通神常入夢辭難達意懶裁書塵垂蛛網留賓榻霜滿鷄窗臥雪廬遙識謝庭詩句好賞春可

否憶傭疏

示德謙姪

十年講道辨精微玉塵逢人任意揮
落筆恥居唐宋下立言常笑老
莊非芸窗業已拚吾守葱肆何能教
汝歸分寸光陰須顧惜莫令畫

虎竟貽譏

歲暮柬符象芝

別後光陰水逝波訊君佳況近如何
懸知竈上炊煙少定擬門前債
主多詩價自然連日長軒車可復有
人過魏公安否無勞問依舊餘
生墨共磨

贈白瑞徵見訪

白瑞徵親友也自己卯放歸後改就行伍此
時已為主隊矣因公迂道見訪賦此贈之

脫卻儒冠意氣舒多情相訪到蓬閣
丈夫得志生為將我輩安能死
守書虎略定知高一世鷄窗可否憶
當初官場避日輕文士憑仗吾
賢為掃除

夢月軒詩鈔

五

遼海叢書

廿一史潘陽夏鳳樓先生舊物也予以三十金得之盡典衣裘

方足其數有相笑者作此解嘲

夏葛冬裘典質頻案頭青史快橫陳
此生肯使有長物到眼從茲多
古人學祇通經終是陋衣猶遮體
未為貧含章定比章身好譏笑何
勞競破屨

呈彭寶臣學使

天教文治盛岐豐故道奎垣照海東
筆底波瀾流化雨堂前嘯植散
和風臣心共信清如水士氣都令吐
作虹桃李陰陰春盎盎栽培何
幸到焦桐

其二

年來弱植歎飄零舊潤空叨沆瀣靈
自桂香岩學使內閣後子已愧
不入省肆業已七載餘矣
趨踰隨後進敢期詩句動文星
儂才蓋世心偏小佛慧披雲眼更青
許向龍華參末座鈞天雅奏要親聽

其三

一朝知己百年心往日青衫淚滿襟
凡質果容陪點瑟癡心還望度
牙琴未霑化雨難為石得入
鑿鑿便是金千尺龍門山萬仞先登今
已近華簪

己卯冬雪夜懷人詩十二首

符象芝 名芝號塘人性和雅擅詩名清談于雲烟於應對
書其夥蓋不謂邪侯萬架于每一過從報謝閱竟日
不能去也

遼海飄零日幾曛窮於一飯富三墳
又添酒債因留我數盡詩家祇
讓君風味六朝爭上下筆花五彩
落繽紛一宵話勝十年讀此意憑
誰寄暮雲

王補樓

名元成性醇達不事生產得錢沽飲為人敦子弟
有一言不合輒棄去屢困窮不改壬申歲會共硯
於本村僧寺與子投契至
深雖屢有讒言不顧也

天馬從來慣脫繮奇才自昔說王郎
一錢但有姑謀樂四壁都無不

夢月軒詩鈔

六

遼海叢書

改狂已許兩心嚴匪石由他衆口鼓如簧
不忘蕭寺聯吟夜覓句閒
行繞畫廊

劉餘臺

名玉清與子居最近每省試鄉試輒偕行其水石之
投洽兩家稚子皆能喻也每一至雖鄉鄰亦必治具
相教長談或至徹夜
不寐其相愛如此

幾回連轡據征鞍政擬同心比蕙蘭
見面常愁今日短憐才得似此
人難妻孥共喜佳賓至鄉里爭邀上客餐
我困紅塵君絳帳相思空
寄淚闌干

徐菊坡

名延年復州人美丰姿好作狹邪遊才思敏銳每下
筆輒頃刻萬言丁丑歲與下訂交於瀋陽齊院君寓
前我子二人他日或一富一貧當
割宅同住分隴同耕無相棄也

南州早見擅文名杯酒聯歡兩意傾
幾見國風刪好色本來才子最
多情關心故雨從頭論眼上新詩
垂手成往誓至今猶感愧宅分同
住地同耕

恩鳳丹

名福滿州棟阿氏弱不勝衣又多病然其積苦於學
雖壯者弗如齊與子辨眉長歷象不合則同出處

心各指周天分野以為證至夜間乃止戊寅
夏一過其家現其遺稿然其困特其要如也

常將風骨擬飛仙下筆文章萬選錢多病定應添藥債奇貧或至斷
炊煙曾期著述同千古槍別音容又一年苦憶夜深談歷象空庭雙
立共瞻天

得承齋名恩漢軍董氏有文名短小精悍善騎射每發必破
的終邊幅好脫帽露頂得錢帳謀一醉成前春訂
交於潘嗣旅
邱逸才也

浪滾紅雲一馬來弓絃響處斷猿哀讀書何止稱名士投筆猶堪作
將才綽有逸風常脫帽略無暇日愛啣杯程材自昔嚴刀尺為汝憑
教關幅裁

多爰溪名隆阿滿洲舒穆祿氏才氣無雙不屑作三代下人
物其不合於流俗有以也獨與予一見莫道舊雨人
曰滿眼悠悠不填詞對其能使
多某誠服者惟張綸江一人耳

記從見面兩心傾此誼真堪託死生不作尋常酬酢語全敷心腹腎
腸情百年事業風盤鶴一代才華浪跋鯨懷抱不殊忘誓約笑他車

筇強要盟
夢月軒詩鈔
七
遼海叢書

德翼文名順滿洲富察氏與京人性沉毅自丁卯共破即
于日東都文運不振久矣子好為之予自惟陋陋豈
敢當此厚望然其推
許至情致足感也

幾年鹿洞共班荆到處推袁愧此情力弱那能扶大雅才疏常怕盜
虛聲忘懷共託雲霞契放眼誰堪月且評驛使不逢空悵望梅花何
自寄重城

劉敬亭名作肅性機警有文名善戲孤鬼丁丑夏書院中
惡奴張君晉雅卻之共硯日子與君為同舍故託分
尤深每晚暇時輒沾
酒共飲蓋無虛日也

訂交重認石三生風雨連牀歲幾更羌我孤吟懷夢得有誰共飲勝
公榮挑燈奇鬼談何壯奮臂狂奴膽尚驚惆悵別來經百日何時重
續舊鷗盟

廣福門名游漢軍張氏水師營協領平戎先公也
容和雅詩文多佳句每與予相見則必拜於牀下
與如可馬德操之
與如可馬德操之

翩翩公子足丰神奕奕才名邁等倫見我每修牀下拜對君偏覺座
生春五車績學文思古千載論交氣味真南海人歸何日是幾回望
斷馬頭塵

廣特夫名達漢軍張氏符象芝高足弟子也性豪邁貌極
雅常習國書既而去之初事符象芝時符謂所親特
百溪得張綸江為友廣福門得恩鳳丹為師可與相抵矣後
多得之快事予嘗羨之今得符象芝為師可與相抵矣後
得交于於符象芝座不置也
幸之情比之御李真不置也

讀罷詩書讀漢書藏修未肯負居諸得師快比分炎鼎交我歡逾御
李車定擬文思當日上即論風度有誰如差堪報慰無他事強學還
同識面初

特百溪名棟欽漢軍張氏詩入能品性剛銳有古烈士風
與君亦自負謂能不愧此言故
每一相見輒舉此語以共勉勉

良宵十月初三夜夢裏同看論蜀文可否是君來入夢抑還是夢去
尋君一天風雪迷清夜百里關河隔暮雲羌我畢生期許在龍頭驥

尾望超羣
對酒篇
夢月軒詩鈔
八
遼海叢書

凡事有定數人生貴自然新釀酒已熟獨酌當窗前是時雨初晴天
氣何澄鮮喜晴鳥聲碎含潤花光妍萬象助清興超爾謝塵緣迴思
念年來何勝煩憂煎負笈走洙泗挾策超幽燕伎奔逐鹿站站悲
飛為欲成一世奇屢催志益堅才短難為用不自知其愆豈有漸漸
石能補蒼蒼天古來名世者多為世所捐况乃無寸長何以當招延
今者飲美酒飄忽擬登仙世網夙所縈徒覺釋其纏如人荷重任倏
爾得息肩無怪諸達人日日中聖賢寄語諸同好酒白宜周旋

夢月軒詩鈔終

夢月軒詩鈔勘誤表

卷

頁

行

字

誤

正

一


六

一二繩

繩

勘誤表

一
證海
卷
第
一
頁



雲南叢書集部之五十

朱丹木詩集

共二卷

雲南圖書館藏板

甲寅年刊

入棧

我入大散關舉目無平地山川及人物始與中原異其
 山削而高其水清而厲其人民多瘠其草木交翳暫快
 聞見新險巖無所忌行行路忽沒路在石林寄亂水縱
 橫流搖足性命繫噴噴野老言怪事吁可悸潛蛟弄雷
 雨半夜裂山逝洪濤隨之涌壞棧絕郵騎帝命頒帑金
 奔走集官隸斧鑿夏及秋人勞功不易我聞立踟躕我
 僕戒勿滯日落溪風腥恐又有蛟至

朱丹木詩集

鳳嶺

秦棧山多石鳳嶺獨饒土厚重不矜奇高大孰與伍傳
 聞鳳來巢文彩照巖宇鳳去山亦飛峰峰盡軒舉一峰
 飛不止造天被天阻最高處土人呼南天門游子晨登陟到頂日
 已午大霧茫茫側足不敢俯須臾一片來遮道作微
 雨豈憚衣裳溼但愁泥濘苦與夫俄叫噪前山祭可數
 一覽頗自雄齊晉卑郊苜

鷄頭關

大山昂然來見頭不見尾白雲送天鷄下飲清漢水清漢水
 人從雞足登百折望雞嶺巖轉路每絕磴迴峰又

起左有湍飛流右有壑無底若歧亦若翔可怖復可喜
 俯瞰褒姒村炊烟出谷裏山靈何狡獪與妖亂周紀聚
 彼龍蛇毒鍾爲牝雞美豔笑滅西京窈窕一山鬼

五丁峽

南上五丁峽仰天怨五丁無端事開鑿山怒終不平摩
 寥萬仞澗水與人爭行脚下既潺潺上頭又冥冥登頓
 雜厲揭險艱傷我情秦蜀等富國相豔必相爭天心至
 仁愛隔之莽崢嶸一朝通人烟萬世來甲兵啟天之所
 閉力士遭天刑歎想鴻濛初馬蹶時一驚

龍洞背在廣元縣

朱丹木詩集

江水穿龍窟行人踏龍背龍窟水怒吼龍背人欲墜轟
 轟轉地雷濤濤搖山翠濟流伏土中此更裂石潰得非
 久衝激柔通剛反退或云大禹鑿鬼斧說恐傷人身九
 塞通氣血願滿遂天地有脈絡自然巧無礙所惜無入
 者莫識其深遂我知龍背饑石燕滿口碎洞口產石燕我
 龍苦渴吞江入腹內

劍門

迤邐迂成都山勢爭環衛一山起長城萬山皆在外長
 城忽中開兩崖通一隘破澗碎甸落行人崢嶸邁岌岌
 窄徑緣步步巨石礙一石儼橫闕中定兩扉界上帝嚴

門禁左啟右常閉古稱一夫守百萬莫能敗何以割據
人降王不一再天險固可誇不德反爲害書生逢時清
匹馬踏殘雞老兵臥白日關譏久矣廢食此太平福恩
敢忘覆載長劍閑倚天爲汝借耿介

錦城北官道三十里李公世傑督蜀時修石欄於
車日漸破碎行者苦之

斲石補地石不牢大石崩摧小石滄石爭入地地日坳
地不受石石動搖或深或淺車轍交欲裂未裂石苦塵
行人履石如履刀夏秋之間溼雨澆石角石齒淤泥膠
十步九踣輿夫號馬滑而躑馬亂跳三十里路城北郊

朱丹水詩集

三

謂下非下高非高日中彳亍日晡遙行人怨石聲啾嘈
石不能言徒譽礲我代石對君勿囂乾隆年中蜀最饒
總督李公倡百僚官俸買石民供徭石路直接三河橋
夾以流水喧波濤自從白蓮興禍妖芻禾飛挽無昏朝
小車重載雙手操隻輪行地如風颺以人運之人不勞
輪鐵碾石石安逃當時徵調閭閻騷蜀民與石同傷凋
二十年來烽火銷瘡痍皆復遺羅網家有餘糧春醴醪
石兮破碎官路拋車走薄命誰敢更不之禁爭揚鑿
成梁除道令寂寥乘輿濟人思鄭僑安得重與循良造
履道坦蕩歌且謠噫噫坦蕩公莫驕人間無處無函嶠

送外舅譚樸山先生之官寶慶太守

膚雲出泰山一朝兩九州大賢得其初釋此黎民憂吾
舅名臣子早年師孔周南豐再生輩能詩洗前羞枝簫
吹老鐵鐵勁詩更遒篆隸又飛動落紙騰蛟蚪騷壇墜
不容匹馬青天游雪山大荒西長關登上頭露布一不
律鯨鯢雙吳鉤始知別駕官信可展驂留華陽舊國志
人稱文章優先生笑其陋羣書恣窮搜增削成巨帙山
水指掌收自古蜀循吏借問有此不厭風泉鳥姤謠詠
來鶴鶴八載老司馬青衫隨白鷗骨是馬湖石心是馬
湖流喜是馬湖春怒是馬湖秋帝曰丞汝賢二千石汝

朱丹水詩集

四

酬先生拜受命敬敬天之休將將高霞嶺下有茱萸洲
此地古邵陵其民風不媮延頸望太守太守何夷猶且
看玉墨雲且登越王樓不忍便却去夫豈無輕舟我執
先生袂感戀酸心眸昌黎重李漢賤子非其儔再拜獻
一語高明克以彙洞庭不厭水衡岳不厭邱潤澤豈惟
楚當爲天下籌

寄兄時兄客天全
公館新都

富貴有天倫貧賤無骨肉吁嗟我與兄動若離羣鶴一
歲一回別銷魂在不哭別後寄我書好語亦酸目先云
和情性後云加餐粥弟瘦兄不肥此言還兄祝側聞兄

之居孤城亂山束十日九雨風宮署寒不煥手自檢篋
筍羊裘傲可服寄到秋已深鴻雁飛宜速

籬菊又作花兄弟經年隔登高望不見奮飛安可得憶
昔父在日買花間黃白花枝長如兄父喜命兄摘弟來
花下嬉花露頭上滴童子忽壯夫羈旅各南北昔日爲
花主今爲花之客對花不忍看似父瘦顏色渺渺舊家
山倉倉粟門柏恐貽先人羞夙夜各努力

寄嚴麗生

知君十年前見君三年中屢見又屢別劃若漢西東君
如韓退之師說文何雄我亦拾香草聊以遺童蒙離居
朱丹木詩集 五
不離心有夢隨西風風高夢飛度風微夢從容道理幸
不遠縱遠亦能通八月天雨霜疎林日夜紅凜凜歲秋
矣我愁君應同兩家寄三巴兩人皆轉蓬羈旅而無友
何以湯心胸欲吟孟郊詩又恐號寒蟲

寄張雨山

憶昔相見初君老我方少謂我才不凡忘年結情好新
詩屢見投掄揚兼誘導識以歛鋒鏘勗以登廊廟我時
氣吞牛蔚然騰虎豹聞此頗心折不復敢矜躁闔闔誅
蕩開排雲期遠到春風乃無情吹之落潭淖日索長安
米九陌花相笑出門塵化衣入門憂改貌却返錦江頭

幽棲欲垂釣幸逢天地清何忍事高蹈升庵讀書處有
桂其香妙寓居近相接三載豪歌嘯美人秋水涯尺素
時一報頃者長鬚來以詩集成告開卷不見字字作鯨
鯨掉正聲久衰歇忽聽媧笙叫重尋贈我篇口誦心追
悼悠悠八九年孤負烏蟾照君盛名山業我尙陳編盜
儒冠竟何成知己能勿謂且喜鬢毛綠前修可勉造潛
叫媚深淵變化誰能料

答譚鞠農

一兄聘吏才兩兄能文章一弟欲兼之超超第五郎趨
庭朝問政暮還事縑細不肯自倦怠病魔憚其強八年
朱丹木詩集 六
不相見握手驚軒昂昔別子抱璞琢雕今成璋用之禮
天地韞積休涕滂我有五色筆願繪山龍裳奮飛竟垂
翅燕雀嗤鸞鳳嗟我亦不願讀書桂湖傍感君多厚意
五字慰淒涼驚飈西北來湖冷桂凋傷欲折無芬馥何
以報瓊芳相期雲漢上鍊身觀八荒

贈新都尉張榆南

養花吾政事手自闢荒園酒入奇情出官卑傲骨尊籠
斂饑鶴雁蕭艾妬蘭蓀兩眼青惟我時時夜打門
昔日升庵宅今朝仙尉來桂檉秋碧老榴抱杏紅開藥
裏知陰德盤飧見吏才庭前人跡少鳥雀下蒼苔

新秋久雨

如墨頑雲不肯流森森雨已送新愁手無大筆天難
時有名山夢許游統扇失風空宵月芭蕉得意亂鳴秋
長江波浪高於屋浩蕩誰能似白鷗

題管異之孝廉靈芝圖

異之遷居上元之老浮橋庭有木瓜樹前主人
薪之明年夏有靈芝出其根商邱宋定生為繪
圖異之以詩紀事同人皆有作

奇草如奇士特生天地心光從枯腐出學與病窮深見
探晚休歎託根酸可禁赤瞳君已獲導我白雲岑

朱丹木詩集

七

上顧南雅夫子

滇水閩百寶厥富敵海濱明月一相照爛兮天宇燭情
惜我夫子文房禮樂肅德輝發詞章翰林集鸞鷲北極
動使星南國得正鵠教士亦無奇忠孝先誦讀一長靡
不收稱說甘於肉如彼伯樂相千里咸在服又如匠石
斧方寸無棄木遂令彩雲地人與雲爭郁帝思備顧問
還念從民欲徘徊不忍召五年公始復天子曰何遲滇
人曰何速遷擢主恩厚感_臣心愿希文去政府歐陽
來奏牘敢以非言官結舌但竊祿忤旨雖遭斥翕然人
望屬不朽此可恃安用媿_嬰熱惜公不台輔所見無乃

俗昔我謁公時文才頗奔瀑公賞其不羈仍以規矩束
少年謬自許登雲在一蹴荏苒終泥蟠常恐孤教育繼
思同學輩飛騰慰公足顧茲塵露微烏能增海嶽惟有
平生志賢恥古人獨誓將惜春華六藝相沐浴斧藻吾
言行庶幾紹師學

京師晤張玉田

錦水一為別飄蓬五載餘獨居頻夢子相見更愁予才
老無官試途窮被友疏峨眉山下月應念夜窗虛

贈尉琴南

又下劉蕡第英雄漸老翁但聞傷白髮不復怨東風客

朱丹木詩集

八

久醒如醉人生奇定窮高堂待甘旨莫便慕冥鴻

楊立之大令自江西入滇採銅乞假還蜀月餘復

入滇詩以送之二首

歡笑胡然雜歎嗟同堂幾日又天涯能飛豈有安巢鳥
見採難為戀樹花此去銅山橫六詔明年錦字下三巴
立之眷 驛驢莫恨鹽車困猶勝駑駘伏受繩
在蜀 君還故里翻為客_{大理府} 我寄他鄉却似歸各有弟

兄相左右都無田宅可憑依十年舊雨吞聲別五月炎
風挾夢飛但得重逢休怨暫曾聞孔雀豫章稀

論詩二首

詩不能窮人窮者詩多工因窮而廢詩詩亡人仍窮有
長可表見反自儆凡庸豈知榮枯理天事非人功陶杜
卽箱口難免饑病攻雖然儒者志萬責歸吾躬挾此驕
且吝井蛙將毋同

大巧不騁巧絕慧不見慧所造既精深聰明轉非貴不
學徒恃天用天天實廢論說無根抵往往雜遊戲舌瀾
百變生按之少義意譬如飲薄酒一嘗輒思棄前人苟
蹈此吾輩當防弊奈何揚其波日趨輕薄地

嘉定夜泊

凌晨談嘉州來泊日已夕城郭望不見水氣上充塞仰

朱丹木詩集

九

愁崖岸高倚長濶黑巨魚跳有聲暗濤動無色市火
分遠近岡巒昧南北掩篷傾深樽酒薄醉未得卧聞青
衣江喧壓震心魄舟子中夜語隻雞備行客明當賽江
神下流不可測

大佛崖

絕壁三江撼巍然大佛臨蛟龍持殺戒山水息爭心萬
古斷香火千燒暄梵音我來遙合掌安穩受恩深

道士觀

水勢欲瀆山欲折水不受折怒益烈山畏其鋒稍退避
當水愕然開一穴穴以虛受水入多入仍不納水倒戈

白虹百道躍而出水與水軋掀洪波我舟飛來疾于鳥
委舟填穴嫌舟小將入未入心膽落倏忽斜掠舟師巧
遠尺近尺分死生先時後時吉凶爭呼童酌酒賀出險
波濤無聲詩有聲

叉魚子

我昔甲申冬之仲偶乘大船下隄爲夜深月黑不得到
而耳浩浩江風吹舟人相戒叉魚子逆風怒浪聲如雷
僮僕私語前船破我斥其妄心益危事已至此但有進
舟亦奔馳如神駿此身忽覺如驚鴻前人後人皆批糠
四圍皆水不見水白光一射波入臆橈工絕叫氣欲竭

朱丹木詩集

十

俄頃齊爲無事說舵尾猶恐陽侯迫前汀已見漁火出
友人譚子來相迎携手登岸慰我驚語朝着我舟來處
共道不死皆神靈夢寐不忘今五載灘聲再到顏先改
蛟龍那堪屢嘗試苟一磨牙吾其臨豈知今我異昔我
昔舟從右今舟左任爾波濤徒洶洶竟趨別港殊賄妥
我問曩日胡不然答言小港無大船吁嗟船大不得行
坦路何如船小任來去

重慶二首

盤陀高聳入晴空脚底雙江滾滾東似此城池天結構
讓飽商賈氣豪雄篙塵易減山川色波浪難湔桑濮風

莫笑此鄉無古意渝歌已唱至今同

鄉音錯雜五方兼爭較錢刀算米鹽豈有齊民知禮義
空聞從政尙威嚴緣山廬舍高低接泊岸舟航日夜添
爲報有司勤撫御漫誇形勢控巫黔

廟磯子

大江過涪萬受水日以眾水性雜而爭往往鄒魯闕雲
安兩惡灘東陽廟磯共夏冬異消長危險相伯仲舟行
十月交東陽差無恐猖獗獨廟磯水落勢益縱怪石扼
兩傍亂流競一縫被阻成軒輕遭束乃錯綜蹙爲盤渦
深激作鼓噴送下陷窟千尋上涌花四弄一葦蛇赴壑

朱舟木詩集

十一

萬浪牛鳴響放棹擇強弱打舷判輕重朋黨互傾排讐
仇交擊撞情意忿不和氣力悍莫控有如諸道兵不聽
一帥用又如五方民不服一國統神禹今則亡誰能平
涪洞我謂息水門猶之息民訟水性不可逆民情不可
壅王者決使導周官一禹貢我欲鏟亂石快覽蜀江空

濫瀆軍

大江奪隘雄一石當關勇魚龍資彈壓舟楫懷惴恐東
逝任沸騰中流屹不動冥冥脚根深孤立亦何悚

登岳陽樓觀洞庭遂泛舟入湖是夜泊鹿角洲

楚水奔放不肯休天闢洞庭使停留洪濤一展八百里

茫茫元氣資儲收不然傾倒盡北注大江恐有盈溢憂

彭蠡相接又緩受三吳方得安下流混沌融結非無意
布置早爲蒼生謀我乘輕舸來岳州乘風遂登岳陽樓
平日曾中吞雲夢虛願至此真能酬四空一白浩無際
君山扁山青可求乾坤大腹吐納廣澤瀉頌神姦稠
憑高如見楚方熾挾此氣勢吞諸侯舟人情風催解纜
峭帆激箭衝鳧鷖大波如山宮闕隱船進不顧如龍游
樹走山飛繞俄頃回首已失巴陵洲夜泊鹿角望星斗
星斗原在天原浮

遊雙清亭呈外舅譚樸山先生

亭在寶慶府城東
濟都二水合流處

朱舟木詩集

十二

巨石臨江
亭建石上

兩水兩白龍一石一鐵柱兩龍合勢來一柱力撐拒鎖
龍不使驕放龍蜿蜒去一亭踞石巔壓柱兼壓龍柱危
龍動盪亭勢欲飛從我來亭上游颯颯御天風高寒不
可耐况乃當隆冬羣嶺遭雪虐向人多慘容負舶一何
紛脚底亂帆轉回首見朱萼參差聳神殿亭後有昭陵
叢祠
皆土山茲馬獨奇變蟠結勢厚坤人以供遊讌側聞賢
太守政暇觴屢薦袖中一枝鐵吹止兩水戰公遊我未
隨我游公又倦獨立發長嘯水石增吾戀宦海迴狂瀾
伊人風骨見

贈譚梅臣二首

持己工夫稽古力一回相見一回深洗除才氣刺詩骨
閱徧鶯花堅道心涉世知難高論少著書苦急感年侵
斯人那便風塵老龍性能馴繼自今

久別無書心自親三年飛夢浙江濱秋風巫峽來單舸

夜雪昭陵聚兩人命妬聲名皆不第貧驅仕宦各翻新

時梅臣納貲爲副指揮余樽前邵水明如鏡記取書生
以丙戌大挑得河工知縣

面目真

湘江舟中除夕

一帆午落百帆從薦脯鳴鈺祭賽重江上殘年饒雨雪

朱丹水詩集

三

舟中久客媚蛟龍酒酣澤忘山川異僕病仍然跪拜恭

欲與舵師同守歲可能湘水變春醴

舟中元日

鄰舫相呼吉語隨客來爆竹送迎勞眼中異俗聊娛樂

天外長風忽怒號遊子貪程心事迫舟人中酒睡聲高

衾稠如水春何處舵尾終宵打暗濤

遊泰山五首

上天不知路萬柏導我行肅肅一心正飄飄雙躡輕磴

道每一轉所見輒殊形草香魂自悅泉澗骨俱清奮吾

絕頂志割此留連情大觀知在上邱壑姑弗爭我辭燕

郊來漸踏齊魯青仰止非一日白雲爲我墮溪入巖所

自回首翠巒橫天門一俯視來踪了然明

兩崖何青蒼萬松接穹昊親天不親人縱性爲奇矯長

風一震動星辰被其掃獨有五大夫當路遭秦擾受封

實受子節壞根不保五松今豈如僧壁高視天下小

七十二封禪一瞥浮雲杳問松何日山擎松亦壁問

松死何時松後山而老

今之玉皇頂古之登封臺到此見天地圓方何大哉蒼

然日欲暮海氣從東來西攀丈人峰巨石高崔嵬白雲

湧如山與天相周圍返照動光彩陸離金銀堆天風力

朱丹水詩集

古

排蕩積厚不能摧但見雪嶺上千萬梅花開須臾混爲

一雲變風亦微悵然有餘戀長隨還振衣

曉登日觀峰心飛窮髮界日遲地中出人勞天上待初

喜眾星爛俄嫌四山晦冷霧凝不流火輪埋其內隱隱

見金光燦燦烘雲背力蒸不得透半天化紫黛海市東

坡禱衡山昌黎拜我媿兩公誠率惹神怪道人言奇

觀莫如新晴最安得謝行役從汝更齋戒

上山行苦緩下山行苦急人如鳥盤空一墜千百級天

門手親開回仰峭難及浩浩鴻濛氣暗中隔呼吸側足

姑徐之十步五疇立御帳臨鑿鑿天神垂蝶峯御帳坪
天神巖

昔在萬景流相送關應苦不給晚鐘催斜陽倏忽回
人又見泰安城喧闐車馬集曩者蟻螻耳大笑墮草笠

朱丹水詩集

五

梅邨詩集

蔣	屋	如	厓
氏	校	月	涂
慎	印	著	月
情	甲	始	吉
書	寅	丙	成

小傳

士鐸初名鑿字振菴一字晉侯號梅村晚改梅翁少以貧習
賈屢遷業而卒讀為諸生日有名學使祁騫藻鍾山山長胡
培輩皆極賞之道光二十年舉於鄉性恬退外默內剛不
諧於俗始為學尚博既乃研精三禮以及列史氏族天文歷
算輿地山川沿革形勝小學形聲訓詁通假之遺散駢文古
今體詩餘皆能辨其出入門徑堂奧曲折之數臧書二萬
六千餘卷而所自為說半札記其書上下左右方朱墨交錯
陸離不可辨四方通人名士遊金陵者靡不過訪雅好山水
四上禮部試特借以瀏覽風土不謁一要人不待榜而歸其
視富貴利祿泊如也備書河涉江淮間學益進嘗據太平廣

百十一 小傳

金陵叢書 蔣氏校印

記所引鄭康成生日為布算其日月於七月五日偕同志祀
之咸豐初粵寇陷金陵避地績谿北山深谷中客授自給適
座主胡林翼巡撫湖北往依之為管理記室事每遇保舉則
力辭不就林翼亦不强之以故曾國藩聞敬銘輩皆重其為
人謂此老乃嚴君平管幼安一流人物非迂儒也江甯復後
歷任總督如李宗羲沈葆楨等莫不賓禮之同治九年開礦
議起上書於北洋大臣李鴻章曰自違慈暉已踰六載日聞
一二老友傳頌功德充盛烜燿海內欣忭之極不敢貢諛左
右者懼大君子斥其邪佞也今聞有東鄉奸民王某不知何
許市僧句串匪徒求開鎮江江甯沿江一帶寶華山祠山土
山之屬云有煤礦勒索小民出具甘結民心惶惑謂羅奇禍

僉稱九服內外風土不同江表文物聲明非滇黔邊地可比

不可者一大山廣原墟墓相屬必將暗掘阡隴拋棄骸骸甚
非仁人之所忍出不可者二江甯甯離水火民氣未蘇曾文
正務在寬大休養元氣今忽聚數千不逞之徒結黨恣肆勢
必憑陵居民詞訟繁複不可者三前年夷人曾有此請曾文
正據理駁之今如俯允奸民則失中國之大信如海國以之
詰難不知何以為辭不可者四奸民所句結者以利動千百
細民耳其餘正直者民與求利不獲之桀驁必起爭端甚或
事出意外所謂非常之原黎民所懼也此事既無關國計民
生之大即節省於製造局者亦千百之一二而利權全歸奸
民謗譟徧於士庶怨府之起彼居事外不可者五伏惟中堂

百十一 小傳

金陵叢書 蔣氏校印

以威棧拯海宇以仁義佐 聖人此輩小人挾桑宏羊牟利
之私濟以麻叔謀挖墓之智行將召椎埋亡命之人啟結盟
拜會之習蹂躪我郊甸句結於外夷覬覦之衷殆不可測士
鐸一介書生辱荷青睞誠不忍么磨奸徒拾皇甫鏞歛之
唾餘效蘇張之辯說熒惑清聽貽害閭閻有北有吳土地自
寬請中堂飭彼開鑿何必災我窮蹙之舊邦哉不勝惶悚待
命之至其事遂止未幾上元江甯縣志及江甯府志局開知
縣莫祥芝甘紹盤知府蔣啟勛先後聘士鐸為總纂俾自辟
名下士以襄事光緒十年學使黃體芳以宿儒薦 詔加國
子助教銜年幾九十目眊不能視遠自稱普道人猶手不釋
卷焉著有禮服記儀禮鄭注今制疏證水經注補輯廣韻聲

紐表補梁陳州郡志行東漢朔閩考佚存書目韓詩外傳疏
證皆燬於兵火所存者南北史補志水經注圖釋同治上江
二縣合志續纂江甯府志及梅翁文鈔詩詞筆記而已

百一 小傳

三

金陵叢書
蔣氏校印

汪梅村先生行狀

顧雲

先生諱士鐸字梅村晚號梅翁姓汪氏祖照妣氏某父均妣
氏蘇自歛遷江甯三世矣家貧用刻苦自立博通羣書不務
爲執一所造既遠並學士文人所驚舉以爲不足尙以謂學
期有用當儲應世求殆即垂之空言不若見之行事之深切
著明之說必不獲已毋亦廣記時事俾來者有考晚歲閉門
卻掃爲所容接者猶時以此相語又好問少年才俊聞有稱
說輒欣然以憲而操行頗峻嘗自以爲無用世資蓋儒之介
者所師友績溪胡氏培翬邵陽魏氏源儀徵劉氏文淇同里
楊氏大培類並以方聞著尤重先生年卅餘始橐筆四方或
授經或助他人編纂學涉駁駁追漢唐人指之矣咸豐三年
江甯邑城陷於粵逆走依湖北巡撫胡文忠公林翼道光二
十年鄉舉座師也用是徧識曾文正公國藩暨朝邑合肥相
國諸人當是時文忠公以推轂天下人才爲己任文武士挾
其所長爭自鏃礪懼不得一當其被薦擢至大官者比比而
是獨謝遠一切從容文史視縮侯印建大將旗鼓度如也文
正公以蜀莊沈冥況之嘗箸種樗老人傳自喻其略曰種樗
老人自忘其氏字似漢魏閒人意種樗樗成林甚茂嘗一詣
市貨之不售歸益種不輟居貧老憊願自少多忘年交與北
海管幼安高密鄭康成汝南許慎南郡龐德公豫章陶潛范
陽酈道元京兆杜佑吳陸德明洛陽賈公彥魯孔穎達往還
最數東海徐陵南陽庾信亦嘗把臂稍閒輒與諸人議論樗

百一 行狀

金陵叢書
蔣氏校印

林閒人笑其迂曲弗恤也遭時之亂諸人各辟地不相聞問
老人遂寢忘之五季之末老人益聾聵時人與言多不省老
人言世亦不省以是宋以來交遊絕少卒窮老以死獨其鄰
嘗稱老人之言曰樗不才中爲薪造物無私雨露其長養與
他材木同石炭用多而天地山谷之氣必有窮則吾薪獲厚
直未可知焉惜吾不及見之矣先生學行大略如所稱蓋實
錄也同治六年江甯郡城復歸葺老屋以居而督兩江者自
文正公逮劉公坤一政暇輒造其廬禮焉一時學者咸知所
矜式當是時中朝內外以先生與番禺陳氏澧並稱殆亦以
其學夫學在上世爲出治之本學在後世直立名之端禹皋
伊傅周公其學也其治也至孔子不獲操治天下之權退修

行狀

金陵叢書
蔣氏校印

諸經以垂訓於是學與治分然已有垂之空言不若見之行
事之深切著明之歎春秋以降人自爲學其甚者至欲更張
昔先王所以治天下之道而以其學試孟子比之猛獸洪水
辭而闕之而其燄始熄自時厥後釋氏外無顯悖孔子者然
有箋疏之學訓詁之學又其後有經制之學性理之學經濟
之學而性理又有道問學之學尊德性之學又其後有漢學
有宋學又其後有義理之學考證之學詞章之學其學也其
名也皆孔子所謂空言者也然而諸子之學雖異乎孔子有
時可以治諸儒之學雖附乎孔子特欲私其名名者實之賓
也諸儒諸子其與幾何近乃有舉所謂曰重曰光曰電曰化
等名而美之曰格致之學其實類竊自用髡若荀子墨子尸

子呂氏春秋諸書陋者則奇而莫之辨也夫僻陋在夷何與
於學要猶有實致其用之思而學者顧各執所蔽以相爲主
奴不思所以合乎治即學何裨哉而學之所以破敗決裂於
矜博辯標宗旨者之心不尤可悼歎哉陳氏之學於漢爲近
先生雖書不讀宋以下而無所掇擊亦無所附麗既老盲一
目一目翕張餘分許面之不見其瞳朝曦上窗猶引卷就其
光讀數十版以爲常餘或憑几危坐或捫筆以意書所冥搆
細者若菽若彈丸巨者若果蔗若卵鼓斜滿幅繆之墨瀋彌
古駁可愛其耄學如此所著南北史補志表水經注圖同治
上江兩縣志續纂江甯府志都若干卷文若詩詞暨筆記若
干卷陶汰排比或有未盡蓋晚耽虛寂一切以駢拇視之不
復手訂故又宋史要刪及說經諸書佚生嘉慶十九年六月
十五日卒光緒十五年七月七日年八十有八娶宗氏賢而
早卒繼卽其集所云吳興君者或諛或詈倣詭無端覽者可
以哀其志子三殤女五殤其四一適吳將以所出嗣既而弗
果喪次視匍匐苦塊間無有也嗚呼儒窮至先生豈其數見
初光緒十一年學使者黃侍郎體芳以先生聞於朝且臚所
撰著天子冲年典學思風厲天下俞焉擇所宜官授國子監
助教先生遂拜恩於家漢黃生轅固生雖抗論御前曷嘗有
是是並可告之職史官者

行狀

三

金陵叢書
蔣氏校印

和李楚珍同年無題五章

別院花穠蛤帳開春來獨上望夫臺風流無意傳魚素謠詠
何從問雉媒瘦影思君珠有淚芳魂入夢蠟成灰舞鬢歌扇

全收拾采采蘼蕪不忍回國海

等閒難合繡功夫下九關期記得無金闕依然留碧玉銀灣

何處渡黃姑久拋豔曲羞尋譜欲買春宵尙論珠寄語芳鄰

諸姊妹臨風莫唱小單于期門

貂蟬不脫望香車玉盃親分日鑄茶侍者回眸逢芍藥監奴

醜面用桃花夢回怕斷牀頭袖春暖微消臂上砂借問雙丫

百一 一 汪士鐸

金陵叢書
蔣氏校印

金齒路可曾幽怨寫琵琶後唐

病倚銀屏疊疊山虛傳高髻比桃髮此時飛燕雖相妒早日

別妃幸出關漫說心香焚一縷何管眉黛畫雙鸞門庭冷落

纏頭少薄伴王孫任往還昆山

嬰桃紅處漸黃昏獨抱靈和欲斷魂方緇鴛鴦憐比翼忽憎

嬰武爲能言金人盤折虛垂淚姹女錢多尙倚門亦有標梅

無限恨夕陽天末望王孫厥次

題李楚珍同年無題後

美人幽恨在東風鏡裏蛾眉畫太工一曲西崑三十六未知

誰是大毛公

某將軍返自康木喀代

詔持旌節反皇畿春滿巴塘草木肥花簇錦屏蠻女舞刀環
塔院漢臣歸婆羅細字書金表孔翠高冠拜袞衣漫詔樓蘭

思介子一篇諫蜀已光輝

憶崇效寺牡丹歌題帳沿

南城連日雨積潦柳湖邨邊春色蚤敝車瑟縮強驅前萬朵

瓊花壓仙島豐肌側豔各自媚清露三霄潤葩瓌王侯寶馬

競置燕盡卻名姝賤龍腦錦絲步障遮紅塵譬爲洛妃張羽

葆嫫然四顧無羣芳芍藥芙蓉盡與阜近天富貴非人間寫

以爲支笑草草邯鄲夢醒歸江東明鏡飛霜髮嗟老觀君此

圖三太息去年猶醉長安道

漁燈

丙十一 汪士鐸

金陵叢書
蔣氏校印

落霞孤鶩趁荒墟葦火熒熒泛宅居菰葉連天鷗夢外荻花

滿地雁來初角吹野塚秋風急酒醒蓬窗夜雨疏老子已眠

中婦坐挑燈補網大江虛

書燈

靜掩文窗曲几橫短檠光燦夜三更翻殘竹簡鐘初動相伴

茶鐺月正明一盞松脂動夏課滿階梧葉賦秋聲當年太乙

徒多事不識銅荷異彩成

車燈

驪駒催促敢辭勞照徧山橋與土壕京洛塵消明古驛邯鄲

夢破冷征袍回環曉柝嚴城靜歷落寒星大野高莫怪輪蹄

光不定朔風吹面馬拳毛

禪燈

塔鈴響徹破樓存古殿然燈靜掩門
飢鼠潛窺僧入定山魘背立佛無言
經壇風動幢留影笏室香殘火尙溫
遊識天魔偷舞處妖膏將燼月黃昏

游雲龍山偕劉香南徐縷樵

勝友招攜得得來望中殘雪四山開
潮聲夜起潛蛟窟樹色晴遮戲馬臺
老戀鄉關思頌橘性宜邱壑欲探梅
客游幸聚朋簪樂且盡樽前濁酒杯

壽某尙書六十

霖雨蒼生望端資命世賢虞廷推益稷
周紀重閔顛鈞軸三江乘鏡功八柱
銷積微瘴奠定彩緬鳳騰鸞祖德隆雲夢文

百一 汪鵬上

金陵叢書 蔣氏校印

昌燭漢川遠舒希有翼高舉巨靈拳紫禁紆雙壽青綾坐列

仙禮闈冰是鑑鎖院筆成椽幾輩瓊林筍迤吟寶劍篇珊瑚
來駱越圭瓚采于闐章武分龍節津門擁豹旂虛併排戰艦

楊僕失樓船誰震昆明瓦惟爭破嶺錢五羊籌幣帛兩浙染
腥臙戊校精蒙伐丁沾躍錦繡柳營旌旆旆榆塞鼓鼙翬飛

拍肥如息強弓勃海懸老熊方偃臥妖蠱敢垂涎保障被垣
倚階銜拍府遷法冠賊獬豸刑鼎肅騰鸞輦殺屏藩啟神畿

撫字專吹壘類相度京洛荷旬宣鸞綵移吳會騎官送洞瀝
封圻新節鉞開府晉紘紕底貢長河廣揚颯左海偏之罟東

過魯碣石北通燕鸚粒誇芬蕊龍梁駕曲卷沙輕隨斗運鉞
巧任珠濺既晚倉困粟兼操府藏權六條除莠秕九兩護蘭

荃劉晏鈞積密張蒼會計全絲綸陸壘贊吳楚共仔肩金印

看三錫銀刀鎮八埏樊良增版築璧社慶安眠輯濯材徵易

司農漕轉便鳴榔迷碧蕩香梗熟紅蓮霑雨思前度坊廂劇

可憐裳囊盆下覆篷短市中牽小醜汚刀鋸編氓飽粥飯康

衢流惠愛畏皇恩感纏綿宅壤安居後網罟變法先金沙翻雪

潔荒瀆刮霜鮮踊異戎池貴廚珍顆米圓簿書區楚豫倍蕙

卜筮算縉皆因地商民盡戴天持籌貞素履退食喜丹鉛

賈孔疏文別巡炎雅訓研遺還求謁者誤與辨烏焉典籍需

劉向詞華聘半千飾函加白璧授館及青氈翰墨淳儒秘縹

緗樓學綠吏才歸月試勇略復朝乾芒碭黃河側彭城楚塞

邊梨橫豐沛成樹擊呂留煙整伍來徐士沈謀憶史編養鷹

百一 汪鵬上

金陵叢書 蔣氏校印

忘駕馭縛虎悔絲纏明徹歸師潰華登故壘穿凶頑情詎靖

衙要古相沿鼠竄淮沂險狼貪汴宋連王祥宜榮戟士彥合
貂蟬壁壘森旗伐珠璣罷井廩驕兵由董晉贊亂少孫堅歲

即豐稷慶民猶攘竊延若虛傳重辟下里化廉泉獻馘誅渠
率探丸傲舊愆公私俱蠶剔鉅細總犀然丙魏動能林申韓

酷久錮剛嚴踰孝直威望迺桓虔組練東西隊句陳左右甄
綠雲晴曳旆白雪夜回鑿鵝鶴銜枚靜龜貅被甲妍馬嘶隄

水外羽依石梁前聘力誇剗象知方等獻新鍊心遵闔令貫
耳汰戎銓畫戟風聲急雕鞍電影旋餅銀頒大資胎鐵笑空

琴瑟鼓鏡歌曲犀環凱樂筵韜鈴雄上鎮圖典溯潛淵故道
明昌改膏腴廣成捐洪濤趨波獲常祀費牲牲峯泰山前牖

毛城壩口田負薪蛟自舞健竹鳥難填在昔桃源漲曾勞菱
玉寒魚龍冬泐鬱鴻雁晚拘隼雨圮齊民屋星言漢使耕曉
瘠同顧復溶鑿迫熬煎湖勢微山匯雷聲葛繹巖敢因非禹
迹不復話堯年童律蒙驅策馮夷樂勝朋泐流恬北運臨沛
保南阡防塞修班志崧高記鄭箋重光杓指乍冒菲月將弦
斑彩萊衣絢壺尊洛社聯鶴壽盈隸首雉鼎繼彭錢天意隆
耆俊人情祝偃佺萬家清德頌五躋福疇傳鴛下慚司牧騶
前幸執鞭勤施瞻穆穆述美姚莪莪草業台暉曜恩綸御錫
駢雲龍翹企處瑞氣動星躔

三危詩

鬼妓持刀跨虎生翼毒虺歧首吐火偷息解一鵝鵝啾啾止于

百十一 汪殿上 金陵叢書 蔣氏校印

槿花枉矢射之荷戈流沙解二驚鷗走石天地晦黑匡人露刃

宣父無色解三載馳載驅訴于杜公三出入伏弩傷胸解四疾

雷拔山狐狸塞耳幻爲少婦流涎如水解五羸呂之暴叱咤江

湖蘇張之辯喝死道塗解六木則有脂石則有火天風葉箭何

分爾我解七舟虛帆落波濤不生雲浮電飛星月自明解八

哀友人

街彈吏卒役難辭荷鍤邪許到處隨罰到棄灰秦法峻獄成

集矢楚人憇名同北斗高何益死比鴻毛悔已遲下水門前

三尺土老夫鄭重八哀詩

得陳純齋蜀中書

五千餘里別三年行路難詞滿錦箋熊館雪深埋塚樹鼃梁

日暮少墟煙幸從蜀棧險秦棧相待江船與汴船定遇故鄉
王錄事客中乞與賣文錢
和人永慶寺

王姬別館頰岩巖丹嶂周回塔建標秘殿此時憑繫馬高台
自昔罷吹簫句駟鳥語諸天靜縹緲雲容劫火消終勝玉貞
唐帝子凝思笙鶴夜招邀

爲徐柳樵題石筍圖

碧玉玲瓏繞鶴巢三間老屋舊誅茅扁舟明日茗溪道回首

黃樓憶石交

四望山解四月廿八日解後母解死解其解無解于解因解去解其解乙

四望山何幽螺解女解罪解當解死解亦解無解尤解女解渴解欲解飲解山解無解水

百一 汪殿上 金陵叢書 蔣氏校印

溝女飢謁草草澀棘喉女寒欲衣絮被不周女欲望阿爺兩

足無鞵不能登山頭哀哉四望山何幽螺

有感

西風吹榭葉落日此登臺野哭寒逾眾妖氛暮不開累人猶

有女經世況無才極目滄江遠何時郭相來

懷李楚珍蔣文若

一雨檐聲柔邗江五月秋疏鐘林外寺長笛水邊樓予美悵

迢遞音書兼阻修那堪兵燹裏猶自夢揚州

山行

夏木四山合溪風生午涼石奇隨澗轉松老引籐長曲谷足

竹綠方塘常篔簹香時無耦耕者獨立更蒼茫

某中丞

沙雨撲菽腥風酸土花蝕血紅斑爛體亂走語詰屈白骨
重疊寒無棺鶴鷗高嘯訓狐笑城濠新鬼版已殘膾肝監腦
飽蛇蝎肘下金印紋蟠丹夜深燐火過溪去啾啾猶覺三梁

冠

聞石賊殺楊賊

昨聞熒惑語石勒殺王彌九族刑猶在千刀法備施擊狐祥
未制蛇蝎蠱多時漫惜非天討蝦屍勝士師

徽府三年中寇來六次

寇來今六度師有古三官天險空梯棧孤城守彈丸猶誇秦
阨塞不渡晉衣冠王衍清談夜千門盡破殘

同 一 二

汪 謙 上

七

金陵叢書
蔣氏校印

初至城

秋林無靜景次第送人行微嶺百盤峻流民十日程溪回知
水碓竹缺見山城誰是孫賓石臨風憶古情

憶陸郎橋

陸郎橋畔路萬瓦簇回塘歲晚魚蝦賤山晴苜蓿香新綿喧
布市炊餅薦茶坊有客沽村釀行歌進一觴

除夕憶顧子遜

側身無所託吳楚盡風塵誰有朱絃賞俱傷白髮人窮途增
拂鬱賤子更酸辛搔頭天涯問明朝幾處春

紀夢

白骨縱橫鬼伯雄劫灰歷歷辨西東要離有恨因吳沼樽里

何心傍漢宮若輩盡沙難化碧故人先高朋肝膽定猶紅元狐

赤豹同懷怨鼓角殷動望地中平夢長海嶽與焉旁為宮殿朋先

紀事亦將豐六年於此而二十長刻作此

不得南京女信

流離婦女近如何兵燹饑荒迭折磨四載倚閭鴻雁少五更
吹角虎狼多浮家儻有千金術質廡原知五噫歌已是琴書

飄泊苦長宵為汝更滂沱

題程烈婦

門前水非黃浦江門外歌非吳淞腔郎行待妾楓樹下黃鳥
先後飛一雙

靈輻才駕白馬嘶溪風沙雨鵝姑曉日落山鬼拜華表樺樹

同 一 二

汪 謙 上

八

金陵叢書
蔣氏校印

灣邊西復西

酬俞仲岳
江山唐霸府夫婦宋流民不盡瘡痕恨焉知天地春鄉音驚
故友旅況喜比鄰幸託征南幕琴尊且夕親

變徵一百韻

亭毒無厚薄遭命有偏倚憤俗始達觀悔昔歌變徵毀室同
鷓鴣出柳逢虎兇是歲寇在楚大帥賦采芑畏友促遠遊化新

赴都叔部試遊同大江一舟艤將以正月廿忽為池仲魚賦廿七日抵

禍患倍介社公私盡塗炭山川失流峙哀絕寡女絲素性

戒奢侈幼承祖父愛好學動鄉里女紅中饋餘六時耆左史

能女背左貧家免飢寒不解求羅綺為汝計百年欣欣得吉士

上吳元勇妻生舟猶運百兩迎西風悲陟圮余時方備書賴汝鑽故
紙守方為但史補志表二書皆類女成地及童石塘太元冬
風雪寒不顧墮十指祖訓守經經余言始唯唯人先慈素嚴太
禮不無假借女非守法之惟謹非未諳庖丁規一怒等喪七戒侈棄雙
魚遵禮陳四簋晨風孝雖股蟋蟀儉非理遂失後母愛水火
自茲始鳴雁何離離叔姬乍歸紀才聞王粲遊候製柳下誅
已痛葛蒙楚不隨橘化枳才拙乏千慮志剛勢一是秋毫無
見憐邱山有積毀危城履艱辛豈惟呼庚癸傾陷日方深況
望出賊壘余遠欲就木悲哉將誰恃無計顧汝生翻然祝汝
死視息永無告泉室或可喜惟余肝腸摧慙對汝祖妣之長生
孫女先愛之以六旬外始有中女幼多疾拘謹羞鄙俚既憂病在
目復苦瘍生耳所幸年二三婉變已無比亦知高堂心不敢
與人齒遭亂雖伏雌引決累經雉經女細細斷三不聞姊以書
名毅然為深恥女自亂後手不握筆亦以一字不與余問途四
五里苦勸早脫屣力微氣僅屬萬事皆棄鄙力病已不能行所乃
問勸其引決高君則決之淚下執瀾名本其將死矣勸余察時會
魚服速遠徙後母苦賊徭遣歸欲脫履憤其不出迎毒手施
鞭箠責令坐閭左蒸滯日移晷坐時婦外苦賊日中以役女遂日代
母受笞辱怡然撻于市責時賊以婦當人受笞女自往請代賊婦偏
怡然而歸十芸瓜杖猶如河魚疾難弭祝宗禱既虔恆幹憤未
委夕寐霜露間力求蒿里邈法應覓鞠窮謬云需蘭芷臨訣
痛入骨申人六禮俟可賊合氣漸家亦不欲令遂止故決時言之不桐

九 汪照上 金陵叢書 蔣氏校印

棺不可得紙錢安取彼棺法不用衣衾葬同楊王孫行道類
有泚山全葬於城內小山之下後骨肉不能顧誰為哀楚只其
兄之固深及其姊同居也其幼女最淑慎與姊為姊妹且起佐中
厨暇則治麻桌隱憂每先人退讓常後已佳壻頗溫純吳生
弟也 倡隨亦兩美昨聞賊氛逼東下眾於蟻故人發歸軫苦
邀侶鹿豕行邑胡君邦華勸至室下汝壻殷勤言南行當結
軌巨果且慮至胡君無以酬善口更難附望歸鄉時余以資斧甚余腸日
九回自知蓄無旨買舟賈孔艱何以給釜鉤悠悠望徽山患
難因循起也余不知以安處撫安當先通時以俟子安賊急出行可
也 竄伏菩提廠生死余負爾中塔善提家果以避寇山男女雖以班
賊暴那能救憐汝為采藍負擔同女使省余乞活憂悲不能
仰視含辛尙未言一痛涕亂灑汝壻時在西被脅沅江沮聞
余將行迹踉蹌步極駛雙淚湧飛泉生離死別疑第冬余董
逃寄言不通鯉昨得汝壻書知汝賣鍼備奈有最小兒行邁
難離靡行見填溝壑否亦嘗石矢誰其念伶仃祇余痛毛裏
復思嬌兒殤已悲堂構圯疾謂棄更有最小兒謂存宗祖祀殊
鄉烏將鵲安想駒參咫墳墓穴狐兔桑梓隔雲水無兄莫汝
聞有母焉置此族戚既云殫兩姊空遠企鄉鄰未一面父執
嗟已矣冬惟望葛帳食敢計旨否學文無書史習耕少耒耜
力微難懋遷性拙謝匠梓教誨憑折嬰欺凌受餘子疾痛誰
撫摩流落等稊稂思惟早授書習儀謹辟咄世途屬喪亂嗒
然學隱几苟能甦守青絕勝衣賜紫學道係汝真不農亦不

十 汪照上 金陵叢書 蔣氏校印

國初諸老宗華寧靈煙日揚錄仇請良霧燕雙滂海巖廡
後鶴翔愁冥墨池序本見遺法虎賁尙具中郎形諸城尙書
野警鄒峨冠佩蓮輝瓏琳壽煤蘭紙走海內合宮肅穆朝翠
靈北平點香換華粘苑粘以老留與聖懷來朝野趨賦媚吳
聖秀治越與姪間爵實至師樂毅得腰跨後符跨躡一豈崩
聖祐喜筆筆薰風輝愜生殿樓蓬萊有闕盤踞魄沁道堯炸
州履節碧峯太華此峭厲嚴霜迅掃清狂捧元初幽贊不離
走慢以寂照敷煥煥折教新功縱異派與寶香昌真兼赫此
沐涉出道光對美沃漸老非韶齡神首石斷碧裂常條皆瀾
湖如期哩我鷓舞舞翔列鶴鶴危峯壁瀟瀟書畫海院附松送
沐難壽散莊壯神拾勝奉生靈影靈碑版廣蒐厚肅爲嶽嶽

丙十一

汪照上

十三

金陵書畫
謝氏校印

符璜先廟皆妙絕比例俗本誇獨醒西平一碑更超邁藹藹
吉士啟明廷復從汝帖得百字嘗以響揚書丹屏卽如元秘
亦舊拓對此豈音涓與涇廿年車馬徧江海述古老屋春常
局一朝巨盜據城郭文武道盡隨六丁填委溝瀆不敢拾飄
泊風雨嗟秋螢禹鼎久拚沈泗水趙璧那得完秦庭畢生精
力不自惜惜此巨寶埋江汀觀君此碑發長喟如從西漢追
遺經折楊皇孝日滿耳衰老那有鈞天聽借來旅窗滌愁思
日展百過何忍停幾時真賦洗兵馬村酒竟欲傾千瓶醉羣
健骨勒貞石記載鯨觀輝郊垌
夕陽示諸生
筠篔簹暗卷重重鴉背斜陽色尙濃古渡漁收高樹網亂山

僧打破樓鐘林邊村小煙初起柳外橋橫月已逢記得片帆
江上路臥看石壁作芙蓉

與諸生言唐時櫻桃事適諸生送櫻桃詩以示之

朱櫻開晏集衣冠丹鳳樓前奉玉盤早日上闌陳七廟一時

中使給千官西京火齊圍成樹南海珊瑚碎作丸只有杜陵

悲轉徙尙蒙分餽飽朝餐

三月廿四日胡實翁餽橄欖示諸生

少時畏橄欖入口苦鉤吻中歲滋味淡吮咀等苴葦連年餐

兵燹胸臆陽痺憤思之如火棗販負斤埃謹良朋殷勤投碧

玉匱啟福和以新摘芥盡謝稊餌粉甘美卻耳目始與君子

近其後得雋永厥初懲違忍集蓼兼喚蔗請與子言隱

丙十二

汪照上

十四

金陵書畫
謝氏校印

有感

畫尤妖饒極縱橫吳楚遊瀟瀟列營方歎蔣陵鹿氣忽傳

酒面驚鴻鸞獻伴勢隔烟無日報獲孫談亦悲情大帥從容

揮羽扇九文亮是老書生

失題

疾馬遊風蓮呼羣度九巖列營千里隔傳箭聞時知

半城百戰時時放其用也於今日悲房瑄

開放教

聞說後回悲戀舊興屬才

總師來風鶴三江增龍蛇八陣開提攜同李郭

晚雲卷

喜聞僧師歸南來

聞說窮奚健高秋會歸林雨家甥舅國五部主臣心維翰飛

誓召汾陽仗鉞臨還愁大宛馬從未度淮陰

度漢皆亭障名王罷引弓和親天女貴述職土司同古俗休

輕漢朝案牘即我日碑忠允著請上谷盡功

閒行

閒行由子午裏血得華登暫使民情因之舉訪騰雄難爭

楚漢徵久北郊膝昨聽開鷓語公徒尙執冰

到門

曲燈橋橫初舞雪夕陽山好隔溪樓到門無復棋聲在滿目

煙煙作夢游

丙十一 汪原上

十五

金瓶梅詞話

失題

女死令我哀女女在令我憎女劫火滿東南欲援力

不能呼籲天方醉百鬼怒憑陵圍首戢戢哭驅入大飯蒸愚

者罔引決創肉腥俎升吾衰若風燭念此常兢兢壽廢異時

世當使心性澄嗟爾如緞旒巨石墜枯藤路遠莫致語強作

計語騰心神默商樵妖夢謂可憑外時自二十以浩浩大江

水綿綿朱絲繩陰堂見弟妹土花血淚凝莫訴閻浮王癡鬼原

聾丞

憶吳粟生

戎馬音書絕江淮寇盜頻憂時吾側目將母爾依人有淚猶

非死無家始是貧嗷嗷妻子累天地正風塵

汝少經多難吾衰隔遠方遐陬憂寇掠巧宦說兵強早歲風

冰木連宵天雨霜窮途不得見愁對菊花黃

將死猶悲汝多愁那為家定知諸女在更不一餐加攬鏡知

顏改登樓況日斜雙魚渴水遠寇盜已如麻時賊集在

聞說張昌死尚仍憂石勒強善狐偏自帝全洪秀銅馬豈真

王臨感事嗟身賤趨時怨夜長便欲早赴無兒憐塔遠

搔首望睢陽

懷人三十三首丙辰十月六日

一日一相見猶嗟隔水居頻年怨離索相憶更何如之子性

情癖於人禮法疏曉曉終恐缺東望每愁予子通明

道直難諧俗才長不庇身想當雷火劫不改性情真妻子原

丙十一 汪原上

十六

金瓶梅詞話

成累琴書定更貧吳門方質庶知己近何人馬鶴船明

焦卒張徵士何嘗對漢廷衣愁猶子白無眼只老妻青

野寺難謀食村民厭說經可憐終落莫何止惜伶俜元子

料得春明返三君髮似絲無家魚目醒失路馬蹏遲琴劍增

飄泊妻兒怨別離多才羣季在患難幸維持李江三同年之

垂老諸侯客朱弦背賞音移家惟海曲彈缺定淮陰鴻爪留

應寡峨眉妒亦深今時房相國未必愛彈琴高子小明成才

里閉論交眾嶽崎見兩君調同歌白雪跡不附青雲肥瘦優

能說潘渢味亦分途窮難堪首日暮惜離羣先二處士高用

烈浦滄江昨流離兩禿翁瘡痍羣盜日肝膽古人風孫子看

倚壯田園劫後空至平華表鶴尚欲借廣東王雅林尚昆

把酒論文日五君皆少年曾紆陳子杖期著祖生鞭甘苦殊

瓜味支離惜柳眠靈光難久在健翻祝騰鴛王少卿高附子衡

三子皆奇士寸心絲九流厥微存大節劉石戎馬念奇謀子陳

跡欲黃岐託圖仍白草求管小園城刁斗外握手數句留

樽散憐吾老諸君悉妙才危城留縞帶何日上金臺驥足終

應履雖豉豉可哀來歸無可望滿目歎蒿萊張劉大淮趙子亮市

精進

世穢妻孥俱謀噲噲逃命憐驛梯似決策歸泉力斲跡蘆

隔辭行行補瀾高壽靈恩謝賈嵐兩首重播張生楊二茂才

丙十一 汪際上 十七 金陵 蔣氏校印

當代孫賓石窮途識面初郇廚常索饌鄴架許翻書周微初

更欲持金贈和光廷俱憐毀室餘吳趨知小住何日返

精廬

洒淚無家別俱成有髮僧飛揚餘暮氣離亂少聲傳銜索憐

枯鮒鑽窗盡凍蠅吹簫吳市事何處辨鳩鵬丹楊朴安陳小

才筆凌鸚武行蹤斷雁驚亂時輕薄秩廣文西農純行亦儒宗

張子才華捷王郎抱負幽逢時無俗韻履險更離憂竹杖雉

亭路明秋青氈灑水遊茂竹樓再經烽火迫何處掉蘭舟

論文當總角諸子擅詞壇秀擷蘭蕙采光明組練寒萬言空

夏課一第瘞春官誰識半騷意非真樂潤榮葉子集楊芹

李孟 趙長 胡毅 之 諸 孝 廉 余 芸

昔有東坡癖卿言亦復佳冥觀魑魅伏姚石安妖夢鬼神借

一自河橋敗旌旆失八關流離餘婦子破碎是江山淒絕蘭

成賦狂歌草澤間仙芝誅戮日一樣血斑斑周明經楊柳

大江 南

大隱辭朝市言官拜瑣扉鱸魚真太息驄馬尙光輝已遂五

湖願誰知十畝非台州司馬在狂論未嘗違溫明叔宗丞何

居竟長安易君真新與騷春原多趙北老不憶江南談想松

枝勝歌還菊部耽館餐頻遇合延譽有桓譚葉金門張

丙十一 汪際上 十八 金陵 蔣氏校印

六 嶽 山 遠 官 聲 喜 并 廉 養 心 自 異 回 漢 語 須 兼 變 俗 惟

通 賈 味 姝 莫 諱 嚴 西 南 際 國 近 威 望 致 巴 鶴郭子久觀

句 溪 選 比 部 堂 邑 只 冰 銜 篆 籀 文 能 證 商 周 禮 發 凡 官 湖 同

暮 雪 滿 山 井 汶 浦 舊 春 帆比陳人幸有陳光澤藏書已十函

倚 寓 驚 烽 火 無 從 問 弟 昆 家 山 巢 寇 賊 何 處 覓 田 園 萌 浩 官

衙 碑 司 空 簿 錄 繁 兩 君 揮 涕 處 比 我 更 煩 冤葉星來

吟 日 藥 園 客 中 名 孰 寡 雙 書 憐 伴 半 世 吏 幸 遠 三 江 水 汎 灘

頭 急 河 聲 枕 上 撞 欲 歸 無 處 所 相 與 泣 蓬 窗小漁上

孝友傳吾季亭誠近古愚艱難奉母嫂離亂夫妻孀在昔逃

小漁上 合俱府客

小漁上 合俱府客

小漁上 合俱府客

小漁上 合俱府客

小漁上 合俱府客

小漁上 合俱府客

小漁上 合俱府客

小漁上 合俱府客

小漁上 合俱府客

小漁上 合俱府客

小漁上 合俱府客

小漁上 合俱府客

小漁上 合俱府客

小漁上 合俱府客

小漁上 合俱府客

小漁上 合俱府客

狼虎猶聞伴獍獠，集今嘆血北望憶危軀。

中表朱公叔平生盡止艾流亡，依愛字製亂底平交未得常。

貌處多應避虎虓，陳遵猶愛客不必懼椒椒。朱鄒水茂才

當日潘楊威曾蒙賦大招尸，饗愁母老負極喜兒嬌陶浩道。

迢水陳墟短短橋，幸知僚婿在終竟勝吹簫。沈文元內兄

驅幹陳安小危城，夜枕紅巾憂賊眾白髮奈親何巨寇開。

關日殘黎出通多，愁君扶老母曾否渡淮河。宗桂內弟

食指憂君眾留賓，憶殺難襟懷吾輩契先見古火齊族滅多。

煩累家庭苦勃谿，寒山千里外客幸提攜。汪述之茂才

白骨悲吾友門前盜，似麻竄身遺獨子殉難痛全家初日秣。

陵樹繁霜藥圃茄，相逢流涕處為爾惜年華。陳心友子月宜江之

百十一 汪上

一力

金陵書
將氏校印

外祖清芬遠高名，海岱揚詩留山秀集帖刻瓊花香風雨迷。

堂構箕裘惜渭陽，孫曾尤落拓四壁失遺光。蘇錫五中表

六世江東住宗人，賸從兄龕依彌勒小日苦左邱盲薇蕨無。

能餽棠華空復情，死生知永別感此淚縱橫。竟成從兄

餞友人赴試至夕不至，忽青衣示書已解纜矣即用原韻以

答

虛堂做湘簾，過雨溼苔碧朱樓燕已暝，停琴遲嘉客弦月出。

修梧流素下西壁，微聽拂庭竹背深查行迹，道懷無紆阻清。

尊歎塵積巡廊省，昔愆煙蘿滿階石滅燭當前榮，清輝滿瑤。

席佳人不可期，青鸞送尺帛秋颺振遙空，祝君奮雙翻皇途。

方夷庚天地化咫尺，離曠涼已遠放溜暹涼夕，遙念歌唐虞。

推蓬江月白

風急歸宅

攝提指孟冬，堂廳風力勁。知深人不霜雪積座右異俗益衰。

病歸去遠微行，宿宿郵廂迎殊方無親朋，庶下媿梁孟有求。

速悔尤無禍，即大慶萊妻戢影對口，誠心則競故園豈不懷。

素位緬前聖

戲問神

馳書祝土偶，試為國牧圍神有大威力，雷霆孰敢禦冥誅。

洪楊石一穴，幾十鼠寇盜，徒待清報祀特奏，舉魏峨建軒堂。

馨香錫稷黍，桓躬被危藻，簫管飭律呂有司奉，祝帛巫覡飽。

百十一 汪上

二

金陵書
將氏校印

詔符歲秩領祠官，餘神皆邪苦何用，愚鄙民瑣碎及篋萬買。

王而得羊雖佳，非其所向，神索報章神類不敢語。

衰

患難精神耗艱虞，面目非貴交多口，惠妻子惜腰圍書羨當。

時記心緣膂力遠，畏寒兼畏暑未晚，每先歸。

老

才度知非日常思，少壯時既途多難際，轉覺暮齡宜乞米謀。

能少簽兵笑已遲，獨嗟殄巨寇，溝壑久先期。

病

鶴旅還多病，傷心迫歲朝，藥因除更貴，燈與力俱銷，寒怯衣。

綿薄眠愁夜，漏遙無人供，策遣空向老妻驕。

卷

切莫呻吟苦前賢免此無依人時病為傳世快遊楚諫少黔
妻婦交情于船徒已嗟歸時地愛子共邱隴

夢念

爭首傷心對痛疑我欲愁影形聊慰藉口舌伏股憂兒女心

世堪予支血四流故鄉舊壘滿北望惜松楸

掛

至架依人老讓侯昆事遲干時憑面自誤我是書詩豈但衣
懸杏乘之朋方鏡年年空乞巧春抽倍解時

貧

謝少梁鴻麻兼無趙登鏡易我愁發露略飽即神仙漫想為

奴苦無如人知難行乞全山鄉同一俗健步將何還

孤

死悼山中柏生懷江上村老誰憐趙孟信復隔梁園宋州任州

江女在弔影山妻病招魂弟子存韓陵碑不見無語惜黃昏

憶兩女

性拙不隨俗年衰迫蓋棺此方都盜賊他徒更艱難思雨輒

心痛背人惟淚彈良謀新汝死更不祝平安

劫念

四山積雪喜初殘一夜驚波激素湍幸有軟杆消白晝最憐

草閣正清寒援弓久惜前人誤拄杖深簪後著難劫念近知

非一角憂葵不敢作秀觀名什平益州紅高貴西蜀南河

非一角憂葵不敢作秀觀名什平益州紅高貴西蜀南河

故人毛州江安晉江西州大

送人之汴梁吳子何果生

故里干戈未許論清秋哀角雙展昏危時書劍同流涕垂老

江湖漫受恩每飯我惟思鉅鹿此行君必訪夷門延陵季子

應相見為道孫卿道向尊

夢歸有感

黃旗畫戟列蕭森結服諸于警客心尚有金盤關內送未聞

鎮鎮建康沈荒城積潦無禾黍窮巷寒冰感竹林近日功名

早管為遂教梁甫起悲吟

周志甫至

名理簡淵深坐久倦酬對支頤姑玩山初月出屋背西窗霏

夕煙微風竹影碎茅榻能暫眠粗榻設煎茶遠鐘穿林來微

悟無外內提燈出羅陰誤認鄰犬吠

元史

藏古習簡陋其文不及物脫誤與殘缺結繩相髣髴俗儒慕

煥為談高理實不暇暇者頡且日月破幽鬱尼山感玉虹素

臣襄麟紱西河傳諸經前後五嶽訖道器寫模範人文資翻

載一貫雖悟理文略語亦吃身教未能遠譬之尸棄佛

坦頭汪介堂與余別兩年矣忽夢與余遊深山一老僧持

紫芝令界余窮而識之既驗月自郡城道盧山師子峰歸

則仿佛前境遇沙彌持芝與之曰界若以界人悟夢語乃

不遠廿里而持贈遺余戲更名芝生印名刺尙未詣人也

相親而笑詩以詰之余以死之生靈故與今之生靈也

市日木市五行集三月下木

君不見商山翁羽冀驚倒龍準公又不見漫溪叟清德獨居

容管右武裁禍亂謝不敏浮懿高風在人口犬羊道逆易天

常麟鳳不祥况胡者吾衰辟地安所營宋俗屠釣爲人極子

皮張藤久絕望患難惟慕劉更生智者冥契示光怪靈葩翕

絕符嘉名道心能通緣有想儒言微顯由厥誠又一智者遠

將送若回鼓鐘聞鶴鳴復用此語證知識江南荆棘方縱橫

師峰崩崩灌楚合時有清梵無人聲空山老木朽無用陽施

陰化蒸以成臥龍蛇甲洗洞雨流星墜石輝秋晴霜風飽飢

恥草藹雷火噴薄全松貞寄身巖奇足編柯雲霞灼煉朱英

英芝紫嗚乎芝兮甘泉齋房不復覩降而不能榛莽伍傷心

更若所南關風塵瀕洞家園土

題馬鶴船所撰葛芝山傳

宰輔干戈作兒戲眾人皆醒君獨醉夫婦交勉長檠青眾人

皆醉君獨醒玉棺雙蓋荒園裏眾人皆生君獨死故人彩筆

傳忠貞眾人皆死君獨生言性言心何所補卑鄙事功尤諱

武黃巾萬帳舞衝梯佞臣專摺侈干羽建一軍倉卒列河

橋兩甄輕薄趙公府王用之大語令公喜攫取黃金買

歌舞張守備自詔羊尙書郭桂林敗將專營伍不守鵠

岸與梁山南風死聲困龍虎遂令地道與梯衝百萬生靈供

刀斧魯連蹈海要離燔王闔胄經左車虜劉阮定知非俊物

一笑輸君甘黃土嗚乎禁民選文納民矩封疆兩臣補乃

稷翰東都名將憶臨淮西京儒術皆張禹談元談理將毋同

冤魂莫怨王夷甫

戲於三門亭訊謙受

天公未春催作花翦水一夜橫復斜眼前丹碧失顏色滿山

枯樹生瓊芽幽洞不流石徑絕柴扉畫閉無巾車巷南袁安

定高臥不問溪西賣酒家

瓦雀

一雄挾兩雌相依不相食進無相妒心退無兼營意滿忠乃

制禮上德必棄智所以鴉居時人不與物異

琴隱圖

第五橋邊路將軍果死綬一家忠孝節三絕畫書詩擲筆高

吟地危冠畢命時只憐在林下未豎曲端旗

益陽師魄金蔣刺史同年之意也賦五十韻致謝并簡周志

山

古賢力耕織田宅安里閉牀頭一卷書畧餘自珍玩胼胝勤

南畝淵博謝東觀麟鳳偶來儀星雲翳紉綬人股繫駒懷麟

然活牛歎俯仰足饒霽塵俗等冰炭上士更逃名湮沒不可

算萬鍾與千駟一笑若河漢周衰士無田賢者謀修殿關河

獻策煩齊梁接軌亂道隆或辭鑑途窮屢批腕儒墨軫雖分

臧獲過相半所以莊列徒各有爲犧憚朝爲畏壘祝莫爲溝

中斷設醴嚴九賓晉靡詎能扞遂客出入關坑灰那能窺回

思上蔡門邯鄲夢誰喚
愚生遊衰病干戈罹多難
勇既謝孤矢力不任
版幹長缺無處彈
枯桐分入爨潛伏深谷中
做襦不掩飭野人
哀王孫估畢舉
童冠免死溝瀆間
晨興不及盥客授亦自得
星霜候五換惻然抱隱憂
不寐如鷓鴣鼎彝雖云尊
適用姚伍繼世需
栲栳材人笑朱碧
燦求正加吹毛禮漸衰
既祿矧有夫已氏性
道詔一貫稗販宋元儒
虛無弼與晏博文卑
仲尼讀書恥姬且燈禪
啟旁門智後登道岸
典章剗江戴倉雅刪
王段執其寸筵愚欲爲
修竹彈繩人方從孳廢
食及日吁閉戶遭譏呵
奮飛乏羽翰何期遙岑
苦贈我青玉案雨露雖
天功祈禱賴用權即次
具資斧窮通一朝判近
免困牛溲遠或赴浩瀚
妻子雖窶患難未忍散
山竊鶴留

丙一 汪曉上 二二五 金陵叢書 蔣氏校印

嘯邨荒青木灌攤
金燈欲昏裁書簡
屢汗股勤謝冕紱
追琢念圭琢取笑負
薪翁文章媿唯渙
鳳皇
鳳皇無所求
屢世不來儀
孔雀麗文章
翱翔挾其雌
豈必乏金翠
卒爲牢籠之
巢父臨棄瓢
尙須借一枝
許由辭萬乘
無田身安治
我慕鳴蜩廉
不食亦不飢
蛻身塵俗間
何至憂園葵
咄咄於陵子
辟纒能絆羈
竹實安可得
徒慕蝗蟲爲
即事
高堂張鐙勸春酌
簷前雪作天
花落主人留
客客言醉苦
道今宵宜作樂
京口已復瓜
步平此夜定
能元濟縛楚
師指日收江
皖淮師轉眼
清潁毫錫功
告廟慶大黜
整頓乾坤由
李

郭操綬將談正始音
性時方勒碑定取元和脚
賦時向萬卷能緝往日書
六州漫惜當年錯
老夫科頭歎衰朽
五載深山飽藜藿
舊業已悔羽
陵蠶故里卻同紇
干雀借車載具賦
北征倦鳥投林蛇
赴壑歸來支枕夢
不成日盼茅簷噪
乾鵲自得

結茅林上阪
曉晡阪下田
綠坡多新竹
萬綠浮炊煙
朝暉影散碎
好鳥鳴春妍
鄰翁相揖攘
社屋指前川
爲壇菜花裏
村巫理管弦
日夕各醉歸
牛羊枕草眠
暢然各自得不慕
羲皇前

贈周志甫北遊四首

當筵笙和鹿鳴琴
羈旅窮交更繫心
但祝鵬鵬神變化
不辭

丙一 汪曉上 二二六 金陵叢書 蔣氏校印

接鶴與高吟
異時賈傅勞前席
莫效相如賦
上林知有匡襄良策在
定非搔首羨華簪

驪歌一曲擁雕鞍
滿目黃巾劍氣寒
聖主惟應思李牧
大夫從古重桓寬
筵前鸚鵡宜論賦
柱後神羊盡著冠
燕市酒徒零落久
朱門何處缺能彈

寇氛蹂躪遍凋殘
祇爲蕭何律太寬
早日漢廷侈漏網
豈惟粵俗喜探丸
承明詞客工鋪藻
臨濟宗門正主壇
倘有常何問方略
漫誇儒術薄申韓

九門夾路走朱輪
曾向金台步後塵
東淀帆搖津市曉
西山車碾太行春
輿援俗笑田光老
市道交嫌管仲貧
若使長安居果易
兔園挾册逐時人

卷堂

家具蕭條尙借車恥隨王衍話元虛諸生新習三經義老子
難安半畝居得失久同邊塞馬往來休問武昌魚鹿門不遠
殷勤訪定有龐公肯起予

胡寔中課孫圖

獨上高原望白門江頭朔吹鼓聲喧羨君黃葉深山裏尙抱

遺經夜課孫

懋仲小照

盛漢終軍對過秦賈誼書文章悼史紀才氣少年儲以我歎

衰老逢君冀起予爲歌金縷曲春水艤舟初

留別華潭諸子

江上

二十七

金陵

谿山晴雪一千里西接潯陽江上水客行更指黃鶴磯回首

梁安若桑梓萍蹤五載微嶺北道逢兒童亦汝爾諸生相從

話文字鴻爪分明在苔紙一朝掛別長嶺東溼雲悠悠慵不

起師恩友誼苦難卻秣馬脂車非得已淵明才拙性復剛尸

祝那期逢畏壘采菽所得勤者多隨跋不難過驟耳移情願

附方子春萬卷縹緗時校理學成致用豈無術莫重秦灰輕

腐史干戈滿地未能歸他日雙鱗期數子飛行蓬島對三雍

祭法毋忘自何始

辭寫小照

豈必凌霄寄遠音卻慚雙爪雪泥深月明漫寫驚弓影飛入

瀟湘江上琴

再別諸生

著述深慚爾雅台五年講樹此間開私車政冀良孺從異地
尤添庾信哀池上鷓鴣期矯翼洲前嬰武豈言才江淮歸業
知何日遲爾同舟載酒來于時有欲從者

汪介堂贈茶船二賦此謝之

禍機如覆弩發不擇朝夕以言爲之鴟積矢向樹白平生舌

莫謂得一失常百事後悔縱深前罪已狼籍感君銘刻詞規

言取周易默然固吾扁不示敵以隙即有公輸攻尙賴白圭

策飲食不敢忘珍之同拱璧羣居惕與戎惺忪到諾責獨處

懼傷氣儼恪對尊客慎勿違一快咎譽乃無跡銘括無名

有形多隔閡思乃無不至虛構極巧幻上下無天地乘其雋

江上

二十八

金陵

敏力黑業犁泥墜冥馳自搜討悔莫挽其轡感君銘刻詞代

鵠嗣詩義防之如危城況敢見諸事即當可欲陳敢以一售

累形神借檢飭否則等虛器取與不可妄莫以常變異龍利

不可居莫以困亨易昕夕鑑在茲慎勿藏之笥銘思無邪

馮經甫餞別即席有感

閉戶著書四十年搜撥散失窮珠淵江陵運盡文武歇牙籤

三萬如雲煙竄身乞食至微谷斷簡一二無完編衣我食我

有義士五載幸得妻孥全從軍明年赴江漢嘉餞爲我開華

筵酒行未終客慘沮百里喊殺揮戈鏖灣址新失兩大帥紹鄂

文良英建潰兵四劫宣城壘壯士章慷慨議守險唐分界公嶽山怒髮

植立搖鳶肩欲將一夫管邑北老罷當道威騰鳶書生恇怯

只讓走幸無長物心拘牽危崖絕坂可攀陟天寒微厥何能
率坐有仁者三太息許呼庚癸山之嶺浩然歸來視妻子終
宵對坐難安眠劇賊威克豈德化世無韓白徒憂天長平新
安兩快事腐儒昨舌稱舍旂嗚呼責備賢者赦寇盜浮生何
日安青甦

畫螺

與世更誰爭何緣許不平高遷能擇際消極即無聲禮聘爾
何捕貂冠志素輕只思故山好五柳傍門橫
追感陳純齋語
漫倚朱絃奏高門瑟妄彈家貧經世淺時亂受恩難暖火連
山赤戈矛白齒寒鷓鴣猶若此倦鳥敢求安

丙十一 汪上

二十九

金陵書
蔣氏校印

短歌哀汪馮二子

君不見汪梅軒純孝高文默不言客死千里爲愁魂又不見
馮經甫信義斌斌足千古家毀身戕逢乳虎禍不能及福敗
之道不藩身鬼亦侮七都明曉善訐告上莊家家厲刀斧東
投英夷走滬濱北通賊匪販煙土大府縣令畏威勢醉壞都
亭亭上鼓部郎承顏太守拜權力何啻十阿父東家生兒身
手好相戒學文惟重武紛紛不勝杞人憂愁聽傳心舞干羽
得岳華潭吳中信

才聽涇南鼓角休荒村風雪壓危樓監門久客吳中市賣卜
將維鄂渚舟故里江山增涕望寒宵獲鶴共羈愁何時桂樹
幽夢發重向陶家訪舊游

山行

寒山轉愈幽孤尋澗廬想斷杓繞深竹微徑難灌莽偶於洞
流外遙聞伐樵聲寒雲欲往從磴狹半弓廣即次生道心湛
然空氣象便欲結圖焦置身義皇上

元日題葛君碩蕃小照

擁鼻方爲洛生詠到眼玉山向秋映快譚忽憶故人筵周君
蘊藉精明氣味并四年小別微山南時事艱虞感無竟王家
夷甫昔得君不談經濟談心性已述元虛誤學徒更侈姑息
云祥盛一敗河橋萬事非沿江寇盜錄煙勁邸第同嗟舊
乘荒縣官勸佐軍與令囊囊蕭條妻子愁有司搜括心機競
次室深惟魯女憂盡策敢憚東人病轉漕離股濟大農戰場

丙十一 汪上

三十一

金陵書
蔣氏校印

奈是同優孟長者誰如卜式賢使人皆附戚孫聖術重猶甘
肉再剗牢騷素髮生明鏡只惜呼天蟻豈臣無裨率土蟻蟻
命嗚乎世無韓白可若何典屋賣珠供從政

感子

友誼師恩最感子非關彈鈇武昌魚他年未化遼東鶴願結

蒼山沙社居

贈張廉卿

賓筵歌騷駒聲淫及菘竹學術歧畦町進善譬采菽麻黍稷
麥豆刈穫皆果腹來牟匪降天糞稗亦云熟張侯力穡交胸
如舟萬斛即今修禮耕縹湘滿巨麓肆勤殊非憂代爲籌車
祝良時不害三嘉穗必藥六簋簋薦賓祭釋蒸飫比屋召吏

計厥功登會十年木同受萊百購種後定爲穆情畏憚播琴
具穀塵菽菽逢年云有秋那足供餽饗謹當謁監河升斗貸
旨著

贈方子帛

冠蓋交馳霸府新才華煨燼楚江濱從師北海尊經術取友
東京半黨人香草徧尋雲夢土戰場親踏魯山塵異時馴馬
行春處谷口應能訪子真

用山谷寄懷李德素韻

采蘭荀盈剗鱸鯉在堂下將毋弗解組衣錦行長夜所媿得
道人只云在磔瓦逢令唐公鼠怨誅入小雅黃河接銀漢古
有問津者元鶴舞申且庶幾遇于野西風寒蟬暗念此我心

丙子一 汪上

三十一

金鼓書
周氏校印

寫

戲言

五雜俎望台閣往復還假道學不得已效行脚

書薛慰農山長扇

太史清操

任開戶部窮村

吹枯曾久荷春風何期華表歸

來鶴極口憐才又見公

祭曾文正祠

幾年從不遇西州拄杖今姑作勝遊舊日相公門下客幾施

行馬擁貂裘

是日寒甚

得廉卿信

昨從畫舫得雙鯉聞挽滄江用萬牛白髮孤燈成絕倒青氈

昔款動離愁吾從舊學傳舊法判與古人同古邱回顧籬門
二子漫隨斥鷃共優游

某刺史

豐盈如數千戶侯侍女吹笙彈箏篴問君何緣大歡喜昨辭
士師請靈邱靈邱之邑斗大爾馬如游龍車如水策金伐石
買高文鑄德政碑邑城裏

徐之銘

孔雀屏開采錯金居高心性轉沈深昨朝讀到登科記陶穀
周鍾兩翰林

借馬曉容夜話甘氏園中

肅眉虎氣本飛騰落莫今同退院僧高樹晚涼催白髮它鄉

丙子一 汪上

三十二

金鼓書
周氏校印

奮兩共青燈心驚豺虎凶猶背話到魚蝦歲比登聞欲郎官

湖上住可堪風月冷於冰

近聞汝穎足征塵薄宦孤游不礙貧若無涉世升沉憑位業

傳名久暫視精神時欲人雖資章甫徒思越卽易羊皮漫入

秦已鉛槧朋輩同作健居停何地乏賢人

與湛然閒話

晚山蒼翠如四阿寒蟬遠近時一哦老僧扶杖出迎客呼掃

脫葉堆坡陀問師何樂復何病隨突不駭顏不配答云欣戚

與飲食同諸有象無偏頗五十三參得正法千二百歲惟處

和若生分別卽煩惱觸境世法森闍羅我聞師言自省悔徇

俗荆棘纏藤蘿此心明月共圓潔空寂相對爐香多

清江

清江淼淼荒菰蒲沙汀萃止雙白鳧瓦官閣圯風浪惡載沈
載浮視若無問君底事狎島嶼誤被怪鳥教嗚噓臬廳長技
玩鸞鳳君效其語非其徒一百六日過寒食七十五亭懷故
都樊籠可脫疾飛去天涯有水皆江湖

擬小游仙

蓬萊曉色叫鷓鴣閣道朱旌拂彩霓天半禁鐘開兩掖玉珩
先渡絳河西

文昌珠氣簇芙蓉旗鉞猶居第八重近說萬方憂水旱漫陳
符瑞請東封

豐貂插首附寒蠟興盡秋風理桂棹榮感一星照江漢累君

丙十一 江上

三十三

金陵叢書
蔣氏校印

東聽子胥潮

久住蓬山最上層本無天棘與鉤藤河津百尺龍門在一例
凡鱗未許登

憶甘玉亭明府

健筆曾空冀北羣方之存吳市豪氣欲凌雲倘能握槩依霞表
定可談玄到夜分生意婆娑枯樹賦世情反覆毀茶文冠榮
矜絜非儒術帳下誰何遂誤君

雪後訪放鶴亭

河徙沙平駟路遙雲龍青翠若爲描空勞太守騎親訪無復
山人鶴可招破壁漏痕紆篆籀空庭茶話雜漁樵姚余二十

餘年夢鴻爪於今并雪消

題丁得之鄉墨文後

十部新聲合樂來清商弦外有餘哀諸公慎聽華原磬請識
虞廷擊拊材

失題

婦學韓白夫黃老一喜飛騰一枯槁人生得意在同心前日
合歡真草草君不見南山狼豕腦吸髓抽肚腸欲令山鄉無

不入洞鳥不翔明星煌煌待天曉夫婦俱怨泰山君錄事功
曹目皆眇

失題

吏部助階歷兩京公才公望眾心傾溧陽一尉殊寒儉安得

丙十一 江上

三十四

金陵叢書
蔣氏校印

黃鐘大呂聲

階下寒蟬怯早霜吟風咽露訴淒涼荒煙衰草能天樂演雅
涪翁漫品量

黃犢分明力穡宜犢生童角又多時無端老牸殷勤意衰草

斜陽不自知

一片荒寒起夕煙西風殘照小窗前若爲留得金盤露且飽
空林未蛻蟬

王誠之上舍

君去其鄉亦以食令不能歸故同官所忌

獨尋茶社胭脂嶺察院坡前屢見君彈缺來游梁苑雪拂衣
歸臥蜀山雲九宮無術能違卜五鬼相從漫箸文滿耳杜鵑

行不得子錢公牘訟紛紜

事以
通也見

冷煖幸自知飢飽皆為病士不能自高膝淵聽趙孟揚箕箒
在前挹漿斗有柄孤弦成賦賞豈必簫鼓競側聞廣陵散尙
俟洛生詠服膺大賢訓死生不有命

乾坤有坦塗徑通饑鄉北飛行歧中歧金紫唾手得守拙菴
其家巧者變通塞寒山青有時道人殊墨嘸

愚魯見事遲苟且喪素抱家無一寸田犛獨誰養老沈病親
戚疏長飢病婦惱種梅構小祠千卷自傾倒不朽殊難圖
下終亦好澄觀培覆天瓦礫豈無道春秋日代遷識微悔未
早

陽春延不來酷寒送不逝誰能盜跖行取財象狗鹿涇渭忽
百十一 注 上 三十七 金 陵 書 局 印 行 氏 校 印

並流肝膽有同斃孤柏挺霜姿斧斤赦年歲山蔽既無柯姊
良攬在袂捫舌難默墨秦客發此例

自幸

幼學不通籍乃以文字見亦幸託空文偏辟無誠謔誤人是
銅章利害及州縣聖言在六籍世情口萬變畔道做俗吏驚
馬棧豆戀失察僅淵魚徵速厲雷電詔將撫字仁通盤課最
殿則例繁秋茶知賢不敢薦畏塗滿天下念此肝膽戰中壽
木已拱自幸託筆硯進非七品官退殊百六掾交游雖賢哲
稱引只經傳上賴君父恩隨處得貧賤惟期口三緘飾巾葆
清燕
雜言

地球雞子黃萬古無消長生齒日億兆山澤力難養遠夷航
梯來弊固在利網聞亦因人滿幸遂非非想度其果飽溫未
忍去鄉黨中土困妻妾小別輒惘惘怯不涉波濤妄欲持節
孺童昏叨蔭任物力狃浩穰一失父兄責飢迫歎俯仰運替
豈再與物大莫能兩素位貴自責非分詎久享前息後必消
至理未終爽

失題

移之郊遂隆酒醴每人悅之非政體侏儒方朔不致分同坐
長安索官米辟兵有客過曲阿江昏月黑蘆笥多楚人一炬
賊蹤滅腥穢洗滌澤白科豈無沙鳥被驅逐乘除利害平不
頗孰持此義例今事姑息何足生謳歌

百十一 注 上 三十八 金 陵 書 局 印 行 氏 校 印

生我云 術子 聯壁除石敢當事有感近人故追述之

漢泰山郡石敢當事有感近人故追述之
刻置官道傍阿誰女子病寒熱泥金塗體背生光牲醪鼓樂
忘日夕游展千百焚名香不知軀幹本陋劣勢饒直欲驕侯
王航航嶽嶽有司理靴尖賜向支阿底河中魚鱉共擲掄汝
無心肝乃至此

哀絃絳

哀君生性懶伏案與善人居若冰炭吾聞巧者投天隙芥拾
青紫騷詞翰健者磨盾從戎旂飲馬長城雪初煥次習章奏
善筆札或縱名法精轉算下則詹尹韓伯康口舌蓮條齊磨

貫寸田尺宅苟俱無何至開民日樛散士農工賈各不收入
貨聊從簿尉游錢神覓君徧天下智幾何術爲君謀惜君恨
君念無已君奚不顧女若子秋風萬里天雨霜紈綺紛紛溝
壑死君今速挽魯陽戈莫逐羲和入海水

有感

雀燕集銜銖兩稱大小交關楚人勝卞莊睥睨二虎旁一傷
一亡力皆醫人力豈必果如虎彼竭我盈算有定願君袖手
無所爭伴我山房擊清磬

際會

際會萬不齊受命分碎榮氣質自厚薄雨露重輕春風扇
芳甸羣植方怒生句芒思條達難狀嗚嗚誠取快施柞燿受

丙子 汪履上

三十九

金陵 嚴書

者原無聲可知楮墨外幾許嗚咽情祠廟競土木歌舞侈韶

英致飾辨緩急君子政則平人微鮮嘉謨鳥死徒哀鳴大人

閱逃亡此亦逃亡萌

陳子僕馬廢集

君不能修容慎儀幾孔門又不能名士共享如孝孫書生又
不相踈腫法當馬磨營晨昏君詩清新溯徐庾兼長吳歛及

樂府章絺句琢字銖兩清濁重翻聲調譜盡從江左撥光采

真仙安能厠僭父性靈獨笑蔣與袁嫉者開門張網罟河陽

萬戶徧栽花梧檟雕材尋以斧嗚乎噓昔立廢中果何爲今

去廢中人不知天火烈烈廢亦燼其去以君尚未失爲馬醫

以故得書地乙才大廉甲而以相甲所爲其知事也願明決有之

抑不... 知已... 哭觀澄師... 澄公遂長遊酒淚登高原自古皆有死于師何聞言箭傷江

哭觀澄師

上鶴腸斷山中蟻眷眷虎溪意臨風奠一尊

與師初相見城北旂檀林道氣溢庭表涼颺生樹陰呼徒烹

戎菽擅袖補碎琴談笑作後約來尋花... 深

亂離十餘載相訪不及師有客游南嶽聽經謁住持言深山

鳥狎禪定毒龍知... 復次除煩惱哀予出世遲

日昨飛鴻便良朋一紙書道風餘石塔飯信徧茅廬賢聖骨

久朽山河影且虛遺經戒下走切莫化蠅魚

丙子 汪履上

四十

金陵 嚴書

歐駘及黔滇古在荒服外千年文教漸倫軌受冠帶蟠木交

趾曾罔弗圓王會度其偏強時竊竊比漢大咄彼歐羅民與

我同渾蓋測海知朝宗柔遠澤宜濊麻蟻古且師簪櫓中朝

賴未聞義與軒棨守草味否則筮白賁致飾去彫繪自強

法商韓聰明塞其兌優柔謝仁慈終罹孔孟害天下爲一家

聖言真著蔡

者艾資其識壯者資其氣少者效奔走富者助以費工力期

堅寔主持貴剛毅痛除風月文非是不得貴師法各取長迂

儒必鼎沸禮失求諸野在胸有涇渭強忍三十年無道亦可

畏交鄰古大典聘問安足諱堂堂李將軍有時醉尉躡閣
恃虛僞文寔俱未既一飛能衝天豈懼張羅爵

太上貴黃老晚周尙孔墨唐初尊元公趙宋稱鄒國洛閩闡

虛詞理氣自修飾有若五葉禪宗風崇寂默五百有餘歲空

談亦將息釋家割嶼貪廣開養濟域回回判疆界異種未嘗

惑有明丁啟禎耶穌來西極喜新談天流涓涓不肯塞遂令

堯舜道亦遭日月蝕火然川倒流難爭以人力奮其船炮雄

儒術已三北彼教喜戰爭必滅此朝食如能比浮屠差足辟

繪弋天道本如環千載生羽翼

斯道

斯道無文無所寄文章於道非其至空山沈寂據梧暝泉聲

百十一

汪殿上

四十一

金陵叢書
蔣氏校印

石氣無隻字此時內觀若有悟何處求仁復求智如是稽首

問祖師祖師多一西來意

無題

無妄之利禍患集無寔之名溝洫盈林花野鳥足自樂或可

謚我安期生

寒蟄唧唧怨秋風文檄商量懼惱公同向夜燈怨懣瘁知君

亦是可憐蟲

異時曾遇打包僧野菽山茶飯量增談俗談禪不談藝西風

同坐一龕燈

或曾少壯綴鴛班或賦刀環出漢關我與諸公共邱貉誤留

語錄在人間

題篠簾壁上自畫松樹

君家門前千樹松長鬣毳毳清陰濃昨宵雷雨忽飛去來君

堂上蟠蚪龍門前松忽喬柯挺上自夭矯仍對溪上青芙蓉

夜深即無霜月挂天寒若有同雲封靜中我亦聞天籟始歎

山神太狡獪借君潑墨滿素縑後溪定有潛蛟蛻

烏白祠

烏白祠前路三叉今夕何夕停香車蘭湯桂油自藻飾靈鵝

作駕歸誰家祠中住持女道士星冠雲裳工禱祀望夫山下

奏鳳絃一線紅絲絃千里鳳簫龍笛吹青春胭脂斷送無限

入桃花柳絮固輕薄能使墮灑灑能飄茵佛前焚香作霧殿

裏金錢施無數牛郎織女渡銀河同謝祠前烏白樹

百十一

汪殿上

四十二

金陵叢書
蔣氏校印

書事

炮虓睡虎豈高眠鹿豕同游已十年幸有往來青鳥使何容

緘口學寒蟬

楚客歸心碾畫輪將軍留客浣征塵榴花艾葉清尊共不是

天資刻薄人

按師期以四月底易將唐義渠中丞後不欲使人節下於邑也

懣澹生

絳河波淺鵲飛孤偶附仙槎到海隅即使處妃金縷贈定知

橘叟玉塵輸靈龜不作游魂卦睡鴨明留刻鬼符一樣楚弓

何得失倩誰赤水覓元珠

除是南宗戒行僧打包行腳一枝簾鄂君翠被何嘗擁謝客

丹梯不幸登江上閒鷗盟隱約梁間乳燕語喧騰賓中賓主

先參透曹洞禪留最妙證

七賢圖為張海初下第南歸題

禮俗縛人豈在蘭媚視煙行自靦愧龍虎卽未際風雲安肯

低頭學蜨蟻噉日射金銀台眾靈雜運朝蓬萊丹經偶誤

無位業謫掃羸氏焚餘灰么靡數子忽逃去煮石漱齒衣縵

絮滿山苦竹清露香往還下筆注老莊何時不可得貧賤與

世同依化日光

學使錫祉遇盜績邑北山

行轅路阻九百里朝服布齋十五升山回日暮忽長嘯從者

潛伏誰敢與盜殊無意劫使者驅徒露刃持薪蒸劫是夕村舍

車去旂自喪弗行人得牛言喧騰石橋絕壑村塢杳我昔過

丙十一 汪殿上

四十三

金陵叢書
蔣氏校印

此曾兢兢匹夫之罪在懷壁張蓋更若羶引蠅儉德辟難聖
所詔何熱車服如飲冰

書慨

犬羊猶肆牽牛次鱗介倏駭析木津熒惑守心多難日江湖

滿地幸生人側聞一旅思興夏不欲扁舟更辟秦便礙瞿公

習乘馬北風務面致閒身

燕南趙北五雲高未有強藩建節旄纔說蛟龍愁失水更驚

鳩鶴已來巢運籌諒不先盟府轉漕終難恃尹曹漳衛交流

宜卽開書生莫只佩儀刀

負山枕海寔京師梟獍紛紜集赤墀太乙移宮開日歷北辰

居所動星維同盟首止雖終事直走陳倉亦一奇惟冀唐家

諸節度多魚切莫漏軍期

跋浪鯨魚漏網來建章宮闕忽天災指揮河朔連莊會提挈

英雄大幕開名士踰城無許靖客軍遠鬪仗文台疾風勁草

惟今日薊樹遼雲仰化裁

丙十一 汪殿上

四十四

金陵叢書
蔣氏校印

梅村賸稿卷下

金陵叢書丙集之十二

江甯汪士鐸

有感

投隙乘天醉呼羣釀亂胎古人知守拙吾意不憐才立幟黃

巾勢搜山白骨灰請君看荆棘終異棟梁材

矢穀徒圓轉輕讓假健豪人情恃身口渠意在泉刀搜括私

囊飽吹嘘幕府高去年猶冷署不日建旌旄

近聞方大令出示免催科坐令鵝居戶日尋蝸角戈公家無

芻菱私宅盛謳歌苦累後來吏殷勤尋斧柯方殿誤于是個

月不交田主之租數饒饒之方自

幾輩偷時巧呼朋奮爪牙冲霄畏鷹隼起陸各龍蛇不惜罄

百十二 汪氏校印

金陵叢書

控御能開頃刻花勸卿莫縱欲雷電恐交加

觀音堂

遙投招提宿夕陰起松檜僧孤清磬疏竹深涼霧滴籃輿驚

棲禽園蔬煮亭簾臥對一龕燈光照八方寂

題釣熬圖

海上銀濤十丈高仙人濯足躡羣熬蓬山絕頂寒雖甚莫取

長虹繫錦袍

感夢

社木有靈能見夢泉扃無主歎飄蓬明年寒食棠梨下誰奠

椒漿弔老翁

題陳月江扇

元壇俯岩巖宮殿常書局儀衛森動魄難選萃真靈託笠者

誰子孤騎凌苔陘山城足音寡既雨石氣青想當嘉道中松

櫟森亭亭劫火所弗赦峰巒失芳馨爲我語道流豐年祈蒼

冥此外學辟穀毋注陰符經

上馮村

山曲松陰合東西數十家市聲喧糶米婦職競漚麻共苦釐

金重縣令王維子五都因之物價加昨聞王大令馬已中魚

又

錄詞

宛央不戀戀烏慈殉母殉夫毒藥知柳絮蘆花頭白死更無

人記落紅時

百十二 汪氏校印

金陵叢書

悽咽如聞隴水聲宣毫小字赫蹏輕秋堂雨細寒檠短寫到

招魂更不明

梓澤樓傾賸碧苔桃花廟北菜花開若爲留得元都觀似待

劉郎訪舊來

秋屑偷聽唱涼州何處王孫愛冶遊今日重經永豐第寒鴉

飛上舊妝樓

答道人

高絕南州士衡門寡所求老憂朝菌萎驚此夜珠投石潤雲

留約月來泉更幽知交無且晚心契共林邱

莫愁湖拜曾文正公小像

水殿凌虛萬柳新宗臣遺像俯嶙峋百年父老談遺事一代

元勳無替人劍履遙瞻麟閣氣杯盤累接鳳台春信陵門客

全消散湖月能知舊主賓

東平州

垂柳初柔旅店晴破車羸馬過東平清明已舞春風半李元

紅仙花歌正氣到清明時候萬紫千況是清明更遠行

尙記庚戌徐州

尙記虛堂降玉棺歸驂已駕復盤桓白雲那足留黃鶴明月

曾經照素鸞野埃哀蛩仙夢斷長河衰柳暮門寒蓬蒿極望

迷仙館滿目溪毛欲薦難

慰胡小峰縣尉隨州張儉卿上舍京山

飢驅甫得一枝栖想像長亭送馬蹏落葉哀蟬人少長西風

丙十二 汪下

殘照漢東西營巢共此鳴鳩拙共井方同絡緯曉同悼心居

莫歎無家作歸計唐州烽火陣雲低二君正春濟於南陽

和宗湘文太守修復湖州愛山堂詩用東坡道場山詩韻

郡齋南壓道場麓日聽唄魚響林谷賢守愛古復愛山作堂

面山詩興足涼波微動湖雲漫若龍戲珠珠走盤定有賓佐

繼六客新詞絡繹如流湍使君自爲蒼生出偶向文壇分站

席笑談豪氣凌滄洲樹木樹人手培植四明縹緲青雙鬢鶴

書夜半來山間深甯遺書李君注遠寄與賸以翠墨明州山

并州圖子新摩抄瞽目坐待且廢疾那能敵人半幾時買權從

君遊一慰平生浮海歎

萊陽趙尊師幼侍靜明馬馬問眾愛山居耶愛城居耶師言

下有省呈偈蒙契後嗣法席於所居西偏顏曰愛山居因

用東坡游道場山韻贈之癸卯

義璘互滋磨百年若忽秒浮湛五教中佛道耶道小法更

小秋蟲矜其天苦以絺綌表癡鈍述夢囈寓言皆縹緲塵縛

結不解妄期死生了辟此沈水香火盡煙暫繞持以誑愚夫

謂斯旨元窈茅庵創沛東滄泉作曲沼綠陰覆四簷亭午人

跡竹境寂心益閒任客題凡鳥我來謁水鏡自慚知識少寸

筵弔鍾呂流螢對庭燎感君款曲情代予薺茶蓼刪除諸障

都空空雙翼矯至理屬厭厭一切悉餓殍日坐荒山中目笑

庸人擾籬落綴霜花門庭深短篠芳苔綠兩肥壽簾逐風嫋

敷坐慈氏旁前塵謝深杏定餘蟋蟀吟小窗白月曉

丙十二 汪下

失題

性有韓非尅心惟鬼谷師一堂鷓鴣舞十載鳳皇池巧算淫

朋合詰謀恨子知求才當路急莫謂辨奸遲

答客丁丑

買山貲莫措又慮俗塵侵意與寒梅冷居緣苦竹深屠羊無

醫肆失馬本初心賴有平生友殷勤爲補琴開莫君善微

讀參道微言丁未

千期道德託遺文想像松窗志不紛誓墓昔聞王內史絕塵

今伴許徵君前身作馬屢伏櫪噓氣如龍賴化雲昨夕一龕

共香火自慚蕭艾對蘭薰

王安石新法韓絳呂惠卿諸人守之一拂先生獨不然然一

監門爾今之葺其祠廟有以也聖人之教漸摩天下者已
三千年乃忽慕其犬羊相聚以爲盛鱗介跋浪以爲美欲
淪胥以溺曾不思孟子之斥白圭由余之對秦穆中華必
不能行一二強臣思以威力脇之必謂人言不足恤恐今
無鄭公之清忠矣

國是分明異議多獨持一拂返嚴阿九重新識流民苦四海
其如拗相何老屋巴菰堆露葉頽垣天棘帶煙蘿此時同下
棠枝拜留與清流作斧柯

失題

知名徧交鄂聲價賤南金化我洞底柏移情海上琴同心各
異室百歲此分襟怕作富壇女蕭蕭白首吟

百一 二 汪殿下

五

金陵叢書
蔣氏校印

昭君圖

單于當日不請婚娥眉閉置誰爲言宮中耳目尚如此萬里
君門知何似明日下詔誅畫工未聞徧閱諸後宮政君在南
明君北王氏女兒各傾國可憐千古豔琵琶何如田舍鳴連

劫

贈張輝廷

橐筆同隨漢使車出門一步亦天涯十年獻賦猶蓬梗九日
銜杯姚菊花簪笏堆牀將進酒江湖滿地共無家憐君更有
癡兒女已解牽裾怕暮笳

梁莊浣衣者郡中慈湖人也

深喜疏花綴柳林一千里外識鄉音飽瓜嘈李同時苦芻狗

茅龍衍俗心春夢不離慈母竹秋河自急女嬰礎鏡前無限
胡笳怨此日誰憐爨下琴

題郭西垣昔夢圖六册

當家飼鶴本無田何處秋租取十千元者王於歸國後虞兮
死在渡江先帷中慘碧離魂苦衣上殷紅戰血鮮迨識永陽
春浪白小桃花落殯宮邊

條然提缶汲清泉旅館相逢禮數全帳下偶留銀跳脫樓前
笑試畫鞦韆午廚淡泊陳蠶豆秋嶺盤紆贈馬鞭共說欽州

青犢至城南暮雨落紅蓮

夫婦南來獨北旋山頭水口慘戈鋌籬邊陶令方流憩海上

洪崖許拍肩輿輓載奔知倦鳥買鄰未卜已噉鴟莫嫌分袂

百十二 汪殿下

六

金陵叢書
蔣氏校印

清淮急今日中廚只粥餠

握雨攜雲信口傳一枝穠豔尙爭妍溫泉水暖股勤浴春殿
香深獨自眠淺笑偷牀雙博髮苦心私贈五銖錢主人仙去
高樓圯閒話雲英未嫁前

蕭郎四十已華顛幸託歸心返朝川二內一堂鼂氏語三心

五噏鄭君箋清風久約輕狂絮妖夢俄傳斷續弦棋局祇今

無限恨爲誰消瘦謫仙緣

鏡裏嬋娟誤學仙晚飯西竺更淒然獨敲清磬寒鐙夜流涕
擗箏習舞年下九蘭期雖有約十三桂魄卽能圓自憐焦卒

門前柳臥伴斜陽帶夕煙

使君

使君骨法本來青屨以輕車伴使星白首一官才簿尉赤眉
千騎布郊坰盤根錯節升卿績伐鼓吹簫蔣廟靈贖有弓刀
供傳玩吏民野哭滿郵亭

牛女爲某賦 其人得失緣此夕也

夜半月魄孤煙深鶴無語鏡中現花光獨步嬌容與蒲窗寒
且僵瓦鏡黯微炬默默何所思慮遠多齟齬銀河少與梁森
然不知處涼宵一夕談靈鶴誤牛女

書生

雁車同調雲中君到門始覩龍虎文金冠玉劍拜章畢初銜
鶴髦長霓裙開堂敷坐受眾拜宣爐添火名香芬齊人語細
音詰曲離近法坐如無聞茶餘流俗進一難謂余膚末徒云

丙十二 汪履下

七

金陵叢書
蔣氏校印

云大洞元旨去萬里繙葛敗後安能軍書生自蒞程朱說願

視樊籠忘青雲

汶上得趙尊師楹聯

野人小印署齊東楷法莊嚴繼魯公石壁含雲千尺翠山樓

迎月五更紅祇今旅舍留楹帖尙憶荆榛鎖殯宮惟有故人

垂淚看買歸猶恐化長虹

答嚴中丞問金陵

大都耦國本名言末俗惟知六代尊餉道江淮通北極上游

鳳泗壯西門自誇龍虎荒軍壘空說魚鰲富水村寄語金焦

俱慎守圖山東望海波翻

答嚴中丞問上海

吳淞江甲海西邊滬濱尤居列郡先抱布質絲通下國羹魚
飯稻度凶年綺羅氣重民多弱情孽緣深女學禪週日更增
番市遠恐煩大府慎氛煙

胡曉庭河洲錄

洗民迤北鳳林尊千里飛沙護塞門羊牦易薪歸漢市橐鈴
載水入羌邨燒當種絕邊烽肅乞伏橋圮石礎存炮罕彈丸
知好學至今人頌使君恩

西甯圖

西臨積石種人稀邊戌年年未得歸黃壓析支雲氣厚青連
遼曲草茅肥河干駝隊移蕃帳雪後鷗羣赴獵圍遙望雙旌
沙外到歡傳墨勅賜春衣

丙十二 汪履下

八

金陵叢書
蔣氏校印

己卯又三月廿七夕

文翁教化當年事禮法刑書體亦存 同治中徐中丞爲郡公

深自引答云鄉黨禮讓之摩足張湯交利藪踰牆祭仲惡人言

爲先宜延善儒爾平之濁河本笑清流眾鈞黨方知獄吏尊奇語顏淵須閉戶豈無

屬耳在頽垣

偶有微波激石聲飛鳥結隊出林鳴銅人減口終須固玉局

中心卻未平古語后藥才一足書懸裴豹已多名議瓜抱蒂

須臾事盡溺儒冠學耦耕

失題

錢神氣盛眾心傾一事旬消六十名獄豚魚終未格持衡

燕雀恐非平郢燕既繆原書解買孔難窺作注情我懼株連

成大獄釋紛深愧魯先生

隴西古昔有家聲元凱才名盡哲兄世以躡徒憐柳下自甘

性惡證苟卿交游極廣烏羣聚飲博方濃犴戶輕卻笑蕭何

盧造律未將死法困諸生

坐客

坐客紛紜怨數奇為君借箸一深思虛聲附和甘陵黨奇禍

胚胎慶歷詩聞說匹碑傾越石恐因嫖母誤西施漫言鄉校

多清議利欲盆中卻未宜

昨卸

昨卸蒲帆過石頭與君茶話叙前游湖逢子午思西上河到

青徐不北流未必風霆憐斷梗知憂沙線且虛舟江河日下

丙十一 汪鵬下

九

金陵叢書 蔣氏校印

蓬萊遠敢恃前盟狎海鷗

荷葉洲逢曾九帥回里

聞有中樞上將過鵲頭洲昨一婆娑浮家漫羨陽人聚並世

閒尊進士科教授語嗟齊魯讀飢寒我廢短長歌幅巾未敢

輕通謁即此惟宜隱薜蘿

自願

芥舟自願泛堂坳無奈愚夫量斗筲小鬢短衫談八極丹經

藥錄訪三茅空壇雪後尋鴻爪深樹雲歸失鶴巢折盡衡河

隄上柳再無駿馬踏芳郊

悼華枚宗同年

光非照乘即非珠名論如君理不誣高士風情徐孺子長箋

日下趙凡夫說方箋并陳雅齋知音少之此君書能合淄澠絕世

無東望津門重垂涕幾時丹旆返菰蒲

請看

寸山尺地先王烈耀武深詒奕葉謀試論捐之棄比景何如

子大保西州顯權自可千人廢縱敵真為數世憂請看隋唐

兩突厥可能舞羽即懷柔

跼徒

佳客嚴夫子時官王大夫砌詞稱善博辟責為行酷徽墨宜

長繫鄉評謚大愚惟應憐柳下太息跼之徒

太白樓

少日欣聞太白樓風帆上下未曾游客星侵曉偶叩戶殘雪

丙十一 汪鵬下

十

金陵叢書 蔣氏校印

初晴同買舟尊俎才開來野鶴菰蒲方長礙閒鷗耕垌相伍

厭鞞鼓共話有唐元道州

勝棋樓祀曾文正公

樓外湖水莽林煙樓上皮弁賓豆籩應期名世五百載同仰

英姿四七賢公更馬班相抗手古之管樂只隨肩洞庭淼淼

衡山遠彈指往還鶴駕翩

莫愁湖送子偈喪歸還義

四阿水檻藕花香迎擔湖邊奠一觴贈我昔投青玉案招魂

今在鬱金堂澄波濯筆思邗上明月隨君返夜郎上相亦誇

賢季子棄官持殯與歸鄉

朱味山司馬召集登泰山館送周于庭司馬還汴梁分得秦

字

華堂列鼎彝高齋聚者艾翠雜硃砂斑泉刀戟貨貝龜紐三
 古印篆刻乃其最蒼秀秦庭松蚪曲孔林檎比肩斯若冰彭
 嘉俱自鄮瘦竹自岷強夜郎比漢大于庭出漢玉云得之上
 蔡昔者決汝水承乏吏無害厥狀若伏羔執想吉士翹跼狀
 復璆玕超舉辭仙蛻兩公敦古歡交聯嵩與泰公事多餘暇
 文字共耆膾或深藏柳笥或佩結禳檜幽窗交摩挲不離區
 於蓋拙人坐無知合執戈與殺當筵失驪珠舉箸餐魚胎盲
 者對白粲味精馨粗糲聞君等贊言箝口塞其兌形骸真泥
 塑翹首聽天籟須臾班馬鳴悠悠飄旌旆坐客彈纓冠僕夫
 飾玉軼度有舊賓僚遲君夷門外

丙十一 汪服下

十一

金陵遺書 蔣氏校印

中丞己未 張小浦也

軍符夜半催廚傳中丞召客宵開晏祭遼自昔能雅歌諸葛
 由來揮羽扇村坊野館少名花巫姬亦上六萌車須臾步謀
 急搥鼓狂寇先鋒到白華去營三十里

冠中天
 使相清通記樂全兒孫鼎甲冠中天捉刀人去殘碑在誰識

能書鄭墨泉 濟甯碑版凡孫相國

侍郎

侍郎曾以好賢名忽仗旌旄事遠征前日于戈參北府少年
 詞賦重西京穹廡春淺蘇卿婦瀚海人談趙信城畢竟中朝
 有青史漫張強敵誤蒼生

懷黎純齋以參贊使德國

直諫危言動漢廷乘風破浪徧坤靈天山南北尊都護儀緯
 高卑重使星蘇冤遠瞻威鳳彩舞干應化暴龍腥象晉已普
 同文治好向歐巴擇七經

九日

鶴駕翩翩下絳河重勞青鳥慰哀它寒花苦說清秋好衰髮
 深嗟去日多道學舊交猶送酒文章宿諾抵催科客中久負
 登高約山鬼無煩帶薜蘿

哭胡竹村師

司農削籍亦君恩公以同官薄宦蕭然案卷存上溯不其宗
 士禮遠同都實訪河源人垂百世之師法書作千秋不朽言

丙十一 汪服下

十二

金陵遺書 蔣氏校印

更有趙商為寫定師書有數篇雖為次已竟而錄可能珍
 守到文孫

答客

於今才盡是江淹井李經經仲子廉風雨連宵異寒煖魚龍
 在水任飛潛十年書劍竿頻濫數口齏鹽突不黔我本未諳
 經世者魏其自應喜沾沾

臺灣

三國已盡是宣蘭此外山谿屬百蠻蜃氣昔曾噓殿開應揚
 屢與箕衣冠於今守障同戎索時參川畢竟還珠仗漢官海
 上功名壯熬極求才閩廣本無難

玉京

玉京人老怕秋涼
畫得眉痕十樣長
教搗衣霜供染髮
始終原不爲裴航

仙人扶杖碧雙眸
浪想蓬山住萬秋
聽到霓裳新散序
簪前星宿共河流

自誇霄漢駕飛車
云挹瓊漿灌玉芽
卻共麻姑爭狡獪
紅霞碎翦作桃花

白榆種得滿瑤京
無奈淮南眼不明
誤認乾隆通寶字
妄攜雞犬遽飛昇

綠鬢黃姑已白頭
尙緣舊好詣牽牛
苦言下界無陵谷
世澤千年署爽鳩

服玉茹芝骨法殊
金經不誦誦城隅
洞前鶴去松花落
誰識

初庵兩蕊芻
年少

宜善爲弓與善裘
儒冠不著著兜鍪
樓頭陌上諸年少
洛下江東預勝流

自詡鑿山能富國
又思建節可封侯
一渠清白秦淮水
照見公孫日冶游

輿圖局贈李小軒
樞部癸亥

驚見先皇給事臣
楚江小住話兼旬
勤宣天憲貂垂珥
洞悉民依蠹若輪
媿我終年勞十駕
分君一技足千春
扶搖九萬仍垂翅
何況晴窗隙裏塵

擲刀泉側露刀光
五馬驚回驛路長
許貢已亡門客在
幾疑

丙十一 汪殿下

十三

金陵書
將氏校印

太守是孫郎

送李侍御出守榆林

鄂城春草碧芊芊
上客遙臨躍錦韉
立馬昔聞行九制
射鵰今尙守三邊
胡姬慣奏龜茲樂
番賈爭輸市令錢
遙祝平安榆塞火
循聲不僞萬人傳

何人

庭幙深深春晝永
一函碧燕生石井
何人結伴踏青來
曲池微露茜衫影
倚醉高噴事已遙
玉句斜水不通潮
似聞汴渚多螢火
曾照當年鏡殿嬌

戲贈饒時庭際可同年
蕭生矯矯乃抱關
置身封人晨門間
春朝赤日未動色
戶外

丙十一 汪殿下

十四

金陵書
將氏校印

絡繹車班班檢點財
貨及匣笥與夫竊竊
譏癡頑聞君高簡
厭瑣細拾薪煮麩棲
碧山山深雲密自佳
爾或有紫芝能駐顏

汪近軒秀才六安人
曾隨先哲枕戈眠
潯水師燭重惘然大
澤深山荒黍稷故家
喬木更雲煙辯才漫
肆臧三耳僮律宜書
字八千子屬往書

同是飄零歎桃梗
強持樽酒話當年

仙人
五色天邊有詔除
斑麟白鳳翊雲車
仙人妄說蓬萊淺
園客

翻嫌草木疏矜色
未鈕難學道死期
將至尙紉書殷勤
仰向麻姑問可要
琴高赤鯉魚

光景票姚語不經通霄權火燦明星桔槔自笑文人拙杜毫
咸傳小鬼靈未必馬家眉果白無如阮氏眼偏青寓龍芻狗
陳紛攘巫曲難求大雅聽

雲中白鶴氣宣驕擲杖居然化石橋舊曲僅能留客住新妝
分外殢人嬌槎通牛斗綠黃閣袂挹浮邱恃翠翹冬日雷霆
如豕蟄蔣山秦浦任消搖

五丁六甲護靈符今日錢神信不誣神女回眸爲薦枕天公
開口與投壺里中月且分牛李座上風流附白蘇我是閉門
老禪客題名自署古之愚

有憶丁卯病中

萬山翠合琅玕竹竹外烹茶散夕煙憶昔秋燈同論道勸當
百十一 汪鵬下 金陵叢書 蔣氏校印

涼月好安禪蛟龍亦借池中水魚兔須忘個裏筌今日客窗
思舊夢方知寂靜果通元

六經

國家貴名器臣里萃英靈陷陣同韓白疏封比衛青豺狼心
本野蛟鯉氣尤腥舊俗椎埋慣何由信六經

沛上酒樓老槐

老槐數圍高十丈夜半化爲偉丈夫西二十里大河側某氏
有女爲所汗女道士曰靜明馬名善法術將其徒布壇鋪沙
絮以靜禹步披髮書朱符雷風作勢肆搏擊槐枝兩解殊榮
枯枯者斫去生者赦猶以鐵鉞刑其跌妖魅忽除民見德斗
粟尺布爭走輸我聞聖人布邦典庶氏敲蕪冥氏弧柞雍攘

別與夷芟除蠶攻榮如罪誅杜梓午貫神姦死何物敢犯城
隅殊禹鼎既沒官職失乃以道術愚民愚馬樞高顛黑且醜
士女至以真人呼問爲齋醮祈水嘆奇驗亦較大眾殊在位
式閭庶人走斗量黃金斛槩珠洋洋涉水清且泚映此餘槐
俾不渝

失題

男兒輟耕去備書女子罷繡工倚閨疾雷破山妖夢醒羣羊
蹴盡春園蔬

十五五河間錢東東南南好時田門前忽訝薤上露新鬼
悲嘯秋林煙

代人上左伯相

百十一 汪鵬下 十六 金陵叢書 蔣氏校印

嶺海曾依節鉞旁又隨分陝鎮甘涼風雷遠壯關河氣星漢
高瞻日月光蒲類明駝馳驛奏莎車游騎獲番王轅門老校
頭如雪報到頒來午日香

曾劫剛以太常使英德各國

龍節麟衣壯遠猶百蠻魚鼈盡懷柔劉綱仙眷尊衡獄孝穆
才名使冀州此日金貂誇諭蜀異時玉馬定朝周相門舊有
章平業可要班超萬里侯

戊寅十月十一日

誰持樽酒薦雞豚尙有遺民感舊恩榮戟漂零賓客散侯生
久已不監門

鄉塾

秋瓜如倦客孤影上枯藤門外積寒涼厨中蘊土燈名心隨
境退衰病逐年增同屬匏無用羈栖慶得朋

水角逢張維禮自邗上逃回

財賦東南盛廣陵大農所以佐軍興聞君又誦燕城賦淒絕

江南惜字僧張自稱

借新校參同契

雷雨昨宵繞石壇丹爐深閉月光寒未知新校三清錄可許

愚夫一再看

頗聞

頗聞黃閣富經綸條例三司制度新欲繼荆公重變法遂違

蹇叔敢動民電行滄海通郵表雷轉荒山走火輪此是戎來

百十一 汪履下

十七

金陵遺書
蔣氏校印

兵革利不知何以處疆臣

水仙初放亭亭可憐根觸舊情感而有賦

瑤池雪霽羣仙寒綉衣珠佩來珊瑚冰魂不肯作春色夜奔

鮫宮爲女冠素屏未掩回欄亞昏黃初月鏡微卸恰是安禪

入定餘竹簪徐整湘簾下平生潔癖如倪迂苦憶姑射傾國

姝寒梅尙索簷前笑冰雪仙人絕世無

見所見

種麥以療飢緝麻以御寒采蔬以爲道編籜以爲冠弟子三

五人力作忘辛酸際遇各異時主靜先心安

有暇亦游藝易論語老莊涉筆狀所契渤海架虹梁非惟絕

倚傍直欲窮荒堧累思解吾縛鑽仰未及詳

感人不以言求益戒偏頗初見服其簡再見飲其和習見尤
悔寡不見鄙吝多他山石固在徒見當如何

久處測其際沖漠孰與鄰超然無去住泊然無苦辛怡然無

物我嗒然無冬春不能狀其德儼爲魏晉人

聞所聞

氣形昇於天靈蠢各有缺究極至聖凡始差僅毫髮致力在

堅忍本性無胡粵祖師西來意直是乾矢橛

蕞茶語蜂蜜甘苦各有命本性所獨得世情妄利病如鬼固

無能將鶴遂希聖甘守愚溪愚恬然泯躁競

山雞舞其影自謂彩無上開屏覩孔翠始悔所見妄昨聞鳳

皇鳴羣后感之讓回顧藩籬間暉雀方自壯

百十一 汪履下

十八

金陵遺書
蔣氏校印

悉率物性微亦具獨得操才涼思授衣苔非夜怕告隨處知

豫防豈必在高蹈微嫌尙多口未可居堂奧

陳月江贈吸雲石

陳子贈我東海石朥以汝墨色青碧研屏筆閣左右間恍惚

太華二十尺是時梅雨滿平川潛太轉眼成潛淵眼前茅蔣

隔煙霧登高東望嗟無緣天龍割此蒼帝壁劃然分爲巨靈

蹠繹繹不斷石骨聯太白終南界雍益芳苔老藓互繡采若

魚鱗皴若甲敲君有何力挾秦岱乃令巖巒出肺腑陳子大

笑指青天變易川谷窮方員夸娥二子世多有彈指各適魚

與鳶今吾與君俱白首門外皆無桑麻田睡餘對此亦足樂

昔賢齊物先名篇

傳青主畫

荒山無苔莽坡陀老木無葉存枝柯嶽奇輪困備萬態氣節具出於純和每於法外饒真意雲林方之猶嫌多幅長三尺有五寸右上自暑公之它怪草連狝俗不識八大山人互誰何神仙可得搖搖囑紅文二印平不頗先生黃冠資賣藥晚以書畫名西河然非其人不妄作得若鳳羽尊曰獻品高所重豈筆墨後賢仰之如眠峨予不解畫見畫夥虛堂相伴同寬適

十年

十年惜與故人違臥病寒毳萬事非此後相知無惠子劇憐

遠嫁比明妃草深江國鶯徒擾雪滿穹廬雁亦稀塞上功名

丙十一

汪鳳下

十九

金陵遺書
蔣氏校印

吾不祝但期蘇武白頭歸

柯九思硯

大明香殿標璇題紫檀文思分東西有元文藻三學士敬仲令望虞趙齊奎章閣高侍顧問吐氣五采參雲霓丹青於公直餘事蒼翠疑有仙靈棲驂龍翥鳳日趨步去天尺五能攀躋惜今遺墨不多見此公自銘如璋圭一十六字若箴石仰思純固文可稽烏乎文章末技爾三復公言如耳提正銘之曰方

純固有常文惟節是守發為文章

汝審孟

汝審積渤垂雲映碩人頤頤凝脂膚時有棕眼璨金碧寶氣夜射青珊瑚星霜已歷八百載解后坐右存此孟昔聞宋瓷

久玉碎空山大澤完汝軀或云虎賁有似處無銘刻字滋人

誕吾云嚴澤足自保安貧自與高危殊商彝周鼎世多有近

視紀鍾儕魯壺山窗摩挲日數徧定有光見牛斗區

不管

草閣柴欄接釣磯碧潭高柳靄晴暉一雙鷓鴣沙頭宿不管

行人語是非

册局

册局司湖外親供自送頻野花秋讓石江月冷隨人名姓魚

鱗末生涯馬磨貧知君查勘細認取苦吟身

新街寓宅

虛堂夜半光頹頹燭破秋煙不敢暝束葦作燎紅半空忘卻

丙十一

汪鳳下

二十一

金陵遺書
蔣氏校印

滿輪明月冷鋪牀攤飯市羹湯更拾柳枝呼煮茗門前一碧

司湖雲浦外歸舟響答箸僕夫許予已三更鼓樓街靜無人

行莫貪記注且隱几風露淒清老鶴驚闕然故友來紅牘相

餉酒肴及薪木牽船岸上有昔人君乃厚情慰覺獨飄泊從

風不計年蕭蕭瓶鉢是前緣給孤長老能扶臥且向湖中看

白蓮

勺庭

嘉客蒙三聘欣然此卜居侯芭雖問字后稷讀何書日即諷

丁亥盟皆屬子虛寄言賢太守懸磐室何如火開也故書清軒無不

居能

聞俄人事解

元侯助業留江表公子承家閱高阡隴幾年悲大鳥奇謀
今日鈞連熬平兵共期隨會宜歸晉誰謂瀉于果戀曹遙想
燈前嬌女至應談海上簡書勞

失題

鷓鴣展翼皆南翥鸚鵡離籠必向西微羽尙多鄉樹戀漁郎
忽彼野桃迷中行在遠宜傾漢顏厲能言只住齊昨向紇干
山下過有禽忍凍塞垣樓

壽左侯相

乾象中台貴坤輿右臂張總師由 帝舜煉石佐 媧皇廣

譽騰三傑樓宗奇勛定五涼風裁籌筆遠月令說經長妙算

助時宰清階職奉常禮沅營撫定閩浙頌平章東海戈鋌戢

丙一一 汪照下

二十一

金陵 魏書 蔣氏校印

南江黍稻香淵謀安島嶼薦士創餘艘七命酬庸速雙旌度

隴強莠民雜回漢舊俗本戎羌勒部嚴烽埃潛軍滅撥藏渠

魁殲巨刃遺葉徙殊方夜柝蕭關靖春華水洛芳八騎旋節

鉞二伯鎮河湟充國規模壯龐參信義彰威先傳枹罕恩并

洽燒當才度天山雪俄驚瀚海霜駝鈴來突厥虎帳扼敦煌

北顧消金狄南徠貢玉航無雷通漢使處月狹唐置秩晉元

侯肅謨增政府光九霄翔鳳德五口奠獅洋棟尊聯闈譜樗

材處藥囊欣隨簪組彥鞠脛進霞觴

白家沖

野店花樓無客看旅人爲爾一盤桓四三尺水竿橋失百六

日天茅舍寒禿筆強書科斗篆土神已壞鷓鴣冠象土地幸遭

田父召同坐勸食山人苦蕨餐

鍾吾書院有感

沙城不自愛聚族菰蒲根處穢食不潔肥軀長子孫濯纓逢
漁父閱其厄幽渾屑屑命河伯移入泚水源沙城前致詞君
誠大慈恩君獨一人謀小蟲家室存室無百畝田又復丁册
煩一朝絮其身有如喪其元多男不多福天刑爲困屯以是
自懺悔反是皆禍門漁父听然笑鼓枻去無言

清水潭

汝穎淮汴洞合爲陳登塘恃此爲咽喉尾閘日射陽射陽一
以溼南北分翱翔緋纒紛楚蜀坎窞界淮揚願水性東注遏
之使趨旁人事有窮極物力非巨防蟻穴一朝潰豈止田廬

丙一一 汪照下

二十一

金陵 魏書 蔣氏校印

傷我讀導淮論起舞眉軒昂

周弗卿移城光化

雄鎮襄郢別出奇斬蛟縛虎建牙旗築城禹貢滄浪水訓俗

秦風馴鐵詩組練蔽空威北道租船泝水飽西師龍駒門戶

匪商析萬一登封華岳祠

李雨蒼言宋景詩苗沛霖

座上高談策略疏孰爲陳涉孰王如昨聞廉頗三遺矢仍效

蘇秦十上書華表怕歸遼海鶴關東中廚恐戀武昌魚近聞

丞相知人甚已戒司閭自掃除

屈子後碑

聞說春申江上船一封家報語淒然魏齊亡命方經趙樂毅

成功始去燕何事騎鯨追往哲不思化鶴託飛仙荒祠留得
貞珉在一任時人作杜箋

玩鞭亭

長途五里一亭子亭外喬松翠際天渡口潮來增筑韻山腰
雲起若炊煙荒俗隴上學吹笛破版棚頭記玩鞭我懶自於
筍輿臥娟娟不見野花妍

題伽陵集

蜀錦爲翼珠爲喉勤宣佛號嬌且柔若諷若諫若代謀行不
得也音鈞斬我心如公在乾侯忍凍終戀紇千頭五更噤盡
思歸血爭席何嘗怨海鷗

楊龍友畫

百十一

汪際下

二十三

金陵叢書
蔣氏校印

絹色深墨魚口備依稀能辨文聰字此畫壽才二百餘何以
如人早蕉悴始知清濁在人心金屋茅簷享用異圖中雨氣
青空濛溪水湍悍竿橋二一叟騎驢持破蓋頂風僕僂愁失
墜橋下厲石疑有聲一人隨行色恐悻一橋遠隔酒家南竹
樹隱約旌旄旄油幢峨蓋健僕擁不知雲氣來浮嵐行路之
難貴賤異附勢意遂忘苦甘要在大節見梅幹瑤草燕子終
懷愜

成化瓷盃

席端突置一段冰巨若栲栳容五升翦翠作霞錯金彩隱隱
粟起捫有棧桃花紙怪秋雲厚對此幾訝琉璃鏡吾聞質細
形始薄造物搏土分別刺柴窰片瓦值千金詎假五丁力椎

鑿高堂昨夕陳菊花配以拳石揚奇葩酒酣詩成喻物相海
天一碧紆明霞幾人肥瘦費優說未知糟粕非精華

臨城驛有聞

車華間關就館初驚傳凶耗滿階除獼猴騎象聲聞遠嬰武
憎臬法語疏作弔媿無磨鏡具開緘喜得折釵書於今苦慕
王文度夢裏猶能問起居

韓瓶

背嵬軍持堅若瓦耕夫得自龍江下奇兵扼敵浮玉山上流
乃無拐子馬戰酣口渴吞長江汲以短瓶若磊砢歸營凱飲
市村醪明月碧霞一尊瀉我不飲酒知烹茶石髓甘冽能漱
牙寒宵生雨獨讀史窗外浙瀝鳴鬼車

百十一

汪際下

二十四

金陵叢書
蔣氏校印

弔僧忠親王及多忠武公
刁斗森嚴羽衛齊威名久震九河西能夷巨寇公孫瓚不媿
賢王段匹碑寶馬獨歸千里足飛鳥偏向五更噤關中亦有
征光將同播清忠荷 御題

聞談小孤山

雙影阿那百級梯藥囊香帕代提攜銅環日鑄金神馬錦帳
宵寒碧野雞拂檻帆檣浮地肺市簷星斗合天齊種桃道士
無分曉漏洩春光是柳穉

明祖

封建徒私意何殊道以爭典章無杞宋菹醢到韓彭卽有三
仁在安能七國平況先資病虎廟算若爲情

馮村鋪

南遮濠寨若長隄谷口條分盡向西竹棍引泉隨草伏松蓬
蔽日共雲低人非絲縣同無子貧到於陵媿有妻一樣難民
入人表當分魯蜀兩家雞

至萬世甄視

詩書頌禱皆萬年薪其令德能昭宣秦皇私心至萬世欲以
富貴子孫縣晉家陵墓襲吉語瓴甃篆刻其文然耕夫斲斷
得其半賢令追琢爲硯田度工部尺五寸五修廣同無分羽
偏其博寸半質粗野旁環溝洫通如川謂立功德固不朽文
章光燄高且齋至理大誼亙三古其作惟聖其述賢先生既
不志卿相壽世有筆如修椽卽置悔庵伴老衲亦參別義成

百一 汪聯下

二十五

金陵叢書
蔣氏校印

因緣感君厚意再拜受虛堂昔昔生雲煙力不任耕學荒落

吾負此硯何辭焉甘泉銅雀有遇合硯尙抱質完其天

俄國和議成美曾嗣侯

才去煙臺七萬里能完趙璧十五城詩人歌召曰康穆史法

繩韋稱賢成塞下牛羊飽芻牧海上鳧鷗通誓盟往日聞公

厭帖括此事何處談朱程

檢初

檢初散莢柳脫綿衛尉果不直一錢濯纓濯足孺子事漁父

之知知刺船

胡子容 受音

多材多藝真多累一飲一食勞一生廚下米薪朝氣銳樓頭

兒女夜燈明連牆有弟誇龍鮓唐肆無人縣馬纓閱歷萬端
精力瘁近聞買犢學歸耕

西風

西風惡芳華不使片綠留期掾文采弊所至悉虔劉舉世競
金火禱祀伺吾柔股鑿五天竺弗爲絡一邱

作室

主人作室既底法梅梁松棟玉石墀紫宮崔巍龍馭遠森列
星宿勤所司地遠海闊資候障葉狐之兒啼而熙大兒跳盪
工竊脂小兒鰓鰓爭棗梨復有一兒能跪拜略與儒士同威
儀更有黠者粉黛施阿那乞爲下陳姬主家清嚴參敬簡風
伯訟之雷無私道人屍居低龐眉狐兮綏綏徒爾爲

丙十一 汪聯下

二十六

金陵叢書
蔣氏校印

一旦

絳衣朱芾大諸侯一旦南冠作楚囚驛路琵琶關塞月廿年
鉛槧石城秋枯魚有信通魴鯉窮鳥平生慕鸞鳩我自期君
三歲說琴溪西畔買漁舟

德州逢江甯武弁護貢車者也

山湖路合此川原才聽琵琶忽斷魂礮火驚心疑暴客炊煙
擁樹失鄰村津橋魚賤慵呼酒斥堠驢疲盡閉門同舍怪君
豪氣盛揜衣拔劍切雞豚

丙子九月

惡木蕭森蔭盜泉行人杯飲已多年忽聞張暨遭羅織未必
君廚盡瓦全媿我家無桑十畝于時事已柳三眠長安舊說

多賢俊誰似桓譚好太玄

愛河

愛河幾曲抱村流醉紙迷金已六秋方冀胭脂高北里條傳
弦管罷西州漢家瓊樹宜金屋隋苑楊花痛玉句君在春申
門下久曾聞倚笛唱紅樓

所聞

聞有三雍辟思之輒汗顏隱同充隱類材與不材問宋世孫
明復唐時元魯山清暉照百代何必掛朝班

與吳興君夜坐閏七月十九日

缺月明林薄夕陰深薜蘿吾人慕箕穎此地亦山阿理障當
前澈言詮悟後多君應含棗核世已爛樵柯

百十一

汪騰下

二二十七

金陵叢書
蔣氏校印

卽事

驚聽高明士南台文致深世家雖鼎鼎氣宇太沈沈分謗同
官誼持平大吏心寄聲諸任子切莫蔑朋簪

久歷卽峽險因知道不平坂長宜馬蹶物腐始蟲生田每孤
奢祝人誰副勝名寄聲彈缺客切莫怨專城

雖險糊塗過深惟後路憂泉刀由善說監護在多謀翊可循
林掇鴉難見彈求寄聲好義者切莫怪同舟

恐使蛟龍得須張虎豹斑無如馬陵道未返鹿門山風息木
猶落雲歸月自閒寄聲丁敬禮切莫涉禪關

估客

漳濁淇清路隔多寄聲估客慎風波平生聽徧長年語砥柱

分明措大河

移家甘宅

廢圃饒芳樹雲深小街西靜中聞果落亂裏惡鴉嗥祭竈衣
冠簡呼鄰姓氏迷中廚富濡肉乞與某家奚

向曉蜂衙鬧高低小雀飛朽瓜隨路長枯豆抱藤歸湖近魚
偏小花疏蝶尙肥明宵將燕客預自檢羅衣

自長風至南五里

竿橋棧閣互句聯客酒烘魚野店全兩後巖泉如瀑布山坳
雲樹護炊煙大兒趕割香爭餅小婦漚麻水滿肩只有遮姑

聲不斷竹兜傾聽那成眠

讀倭文端文

百十一

汪騰下

二二十八

金陵叢書
蔣氏校印

萬國車書本會同從前誤贊漢諸公將軍秉鉞愁三北少府

持籌賦二東卽有老成能直諫無如時事重和戎一編留得
名臣淚應與鴟嘯一例紅

北塘遇尙昆源

春郊雨後碧于螺七里汀前復嘯歌東郭遇人同乞食北山
何處可張羅饑腸作語瓶罌小衰鬢論交杵臼多米店業若爲

平生訴心跡老漁近亦厄風波

自做辛巳八月二十九日夢也

亂之生也階言語三十三年坐此苦後雖悔也駟莫追自恨
況敢車上儻今夢飲酒瓊果菽且當哭泣自召侮人生哀樂

互庚續牧者昔昔冠裘嗚市南未能逃空山法宜百忍僞蕘

普人事盡從蕉鹿觀不見寒蟬泰其字翳彼釋子託而逃直
視室家如網罟慈氏豈必滅倫理參徹此旨即初祖
對鏡

對鏡殷勤畫十眉侯門奔走莫嫌遲邦圻富擅魚鹽賤城府
深防婦孺知八座知言煩九變五人受服已三褫隱侯久作
泉台客黃閣何能再護持

李養賢同年甌官吳江學博

昔年秋賦幸同袍白首江干髮共搔解組已難遊五岳貨春
猶幸伴三高久欽逸翮雲中鶴不羨垂綸海上鰲何日西窗
同翦燭且拋心力爲兒曹
畫馬歌

丙十一

汪賡下

二十九

金陵叢書
蔣氏校印

古人畫馬重邊備四十萬匹求天驥防秋青海與交河藝士
含毫知此義河西四郡多將才地產不問番漢回驂騮六苑
待統率願君更畫黃金台

戊午有憶

寂處空山每鬱陶四方羣盜聚如毛百年歲月吹簫老七月
星河案戶高占夢發書非噩耗故人招我豈由放昨得蔣訓
文若書

靜明院看菊

青鳥銜箋致好音新移黃菊小庭陰編籬傍水泉鳴玉浣筆
布席迎花月出林情謝塵緣如冷淡交憐遲暮益深沈無言
自媿蓬山遠知負清尊此夕琴主人爲鼓蓬
山引一曲

由來

由來左官愁南渡此日從軍獨北轅溫水西通秦上谷陰山
北繞魏柔元三邊置塞尊都統八校分屯盡列藩代筮六爻
謙最吉金雞早晚出宸垣

泰山

泰山學案首徂徠氣涉矜陵誤用才尙喜龍淵雖挂冢未隨
馬骨共登臺天高芳樹彌虛谷日暮寒潮激股雷聞說白楊
莽蕭瑟昔年恩怨想成灰

失題

自君之來矣無風水層波攪水水不清喜事事日多
自君之逝矣嚴城夜靜柝鳴鴉音盡革虎狼仁不惡

丙十一

汪賡下

三十

金陵叢書
蔣氏校印

江東

江東忽染島夷腥暗借開山役五丁縮地有方通海嶽虛堂
無故走雷霆沙排鳥跡紛成字櫛比蜂房報起亭我頌元戎
富車騎燕然不必勒斯銘

八九子

鳥生八九子不問賢與頑朝夕銜食哺恐爲樵牧攀數子飛
且鳴哀憐何異痾與瘵烏子長羽翼飛鳴去桓山老鳥望不
見血淚流潸潸無何老鳥死召之不肯還自云此間樂不異
秦氏桂樹間旗旆駉車斑斑爲我語老鳥切勿生愁顏

還雲贈高子安

六月廿七日以畫石
爲壽今乃還之

雖無補天功亦無獻璞明幸結翰墨緣給此懶殘骨有如躡

道人面壁偶咄咄何嘗解四禪點首噉糠麩高君耕玉田詒
我煙霞屑一拳抱紫蒼時吐雲翻醉作供老禿翁明蟾八升
沒世無嚴君平俗子恐唐突君已產麒麟傳家須簪笏還君
蒼水壁勿忘寄理窟宛宛傾城姝辱於廁養卒若聞石獨言
深念每色難

昔聞

昔聞酷吏紀溫舒虎穴填屍血染渠幕府廣羅網甌吏使君
惜少緩刑書范滂對簿詞雖直張翰思吳計未疏莫負涇川
好煙雨課耕垂釣復何如

恭送峴莊尙書請假歸省二首

傾都祖帳石頭城僕射相依若父兄盡說韓侯明入覲未知

丙子 注 下

三十一

金陵遺書
蔣氏校印

令伯密陳情江邊旌節庭嬉彩部下鏡歌樂補笙共祝祥暉
春更永早專霖雨慰蒼生

剪選廟堂碑

蘭亭未入英主眇初唐書法承隸變永興廟堂參南宗不與
鍾張俗煙眷賢王篆額紀盛業髦毳陸旒暨採弁權澄謹嚴
戈法壹矛鏃敲銀金百鍊歲月不居捶搗多棗木贗鼎潭莫
辨何人心閒膽如斗撥雲悅靚廬山面疏淪沙石導星河剪
除惡木露美箭天吳紫鳳或俱到如錯錯口讀難徧明珠大
小盛玉盤有若有司試英彥瑤瑛微瑕珠小類沐衣濯冠不
敢薦千九百字少不足卽非中行亦狂狷老夫山房驚見之
摩挲病眼讀不倦唐碑漢石經日多胸有鑪錘今創見畫雲

閑帖摘成句神龍首尾挾飛電意以點畫示後生非於古刻
有疏賤然於鄙意殊漢河欲完四郊與畿何朱砂煇點如簪
花庶於貞珉留一線荆公新法方盛行聞愚山言規爲瑣
讀惜陰書舍文追感李小湖先生

幅巾記訪子雲居商訂蟲魚禮貌疏老子昔聞音正始後生
屢見突黃初惜無桃李聯新陰懶開棹蕪過故廬邸報欣看
千佛錄笑逢門下佩金魚

感舊詩五十首

離亂居然托鉢曾平生心跡玉壺冰備書早歲探龍洞撒瑟
何人泣馬勝老屋西溪餘木主新詞石帶付山僧悲君更自
悲求死荒冢年年長翠藤

丙子 注 下

三十二

金陵遺書
蔣氏校印

十年京洛羨華簪未免風沙染素襟薄宦老猶工浪迹感時
今亦悔塵心名山合有德星聚橫舍回思化雨深惟我與君
患家累一生一死總災祲

健翻才張翼忽垂壁間弓影費猜疑行文驟染三湘格出話

皆堪十日思京洛故交音寂寞桓山諸子羽差池莫嫌滿耳

鷓鴣語才命妨人斯取斯

館啟同文應 詔稀梅徵君外別傳衣代微積術甄階級美

法英人說是非徑別戴徐思獨絕路分燕越客無歸不知問

字諸門下可有王成恤式微

松花滿地草芊芊谷口尋余意洒然便殺隻雞招煮酒喜逢

雙鯉勸修箋婆娑我歎金城柳清潔君贈相府蓮何意郎官

湖上別悽涼秋柏皖江邊周志甫

客窗重五莽愁余百丈材宜壯帝居憂樂萬家原素抱賢才

一代薦丹除三持節鉞修疆事獨捨金錢刊地書今日毒蛇

埋九陌南瞻八桂乏雙魚嚴渭春

齋廬危邦近友生八年遠別意猶誠本緣枚叟能開館不料

萊妻共避兵邑宰式臨私撫掌室人交謫只吞聲馮君未及

中人產獨爲東南惜老成馮君甫

九華樓下分襟後分界山前相見歡盡室淹留依店埠三年

仕隱共梁安危富戶輸租吝亂世姦民撫御難天使佳兒

嗣衣鉢嗟然古調向人彈田獻之

外洋島嶼涉頻煩天庾星高萬國尊裴耀卿能行潁水馬相

百十一 汪履下

三十三

金陵遺書
蔣氏校印

如賦重長門聲華鄂渚西陲近隸法烹平北派存忽有惠文

彈事出蛾眉謠詠本難言楊見山

湘上人人擬子房丁公忠悃結肝腸昨驚熒惑來南斗俄報

烽煙火建章懷抱無聊思桂樹觚箒有志衍荷塘李君雲屈

子發會傳中法後學何爲詔外洋丁果臣

同是春秋失地君雲泥宦海忽攸分不期牛渚蒙幽照遂使

烏台發舊聞江左秀風聚閩海濱旅櫬泣斯文外孫又是

王夷甫猶使名公吐齒芬張仲遠

二公清德不干時獨結文忠特達知三起三眠歸故國一瓶

一鉢伴叢祠官衙春盡談詩細旅館更深設醴遲俱有兒孫

在郎署益陽秋草更悽其莊周二方伯

欽州終始誤書生盡棄嚴關守一城拍案有時聞斷報磨刀

無路請長纓成仁取義完初志厚地高天鑒此情大帥潛逃

殘卒潰屯溪冤鬼骨縱橫胡質中

萬木蕭森老屋橫雙峰挺秀水滢清兒能孝養贏三釜書擴

心胸擁百城徙宅竟歸元亮井枕戈曾託亞夫營畢生經畫

申江上終仗蠅頭了此生程汝鈞

解衣推食氣飛騰爲我綢繆及寢興薄宦劣能安杖屨型家

無計庇孫曾吳雲竟隔鄉關夢魯酒難消冷署冰竟賴曹家

爲冢婦西江來往日兢兢胡和林以仁

器局翩翩鄙斗筭澄波千頃不能消旅窗誤汝杯中物嘉遜

師余幾上交代構一椽依大厦竟借三世緜深交可憐季子

百十一 汪履下

三十四

金陵遺書
蔣氏校印

傳君志尚寄番銀藉白茅程程觀甫

韻爲綱目氏爲聯林寶遺規各井然賜姓與予同自出別裁

從政此微權尊賢若事程明道排難真成魯仲連十萬國殤

泉下感宜君歸旆得牛眠汪聘卿

廬山西麓卜居新松蛻龍鱗竹脫筠釣渚夜明魚唼月琴台

春莫鳥呼人篋藏漢沔摩崖字衣浣淮揚煮海塵近日吾宗

多俊又鏡軒清苦介堂貧汪介鏡軒

或哀鄙子知從孥或慰黎侯賦式微或歎鳳麟謀設饌或留

雞黍話無衣初弦江月傳烽急未覆山雲逐隊靈文學日深

人日淺只能閉口自忘機孫鑑堂張子金周薇初

三劉本擬江淮秀劉叔儉伯二俊唐子高甫今奉浙水華更有

簪裾緣舊雨石累攜金石聚飛霞遺珠各撥秦阮火旅食

同依漢使車今日冶城山下路隔牆銀杏噪寒鴉子高揚石

伯山劉叔恭甫劉名心利藪磨礪盡空谷寒林對晚曛語錄幸留司寇集行蹤

錯見柏堂文消搖牛首依卿月浪迹鳴茲只水雲今日重經

忠義局儒風道韻獨思君楊仲乾

介弟官衙可嘯歌客中不復憶嚴阿名山盛業搜圭璧野寺

尋碑踏蘚蘿五尺道人新詠寄三桅船尾訪書多惟憐寒夜

佳兒侍月黑風清住下河莫子德

金陵需次一官粗差遺猶須近吏胥得肉即思邀學子退公

仍恥問屠沽令嚴東溼終開網恩比吹枯執向隅稍喜階前

三十五
金陵叢書
蔣氏校印

多玉樹不親弓馬學陶朱葉雲岩

州箴縣譜盡推袁鄂吏如君孰並論況託知魚惟惠子何勞

非馬到公孫同迎丹旆歸蕭寺獨脫元冠哭寢門漳漢部民

齊失望窮交如我更銜恩蔣文若

客裏逢君眼更青見遺書籍盡芳馨卜居同託三條嶺問字

頻來六角亭舊業口口同草莽藏書激浦仗雷霆桐江把釣

知無日空望高秋處土星蔣寅助

不戴南冠老楚囚日來海上狎閒鷗幸安眠食無風鶴曾歷

艱危似木牛放浪形骸拋禮貌縱談詩畫或句留糧台茶肆

相逢處侍者私名不繫舟郭少青王右泉方更生

蠻中觀察挂冠回伯雄又有郎官辟寇來卓人快論兵端到

回漢當時學術盡與臺時艱不重惟清節氣盛相須是霸才

幸有兒孫傳舊業分明他日抵蓬萊方伯雄陳卓人

漢印文傳假司馬清才人說小倉山負薪改館相依附乞食

攜篋偶往還心有百端埋委巷身無雙翼出嚴關三亭岡下

無多路長嘯方能破報顏岳幸堂

時危詩序廢丁丁近更家山痛脊鴿只冀白頭安井里忽教

碧血染羶腥各房眷屬無遺子卅載交情賸性靈我幸東歸

尋舊宅忠骸難覓艸仍青高朋光家天錫

先生高節在懸魚合在蓬山久卜居厚德雖逢房太尉受欺

終似謝尚書夢回蝴蝶家猶遠儉到豚肩計亦疏近說涪溪

清且直好持萊綵慰依閭周子若

三十六
金陵叢書
蔣氏校印

儒行經師海內知全家風氣染揚儀慈心妙手來何日燭額

焦頭悔已遲為粥近無高義士舖糜始讀婦人詩洛陽陌上

金夫眾天下遁逃任所為劉口口

北望觚棱麗曉珠無聊載筆府中趨卜鄰幸託東西廡校藝

休分大小巫粉署久拋香案吏畫船欲訪苧蘿妹可憐鸚鵡

洲前水不向巴江只向吳李眉生

西望歸帆漢水寒玉階猶幸有芝蘭辟兵客舍曾彈鋏借箸

戎旂遂攝官胸次素饒經世略眼中真覺替人難筵前肥瘦

憂能說無那當塗遇子丹石東山

聊隄秋來井里空新知嚴邑義陽東牛羊求牧非無術官弁

交驢始有功擊肘四郊留畫象回心五畝託歸鴻迢遙尙寄

亭林集歎息延陵許劍風吳木齋

復仇一旅起巴河講學師資為李迪羅山痛哭縞冠迎

素旒何心緘蔽與弼戈潛師津淀兵機捷庚申躍馬天堂

事酒山戰血多千古名儒仍陸學最難辭龍臥山阿李忠壯

踐諾送人歸夏屋山西愆期忘已屬春官臨淮服叛苗沛霖

秋風靜裏野黑龍擒渠夜雪寒君父至尊朋友重功名最

薄讀書難君自衡陽峰峻回鴻雁能寄未及青鸞素棺

義唐忠定

勤為舟相惠為霖我比蒼生屬望深春水白鷗蒙設醴秋風

元鶴共聽琴事九瞻雲自切彈奸表望海虛懸殄寇心太息

東山終不起去家四十大星沈李雨亭

百一十一 汪鵬下 三十七 金陵遺書 蔣氏校印

馬君卓犖于湖彥舉比吾鄉道自尊舊學商量曾演段文注

新詩豪宕共推袁袁子詩學堆盤苜蓿春司鐸佳夢櫻桃夕閉

門苦憶難中相訪處拾薪煮水坐籬根馬鶴船

只談性理不談立家法程朱萬口傳昔有孔融能薦士又逢

嚴武正思賢角門帖觸時官怒小學疏成弟子箋我惜龍門

才一載西歸不戀帛袁萬清軒

行篋惟藏數理書征南幕下識荆初累棊削木明堆揉剪紙

移鐙辟暗虛慰我蘭言勞筆舌聞君梓里亦邱墟增鄉就養

相安否日暮江干望鯉魚時清甫

曾佐嚴疆歷戰功明府暇談理學識環中彼人共笑嚴夫

子時宰真嫌魏了翁三徑就荒同敝屐一官輕擲遂飄蓬金

陵城下消搖徧太息長途日暮窮廿恩亭

同是蓬壺頂上仙真靈位業莫之先掾時開濟前修少談理

精微弟子傳頻屏車騎過下里并商眠食悟先天道山兩次

聞歸去深恐人師遂邈然劉維齋

先業能傳是許冲山君子完白明誠好古亦家風謝君先人

悲愛子經零落為謝此幸文孫肯固窮學不受人其好

樊汶淒涼妻女累謝皖山攻錯友朋功寒鐙深夜思談笑

孰去來今一夢中守之

諸生豪氣欲凌雲黃鶴青鸞本不羣座論老成先及我時當

艱阨益思君立收鷹犬園場助始歎陰晴眾壑分他日時危

求勁草漫持苛法判斯文何澹臣

百一十一 汪鵬下 三十八 金陵遺書 蔣氏校印

炊黍蒸藜餉武奔守城太息舌難捫築台額少黃金榜投匭

時無白虎尊六代河山增士氣百年毛土感君恩要離妻子

無遺種秋社僧猶見毅魂家松崖

憶尋老友歷羌村亭父鳴榔相告喧孤子出亡延祖祀全家

殉國報君恩牆隅碧濺蓑宏血劉庭內紅圍介子魂徐自

從此畫梅無正格劉以經師人表更無存徐名劉

代致雲台上將書公橫衝聚首益親予君藏李氏松枝

墨我訪羅含蘭菊廬喜說廟謨洗兵馬甘投市肆侶樵漁

風波久歷龍龍窟白首回鄉賦遂初胡子容

危城同未卜存亡亭長艤舟告語詳子居處知飯顆山頭尋杜

甫玩鞭亭上學韓康窮途共食無肥牡陋巷延師只瘦羊為

小君喜聽吹簫到吳市會稽太守寄承筐管小異

淮上書來痛棟華淚珠磨墨淡雲遮君出城野友只余此詩

說里無漂母殞誰致主異元王禮不加患難分金期共濟殊

鄉念友總無家遙思此日馮尸慘中云刻其弟以鵬鳥飛來日已

斜張容元

幾年躍馬罷朝參功伐分明月捷三汾水秋風過冀北杏花

春雨夢江南朔雲微外烽方息昂畢芒生戰又酣幕府消搖

惟主稿暇疏草木學嵇含吳鹿坪

右感舊詩除亂前者交不深者見存者沒而已志其墓者與

已見他題者得若干人嗟夫軌轍已易識塗之馬亦嘶湯

沐將陳處禪之私私弔天之所廢君無尤焉乙酉三月十

百一 汪騰下

三十九

金陵叢書 蔣氏校印

六日

閒游

麒麟門外草薰薰曳杖閒遊幸遇君澗道尋碑敲笠雨突煙

繞竹混松雲前朝園寢留狐窟精舍衣冠聚鶴羣漫向尊前

論時事鄙夫惟誦北山文

薛廬感懷

節樓高晏午題襟繼與侯芭讀雅吟月落秦淮悲白髮春來

橫舍泣青衿後以耶步蒼蒼猶存正始音過西州

應腹痛落花滿地感人琴

再過醉廬

半湖煙水聚鷗盟話到開樽薦瀾衡今日筍輿古祠下滿山

修竹變秋聲

紀事

紫鳳青鸞集女牀曼聲緩節唱明皇煙花到眼迷中歲雷電

無心出上方遂有鸚哥傳別調幾令鷓鴣息羣芳秋江偏是

青楓樹一笑相逢各老蒼白門柳

架海鞭山仗霸才龍宮紫夜徙珠胎苦心幸不江淮合巨掌

分明華岳開滌水拖藍滎浦六楚歌踏白起風雷黃金虛牝

君休惜好便桃根打槳來朱家山

梁檀圃方伯喬梓京兆圖

玉堂才調繼歐蘇又拜除書尹帝都僕隸素嫻魚袋式吏

民私語鯉庭趨甘棠舊德留郊甸喬木清陰徧海隅我託菰

百一 汪騰下

四一

金陵叢書 蔣氏校印

蒲瞻北斗幸蒙仁蔭到江湖

帝思亮采動瞻杏君爽詳言舊德宜始識蓬瀛儲杞梓本緣

景毫重巫伊六條遞肅皇畿政五善先宣正雅詩半幅鵝

溪無限意世臣喬木荷春滋

贈段鏡江寫余小照

曾鯨傳妙技病鶴迺留形我氣偶三變君心慕五庭雲煙煊

益細風雨快通靈遙卜紫光閣含毫寫列星

十二月十一日東鄰崑曲

蜜梅花放月華新笳鼓喧喧四十春漫比山陽鄰笛苦解聽

此曲已無人

冰絲玉管曼聲歌釀得哀思恨別多設使寶常傾耳聽定憂

離亂到金戈

辭宜昌府志事

郎官湖上草萋萋春水方生沒舊隄遠夢正愁孤艇冷晴窗

忽聽曉鶯啼琴書向不同蟬翼霜雪今方息馬蹏幸遇好賢

嚴僕射朋簪亦許膳雙雞

訪棚刀泉遇雨午飯張處士宅

結伴尋秋共舍車連天菰葉雁來初大風雷雨觀音颯野店

松杉處士居忽有村巫分社肉又逢漁父賣嘉魚樹陰一飽

真成幸仍賴中廚餽野蔬

酬江樂峰贈聯

貧士藏書富高人取友嚴知君題鳳意廣我守雞廉彩雉文

汪鵬下

四一一

金陵叢書
附氏校印

何益金人口再緘不如在才氣分合困蠶鹽

口號

數斛黃金八斗塵萬株楊柳十分春何緣留得開河記半爲

襄公解贈人

赤壁軍威大討曹馬當又獻兩瓜刀人生際遇須天佑一面

東風百丈濤

燕客沈雄便弓馬越人斷髮弄扁舟俗公吳姆誤牽合才貌

相當亦寇仇

懲于羹者必吹蠶況欲牛刀強割雞只爲家山多百舌夕陽

冷落負鵲嗚

弔夏伯音

一別烏台違息機蕭然典盡舊朝衣無緣更索長安米酒肆

歸來化蝶飛

翡翠雙鉤刻瑞麟會稽邸第獻微掣朝陽烈烈冰山倒始識

乾坤有正人

舊友相逢盡白頭黃公罇下共遨遊送歸賃廡疏鐘動猶幸

家無燕子樓

落木寒鴉已夕暝悽然病鶴惜離羣人間解脫惟蟬蛻我慕

桑根長山更慕君不病而逝

上馮村漁父

清溪環老屋漁父樂陶陶竹視穿籬曲松棚倚樹高焙茶語

炭性采藥識山坳聞客攜乾糲殷勤薦豆苗

汪鵬下

四十二

金陵叢書
附氏校印

有感

富貴東流水乘潮偶到門紫洞緣祖德湍急亦天恩既處卑

汗地休爲斥鹵言膏腴惟阻僮儒以道爲尊

四歌

誰爲混沌書兩眉又鑿七竅次第施肝脾于人亦何罪強納

篆籀易書詩斧戍冕賦偵所好廣坐侃侃黃與雌烏乎一歌

歌文詞不如葺楚真無知

頑石枯木原無愁菟絲多情相網糾得魚即買亦不售新鬼

故鬼怨啾啾無子可易骸可析千里烽火哀江頭烏乎二歌

歌南州蟻齋爲我之白鷗

高原智井熒火青大夫何在在江汀土兵食人肆淫掠收復

有勞書形廷飢民蒲服訴神鬼血濺社公公不靈烏乎三歌
歌羶腥君子操縵悲殘形

教師學弟試用部吏與器用所遠才在胥吏禮在侯市瓜取肥

榮求益秦氏坑儒吏為師鼠目寸光云見遠若棄種人留鮮

卑孤矢駝馬改文藝臨難不若光與夷烏乎四歌歌軒發坂

泉涿鹿今乃宜

存否

鉅鹿新安戰士豪項王氣宇五雲高八千子弟仍存否多恐

助名異此曹援陸軍也亦在路濱江歸今開

某將軍席上觀洋人

華堂四廠彩雲擁銀蠟如星照畫棋將軍開晏召故老駝峰

頁一 汪駭下

四十三

金陵遺書 蔣氏校印

熊肪進馬湏筋鼓奏龍笙歌陳雜伎魚龍各矜寵當筵開篋

走洋婆美人如花舞袖捧應絃按節若桑林志潛于淵機發

踵旋回解作驚鴻飛上壽亦為禮鼠拱羽翟既退萬舞來躍

馬椿戈仁者勇羌笛嗚咽吹伊涼號令森嚴吞蜀隴魏貅羅

列玉帳開健翻既攬及髦毳拭目西笑迎紅旗吉甫不嫌張

仲元

一自

杏花垂柳繞林墟雨後沙碕徧碧蔬一自秋風茅屋拔別君

仍食夾江魚

懷智靜

秦訓華嚴替戾岡鳩摩什譯亦選方黃純翠被人何在留得

高樓送夕陽

聞趙尊師詩

朝辭印劍魚山北夕逐輪轅濟水西氣尚碎蛇真道輔文曾

驅鱗法昌黎鐵門限易求書翠玉鏡台多得謗齊應有鴻文

紀聖母料無鶴夢到山妻師萊陽人高弟子也其

贈某

長路停驂訪具歸靜中機協道心微彎弧濟北佳公子父師從

他生我欲偕師隱十畝黃雲豆筴肥

病中

几席久凝塵蒙頭已浹旬病中常失日衰極不知春遂與故

舊遠惟於藥餌親遙知屬續際最樂是家人

頁一 汪駭下

四十四

金陵遺書 蔣氏校印

贈汪意樵

先生盛業善談經曾伴羣兒牧豕聽千古清風高士傳三朝

蒼舊老人星茅亭自狎海鷗白松閑常眠野鶴青先生自號

我媿衰年終散木尙勞長者惜娉婷

清流

清流受禍白馬驛豎子成名廣武原何似泉明門外柳西風

斜照臥柴門

百代文名照斗車本來吾道有盈虛昌黎若果知仁義應悔

三投宰相書

鍾太守寄漢陽圖

一緘才發彩雲開
遙度明公自剪裁
銀漢無聲通沔水
江山有幸壯樓台
晴川曉日千人聚
巫峽春波萬舸來
異地新畬連宛洛
不勞軍士翦蒿萊

夜泊嚴家河值其社會

茅店酤春不閉門
攜鐙士女正頻繁
番僧演法蛟龍徙
野戍臨湖鼓角喧
浦外人家疑蜃氣
晚來風雨冷魚餐
孤舟夜泊荒祠下
幸有鄰舟共笑言

夢先慈

冥冥閒雲淡淡風
無端身在大樓中
青裙白髮慈容見
數米稱薪故事同
誠沒肺肝真自慊
訟關倫紀恥言功
閒門鬼卒逡巡遁
汗透重衾漏盡中

丙十一 汪履下

四十五

金陵叢書 蔣氏校印

某甲事借文君諷之

上客華筵笑語親
金徽銀甲百般春
故夫儀狀分明在
卻抱衾裯事別人

紀夢

澄潭繞舍竹籬開
三徑敲斜菊亂栽
夢裏看花真似霧
靜中聞蟻果如雷
故人頗有解衣惠
鄰叟頽然乞食回
風味蕭條人寂寞
強因佳節訪村醅

始蘇呼乃至此乎然也列
昔夢爲人奴之目也

哀席慶宗 洞庭人

久安蘿薜懶鏘趨
守一先生自睽殊
學道近年希跨鶴
著書早歲伏游鳧
蔣菰煙裏三隅冷
蟋蟀聲中四壁孤
老友凋零

親故少枯魚空以沫相濡

寄席尙錦 洞庭人

騰壤奮翻時入眾
陶谷先生尙賦閒
三徑無資饑欲死
一枝難借倦知還
負暄掩膝晴捫蝨
脫帽支頤暮看山
聞說春雷能起蟄
定教寒谷破愁顏

五都馮氏凌雲樓

危樓頽半虛
隔疏借山補
高松蔭書帷
密竹若環堵
塗遙石息足
藤老斯以斧
願視二三子
箒鐙各稽古

不寐

寒雨侵衾冷孤鐙滅
又明俗塵雖絕意
幻境尙縈情
柝遠犬羣吠
階荒蟲未鳴
浙然推枕坐
伴我是鐘聲

丙十一 汪履下

四十六

金陵叢書 蔣氏校印

閉戶媿娥秋林無靜柯
碧山宵景寂黃葉雨聲多
薄俗惟刀幣余懷只澗阿
蕭蕭復瑟瑟每日雀堪羅

感昭甫中副車

昔年追琢子雲亭
暑夜同囊石井螢
竹報長安應酒冷
沙飛博浪障山青
漫言上介坐客有談劉錫鴻參贊者
多魚藻無奈嘉賓誤
鹿萃十里風篁五畝宅
不妨仍注太玄經

酬查君贈石印

刻印資繆篆
質金玉竹析
理力求深如仁功
在熟昔賢師
秦漢千祀拜而服
批穢市塵豪
泉刀趨鹿鹿衰老
承遠施虹氣燭
蘿屋古壁蛟螭盤
山窗星辰胸摩抄
日千徧什襲藏書塾

送短劍歸故處

知汝恩仇不復思匣中紫氣益離奇履綦能補虛名在風雨

曾懷故舊時柄倚天門橫風閣或作樓夢回滄海狹龍池

十年磨厲凝銅在祇我徒深故劍悲

憫災

青苗簇簇已全栽暑雨兼旬變可哀海國帆從回冷落雪山

沙挾峽江來已愁風雨添時疫況有蛟龍助地災自古硯田

多惡歲幾人能上景夷台

斗室

斗室虛窗氣鬱蒸詩筒往返得良朋人耕吳越千年鐵瓦窠

颺颺百歲藤荒徑久無行雨夢禪堂難覓打包僧漫誇粉黛

丙十一

汪鵬下

四十七

金陵五言
蔣氏校印

留遺跡從古河山幾廢興

莫仲武贈小印

故人乘風辭東吳將出貽我一寸青珊瑚開緘寒光滿蓬壁

梅邨老民四字輝明珠老民忍死亦須臾待此入土誠劬塗

倘與尊甫晤地下酬答鬼伯詫為論擬符閣浮老子捧腹笑

此輩風味人世無日月不居骨肉朽尚煩考辨窮迂儒

集唐六絕句

前度劉郎今又來劉禹錫內人相續報花開王建秋風忽洒

西園淚韋承石徑春風長綠苔劉商

桃花一簇開無主杜甫夢破城頭曉角哀顧光從此無心愛

良夜李益且將團扇共徘徊王昌齡

天碧輕紗只六銖羅虬何須相見在中塗房產可憐雨歇

東風定白居易不許文君憶故夫李商隱

曾隨織女渡天河劉禹錫浴雁浮鷗意緒多陸龜蒙越女含

情已無限羊士諤西江浪接洞庭波楊凝

朱雀橋邊野草花劉禹錫白雲深處有人家杜牧眾中不敢

分明語于鵠煙柳風絲拂岸斜應陶

王侯宅第皆新主杜甫寒食東風御柳斜韓翃人小作韓翃上無

光遊淮水東邊舊時月劉禹錫不知秋思落誰家王建

擬新樂府

榴丹始桂黃終兩雌粥粥侍一雄乳燕啄粟近來鴻啾啾

啾啾明月中蒼鷹在鞴不能擊青女作色淒以風虛堂無屏簾

丙十一

汪鵬下

四十八

金陵五言
蔣氏校印

影滑鵲黃鴛紫嗔股紅秋官驅邪作汝主營營黑白詞俱窮

勸君張目趁後患朱碧塗飾渠最工春風飛沙乃爾惡雞鳴

犬吠真惱公

記八月九日事

清名雅調達網繆姘紫嬌紅不耐秋一自霜風凋百草夕陽

不復倚西樓

為雨為雲暮夜宜誰知列缺走蛟螭自從禹鼎成功外惟有

雷霆不受私

家祠今感

民困財殫運會難暮年何處鈇能彈舊交鬼伯忽爽約毀室

鷓鴣不忍看八議或蒙虛鑑照五更屢冒苦霜寒自憐魚菽

曾親薦此地分明一語殘

有感

力不勝雖不識丁鴉音鳩舌那能聽
城文只坐侏儒敗況汝誰加一份青

送方子涵川撰異從劉芝田使英國

丈夫生當矯翼揚宜論天下事登諫垣上書待詔金馬門
不然佩劍腰弓鞬要期上報毛土恩安能竿牘作食客局
促有若駒在轅不能負與戴不能鉏與耕研田荒不穫妻子
嗷餐餐希有奮翻宇內狹鼓翼招我鵬與鷗負薪伐梓木浙
米窮天垠雲華飛瓊奏仙樂王母戴勝臨前軒贈君支機石
股以流霞樽從以太白若約約康瓠斫斷事事窮其根孤旌

丙子 汪顯下

日十九

金陵 蔣氏校印

枉矢築冶鍛精神相契初無言上客笑若電談理探道原縱
橫上下五千載蕃漢六戎無足論我媿學究三家邨倚移習
靜氣綿存轡車紀行有記注句君寄惠甄邱園

聞 詔有感

淮水空明月下宜蔣山行翠晚尤奇行人皆唱江南好身客
他鄉恐未知
道旁人笑老儒冠貌悴神傷不似官縱復婆娑生意盡枯枝
空聽晚潮寒

懷川撰異

故紙堆連苦竹陰相逢譚藪小窗深
蠹魚不墜千秋業鴻鵠終懷萬里心
聖世何嘗無象譯頻宮未必變鴉音
孝侯此日

詳風土即是清時屬國箋

紀夢

茶熟香清花乍放牡丹藝林語錄墨猶新
夢中深達艱難旨苦念成都賣卜人

贈祝蔗司馬

惟天生蒸民未教先以養
簪國惟大農河海運道廣贊襄賴
明公王事日執掌導米之海陵南風趁五兩簡書有程期往
來如息壤高牙接衡門限以甓與旗久蒙元白權兼以雞黍
饗老饗飽嘉脫報李志每爽近效寒蟬暗括囊斯取象聞公
義氣高推轂及吾黨杜陵唐布衣萬厦寒儒仰出斯績億栉
居則啟珊網託居蒸芝蘭亦坐春盎盎

百十 汪顯下

五下

金陵 蔣氏校印

失題

秉鉞必刑神知白本元覽婉婉凍蛟蟠聞雷動不敢孤夢無
與摧寂處觸深感頰印陷罟阱予入習坎惰農老無子者
欲幸素淡歲晚役車休醜酒鼓鞞鑿者日營營噓者視耽
耽綠董之事葦甚于荏與葵仰視已取息承氣若放膽瓊瑣
那與譚志謂衛可咳病夫目已瞑塞耳比垂就庶幾終廝下
得免詭譎網造化賦蛻骨諷咒寒蟬暗兀坐自參法此味甘
于攬

邯鄲卒

清風明月店猶新一夢黃梁孰效驪馬收有誰憐走卒蛾眉
世共惜才人掃門昔恨侯家晚吹律今逢黍谷春尚喜兢兢

留故步不思安踏鞅紅塵

夷門吏

大梁城郭苦巖極不及侯生意氣高在我抱關甘碌碌感君
執轡乃勞勞哀銜燕市行人筑義動屠門俠士刀去古未造
名節重軹深井里亦人豪

折腰令

門前楊柳久經霜身世蕭然已兩忘寄意桃源無漢魏爾時
粟里是羲皇聖賢羣輔前朝思先世高儒指近方豈獨督郵
真俗物淡然相對菊花黃

蚪髯公

楊裘公子入關中一局殘棋翦眾凶佐命英雄方洗馬還方

百十一 汪賡下

五十一

金陵叢書
蔣氏校印

竊主更冥鴻掉頭只幸私仇報搖手須知一妹功蕞爾瓜哇
俱收拾一樽遙酌仗西風

有悼

燕子樓中一夜霜短檠油燼怨宵長培塿本不生松柏烏鵲
何管樂鳳凰白眼渾忘人富貴青燈甘守主衣裳陰堂定有
相逢日尙肯低頭拜法王

園橋既成戲題 庚午五月廿八

偶築旌邱闢草萊春秋作且一襲回成陰結子知誰見誤被

落籬燕雀猜

庚申十月

傳說乘輿幸奉天倏驚烽火照甘泉已悲君子成猿鶴只有

詩人拜杜鵬監國莫循邸邸例握兵終仗令公賢蘭成飄泊
兼吳楚洒涕遙瞻北斗邊

懷王子壽比部

尺素殷勤六六鱗側思老友楚江濱魚龍變幻人間世蠖鶴
消搖物外身去國廿年終戀主居山十口不言貧嗟予一櫂
菰蒲冷元白無由再結鄰

題洪海如抱研圖

洪君磊落喜作書大者徑丈小尺餘解衣盤礴四顧立磨墨
一斗供驅除誰家素練潔若雪信手變化飛龍魚鴻翔鶴峙
各盡態喬柯瘦蔓擊青虛觀者縮項歎絕技擲筆大笑人交
譽年來抱研走淮海懷刺不曳朱門裾梅岡南畔乍識面知

百十一 汪賡

五十二

金陵叢書
蔣氏校印

我僕僿難卷舒江城歲晏寂無事意欲謁客防軒渠東窗科
頭坐旭日看君寫到黃庭初

周縵雲侍御邀往飛霞閣祀坡公卻寄

單椒傑閣兩岩巖飛蓋高軒肯見招詞客端宜蘋藻薦故宮
曾有鬼神朝鬢餘井里魚鱗損雪外山城虎氣消欲共仙翁
尋紫極雲中雞犬怕能驕

題侯青甫牡丹圖

珊瑚爲蕊玉爲枝老輩親圖富貴姿華表鶴歸陵谷改小窗
閒憶道光時

竹生哭書圖

江表黃山十二年娜環委宛盡成煙清尊漫話開天事只是

遺書已惘然

傳說朱樓護碧紗芝泥玉檢整還斜劫灰紅後胡僧在試認

丹青十二家向在十二家畫冊

科斗能從竹簡留江東舊有大桁頭軍人慣用排牆法莫把

蟬編怨蔡侯

我亦丹青萬卷餘城南老屋鍵門居眼花頭白方歸業仍借

當年已讀書

四君子詠

四君子者監利王比部子壽和心武昌張孝廉廉卿

獨山莫明府子偲友老石埭陳刺史虎臣友也王以名進

士籤分刑部以不好司空城且書辭歸張歷曾胡兩公幕

百一 汪鵬下

五十三

金陵張氏校印

府不願得一職莫陳雖膺保薦而不樂仕進嗟夫四子之

德使施之近世殆有德秀漫叟之風乃飄然高舉身絜物

外以視輟耕言志自比南陽者其賢不肖為何如詩曰高

山仰止景行行之敢為四君子詠

點鬼伺運巧禍福人愚者自愚慎倒泮塵熏炙時俗攀援翼

鱗午為牧伯子為賤氓賈販影翠輿臺拖紳矯矯子壽通籍

紫宸芒寒列宿時維昌辰挂冠歸釣螺山之瀨有賢節度訪

道親仁薦章風馳 哲后垂詢澹焉辟世忠讜上陳惠而顧

我召結德鄰廉卿斐媚文采斑璘赫赫桓文是主是賓有終

南徑塞武陵津賈文鄂渚葆我天真袞袞寮友久化鳳麟邵

亭羈旅篆籀絕倫梁園枚叟東都崔駟牂柯故郡唐虞外臣

非隱非仕門滿朱輪虎臣肫拳索處安貧天爵尊已愉色養

親羔雁在昨冰雪洗身其氣雖秋其心常春我侯四子如渴

飲醇匪同朝市匪同隱淪混名簪組蛻迹渭莘鷄秣上廐遇

九方歎昔陶彭澤西蜀嚴遵千仞翔集百世儒珍切摩頑懦

其道維鈞若揭日月光采長新

百一 汪鵬下

五十四

金陵張氏校印

梅村賸稿跋

右梅村賸稿二卷江甯汪梅村先生著先生起於孤童艱苦力學於書無不窺爲詩文操筆立就著作等身歸然爲江東耆宿沒後無子所著皆舊交及門弟子爲之收拾洪琴西刻其詩文張弢樓刻其筆記既爲海內所傳誦矣其叢殘之稿若書眉橫尾下至麻本計簿上下四旁縱橫錯綜者皆零章斷句也且晚有目疾塗乙漫漶幾幾不可別識甘子劍侯翁子鐵梅羅子雨田川子撰異苦心抉擇寫定數冊蔣紹山復爲選其尤者以墨規之先生之詩如河出蒲昌海千里一曲金碧與泥沙俱下澄之汰之自有其不可磨滅者非夫潢汙行潦比也其筆記多偏宕之辭蓋先生鬱不得志於時又丁

百十一

金陵遺書
蔣氏校印

粵寇支離兵閉悍妻在室下絕似綴極人生之窮有激而言或不可爲訓今從蓋閱願爲先生諍臣不敢爲先生佞臣也至其從出之本曰緣學道齋曰錄曰丙辰備遺錄曰无不悔庵有髮僧語錄曰舊游如夢錄曰菴獨叟語錄曰病亟錄曰健忘偶識曰茶餘語錄曰思無教語錄曰憶安座語錄曰紀事提要曰沈默冥頑語錄凡數十冊爲識其目於末後之欲知先生著述大凡者庶有考焉鄉後學蔣國榜



靜屋七

觀詩卷

集書





章先生傳

章先生諱鶴齡字子襄六峰其自號也章氏貴池甲族先生以積學為高材生名譽翕然著江表沈侍郎維鑄督學安徽先生屢試冠其曹侍郎舉貢太學行有日矣而邑豪賄郡守自謀中以蜚語而罷嗣遊京師諸公貴人多引重與交卒無力為拔起者先生浩歎而歸時以經術教授江南北弟子著錄甚盛先生頗身偉容善飲酒談笑胸懷朗豁不以利達困約自撓其於學無所不窺而慨然有志天下之務苟有稱舉必援則古先以證當代識者目為通儒先生生無他嗜惟朋友書籍為命束脩以上盡歲不少留妻女饑寒勿問也結廬陶家山擁卷自樂東南名宿往來造請輒窮日譚讌不倦暇則搜輯鄉邦遺著為池上掌故其後族子凌因廣為池陽詩鈔文獻以足又嘗手錄吳次尾劉伯宗丁東鶴章南湖諸先

靜觀詩傳

生集其勤學好古如此晚而遭亂渡江館桐城劉氏越數歲卒年五十有七無子所為書皆佚不傳劉氏弟子曰雲璐者僅藏其詩七卷所謂靜觀書屋詩集者也今先生同邑弟子劉瑞芬刊行之而屬桐城後學徐宗亮次為傳

靜觀書屋詩集序

章子六峰余總角交少年力學即好為古近體詩於舉子業尤工兼善古文駢體然不多為也中年以往得詩已千首每訂一卷必屬余刪定余性狂直輒吹毛索癢就己見以為去取笑謂六峰昔劉季緒才力不逮作者而好詆訶文章余豈其人耶咸豐癸丑江南兵亂後余挈家室去鄉井流離浙東江右十有一年而後歸嗚呼六峰則已去世矣求其生平著作略無存焉重可哀也今歲之秋劉芝田方伯書來得六峰集詩數卷於同門劉君雲璐將梓以傳之六峰有知其亦可少慰矣應芝田命為之序亦以志余與六峰之交情一死一生未嘗不依依也同治癸酉冬十月同里金秉彝序

靜觀詩序

一

靜觀書屋詩集序

詩自三百篇後離騷作而綴文之士與遞推遞衍日象日滋大抵倣詭以相激搜刻以為能誇多鬪靡窮之以至於無所終極然其間有單辭賸義傳之既久而不衰而連篇累牘蟲鼠之所齧蝕風雨之所摧殘往往烟銷灰滅零落無一存者將有幸有不幸歟抑傳之必視其人歟貴池章六峰先生留心經世之學撰述甚富尤嗜吟詠中年以後積詩已千餘首會值髮逆之變流離播遷都為煨燼其亦可謂至不幸者矣而其弟子劉芝田方伯多方採輯久之於友人處得古近體詩數百首意清而氣逸珍之如商盤周鼎亟付手民以傳儻亦不幸中之至幸者歟乃不鄙辱余令序其首昔三山許閣生搜其師黃子厚詩集問序於朱子朱子嘉其師死而不忍倍之以為難得今芝田之於先生視閣生豈有異焉惜乎余

書札訂序

三

無朱子之文不足以傳先生於久遠也同治甲戌春三月沅陵吳大廷序

靜觀詩序

四百八十八

吾師章六峰先生講求經世之學凡國家典制郡邑掌故鹽漕兵農之屬皆窮究原委考證得失往來陳晉燕趙齊魯之郊於疆域阨塞河渠廢興亦頗搜討講論沈侍郎鼎甫進廣文青崖陳太守岱雲諸先生皆稱為有本之學兩至都門一時名公巨卿折節與交尤嗜吟詠兼工駢儷晚年歸地陽結廬陶家山危東垣舍人梳山堂之西搜輯吾池文獻並手錄同里吳忠節樓山先生詩文集二十七卷劉徵君伯宗先生詩文集二十卷丁相國東鶴先生詩文集二十八卷章水部南湖先生詩文集二十卷青燈熒熒寒暑弗輟東南名宿往來江上者莫不相與唱酬文燕之盛與池上郎杏村陳梅緣諸先輩相輝映咸豐癸丑粵逆東窺郡城淪陷先生挈家隱梨村山中乙卯後流氛充斥山中燔掠殆徧復渡江避亂桐城越數年卒於陳家洲平生著述甚富作詩千餘首遭值兵

靜觀詩序

三

亂散佚瑞芬求之十數年不可得辛未之夏桂禮堂司馬航海入都道出滬上樽酒話別出行篋所藏先生古近體詩數十首乃付之梓曰居易堂殘稿桐城劉子琛上舍聞之抱先生詩集過訪上舍亦先生門人也亟校錄別付手民嗚呼人事變遷陶山之賓客都為異物而一時執經門下如瑞芬者亦忽焉自傷老大俯仰今昔俱成陳迹重可慨矣而先生遺集展轉兵燹卒自全於天壤閒是可以觀天道也夫光緒元年夏四月同邑受業劉瑞芬謹序

靜觀詩末

靜觀書屋詩集目錄

卷一

古今體詩八十五首

卷二

古今體詩六十九首

卷三

古今體詩八十首

卷四

古今體詩七十四首

卷五

古今體詩八十八首

卷六

古今體詩五十二首

靜觀詩目

卷七

古今體詩六十一首

右詩凡七卷共五百有九首

靜觀書屋詩集卷之一

貴池章鶴齡六峰

雨夜過杏花村

春雨晚來急催開紅杏花濕雲迷倦馬香夢冷棲鴉泥滑尋芳路宿收賣酒家倘教明日霽重此醉晴霞

送鄭賦山雲連歸新安

十年獻賦黯神傷匹馬匆匆返故鄉春草碧時人竟去遠山青處路偏長仙源一徑通黃海道脈千秋繫紫陽好向名區窺正學筆花醞釀爛生香

春日與金蘭洲東彝王香厓家曼卿凌謙集百牙山樓用周柳橋明府韻

樓用周柳橋明府韻

岑樓疊疊面湖開不盡遊人往復回柳被輕風扶綠遠山隨落日送青來那能好景如春月聊遣豪情托酒杯當境莫須

靜觀詩一

辭盡醉百年身世幾登臺

題蘇虛谷廷煜指畫墨竹

古人畫竹誠寡偶胸有滑川一千畝虛谷先生技更神不運以毫運以手疎密濃淡妙化裁指端直驅風雨來風雨迷離繞尺紙墨痕洗盡無纖埃窗前舊有數竿竹竹梢搖曳窗紗綠畫懸斜映竹窗曠是畫是竹誰能分君家先世東坡老兔起鶻落形容好若教與可並君生一指禪機參不了印生私指跋言一一移贈君直使坡公尤傾倒

青陽道中遇雨

策蹇赴蓉城長途冒雨征泉聲爭澗落雲氣挾山行路滑憐孤僕津迷問耦耕前村知不遠入耳有雞鳴

山村夜行

空山沈寂夜有客躡層雲屋遠燈偏澈林昏路不分野狐窺

冷月山鬼嘯秋墳斜得村居客懷人酒半醺

秋杪宿感鐘山華藏庵與滿秀上人夜話

踏偏疎林葉雲房合少延高僧頗好道留客共談禪窗響竹風起堂空山月懸鐘聲敲百八相對不成眠

辛卯除夕

一年今夕盡歲月易蹉跎曲巷鷄鳴少荒原虎跡多幾家方凍餒何處自笙歌憂樂渾無定令人喚奈何

期金蘭洲不至

煮茗早春天虛齋為君啟疎雨滴空階不聞雙屐響梅花開一林獨自成幽賞

漫興

閒時流覽醉時歌拂面東風一味和世上覺無人不好願將此意學東坡

靜觀詩一

清溪即景

山繞村墟水纏廬輕陰吹散夏風初斜陽隴外排秧馬細雨灘頭打麥魚野屋幾家成小市生涯隨處足幽居此中卜築堪招隱蕭灑何年得自如

古意

心如時樣花織上機中綺裁綺製為衣花開無終始

哭家星拳夫子札

七年教澤未能酬今日登堂涕泗流慧業直從中歲解三十七每好殘編不為後人留易贊前夕編撰書籍於地日留此何為燕來舊院空春雨樓名鶴化重泉伴鐵舟姚鐵舟先生與夫子為心性交回首遺言猶在耳芸窗歲月莫優游

落月

長空一片月和霧欲西沈人影不在地烏啼將出林相邀曾

舉酒小住合停琴此際萬緣寂浩然清我心

病中

竟夜不成寐愁聽寒漏稀疎燈憐影瘦薄帳引風微母老親
炊藥朋疎罷扣扉隔林喧野鳥強起步庭闌

贈吳門郝竹坪志節

風塵雖久客雅度自沖融骨格生來健文章老愈工胸襟多
磊落世路任窮通交以忘年合傾談竟夕中
共話年來事從容笑語溫寒燈孤館夜落葉幾家村行篋詩
無草輕衫淡有痕知名天下士屈指更誰存

南郊冬望

獨立望無際長空烟景微不曾逢驛使何處覓春暉野水流
都瘦山雲凍不飛歌聲清入耳湖上老漁歸

與黃菊江金生夜話

雜觀詩一

半畝園林一曲欄知君何日不情寬酒斟舊釀消愁易花折
新枝割愛難幸勿因人趨世網休將誤我怨儒冠虛窗默坐
渾無事好展奇書子細看

禽言

喚起

喚起功無已千秋業全在己晨起故遲遲日亦不足矣

力作力作

力作力作有前無卻計日以程功今朝須勝昨百年事業無
窮期一步未臻休駐脚

稽古

稽古用心苦權耐苦一貫之傳得以魯

婆餅焦

婆餅焦婆難食阿婦燒鍋心太急心莫急奉養高年須盡職

阿婦亦有作婆日

克丁當

克丁當朝朝搗藥來雲房仙藥無處采長生亦何方富貴神
仙兩可致萬年天子誰當陽漢武帝秦始皇

割麥插禾

割麥插禾時到莫蹉跎三時力不惜入口饑由他打門有吏
嚴催科年如不足將奈何

行不得也哥哥

行不得也哥哥舉足即坎陷投身皆網羅世路險何其多人
心須坦蕩莫再起風波

著新脫故

著新脫故故不可去故從新來卻來何處

拔筍

雜觀詩一

拔筍莫拔盡筍盡無竹未能免俗

咄咄怪

咄咄怪前車之鑒後車戒世事胡為轉多敗

送徐捧一榮歸金陵

五載同遊意興饒歸裝誰料促今朝清溪舊夢懷三固細雨
新愁話六朝好趁芳時勤砥礪休將壯志付漁樵來年定赴
秋風約打漿秦淮泛晚潮

白桃花

色相全空一段春春光於此見天真香盈小院惟留影笑向
東風不染塵霧井寒生承寵夜仙源老避秦人縱隨流水

漁翁

漁翁釣罷烟生浦返棹歸來搖弱櫂東山月挂水晶盤載酒

平難飲三五蘆笛一枝信口吹不事引商兼刻羽初疑野鶴
啖松風旋似蒼龍喚江雨吟成折柳詞復奏落梅譜老妻按
拍女徵歌醉臥難頭苦石古烟銷日出解纜行一篙撐入桃
花鳴

百牙山樓夜坐

清酒自斟三兩杯小欄杆外窗齊開月斜欲墮淡無色照蟹
一燈湖上來

九日與李聘之希珍姚北海瀚王香厓家曼卿同遊齊

山

齊山極幽奇巖空徑紆曲湖水抱山流倒映羣峯綠絕頂架
孤亭曠覽娛心目登山如觀書幽探須反覆壁險攀枯藤洞
深然巨燭流泉倚樹聽古碣披苔讀內蘊自精華外觀殊質
樸若徒相以皮山靈笑人俗世人恣蕩遊豪情苦未足東凌

靜觀詩一

在

泰岱雲南望匡廬瀑西陟我媚巔北極燕然谷此心終茫茫
此身徒僕僕窮大失其居無乃虛信宿何如咫尺閒林巒互
起伏高不及數尋扶筇隨往復廣不逾千里著屐任遲速秋
色滿空山丹楓與黃菊一歲一攀躋猿鳥亦相熟看山人所
同契山我所獨攜手興悠悠不使形骸束絕壑晚烟生長歌
出林麓

棲雲禪林題壁

打頭紅葉落紛紛寂寞空庵映夕曛幽鳥自啼人自去倩誰

管領一山雲

華家松在齊山南麓殿帥手植今已無存

請劍空懷壯志賒將軍遺恨付烟霞行人不管興亡事猶指
長松說華家

村夜

靜觀詩一

暫與塵氛隔閉身也覺安犬鳴林屋靜人立板橋寒木落知
霜勁燈昏怕月殘荒齋無那寂永夜況漫漫
清明日諸友燕集百牙山樓邀余未往爰賦二律兼訂

後約

飄然物外此閒身誰料尋春轉負春縱以獨吟酬令節最難
行樂聚同人一溪魚鳥聯情舊三月烟花著色新想見雲山
應笑我遊蹤何苦逐風塵

不須彈指怨蹉跎絕勝清明候已過花待全開遲更好酒饒
積債飲偏多蘭亭會客羣修楔竹院逢僧醉踏歌人世百年
真夢幻肯令歲月暗消磨

石灰沖過吳次尾先生殉節處有感

天心已去復何求虛望神京寶錄收畔比殷頑勞破斧功輸
楚將誓沈舟戴天有恨空嘗膽亡國餘生只斷頭灑血于今

靜觀詩一

六

應化碧我來憑弔老松楸

梅根訪羅昭諫別墅

江天渺無際言尋昭諫居昭諫今已矣高風盈太虛悲君負
奇才十載因公車屈身事吳越惟期素志舒錢王坐擁兵唐
社終成墟豪傑不逢時匿跡混樵漁拙哉南邦使相士何太
疎顧謂江東生名不金榜儲金榜縱無名江東名自如出處
本真性無為喪其初文章殿三唐靈魂應慰渠灑酒對江天
搔首重愁余

江上望九華

九華之峯高插天靈根蟠踞長江邊江上波濤軒然起巖壑
震盪搖雲烟須臾風平日高出見出九十九朵青蓮上吸
銀河水下瀉瀑布泉金莖鐵幹相新鮮一開不知幾千年憶
昔五溪橋上立山雨空濛兩肩濕匡廬面目認難真雲屏潑

靜觀詩一

盡松煤汁祇今擊楫來奇秀紛然集比似海中三神山縹緲
虛無在呼吸六齋共戴羣仙居仙風那引凡人入如近復如
遠可望不可及山靈恣狡獪含情對我遙拱揖我欲為之留
斯須片帆高挂胡為乎陽崖陰壑曾爾過層巒疊嶂空中趨
手掬江波洗雙眼果然冠絕東南隅左持蟹螯右把盞放量
盡許吞江湖酒狂據案作奇想移山擬學愚公愚恨少長房
縮地法使爾怪石嵌空玲瓏置一壺就中一事頗快意卧遊
不待四壁圖魚躍飛飛老蛟舞較勝展著枯筇扶氣象萬千
詳考核九華之名傳李白李白一去不復還空山何處尋仙
跡仙跡不可尋寄身渾一碧江水自深山自高歲月無端異
今昔世人但解參禪宗誰識狂吟有奇客詩魂跨鶴倘歸來
笑對江天手應拍

晚發繁昌

和魯奇一

出港天將曙乘潮路不迷櫓聲搖斷夢星影墮前溪岸闊孤
城小烟開遠岫齊一帆渺無際直抵秣陵西

泊天門山

扁舟一葉繫荒汀雄勝天門此暫經空闊長流千頃白混茫
不斷兩峯青雲移星斗寒芒動波激魚龍夜氣腥吳楚威名
終古在莫將成敗問蒼冥

登報恩寺塔

九級凌高漢千秋壯故都雨餘蕭寺冷烟外孝陵孤不盡興
亡感頻隨眺望俱天風送鈴語隱隱達雲衢

莫愁湖

雙漿盪輕舟沿湖訪莫愁閒情空六代彼美足千秋翠黛憐
山色紅菱采渡頭歌聲聽隔岸何處女兒遊

勝棋樓謁徐中山王像

靜觀詩一

曠代元戎第一人圍棋決勝定前因湖邊水月權為主海內
安危仗此身龍戰幾經襄大業馬肝何忍賜功臣銘勳百尺
碑猶在益信風雲會合神

泊紫沙洲

暮色蒼然至扁舟罷遠征哀笳兩岸發秋月一江明浪靜遊
魚出天空旅雁橫來朝望鄉去聊慰倚閭情

望雁篇

爾雁何時來虛窗為爾朝大開長空迢迢一萬里翱翔每待
朔風催一行遠振凌雲翮音書莫被關津隔故鄉風景已愁
人何況天涯未歸客客在天涯十載居胡不寄爾一紙書一
紙書無消息孤負江南好秋色蘆花已白楓葉丹矯首天南
望天北

九日遣興

和魯奇一

秋風吹空秋氣涼一籬菊花初放黃登高無朋縱減興坐對
花枝情復長刺啄聲來門口疑是白衣人送酒須臾入門狂
且呼云爾官租欠何久笑指破甑甑有飛塵笑指中厨厨少
積薪稱貸無術吏怒益瞋不怪爾吏猛如虎但怪六月晴不
雨典裘賣劍償官租寒士家風一何苦妻孥且莫怨青氈力
耕不足舌耕補留將三百青銅錢買醉雲山訪洞大

峽川尋明劉伯宗徵君隱居

深山深處絕塵緣道老真成避世賢謝髮已聵仍擊竹陶琴
雖在不張絃心清鹿豕同遊日夢斷風雲際會年一事足安
泉下友覆巢遺卵得完全

王平山

金蘭洲有同看桃花之約夜來風雨花事蕩
然爰賦小詩以誌時光之感

春夜宴芳園古人已云樂隨時愛景光幽懷殊脫畧共道東

靜觀詩一

風好誰識東風惡昨宵吹雨來阻我看花約主人閉閉門清
尊聊獨酌縣知惜花心朝來顏蕭索劉郎未曾來萬樹紅雲
落忽看更燕飛營巢入我閣細辨夾泥啣餘香撲簾箔

姚禹門集金蘭洲同集王香厓園中看芍藥

春花惜春怕春去竟把春光強留住輕紅淡白婪尾開倚檻
欹斜醉濃露日出天豔爭飛騰風動幽香低籠護花也不嫌
遲春也渾忘暮蜂蝶紛紛逐人來添得園林無限趣分明一
種金帶圍較勝君家桃千樹中當年侍宴誇多嬌即今
光彩還如故選客恰如韓公數擬借花枝卜前路

水德亭閒步

落日閒亭一角斜年年滿縣發春花踏青二月沿隄上人訪
寒山問可牙

清溪謁二生祠

清溪詩一

九

宋德祐二年元伯顏下池州通判趙公昂發死之有
二生撫公屍哭曰生為趙氏人死為趙氏鬼何以洗
此冤清溪一泓水遂沈清溪弄水亭下

終古雪山幾變更千秋祠宇尚崇宏月明故國家何在潮落
空江鬼欲鳴濁世不教污姓字澄懷真足愧公卿趙家養士
年三百留得清溪水一泓

齋居偶感

檻外名花架上書悠然吾自愛吾廬性天不鑿才無小物我
渾忘樂有餘見說枉陵思廣厦肯同潘岳賦閑居興來也向
秋江釣瀟灑襟期豈在魚

過清風亭漢高處士墓處士名獲光武故人

烟水江南獨隱淪高公見比子陵真一官諫議君臣定天子
何嘗有故人

七月初八夜
穿鏡樓上手初停天上佳期昨已經料得桐陰斜月裏有人
獨立憶雙星

鄉村雨後

散步乘新霽幽懷頓爽然晚烟低野屋流水響平田澗溢斜
陽外秋生古木邊呼童掃蕪徑閒坐理琴絃

齋居懷家曼卿

我心適無事愛此邛園樂隨時寓真性天地自寥廓長空秋
雨晴清朗勝于昨籬菊花正開庭柯葉亂落倚檻延微風吹
面頗不惡無限山林趣悠然滿城郭幽人渺何許舉杯成獨
酌遙聽虛籟鳴雲外一聲鶴

與姚禹門宿雲光寺

十年塵夢繫雲光今日尋幽到上方共話僧寮人喜舊不聞

靜觀詩一

十一

官漏夜加長敲窗凍落松梢雪煮茗清分藥院香笑問空山
探勝客益公去後更誰狂

南村八景為李雲峯先生義作

南浦

南浦自盈盈閒對一尊酒但聞歌采菱不聞歌折柳

松陽亭

松翠半空飛松陽亭子小谷口清風來寒濤聽不了

孝竹林

此君以孝名此君真絕俗旨哉坡老言不可居無竹

白果園

秋來多白雲深護園中果蒼颯逐隊來實共霜花墮

箭山

日月疾如飛巨靈赫怒怒一箭射雲端來往鷲鳥瓦

虎石

猛虎立重岡真精化為石將軍夜出巡彎弓射不得

五松墩

高墩植長松騰空欲化龍不比五大夫甘受秦皇封

石嶺釣臺

臺下碧水流臺上清風發幽人坐羨魚一竿釣秋月

春日遊齊山與倪集三聯句

一隄楊柳綠堪憐結伴尋芳洞裏天亭對翠微懷小杜

述之人攜紅友醉青蓮懸崖日暖花爭笑古樹風和鳥

弄絃俯仰乾坤舒望眼述之狂歌聊作地行仙

不到名山已十年述之今朝著屐興翩翩留題自掃巖頭石

鶴齡者若還尋谷口泉三徑苔生初過雨九華峯斷半

含烟磬聲何處清人耳打動詩情勝坐禪

題齊山一

士

豈是疎狂豈是顛每於流覽証前緣馬嘶疑有將軍到

述之碑斷渾忘歲月遷世事浮雲空過眼古來名士究

誰賢置身須在千峯上述之其向塵氛說後先

登臨欲去更流連述之老衲牽衣古寺邊酒旆飛揚寒食路

鶴齡江帆出沒夕陽船人行紫陌紛如蟻雲散青霄戾

有為底事題糕重九日述之秋光難比錦春妍

飲馬湖

戰罷黃天蕩志窮力已竭美殺飛將軍飲馬長城窟

僻居

炎涼世態閱曾經眾醉翻嫌我獨醒花事朝從深院課雨聲

夜坐小樓聽身無俗累緣安命架有陳編任乞靈檻外重簾

須暫捲放他舊燕到閒庭

宿山家

宿山家

深山人跡少僻處一茅茨湖曲泉流細峯高月上遲安貧忘市遠避客笑兒癡竟夜無塵夢清眠短榻宜

望月吟

太白舉酒邀夜月月下時聞浩歌發我今對月斟美酒擬呼

明月為雅友一輪高挂重林梢欲上不上秋天高星斗斂芒

角河漢收波濤仰見玉宇淨風露何蕭騷此時望月人無數

爭羨光輝滿空布三五而缺三五盈代謝之理憑誰悟世閒

萬事皆茫然只有明月長在天先我生者何以不見今月圓

後我生者何以仍見古月懸而我不先不後生此際明月依

舊來眼前停琴亦難忙滅燭殊可憐來去於我不相待往往

矯首情空牽安得飛升化為月中魄十二萬年如頃刻照偏

古今無限愁不向人閒作過客

酬孫子飛鈞

孫子飛鈞

孫君子飛錫山雅士也少遊琴川長寓秋浦余初未

與相識乙未秋蘭洲金君招遊齊山見壁上天外小

史題句讀之鼓掌叫絕用其收語跋之曰古松號怒

龍咄咄真奇句我欲得斯人好把黃金鑄傾倒之者

至矣然究莫知何許人厥後每一念及輒欲忘餐饑

渴之思烏能已已丙申春余館黃氏寓齋客有訪蘭

洲於余者叩之乃孫君子飛鈞其名克堂其字天外

小史其別號也余喜遇出望外益信筆墨之通神傳

命蘭洲俾相聚晤遂成莫逆交子飛贈詩於余余感

其意酬七古一章詳顛末以紀其事

文字知交數難悉誰具驚人一枝筆豪情落落空古今眼中

之人居其一齊山山頭見君詩醉中一讀一稱奇大鵬搏風

鯨拔浪具大神力安能支天外姓名苦難訪搔首獨立高岡

鯨拔浪具大神力安能支天外姓名苦難訪搔首獨立高岡

鯨拔浪具大神力安能支天外姓名苦難訪搔首獨立高岡

上蕭蕭黃葉共徘徊
冉冉白雲增惆悵
何意春風拂面來
千樹萬樹花齊開
花裏尋春遇孫楚
笑向花前共花語
愛爾人訪木蘭舟
木蘭舟今秋浦遊
寒裳為指點
招招臨清流
須臾贈我錦箋字
字字珠璣輝
雙眸我讀君詩
叩君旨金鉞
度自君祖妣唐詩
三百手親編
一瓣心香貽
孫子掃除塵
翳開青天如君
即是人中仙
焦桐已入中
郎聽知音
何待五百年
有君留待知音
摩挲袖裏詞
沈吟巖上句
擲地當作金
石聲不羨君家
天台賦
賤子生來抱
狂癖
十千活酒從
不惜一醉直向
塵頭眠
羞與時流抗
歌席祇今相
見非無因
才華雲錦身
風塵古來時
士總如此
我不君交
誰更親
親君雅宜
進君酒齊山
待君尋盟
久行將登
高酌大斗
驚起山松
作龍吼

怒龍歌贈孫子飛

子飛才高不過因其有古松號怒龍句作怒龍歌贈

之

空山雲重多古松
一松排雲成一龍
龍不乘雲出山去
爪牙攫拏含怒容
青銅為鱗鐵為骨
人世斧斤那能伐
森森百尺增陰寒
招引天風挂海月
皎皎天風高無晝
無夜龍怒號
胸有不平氣
自盛山精膽
落潛遁逃我謂
蒼龍勿復怒
萬物資生仰甘澍
方今苦旱苗欲
枯不出為霖爾
何故

九日翠微亭懷姚北海嶺南

迢迢嶺表住輕車
望遠空教感歲華
堪歎漂萍隨逝水
可憐瘦菊放疎花
故人酒國成酣醉
遊子天涯合憶家
獨向翠微亭上
立仰看飛雁幾
行斜

曉行

無端忙到我那復
有閒身短榻夢初
破長途征已頻
疎烟低伴馬怪石
立窺人村豈期相
值蒼茫好問津

靜觀詩

送孫子飛之無錫

廿年未反梁溪路
今日重遊韻事增
細雨疎烟寒食節
一盃麥飯弔延陵

喜筵階平開泰至自京口

行盡江南三月天
春光到處儘堪憐
知君不羨清溪水
會飲中冷第一泉

包公井

古井傳包老千秋
仰令名羣情當水
監一笑比河清父
母心凜閻羅鐵面
呈此泉真澹定涓
滴惠蒼生

訪王香厓不遇

我有素心人獨抱
烟霞癖結廬遠翳
塵短垣環翠柏一
日不相見有如三
秋隔策杖扣荆扉
一犬吠迎客寒菜
生一畦涼颺吹兩
腋聞君朝握鋤入
山采琥珀雲外幾
時還坐待溪邊

靜觀詩一

石帳望情無人一
林秋月白

貴池先哲遺書第三十

靜觀書屋詩集卷之一終

靜觀詩一

靜觀書屋詩集卷之二

讀樓山堂集

貴池章鶴齡六峰

遙夜坐山館夜氣清以肅抗懷鄉先輩於公最傾服身為草
莽臣義憤素所蓄半生不平氣傾吐成卷軸坐言起則行大
權苦未屬但見仰天笑不作窮途哭南邦黨禍成誰與洗冤
獄一朝大厦傾致身恐不速石填海愈深戈揮日難復書生
死王事當日推公獨遺編空抱殘揮淚不忍讀燈昏鬼欲鳴
秋風滿林屋

正月八日與筮階平看梅雙蓮庵用蘇石鼓歌韻

臨罷蘭亭歲在丑幽懷直追襄陽叟東郊雪盡泥方深閉跨
疲驢湖上走湖山深處雙蓮庵中有寒梅開磬口栽梅人在
千載前探梅人來千載後香滿禪房花滿枝不待寒氣消九

九想因託根淨土時法水曾沾淨瓶柳我對梅花直下拜折
腰不為米五斗山僧愛客賞名花為花留客頻掣肘客從花
下披荆榛何異農夫務去莠花開花謝自年年笑我訪梅如
訪友結約恰趁早春將雛春鳥未乳穀壁閒多少詠梅詩
字跡參差認蚪蚪滄桑閱歷知幾何山脈無處問耆耇護花
一犬吠花陰猜猜不煩人指喚眾香界裏參禪機且為破戒
進一占晨鐘暮鼓消受多覺路昭然發矇瞶人世相延止金
石漢瓦商盤夏响嘍梅胡為者竟長春知是諸天法力厚可
惜鋤月種梅人絕無姓字記某某如此一株真離奇一不可
無二難有堅貞誰當伯仲之南山有栲北山杻莫嫌世事太
匆匆浮雲須臾變蒼狗美哉喬木郊大國斧斤未伐洵非偶
其旁更有梅數株對此不覺齊俯首皮斂入膚筋入骨一任
夕霜相擊拈借花獻佛我心誠佛笑拈花意微取為問紛紛

看花人誰淨六根清八垢求魚原不須木緣得免那曾在材
守我為巡檐索笑來愧難與梅同不朽花氣蒸成五色雲遙
迎西母來稱壽

題吳東籬淡十八尊者渡海圖

軒然大波撼四壁一片汪洋望無極不須寶筏渡迷津尊者
從中施法力龍騰超巨浸虎嘯乘長風鼎足三僧踞龜背蒲
團布袋浮冥濛一僧擲杖波面立回顧肩隨僧拱揖曳裾把
袂五僧聯踏破浪花衣未濕最老一僧眉獨長遙瞻彼岸心
茫茫彼岸早有誕登者或坐或起或牽裳蒼烟浮島嶼皎日
升扶桑靈氣成樓當中央三千弱水隨飄颻可望不可即疑
有鐘魚隱隱聲鏗鏘無窮變幻歸尺紙芥納須彌理如此畫
工到此信通神前身不數吳道子我聞釋家言解脫為最尊
惟戒生定定生慧宜掃八垢清六根胡為以身頻試險不依

淨土扣雲門

淨土扣雲門魍魎縱無害蛟螭縱不吞生死僅了一身願落
最下乘何足論不知靈源一點能澹定夷險隨時見真性海
之周流無不包尊者見地同其超海之運量莫能外尊者修
行同其大活潑天機觸目呈豈真結伴渡蓬瀛即心印心心
乃見以指喻指指愈明縹流迥與世人別何至失足神魂驚
人惟慎思不出位身涉波濤亦平地人苟夜氣不常操身在
平地皆波濤尺幅之中寓深意莫作等閒翰墨揮滔滔無數
烟雲筆端運如此傳神頗清潤塵情俗意倘糾纏圖成空著
佛頭糞

齋居即事

十年山館久離羣性地曾無俗累紛風定遊絲當檻立日長
幽鳥隔花聞童知破睡茶頻煮客到闌題韻共分堪笑昂藏
身七尺也從巖壑契烟雲

讀布衣諸老詩各書一絕

諸家詩前輩論之詳矣然詳於臺閣而畧於山林余
懼其湮沒不彰也爰就所見著之篇

東陶僻處閉門卧對牛衣笑語温欲把水仙歌一曲天風

海鶴弔詩魂秦州吳野人嘉紀

江冷關枕大江濱上有豪吟古逸民京口扶輪憑假手一時

大雅屬斯人丹徒冷秋江士壘

嶺海干戈未定時身經險阻句偏奇從心運化渾無迹風雨

羅浮自合離南海陳元孝恭尹

數卷殘書十畝田就中吟嘯趣纏綿柴桑品格高千古何止

秦淮曉渡篇丹陽潘南村高

性情高潔出塵埃哲匠宗工服異才直自王韋門徑入宋人

到底別風裁丹徒章江雜性良

靜觀詩二

十五人中遇獨窮窮來詩律轉能工如何篋社湖邊水不見

珠光照此翁高郵李百藥必恒

風骨高騫氣欲騰吟壇聲價晚尤增吐詞響可行雲過鍾鍊

工深杜少陵錢唐沈方舟用游

不假簪纓品概存騷壇原讓布衣尊清思健筆含風雅心折

南徐鮑海門丹徒鮑步江舉

才高不僅畫留名二樹論詩語最精醞釀功深書廣讀胸中

自有寶光生山陰童二樹銜

古來多少作詩人詩到先生乃見真專寫性情無俗韻筆端

清氣往來頻懷甯魯星村瑣

青蓮居士謫仙人孰是前身孰後身曾否月明能捉得慣來

塵世醉沾春武進黃仲則景仁

豈徒文筆擅才華韻語人尤仰作家豔自生新香自古分明

老樹著疎花桐城劉海峯大樞

詞壇誰與訂前盟七律推敲不厭精深造喜無斤斧迹放翁

再世石湖生江甯陳古愚

隨園衣鉢幾人傳惟有芝衫詣力堅浩氣運將新意出非徒

面目襲前賢江甯秦芝衫元春

瑯琊山館絕罵塵古籍沈酣力漸臻漢魏久經窺秘鑰不將

三昧問唐人涿州張竹軒葆光

皖上星村與嘯村詩名前後共推尊豈知繼起皈依者更有

人開不二門懷甯潘蘭如瑛

閉吟有客住瓜洲詩境清微比素秋好是烟消潮落後一鉤

斜月照江樓丹徒王柳村

九華九十九峯青秀氣潛通筆墨靈造就一門詩子弟雲山

長嘯老人星青陽陳梅綠蔚

靜觀詩二

活潑心源瀉筆端看來似易到偏難緣何得此遊行樂一派

浮囂極力刊貴池王鶴樓夢齡

太樸山人逸興饒池陽詩境得君高笑他脂粉爭妍輩孤負

才名一世豪貴池姚鐵舟翔

偶感

浮生到處足句留沙上輕鳧水上鷗何用恃才驚一世但能

行樂即千秋硯田慰老供兒職斗酒娛賓向婦謀俠氣邇來

消欲盡逢人最怕說恩仇

金山

勢若從天降靈非拔地鍾江山浮島嶼石窟走魚龍永作中

流柱潛回到海峯妙高臺上望空闊蕩人胸

揚州

綠楊城郭傍江湄有客停橈遠繫思好是平山堂上立隔江

山色淡如眉

黃河

黃河天上水混混赴滄洲九折含元氣雙隄夾濁流高風南
北異落日古今愁何意驚濤險連朝阻客舟

宿遷舟次

寂寂荒城近水濱浪遊難遣苦吟身茅檐漸改江淮俗柳陌
初飛驛路塵風雨一春愁作客關山千里愧依人南來燕子
多情趣日向篷窗往返頻

燕子樓

非比湖名擅莫愁佳人自古總千秋芳魂不共春來往風雨
年年燕子樓

彭城道中懷同里諸子

故園好景正春三載酒行吟逸興酣知否風塵人寂寞桃花

靜觀詩二

五

時節去江南

過吳季子挂劍處

生別劍姑留死別劍宜與生死兩不渝古人重心許

遊南池工部祠因登太白樓樓與祠本相接也有感而

作用壁間韻

岑樓百尺俯荒祠祠畔盈盈水滿池相對是仙還是聖可憐
同調不同時三唐矩矱千秋業萬丈光芒二老詩我自江南
羈旅客直從曠世結心知

舟過濟甯與筮階平登太白樓感賦

昔我打漿遊翠螺太白樓頭發浩歌今我泊舟任城岸太白
樓高接雲漢堪笑飄蓬年復年到處偏與公為緣從古神仙
尚遷謫奔馳我亦何憂焉登樓瞻大雅落莫胡為者駕雲車
今馭風馬飄然直抵燕臺下燕臺路隔徒漫漫望而不見增

辛酸先生知己滿人世何事猶歌行路難行路之難難至此
望古悲今不能已風塵賞識自有真青眼世上誰其人百尺
岑樓坐相望除卻飲者誰堪親所如雖不偶佳趣隨時有尚
論古之人千秋皆至友杖頭錢挂樽不空渺渺天涯任我走
身外富貴即浮雲何似一杯長在手人生聚散本無常君家
京口我池陽此閒飲酒不盡醉別後相思空復長

中秋舟次臨清與筮階平飲月下

今夕何夕清風涼長空皓月流素光天涯落莫不稱意主人
壓酒勸客嘗舉頭望明月萬里澄澄同一色關津路上獨情
牽碓杵聲中偏冷逼古人交道今誰存座中佳士江上孫平
六世孫年年此夜興勃發買舟京口渡白門白門秋思六
朝往滿眼烟雲空偃仰拔劍時為斫地歌揮毫直奏鈞天響
知音南國了無緣一肩行李赴幽燕余也大笑出門去偕起

靜觀詩二

六

借居三千路咫尺黃金臺搜羅空羣才羈拘駭足不得進驂

騶雖美終沈埋丈夫升沈何不可寄人籬下計真左君胡為
者輕遠行親老家貧亦如我勸君無事重悲秋進君杯酒慰

君愁北海有書空薦爾仲宣無志久依劉天公似憐近日飲

興少滿放今宵月輪好醉來擬向獲頭眠照我魂遊十洲與

三島儒生原為待聘珍由來幾見老風塵那堪桂魄秋香夜

猶作天涯行路人

東昌

靖難兵起軍政肅所過郡縣如破竹東昌一城據要衝此城
不下難進攻尚書開門迎王入燕王躍馬欣相從懸板一聲
飛霹靂王怒揮軍以礮擊城頭列主書高皇未曾接戰先挫
敵義旂所指人同心分明一鼓可成擒擒王王自無生理殺
叔又恐累天子叔不可殺天子慈忍哉叔父心豈知持強遠

敢竊神器藐茲弱主何難欺尚書慷慨矢大義此時有死心
無二南北安危仗此城願死相守不生棄食窮兵盡城復虛
一朝執得鐵尚書鐵縱可執不可折王執尚書真執鐵紛紛
刀鋸任加戮甘莫甘于志士肉靖難兵起果何名請命高皇
恐不速

天津望海樓

萬頃茫無際登臨頗壯觀天根浮巨浸島影上危灘岸闊日
華薄潮來風信寒誰憐異鄉客翹首獨憑欄

滕縣道中

客路悲秋秋已深柳枝搖落短長亭那堪萬里人憔悴獨立
船頭聽晚砧

家園久別暗神傷一望平沙映夕陽身在天涯親在室念兒
心與路俱長

靜觀詩二

危檣倒影水頻涵好景當前笑共探一抹遠山青到眼不多
里路是江南

翠屏洲懷王柳村徵君

芳洲竹樹接平皋中有幽人寄興豪格調清醇詩是孟天懷
澹逸品如陶潮翻隔岸江雲起岫擁當門海日高欲把水仙
歌一曲移情誰共聽風濤

舟夜

繫罷船頭纜遙看正渺漫籟從深樹急秋入大江寒路遠懷
人苦才疎作客難強持一尊酒獨酌不成歡

夜泊瓜洲有懷笠階平

明月出滄海客心悲未央伊人渺何許秋水共天長孤艇坐
相望遠鐘來上方兩三星火在瓜步認微茫

梅根浦阻風

咫尺梅根浦艱難竟若斯路長遊已倦家近到偏遲浪捲雪
爭湧雲行山共移羨他順流者高挂片帆馳

寄金蘭舟都中

太璞蘊良玉濁水沈明珠大寶雖暫掩輝光連九衢男兒盛
名下幾見終繩樞青錢已入選抱負展須臾河梁一揮手去
去天一隅不學時樣妝烏知好尚殊偶息搏風翮蓄銳將南
園昨歲我北上牽爾同操觚天涯叙契闊但期君與俱無何
訪戴舟空勞三千途閉戶思君切君書來中都怪我交臂失
惜我依人拘慰我風塵苦勉我磨礪需反覆書中意卓哉古
丈夫獻賦饒未遇故態仍狂奴中立不偏倚取向侯門趨共
羨雲中龍非如轅下駒莫因秋風起南望思纒鱸

移居

猶是尋常一徑蹊世人誰共說端倪羞同野馬隨風轉願效
良禽擇木棲郭外遠山青入座門前寒菜綠盈畦此中自有
真機在瀟灑何妨曳杖藜

靜觀詩二

波光蕩漾月玲瓏月照扁舟萬慮空幽鳥有聲時警露片帆
無力不勝風雙峯影落天門翠極浦燈搖野屋紅鐵板桐琵琶
相合拍臨流高唱大江東

鳩江夜泛

渺渺江天落日斜吟魂長此契烟霞先生到底羞低首不讓
青山屬謝家

李供奉墓

緣屋開梵宇老衲靜參禪下視臨無地中疑別有天磬聲沈
水底帆影落窗前世界看如此何妨證大千

遊三元洞

蛾眉亭

蛾眉亭

閒亭一角破洪濛秀色紛飛夾岸通遠翠平分潮落後空青
淡掃月明中千尋壁立形高峙九派江流勢漸東太息謫仙
人去也伊誰載酒嘯秋風

太白樓觀蕭尺木畫壁

太白元精老不死倘恍離奇竟如此飄然直作汗漫遊來往
雲山洞天裏洞天縹緲難追攀雲車風馬空塵寰翠螺山頭
樓百尺坐使千巖萬壑藏其閒凜凜寒氣逼我帽古雪積華
峯仙掌奉岱雲瀑布高懸匡廬脊當年足跡所到處生面一
一為獨闢是誰畫手妙入神鳩茲江上古逸民胸中硯礪人
不識目擊時艱長太息先生同是淪落人布襪芒鞋肆登陟
五嵇無端起方寸落日真堪照顏色勃勃烟雲繞指來淋漓
不顧旁人猜橫塗亂抹具真意但恨不及親追陪圖成擲筆
狂且喜恍遇先生弄秋水手把芙蓉忙招呼願盼何知有餘

靜觀詩二

九

子白也非徒詩酒豪蕭生豈以畫名高驅山走海在俄頃包
掃六合驚秋濤我來恰與風雨會杳靄冥濛浮檻外流連景
物一心遙睥睨乾坤雙眼大攜壺選勝久成癖況有峯巒滿
四壁墨痕退盡精氣騰烟雲吞吐江天碧不知仙人隱士兩
相從嘯傲雲山第幾峯

秋夜與同人登太白樓放歌

長江東去不可留明月飛來照我江上樓樓中吟魂渺何許
想應化鶴直度蓬瀛洲大雅久不作騷壇增寂莫仙人暫謫
終成仙羞插紅塵一雙脚我今攜伴來快登百尺臺適逢鷗
夢靜不聞猿嘯哀上有疎星千點互搖動下有淨練一匹光
滌洄對此不覺心顏開况有吟風弄月之奇才清樽累累齊
載酒會須一飲盡一斗酒興酣時詩興豪萬丈光芒著我手
呼童斟美酒敬奉李青蓮人生行樂僅百年切莫笑我狂且

靜觀詩二

顛懸欄大呼賈閻仙閻仙墓在青山樓頭今夜開華筵請君
示我推敲術免教見誦于前賢千古流傳只有驚人句紛紛
世事皆雲烟吁嗟乎蜀道崎嶇行不得靈魂曾否還鄉國君
如問我停歸舟我家秋浦君舊遊清溪溪畔江祖石當年曾
坐高吟客高吟客去石空存不及江樓秋月白月滿江樓秋
愈清幾人把酒重尋盟醉書尺紙擲江水弔古茫茫無限情

烏江項王廟

秦家失鹿走中原憤極頻將赤手援敵學萬人真大勇威宣
一炬雪煩冤玦曾屢示非無策羹不輕分便有恩關力縱教
輪關智長陵片土竟何存

豈是重瞳好戰爭沛公巨測背前盟關中一去虧全局垓下
重圍變楚聲起飲漫歌離不逝酬功堪笑狗終烹八千回首
空嗚咽難遣江東父老情

靜觀詩二

十

白鷺洲

一棹經行處迢迢白鷺洲平沙分二水落木下三秋岸闊吞
江影城高指石頭片帆風力飽繫楫興悠悠

隨園

十笏名園構有年小倉山色尚依然危欄笑倚拈花近曲水
行吟得月先人幸有師堪問字吏真能隱不歸田羣才久荷
裁成力絲竹今誰啟後賢

雨後雞鳴寺望後湖寄懷金大

雞鳴古禪關一湖納宿裏我來肆登眺欣逢雨初止雨前湖
水平雨過湖烟起湖上一縷烟隨風盪為水隔岸有孤棹垂
釣得雙鯉購將雙赤鯉留以贈之子路遠不可致悵悵情無
已俄焉開晚晴落日半山紫

金川門

靜觀詩二

自是天心厭執經分藩故遣沒前星徒令孺子勞風雨莫為
周公賦鶴鳴南面袞龍仍帝胃北平戎馬仗王靈當時逆取
雖違命順守何嘗愧典刑

客中苦雨

寂寂羈懷鬱不開遙天雲樹共徘徊芭蕉連夜頻敲雨那得

家山入夢來

江干晚步

江上欲黃昏閒身立古原月來波疊影潮落岸留痕野鳥集

孤樹歸人投遠村此時鄉思切何處是家園

課家修夜讀

兒輩才添爾一丁膝前承訓解趨庭白頭二老青燈下笑聽

童孫讀孝經

黃雨田夫子齋中對雪用東坡北臺書壁韻

靜觀詩二

昨夜雲遮片月纖程門曉立朔風嚴欣聞座上言霏屑不向

空中擬撒鹽竹縱凌寒終抱節梅堪索笑合巡檐高峯直待

開新霽捲上珠簾數六尖六峯霽雪為附

墨跡輕翻幾點鴉溪邊檝路停車長空特布光明景大地

能開頃刻花聊與三農同望歲敢云一醉即為家此時幸列

春風座呵凍何妨手入叉

送夏朝選承恩從軍吳淞

新令揚時整旅行遙從海上立千營中閨莫惜征人苦僕射

傳聞似父兄

題侯讀山夫子銜贖詩圖

儒生讀書期命世鄉曲紛紛尚文藝造化缺陷不能補研窮

經史亦何濟讀山夫子須江英幼學直通天地人秉鐸漫笑

一官冷隨地布置皆成春雷陽翼方少文筆科名不聞傳甲

乙我我一塔凌青雲多士乘時共超軼為望江史本又松滋
地脈有靈泉真人去後泉就湮尋源疏導萬斛湧飲者如遊
天監年於宿松學宮前掘井得梁匡阜真人就中一事更奇
絕以文祭蝗蝗撲滅誠能動物有明徵皆緣吾師素清潔時

用休將無福悲斯民仁心須借仁術輔所性那曾在圭組到

處指授參元工即為蒼生沛霖雨吾邑自昔稱名區秋浦清

溪環杜湖長江一碧瀉天外九子高插青芙蓉羣山蜿蜒殊

秀出師從其間曾卜吉地郭港之原今來攝篆造諸生中隔

春秋二十七聞名一何早會面一何遲師亦不能自主之殆

有天意非人為留心先靈憑依處但願多方為護持邑人累

世頌明德師後達人自聞知杏花二月升墟日楓葉三秋掃

墓時兩地簪纓互相望全憑此日潛推移祇愁臘盡催寒去

即是催人送行處按圖皎皎見欠心飽贖殺費千番慮贈以

兼金儀多多儀不及物當奈何錢以清酒醉亦好醉裏牽愁

傷懷抱不如賦詩為贖得與師偕行隨時披拂春風生

祝黃雨田夫子七十壽百韻

大華接霄漢雲氣時飛揚滄海匯眾水波濤含汪洋惟其積

者厚是以流之光巍哉雨田師係出江夏黃精神照千古意

氣凌八荒遇事有斷制存心極周詳崑山一片玉自應登廟

廊恥為求價沽甘與韞積藏落落守蓬戶善士稱一鄉以道

為已任性情無胥戕不信齊物論虛誕嗤蒙莊不求養生術

懶慢笑嵇康凡事順自然勿使元氣傷成已未成物大道誰

寄將傳經四十年墜緒尋茫茫正者樂與翼枉者急為匡高

明克以柔沈潛克以剛披榛蘭可採躍冶金乃良循循善誘

人相得每益彰憶我束髮初負笈趨門牆昭質苦推魯望道

靜觀詩二

徒傍徨師獨不我棄故迪偏周詳十二授詩書十三按宮商
 十四明訓詁十六成文章金鍼為我度玉尺為我量愧我學
 未就棄去謀稻梁鑄顏多苦心耿耿何日忘自列春風座道
 味欣同嘗詣必分難易功不閒雨賜仁至義復盡理合壽而
 臧閭里祝純嘏同上君子堂況在受教徒敢不效趨踰師曰
 勿復爾雅意何可當人生不朽業豈在年短長古人調燮功
 首在和陰陽斯民利咍鑿豐年歌穰穰食足教化興禮樂咸
 光昌舉世登壽域自壽庶無妨方今世多故陽侯迭為殃食
 苗有碩鼠墮地有天狼誰能拯饑溺一為掃樓槍身無尺寸
 柄觸目增淒涼況我所遭際尤非所宜慶庭前老萊綵不得
 彰衣裳夢裏三春草不復生池塘澹川直諒友古道渺難望
 鐵舟嘯歌友大雅已云亡念及淚頻墮寂寞憂中腸閉門謝
 佳客何心羅酒漿敬聆明德言識踞千仞岡在野作模楷在

靜觀詩二

注

朝為棟梁廣厦被寒士大裘温凍僵憂樂與人共慷慨何激
 昂士衡百年歌七十始愴惶香山九老圖七十任徜徉師逢
 古稀年行表言足坊膝下承歡者元方偕季方銘勳之孫謀早
 貽厥祖德述芬芳孟卿竹林齊競秀比美烏衣郎建業之弟
 久親炙有如兒孫行道服之所繫濟濟同拜颺汪倫金炳情最
 深特為羣士倡鄭虔聯輝握珪管劉伶指晉霞觴姚義鼎備禮
 數李賀榮傾錦囊摩詰翰禮繡佛后山善陳心香附驥章孝
 標鶴歌詠苦未遑道師有軼事狂瀾資保障湖上相公墩肇
 名自南唐宋有太尉墓志乘載煌煌前明李古源講學來僧
 房不料其後嗣因此生囂張妄云祖衣冠曾葬此山旁前賢
 不可作舉國渾若狂遂令六邑地為彼一姓攘師起力爭之
 議論挾風霜意欲安往哲心堪對彼蒼其事雖未成其功誰
 與償又如比年來餓芋行踉蹌長官動惻隱告糶空園倉欲

給行者粟每借居者糧居者糧易盡行者來無常食盡兩就
 斃思患宜豫防縷情告長官願以培甘棠急論中澤鴻轉徒
 無佞俛相期樂郊適逐隊紛紛翔翔比戶得安堵歡聲騰梓桑
 丈夫不得志誰謂無動勤持已如威鳳嫉惡如神羊卓立如
 砥柱運動如風櫓櫓晚影頗自愛作戲羞逢場築園廣一畝澄
 量顏東廂景仰漢叔度千頃何汪汪種竹遠塵俗課花終日
 忙宿雨潤苔砌明月窺繩牀把卷嘯秋樹彈琴坐幽篁行道
 與守道分佈各騰驤在師非立異抱道持其綱在弟非阿好
 體道期自強生徒開絳帳雅音調笙簧一辭不敢贊永祝壽
 無疆

江樓對雪寄懷金蘭洲孫子飛

靜觀詩二

注

朔風吹空雪花大滕六無端太逞怪我從樓上瞻遠人開眼
 不辨江天界挂帆亦有天際舟訪戴不來王子猷牽我花馬
 脫我裘換酒誰共消閒愁銜杯倚欄杆高聲語滕六頻年苦
 旱潦爾胡不雨金與玉黎民迫饑寒爾胡不雨襦與粟而乃
 示威不知足掌大雪花滿頭撲滕六滕六殊荒唐昔常為瑞
 今為殃一落五日深丈許茅屋圮傾人欲僵彼蒼者天此何
 故妖氛或干滕六怒時英夷入寇浙夜半入蔡擒元凶安得
 將軍如李愬功成指日寰宇清愧我胸中無甲兵軍士挾纊
 寓真樂野人獻曝空懷誠獨有生平知已二三友久不得見
 難為情金子人中傑抗心希往哲悲歌慷慨不自禁江南竟
 作無家別孫子曠代才抱負空塵埃青鞋布襪頗稱意臨風
 一嘯憂懷開此時若教成聚首餘子紛紛復何有令嚴寸鐵
 不許持白戰那知誰勝負狂來結伴詣旗亭廣招聲妓何婷
 娉請歌一闋指一畫醉中擊節傾耳聽胡為曲高偏寡和天
 各一方愁無那前村踏雪尋梅花歸來且學袁安臥

旅夜即事

清宵孤館傍層城兀坐難禁獨客情
鴉集凍林嘈雪起鼠窺塵案背
燈行銷寒酒仗圍爐火引恨歌傳
隔院聲回首小窗明月上蕭疎梅影
一枝橫

寄家曼卿

自與高人別幽懷鬱未開音書二月
斷風雪萬山來穀減應餐鶴村寒合
夢梅莫教停屐處一一長青苔

村曉

曲澗相依一徑遙昨添夜雨長新潮
曉烟一片風吹起直共寒流漲野橋

靜觀詩二

卷二

五

貴池先哲遺書第三十

靜觀書屋詩集卷之二終

靜觀詩二

靜觀書屋詩集卷之三

貴池章鶴齡六峰

壬寅元日

爆竹聲高欲曙天東風吹醒醉中仙
煩人瑣事仍千種老我
慈親又一年暖透疎窗烘麗日
春生野屋散輕烟開軒已覺
添幽趣如畫山光到眼前

停雲書屋與葛小蘭

相謝
夜話

客夜誰云感百端林宗懷抱本來寬
世情澹定謀生易詩味
深時得句難江上萍漂雙鬢短
樽前梅影一燈寒知君曉夢
相依處自駕扁舟把釣竿

憐春曲

東風刮地來吹綠庭邊草庭草自芳菲
踏去增人惱惱定情
復疑問春來幾時垂楊雜桃李
搖曳鳴簾枝捲簾目頻送手

靜觀詩三

唐詩

十

把簾鈎弄底事天涯人昨宵闌入夢
步起出東城水長小橋
平橋上不忍立前年此送行行者日
以遠風塵苦偃蹇何似
春多情一年一旋反憶昔君在家
刻意戀繁華春光日解事
切莫到天涯天涯渺何許須早尋
歸路君歸倘遲遲春豈為
君住春心誰共談春濃如酒酣
如此好春色何忍去江南

瓶中牡丹

曾向瑤臺壓眾芳一枝聊與助清狂
文章有價須珍重富貴
何人解蘊藏共羨雲霞渲几席
不愁風露濕衣裳繁華隊裏
抽身早管領春光爾許長

寄懷金蘭洲

記送君行折柳枝柳枝幾度長
新絲但逢月落懷偏切直到
書來報轉遞路遠久天勤躍馬
珠沈瀛海待探驪凌雲筆帶
幽燕氣不作尋常感慨詞

同心十載臭如蘭到處雲山放眼寬
羈客壯懷狂對酒古人
交道重加餐詞垣潤色須才子
於省求賢有達官行樂莫教
虛歲月長安花好待君看

從桃陂溪行至清溪

桃陂如桃園幽靜絕塵俗乘筏緣溪行
山環路紆曲潭空澈
明鏡灘響戛鳴玉怪石隕寒星
長坂森苦竹斜日被林翳夾
岸濃陰綠牧子乘微涼驅牛水中浴
臨風歌滄浪餘音動山
谷野人三兩家沿溪結茅屋
當門萬羅山青光照滿目盪胸
雲自生盥手月可掬我欲羈行蹤
流連此信宿

寄筴階平

三載同遊未盡歡故人何處釣江干
歸從燕趙悲歌易隔往
烽烟問訊難羅徑月明增悵望海門
山色最高寒那堪人去
孤琴在古調臨風一曲彈

陳笙華

夢齡 鄒篤卿 錫祐 郭小蘭 招同家曼卿暨陳生

壬寅九月秋氣涼

江楓色丹籬菊黃有客攜酒登我堂
招看

山色水一方綠隄三里穿垂楊
脚踏雲梯隨低昂巖崖洞壑
峰巒岡一一導引吾其倡就中名士
天骨張陳蕃郭泰偕鄒

陽遠適異國披風霜故山或者遊興
償客云京口吾故鄉金

焦北固相青蒼江天一覽無盡藏
島夷今夏來披猖攻我城

郭侵我疆人民逃竄趨倉皇余也挈
眷裹餼糧家山別去憂

中腸何心對景恣徜徉我聞此語
神為傷世事感衰何可量

憶昔北上乘輕航片帆瓜步隨飄颻
爾時匹練澄江光金碧

滿眼爭輝煌別來四載時未長一變
至此誰能匡南徐自古

干戈場咽喉浙閩控豫章直據形勢
扼其吭鐵甕雖堅不能

防君冒矢石艱苦嘗幸逢秋浦如瀟
湘何可嘯傲無頽頽曼

靜觀詩三

唐詩

十

卿達者吾宗狂請以一歌侑一觴況有弟子成雁行少長咸
集樂洋洋人生散聚真無常不妨後會今為商他時君若整
歸裝懷人天末我不忘買舟東下帆高張掃除俗念羈雲房
江上青峰識曾相狂來挈君千仞翔曉看紅日升扶桑

送陳笙華還京江

壬寅夏六月英夷入寇京江城破死者數千人笙華
陳君避寇來池偶一見接歡若平生斯夕論文惠而
好我暇則登山臨水暢敘幽情與處與遊致相得也

秋九月夷船盡退人民漸復笙華亦擬買棹東歸朋
友勉留延至歲暮竟具裝以去扁舟江上風雪漫天
臨別贈言曷勝馳慕

久從湖海識元龍

久從湖海識元龍百尺樓頭眼界空慷慨論交戎馬外從容
行樂水雲中南徐境接三山險北府兵屯萬壟雄此日一軍

都化盡那分猿鶴與沙蟲

都化盡那分猿鶴與沙蟲

別到無家舊業休曠然身世一扁舟邊風竟爾窺天塹大帥
何人念國仇惟有巾沾江表淚恨無劍斬月氏頭長橋百道
乘風捷內地難堪任去留

湖山方幸愜幽情唱罷驪歌別恨生數口飄零萍梗跡一身
憔悴鼓鼙聲雲垂大野天光暗雪壓空江水色明此去故人
欣會合鬚眉無恙定相驚

碧天無路際迢迢琴劍相隨破寂寥壯歲豪情應不減中原
殺氣況全消寒鐘夜聽金山寺畫舫春尋綠水橋一任幽閒
頻攬勝故鄉風景未蕭條

趙子昂老馬圖

頽然一馬骨稜露老不為駒後難顧饑鬣枯草渴飲泉困頓
騅駟亦天數真人遙起幹難河長馳鐵騎揮金戈混一華夏

開土宇龍媒驥子功居多吳興公子人中駿文名動帝帝傾
信無端繪成款段形誰使羈拘不得進吁嗟此馬經滄桑口
不能言心慘傷萬里烽烟來瀚海十年汗血灑遼陽戰士無
人主將死伏櫪悲鳴不得已長鬣禿盡拳毛枯欲效馳驅苦
無以亦聞燕市有高臺黃金買骨名馬來一食盡粟每一石
昂藏自著空羣才豈無圍人校人互防守可惜天閑已非趙
家有

感事

深閨久擬我卿卿桃葉桃根打棹迎莫及竟同臍欲噬無緣
何取目空成事如宿霧千般幻愁共春潮一夜生未審蘭幃
身獨處天涯知否我心傾

河干一別了前因入世何從可認真雨過空憐花委地風狂
不讓鳥依人巫山路遠難成夢洛浦清移合有神莫怪相如

長病渴相如家世本清貧

長病渴相如家世本清貧

月下花前費品評清姿綽約記分明繫懷曲水當門轉素恨
遊絲鳥樹輕宋玉何嘗真好色陶潛儘許賦閑情無端我亦
增惆悵造物于人絕不平

渺渺銀河淡欲收未聞織女待牽牛梨花竟斷朝雲夢柳絮
頻隨遠水流熏取芸香饒可意佩將護草詎忘憂仙蹤此會
居何處應在瓊瑤十二樓

蹭蹬

升沈定自我生初蹭蹬休教所守疎三則卞和仍抱璞十回
蘇季尚陳書少年不賤輸同學素志勤求在隱居從古賢豪
能拔俗致功務實立心虛

秋日江行雜感

一棹泛中流行行去獨悠不辭前路遠堪笑此生浮楓葉含

烟冷蘆花點雪稠直須頻擊楫清絕是高秋

解纜何妨早烽烟一帶平露濃將月曉潮上激風生壘設金

陵渡笳吹鐵甃城將軍誰卻敵過客不勝情

四十應強仕余年只欠三飄零仍若此事業敢輕談漸覺豪

情減都緣世味諸何如江上叟把釣一心甘

升沈多變幻千載緬遺微別墅梅根冷高樓采石磯抱才人

不遇懷古我安歸三尺絲桐在臨風試一揮

倦遊殊落莫久別念吾徒蹤跡分南北音書定有無他鄉勞

夢想舊徑各荒蕪安得重攜手狂歌擊唾壺

湯湯流不盡十日那曾停浪急舟難進涼深酒易醒斜曛翻

岸紫遠岫帶帆青料得家園近江程本慣經

阻風
開雲吹散朗秋空見出青青九子峰不是打頭風勢急那能

江上數芙蓉
秋夜讀亡友曹星軺德真遺詩有感

世事浮雲幾變更那堪博學竟無成梁閉落月思顏色筆底

翻瀾見性情遺稿未搜慚後死舊交重訂待來生想應赴召

修文去羞何人閒浪得名

題澣衣圖
澣衣圖者里中姚筠甫先生為其篋室中谷夫人作

也夫人閩產萬里于歸瞻雲徒切詩曰曷澣曷否歸

宜父母其澣衣之意所由來與先生取以成圖而余

因為之賦云

葛葉陰濃鳥語清思親偏引暗愁生春暉萬里何從報難遣

淩波一片情

自是中閨至性人伴君歡笑背君顰淚痕生怕兒夫見日向

靜觀詩三

池邊薄澣頻

相隨林下兩依依纖手徒勞願總違澣罷龍翻嫌衣自潔不曾

師氏告言歸

漂雲淘雪久無聊目斷天涯朝復朝我亦有姬衣薄澣酸心

百里皖江湖

白奇陂

前賢留詠處而我復來茲流水仍今日高風憶昔時山深猿

嘯急路曲馬行遲望古情無極仙蹤誰與期

吳靜齋元吉南齋丙吉伯仲家輔庵叔國麟同遊水車

嶺登太白樓

寒雲被幽徑夕陽明高柯石腳插水底峭壁森嵯峨憶昔謫

仙人漂泊此經過東望大樓山上有輕烟摩黃鶴一遙舉天

風吹婆婆朝發黃山巔暮宿鰲湖阿清溪夜半笛入耳清且

和身與造物遊欲殺將由他深山最深處坦蕩無風波今我

二子著屐攀藤蘿願招天上月來照公吟哦曲高和不得

還歌秋浦歌

次日復登太白樓

古木寒鴉朔風緊遊人同上水車嶺嶺頭寂寞多白雲擬向

雲中弔孤影先生一去成千秋未識仙蹤何處遊狂來搔首

天難問靜裏觀心水自流

十一月十八日述夢

兒亡已半載我懷猶感感兀坐難為情擁綿睡初熟恍惚若

兒至提攜有老僕歧嶷尚如舊愛之意彌篤謂此天苦寒何

須爾入熟僕云主未知兒方伴母宿醒看雪映窗疑是日已

出日出猶晏眠待何時讀促母起披衣趨庭恐不速我聞

僕人言款款動心曲念兒始為學胡乃知不足命僕負之去

禦寒急加服送兒開荆扉雪花滿頭撲驚寤寂無聲朔風動
寒竹

歲暮即事有感

不堪氣候異從前世事年來總變遷雪片未飛殘臘底雷聲
偏發立春先人皆屈指銷寒日我最關心負郭田檻外梅花
開滿樹一回相對一纏綿

題山村待曉圖送黃春源明府曾惠之官閩中

雞聲唱徹鴉聲連斜月皎皎霜滿天隔窗燈影半明滅束裝
擬赴前村前先生命駕何獨早公車七上長安道幾處紅樓
夢正酣幾家白屋眠方好呼童早起同加餐欲行不行更未
關客路三千兼程進努力何知行路難年來海上遭珍戮百
姓瘡痍那曾復禦災捍患須奇才特簡先生作民牧馬鳴蕭
蕭車麟麟雨露從教沛七閩直將華國文章手用作隨時澤

物身冠蓋相迎各驚歎定有循聲齊兩漢清心蒞政求民情
秉燭官齋常待日

憫硯吟為孫子飛作

我生愛硯久成癖夢想端溪老坑石錫山孫子多珍藏示我
一方大逾尺古光透露無纖塵摩抄與我神相親謂君此寶
不易得須善視之同貞珉誰知有硯君不守強稱開闢洪濛
手斧斤刻削刀鋸施無妄之災硯頻受幾番惋惜幾躊躇其
明其故愁殺余既不如山谷有硯贈朋友又不如米顛有硯
易宅居愛物不使物得所古今心迹何懸殊君將寸衷表見
解絕顛倒巾箱便提攜硯大不如小我聞其言重歎息文房
遠爾廢成式鶴眼盈盈有淚痕豬肝暗暗無顏色法物在世
隨所遭重則泰山輕鴻毛岐陽石鼓作碓臼淳化碑板充馬
槽凡此皆緣世多故縱有鬼神亦難護硯得歸君硯有主故

為毀壞失其素管城子松滋侯對此能無心煩憂筆花怒放
墨浪湧誰遣文光射斗牛況君作畫作字每借此此後揮毫
苦無以欲教硯石完好如從前除是女媧再來補青天

秦良玉歌

四川宣撫多士司石砭一司天下奇明璫反袖勇無敵直教
巾幗成鬚眉良玉自是中閨女未應戎行整軍旅兩兄一弟
援遼亡義膽忠肝激酸楚世職不可虛無人敢辭身是女兒
身統領軍師掌將印大發號令清邊塵世方多故勢迫促身
受國恩誓不辱自剪齊紂製戰袍親裁蜀錦標征纛揚葉刀
揮偃月形桃花馬騎追風足初擒奢崇明佛圖關上宣威名
再破安邦彥平越道中定奇變冒險衝鋒古未有帝曰西陲
仗汝守歌詩紀事頒賜隆銀牌繪帛牛羊酒雄藩龍虎多武
臣詎料功成女兒手將軍貌如花將軍如玉心無瑕川撫巡

靜觀詩三

營有定例戎服接見排爪牙使者來營門開縱酒談兵誤引
袖拔劍斷袖無嫌猜乃知紅顏獨專閨居中禦侮非凡才後
來獻賊肆狂虐招以金印動以爵但期義憤昭日星那計妖
氛警風鶴有從賊者殺無赦賊眾聞之膽俱落同心克敵期
阿誰大厦難憑一木支東海栽桑空見樹南山種豆祇餘其
脫去兜鍪老鄉里自恨無從報天子回憶長征萬里行夢魂
猶在沙場裏

上元大雪用聚星堂韻

萬木融融欲舒葉昨冬未下一寸雪春來暖極寒復生朔風
怒號聲不絕大雪凌晨飛滿空瘦竹壓低弱柳折凍不能深
土脈動地下蝗蝻恐難滅節過雨水近驚蟄雷將發聲雷將
掣胡為此日陰始疑久筋滿檐墜如纈疎簾高捲十指僵欲
覓蟾光轉蕭屑人生行樂當及時一刻千金去真警燈事闌

珊春夜闌火樹星橋莫復說夜深獨酌情不勝入耳丁東響
擔鐵

泊皖江

小泊皖江口頻添無限情日斜春雪霽風定晚潮平故態何
嘗改他鄉又此行懷人應不寐默坐聽寒更

登大觀亭

上遊初憩皖江城百尺平臺接太清暫假登臨消客況不妨
流覽契春情兼天雪浪茫無際隔岸雲山大有情萬象憑櫻
都在眼壯懷直欲御風行

與孫子飛遊迎江寺後禪院

客中來故人幽懷忽開爽相攜出東郭招提共攀仰即境已
清心閒亭況新敞長江橫檻前風帆互來往蒼茫雲水中清
磬一聲響十年塵俗胸臨流盡滌盪得意兩忘言開軒坐延

靜觀詩三

賈來朝君遠行天涯動遐想

客中見燕

侵晨陰雨霽燕燕忽差池羨爾尋春至逢余作客時日長營
壘急寒重惜花遲來去緣何事令人默繫思

寄麗秋

輕風遙送賣花聲入耳難禁此日情等是憐春兼惜別江南
江北各清明

千金一刻是春宵情自依依路自遙我欲沿江覓桃李連朝

春水恰添潮

纖腰嫋娜柳枝柔料爾懷人定倚樓檻外風簾休便捲免來
雙燕惹閒愁

綠樹陰中繫小艇閒身怕聽水淙淙新秋擬把芙蓉采星渡

銀河我涉江

皖城竹枝詞

北風船來蘆荻灣南風船去水雲寰到底攔江攔不住船來
船去幾時閒

淮南百戰此曾經故壘依然楊柳青半弔忠魂半遊戲遊人
齊上大觀亭

流連好景占偏隅磯號彭郎山小姑小姑嫁得直須嫁恨殺
風波阻道途

長空月色皎清秋作客由來易惹愁此去琵琶聽不得上遊
百里是江州

余忠宣公墓

皖江一城大如斗不息怒濤江上吼當年極力扶嚴疆賴有
將軍七年守干戈滿地飛黃塵淮南倚仗將軍身食元之祿
死元事賊將詎畏天完陳城頭日夜鳴戰鼓將軍殺賊猛如

靜觀詩三

虎三面重圍盡敵氛一身突陣揚威武壯士死盡兵力窮天
地黯黯生悲風不負所學志已遂仗劍吾自盡吾忠壯而再
拜暇以整城亡與亡在俄頃一腔義憤一家仁清水池塘風
節井井泉池水兩悠悠危亭百尺聳江頭閃爍靈旗飄五夜
淒涼畫角斷清秋守祠一官殊落莫舊日聲華重臺閣老臣
危素那家臣厥爾階前聲索索

遊九華山

峩峩九華山峰巒九十九鐵氣騰清霄西僧望之久矧在父
母邦攀陟何敢後言尋五溪橋載過六泉口奇秀高插天得
所未曾有身雖無羽翰心已脫塵垢山靈多幽情雲中遠招
手

拔地數千仞氣象最磅礴未知造化工斧斤幾雕鑿太古一
蓮花至今開不落惜哉太史公南遊跡未託遂令唐以前絕

無人領略顯晦有至理即此可推度無日歷於衡不得列五

橋庵踞林麓石梁當門前佇立駭視聽雷雨喧巖巔過此百餘步瀑布空中懸上挂一匹練下注百尺淵其中有潛蚪噴沫跳珠圓欲借道旁石卧看出山泉沈思每獨往和以鳴琴

入山路無多已覺萬緣寂杉箐夾幽徑烟霞生絕壁舉頭望遊峰空翠向人滴流覽雖有年此境誰與敵願為高鶩鴻取作退飛鶴拾級來半霄亭中一休息

昌黎佛骨表浩氣盈太空立論根至道志在懲鷲風不為斤其弊禮教誰復崇佛王如有知方當嚴飭躬胡乃護法像冠服吾儒同緇流強修怨乃曰韓文公

靜觀詩三

一綫懸崖仙橋分大小天風吹衣裳都被雲烟繞迷茫腳下生俯視壓林杪憶昔江上行諸峰見了了今當造其極意氣空入表著展忘險巖傾尊醉花鳥數聲何處鐘令人飛縹緲

已逾化城嶺直接化城寺空山開道場憑誰大布施梵宇何崇宏禪房極壯麗吁嗟香火緣淨土等市肆談經頑石點語偈天花墜此事容或然無乃近遊戲庸人効皈依徒自汨神智浮嵐引遐心散入長空翠

名山借人傳人去山益顯綠水秀芙蓉取譬一何善厥後王陽明講學詳且辯二公讀書堂愛比羊公峴壞壁穿荆榛空階上苔蘚安得誅衡茅急為修廢典朝日綺窗開暮雨疎簾捲嘯咏師前賢幽懷一笑遣何必定飛昇雲中伴雞犬渴來思飲漿巖邊趨行跡僧持一椀進好風生兩腋雖云泉水清實綠茗芽潔叩其所從來閱源產獨絕行雲含其英飛

霧融其液採自春雨前留以待佳客

聳身東巖東四山轉茂業屹立張高屏低凹暗遠峽上方殊陰陽下界辨廣狹一洞窈而深幽探膽微怯坐化何年僧了此清淨業不結塵世緣詎歷恆沙劫我非參禪宗到此亦相狎徘徊曳枯筇踴躍振單袷更上有天臺一峰雲際插

峻絕難遽登每恨足不捷嵯峨峰幾層爭出與天接峰高天轉低天幾被峰壓鳥去影冥冥虎來風獵獵僧樓倚寒岑鱗次勢重壘巖空心益清境僻意彌恆渺渺非人間一開望遠

句曲遠接壤匡廬高合秋黃海雲自鋪大江天際流四望渾一氣胸中羅斗牛低頭看化城一杯真靈耶登峰不造極安能窮幽摛自從有此山不知幾人遊遊山會山意古人誰與儔一言贈山靈山靈相許不有醉而無疵何礙吹毛求

靜觀詩三

飄飄衣履間一縷白雲起俄焉浮滿山浩蕩數千里如何巖壑空湧此滔天水青青三兩峰激盪波濤裏變幻無窮奇當空見蜃市指點金銀臺照耀日光紫扶桑濯我足蛟龍任驅使仙槎期不來參裳涉中泚驚濤何處翻松風吹不已

雲收海忽散乃知身在山流覽頗忘倦竟日窮追攀寒烟被竹徑斜照低松關一榻暫棲止禪房偷我閒梵音入清聽能教塵慮刪世人名利爭紛紛蝸角蠻木石抱真性未免笑人頑

隔宿下山去悠悠遵前途林中有幽鳥喚我留斯須丁當聞搗藥款曲勸提壺采采度溪澗延年多所需左挈五釵松右持九節蒲飽啖謝烟火臨風一長呼葛洪實子明仙蹤今何如一步一回顧意境總清澈閒倚望華亭遠岫參差列羨殺李

正臣壺中將汝設奇堪終南同秀復女几埒王公曰修織真
得看山訣尤物當我前直令五中熱此身雖漸離此心仍固
結譬如新遠行流連不能別

定心石

一片通禪石蒼蒼立幽徑閱盡往來人依誰心果定

張柳亭

招同程玉峰

士登

陳漱石

為舊何石琴以詠

許命三 家相集茹香閣看荷

傑閣臨清流方塘廣一畝卧波引長廊閒亭列左右傍水植
修竹披烟環弱柳皎皎荷花開絕不染塵垢鏡中雲錦鮮盤
上露珠走高人對名花逸趣隨時有煮茗敘幽情招致二三
友拂面風徐來清芬透雲母我輩暫流連已覺緣非偶不知
君何修晨夕坐消受綠蒂摘芳蓮雪絲茶嫩藕撥棹乘微涼
泛入萬花叢幽豔欲遺誰一枝香在手

靜觀詩三

五

寄內

颯颯秋風拂柳條懸知閨思促連朝關津百里情聯切刀尺
三更入夢遙莫笑封侯無骨相從來傲世有漁樵扁舟江上
歸來日斗酒牀書逸興饒

雜詩

旅夜不能寐百端感無已及至東方明又復嬾為起百歲能
幾何所貴在適已丈夫輕遠行進退脚如拈言笑無友朋且
暮別妻子郭外數畝田荒蕪情誰理嗟余夫何為鬱鬱久居
此幸有一樽酒中含元妙旨紛紛塵世心既醉寂然止
泰山非不高飛鳥摩其巔江水非不深遊魚潛其淵魚鳥率
真性乃能全吾天叩以高深理魚鳥仍渾然強欲多上人將
為形跡牽聖賢立人極勿謂難比肩夫道若大路在人為後
也

靜觀詩三

人生天地間各負堂堂軀好榮而惡辱此念誰則無庸夫炫
軒冕志士悲泥塗遂令斯世人相因為避趨遇合縱多故屈
伸上兩途定局自千古豈以時勢殊事理有是非時命無賢
愚

鄰家少年子未學云入官惟憂不獲上惴惴心膽寒極力事
逢迎頗邀大吏歡一朝意稍拂斥之為素餐今日羞襦服昨
方慶彈冠援上上乃陵其勢無更端不見古循吏去位民悲
酸但道我公去斯民何以安

世人廣結納動云得知己已且難自如何况隔膜視杯酒情
濃時亦自同憂喜外貌殊殷勤中懷各彼此真意了不存何
堪托生死陳餘張耳交非不有其始

離邊放秋菊空谷滋芳蘭幽人擷其華紛佩充朝餐清芬出
塵壒直達青雲端英雄困草澤何苦惡寒求價玉已賤投

靜觀詩三

五

暗珠多殘有美不珍重知者良獨難

冬杪與同人登大觀亭即以言別

殘冬何處足清華雅愛郵亭一角斜風動野烟青出岫雪消
原草綠抽芽江干氣暖春先到客裏情閒酒慣賒把盞莫辭
今日醉片帆開處即天涯

種竹

我有蝸角居森森蔭佳木佳木多繁陰未足快心目欲除一
隅地聊種數竿竹雖無百花豔幽趣隨時足移裁乞比鄰灌
澆命童僕讓筍莖疎排培根土厚築參透玉版禪何妨食無
肉況與此君居能令人不俗明年孫枝發清涼環我屋持謝
熱中人趨炎無太速

貴池先哲遺書第三十

靜觀書屋詩集卷之三終

靜觀詩三

靜觀書屋詩集卷之四

貴池章鶴齡六峰

花朝與姚禹門金蘭洲蘇石湖光緒孫梅卿錢集齊山

忽動看山興今朝欲放晴雲歸巖石峭水滴溜痕清坐久貪
春永來稀覺路生十年三到此惆悵不勝情

王香厓招集山莊看桃花時將遷居爰誌數言以深留
總

到此看花十四年一年一度醉芳筵那堪爛漫千重錦又值
清明二月大避地武陵原絕俗移家勾漏是神仙雪泥到處
留鴻爪搔首臨風獨悵然

和家曼卿開殘牡丹

回首難忘景物新直從香國證前因樓臺近日辭仙子富貴
浮雲悟達人纔卸綺羅歌翠袖可憐車馬散紅塵誰知管領

羣芳好不負東皇九十春

眼底韶華一望收階前特立想風流洛陽暮雨啼紅粉天寶
宮人話白頭閱世漫誇前日好超凡曾得幾生修名花名士
遙相憶遺興何妨共唱酬

自有名堪壓眾芳那須國色與天香文從炫爛歸平淡境以
清虛耐久長早識高華饒品望休憑色相說興亡由來破寂
無他術冷眼看人熱鬧場

多謝和風煦物情不緣搖落便愁生分明衣可將雲想不信
春惟以鳥鳴似爾前身真富麗宜人古調是清平來年三月
春如海羣玉山頭一笑迎

開殘牡丹再夢前韻

獨趁凡卉力爭新絕豔常餘未了因世事變更原定數神仙
去住不猶人寵榮試問難逃劫瀟灑如斯果出塵欲向元工

參化理上清何處可藏春

錦繡芳名獨自收年光一任逝波流雪泥豈必留雙爪風景
真堪出一頭惟是香魂原易散從來豔福最難修傾城傾國
都休問笑口頻開為爾酬

渺渺余情素信芳衣襟况染夜來香雲霞憤示三生幻池館
誰留百代長熱不因人真氣焰才堪華國詎消亡莫疑寶枕
邯鄲借驚醒黃梁夢一場

道是無情卻有情閒情偏是重吾生唾壺擊罷渾忘碎寶劍
揮時怒欲鳴難得繁華能解脫非緣粉飾致昇平惜春恨不
將春駐底事駒光互送迎

病後曼卿書來問訊並寄以詩依來韻答之

一月未見籬菊黃身雖伏枕心轉忙起看終朝倦忘寢送酒
無人久不飲狂來學得陶淵明且沽一壺花下傾醉中雙鯉

靜觀詩四

忽報到有意為我攻愁滅江上秋初幾人發十二樓頭望明
月我抱沈疴不待行落莫荒齋臥處額屈指中秋今已過時
不我與將奈何擬招朋好遣幽思重陽節近風雨多展讀君
書動深感聲聲打入我心坎情詞婉曲意懇摯不比羣言盡
一覽世閒窮達固有命但期努力事鉛槧丈夫從不爭目前
好憑章句尋疏箋學有根柢氣自盛若泉始達火始然千秋
萬歲競仰大手筆何止區區風雲月露篇

劉文翰參軍盛繁以外艱回銅梁作長句送之

岷山之水江發源奔流出峽來中原就中客有宦遊者一舟
直下浮湘沅古稱近民須作宰利弊乘除不少怠撫綏康化
貽澤長生民戴德二十載晨昏渺渺辭高堂大椿遙蔭顏青
蒼南邦風雨思親淚西蜀關山憶子腸古人一日養不以三
公換此義於君豈不知望雲往往增長歎太翁自昔勤官箴

勉君實力期君深花柳六城春有脚神明兩字頌關心政成
得祿何嫌薄以此奉親親殊樂老人含笑赴重泉較勝庭幃
侍湯藥一朝聞訃痛呼天整頓行裝路五千潮平水落日苦
短願假長風催客船啼不必兩岸猿響不必千山鷓此時遊
子心已碎直與銅梁山頂雲飛先人前君別斯民禮宜守我
歌為詩祝父母仁人不忘其親宅憂三年未為久攜琴載
鶴來江南恩波何止池民受

文選樓

池陽山水區高人住行跡僻處森危樓輝煌耀金碧琳瑯鬱
古光縹緲壓塵席京都沃膏腴七被芳澤誰知帝子靈竟
作文章伯千秋大手筆詞壇獨為關無何生不辰家嗣遭讎
謫香餽味雖美蠟鷺誇誰惜我來肆登眺樂與數員夕鐘聲
建業清月色維揚白靈魂時往來大振凌雲翮

詩四

六月十八日與王廉堂世淡吳湘江楊余幹榮龍翔即
寶之寅劉春山琳暨從遊劉芝田瑞芬集百牙山樓

當空一樓起繞座延危廊盛暑不可去瞻茲雲水鄉林陰設
歌席列坐賓主忘下方苦炎熱上方何清涼元蟬抱葉響白
鳥凌波翔對岸有高閣竹木遙相望當年讀書者姓名千載
揚感此懷古人倚檻心傍徨熏風池上來吹送荷花香折荷
置懷袖清芬滿衣裳坐使天懷暢悠然無盡藏

七月四日復偕同人讌集百牙山樓

結伴尋招提輕舟湖岸泊山僧笑相迎道是前遊客傑閣清
且閒樂此詒疇昔好景逐時新妙不拘成迹雲散遠峰青波
搖半空白忘機何處翁坐釣柳陰陌沙鷗時往還兩情殊脈
脈把酒須盡量無分斗與石來君高歌醉後我按拍乃知
天地閒仙凡詎懸隔所貴遠觀者能自適其適今特借羣公

共慰林泉癖散髮乘新派何暇寸陰惜安得微雨來使我煩
襟釋

冬晴

幽居最喜一冬晴冷覺今年比昔輕風靜雀從檐瓦出日高
蠅觸紙窗鳴鐘雖能蕪灰猶暖筆不煩呵字易成惟是古豐
偏有意望他瑞雪滿江城

枕上

四十年華逝水如儘情高卧自安舒寒生木落霜飛後夢醒
窗明月上初往事已拌成幻境幽懷多半在閒居古來無數
風雲客誰解先人有敵盧

戊申元日述懷

終朝習靜掩柴關烟向塵氛往復還解愜世情惟隱伏能拋
家計自清閒屏除夙好書猶買留得生機草不刪歲月從新

詩四

我如舊一樽相對且開顏

春初與孫子飛遊齊山

孫子來自廬陽城適逢改歲春日晴看山舊約久不踐招往
洞天尋前盟別去三年一朝見烟雲都為開生面就中蹊徑
雖無多搜緝從新恐難遍知君對此如故入境轉熱時情轉
親猿鳥堪同消白晝林泉猶是絕紅塵人事茫茫不須顧且
歌巖上舊題句回頭試語雲閒僧領我重遊未遊處

登天臺峰

九華峰勢絕塵氛峰到天臺更出羣夜靜鳥啼驚海日山空
僧老卧松雲若論奇秀原無敵真覺仙凡大有分笑我振衣
千仞上嘯聲應使下方聞

戊申水災行

一片汪洋陸地起千百年來少此水吾鄉并舍都沈淪其餘

郡縣可知矣升高惟見波濤洄駭人狂風天際來風起激波
 波激屋屋倒逆聽聲震雷倒屋三朝及三暮風聲波聲益加
 怒入吳整口助洪濤海若凌空噓濕霧此時何處可棲身惟
 有全家移水濱移家大小各數口蛟龍與人爭路走災民誰
 敢蛟龍攫近者登城遠陟阜比年水發無常期辛卯癸巳實
 難支後年己亥與辛丑其勢亦復相等夷誰知陽侯肆攪擾
 為害翻覺從前好昔年水長亦滔滔猶比今年三尺小昔年
 水退亦遲遲猶比今年兩月早炊烟斷絕人流離未知一飯
 何時飽吁嗟民以食為天江南大地多圩田大圩漲溢小圩
 破對此使我心憂煎悲哉死者葬魚腹生者吞聲向隅哭古
 云耕九僅餘三况復歷年少成熟饑寒轉瞬將何如賈生有
 策鄭有圖何不拜手達天衢牛羊尚為求牧芻凡屬元元皆
 吾徒幸勿催科嚴追呼先憂後樂雖關余余亦區區一餓夫

靜觀詩四

偶感

推窗又見早梅開卻喜春光暗裏回幽趣每從無意得舊交
 差幸有書來世能久玩惟須醉身到長貧定不才好把一心
 閒照物莫教明鏡著塵埃

遊雲光寺

空山境岑寂閒遊緩余步言尋古禪關去去愜幽趣長風引
 微雲披拂巖開樹木葉下蕭蕭埋没人行路綠厓仄徑轉逾
 礪小橋度六峰高插天寒翠當門注佛古髻巢雀經殘編走
 盡山僧記前遊坐對披情懷談知慧業深靜覺浮生誤歲月
 易遷流新者修以故壁上舊題詩未得紗籠護林泉長此身
 殊愧嬾殘芋

春寒

九十韶華過半時風猶翦翦雨絲絲窗因久暗人眠熟酒待

靜觀詩四

重溫客到遲倚竹翠憐雙袖薄問花紅惱一簾垂不知何處
 春如海蝶意蜂情總覺癡

客中寄懷王香厓

誰遣韶華迅速催懷人天際獨登臺望中芳草連天碧別後
 桃花幾樹開江國尋春增寂寞園林得意孰追陪閒身曾否
 招遊客聊寫風懷一舉

夏日與金蘭洲孫子飛許海山如桂避暑齊山

追涼無計我何堪幸有林泉境可貪古洞陰深容小憩空山
 日永耐幽探僧多厚意供清茗客自遲歸戀夕嵐怪道此閒
 忘海暑雲根十里碧波涵

己酉水患甚於戊申賦以志慨

災黎慘極幸不死那堪又值今年水今年水患甚去年斯民
 之困何時起吁嗟此水胡為哉舊冬纔去春又來多緣今春

靜觀詩四

及夏五五月無日天不雨雨傾如注勢延綿遂今洪水遙吞
 天倒盡從前未倒屋淹沒從前未淹田縱是深山最深處水
 不能到蛟舍怒蛟憑積雨出山根平地雷聲為之助此時奔
 竄各逃生生者難堪死誰顧道遇流亡傷別離昇老攜兒何
 所之秋深牟麥待人種可憐鄉里無還期歸已無家耕無犢
 水退不須問遲速

宿華藏庵

聊從方外寄遊蹤疎愛幽篁密愛松隔院烏啼霜一徑高樓
 人坐月千峰心清世味緣僧話夜靜村醪為客供明日擬尋
 歸去路夢回愁聽五更鐘

己酉除夕過半始得米度歲感賦

非緣索米住長安五斗攜歸笑力殫改歲饔飧雖有繼半生
 潦倒太無端堪憐病婦持家拙解道凶年飽食難何事故人

靜觀詩四

相問訊書來祇是勸加餐

送金蘭洲之廬江

行蹤何處足句留且向廬陽一繫舟十載幽燕消舊夢一江
花柳動春愁榮名世上誰相保清嘯樽前定不休料得懷人
情切處幾回翹首立芳洲

章錫九先生南湖集向未付梓從友人借得抄本手錄

成編志感

斗室能教逸趣饒南湖遺集讀今朝策儲賈憤匡時急詩帶
秦聲薄宦遙靈簡勤搜忘暑酷烏絲靜寫屢燈挑前賢文字
宜珍重莫遺陳編付寂寥

閒客談浮山之勝

容從浮山來細述浮山事浮山遠舍空造物工布置雲根齧
洪濤石腹藏古寺長江盪空青遙與助靈異瑤草俯可拾仙

神觀詩四

七

人渺難致天風吹悠悠花鳥留餘醉境幽神屢迷目眩心趣
記策杖下山來衣上猶飛翠聞言興勃發恨不攬輕轡牽情
舊契深著想真形備當年暢遊者高人幾經至永叔迹何存
伯敬身何寄何處大師塔爪髮葬宏智安得窮攀躋一慰烟
霞志山靈如見招入林欣把臂

登節愛樓懷喻公

樓為康熙中喻公成
龍守池時建在香後

古賢不可作懋績誰與傳仰止見深心我我百尺樓樓高接
雲漢豈曰時觀遊惟公勤撫字屏斥文具浮恭已仁讓興重
農禾稼收實心行實政載道起吟謳歲即異豐歉俗厚民不
偷下視安堵民快哉心悠悠我從百年後登眺何所求流風
悵未息惠澤應長留胡 飢渴苦難臻樂利休願以告長官
還將公意酬節用用斯足愛人人乃周古今治理一道國無
他謀

八月十六夜始得月

皓魄欣看出樹頭渾忘昨已過中秋十分光到今宵滿萬里
雲都頃刻收上界真精難久掩深閨遲拜亦銷愁一樽何處
酬清影乘興還須上庾樓

與歐陽季芳 遊齊山觀張剛坪先生 名標 勒詩有感

蒼崖碧嶂勢峻峭平子題詩最上層宜向秋風懷杜牧應教
片石比韓陵攜壺盡醉來遊客倚杖高吟出定僧感事如斯
真不朽空山阿護鬼神憑

謁邑侯岳公墓

公諱申字式南漢中沔縣人康熙初以舉人蒞任貴
池重農息訟不三年民風丕變旋擢兵部職方司而
公遽即世蓋時已逾七十矣與夫人楊合葬齊山北
麓至今祭掃邑人實司其事云

神觀詩四

八

空山古墓撥雲尋細別殘碑歲月深農畝花香春按轡松庭
草長晝鳴琴桐鄉朱邑推恩地麥飯黎民戴德心華表鶴來
清夜話森森喬木莫相侵

送家曼卿

頻年觴詠侶遽爾拂征衣迥野雪初滿空山人自歸世情嘗
漸熟吾道轉成非悵望神無極歸來掩故扉

舟中雜感八首用杜公秋興韻

買棹江平返舊林蘆花楓葉兩蕭森風生極浦千帆動雲起
前山一帶陰老樹攢鴉增晚影低空過雁速歸心秣陵城外
秋懷切薄暮何堪更聽砧
牛斗光芒萬丈斜儒生氣體並高華江梅吹落漁人笛月桂
香迎海客槎遊倦鬢常羞對鏡夜涼聲不厭聞笳未知多士
酣文戰筆底誰開五色花

曾記芸窗攬素暉每於物理酌精微馬逢伯樂超塵出龍待
僧餘破壁飛人事感通原有定世情今古詎相違男兒欲展
凌雲策休羨尊鱸稻蟹肥

諸葛綸巾謝傅棋緬公遺績為公悲胸儲韜略難逢主指畫
雲雷竟濟時嶺海十年螳奮臂兵戈千里馬紛馳風流儒將
今如在何事書生遠繫思

泉水清清未出山紅塵猶自隔人閒田期歲稔租增納室喜
朋來戶罷關須識玉成天有意漫云金盡士無顏拋將窮達
惟安命霄漢泥塗總一班

遊蹤歷歷數從頭往返金陵十二秋翻恨來多知路險卻欣
伴熟慰鄉愁神仙李郭雲中鶴金粉齊梁水上鷗一片幽懷
誰共遣直須從事問青州

持身涉世百無功何事經行駭浪中山列天門懸皎日潮迴

野岸引長風狂來試劍腰橫白醉倒移尊頰暈紅擬唱大江
東去曲自憐才調遜髯翁

水影嵐光互遷迤無窮好景漲前波潛蚪拔地需新澤俊鷗
摩天別故枝賦就儘教南浦送文高休向北山移君看世上
登雲客幾許功名竹帛垂

采石由太白樓厯蛾眉亭至三元洞回登太白樓偶成
乘興臻螺山駕言泊牛渚石氣延微涼松陰卻殘暑面江一
樓高上有仙人處攬勝及清秋偕行仍舊侶陟彼蛾眉亭風
光堪指數天門排雙峰隔岸勢遙拒一水從中流奔騰激雷
雨雲樹辨微茫帆檣悵修阻轉步窮搜奇洞訪三元古攀蘿
緣懸崖下視慄我股依壁嵌飛閣壓波架平廡佛少香火緣
僧每蛟龍伍不知然犀人燭幽深幾許境險難久留神閒復
遐舉振衣嵐翠飛倚檻月華吐大雅期不來素心共誰語悠

悠塵世情鷓鴣爭腐鼠鳳凰千仞翔何堪目為觀如此好溪
山端賴風騷主寄語道旁人天地真逆旅

遊萬羅山

澄澄江祖潭屹屹江祖石石映空潭深萬羅一水隔涉水快
尋山山勢自翕關谷冷泉聲細徑幽雲氣積香靄通天門形
勝睹無數蟾蜍怒如蹲最巖昂若蝕蒼鷹立前岡作勢匪兩
翼最後一峰起拔地數千尺奮身出林杪側足就巖隙叢棘
鈎我衣濕苔滑我屐氣喘神復疲欲住不得息山僧頗解事
極力為我披移時造其巔少坐定驚魄窮高無近觀逾險有
奇獲一曲清溪流瀠洄深碧下山遵前途紆回境屢易木
落風益勁嵐陰日將夕禪房合暫延慰此烟霞癖

萬羅山寺

深谷何年寺相攜有客遊嶺雲綠樹出溪水繞山流飲恰三

靜觀詩四

人對閒真半日偷竹君題碣在捫壁細尋搜壁間有朱竹君先生石刻

梨村雙烈祠

荒祠寂寂空山裏門外斜臨一溪水野人指水為我言當年
雙烈此中死雙烈生小梨村居貞靜不為強暴汗一朝江上
左兵至紛紛避難人爭趨禦敵豈無險可守惜少健兒好身
手白晝旗揮殺氣騰清霄角動悲風吼是時雙烈潛避逃澄
流浩浩行相遭泰山鴻毛辨俄頃全身何如全節高奮然一
躍怒不息直使盈尺之水生波濤君不見瀾伯黃公女橋邊
伴母急殉父又不見清溪康氏姑舟中罵賊甘捐軀深閨自
古多毅魄不信男兒勝巾幗雙烈又復產吾鄉後先輝映垂
竹帛沿溪二月梨花開花下靈魂借往來靈魂與同潔白花
應無此心鐵石

題李藹如方伯長江籌遠圖即用原韻

十年閉戶湖上山未尋禹蹟窮荒原邇來展讀水經注險要
 逐處情相關上溯岷峨下海嶠一江東注遙吞天其形浩渺
 勢澎澎湃人泉客專威權湘沅派分芷蘭澤淮四匯合蛟龍
 淵欲乘長風破巨浪信非君子難用船此時利濟意誰切大
 邦屏翰心貞堅示我等遠圖一幅妙手獨利我心先任用循
 良黜暴虐自平坎陷消烽烟息浪不須怒拔劍斷流未許誇
 投鞭開中指顧氣滿灑燔根仙李真名賢南樓風月師康亮
 東山絲竹起謝安龍舒上游據全勢直可東之障百川興來
 舒嘯寫胸臆新詩脫手如彈丸乃知六朝倚天壘紛紛戰鬪
 蝸角蠻方今 聖德徧中外南服交趾東朝鮮回疆遼海
 控西北統一函夏金甌全吳頭楚尾一隅地肯今頑梗藏其
 閒況公式化已敷載小民愛戴何深焉表裏山河必無害形
 勢在眼襟連帶鯨波久欣珍絕域免窟尤與搜羣奸適彼樂

律規詩四

十一

郊爰得所為氓咸願受一廬抽練精兵編保甲鞞略具見非
 空言來旬來宣務實效霄漢捧日心常懸難得盡工善體物
 經濟傳出秋毫顛秀才豈無天下任大范老子何從攀如公
 網緲及未雨不負華燭徹金蓮

封臂吟為陳岱雲郡伯元配易恭人作

岱雲郡伯為翰林時臥病京邸屢瀕於危恭人易氏
 帶孕侍疾封臂肉和藥以進飲之病遂痊後生子生月
 餘恭人因以不起蓋數月積勞之所致也有子二郡
 伯哀之誓不再娶鄉人縷實聞於朝通郡伯出守吉
 安入對 上得其詳特 旨旌之事詳曾侍講國

落墓誌邵員外懿辰墓表中

人倫之重夫婦始但放所天敢惜死拌將一割抵刀圭蘭房
 軼事動 天子我公早達京華居伉儷相依情晏如一朝

遺屬魂魂蕩三月在牀神氣虛爾時恭人方有娠侍疾身親
 益勤慎水漿不入愁屢將藥餌無靈歎空進五更月落星流
 先伏地默祝心商量輸誠應得鬼神助敢云起死無奇方事
 急勿遲遲恐失已嫁非如在家日婦人大義在從夫從夫從
 父理原一自撫臂肉三摩抄此時不割將奈何銅鑄騰沸煎
 活火金刀爛灼驅羣魔身體髮膚非不愛毀傷敬凜前賢戒
 力盡倘教天可回熱血淋漓亦何礙未幾子育夫坦夷誕彌
 厥月難自支誰知雛鳳新添日即是離鸞永訣時我公抱慟
 嗟何及點點青衫淚痕濕泮公罷賦雖離鳴寢牀忍聽嗚嗚
 泣等閒歲月去如流吉州出守又池州省中被露昔曾浣江
 上棠陰今更留往事回頭益眷戀結髮深情不可見重泉繫
 念黯神傷一杯枉向空階奠吁嗟乎古來多少捐軀人心知
 大義皆輕身今看至性布巾幗應達 帝座誇鄉鄰我公義

律規詩四

十一

行慰賢淑絃斷不將膠再續歧疑繞膝增辛酸燈火官齋課
 兒讀兒讀父書期有功九原屬望何終窮南山橋木北山梓
 知與龍門聲價同

春日雜興

清晨細雨潤苔階薄暮斜陽上竹齋草際輕塵飛不起明朝
 好試踏青鞋
 春光到眼儘堪憐剛近清明二月天好是陰晴俱有意柳花
 宜日柳宜烟
 幽禽在自勸提壺小杜風流曠代無十里杏花村店在何人
 冒雨問黃爐
 風物江南莫與儔仙源到處有漁舟鯉魚肥比鱸魚早何必
 歸心尚待秋
 珠簾高捲曲欄邊與客閒憑意麗然折取雨前茶一劍自燒

活火煮清泉

不須草草怨繁華
擬從頭賦萬花
筆縛花鬚狂欲寫
惱他蕉葉未抽芽

修楔爭傳曲水汀
高人遺跡記曾經
流觴盛事山陰遠
近向紅橋問阮亭

人閒富貴競相誇
不道王侯便謝家
燕子卻能忘勢分
也來茅屋契烟霞

錦繡何嘗費剪裁
風光到眼總懷開
落花依草鶯啼樹
都是陶鎔大化來

惜春無計可留春
春去春來未有因
莫道惜春春易老
分明老盡惜春人

瑞麥行
記得前年麥秋至
秀麥曾經表奇異
屈指相去無幾時
循良

適來勤撫字
遂令我郡三年閒
年年瑞麥誇人寰
閒攜竹杖步郊野
但見晨氣靄靄怡
心顏我問老農目
幾時老農得意

歌且舞生年
耄耄今見之
爰折數莖為我數
瑞麥今分三兩歧
應兆嘉禾生樂土
由來民以食為天
人情原屬聖王田
情

田種比農田
廣雨露之養期無
愆分明三白舊冬
見來牟貽我阡陌
連君不見漁陽守
德政千秋挂人口
又不見彭山縣

繪圖一幅達君殿
至治相沿繼者少
繼治今覺池陽好
化行瑞麥遍江鄉
瑞自人為非草草
以人為瑞物效靈
瑞木瑞芝何足寶

舟次銅陵與孫子飛登天王山
好友客中遇名山
江上橫相將林壑
美一慰別離情遠
水隨帆盡秋嵐帶
郭明登臨何礙晚
樽酒且同傾

靈谷寺

靈谷寺

久聞靈谷境通靈
為訪禪關一扣扃
夾道松垂三里翠
橫空嶂疊六朝青
閒身出世心逾定
法界探幽跡偶停
泉水在山清共飲
古來塵夢幾人醒

陶谷
南都多名園陶谷推第一
到門三里餘田圃漸起
逸荷沼涵清波竹叢澹
斜日徑迂行屢迷欄迴
撫難畢入山何用深入
林何用密只此一隅地
令我塵情失何人開此
廬意境總真率懷哉貞
白公空巖結精空蘊此
經世資安吾引年術自
被白雲留不為蒼生出
時事渺千載悠悠少匹
儔載登三層樓松濤聽
漂溲安得幽人來長吟
同抱膝

九日王廉堂金蘭舟吳湘江同遊齊山
丹楓黃菊接層臺
逐隊登臨今又來
佳節喜晴邀勝賞
舊遊扶醉快追陪
路經梵宇鐘聲引雲淨
江天畫本開我欲翠微

亭左右長松千樹手親栽
哭孫子飛
蘭洲仰天嗟不已
為道子飛客中死
我聞此語驚且疑
變生意外何至此
猶憶秋來江上行
銅官相遇竊心喜
玉盞深斟鶯頂黃
晶盤對擘蠓紫
別去旬餘時未多
永訣誰知從此始
自我交君十七年
中間聚散難悉紀
看山慣踏敬亭雲
臨流愛飲清溪水
少年瀟灑宗之同
驚人氣概誦仙比
茅堂見過無定期
袖裏新詩常一紙
推敲最苦良工心
溫柔端合風人旨
維時蘭洲亦好吟
騷壇旗鼓堅壁壘
拔幟一隊君先登
菲材適增吾輩恥
方謂力學功有成
詎料多才遇終否
為循蘭陵盡孝思
因從蓮幕參治理
西南兵火三載速
掃平恨少奇男子
自顧慈親年就衰
未忍荷戈輕萬里
買田陽羨期躬耕
把釣梅根足茹美
可憐志願只成虛
七尺昂藏累鹽米
豪

靜觀詩四

高

高

高

高

高

高

高

高

情一一漸消除曲曲愁腸暗中起見說工愁損少年此事於君久慮矣勸君花月且開懷勸君絲竹聊傾耳人生行樂誰百年石火電光真偶爾君今三十七春秋一劫紅塵不少俟死者已矣生奈何良朋涕泗容止含悲權作達人觀古來不盡高年士壽命縱未登期願姓名猶自傳書史如君窮困殊難堪幸有遺篇挂人齒錦囊佳句宜見收勿使明珠沈海底我與蘭洲編次之用作辨香答知己

明季池郡布衣八忠詩

三年京國遊感慨憤時事敢言無直臣特申庶人議積弊疏獨陳備禦策再致上書屢不報伏闕空流涕九廟烟塵飛誰與守神器壁上濡淋漓大書報國字乃知文丞相在心不在位觸石攀龍鬚綱常幸勿墜吁嗟從賊人對此能不愧文場公四十名未成山中人未識巖巖村塾師自立何挺特謂讀聖

靜觀詩四

五

賢書當思補袞職慘聞變非常長號仰北極日月懸九天乃彼么麼蝕艱難復何之天地滿荆棘四顧生悲風茫茫氣昏黑自經溝瀆中用報聖明德無人為招魂楚些歌不得賢哉

張伯純表彰允為式陳公誌

耆年鄉約長編氓久混跡讀法明六條私憂在宗祏哀詔天上來令人奪魂魄江南開再造尚期支半壁含淚咽餽殘喘延且夕傷哉冕令下舊制一朝革我髮不忍薙我冠不能易何以成我仁河純夾砒石草野肩綱常勿復為身惜耿耿一寸丹長照遠天碧王公春元

嗟我橫山源中有隱君子理亂置不聞避世竊心喜耕鑿無他求殺機何自起維時新版圖四郊尚多壘嚴隊來官兵大索空山裏見公美丰裁煽亂或由此巾幘命急除當界以不死倉皇聞此言衝冠怒髮指騎軍刃三落戟手恨難已林泉

遺逸民猶能赴國恥泰山與鴻毛豪釐辨在己應春公樓山義旗舉鄉里爭相從知己二三友吐氣成長虹痛念國家事飄搖如轉蓬當車奮螳臂所見真愚蒙一朝戰失利被執深山中倘教貶其節大帥將見容胡為賦同仇慷慨生英風乃知志不奪無負樓山公碧血凝大地青燐耀寒空生既為頑民死當為鬼雄唐公光峻妻步瑛可法金國三公

對雪用東坡北臺書壁韻

玉屑朝飛影至纖朔風向晚倍增嚴化工設色歸平淡貪士占豐為米鹽匿迹遺蝗深入地忍饑凍雀早投檐分明三白時堪記笑指公壺滌筆尖

靜觀詩四

五

六

貴池先哲遺書第三十

靜觀書屋詩集卷之四終

貴池章鶴齡六峰

雨後南郊閒步

山齋雨初晴新涼退殘燠振衣躡長橋晞髮就平陸雲陰低
夕陽一痕照山麓移時山復明蒼翠透巖谷習習輕風生捲
雲力未足雲氣散成霞隨風自斷續風來著水面層層布紋
縠澄鮮明鏡中淺絳映深綠入望景無際隔水一茅屋舟橫
蘆岸邊網曬蓼汀曲老漁倚柴門晚餐將就熟日落風悠揚
炊烟裏修竹

過故詩人孫黃齋先生舊居

十里湖山一徑斜當年處士此為家閒尋僧舍穿雲隔老慈
漁舟泛水涯春去梅林應瘦鶴夜涼楓渚合啼鴉我來空作
伊人想江上青峰映遠霞

靜觀詩五

夢遊一處迥異尋常因得頸聯寤時其境猶在目也遂

足成之

乘雲縹緲伴仙曹異境真成意外遭水激危灘魚影亂風生
大壑虎聲高磨崖字古疑倉籀拾級身輕附羽毛覺後豪情
猶未減笑人檻外一株桃

秋懷

自宋玉悲秋後世之當秋詠懷者代不乏人然指事
類情沈鬱頓挫未有燦著於昌黎者僕本恨人性多
感慨秋光將盡安得無懷以云擬韓則吾豈敢

林下結茅屋置我閒中身四顧頗清曠悠悠無比鄰豈不慮
沈寂所喜空囂塵秋風昨夜來颯颯吹及晨晨起理征策登
高懷故人亭皋下清露天未多白蘋我欲久延伫日月馳雙
輪時來不見集境過常苦陳感此罷濡滯逐處無非新

大夫生世開轉瞬百年速既無金石資何由異草木立志期
不朽定命在殊俗班超頭項奇乃能飛食肉翰墨幸有緣文
字豈無福凡事順自然何必徒碌碌遠哉陶淵明把酒對雞
菊

遊倦自還歸斜陽照荒野閒步來中庭幽懷靜陶寫梧桐葉
脫盡清陰透林瓦殘蟬咽其顛寒蟻鳴其下元音久不作細
響胡為者我欲伐梧桐製琴調風雅七絃時一揮安問知音
寡搔首重徘徊斧柯誰共假

天地生百物一意為宣昭抱質苟不固無乃傷飄搖君看榆
柳姿秋到空垂條亭亭聳蒼翠松柏雲中標但能表勁節肅
何難銷委謝各隨時無為凡卉驕

少年負意氣自謂空輩儔一朝致諸用動輒招怨尤縱帆入
大海風急難得收不如當未發彼岸先為籌慎往寡後累蹀

靜觀詩五

進貽近憂枯葉一墮地豈復上枝頭煦煦陽和仁無端忽凌
秋當年宋玉悲誰果知其由

明月何皎皎照我讀書堂移書就明月勝此燈燭光秋日憊
漸短秋夜喜方長文史期足用致力宜精詳仰看天際鴻乘
風翔且翔慎哉避增繳勿第謀稻粱

良友期不來秋思鬱懷抱呼僮開荆扉伫立睇遠道歲月去
心悠紅顏倏已老所業夫何如相將互幽討氣體期高華精
力務深造莫以寒瘦姿而遽輕郊島茲事有性情非徒侈文
藻清虛何自來流弊六朝掃安得如斯人一為振枯槁

書生弄文翰待命持簡素投筆亦何為卻緣世多故旌旗耀
軍營笳鼓發征戍秋高馬正肥出身事機務大帥爾何人心
宜國恥赴早舒宵旰憂蕩掃江淮路
燕居信可樂幽景殊堪憐霜晴日加暖一室烘春研病眼眩

生花眼坐將就眠心清少塵夢睡魔無相牽欠伸附一笑烹
茶汲寒泉寒泉赴絕壑清聽河涓涓將無古賢哲空山坐鳴
絃我欲往從之蒼蒼浮野烟

盈盈河漢色耿耿星斗光我身久困頓對此憂衷腸蟋蟀鳴
四壁移時入我牀微蟲感氣候尚能知行藏人生昧趨何舉
動徒倉皇何如斂其迹待時以為良

四序相推遷春華秋乃實後日雖甚長前程去已疾人生自
暴棄何論明敏質一息不少懈斯入聖賢室孰已能謙虛聲
名庶洋溢應事無窮期持身有定律隨時愛景光君子戒無
逸

十月四日與徐瑟堂志典夜話即訂齊山之約

檐際新陰月一鉤高人江館喜句留同斟美酒消寒夜擬借
枯筇結盛遊巖洞熟探尋易得雪霜遲下景偏幽放懷我輩

隨時好何必看山定及秋

贈張瘦山參軍即用原韻

僕僕紅塵九陌馳乘車戴笠各隨時相期骨格長超俗但得
心交不厭遲雙屐林泉偕選勝一箭花月互傳詩那堪開口
論時事淚灑南天醉滿卮

數載郊垌羽檄馳烽烟未審靖何時將軍天上揚威遠士卒
江干奏捷遲變起寰中誰仗節憂深事外只吟詩轉輸百萬
愁難繼大海焉能實漏卮

駒光過隙若飛馳徒向今時憶舊時攬鏡每慚雙鬢改讀書
深悔十年遲由來濟世須長策幾見雄才擅小詩我欲鑄金
循舊例酌君一日一盈卮

幾番避地苦奔馳何幸相逢及此時古戍聞笳秋思切高齋
秉燭夜眠遲驚心歲月空中霧到眼湖山畫裏詩願得承平

同寄與夕陽簫鼓動深卮

夏日不雨彌月瘦山奉檄取水仙姑壇龍洞是日即雨

疊韻紀實

曲徑空林匹馬馳入山正值亢陽時洞中活水求纔得天上
甘霖降不遲紅日挾雷聲破竹黑雲翻雨意催詩賢哉太守
請陳公 敷恩澤作記亭前快舉卮

新秋刈稻瘦山寄詩疊韻答之

報到秋成興欲馳紅蓮稻刈趁晴時持家婦健炊烟早拾穗
童歸帶月遲子美授餐猶戴德淵明乞食亦留詩艱難穡事
先民力春酒須儲介壽卮

與瘦山夜話再疊前韻

世途如騁復如馳榜樣何須競入時官似隱居貧亦樂民須
親上教無遲神閒不著塵中迹律細應推老去詩我輩守身

靜觀詩五

嚴執玉瓊筵切戒墮瓊卮

愧我名非藝苑馳先生翻許重當時花開待賞招常早月落
猶留去屢遲談笑合宜誰主客性情兼到即風詩醅醖不飲
心常醉信是真交勝酒卮

瘦山于役長林疊韻送之

渺渺平原襍被馳秋光好是曉晴時霜清野店雞鳴早路轉
陵陽馬去遲握別久傷南浦賦賢勞應誦北山詩從公自古
期無欲且駐歧亭盡一卮

避亂八首

賊從江上來我向山中去山中行徑微昏黑難成步夜半山
月出皎皎照前路憑高一回首障空起烟霧其將焚廟堂抑
或毀官署荒城千餘家一任被竊據夫豈無傲慮事急不遑
顧行行重行行寒林莽回互心迫足不前途歧認屢誤計程

未三十雞鳴天欲曙鄉中遁逃者十屋九閉戶何如太平年
耕鑿安吾故

平明賊下鄉聲言括金帛紅巾短後衣橫戈勢煊赫茅檐三
家村亦與窮搜索東鄰牛被屠西舍豕爭擊纏腰資未充盛
氣怒不息長呼遮道途捉人補兵額欲盡驅黔黎那復問班
白奪取懷中兒跪求不肯釋誰能攫其鋒脫身有奇策所以
四野氓紛紛竄千百入深投烟林冒險蔽巖石穉子飢欲嘍
掩口禁使默我亦駐行踪偷活草間匿

一人走倉皇云自重圍出城關卓旌旗晝夜吹篳篥連羣劫
財粟梳過更加櫛冠非自我致律究伊誰失所恨形勢區兵
餉百無一聞言覺心慘沾襟淚交溢吾池地瀕江貧瘠苦無
匹就令風雨時僅足保家室况復肆擄掠揚帆去來疾竭盡
民脂膏即是推刃術終歲迫飢寒何從望周卹

靜觀詩五

五

秉閒無久息急為僮僕呼賊去恐復來擔囊勤步趨囊中裏
餼糧兼用貯琴書廿年敦夙好豈以顛沛殊不教付劫火庶
足供印須出門占同人此理良不渝操縵送飛鴻開函走蝨
魚患難行古素真與古為徒幽意人不知反道我情迂安危
且莫必猶抱此區區我欲與置辨其言誠樸俱再拜領受之
含笑臻前途

渺渺清溪渡迢迢白笥陂依依六峰巔望望雙澗溜其中散
幽境寄託差相宜主人憫我勞慰藉親致詞驚定心轉怖嚇
極神若癡相攜步東皋氣爽情忽怡林際鳥聲樂山中雲物
熙桃源近在即古人非吾欺嗟我遭喪亂何不生於斯數椽
自結構十畝閒耘耔悠悠塵世人仙蹤難遽期即此暫棲止
羲皇無異時
村居寂無事望捷心孔長忽聞破舒桐又道攻廬陽賴有江

中丞極力扶危孤軍三月困死士百戰強彼眾心膽落我
公殺伐張外援倘相助擒賊將擒王順流下金陵捲席收維
揚飛書檄上游勿使窺武昌勲名表千載何難超晉唐無如
事不濟坐使失金湯生靈慘屠戮誰與賦國殤野人空山哭
四顧殊茫茫朔風震林木悲切摧肝腸

天道本好生胡為今獨否其理誰復明低徊重搔首舉目盼
高柯妙喻堪近取有榮斯有枯隨時各順受秋來霜露凝丹
黃滿高阜顏色雖爭妍轉瞬成烏有從知搖落機炫爛職其
咎即願以參微昭然發矇瞶生無金石資焉能永不朽解我
中心憂不如沽美酒把酒杯復停言念素心友欲堅歲寒盟
節操兩同守

靜觀詩五

六

自從一枝借家人喜安集衣食多艱虞顏面頗羞澀夜半聞
寒蟬如訴復如泣爾為悲秋吟我愈憂時急俯仰天地寬生
才轉嫌挾不知伊何人胸中富兵甲淮陰背水陣諸葛火攻
法此時兼用之定當奏奇捷軍興務神速未可示惟怯往事
有明徵言之足嗚吧痛絕瑪瑙山憤甚車箱峽當日功垂成
遺誤嗟何及一語寄元戎覆轍無再襲

江岷樵中丞忠源殉節廬陽

妖氛東下蔽青冥開府威名百戰經千里風雲猶自壯八公
草木奈無靈登陣痛齒孤臣齒赴壑冤沈大將星太息江淮
資保障睢陽遺烈定同銘

癸丑除夕避地黎村有懷瘦山疊韻

九秋揮手各分馳寂寂空山度歲時狂寇無端橫莫制故人
有約到何邊寒燈旅館閒沽酒盛服天涯定祭詩他日相逢
開笑口好攜佳句浥清枝

大雪歌呈龍紫垣師

酒力敵寒寒驟除醒來寒氣侵肌膚風號入夜聲則無但見
 一白明交疏按時三五差旬餘那有月色凌清虛憶昨上天
 同雲鋪披衣起視鳴棲鳥果然霏雪盈通衢年年對此城南
 隅高壓遠峰低襯湖湖水帶冰流滌紆耐冷獨坐孤舟漁持
 錢買得新釣魚前村濁酒隨意沽攜酒與歸做廬魚小院梅
 花開幾株花開老枝醜亦腴活火自燒紅泥爐隔籬對飲鄰
 翁呼狂來直欲無古初方今寂寂深山居棄擲好景胡為乎
 多緣狂寇來突如如拉厥朽摧厥枯下連京口上小姑幾處
 城郭人民屠屠盡人民城郭墟驚心烽燧雖堪虞避地幸有
 鄰不孤冒寒相就情歡娛君家大雷屬古舒隔離秋浦三百
 途神龍猶復潛須臾何況賤子村野夫古云占豐惟雪需有
 年不患賊不鋤春來佳釀稱屠蘇會須一飲盡一壺男兒七
 尺昂藏軀一任故態呼狂奴騷壇牛耳執自吾人嚴百戰言

靜觀詩五

非誣筆陣倘教寸鐵須鳴鼓攻之非吾徒出門大笑驅疲驢
 山程十里風吹噓搖動鬚眉飄衣裾神仙中人當無殊誰能
 畫此一幅天然圖

早春即事

林際鳥爭鳴嚴寒陡覺輕野烟春漲合山雪曉村晴地僻身
 堪寄時危夢屢驚謀生吾本拙戈甲况縱橫

山齋有懷

閉戶虛齋坐人誰把臂來空山添夜雨絕澗走春雷嫩筍催
 將茁寒梅斂不開尋芳曾有約遲日定追陪

甲寅春季送龍紫垣師暫假還里

幾度元亭字問奇那看相聚又相離親能致養貧非病志即
 難酬道不卑三月鶯花消客况一天風雨緩歸期來朝江上
 扁舟遠翦燭還應淚暗垂

江南此日正干戈執手同聲喚奈何亂世逼人豪氣盡芳時
 偏我別愁多機忘海國憑鷗泛書寄柴門待雁過莫作少微
 星遠隱來遊當復矢卷阿

梅公祠堂兩大鏡歌

青銅一片生寒芒團圓夾立東西廂東廂含輝送斜日西廂
 煥彩迎朝陽夜深對照玉兔走虛室生白瑩清霜俾我先靈
 妥斯寢魑魅遠遁山精藏懿哉此鏡制殊異徑逾五尺歸丈
 二銘詞在背旋繞之中有乾隆御製字 乾隆天子真聖
 人良金入選歸鴻鈞天地為鑪陰陽炭鑄就寶器空饑塵明
 符夏鼎象百物義比湯盤資日新一人居中嚴坐照如日重
 光月重輪吾宗末吏性嗜古三載吳門歷風雨一朝得自金
 陵城買棹載歸奉先祖家有祖考國君王分別尊親義等伍
 欲為宗人廣孝思他年移孝作忠補下民何自瞻龍顏鏡裏

靜觀詩五

龍顏昔曾觀龍飛在天鏡在世今此下民孰敢侮我祖祠堂
 高且麗位置妥帖誰能損得一已足跨今古何況合璧榮鄉
 邦尊王義取當王貴芙蓉仁壽皆應降光澈中邊淨無礙洗
 眼不待臨秋江春秋祀事禮重讓我也從中執灌鬯一我升
 階兩我迎含笑依依各相向儼為我繪三我圖至竟其中無
 我相太白影邀明月呈放翁神借梅花狀面上妍媸不自知
 辨別全憑左右望金繩鐵索鎖鈕堅子孫世守情交暢但願
 長留千百年君恩祖德永無忘

齊山有感

振衣獨立立峯頭猿鶴頻添世外憂莫怪洞天無客到近年
 不是昔年秋

雨臺

穿雲尋古磴好景畫圖開怪石彎環列長松奮迅來三疊歌

稼穡一衲叱風雷慰我為霖想披襟掃翠苔

春日梨村漫興

幽齋兀坐愁難遣聊向平原一慰情水脚烟生春氣暖峰頭
雪霽夕陽明芳時伴可同心約好景堪宜緩步行信是山居
無限趣那聞鼙鼓震江城

禿筆

山居數月朋好久疎晤對古人情深嚮往作為文字
惟筆是需朝濡夕染漸不成行蓋用之久而筆已禿
也然筆雖已禿情豈能忘爰綴數言以旌厥德

禿盡毫端興未休終朝惟與筆相謀曾煩揮灑才非拙獨斂
鋒芒品較優垂老功名蕉鹿幻平生心迹雪鴻留莫因久任
中書令令不中書遽爾投

村夜有懷同好

幽居當永夜好友聚無由喪亂難為別艱虞易感秋大江方
急戰明月獨登樓望遠情無極蕭然酒一甌

鍾馗噉鬼圖為張蘭坪先生題

君子嚴嫉惡有如鷹鷂逐鳥雀尚須絕其倫惡勿使植善乃
伸人世紛紛弄狡獪到處坳坎愁無奈分明人面鬼其心魑
魅魍魎爭為害驕者矜誇吝者自私媚者卑汗貪無賴更有刻
深陰險流是非倒置忘恩仇笑裏藏刀暗飛箭腹中時復森
戈牙盡驅世人納陷阱弱肉強食何時休變態如斯我心慘
雲氣陰凝日光黯夏鼎鑄就不能窮其形秦鏡高懸不能照
其膽温嶠縱使然靈犀不能遍燭幽隱開沈迷五窮莫可並
三尸難與齊祭之不必送不去悶殺子厚愁昌黎幾輩才人
收拾錦囊句長吉鬼詩休更題無窮憤恨蓄已久掃除無方
自引咎我即弗為絕類而離羣我亦何肯藏汗而納垢計惟

拓我吞雲夢之胸張我吸西江之口搖牙掉舌伸長喉送入
如海寬腸不使酒丹田爐火將爾燒皮膚血月皆化為烏有
無論新故大小不能走直把精神一抖撒何來啾唧聲抑掄
笑我迂儒情太迂終南進士不再世誰能按法行天誅從知
天下本無事庸人往往自取累我欲因之逃醉鄉無是無非
恣遊戲酒酣又復髮衝冠拔劍斫地怒莫制今日見君鍾馗
噉鬼圖消我胸中塊磊不平氣

讀宋史十二首

聖人特出應昌期神武頻開汴水基一代文明天有象九重
端拱帝無私全憑蜀漢先聲壯未復燕雲後患遺痼疾欲瘳
偏忘樂教人何處覓良醫

駒駟嚴防臥榻前當時失策在澶淵不能乘勝增千里難保
循盟到百年社稷粗安剛挫敵精神妄用遠求仙美珠縱爾

靜觀詩五

鉗臣口豈有真書下九天

補偏救弊仗君王布化還欣輔弼良勁節高標枯竹活和羹
合讓老梅香真儒詣力通天地絕學倡明邁漢唐更有范韓
兵甲富能將隻手定巖疆

幾人參贊位三台一相當權百度哀強國艱難因變制進身
容易為言財情殷復古拘經術事不宜今總禍胎愁聽杜鵑
聲入耳分明地氣自南來

新法頻行海宇窮怨聲早已達深宮監門痛寫流民狀泉府
難收裕國功憂切老成悲繼逝黨分君子苦交攻可憐當代
稱堯舜只在垂簾一女中

政雖力改弊猶萌羣小乘機勢轉橫事待調停傷國體名單
紹述誤蒼生秋風上苑空花石落日中原望父兄何似落陽
全盛日年年高會聚耆英

五百一十五

建炎國勢未全辱割地求和亦覲顏秦帝魯連甘蹈海漢興
冀敬請都關久勞戰伐猶南渡誰挽鑾輿再北還含涕兩河
諸父老出師時望詔書頒

逢君人眾格君難國事紛紛淚暗彈上將齊收好饒惡危邦
卒保主恩寬湖邊水月三春麗塞外風霜五國寒納幣稱臣
緣底事趙家天子務偷安

英毅聰明太祖孫十傳纔得主乾坤勝前定省重華孝掌上
河山半壁存繼統幸能全舊約承歡原不係私恩如何偽學
仲嚴禁忘却朝廷有違尊

李世伊誰品絕倫考亭一老古天民注騷早切匡時慮占易
終全抱道身望重優伶翻戲謔名高敵國亦尊親莫疑才大
難為用著述千秋賴有人

龍虎詩五

七

真成假道謀縱使殘金亡下蔡那曾舊土復中州江南重鎮
襄樊倚又報強鄰逼上游

駕到樓船帝業終大星落處眾星從珠崖濤挾青燐走柴市
烟昏碧血封人遠吳山誰立馬地瀕粵海竟潛龍六陵骨朽
冬青茂賴有遺民展拜恭

哀鐵佛

西方一脈來蜿蜒惟金配之功乃全巍然佛像二十丈生鐵
銷就何精堅非比叢林等閒設強從下界參人天既不慮北
魏毀斥禁披髮並可免後周銷化為銅錢無端烽燧起西粵
淨土一炬焦可憐幸哉寺燬佛猶在方丈再闢期後賢誰知
羣謀出愈詭謂此怪物無令久相沿一呼軍士集再呼工司
前千鎚萬鑿不少緩坐使真形解脫歸大千猶憶初鑄日摩
擬通幽玄臂胛不肥面不瘦損益無事重磨研從中尋始末

五百一

有字一行佛背鐫紹興辛未仲冬月宗越募造心誠虔自宋
及今七百有四年胡乃一旦成棄捐我非使佛對之且不忍
何況釋子含涕心憂煎昔也道場號清淨今也僧眾托鉢紛
逃禪昔也雲遊樂栖止今也伊蒲不結十方緣我聞宣州有
佛數日動見者叱異無或怒又聞金身丈六契丹鑄軍宿軍
到驚而旋佛之作怪乃如此靈異茲胡獨不然不能歷劫轉
墮劫信由數定人無權吁嗟乎恆河沙幾涸滌昆池灰幾變
遷法家本來無我相虛空粉碎如雲烟心惟好生不好殺知
此乃可窺真詮即今毀壞作何用用製鉛彈充戈鋌分明鑄
就一大錯任聚六州四十二縣之鐵見終偏區區一佛何有
焉

寄懷程殿程

龍虎詩五

七

之子渺何許空山深復深行雲迷曲徑明月照高林感慨惟
希古沈淪直到今撫懷聊自適世外少知音
視聽程箴四天人董策三持身兼涉世耐苦總回甘道味探
無盡元工贊寶單莫教忘要務一枕北窗酣

悼亡

林下依依逸趣增無端永訣慘誰勝浮生變幻原難著緩死
須臾竟未能往事尋思今日始靈魂入夢昨宵曾釵荆裙布
猶堪憶倚檻徘徊動拊膺
命途淹蹇復何尤一病無名恨弗瘳晨起抱琴空自瘞夜涼
需酒向誰謀相安貧賤真青眼了盡因緣未白頭我與王章
同疾苦牛衣坐對涕交流
隱恨卿真未有涯長男殤去次男偕身因境累心長冷泣恐
人知淚暗揩地下承歡應繞膝燈前顧影轉悲懷卅年好合
輕拋我如此夫妻怨命乖

當門弱柳小園梅觸景思量日幾回
井臼事繁操作苦糟糠情重利名
灰上天破鏡難留影暹日明珠待
結胎但得添丁債素願焚錢親與
告泉臺

甲寅除夕有感

平治非無期須得上天相三百六十日無日不相望一歲今已終倍覺增惆悵去年當此夕避地幸無恙老妻知我憂為我進佳釀山深寒逼人飲過平時量兵戈三載連民物盡彫喪轉瞬即明年未審作何狀吉語聞鄰家幽懷一開暢竹籬園尚温銀燭耿相向有酒還自斟悠然足清況晨光任熹微高卧梅花帳

早春飲梅花樹下放歌

寒氣漸減春風生梅花吹放枝縱橫影疎香暗意殊古對此使我心懷傾我生愛梅久成癖處處山村慣搜索於今老懶

青龍詩五

五

難遠尋冰霜猶自填胸臆家園幸有梅兩株一紅一白開林隅白者雪瓣參差鋪紅者點點丹砂塗不用扶筇趣自足興到直可傾一壺把酒醉梅共梅語當年知已為梅數浩然情與驢悠閒和靖神隨鶴軒舉羅浮夢醒趙師雄林下雙雙鳴翠羽擬將盛事續園中觸景休疑今異古深斟滿酌嘉肴陳我與梅花誰主賓若論移種自鋤月梅原是實我主人若論去住迹無定梅當作主我客身一杯一杯口不噤可惜梅花不能飲梅如解飲兼解吟唱和何嫌倦忘寢長松百尺竹千竿世外盟真結歲寒山齋況少素心友只好園中隨意看幾回欲折手還任驛使迢迢隴頭路清尊沁入心脾香與我相宜惟此樹一樹梅花一放翁我與放翁情復同放翁不是和羹手何處安排問相公

山齋即事

青龍詩五

畫工原借化工傳濃澹林巒烟雨閒滿眼淋漓新潑墨高齋添得米家山

寄懷金蘭洲

事變竟如此投荒君最先相離纔百里不見已三年味是耽吟好心應出世閒採山兼釣水佳趣勝從前

春日山齋有感

江國烽烟勢漸加潛身且喜到山家憑闌無限傷春意不遣兒童掃落花

姚禹門避地石礪余往訪之不遇

弱柳依依淺草勻來遊原不為尋春芒鞋竹杖清明路十里空山訪故人

隱隱茅堂薄霧遮到門且喜靜無譁侵晨載酒前村去何處高樓醉杏花

青龍詩五

五

童子留賓袂共牽自燒活火煮清泉擎甌久待歸猶緩倦向松陰一枕眠

意自相親迹轉疏君歸當及上燈初柴門若問因誰啟道我殷勤候起居

山堂牡丹為風雨所摧因憶家園花事率成長句志感

山深寒重春來遲座有名花含麗姿一月坐對始開放雲霞滿眼何離奇幾日封姨勢太惡吹遍長空雨交作嫣紅姹紫誇多嬌好景翻愁被侵奪由來金粉難紛紜轉瞬明知付夕曛心未能超見未化敢云富貴如浮雲但得歲寒有真性苑枯隨遇無區分主人聞言斟美酒為我殷勤進一斗我持斗酒酌名花客裏看花如在家家有園林位置妥舊日仙根乞從我五年培植今暫離聞道枝頭開亦頗幾度憐春春易殘含情默默倚闌干直將膏澤涵濡意權作文章潤色看十里

青龍詩五

非遙竟相阻嗟我出門誰作主不知茅屋來故人曾否賞花兼賞雨

上巳新晴友人邀與尋春是日家人自郡中至

碧天靄靄畫沈沈上巳晴開喜不禁苦砌風和消濕氣花開日轉澹清陰歌傳桃渡根兼葉事感蘭亭後視今兩月雨多晴較少添人無限惜春心

柳絮五首用汪謹堂沈歸愚諸先生倡和韻

索笑梅檐記屢巡又看飛絮撲前津悠揚有致辭芳樹送宕多情送晚春能使羣仙歌白雪本來弱質絕紅塵空明境地工摩擬合護靈和殿裏人生自柔穉不著梯陡然飄去望中迷從知近日殊高矣但得因風便起兮管領離情原灑岸蕭疎畫意定湖隄人生解脫能如此鴻爪何難印雪泥

靜觀詩五

注

攬鏡新添兩鬢霜半生深柳讀書堂不才遇物常嫌滯無意徇人尚覺狂爭羨空行緣爾慣若論實際為誰忙就中一種宜人處入硯紛紛總不妨

入夏無端玉屑霏援琴莫是羽絃揮擬將雪幹通蟬信難得霜汀報蟹肥淡影未隨花霧散纖痕偏逐野雲飛飄飄合共枝頭汁一例輕彈上布衣

造物推遷未有窮拈來妙手只空空暗資變化憑春水全仗吹噓是惠風客自閒攀嗟老人誰戲捉不兒童真機洋溢尋常見何事階除怨落紅

落花用沈歸愚先生韻

嗚紅怨綠亦何由好景能教幾日留客去涼生高閣夜晴開碧浸小橋流香盈畫檻曾三月實滿霜林定九秋解道榮枯歸一致詞人多感也消愁

一曲誰歌莫洗紅由來有色總成空從知絕艷皆遺蛻敢把浮生付轉蓬三徑聯情惟舊雨一年多事是春風憑他絢爛終平澹不外盈虛兩字中

飄茵墮溷兩無心惆悵偏於此日深到眼鮮穠非物態催人迅速是光陰才思英發防終盡逸致虛舍耐久尋何異七絃彈罷後直從山水想清音

一本于今果萬殊何妨榮悴判斯須隨時變幻烟雲有不朽精華草木無齊物仙風猶化蝶惱人夜雨慣噓烏漫云垂柳青青好飛絮門前歲幾株

不用低徊喚奈何但能領略趣偏多蛛絲裏片紅留影鴨嘴流香翠啜波此日春歸疑北地伊誰夢醒悟南柯人間芳信如天上渺渺佳期悵隔河

靜觀詩五

共

五柳先生愛菊秋秋花不落省閒愁醉餘村杏還思酒流盡溪桃罷引舟綠樹愆期深惜杜仙源誤入奈非劉人生渺小如何似倉有遺稊海有漚

冶春詞

花枝簇簇柳條條行過紫陌又紅橋日暖前村縣酒旆風清曲巷度錫簫香車寶馬行來緩胡蝶雙雙雲鬢款嬌娃十五最嬌癡鬪草恰憐春草短草短娃嬌春思多含情不語將奈何

貴池先哲遺書第三十

靜觀書屋詩集卷之五終

貴池章鶴齡六峰

李甘村召棠過訪山齋行色忽忽勉留不得賦以送之

深山寂寂客來稀
報道君過轉恨遲
感事十年空灑淚
懷人兩鬢欲成絲
洵知乍見難為別
況待重逢定幾時
好把一竿蘭水去
寄將錦鯉慰相思

題蕭尺木畫

雪盡空山淨不塵
呼童煮茗耐逡巡
就中策杖觀梅者
即是先生畫裏身

寄胡經畬文煥黃楊石山中

昔遊感鐘山山勢幽以僻
入山愛山深蜿蜒迭搜索
西南多白雲遙望蕩心魄
山僧指我言此去黃楊石
石上古黃楊傳聞高百尺
其樹今不存稱名尚如昔
中有隱君子樂此度晨

靜觀詩六

夕臨風振塵纓穿寶漱甘液
松雪明積陰羅月照深碧
閒取鳴琴彈冷寫幽僻
元鶴翔高柯蒼猿挂絕壁
空山寂無人俯仰自怡懌
君先得我心我待尋君迹
不信人中仙紅塵竟終隔
墊角攜素巾折齒蠟雙屐
行當往從之俗念盡捐擲

聞田歌有感

稼穡艱難食所需
幽風自昔繪成圖
田間作息都描畫
曾把歡聲寫出無

入耳悠揚一曲新
民情即此見天真
鳥猶對語花猶笑
何況朝昏飲食人

流波磯登舟夜行至烏杜

荒田傍江皋秋成刈稻了
家人喜得食載歸一舟掉
逆流行遲遲片帆受風曉
疏烟隱洲渚落日澹林杪
前路漸昏黑映水目偏瞭
水氣遙吞天蕩漾星光皎
露下引遊魚沙寒警幽

烏茅屋燈微明幾人夢魂悄
勞生夫何為一笑失昏曉

中秋待月吟

飄風來自東海東不吹月出吹雲蒙
開雲蔽月亦常事但恨恰值秋當中
中秋景占一年好上下照耀塵翳空
蠟燭不蝕玉兔走竅人心志澄雙瞳
無端嫦娥弄狡獪竟從天上收青銅
豹隱一斑窺莫見蛾蟬雙黛點徒工
昂頭熟視了無觀宵勝氣伸長虹莫
是詞人鋒太利令爾退避防交攻我
欲排雲問消息此身奈隔銀漢宮躡
梯誰云取可得借斧豈必修成功天
柱峯高縱能望仙人不遇何由通擬
將來日續清興清光恐難今夜同今
夜寂寞尚虛度隔年惆悵情何窮不
如招致二三友掃開蘿徑呼家僮移
樽就近水邊竹列席權依烟際桐陰
竹鳴月華吐依舊坐對光圓融駭人
高歌美人拜各自快意酬私衷無何
待月月不至雲氣一片迷蒼窮此

靜觀詩六

時有酒不盡醉難禁達旦憂心沖
深斟滿酌倚欄睡忽去大地遊洪濛
四顧清虛萬籟靜身無羽翼能飛翀
壽世紫芝茁遍地留人丹桂香成叢
桂香芝茁任採折到眼樓觀森崇隆
瑤階玉砌列僊子新聲競作何玲瓏
有一人兮應聲起舞腰纖細翩翩
驚鴻手揮如意引鸞鳳六六相聞鳴
雌雄回頭笑我別未久胡乃鬢禿成
衰翁此閒法曲不輕奏君其注聽毋
忽按罷霓裳羽衣譜使我神智明且
聰乃知下界無此樂入夜但聽吟秋
蟲逼人肌骨寒較甚廣寒佳境羈我
躬前身若果是明月我與月約言非
汎月長在天我在地年年此夜休朦
朧欲行不行還小住兩腋驟覺生長
風何處麗譙擊鼙鼓傍曉猶自聲逢
逢天雞三唱海日出夢回射眼朝霞
紅

懲妄并序

道光癸未春元和王公涖郡事經綸
報國風雅宜人

愛池陽山秀水麗公餘每與同僚諸君子攜筇攬勝
把酒聯吟致足樂也登齊山詩中用米元暉三字押
暉韻有俗士讀而謂之曰從來未見蓋以元暉為謝
而不知其為元章子也嗚呼固陋寡聞於心何疚譏
彈肆逞所學殊乖余甚惡其妄也作懲妄詩
才士聲華自有真願君老古務留神莫緣少見翻多怪須識
同名有異人楚相原非優益擬顏標豈與魯公論虎兒低首
微含笑竟替宣城作後身

唐貴梅歌

貴梅朱家婦姑淫於微賈誘之不從訟以不孝惟飲
泣不吐情實歸縊於梅花樹下爰歌之以著烈孝云
有身不辱完婦貞有口不辨全姑名姑誨婦淫婦自正寸心
澹定無春情百方挫折勢未已斥為不孝罪當死貪官受賄

靜觀詩六

謂婦言從此歸當姑順矣阿婦含涕隨姑歸自知歸去無生
理磨笄久仰趙姬心投梭羞折狂夫齒問天無路天難回後
園獨立私心哀此時誰與表素志賴有一株古幹梅月黑天
昏夜二鼓怪鳥飛來作鬼語長繩三尺懸樹間品格直與梅
花伍慨然一死懲淫風深閨孝烈傳國中升庵鐵筆書信史
生氣凜凜鬚眉同吁嗟呼美玉不琢金不鑄渾樸何曾規角
露賈人有目瞽不如錯把寒梅作錢樹

南山石

南山石鑿為翁仲為墓碣碣文剝蝕翁仲存落葉滿山堆墓
門墓中陳人寂無語聲華在昔今誰論人生但須垂竹帛何
用南山一片石

水車

江南宜稻梁入夏枯乾曠農家有奇方一車架高岸其端安

輓轆旋轉聲不斷一穀連一輻輻與穀相貫穀送輻入水水
起無羈絆順道飄練柔逆行噴珠亂腳踏勢雙跌手運憑隻
腕風熏日如炙遮身未有慢綠樹豈無陰不得到隴畔暑威
禾欲枯敢曰我心憚自朝至日中頰背雜流汗督功不用人
置盆牽綫看綫長捲待完盆空澆須漫勤情兩無偏較勝唇
影判加餐各努力力窮人屢換起視田中水一寸未及半就
涼喘且息搔首仰天歎一龍不行雨羣龍渴翻瀾渴極飲不
止何處龍公喚老農前致詞時艱勿復惋積事秋為期及今
救非憂天心原自仁詎忍為民難未必旬日閒絕無雨絲散
用力無貪天即此是成覓碩哉青苗勿任槁一旦權借澆
池流浸彼稻田堪堪嗤挈瓶智并陋抱甕灌涓涓車中水雖
云隔霄漢要其潤物功初不異冰炭穀成農乃登燕笑樂以
衍秋來報田祖香稻喜入爨莫將舉家食相與狎而玩諸人

靜觀詩六

聞以興掉臂益精悍落日江上霞舒卷色逾燦回頭望西郊
不雨知斷斷四方年順成化育在人贊吾鄉田幾何區區小
於彈乘機終夜忙星輝水中爛

與望之 天臺峰頂望月放歌

興來挈伴遊天臺天風縹緲幽懷開一塵不染萬籟寂明月
高高天際來秋霄何處無明月月到空山心毛骨山中看月
惟我多何似於今境超越一年冒雨凌東巖重雲倒捲清光
銜倏忽林陰起四面寶鏡又復收瑤函一年對雪拱金閣上
下交輝酒獨酌開檐岸憤寒不勝辜負蟾蜍夢不落不雨不
雪今最妍喜得好景勝從前山靈有意借月姊照人笑拍洪
崖肩露氣霏微鬢邊壓緩步閒行總相愜巢空老鶴倦知還
峽斷長虹飛與接九華九十九芙蓉身在芙蓉第一峰仰看
天河挂綠水秀欲手掬留芳蹤寫我鬚眉貌自古豪邁況有

君相從君作洞庭泛秋月雲夢八九吞胸中礙眼君山刻不
去徹夜懊惱推孤蓬彼則曠蕩此突兀呼吸直達銀漢官振
衣千仞與月近近取即是情何窮君高歌我載筆筆灑天河
能事畢梵王燈火熒禪房僊人丹竈冷石室不從仙佛問因
緣識解如斯心較逸絕頂有亭名捧日苦向其間坐促膝萬
山羅列山轉空為空依傍乃傑出舉頭天外今何如樂事生
平罕其匹滿望月華真第一

張警齋 銘 同遊後村石洞

我來假館花山陬得與張子相綢繆張子好奇遠過我乘興
招我窮探幽寒林木落霧氣濕繞道迂行久方及一洞黑黯
深復深巨古陽光照不入然炬下墜綠磴行洶洶疑作風濤
聲泉溜挂筋石積鐵撲面老蝠飛縱橫古錢拾得字莫辨斷
釵遺久苔漸生何年殘骸亂委地觸體閃閃延微明陰氣逼

青龍詩六

五

火火欲滅欲留不得神魂驚忙尋舊洞穿洞出下視心虛脚
恐失曲求其故不可知道逢樵子一問之樵云此洞名鞍馬
當年曾殺避兵者閉聽愴哭來風前常見青燐走月下吁嗟
往事勿復言中原戎馬又紛繁義皇上人不再世世閒何處

桃花源

哭雨田夫子

夫子今何在相思倍慘然巽言根至性頤養得高年鬼蜮曾
傷世龍蛇竟厄賢泰山梁木感含涕重流連

澄量山房贈時敏孟卿

吾生漂泊甚舊地愛重尋月到親虛愧花開戀故林離羣緣
底事感逝觸深心願子崇明德無令墜好音

續絃詞

朝彈朱絲絃暮彈朱絲絃一朝斷使我心憂煎合情覓

得絲幾縷靜續幽絃淚如雨欲彈不彈將奈何恐按新聲忘
舊譜舊譜自舊新聲新就中愁殺按絃人

思君曲

黃荆為釵布為裙林下操作殘殷勤含情欲語語不得請君
聽妾歌思君妾年十九為君侍朝夕相依不相棄琴瑟靜御
無奪倫衾裯久抱樂循義亦嘗有夢期及瓜不夢熊羆夢虺
蛇懶說劉家吞玉勝愧從燕姑証蘭芽屈指韶華方未艾秋
月春風永相賴等閒一度十餘年珠未成胎無可奈無端江
上動征聲舉家奔竄愁難支鏡破忽飛天上去白空偏作客
中炊此時援琴君再鼓彈不成聲泣如雨擬將纖指續餘音
君竟按絃不我許妾心知多緣妾未誕麟兒妾命不猶祇自
怨不為君怨但君思思君不願君急促思君不願君翻覆願
君嗜好無復存道此未能死亦足昨朝打漿過蓮塘驚起鴛

青龍詩六

六

鴛飛幾行妾心不戀鴛鴦為鳥細尋蓮的邀君嘗嘗蓮須識蓮
心苦苦心常帶絲幾縷纏絲不斷繫君心神女陽臺自千古
耿耿閒情未便休此情原不係風流微時寶劍君須記老去
琵琶妾所羞

種竹

野人素性愛清涼移取篔簹傍短牆曾識耐寒原有節不教
醫俗竟無方烟迷一徑陰猶薄雨足三春筍莫嘗待到成林
消暑氣好留佳客共持觴

雙蓮庵古梅園逾丈花時爛漫如霞十五年前賦詩紀

盛至今猶難去懷適挈伴往看禪房盡毀梅亦無存
世事變遷何至於此因用舊韻悼之

憶昔尋梅歲辛丑時方年壯未及叟覓得一株天下奇使我
東郊踏雪走瓊瑤十萬堆禪關繞樹歡呼不絕口滌筆冰壺

狂賦詩品格未知誰先後不是蘭亭集春三不是菊離醉秋
 九意古語奇誰我師昌黎韓子柳州柳目前已久無古人何
 嫌氣粗膽如斗別來多載神常馳屢欲命駕數被肘不道山
 僧情太癡斫去古梅如去莠塵中難逢青眼人方外空懷素
 心友調和鼎鼎須鴻材歷鍊冰霜豈毅毅信知大造盤根株
 非同末學辨蝌蚪十年樹木等樹人僻處真成遺壽考飽看
 梅花解惜梅僧乎肯復聽人嗾寮房雖毀梅猶存寶梅當如
 寶尊自胡為斧斤轉相堆山僧無乃目俱瞶盤空硬語留陳
 篇辜負蟲書仿岫嶠奪我舊好傷偏破添我新愁失温厚法
 王有意參元機梅子熟乎問誰某若將梅樹比菩提菩提本
 無梅樹有肆行斬伐破殺戒應把闍黎械以扭思量將為梅
 寫真畫虎不成恐類狗剡溪藤紙十丈長誰與寫梅推寡偶
 程宏童鉅李方膺此三人者實其首三人仙去不再來梅花

靜觀詩六

七

莫認遭攻培玉真峰頂返其真人閒烟火了無取得大解脫
 超上乘何必杖屨雜塵垢縱教極力親護持敢云此梅能保
 守世事變幻如烟雲有形畢竟成衰朽生年滿百終有窮歷
 劫不磨乃為壽

過桃波贈呂雲衢

水繞山環處幽居入畫圖身閒書自讀客到酒頻呼嘯月猿
 聲應眠雲鶴夢俱謫仙人不見結契更誰須

丙辰暮春與胡經畬遊黃楊石共話山家

集懷帖

又是春將暮能無暢此遊永懷期自得生事感時流倦何竹
 陰坐清知蘭氣幽所欣形迹化隨在不相尤
 昔年觴詠地水曲與山崇契合情殊至遷流樂未終放懷今
 日異寄慨古人同引類雖無既賢哉信可風
 世事將隨遇其言或不然大觀嗟以管清聽託無絃靜躁由

初地悲娛盡後天若云齊一致豈足萬斯年
 老矣修為峻猶欣有故人臨文曾取喻覽勝况相因湍激羣
 林俯亭虛極嶺陳及時成會晤暢叙快當春

丙辰春日王香厓招集曹莊看桃花

香厓手攜一尊酒招致同心二三友山莊花落又花開不到
 看花十年久十年蹤跡成飄萍仙源咫尺不曾經權將盛事
 續今日花前盡醉杯莫停醉向花前共花語看花人來日幾
 許花容欲笑愁不勝寂寂無言自容與花乎爾意我心知爾
 為懷人情欲癡昔年春到總相對何堪鶯燕促離思別去無
 端見非偶見非偶今為花來花解否一天紅雨莫飄搖千樹
 絳霞儘消受君本桃花舊主人除君誰是生春手手能生春
 妙化栽花枝多少望栽培年年花放春如海但願主人還復
 來

靜觀詩六

八

不雨彌月穡事難登賦以自遣
 炎蒸誰與淨塵埃翹首雲霓日幾回硯水無波蛟久蟄田禾
 有稅騰偏災化離勢恐成中谷調燮功還仰上台我縱不耕
 才思澀新詩也要雨來催

苦旱行

前日一雨灑林麓漸見枯禾轉新綠溝塍水涸仍斷流最好
 恩膏惜未足昨日一雨西南來萬人歡動憂懷開長風捲雲
 黑如漆明月已上東山隈今朝一雨急且驟無數乾田濕應
 透老農荷鍤空徘徊仰天浩歎尚猶舊三朝三雨非不多田
 中無水將奈何車水有車車不得何由活我田中禾禾不能
 活民絕食可憐枉費耕耘力一春不澇梅復晴土燥難期澤
 下尺不然天雨亦沾濡何至倉皇如此極深山伏處愁不堪
 干戈況擾江之南一朝饑饉再相繼亂由民作誰與戡我聞

今年旱最廣直北關山草不長有本未易覓源泉不窮莫漫
占井養吾鄉蕞爾秧雖栽我秧無雨心悲哀三雨不曾透作
一一兩三日何有哉薰風括地地欲灼但見白日飛黃埃如
此兵氛如此旱極竊恐蝗為災焚香終日祀田祖田祖有
神恤田父苦旱惟苦雨不施有雨猶旱乃真苦苦極還祈降
霖雨

偶宿湖莊

渺渺湖村策蹇過野人留宿意如何空江水長秋宵冷古屋
燈昏客思多王導不生誰管仲陶潛雖隱亦荆軻月明窗外
休惆悵安穩繩牀夢薜蘿

題今是圖

今是而昨非及今宜付度須知後視今亦猶今視昨

題梅村集

靜觀詩六

九

名義於公豈變更不分明處轉分明卻緣母在難為死無奈
官來累此生剗北關津勞使節東玉帛促躬耕出山泉水
雖無恙到底輸將一味清

明知不辱在歸貞廿載聲華早動人高卧有心堅晚節著書
無地置閒身抽帆到岸臣情急入爨憐材主眷新何似田閒
風趣好種瓜栽柳並齊名

長安城闕復經過昔舊年來感近波庚信壯懷銷戰伐杜陵
心事託悲歌敢延歲月酬經濟深悔功名誤甲科行近故宮
隨墮淚忍從荆棘看銅駝

怪底塵情未盡刪強將好爵破愁顏思承畫省全蓮炬愧領
春風玉筍班簪筆也知青史在鐵崖何幸白衣還清詞一闕
聲鳴咽憤極偷生活草閒詞中有故人慷慨多奇節恨當
年此吟不決草閒偷活等句

南湖夜泛

乘興終宵作浪遊曠然身世一虛舟磬聲近響空巖寺燈火
平分隔岸樓涼不因風行自緩飲宜待月量還留伊人何在
頻惆悵露白蒼葭入望悠

送李樸堂茂才 尚質 還米石

五月風寒潮正生溪邊折柳贈君行深心直共山光遠江上
青山自送迎

駕得飄然一葉舟高人擊楫泛中流拍天漢水茫無際縱不
聞猿亦可愁

自從太白騎鯨去大雅千秋不復存清酒一樽詩一卷翠蘿
山畔為招魂

長空一碧望迢迢後會何妨隔歲邀風味江南三月好杏花
村裏酒旗飄

湛清園懷陳梅綠先生 園在九華山之陽

久慕先生願執鞭湛清園裏地行仙白頭快意揮金日先生
十自集一聯云百年未到紅粉憐才作客年 先生遊園中納
不得死千金散盡還復來 紅粉憐才作客年 如吳蕩娘有珠
無事日勝吟之句 杖履追隨詩弟子雲山嘯傲佛因緣潺
湲流水聲嗚咽惆悵空亭薄暮天

丁巳暮春鍾英主人招賞牡丹即席用胡東潭韻

回首芳時別幾何英華較昔豈殊科來遊卻喜情如舊坐對
從知好不阿風雨晴開增爾麗胭脂買得讓誰多擎杯我亦
憐春者勸客聲聲鳥語和

過螺莊夏田父先生故居

能詩田父久知名為訪幽居取次行老屋三間人不見空林
黃葉助秋聲

黃米歎

民生重在食食乃民之天三月四月農事急何堪比屋無炊

烟無炊烟民缺米貧人愁絕富人喜富人但知奇貨居粒米
 之珍珍如珠十千不足九千餘米貴似此從來無吾池水陸
 稱通衢云胡不來舟與車總由去年雨澤少江南千里無青
 草豫章鄰省雖有年道途梗塞兵戎擾采林漁水樵山巔辛
 勤日可得百錢持錢買米買不得撲盡松花挖盡蕨餐松咽
 蕨腸不充夾青又嚼田中麥二麥早食收無多青黃不接將
 奈何賣妻鬻子一路哭算來總難給饘粥安得人生能避穀
 幸遇神仙施妙術不然上天多雨粟使我飢民含哺而鼓腹
 吁嗟乎我亦有田傍江鄉計口僅支三月糧三旬九食安吾
 常不教乞米徒皇皇但願民牧皆循良催科莫慢驅虎狼君
 不見荆襄隴畝荒無數幾人躍馬從軍去

遊感鐘寺廢禪院

十里寒山一徑探頽垣斷砌歷荒庵長松密蔭迷空翠怪石

靜觀詩六

士

高齋接蔚藍雲冷薄田僧自種月明初地佛誰參禪牀倚肯
 遊人借煨羊霜天快共談

感鐘山頂觀鐘石

鐘自何年落猶留石上痕荒唐吾不信插漢有常尊仄磴峰
 腰斷飛泉峽口奔為霖成爾望即此是雲根

移居感鐘山即事

感鐘西鄙山幽僻世罕有山路多崎嶇平曠開隴首村居十
 餘家田只及百畝其人略無文其俗頗醇厚我今避亂來累
 累喪家狗鄰家羣小兒走歸告阿母不知何方客擔囊偕老
 婦嬰兒呱呱老翁自極負羣婦咸來觀慰勞相左右見我
 髮種種問兒是男否接抱置懷膝愛弄不釋手隔離人負薪
 忽逢舊識叟謂君昔來遊風神張緒柳一別三十年顏面各
 衰朽何故遠城市而欲托林藪我為道其詳發難藏在丑自

此無定居歷年事奔走一年白首改二年梨嶺草洪埠復兩
 年攜家耐株守今春移石籠依然苦踐蹂入山愛山深清靜
 願分受老人聞我言為之歎息久布置到牀席綳繆及戶牖
 古屋多烟塵呼童掃以帚君讀我則耕士農恰相偶隨時通
 有無何愁缺升斗筭足三春幸魁熟秋九園蔬栽連畦晚
 松及早韭籬根瓜蔓牽夏日亦可割即今君方來正值霜降
 後山菓雖無多朱姊可適口區區不腆物為君且折取感此
 桃李投欲報無瓊玖況我來山中未進一杯酒照料多盛情
 使我顏轉怱從茲安厥居締好勝端舅我妻甘食貧紡績諸
 婦友我女知曉笑嬉戲羣釋偶我僕今不存無人操井臼水
 火昏暮求門戶不嫌扣朝來風日佳精神益抖擻扶筇蠟雙
 屐行不待人趣長松添濤喧激泉作雷吼雲飛峰欲頽樹枯
 藤與紐歷險尋高僧穿巖訪遺者一徑入烟霄下視路忘陡

靜觀詩六

主

四山簇青蓮身坐如船藕天風吹悠悠自朝每及西山草并
 山花歸來縮滿肘老人笑相迎茲遊脫塵垢乃知瀟灑人世
 情不能糾舒波涉烟波梨嶺劈薪樵洪埠歷石籠榛莽深且
 黜五年五遷移相期遠踐蹂此情誰能堪君獨心憤紛紛
 繼觸爭那復問誰某理亂置不聞庶幾益年壽予曰是不然
 甘言勿我誘我非託而逃借發胸中嘔江南柔肥地何堪遭
 擊拊食德服疇民傷心覩星留肉食豈無人登朝曳組綬四
 郊軍壘多伊誰執其咎救時我無才愧讀書幾篋迂儒談經
 綸言之亦可醜歌呼聲為鳥仰天而撫缶慎哉敬天威蘇民
 俟我后

登大雄山絕頂放歌

池陽秀出千萬峰峰峰爭簇青芙蓉就中一峰蜿蜒去奔騰
 化作雲中龍龍行頓跌勢不一忽然拔地凌蒼蒼前揖檀婆

後轡頂合離風雨靈氣通我今乘興立萬仞卻力矯健拋枯
 筇四山環翠列屏障絕無滲漏虧元工長江大河遠蕩漾一
 洗塵翳開心胸此去城郭三十里烟火萬家雲氣中咫尺一
 山號古塞直逼霄漢高何窮聞說當年避兵者往往鼓角鳴
 天風年來我亦棄家室滄海一粟渺難容對碁不能陪橋叟
 賣藥無自學壺公螺女製饌精且潔那曾使我饑腸充總由
 生身少仙骨俗累尚與凡人同茲幸登峰造其極放眼下視
 探鴻濛養茸野鹿啜瑤草梳翎老鶴棲喬松羨爾超然出塵
 表得地乃爾神冲融擬構數椽傍巖石林木蔥鬱蒼烟封夜
 深清夢達帝座天雞聽唱扶桑東晨起披衣望朝日浩氣直
 可伸長虹縱隨流水出山去變化當不移素衷猶龍孝子吾
 追蹤

送胡東潭先生歸里

詩六

三

與我交情人言歸轉寂寥干戈愁作客風雨話中宵知己千
 金重懷人一水遙片帆江上去難遣是來朝

十月十三日述懷

十月今朝又十三行年五十亦何堪學無所獲真成陋非不
 能知總覺慚過眼事多增我恨同心人少共誰談怡情一片
 窗前月照澈寒梅酒半酣
 平生蹤迹契烟霞得失渾忘趣自賒香輒飯炊霜後粒清新
 茗煮雨前芽攜筇到處身逾健作字終朝眼不花卻笑飄蓬
 無定在幾時安穩度年華
 撇除利藪與名場獨得其中自在方入世無才甘澹泊逢人
 不黨任清狂亂離計食餐應減老至看書過即忘日起有功
 還是學栽培莫道硯田荒

落實村居與性宜自家樂境豈人知牽蘿好補牀頭滿截竹

親編屋角維繼配妻賢猶死婦呼爺女小當生兒皇天於我
 非無意後事茫茫其預期

遊石礪山

石礪山山之小者也僻處偏隅遊人罕至丁巳余避
 地於斯得盡領其勝爰作短章以作筇屐之引
 村居遠塵囂身閒忘坎坳造物工無窮靈境巧不大為探世
 外奇暫擬館中課藝蘿身覺輕登磴脚防挫幽巖人屢驚怪
 石獸幾箇崖巖疊叢生峰危松特佐官止神欲行顧右盼復
 左無之而非奇得進且其情層層螺結鬟歷歷旋磨猴期
 緣木升鷄恐退非過參差亭可安曲折徑堪坐侵屐苦自深
 鈎衣棘誰奈書在宜縱觀有具難忍餓願為康樂遊不作少
 文卧振襟神獨王垂堂戒宜破天懷盡日開山靈勿輕唾

詩六

古

貴池先哲遺書第三十

靜觀書屋詩集卷之七

貴池章鶴齡六峰

春日懷胡經會茂才集襖帖

春情羣所欣今昔豈云異故人古之人契合信有自盛哉
詠流永懷將曲致引絃坐虛亭相感或以類竹靜初日臨蘭
幽惠風至取樂當及時觀化在隨地後會雖有期遷流嗟世
事俯仰陳迹殊晤言又其次一絲天外遊品目視託寄

三月三日張警齋招賞牡丹

瑤臺花放景翩翩我與名花信有緣到眼雲霞真爛漫忘情
富貴即神仙天開麗景仍三月人醉春風又一年高會恰欣
逢上已擬將修禊繼前賢

石礪山齋喜學齋至

山齋寂無事點次同人詩長空風雨來捲卷神遙馳故人被

靜觀詩七

策笠入門拳我惟歡然倒屣迎一笑爭扶持呼童汲清泉烹
茗無或遲數甌解君渴心定情則怡念我二三友各在天一
涯頻年不一見動如參商離惟君住密邇相聚無定時一月
或數過數日常一窺到來掃塵榻坐對燃吟髭賞奇晰疑義
說時多解頤即今當正暑沛澤何淋漓黃梅流餘酸青苔含
素姿穢穢田中禾懷新雲影垂此景可人意盡日以爲期話
言兩相告臭味無差池少安君莫躁時事安可知休教咫尺
地竟成千里違

弔陳黃門

高皇卅載廣儲才轉瞬何堪殺運開報國無心全首領歸藩
有疏撥風雷龍鬚碧漢追蹤香饋口寒濤逐怒來咫尺林邱
瞻拜近不知何處讀書臺黃門家住某
龍俱在池口

弔黃侍中

日月清輝萬古懸先生大義至今傳秦淮石影迷芳草羅刹
江聲泣杜鵑巾幗幸能標勁節革除何用說當年男兒所仗
惟忠信一瓣心香祝此賢

弔金侍郎

烽火橫江燕子飛金川門啟事全非君王走馬知何極臣子
從龍誓不歸風雨愁深天命改江湖影落月痕微山村寂寞
留荒井指點令人淚灑衣

輓陳岱雲太守

無兵不能開門戰無糧不能閉門守胸中韜略全未施緩死
須臾亦何咎池陽城固堪悲廬陽城亦可爲往參軍務佐開
府人事自盡天難知蜂屯蟻聚外援絕風雨仗劍親登陣守
陣一朝哭城破安能支主將致命士卒散我公極力網常持
馬革裹死了不計功成他日將誰期池陽廬陽死則一爲國

捐軀願乃畢靈旗閃閃江上來萬里悽風慘雲日

悼梅歌用東坡石鼓歌韻

家園梅花爲人斫去余時避地山居久始聞知歸視
悵然因憶辛丑看梅雙蓮庵乙巳復往梅已無存曾
兩用石鼓歌韻賦詩紀事而今日之梅復遭戕害如
是是又不止委棄榛莽憔悴堪傷如宋廣平之嗟歎
已也余亦何能已於懷哉爰步前韻悼之

斗杓回寅臘盡丑雪色梅開慰林叟老幹杈枒戟戟排高枝
放縱龍蛇走幽齋相伴三十年年年巡檐開笑口此梅係我
手親栽安能看到百年後昔纔尺許今丈餘遭時幸不違陽
九衝開山意壓長松渡得江春先弱柳時來樹下咏花人株
筆應消墨數斗一朝擊鼓天際來變似垂楊生左肘奮迅但
欲侵輿圖艾夷那復計良莠先人做廬棄如遺最難忘情哉

寒友歸昌恨不鳴鳥聞紆難誰曾於菟毅久擬和羹儲鼎鼎
 已拌霜鬢梁蚪蚪殷勤樹木猶樹人古誼相敦重黃耆我室
 無奈寓他人狂喇竟同犬被噬綠林極力揮長斤繞徑何心
 酌清自偶來相對不酸辛除是耳聾目雙瞽吳中鄧尉粵羅
 浮千古流傳等响屢足迹未到名空聞辜負寒香顏已厚一
 株甚少尚難容不知伐去伊誰丘吁嗟此梅成子虛吁嗟此
 梅化鳥友坐視切莫嗤愚蒙伸言又恐被鞭扭羽毛顛顛止
 屋烏形容困頓喪家狗存亡孰得司其權總由數定實非偶
 樹猶如此人何堪浩歎拊膺仰搔首但願上天造草昧無令
 下土成瓜剖救民水火無遲遲戰則致勝攻則取我亦攜家
 歸去來牽蘿補屋掃塵垢再覓寒梅栽幾株花時倩鶴慎防
 守立德立言兼立功自有人稱三不朽閉亭無事尋前盟春
 酒相因介眉壽

夏日山居即事兼以自遣

今歲他鄉雨最多此鄉不雨奈愁何竹經盛夏難留客禾到
 秋始發科汲飲隔山尋石窟分流中夜仰天河烽烟未盡
 民生苦旱魁何堪受折磨
 我來三載住山家三載偏逢兩載差餅餌不香田舍麥羹湯
 空餉野人瓜雷聲裂石前村起虹勢蟠霄落日斜稽事倘教
 如小熟更從何處話桑麻
 漫道詩書樂不疲詩書不療腹中飢棲身枳棘原非鳳曳尾
 汚泥且學龜一成無成休便老百端有命恰宜癡廬山面目
 生來定入世由人相以皮
 不甘沈寂不覺塵到處能安自在身閒課兒童忘日永偶隨
 父老話天真遍回亂世才須斂澹定深心氣乃伸未審無懷
 今在否願借雞犬結芳隣

簡徐髯翁作梅

七十不作金陵遊窮鄉避處誰與儔盡日馳思倦欲臥矮屋
 欠伸時打頭憶昔相攜人五六策蹇隨翁訪靈谷一鞭驅背
 松陰行席帽棕鞋頗不俗歸來薄暮清興爽僧房留客傾香
 醪輕風暗襲水榭淨明月斜掛霜林高談今論古意無盡神
 游八表驅靈轡從此一別返閭里各各生涯鑽故紙陵陽山
 色青浮空子明仙風君仰止獨我豪情今不存鳩居我巢鷄
 復毀架上陳編全棄捐庭前名畫盡焚燬擔囊奔竄借我妻
 我妻被嚇道途死福患至此誰能堪君往深山當不爾欲將
 近況詢起居路遠無由達知己我不果往君不來長林秋浦
 增徘徊年來境遇催人老未必髯翁顏不衰髯翁昔日髯純
 墨髯翁今日髯應白名山事業須人傳滿望髯翁任其責莫
 因事變來無常眩我心情奪我魄老來見解非少年當為後

靜觀詩七

綿教澤我心疑義難遠明問奇待造子雲宅

六月二十三日得雨戲題時子適自警齋館中返

暑中訪友不知暑日午歸來汗如雨平田乾久禾欲枯熱氣
 蒸空火空吐俄焉雲際轟晴雷催起西風挾雨來天河倒注
 勢傾瀉農夫荷插憂懷開我也當擔坦吾腹一榻新涼睡初
 足醒來笑共山妻言此雨汝實受其福請聽窗外流水聲汲
 飲免到前村行不雨二十餘日塘湖盡乾余妻每
 應村婦入山阿深處始能得水

過訪曹養吾寓齋

吾愛養吾子書堂開水涯機心忘野鳥生色媚幽花曲徑樹
 陰密當門江影斜新涼天氣好一卷讀南華

養吾留宿小齋即以奉贈

吾儒原不契烟霞得遇高人與轉贈范叔別來寒較甚江淹
 文進恨偏加汝南月且誰真品池上風騷的世家自宋曹立
 甫先生流

傳至今祖孫父子以風且喜深心談竟夜免因秋水歎人遐

養吾用韻見答賦此留別

老屋疎林曳斷霞多君為我酒頻賒遭時難得安身便餐飯
還期努力加到眼湖山供夙好盟心孔李本通家余與令叔
協和同受

宿家子特白奇山房次日食鱈魚曼卿適至

山溪有鱈魚余久聞其美思之數十年膏腴未露齒昨來宿
山館温涼話知已晨起未加餐食指動不已隔籬人賣魚聞
之色然喜買來適為鱈夙嗜幸償矣呼童速烹之拂袖供刀
匕煎將蒜葉青佐以薑芽紫甕中藏無醯甘蹈乞隣恥活火
沸香氣涎垂欲染指敲門曼卿來一笑天所使列坐共傳杯
相邀轉難比肥勝松江鱸鮮奪武昌鯉惟茲佳味陳足慰老
饕鄙何曾食萬錢下筯那有此短榻依東堂醉卧呼不起

靜觀詩七

信宿子特齋中擬遊萬羅山不果

本為看山訪故人到來連日轉逡巡開樽且盡重陽酒板褐
難消十斛塵笑語纏絲緣久別林巒咫尺罷相親石門自有
通天路蓮社尋盟待問津

題笑面圖

有人惡人逋負不償曰借時則笑取則反顏初終變
態令人難堪因繪為圖以洩幽憤子盍為我題諸余
曰是不可徒責夫人也爰賦長句以箴之

人非於人有求也誰肯強為歡笑者有無相通亦常情獨有
人焉意偏假本來心性不相伴忽爾意氣膠漆投孔方兄與
作之合遂令逋負無時休此則嗚恩彼用詐豈真式好終無
尤一朝執券索舊欠怒目而視如仇讎反德為怨縱難料何
必從前顧笑我笑面而借笑面還從此再借兩不難鈎魂攝

魄筆端勁按圖也應心膽寒責人如此非不至竊恐易地人
皆然我有一言君敬記天地生成多美利百計千方權子母
剝削殊非大丈夫事士食舊德農服疇引恬引養傳千秋市廛
有罰戒逐末先王猶且妨民偷無美利利天下源清當共承
其流不此之察徒人咎繪圖意尤失忠厚人心如面能幾人
操券何能取左右君如效券真人豪並燬厥圖名益高生財
大道原自廣小惠權讓鄉鄰叨反躬不去胸中刃莫怪人戴
笑裏刀

懷吳山賓先生

吾鄉多隱者大隱是山賓風雨高田路艱危曠代身張華真
博物孟浩獨安貧雅意修天爵懷哉卓古人

喜吳湘江至

與子同為客今為訪舊來碧巖雙屐健黃菊一籬開匿迹疎

人事論文陋霸才燈前持酒盞相對共徘徊

與張警齋吳湘江遊石龍小邨榛莽盈蹊未能周覽有

作

獨遊未為樂相偕期得朋看山愛山近把臂欣同登幽擬蚪
穴探險當猿壁陵舉步礙叢棘折腰牽蔓藤豈不欲長往蒼
鬱難自任清興一朝盡卻立空生憎掃石勸客坐縱觀懷較
勝烟巒秀環列霜林霞遠蒸乘風一鳥出歷歷秋空澄時艱
迹難聚境阻情易增感彼重惆悵眷茲少頓仍時無康樂公
開山誰則能

冬夜山齋

客去荒齋寂身閒獨夜寒茗香消酒渴燈炮逼更殘石氣兼
霜肅風聲帶葉乾仰看星象朗北斗自闌干
不寐

寒夜亦何永容懷淒復淒此身飢欲死無地擇能棲月色沈
刁斗冰聲踏馬蹏壯心思起舞何處可聞雞

冬日喜雨

自秋徂仲冬不雨九十日日天晴明融和霽虛室微裘不
禁寒稍喜陽光通年事須順成念之轉心惻黃昏大風起薄
暮形雲集一雨中夜來達旦勢加密晨興盼中田青青麥苗
濕老農朝荷鋤寒烟被簑笠就我話須臾煩愁恍然失縱牧
牛羣歸栖林鳥聲息安得雪霰霏使我蒸民粒

寓齋偶感

十年烽火滿江干何處僑居得少安烟靄竹廬斜日暗雪消
村路朔風寒謀生轉笑攜家慣歷險才知避地難博得一壺
山店酒燈前高酌強為歡

別張警齋

咫尺原非別臨歧亦黯然前期虛歲月後會警烽烟世亂艱
謀食文高不值錢況當分手處風雪逼殘年

寄懷張警齋

憶從五載結心知此日何堪遠別離得地卻欣為客久論交
深悔識君遲紫巖木落書堂淨烏杜雲寒釣艇移風絮兩萍
期聚晤一樽重與話相思

與洪生五樓

六峰高弟推三劉誰其繼者洪五樓從學雖遲識超邁意氣
直欲凌千秋山堂問字日勤懇見地每高人數籌巨口懸河
瀉寸舌方瞳列炬開雙眸登峰造極事非易植基須向英年
求以吾一日長乎爾蠹魚鑽紙空白頭諸子雅抱嗜癖癖後
先師事膠漆投即今一一為屈指學欽風骨清且道崇禮軒
舉境開拓瑞芬穎異工冥搜生也夙性最好古吐棄凡近誰

與儔餘事作詩並作畫筆端時有烟雲浮願子屈華務崇寔
名山風雨嚴真修文章總緣經術貴德行原藉道心留儒生
大業貫天地莫教歲月成優游春光不著無根樹斷港難滋
有本流左右逢源在深造壯志幾見桑榆收讀書悔不十年
早窮達有命夫何尤嗟余老矣勿復望少壯努力期無休士
別三日刮目待舍子數輩將誰酬查客行看犯斗牛

戊午除夕有感

又是一年盡遷流真逝波漫天霏雨雪匝地苦干戈筋力奔
馳倦風聲遠近訛放懷聊自遣浩浩發長歌
茅齋容小住門閉任敲斜人借地爐煖酒難江店賒愁心增
旅夜吉語聽鄰家何事頻添喜寒燈自放花
即此便為福依然偕所親殘宵忘歲事清話聚家人屋小牛
添件餐分犬戀貧筆端毫髮盡無意寫宜春

靜觀詩七

吾生何不可夷險總由天列炬疑兵過哀笳警客眠窮交餘
白髮故物守青氈未識安吾素從今定幾年

己未元日

淑氣透重林平明噪野禽臘殘初試暖春到即成陰老乏匡
時策窮增去世心勝人無別事終日儘狂吟
元日宜端肅年來禮數寬逢人稀拜跪對客省衣冠性恰容
稽懶家真類范寒饕殄愁不繼莫問五辛盤
偶步柴門外林陰雪未消時危生事減地僻野情饒看竹依
荒徑探梅過小橋悠悠溪水上一塔勢孤標
獨出乘幽興歸來趣益橫風霜加馬齒湖海狎鷗盟酒盡杯
猶把棋殘劫屢爭機心全不涉何許一先生

琴石歌為王廉堂作

我不能琴識琴理擬向琴中參妙旨琴製由來非石成那有

石與琴相似康堂堂下一琴橫石乃其質琴其名長短闊狹
巧中度絕無雕鑿天生成問君此石何處來君云得自齊山
隈雅愛當年憶先祖琴峰作號由此哉我聞其言重太息往
復摩抄意無極水仙難與成連求廣陵未便秘康寬靖節高
風千古傳趣在無弦人莫識琴調一曲石三生石耶琴耶情
兩傾不能使琴彈石聲不妨有石標琴形惟茲琴石寓琴意
庶免按琴鳴不平十指不揮目遙送去鴻天際飛冥冥况君
砥礪數十載少壯心情今未改字裏官商老愈諧胸中叩擊
依然在琴峰相對深景行祖武克繩握真宰論交惟我最知
心莫焦桐作苦吟願洗人閒笙笛耳直從山水溯清音學

人日

元日至人日用杜陰多卻少晴草堂權下榻塵金藉炊羹細
雨春帆過空江畫角鳴薄田衣食寄何敢廢謀生

靜觀詩上

九

此鄉人事好招飲共盤桓量小連朝醉身閒到處安做廬慚
久別新歲強為歡莫道天難問茫茫俯仰寬
高厚雖無極從教踟躕深真儒原不腐未俗得相親未遣惟
詩癖惟微是道心人生各有命何必計升沈
幽懷殊落脫好景最清冷積雪明遙嶂輕烟散曲汀林泉增
隱蹟未相閱農經祈穀來朝是晴開擬薦馨

元夕

今年今夜月初見一回圓春氣猶餘冷清輝獨占先慕精狂
肆毒免魄靜完全寫景辭雄怪奇才羨玉川是夜月缺
二更月如舊皎皎照天街已減觀燈興徒增覓醉懷嚴城喧
鼓角僻壤寄裙釵料得深閨裏徘徊立小階
昔時逢此夕行樂輒終宵百技魚龍幻千家笛管調偷閒期
學少遇事戒生囂須識年來境今朝異昨朝

靜觀詩七

悠悠雙鬢短耿耿寸心丹劍氣衝霄勁鏡歌載道歡崑崙三
鼓捷星斗一天寒望古情無已披襟自倚闌

春夜與王香厓小酌

杯酒談心夜二更月光澄澈照春城一身喜健貧何礙萬事
知幾夢亦清品誼攸關宜引重文人結習類相輕少年豪氣
今猶在華髮無端兩鬢生

遊蘆蕩嶺尋雲水庵故址

勝地猶堪到荒庵不可尋林幽曉鳥聚徑轉落花深峭石含
禪意空潭洗客心相看情不盡留戀白雲岑

謁方學士祠

國事非家事綱常見獨明讀書真種子正學一先生草詔堅
詞拒麻衣大義爭遺孤誰保護魏澤是王成

萬羅山

名山何必借人傳氣象崢嶸有萬千曲徑林遮雲出岫巉巖
門闢路通天清溪坐釣宜江祖白奇行歌憶謫仙健步且欣
凌絕頂塵寰下視興翩翩

鱒魚

江鄉風味美無厭入饌時珍箸可拈偏是老饕嘗較早莫因
多骨恨頻添棟花欲落先爭買莢筍新抽煮必兼行酒恰宜
佳客到寒生草閣雨廉纖

酬方魁士見贈之作即用原韻

無邊秋色勝春芳烏柏丹楓引興長何幸烟波逢釣客竟從
道路識騶黃談心幾度增愁思憤世真堪託醉鄉惠我瑤瓊
舒我恨沈吟猶覺齒生香

贈方爾卿

烟雨迷漫九月天小齋留客共流連然燈煮蟹應消酒隔院

靜觀詩七

聞雞待著鞭莫負談心今日裏端期立脚古人前余嗟遲暮
君英邁翹首青雲盼後賢

訪樂鳳鳴不遇

十里尋君到草堂柴門不啟獨傍徨籬邊瘦菊仍秋色隴上
丹楓自夕陽欲遣離懷翻隔越那能詩句共商量定知我去
君歸後悵望江天兩渺茫

喜樂鳳鳴回館

來自忽忽去獨遲相逢一笑遇真奇長途冒雨和衣濕老屋
臨江獨樹支暫聚恰如鴻爪寄縱談何惜蟹螯持開尊盡領
魚村味莫遣三秋重別思

己未秋杪余僑寓石澗適古藁郎良弼至流離轉徙悵

悵無依心竊憫之作此以贈

可奈無家客偏逢失路人寒風摧落木大地莽荒榛往事增

靜觀詩七

士

惆悵幽懷藉引伸窮途知己少為子重酸辛

種菜

宿雨喜初晴晨曦上墟里田事方告終復此園蔬理隨時各
有管荒怠我心鄙旨蓄貴御冬非侈羔豚美寒烟凝一畦嫩
綠勻無比隔籬一叢菊含英綴疎蕊秋老猶未花得毋傷棄
委抱甕勤灌將權學漢陰子清節自重陽柴桑風杳矣蟹酒
雖云佳稱鮭雅宜此

自瀕江步至石澗

伊云山中久被烟霞痼江干勢平夷聊與騁芳步高風遠
戍笳落日荒洲渡懼言瞻美人秋空目遙注茅屋依菰蒲沙
田下鷗鷺環溪阻前程迂迴轉成趣俄焉升崇岡來途喜無
誤行期少休幽磻趁歸路誰家燈火明湖天障寒霧

過孝娥廟

寥落江干上三閨老屋存令名垂竹素遺烈壯梅根大冶應
消却清流自洗冤我今欽至此翦紙賽當門

孝娥歌

孝娥奇孝也余過其廟賦詩弔之茲復作歌詳言其
事

鐵官鑄鐵鐵不銹鐵官任事無成功吁嗟鐵官罪難追鐵官
有女憂心忡此鐵何來質穢惡梅根開冶真成錯良冶之子
學為箕兒在深閨力難著女兒身是阿翁生忍教命死兒忘
情千思萬索計無出意態直使蒼穹驚鑪火迎風風正烈鑪
烟被江江欲黑頑金在冶寂無聲干將莫邪那可得一點誠
心冰共凝九轉愁腸熱已極拚將瓊玉擲洪鑪倉皇誰復知
空色須臾融液火純青就中幻出化人形珠履一雙浮烟燭
蓮花隱約開亭亭芳魂留戀向江國滾注入水昭精靈鐵官

貴池先哲遺書第三十

士

鐵官事非偶有女如娥堪不朽挽回造化天無功是真闢破
鴻濛手人中矯矯鐵錚錚今古迢遙信罕有廟貌千秋傍水
湄一回翹企一增悲南征張纘曾憑弔羨殺邯鄲絕妙辭

貴池先哲遺書第三十

靜觀書屋詩集卷之七終

靜觀書屋詩七卷太夫子章六峰先生著 先大夫一再搜訪刻梓以傳者也 先大夫受業於先生從戎以後遂不相聞而先生旋歸道山 先大夫求先生詩始刻其居易堂殘稿屢數十首繼乃得先生全彙於桐城劉子琛先生所子琛先生與 先大夫同為先生及門弟子 先大夫謂先生遺集展轉兵燹卒自全於天壤可以觀天道誠哉其有幸也先生詩雖從容抒寫而中函道峭清峻之旨五言閒為選體略及孟浩然常建七古學蘇長公元遺山吳淵穎諸家七律開闔縱宕格調高響往往似放翁入蜀諸篇至云土草不生誰管仲陶潛雖隱亦荆柯俯仰人世寄慨殊深其論次諸布衣詩有吳野人沈方舟在內先生五律頗似方舟五古論事質實亦有不愧為野人嗣響者先生每手錄吳次尾劉伯宗丁東鶴章南湖諸先生集今樓山嶧桐兩集前合刻成貴池

靜觀詩跋

十三

二妙集先後又得南湖先生文八卷詩四卷都刻入先哲遺書獨於丁東鶴先生集未能獲得終為憾事 先大夫又謂先生素講經世之學而所傳僅此今集先哲遺書仍再刻之亦 先大夫傳先生意也 先大夫刻先生詩時在光緒乙亥余甫於是歲生今年垂四十五矣 先大夫壬辰薨於位見背已二十八年余不敏私欲為先生綿其不墜之緒而先大夫之不可作無從趨庭請質此意是則余所深隱恫者耳宣統己未十二月二十有一日門下晚學生劉世珩謹跋

華

職

餘

偶

蔣	屋	如	厓
氏	校	月	涂
慎	印	著	凡
脩	甲	始	吉
書	寅	丙	成

自序

成豐壬子三月吾友黃子小園教余詩是日借王粲民程首
薌黃問芝小園兄弟遊樂得印同人各賦菜花詩一律此余
與問芝學詩之始也自是唱和作數月歎明年癸丑正月
洲告警各竄遠鄉於是暉緩之音一變而為嘒殺年來悲痛
愈深不復成聲矣自己未八月後祇庚申數首蓋筆硯既焚
不忍再作馮婦此余不作詩之始也中間所存詩不滿百首
又雜言數十首敢言文哉聊以紀流離之蹟俾吾子吾孫知
前人亂世苦慘庶自警惕詩文其奇也然人有哀樂或寄之
詩文至於不復成聲不識後之人其亦知昔之人悲痛何若
耶辛酉八月二十七日兩窗偶因道人識

自序

金陵書
蔣氏校印

此稿爲余題辭者不下數十人獨老友姚西農謂余詩有冬
心又謂余詩不類詩仍是作文此二語有褒有貶頗得瑜不
掩瑕瑕不掩瑜之妙西農名必成一字平甫溧水人

自序

射策金門奉書采殿行詔絕域草檄疆場謂我願乎然而僕
病未能也攬垂虹以爲絲投明月以爲餌馭風雲以爲馬垂
煙霞以爲褥謂我願乎然而僕病未能也師廣成友赤松拜
洪崖揖浮邱謂我願乎然而僕病未能也戎馬蹂躪東西窺
遂親朋棄絕妻孥斥罵坐臥容尺日曝兩粥一戶北向酸風
獻起鬼不肯鄰夢亦遁去謂僕願乎然而不敢不能也已未
八月鹽城秋投筆誓與文字誓浮煙浪墨甯不羞乃復刺刺
不肯休自是忍話如羈囚鬱至今載病與繆狂言大發不可
收鐵骨甯作繞指柔鸞鳩願鵬忽大笑塗抹甯參性命與萬
物怒號作眾竅留如詛盟誰之召工何龍策拙何謂曼衍窮

自序

金陵書
蔣氏校印

年從所好彭鏞八百不言毒蟬蟬夕死德且劭謂僕願乎然
而不敢不能也癸亥十二月二十八日偶因道人識
僕性粗率不能堅定少時飲興豪屢戒屢犯至壬戌年五十
有四酒病成涓滴如仇不待先生戒矣於詩亦然壬子已來
吟思最苦尋想默矣己未八月焚硯自誓甲子又犯前戒祇
不似往日之默至今年五十有九精神大憊心如智井一字
莫吐又不待先生戒矣血氣之衰至於斯極曷勝浩嘆丁卯
四月六日識

自序

三五村老坐大樹下信口開河婦孺環聽爲之撫掌知他說些甚麼也縣官擊鼓升堂書吏抱牘進高帽者立兩旁王子圍跪前穿封成跪後上其手下其手知他說些甚麼也館先生擁皋比陳仲子其貌彭背袋其口幾箇者也之乎搖唇鼓舌又知他說些甚麼也尋思還是坐大樹下者所說有味其正論可以警世其村語可以解頤便有忌諱不避處鄉愚本無知識看官可以恕他第恐鸚鵡罵人羣憐其慧烏鴉報喜翻謂不祥則吾末如之何也已矣丁卯四月十三日偶因道人燈下識

村中無紙買檢廢書作草本有所聞即記之信手塗附久之

丁卯自序

金陵書局
廣氏校印

字跡不復可辨茲錄其可辨者數則不可辨者他日或精神好再足成之未可知也聽之燒之亦未可知我猜是燒之數多耳又識

題詞

江甯汪鎮甲賀秋
其境超以曠其言明且清觀空天地小造險鬼神驚豈復有餘子於君見至情偏師息旗鼓五字讓長城

溧水姚必成西農

蟻陣任爭鬪浮生付達觀南柯尙有郡舊國隸槐安且續夢中夢從頭演稗官蓬廬天地窄不及睡鄉寬
蒙莊一枝筆夢裏授先生混沌古初氣道遙物外情馬嘶寫秋水蛙影化長城道自在蟻蟻何心斯世爭

丹徒包桂芬山甫

居然蟻穴有長城轉眼風雲變應呈古往今來都是夢瀟子

丁卯題詞

金陵書局
廣氏校印

何事笑先生

離合悲歡各不同夢中有夢總成空我今一夢渾忘覺不獨

先生在夢中

審雨堂傾不可支無端生境幻迷離數千百許須臾盡付與

生花筆一枝

獨立蒼茫絕傍依幾人能識太音稀莊生屈子淵明叟信手

拈來總化機

元和王 炳璞臣

淚痕滿紙信堪悲煙雨滄江有所思不是扁舟三峽過如何卻似聽猿時

長吟短詠總悽然烈士悲風感暮年擊碎唾壺聽不得哀江

南賦北征篇

風煙無際極迷茫
多少人間事可傷
腸斷方回詩卷在
孤篷

細雨過橫塘

江夏鄭 襄登侯

勝流滿眼盡消歇
寂寞槐柯百歲翁
老抱琴絃來海上
天留

詩句徧江東
漆園妙旨今猶在
樹栗里高情世罕
同小縣未應

懷抱展春深
悽絕牡丹紅

先生近日有
看牡丹律句

一
心
題
詞

二

金陵
書
海氏
校
印

蟻餘偶筆

金陵叢書丁集之七

江甯劉因之

詩

爲廬鴻謀題畫

癸丑 寓居 是年 春由 吳興 歸 井

老樹枒杈八九橫 茫茫大雪亂山迎 有人扶鐵橋頭過 如此

寒天何處行

曉起

露草白無際 籬花開幾枝 淡雲吹鳥盡 初日浴宮脂 市遠人

趨早山深客到遲 攜籃呼賣餅 赤腳有村兒

吉山麓與行五坐大樹下

春深山有香林密 日忘午亂石古 陳園幽禽新 樂府薛跡綠

一七 續筆

金陵叢書 丁集之七 劉因之 印

栖雲衣痕翠 鴻雨坐久不知歸 相對無一語

借行五登獻花崖

路轉幽栖寺 梯乘最上層 點煙團萬井 尺硯小千崖 仙蹟懸

崖 識樵聲隔澗 澗夕陽斜 笠影歸路問山僧

過牛首山是日大霧

埋霧翠巒死 辭風萬木瘖 殘鐘沈絕壑 怪鳥歛深林 幾輩登

臨去塵氛日苦侵 茫茫迷七聖 何處具茨尋

改癸丑祖堂作

喬木上幽際 寒雲無媚容 仰攀猿鳥徑 俯視牛羊蹤 澗底聞

樵語 隔溪來遠鐘 吾家煙樹外 知在第幾峯

登牛首兜率崖

甲寅 吳馬 是年 七月 由谷里村徙居 溪橋 九月 又移句曲 王莊

排冪流層雲 盤紆轉絕嶺 雲氣冷風生 躡足萬松頂 宿雨霏
重巖 白日澗孤影 殘晝他江城 寒煙迷萬井 高高上無極 去
天不容尺 呼天天不聞 我涕沾胸臆 河清自有時 人壽難再
得 憮然來下方 燈燈安所適

問影

兩窗燈下讀陶元亮形影問答詩 願影在側 呼而問之 終
不一答 不知答耶 抑欲答而中忘耶 書以證之 黃子小園
人生各有歸 吾生安適可 將爲落溷英 抑爲勁霜筍 將爲守
口瓶 抑爲炙數輟 欲佩西門章 輒美與性左 欲佩安于絃 婢
直售 轆舸我行子 亦行我 坐子亦坐 相依五十年 豈無持贈
我 問子子不言 燈花和雨墮

一七 續筆

金陵叢書 丁集之七 劉因之 印

元日試筆

乙卯 王莊 是年

今昨未甚懸 長晝如添晷 雲樹亦猶是 氣象新如洗 爆竹開
比鄰 桃符換舊邸 村飾豔紅裙 山杯薰綠蟻 柴門八九家家
家足薪米 兒童一笑逢揖拜 且唯唯 父老無他言 但道豐年
喜 今時是何時 義農生眼底 至竟淳古風 栩栩猶未死

開行山徑忽見梅花有懷問芝書此以寄

山路無遠近 出門欣獨往 餐勝祇自知 得句誰貽餉 行行籬
落間 野竹橫三兩 仰視早梅花 悄然媚孤賞 所遇在希夷 高
風抱絕巒 我有素心人 渺渺寄遐想

山行

合沓山四圍 斜陽紛滿路 時有鳥往還 兼之雲來去 繞樹落

鮮英沿溪飛冷絮遙聞雞犬聲知有人家住

相見難

東去江水滔西去山水激并入大河流相逢兩不識妾乘下水船郎船東風急遙遙見郎船恨不奮生翼招手急呼郎郎問船頭立答言響未終船已去千尺日怨相見難見轉不相即小罵掉船奴挂帆不少息

積雨

不有亂離苦沈陰亦可悲矧茲多病值兼賦北門詩衣垢生今辭廚閒憶昨炊子與久不見裹飯問誰貽

雜詩

驅車之東門意氣凌太虛登高縱遠目浩歌當歡歡暮齊編

丁巳

三

金 庚 庚 庚
蔣氏校印

氓宿朝日拜丹除勝權奪故寵鴻文鄙宿儒宿儒不可鄙盛名不可居傲廬不可棄故友不可疏渴飲茹溪水饑食湘波魚長揖謝夫君歸來讀我書

鴻鵠廓逸響階蟲與唱酬非無仰止意開絕焉能侔所處杳無際所願渺無備所思風雲絕鬼神與爲謀登岱俯眾嶽觀

海狹羣流神人揮八極梯米視九州

烈士多悲風志士多苦心悲風激以厲苦心蘊以深采薇首陽下臥雪穹廬陰豫呼襄陽聖杞哭齊城傾紫霜棘炎夏橋葉振春林溺灰不終死孤日不終沈披沙以揀寶往往得精

金

精衛填木石海若不敢波蜻蛉撼秦獄巨靈不敢訶翻車追

白日赤手障狂河博望有奇氣魯陽無迴戈明哲鑒天地之死不知他不見移山愚九十忘蹉跎天帝嘉其勇大力呼奔娥

神龍戲淵海鱗族挾風雷鳳凰羽雲極羽類起林隈山公居選職羣倫盡委懷荆州號蔚士英傑咸登階歐煙無蹤治輪門無棄材濯濯十步澤芳草毓奇胎落落十室邑忠信呈異才

雜詩

東鄰工織縑西鄰工織布縑好問者多布好無一顧東鄰美且妍車馬門前駐挾瑟上高堂良會傾朝暮良會未可希朝暮容易度今日匹素鮮明日成朽蠹願彼西鄰女椎髻祇如

丁巳

四

金 庚 庚 庚
蔣氏校印

故積勤以計功歲終餘五袴

雜詩

沮溺不世情荷蓀無與偶植杖有餘閒迷津幸未久春及農人告相率畊南畝雞黍餉晨炊歡言酌斗酒尼父過其前自笑非吾友我有同心人二三荷鋤叟

爲容渠題畫

餐勝輒忘返探奇每遠矚即境多所欣賞心寓閑目自行過小橋忽見籬邊菊陶公去已久彭澤空芳躅遙詠畫中人孤情抱幽雅

村居雜詩

平日笑鄉愚謂其粗且鄙問君精密者畊稼乃味是白粲高

坐食時能參厥旨避居來山中愧與鄉愚齒未相尋常物睹
之怪驚喜采苦備朝餐食之誦奇美尋與父老談樸實能說
理此風頗不惡雅復軼文史一物苟不識儒者輒言恥不知
今之儒所識能有幾乃悟坐自大遼東羞白豕

黎明容叩門燈時門盡閉日課有三餐夜課唯一睡相願了
無猜且喜聚以類小兒助農忙打麥競爲戲稚女學村言習
口都成例衣冠不數見見之輒驚異往來杯酒間蔬筍安言
費行行入市來薪米紛紜至但備十日糧更無他事累所慮
客囊空對之轉生愧

大兒騎檻坐小兒就地嬉何解音與律促口設成詞一兒唱
未畢一兒輒和之中間雜笑語抑揚乃多姿因知天籟發靈
緒綉紛披腐儒窮白首啞啞徒見嗤

書所見

婚姻各有偶亂離多權宜攜家數口出轉還知幾時一身不
自保數口安可支女兒既長大早嫁勿愆期城市苦好事習
儉農家持一飯得粗飽他復何所思女兒上車去阿母悲淚
滋作苦雖非慣猶勝常忍飢天命苟有定勿怨我不慈東鄰
聞鼓樂西舍笑語嬉賓起看新婦棗栗多贈貽郎官誇鄉里
落落改風儀某某爲我舅某某爲我姨阿母早聞此獨坐咨
涕洟

甲寅七月婺源俞生秩廷來訪薪米之事頗爲籌之冬山毗
陵歸里復有所贈今年春夏間疊聞婺邑之警傳信傳疑

路隔言殊媿不能往親六月十日始得近耗幸無恙書此
以寄

亂火叢烽際流離廢此身媿君頻問訊驚我尙爲人性命聯
文字悲酸到米薪天涯猶有汝香火儻前因
聞道微之發崎嶇總是山懸無度飛鳥險竟走羣蠻慘極天
唯睡悲深鬼亦瘞眼荆棘滿何處問人寰
亦幸春陵免傷憐意或多驚魂銷不得傳語聽偏訛夢誤前
頭路愁翻大地波詢知得無恙且爲故人歌

寄王中美

習險不忘厚索真猶近情持之自有故味之我心傾座間一
尊酒款款若平生拂我清風琴濯我孺子櫻相喻以沖淡所

託在微忱木樞辭夕暉桂樹保冬榮風雪厲嚴寒空山獨憶
君

野望

老木靄煙霏蒼冥四圍殘虹帶雨過歸鳥坐雲飛野老荷
樵擔家人倚夕扉兒童驅犢返三五戲斜暉

枕上聞蛩

已自抱孤寂何須抵死吟空庭誰與語獨夜祇酸心月冷光
逾瘦燈昏暈欲沈銷魂當此際那復問知音

散步

幾行歸雁去千點亂鴉還新月釣空水夕陽緒遠山茶餘村
老散飯罷寺僧閒我亦蕭騷客年來已閉關

有容

有客叩我門言借鄰翁至一揖輒見肘落落丰采異談論多
奇賞頗不今人類呼兒速作飯壺酒村前贊相約祇笑言勿
及亂離事所忌或觸之起坐罰以解明鑿借鄰翁權如監史
置杯盤未及終各各籌算計我罰數最多客纔十之二迴頭
顧鄰翁翁已徑先醉始卒無一言嗑嗑垂頭睡

話雨軒看菊同問石石心問芝小園作即呈蓉渠主人

孤芳不偶世幽賞得其真花好甯嫌瘦秋高肯近塵一杯曾

醉汝三徑有傳人尙憶南陽士柴桑許問津

不寐丙辰年八月五日

獨晨俯味谷竟夕仰扶桑待曉宵已倦輾轉猶未央冉冉燈

燄盡微見窗上光披衣起出戶四顧空徬徨雞聲寂無響冷

月依虛堂愁思媚春蘭容髮貶秋霜豈止一歲隔遙遙千載

望

獨坐

獨坐百感集出門何所之沈酸入骨理寒栗森膚肌當晝忽

若夜既餐轉如飢馳逐他人樂俯念悲愈滋

寓中孤梅

空山渺幽姿隋然若有悟春來花自知花落春自去本不植

塵寰知希乃其素我若禮花神旗檀爲爾鑄

寓中牡丹

幾閱興亡境飄零旅此花春風自開落故老說繁華舊葉蛛

垂網銜泥燕作家時從屬事過惆悵夕陽斜

贈姚西農

鬼國終埋夜愁城不肯春範形偏選子忍死鍊爲人龍性誰
能擾鴛委豈久溼斗牛看氣象終古劍光新

題友人幽居

塵世幾歷轉層巒幾紆曲采樵不聞音松花滿澗谷暖暖白
雲間三五茅茨築鄰好時往還所著皆道服薜蘿挂明月沙
鳥案頭宿中夜受秘書晨坐展卷讀好風迎軒至興象在蕭
木落葉滿閭庭一一想幽躡

寄懷王蓉渠

中夜抱幽蘊待曉與君語徘徊不敢前吐之又復茹茹之傷

我心吐之恐傷汝高山亦有陵江水亦有滸我思無絕時君

情定何許

十一月二十四日接蓉渠書知將歸南翔道過吳門

客自華陽來老友手書至既喜又復悲愁思迸五內所喜故

人在一紙天涯寄所悲書中語讀之復酸鼻瑤緘未及開淚

已紛雨墜不如并書無忍心得姑置

聞有南翔行間道復經茲初聞既信是轉念又疑非自分異

域死與君長別離昨夜夢見君挂帆雲水涓信有前來意行

行無愆期我有一尊酒待君斟酌之徘徊亦既久前來尙無

遲

璞臣久未見近有自金闈來者云買二琴返山中矣

久不入城市山人知見稀昨聞五都過訪得二琴歸幽賞絕
空世道心清見微閉門時一撫冥跡想依依

酬包山甫原韻

一蟻撼天地孤危笑此身夜郎徒自大秦國豈無人絕響空
餘子高風得大醇南柯新篆攝壞壞亦生春

十二月四日雪

凍雲僵不行山兜風怒起平沙視迷茫寒色森千里旅途無
少年野哭多新鬼流民幾萬家半是炊煙死安得六出花散

作千箱米

一作料應深裏公
一版版沒深裏

十二月七日喜蓉渠至

握手不能語泣然千轉哀著灰心未死強忍待君來不惜推

丁巳年

九

金陵書
蔣氏校印

懷予甯嫌俗眼猜旅魂銷已盡翦紙為招回

正月九日借僕臣自匯溪放舟訪靈巖諸山

丁巳年
仍舊區

西津橋五百梅花草堂訪覺阿和尚

飽看青山過舟中快讀詩

金山子集

梅華何處好紆道訪

吾師閒蹟野雲問道心栖鳥知夕陽時送客但與虎溪期

謁張永夫先生墓

高風存髮髯姓氏被人知夷逸猶堪考陶潛況有詩一坏餘

古墓七字讀殘碑

夫壽之墓人張永七字

我欲靈巖屬煙霞好護持

謁徐侯齋先生澗上草堂

澗水已云圮草堂埋遠山先生揆初志豈願在人間薇蕨采

能飽鷓鴣飛不還

余先友程小深處在

戴吳吳積田先生從祀

者清節許同班

靈巖山館

一徑入寒碧老梅空臥庭子孫幾易姓池館本無靈松響茶

初熟風來山若暝壁間詩讀罷襟上拾苔青

題

無隱庵

萬壑攢奇秀一庵栖遠層到門如有悟入室若無僧隋石不

聞語閒雲呼亦磨坐觀溪水上魚樂識吾曾

天平山

合沓羣樹抱森羅萬笏尊入門天一縷穿磴鳥孤翻老屋凍

鷗立陰崖餓虎踞不知雲霧窟僧住幾朝昏

雨中望碧螺懷葑溪金子春

丁巳年

十

金陵書
蔣氏校印

若近又疑遠碧螺何處山高風渺天上詩卷在人間醇士世

難得好緣天亦悻

遊天平之明日因事返區溪訪子

坐風雨掩柴關

留別璞臣

躋幽不知遠履險若為平俯仰同懷冬曠覽若平生朝發齊

女城尊至香水濱空翠歷在眼一一莫能名疑是蘇門山潛

居有孫登

言向鹿門來言訪龐公址舍舟叩荆扉應門有稚子覓火蚌

為燈煮茶燒敗葦挈瓶市村醪廚下炊新米盤有水晶鹽其

味甘如旨賓主兩無言一庭澹如此

晨征策飛鳥夕歸雞已栖寸心掬萬古悠悠誰與齊登峯凌

絕頂俯視塵寰低茫茫九點煙望之已迷離況復帝關遠帶
雲不可梯

平原十日飲初意猶嫌淺奈何塵事迫吾駕輒言返巖松堅
閉關薛蘿謝絕嚙習隱慙未能山靈空繾綣

吳山高贈金子佩之

佩之常欲訪余因事不果余過其宅則又他往既遇於齊
女城僧舍兩不識也復先去逾數日再值之山甫爲兩家
通問訊佩之則大笑握余手極道相思之苦余亦爲之傾
倒轉憾天公咫尺間作如此狡獪爰賦是篇贈之

朝望吳山高暮望吳山高吳山不可見俯仰心怱怱怱復
惻惻夢至吳山側美人期不來香草空秀色秀色媚層巖吳

七
七

十一

金陵叢書
蔣氏校印

山若在前攝衣從之往吳山渺若煙煙飛雲絮亂遠岫展復
見天風引我回頭識吳山面面藹惠春風吹入吳山峯峯峯
百千朶朶朶開芙蓉芙蓉一何綺娟娟照秋水我欲把芙蓉
上朝玉京子子作吳山石我作吳山雲來往芙蓉下朝暮得
見君

正月二十日小園書來備言窳狀

舉室澹忘天宵然坐智井廚閒老嫗眠炊煙瘦無影籍琴不
成聲成酒終日醒苦吟各無言相對一燈冷

本庸和尚

世人不肯庸吟竊自喜混沌夫何辜相謀鑿之死楚國有
好璞養澤荆山喪卞和認其奇再別不知恥實則天下傳一

身兀無趾

虎邱寺

正月吳俗磨集圓妙觀虎丘非笙歌葢不一願也偶借張
秋航來此乃見山靈真面茶話久之

孤寂世所遺隋然唯自領空谷足音聞山靈睡初醒梵歌庭
鳥閉汲少澗泉冷坐久無人來松風吹落影

白公祠

樓臨山塘夏秋間燈船酒市有類秦淮感而賦此爲祠前
一洗塵穢

亂離難爲人君詩幾展讀所謂風流者忠孝在骨肉虎丘笙
歌葢無乃欺巖谷樂府幾多篇問誰能往復

七
七

十一

金陵叢書
蔣氏校印

韋公祠

丙辰江以北歲大祲就食江南者多寄居虎邱寺觀之泔
然淚下時我師左次難民南竄者已有十餘萬人在蘇也

流亡媿俸錢誦言我淚溢韋公名刺史讀書不讀律我無尺
寸柄苦乏行仁術一作書目日視流亡多思公如疾疾

再爲程小溪題小溪垂釣圖

甲辰小溪作此圖屬題距今十四年矣當時同詠者前輩
如湯粥翁侯青甫陶子進黃秋沅朱嶽雲老友如家筱坡

俞漱珊夏一齋金子循皆已化去丁巳二月二十四日復
閱此卷循讀諸作爲之黯然況重以亂離之慘雲水流逝

其尤傷心者乎因書四十字於後以誌慨

十四年間耳風波此萬端卷中題咏者若舊半凋殘之子坐
垂釣悠然得靜觀悟思齊物論轉索解人難
書呂唵溪老友題吳問石畫册後

呂老抱奇骨意簡神自清當時知者少於今歎絕倫今昔非
異量希見卽爲珍生死況殊路何惜齒牙芬知否故人在依
然棄風塵

菜花詩

舊廬鷓洲去二里許樂得卽菜花最盛而同人亟繩姑蘇
之冶豔丁巳三月余寓齊女城一時遊女衣香人影誠如
人言爰得菜花詩二首分咏鷓洲姑蘇之異

香風吹遊女陌上遺珠鈿蜂蝶亂花叢酣春午畫天受憎一

一八

十三

金陵叢書
蔣氏校印

時至淡濃隨所遷不謂野田姿媚如桃李妍姑蘇

春風滿路薰野田千畝紛大江出花上遠帆接其分雲乘百

千家問是誰家墳酌酒坐亭下知我唯夕曛

留贈程仰山

慘澹風塵會窮途冷眼看飛狂唯縱酒危坐不更冠對此一

溪水杳然千尺寒多君能識我住久別應難

虞山去匯溪九十里欲遊未果四月十八日蓉渠自常熟來

示遊劔門諸詩爲之狂喜且訂後約

從此絕遊事蒼冥太不情山靈如未死吾世豈虛生所向路
無阻但聞心已驚賓鴻他日至定與結煙盟

四月二十九日始晤孫少雲

萬疊叢烽火音書一字無暫時驚未死每飯輒長吁伯樂猶
今世龍媒亦故吾風塵重洗鍊君視可還殊
涉園雜詠爲山甫作

澆花井

開花日無多澆花忙不了抱甕纒息肩簷頭喚鳩鳥

朱藤舫

疑齋又疑舫朱藤覆古瓦坐有味花人古之陸沈者

覓句廊

行行且復止沈思若死灰到頭成一笑好景眼前來

晴雪軒

尺地渺空山清晨如太古閒庭悄無人幽禽相對語

十七

十四

金陵叢書
蔣氏校印

浮紅漾碧亭

黃筌涉遐思徐熙未脫稿不如風花飛還之造化好

吟窩

曠如詩家築遠如詩簪據猶恐大力至夜半負之去

數帆閣

日日數征帆一一不勝數數到第幾帆橫塘識舊侶

借笠亭

蒼冥一大笠遊人如亂螢我欲一借之用以覆吾亭

燈下鈔故人朱嶽雲道士詩

余寓鷓洲與嶽翁鄰三十年癸丑避居泉井翁寓梁塘相

去咫尺每過必示以近作既甲寅余徙句曲王莊翁亦移

居村之北廟明年春翁歸道山丙辰翁之孫甘竹孫赴江

北余迭徙至吳門兩家音問不通矣時小園客申江聞余

編偶因集錄寄獄翁席中詩來屬補入集中感而賦此

竄處數百里衰年八十翁一身不自飽每念故人窮累較在

家重詩徒紀亂工荒祠坐相對嗚咽况秋風

平昔隔牆住避居還作鄰不應君獨去忍使我猶人呂子書

編墟老墨君黃公酒舍前秋園得知天上遇可似舊丰神

宿草一坏土零緣數首詩天涯故人子千里尺書貽交不死

生異心唯文字知手鈔重展讀贏得淚如絲

登虎邱

四圍低野坐危塔倚層雲一鳥遠空沒萬家斜日曛一作曛

一七編集 十五 金陵叢書

小賦 講臺空蔓草頑石但塵氛為底生公去千年不再開

涉園雜詩為山甫作

尺編搜塵務居寂心猶喧詎意城園中構茲獨樂園謂是安

仁宅言訪鄭公門捫蘿窺鳥徑穿石坐雲根估帆落窗影鄰

禽來話言翰墨展暇豫寢食延朝昏時有嘉客至臨深開芳

樽今昔了不異感慨何足論

圓果人所好但熟呼鄰摘溪雲人所忘但延入我室羲皇豈

云遠曠然來枕席臥久不出門蒼苔上雙屐

謝客好山遊縫險復鑿幽賞心各所領何必窮冥搜淵明歸

去來松菊藉一邱泥飲有田父命駕事西嚙一壺且自酌願

影相酢酬應姑自朝暮甯知春與秋

去年苦大旱今歲喜甘霖起視園中蔬欣欣仰天心翠綠紛

新沐好鳥溜清音大阮吹長笛小阮撫鳴琴開觴奉母壽色

養慰悃悃愛子坐席側杯盡代酌斟園丁走相告枇杷燦如

金摘取滿座食飽饒沁虛襟

大風拔枯柳視根蠶已空本無蒼勁節安所保其終巖頭有

老桂鬱鬱榮於冬厥味辛以苦豈不穴其中吾家淮南子流

留小山叢招隱以見志攀援誰則從

境以獨賞遙思以坐凝永流水無繁聲味之如灌頂海上有

老人窮廬戢其影鷗鳥日與羣天機一作相徐自領飽食

了無事華胥入溟泮一枕夢歸來鷗睡猶未醒

晨抱漢陰甕夕隱南郭几為問元卿宅蓬蒿沒展齒往來者

一八編集 十六 金陵叢書

為誰羊求二仲子偶取鳴琴彈為我說元理此調本非高解

者失其旨但願保歲寒相盟此永矢

喜晤陳子璿自江北來

喜極轉無語言之亦復難數年訪蹤跡幾死暫能完幕席吾

家在文章舊冢寒君來呼把臂且幸酒鄉寬

有所見

富人無媚容窮子語多澀相逢道路間惓然與之指在家無

窮思出門意甚急卒卒遇諸塗風馬不相及欲語頃復止欲

行又轉立去去兩無言西風吹歌唱

還元閣吳門未幾是年正月自

千秋獨有鷓鴣賦片碣曾留澗上祠誰復風流能繼此還元

閣上更題詩

王遠元閣三字徐侯齋先生手書有題地也

送善化韓少伯返盱眙舊廬

大江南北繫斜暉柳不榮青草不肥滿眼風塵同一慨可堪

君作異鄉歸

舟行由高郵至鹽城

不知村遠近莫辨路東西野樹帶前隴小橋橫斷溪舟來如

我讓帆轉又他迷相見還相笑通津兩不疑

午晝

游蜂喧午晝香噴豆花田市遠人疑古門間犬亦仙茶煙窗

影活鳥夢柳陰圓飽飯渾無事時吟秋水篇

答周還之見贈原韻

仍庚申鹽城是年

丁巳

編筆

十七

金陵遺書 蔣氏校印

朝菌識晦朔羣蟻爭古今寸縷繫微命抱此無窮心牙琴絃

已絕落落不成音槐郡在人世茲境無淺深

洪崖不我駐浮邱不我留失足落人間汗漫時東遊纍纍比

之狗于于呼爲牛五升命獨酌誰復知馬周

雍門善鼓琴孟嘗神爲移采和歌市中踏踏如兒嬉夢逐南

面樂醒來猶憶之羸蝦日侍側頗亦稱二奇

賈生謫宦後鷗鳥來庭前淵明有好桑種之東海邊黔婁閉

門臥十日廚無煙顧視形與影造物相周旋

囊裏無題作卓然成一家楚南兩生行哀豔靡以加其衷苦

且隱其言屈若哇播諸新樂府甯止令人嗟

我欲采芙蓉駕言江上舟漢濱逢好女解佩與之遊臨風發

高麗其音清且柔十里鸚鵡唱甯知有千秋

織女迴雲車豐隆爲前驅夢中忽阻轍疑非舊鄉閨明識張

敏路奈何輒返途相思不可見長歌呼嗚嗚

太史奏星張分野漣之東遂令淪落客天涯作璇宮列宿二

十八補天甯無功祇疑牛斗際定有龍光從

枚乘奮遊地猶餘桑棗村謝君幼嗣音起春風藹以溫姊老

不多益善大將韓王孫周侯合眾妙雲夢八九吞

江生善用拙禿穎不中書粗疏復不檢應是高陽徒君家

有鳳毛翔耀與眾殊他日倘嗣好當作小友呼

祇我抱孤寂飢餓燒枯腸唧唧鳴秋風蟋蟀亦在堂憶年四

十餘操觚弄詞章行復棄置去弩末甯終強

丁巳

十八

金陵遺書 蔣氏校印

浮居凡八載刀劍盡生毛有如病鳥栖風雨輒啾啾得君瑤

瑤贈狂舞聊自豪因知嗜痂者本不棄芸莩

客臘雪夜江生仲和得探春慢詞三闋寄余賦此答之

蛾眉太古雪吹落塵寰閒一色皓無際孤光清照顏畫川有

詞客高韻寄蕭閒幾輩傷遲暮天涯共歲艱詞情人之作

文

睡說甲寅

人生百年死則息肩勞終日睡則帖然牀與帳相習也衾

與褥相習也睡與身相習也亦猶人之死衣周於身棺周於

衣柩周於棺土周於柩此則大適之境矣相習則相周相周

則相忘忘帳牀之適也忘褥衾之適也忘身睡之適也帳周

於牀牀周於褥褥周於衾然而心苟不能周於身於是睡不能周於心而牀而帳而衾褥皆與我不相習是則生人之昭昭不若死壟之冥冥也夫能知所以生者乃能知所以死能知所以死若乃能知所以睡浸假息我以死者無時吾不知其何以生浸假勞我以生者有盡吾又不知其何以死不亦悲乎終夕睡而勞勞如故也然則如之何而可曰周於利者凶年不能殺周於德者邪世不能亂周於睡者造化不能侵

呂墨翁傳

老友墨翁姓呂名謙藻芬字墨君徽之婺人也道光初移籍江甯住滄洲去余寓數武墨翁天才縱逸工吟咏善書畫家藏晉唐法帖及元明人手跡最多然素有狂癖自次子孟高

丁巳年

一

金陵書畫社印

死癖益甚家人分所有以去獨攜幼子僦屋居窮不支然狂愈益熾翁為人削肩骨立支形瘦鶴好長衫方履袖詩稿滿江窮走或詣老僧終日談遇禮法士則旁睨之不作一言或謬為恭敬恣意頌揚至其人不忍聞掩耳走乃止其為詩宗晚唐初不必有題率然得句妙絕時人畫山水幅縱意塗抹氣餘於紙有似顛草然其佳處置之石澗册中往往亂真書集褚歐蘇蔡之成自為一家老而彌篤余最服膺而當時人不知也嘗畫蘭竹大幅縱橫書所作絕句十餘首自謂為奇筆粘之壁觀玩良久嘆曰恨古人不知有墨恨今人不能知我行且過梅花道人幕下酌酒問平生耳適余至相視大笑其狂趣如此所愛眉紋硯蓋數百年物敬客碑塔銘初揭也

嘗語余此二物他日當殉我葬辛亥八月翁棄世如命嗟乎翁所乏世俗酬對耳雖狂疾發好嬉罵人或其所短乃身受與未嘗身受者皆醜詆之其何故哉翁丰神孤峭才性秀逸今時有幾顧狂而誤用於家庭至妻子不相容亦既窮餓至死矣才人習氣自古而然人唯恨不能狂狂唯恨不能癖耳惜翁早歿所遺未極使天假之年拓其才力此豈可以一世名者哉不幸中道夭最足為翁憾而人顧以狂癖少之也余與翁為忘形交臨卒先一日屬弟五子德煥於余然則翁豈真不近人情者歟

丁巳年

二

金陵書畫社印

財並沒也翟公有言一貧一富乃見交態文中子讚家孝標廣絕交論嘆為知言有旨哉有旨哉跋楊樸庵制藝後丙辰與古人遇不可有我也與今人遇不可無我也人各有我我各有性情性情各有所獨至詩歌也古文辭也制藝也格之異也律之同也昔賢痛世人不肯讀四子書不得已創為制藝後人習為偽體析言破律制藝之罪人也非制藝之罪也設使屈賈生於今之世亦必不廢是顧其性情獨至必不肯苟同一世何則有屈賈之我在也降茲而論有明一代歸震川一人國朝韓慕廬一人而已然亦有震川之我慕廬之我在今人一藝成曰此震川也又一藝成曰此慕廬也即使

震川之面畫墓廬之眉然亦震川之我墓廬之我也我何在也吾友楊子工制藝其沈酣六經外凡夫屈賈莊列司馬韓歐以及佛氏書靡不淹貫故其爲文浩如江河不見涯涘人則駭曰此屈賈也司馬也或又曰此震川也墓廬也譬如書家尺幅之間忽虞忽褚忽顏忽柳而果誰氏之筆耶楊子之文吾固知有楊子之我也五穀一也一人食之而肥一人食之而瘠各我也詩歌也古文詞也制藝也自人名之楊子不知也楊子之性情獨至楊子之我也

程秋農表弟像贊

癸丑八月二十一日
於江甯蘇口

君往者植椒糞壤問稼石田鑿枘相投固知其不能入也若夫死灰冀其復然秋風許其再熱安在管城子終無封侯相

二十八 城筆

一一一

金陵叢書
蔣氏校印

哉而乃羅隱歸來江東依舊鍾傅槌胸李郎嘔血文章憎命不其然乎夫人生幾許寒暑即使吳質錫愁崔駟能樂要難與喬松齊年況際以倥傯紛紜一身集蓼絮則沾泥英已落溷悲憤填膺唯呼荷荷夫焉有題鳩先鳴而百草能芳者乎君嘗謂術家言歲行在丑當交泰運旨哉言乎生之否而死則泰矣嗚乎

跋汪燕山畫美人

此吾鄉汪子燕山筆也此乃是畫美人此乃不是畫美人是寫古梅是寫孤桐夫畫美人如寫古梅孤桐其亦風骨之最高神韻之至淡者矣世間所畫蕩婦耳非美人也美人最高又至淡者也燕山知之

書錢君齊君贈硯歌後

錢君多士舊有大端硯丙辰冬十月爲好事者竊去其友齊君玉籍檢家藏龍尾硯補之錢君不受於是有贈硯還硯歌之戴子行之爲勸之硯背蟻餘子曰嗚呼吾乃今於兩君得古君子焉齊君以爲向者我有硯若亦有硯今我國有硯也奈何令若獨失硯錢君以爲向者若有硯我亦有硯今我國無硯也奈何令若并失硯推贈者意志營四海但聞人間有缺陷事即俄然如失左右手此賢宰相之用心也況吾友身受之乎推還者意得失澗然視成與虧如昭文鼓琴此又達人之用心也況奪吾友之好以望我願乎在齊君自當贈硯在錢君自當還硯皆古君子也戴子年少能識兩君意勸之

二十七 城筆

一一二

金陵叢書
蔣氏校印

石以誌永好亦古君子也詩曰中心藏之何日忘之循是道也貨惡其棄於地而不必藏于己雖外戶不閉可也

牡丹無子說

或曰牡丹無子何也余曰華之極鮮實也實者何仁也故果實之中曰仁此天地之心也物得天地之心而實以成人得天地之心而胎以凝易曰天地絪縕萬物化醇男女構精萬物化生仁之至也故物之戕賊者不實不實惡乎物人之戕賊者不仁不仁惡乎人牡丹誇多門靡逞一時之豔極盛難繼其仁亡也非天地之心也惡乎結子濂溪先生不取也

雜說 戊午

莊子云聞以有翼飛者矣未聞以無翼飛者也聞以有知知

者矣未聞以無知知者也詩曰婉兮孌兮總角非兮未幾見
兮突而弁兮說者謂始而婉孌既而總角又既而弁也今夫
高至天止矣蜻語人曰我能飛行而躋也遠至海止矣鯨語
人曰我能朝發而夕竟也大至六合止矣聖人存而不論論
而不議愚夫婦曰我能論其所不知議其所不能是猶瘖者
以善謳鳴聞者以多男徵謂非怪乎荀子曰蠃無瓜牙之利
筋骨之強上食埃土下飲黃泉用心一也螻八跪而二螯非
地螻之穴無所寄託者用心躁也夫柳負尋丈之姿風而爲
絮水而爲萍終亦浮蕩此其實之躁者也峨眉之松寸許置
之行筥經萬餘里暴烈日中沃以匙水青青如故心一故也
用心一者螟蛉七日而類我用心躁者牛哀一旦而化虎是

丁八

一

金

則夸父逐日志非不猛然而不免於道渴邯鄲學步習非不
善然而盡失其故步嗟乎朝而攻木謂公輸我暮而攻金謂
歐冶我卒之輪輿耶無此人之蹟龜巢邪絕其人之蹤飄忽
跳盪迄無成就夫謂天下無一難爲者是其於天下事無一
能爲者也孔子曰吾何執執御乎執射乎吾執御矣爲謝黨
人敢告不敏學者其知所返矣

讀史記列傳

樗里子

史稱樗里滑稽多智謂曰智囊嗟乎滑稽乃所以多智歟申
韓執行智非不足而一切深刻廉隋不可近與夫明哲保身
異矣淳于君貴爲贅婿名顯諸侯東方先生主文騷諫一龍

一蛇人第目爲滑稽耳而豈知智實有餘莊子曰時其饑飽
達其怒心樗里其亦得養虎之術歟

蔡澤

莊子云仁義先王之選廬止可以一宿而不可以久處觀而
多責功名爵位豈第選廬哉壽命電火也爵祿沸鼎也自觀
爲多責有已時乎蔡澤爲一時辨士於人世不能不一宿然
智勇絕人豈肯受人多責者神鶴下飲淵泉一舉千里其視
范雎輩藩閭斥晏耳

呂不韋

不韋懼太后縱淫禍及己早辭相位就食私邑絕賓客杜門
不出庶幾免乎非也夫有所鑒而退之懼者必不有所陷而

一

一

一

進之螫也跡其深謀遠慮苟如所算誠數世利迨至日暮陰
德嫫毒此狗彘不爲而忙然自以爲無患語曰人有陰謀道
家所忌如不韋者蓋天久奪其魄矣

刺客

魯句踐惜荆軻劍術疏豈第軻哉彼四子者莫不疏也曹沫
劫齊桓反所侵地莽專諸許人以弑君狼狽讓爲智伯報仇
拙聶政以睚眦賊人君相亂獨漸離一擊雖不中然與博浪
椎千古矣

張耳陳餘

鉅鹿之戰非項羽神勇誰能破者雖以張耳之子敖擁兵萬
餘亦壁旁未敢進何責餘之深且敖甯不以當時強弱與耳

言也而餘以少年使氣耳即乘隙抵之信都之襲勢所必然
夫人相好則情多恕詞相尤則影亦生惡卒至斬首過水耳
如長者當不若是也

張丞相

或曰周易何如人也曰木趙堯夫何如人也曰給申屠嘉何
如人也曰慙至於張蒼非無才技觀其不負王陵殆亦一時
長者而史公獨以肥白如瓠美之更以身之長短爲封侯失
侯之驗去蔡澤曷鼻范雎舉代王商重威單于却走晏嬰五
尺爲齊名相曹交九尺唯知食粟人之容貌詎有定哉史公
若曰漢家置相取材蓋如是而已

傅靳肅成

丁八

二十五

金氏校印

寬欵從征伐屢有功而周繆戰無可紀均封侯大率皆恭謹
無奇材異能以親信越鸞鳩笑之然身處猜忌之世無奇所
以爲材無異所以爲能芻狗當其祠祭貴如著蔡及其已祭
踐踏之而已矣昔者鄧析鑄刑書而駟獸象而誅之智伯灌
晉陽而韓魏肘而殺之何則雋才之爲害也三子沒一諛景
一諛肅一諛貞知所以保身矣

龜錯

削地之說始於賈生發自袁盎而敗於龜錯然則錯冤乎曰
否錯習於申韓其行事務爲刻深怨之者眾矣今夫布製而
爲衣愛之靡至造而爲侯則射者靡不欲穿焉故曰樹桃李
者秋得其實樹蒺藜者秋得其刺龜錯樹怨故亦得怨語曰

泉鳴死人聲使然也

馮唐

漢文賢主學宗黃老不欲爲赫赫之功者也世惜賈誼馮唐
不遇帝於賈生未嘗不折服第其與難行意蓋有待耳一聆
廉頗李牧輒神往其人察魏尚之功即復以爲雲中守唐言
何嘗不用拜唐爲車騎都尉唐何嘗不遇夫蟋蟀俟秋而始
唳好鳥當春而得友苟其一言悟主如響斯應其爲遇也大
矣豈必侈言高爵厚祿哉

田叔田仁

田叔髡鉗隨趙王至長安當時稱爲長者及卒於魯相魯以
百金祠其子仁不受曰不以百金傷先人名亦節士也而叔

丁八

二十六

金氏校印

以緩梁獄景帝賢之仁以縱太子武帝族之夫全人骨肉而
自不能保其骨肉是何天道歟居常讀李泌傳至德宗易太
子事未嘗不掩卷而流涕田叔傳至司直下吏事又未嘗不
廢書而嘆也尋其始末毋亦刺三河時有所誣汗以死者歟
不然誅竟矣胡又族也

吳王濞

高帝既封濞相之謂有反狀悔之是時年二十以氣力聞復
資以山海之富蓋自今漢之猜吳聞聲而驚見影而惡矣吳
之觀漢如蟻趨羶如蝮螫手矣夫鷓目虎吻能食人亦當爲
人食相召之也語云察見淵中魚不祥抑門上有莠常獨祥
乎故術家每言古者貴人少福人多今者貴人多福人少

李將軍

大將軍之當單于天也李將軍之不當單于亦天也上知其數奇而陰誡大將軍天也李將軍不自知數奇而憤死亦天也大將軍之天人之天也李將軍之天天之天也人之天者天與人亡天之天者人與天存

大宛

世言張騫莫不神往矣然吾以為有大罪二應使月氏幕逢君之惡旁攬他郡歸報天子則長君之惡也今語人曰爾為我竊其人曰何不遂為劫於是并其家取之乃左右數十百家亦并攘之且夫牽牛以蹊人之田而奪之牛為詞已重若夫未嘗蹊人而罪牽牛者而奪之牛議者又曰何不并其人

丁八

二十七

蘇氏校印

殺之有是理乎騫之長惡何必異是至其使十三年得歸中國幸也不然去時百餘人胡為歸者僅兩人哉

滑稽

或曰東方先生褚少孫列入滑稽是乎余應之曰夫東方先生可以滑稽而不可以滑稽者也彼何嘗自謂滑稽哉其言曰上觀許由下察接輿策同范蠡忠合子胥是則東方先生也人何知哉然而東方先生辭滑稽而又不忍也詩曰既明且哲以保其身當武帝猜疑之世士大夫有不能保其身者矣即欲不滑稽得乎左右諸郎呼為狂人人主曰令朔在事無為是行倘有知東方先生者又曰今願東方朔多善言怪之夫東方先生何言之非善也人主倘未之知耶竊嘗讀其

誠子詩曰聖人之道一龍一蛇嗚乎自命之矣

日者

日者傳非史公筆亦非褚少孫作天新雨道少人六字是先秦諸子精語亦造語也余最愛之當市廛之少靜值洗沐之餘閒訪卜肆之高蹤領老氏之渺論斯何境哉塊然見天地最初氣象熱中人一頓清涼散也況二子有道之士乎乃卒不知所返此其所以身無所處歟

飯牛說已未

五月六日嘗飲於鹽城曹氏酒酣客有云昔有雇工飼牛者屬好為之其人曰吾待如父足矣雇者大怒曰是死吾牛也罷之其人再四請要之曰須待如子蓋今日多孝父而無孝

丁八

二十八

蘇氏校印

子也座客聞之闕然余正告之曰此飯牛者之言仁之至義之盡也今有人至竹逆撻其父餓之幾斃不孝蔑加矣然設有責以不孝者其人必大恚何則不孝醜名也夫知不孝為醜名則知孝為懿德矣今有娼女至賤至汗設而叱之曰爾娼者報然強者必怒罵夫其報且罵者猶知有羞恥事也昔者王陽明先生講良知學一日遇盜執謂曰若吾輩良知何在先生令脫衣至禪不肯先生曰此即良知也盜慙謝而去是知不良之行雖若輩亦惡之也然則飯牛者待之如父此亦推之至極矣詩曰欲報之德昊天罔極意謂人待父未有不忠且敬者今且怒叱之謂牛非父比則試轉語之曰爾待父如牛孝乎而其人又必大怒曰父何可牛比於人之不

丁巳
續集

三十三

金
氏
校
印

題畫

餐風宿露飽煙霞水作村莊艇作家手自把竿魚自過一溪

間煞夕陽斜

示兒子敏泉

少年苦放類今則老至矣奄忽五十年流離成賤鄙上負慈父恩下負承祧子有書不能讀有兒不能使我父當其在督責不知恥既老悔之遲假使失所恃我今為爾父先約與爾矢倘爾復生兒讀書其事始慎勿蹈我轍不能教誨爾

我餘人之餘鮮用有深致人急我之急膜視豈天意我父非

一七 蟻附

金陵叢書
丁集之七
卷之七
附錄

有餘急人轉備至憶昔值歲稔菜色逼老稚施之未能周置之未忍棄思權宜方糴糶參相遺論價與市同加量與市異聞某婚未完聞某喪未瘞譬如未了債談言心若悻委折以求全畢事乃安睡我行愧未能陳述為汝識

人生最苦事第一唯負債有無與共之何分疆與界無一作有

始則骨肉親終焉鬻尾齒我父重古誼揮金如糞種積券計

萬餘堆紙塵均敗我母笑擲之意獨窺其大謂此何堵物轉

貽子孫害不如盡焚之一炬大稱快紙灰化祥雲高峯成佳

話汝其詳誌之傳家唯此賴

我佛本無家衣鉢述其祖果藤本無兒螟蛉為之乳自非一

族親暇以通世譜況茲骨月真脈命繩宗武我宗嘆式微一
縷迭為主我弟早弱喪遺息祇一女歲時祭掃人嗣後唯去
汝我母猶未葬塋側厝抔土始誤術家言繼誤久竄處迄今
三年來未能奠酒肺安知隴壙頽而不穴狐鼠安知宿柩傾
而不暴風雨天良苟未亡此念何堪撫我則不孝矣我言汝
記取新喪勿久延舊隴時葺補勿惑陰陽家風水徒自苦勿
為異物笑尙其幹父盤

外姓重門楣俗言女山好我家門楣衰代次皆潦倒或則絕
無男或則窮至老或則失所天或則奇疾抱此所謂窮民呼
天無可禱途路值罷癡悶念心如擗矧是骨肉親酸楚迴腸
繞我姑我祖姑懋不遺老小粟粟腹孤墳歲時代祭掃我姊

一八 蟻附

金陵叢書
丁集之七
卷之七
附錄

罹城中生死未可保三妹賤窮鄉仰食鄰無棗仲姊及季妹
蹇折早枯夭我女有四人頗復益煩惱大女苦長貧次女幾
餓孛三女眼前計衣食粗溫飽四女始垂髫癡頑事未曉孤
女吾弟遺願之百慮攪生境太零丁他年此其兆我今老將
至灰死木則稿常恐年歲迫語汝悔不早人生真實學倫常
為至寶生當相與歡休戚同壽考死當相與恤拜祀薦辛蓼
交遊契生死最始慎所因所因苟不慎終必僂其身譬如紈
素質偶為塵縹溼百濯不返故隣復味其新又如落溷英一
屈不復伸生質非不美所託非所琛與拙毋或巧與疏毋或
親諫果佚其澀甘醴懼其醜俯仰雖瑣節笑嘖得其真研性
以玩世百不失一人汝涉世事淺未暇知苦辛善守卜氏訓

四際天無雲高風一雁過有客登華巖讀詩驚帝座寥寥千
餘年此曲無人和臨風一醉之醉和松陰臥

秋霽

積雨霽層陰澄霽開清景明霜空水鮮島月寥天迴羣鳥發
爽籟眾木散疏影秀色從西來一一奇峯挺

新月

朕兆曖未形一縷晴絲溢有如味爽時澈明展林隔婦娥新
睡起星眸尙羞澀祇此纖纖影秋心已深入

微雪

裝點舊山家尺幅新圖就與冬覺添肥視春仍較瘦遠嶺樹
微明近波風不皺遙見疏林外隱有斜陽漏

斷雲

眾雲歸去盡茲何獨依依半猶含宿雨餘復戀斜暉遲遲若
有悟此意知者稀目送飛鴻去五絃手自揮

疏雨

若斷還若續疑有又疑無畫意所不到詩情欲與俱有時警
斷雁一半在高梧從來守寂寞旅跡不嫌孤

遠山

彈琴終日坐阮公神自怡把菊東籬下陶公無近思浮岑夕
陽外淡折彌多姿悟知曉醉境得遠乃爲夷

隋壁

飛鳥不敢上層雲猶半栖不知去天極道路容考稽定有飛

仙人往來相戲嬉我欲攀從之恨無青雲梯

疏林

好樹不在多參差以見異當春猶不密況乃秋光際紅葉非
不鮮白雪非不媚茅屋三兩間愜然有遠致

迴溪

曲曲一溪水落落數家村沿隄種榆柳左右交映翻菱苻收
秋畝鵝鴨長子孫疑是舊青溪來叩故人門

小橋

一洞梨花迷數尺柳陰擗板仄蹇行怯屐響魚遊墜最好夕
陽時樵子相語坐遙遙野叟來枝頭一瓶荷

小舟

一葉輕于鷗往來無定所或繫柳陰下或宿葦花渚矮篷覆
釜然炊煙辨細語獨釣風雪中簑笠畫漁父

茅屋

覩瓦爲最樸比竹爲較省夏無炎暑侵冬無風雪逞讀書忘
夜寒曝背欣日永入市人歸來先生睡未醒

小亭

其上陵絕壁其下俯迴溪嵌空斜月入谿遠長風來紅蓮鏡
中豔垂楊檻外低座懸孟公像思與古人齊

短籬

隙地本無多隔籬徑便曲有如九轉溪迴環玩不足小雨著
路花狂雪壓叢竹時聞犬吠聲有客來空谷

迴欄

五步作一縱十步作一橫疊成十二曲卍字交相縈有時卷
簾坐斜月衣上空庭絕無人何來離別情

簾

斗室深若重小院幽多致午夜書燈涼晴日爐煙膩游蜂隔
聲喧落花撲影墜語童莫謾垂視燕歸來未

野店

村居數十家去市二三里野店坐松棚所需都備此松火煮
山茶盆花供短几夕陽早閉門燈下酌春蟻

僧寺

合沓數重山落葉下巖側遙聞踏屐來老僧杖孤策一磬出

一七 續附

金樓叢書
蔣氏校印

寒林知有梵王宅是真幽栖者人境何由得

老漁

江湖不知闊風浪不知險得魚換酒來高唱入西庵明月載
滿船蘆花鋪作簾了無王官稅此樂殊不忝

老樵

層巒極幽際大壑窮深林朝隨麋鹿跡暮與猿鶴羣棋散人
已去斧音何處尋夕陽半山下聞歌轉前岑

村叟

村農不知書老去有書味所談少年時事事皆古誼維時非
貌皇何以如隔世不知後之人視今可少異

老僧

山僧不世情意往出人表坐參不語禪臘食粗飯好問杖撥

溪雲兩鬢如霜皓自昔手種松今已比僧老

小娃

嬉戲解親人哢笑唯依母忽憶前生事夢中笑開口莊列猶
爲造金張復何有緊惟垂老人返真與爲友

小婢

嬌媚小女兒聰明絕可喜有如鶯燕儻柔情多處施解事能
先人知心還默爾咄咄老腐儒忍使泥中跪

樹聲

莽如海塘湖萬馬齊奔赴多恐茅屋小被湖吞之去披衣出
戶視皓月天如曙老松獨吟哦岸然白石據

一七 續附

金樓叢書
蔣氏校印

泉聲

人世幾浮沈茲流聲不斷天雨半空聞渺如瀉銀漢飛鳥不
敢宿明月來琴案洗耳得清聽若將凡骨換

鐘聲

何處聲飛來寒煙依半林真響發幽際萬籟爲之瘖人心本
自空聞聲意與沈古佛坐相對此山深復深

誦經聲

萬竹隱層樓松陰踏滿地入院不見人階下雙鶴睡時聞誦
經聲天風吹花墜愧我鈍根深不如頑石慧

遠笛聲

明月照蘆花扁舟泊前渡嫋嫋笛聲來秋水空延佇行雲若

潛停清風爲緩度回頭視楊柳落葉飛滿路

鐵馬聲

疏燈照無眠斜月入牖戶空庭似水清簫聲獨自語春風韻
多柔秋雨音多苦物本不解愁愁人願嗔汝

吳歛聲

勝聲雜歌聲聲聲和煙裏一字百轉柔欲轉仍復嬌吳娘好
腰支歌隨勝聲輝客子黯銷魂魂逐歌聲墮

筍

繞林聞折聲香風滿路溢班班如小兒一一皆秀茁山廚從
此忙飽啖無虛日千畝撐胸中老饕未酬一

阿蘭

丁巳歲附

十三

金陵書齋
馬氏校印

荒店三五家老僧睡午睡盤大小器瓶價值餅金貴天風吹
一山數畝雨煙外莫謂老僧慳造物亦珍異

菰

炎風吹大暑兩岸鳴蕭蕭雷雨半空來清涼爲之招夕陽未
西墜村兒濕短橈采采備山酌可以祛煩囂

晚菘

朱門酒肉多浪作菜把擲有時菜把尊朱門色盡墨晚菘飽
經霜清容照綺席俯視大官羊癡肥真笨伯

瓢兒菜

金陵帝王州奇珍天爲備萬蔬不敢名大美鍾茲菜寒燈照
雪窗紅煙短几置飽啖酣醉眠故鄉此樂最

古松

蒼煙鬱層崖有龍深谷據常恐風雨中挾之飛空去昨夜老
史來頗疑是此樹所談秦皇事史官多未注

古柏

古殿肅陰陰寒色森千尺野鳥樹間坐見月笑啞啞夜半風
怒號空林墮月黑推窗向空望老蛟臥白石

桐

孤桐出崖側竚幹高無枝繁音啄風雨怒爪擊雲霓本不豔
世賞何傷知音稀明月自良夜琴聲來澗西

柳

打疊送春愁問訊隄邊柳前日約春來依依似未久情絲如
許長銷魂在渡口真箇是銷魂縮得春回否

丁巳歲附

十四

金陵書齋
馬氏校印

冬樹

親近轉疑遠親有轉若無冬林有佳樹妙境在於疏繁華都
刊盡生意含清虛有時著微雪花開數點如

紅葉

造物種花叟渲染如畫工秋老更無花葉乃與花同林前誤
遇客江上驚來鴻絢爛此已極夕陽不可紅

老梅

臥地怪石蹲撐空瘦鶴峙老樹著疏花橫斜都有致香雪水
邊村寒磬煙中寺道旁讀斷碑唐時年月誌

蘭

空如不媚人見老自爲媚最好午窗晴煮茗疏籬外展讀右
軍書閒臨百餘字微風妙香來神若與之會

惠

見蘭致吾敬見蕙致吾愛琪花天上來珊珊玉骨異衣冠不
須整領契形骸外在晉中散流在唐房瑄輩

朱藤

遊蜂喧午架花氣濃如醴層陰覆四市唾綠化爲雲鋪席飲
花下飛英落芳樽舉酒和花食可以醉吟魂

荷

皎皎豔明霞盈盈媚曉露豐約有餘妍增減不容數望之若
來前就之輒引去自非抱仙骨曷與共朝暮

丁巳

十五

金
蔣氏校印

秋海棠

楚楚可人憐生小抱秋質若非倩女魂定是書仙匹問爾何
所思問爾何所憶隋影立閒階含情唯脈脈

菜花

動搖倚春風晴日薰前隴燕子有時來蝶飛亦總總蕭散野
人姿甯肯矜時寵猶憶北邙山年年傍荒冢

野花

野花非無名不如無名好空山自春秋榮落何遲早雖無絕
代容饒復有文藻生性合煙霞不妨呼小草

落花

花開莫浪喜花落勿空惱開已到十分焉能常美好亦復有

前因風花弄智巧顛倒一世人茵溷隨所兆

新竹

山廚筍事歇林沼出新篔簹露萬珠勻午風一身楠宗之美
少年任郎影亦好癡心祝娟娟常此不須老

蕉

畫閣畫情惜掩映朱闌繞一鶴唳苔階童僕閒闌草綠窗坐
有人粗服姿亦好金爐焚瓣香垂簾讀莊老

古藤

大風號蒼野潛雷响深淵老蛟穿壁去直竄古松顛上攀入
雲際下緹百丈泉不知何年月攫攫不敢攀

薔花

斷柳臥前溪乳鴨浮三五紅蕖幾株花照影疏可數溪翠二
尺餘園蓋高丈許同是可憐紅秋光偏向汝

荻花

一路盪輕舟瑟瑟如人語颯然風吹來兩岸喧秋雨移舟向
前汀雪花飛滿渚夜半推窗看孤篷壓尺許

苔

簾幙雨潺潺深院濃陰閱經旬無人來青青上廳事蠅篆幾
行斜落花數點綴短句劍南詩小品徐熙畫

鶴

鶴性自清高不是人間客衝筵自荒淫鶴豈能亡國強之乘
高軒寵以萬鍾食銖衣臥棹莽夫豈情所適

丁巳

十六

金
蔣氏校印

鷺

徐行淺水灘限立蘆花側但學信天翁雖飢不苟食有時衝
煙起矯入雲天極皎日澈蒼冥渺然點孤白

燕

何事訴春愁喃喃說不已何事罵春風呢呢如婢子昨日曠
琴書被汝汚泥滓我欲逐之去相憐意中悔

遊魚

淘米大河邊小魚每鬻至見人不解藏掬之知與戲旋去又
旋來出出無猜智此樂讓者誰濠梁莊與惠

蝶

造物本兒戲天公甯認真維茲栩栩者日與造化鄰萬花以

丁巳

續附

十七

金陵叢書
蔣氏校印

爲宮滿宮都是春遊戲在人世夢覺兩無因

蟬

清節不同塵高風能絕影都緣遺蛻後方得造新境噪樹
非誼孤吟夏亦冷午睡卻醒來迢迢清畫永

蠶

憶昔石城遊秋思在驢背古巡帶斜陽滿路蛩聲碎今夕秋
亦佳蛩聲在旅次冷月上閭階照人清不寐

丙寅四月老友王蔚文自金陵來館於陳致中行寓八月汪
弼卿至自鹽城致中弟子彭余舊弟子也於中秋之明日

邀吳問石俞行五暨余同飲四更始返

丙寅

更番靈鶴噪簷頭喚起豪情逐唱酬天外故人千里至他鄉

好月十分秋並皆老大難爲客第一團樂是此遊太史也應
簪筆奏德星今夜聚揚州

單默庵贊府之任杭州

凌雲才調鳳鸞姿選地杭州作吏宜三世冰清官似寄半生
經訓母爲師廳前合署藍田記湖上尋廣白傅詩好佐琴堂

添韻事六橋花柳復當時

題畫

三五茅茨整復斜更無佳宅向人誇垂楊一樹朱闌繞隔斷
前溪是那家

夢中詩

芭蕉葉大柳絲長紅藥含胎蕙孕芳滿地綠陰門畫掩一雙

輕燕話離梁

麗春花

旅次春無賴看花易愴神不堪殘客見况是故園春
麗質偏粗服浮根已夙塵曷勝今昔感猶自豔芳辰

答王匏全

丙寅歲之春二月中澣日是日苦沈霖接君書一帙盥手讀
瑤篇情深語自質報言故人子得附青衿末兩聲驟加歡祥

光滿虛室念茲十餘載鄙願纔隨一憶昔遭亂離爲德慙不
本得君終成之感激銘次骨地下若有知其報當銜結

傳聞我南旋是謀甯不臧豈知客次久夢亦迷故鄉今年命
兒子掃墓北邙岡邱壙幸無恙松楸無寸長訪問親與故老

丁巳

續附

十八

金陵叢書
蔣氏校印

幼多死亡存者如某某仰屋空徬徨且從就粟策忍心滯他
方河水豈日廣一葦未可杭

天涯比鄰若斯言我獨疑壯語強自解無乃悲愈滋白頭乘
燭遊已是夕陽時况復千里隔會晤不知期憶昔看榮花買
醉江之涓維時學操觚我與黃問芝問芝今且逝宿草見離
離願親我與汝健者知爲誰長房不世出縮地無由茲還信
比鄰說歡笑寄君詩

答俞藝林

白頭阿兄來迎之數千里八十老班超生入玉關裏養兄如
嬰兒周視意獨美飢飽時問訊寒煖必躬理同遊里巷間歸
然黃與綺豈意玉樓成徵召到老齒相聚日雖淺君情自深

丁巳歲附

十九

金陵叢書
蕭氏校印

爾體慰老人意舉頭見孫子含笑赴玉京存歿無憾矣至誠
感天心萬世仰風軌

來書述人言謂我貌加腴有如麒麟援了無真氣扶猶憶
洲集歡飲達旦呼君兄我則弟妻孥不避趨肝膽不輕示探
手爲君輸一自桑海變我心久已枯祇此遠人念未能忘斯
須每與蘊山話得仿君之模我欲鑄君像置之書座隅日祝
以良醞朝夕得清娛不知千里外吟魂解醉無
冬夜檢書得舊詩稿選錄之

清夜人無寐寒簷月漸西凍凝燈燄小寒壓柝聲低撰栗煨
餘火翻書檢舊題數篇鈔未了鄰舍已雞啼

野步

行然暮色赴平原幾處炊煙起夕曛帶隴行人紛若蟻識途
歸馬擁如雲投竿菱浦兒爭釣倚杖柴門叟罷耘問訊鄰家
呼飯熟安排野苋與香芹

題俞藝林挑燈看劍圖

長櫂森森蒼鷗叫野火燐燐山鬼笑白日沈霾慘無光怒虹
飛空長劍嘯烈士衝冠髮指天仗劍憤帥萬夫前一夫回顧
立斬首萬夫奔前如吼泉一戰再戰賊心恨三戰四戰賊氣
頓人聲風聲并槍聲我死數百賊死萬朱序之贊李弼刀此
時生死鴻一毛丈夫爲國誓殺賊怨且不辭焉辭勞下書家
乘上國史烈性是真奇男子直將掬土塞狂河一劍之功願
如此掀髯大笑呼吾徒爲寫挑燈看劍圖燈花四照劍光躍

丁巳歲附

二十

金陵叢書
蕭氏校印

疑有老龍吟坐隅